作語





北京大學《儒藏》編纂與研究中心

圖書在版編目 (CIP) 數據

儒藏. 精華編. 二〇四/北京大學《儒藏》編纂與研究中心編. 一北京:北京大學出版社,2012.12

ISBN 978-7-301-11922-8

I. ①儒… Ⅱ. ①北… Ⅲ. ①儒家 Ⅳ. ①B222

中國版本圖書館 CIP 數據核字 (2012) 第 307124 號

書 名: 儒藏 (精華編二○四)

著作責任者:北京大學《儒藏》編纂與研究中心 編

責任編輯: 童 祁

標 準 書 號: ISBN 978-7-301-11922-8/B • 0608

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博: @北京大學出版社

電子信箱: zpup@pup. pku. edu. cn

電 話: 郵購部 62752015 發行部 62750672 編輯部 62765691

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 46 印張 401 千字 2012 年 12 月第 1 版 2012 年 12 月第 1 次印刷

定 價: 500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話:010-62752024 電子信箱:fd@pup. pku. edu. cn

《儒藏》精華編第二〇四册

首席總編纂 季羡林

項目首席專家 湯一介

龐 樸

總

編

纂

湯一介

本

册

主

編

陳俊民

孫欽善

安平秋

(按年齡排序)

《儒藏》精華編凡例

人原則 》爲儒 中 的 家經典 典 國 籍的叢 [傳統文化以儒家思想爲中心。 和反映儒家思 編。 收書 時限自先秦至清代 想、體現儒家經世 《儒 做

《儒藏》中的精要書籍。 二、《儒藏》精華編爲《儒藏》的一部分,選收

結束。

整。 日 原件以古文字書寫者一律收其釋文文本。 存目録,並注明互見。 出 綜録》和《中國古籍善本書目》,於個別 四部分類法分類,大類、小 本、越南儒學者用漢文寫作的 土文獻。 凡單書已收 三、《儒藏》精華編所收書籍,包括傳世 傳世文獻按《四庫全書總目》經史子集 入入選的 出土文獻單列 個人叢書或全集者,僅 類基本參照《中 儒學著作,編爲海 爲 處略 個部類 或 文 韓 作調 獻 國 書 和

外文獻部類。

選編,不改編,保持原書的完整性和獨立性。四、所收書籍的篇目卷次,一仍底本原貌,不

五、對入選書籍進行簡要校勘。

以對校爲主,

誤爲主,酌校異同。校記力求規範、精煉。勘價值的版本爲校本。出校堅持少而精,以校正確定内容完足、精確率高的版本爲底本,精選有校

上、対交長的富貴,艮據女子内学,適當別分(《》)外,其他一律省略。例,進行規範化標點。 專名號除書名號用角號

六、根據現行標點符號用法,結合古籍標點通

短文一般不分段。段落。正文原已分段者,不作改動。千字以内的段落。正文原已分段者,不作改動。千字以内的七、對較長的篇章,根據文字内容,適當劃分

蹟按出現順序前詳後略。稱)及其他有關情況。重複出現的作者,其生平事以及整理時所確定的底本、校本(舉全稱後括注簡介紹作者生平、該書成書背景、主要内容及影響,介、各書卷端由整理者撰寫《校點說明》,簡要

單行。 九、本書用繁體漢字豎排,小注一律排

爲

集

部

《儒藏》精華編第二〇四册

范仲淹集

[北宋] 范仲淹

撰

王 菏 來 淹

校點

目 録	清風謡 二	上漢謡 一一	明月謡 一一	贈張先生 一〇	寄題孫氏碧鮮亭 一〇	四民詩 八	謝黄總太博見示文集 八	古詩 八	靈烏賦 六	秋香亭賦 六	明堂賦 一	古鼠 一	范文正公集卷第一	· · · · · · · · · · · · · · · · · · ·	Z-C-C-C-C-C-C-C-C-C-C-C-C-C-C-C-C-C-C-C		目録	Į	
	留題常熟頂山僧居	天平山白雲泉 二三	和葛閎寺丞接花歌 二二	和章岷從事鬭茶歌 二一	酬葉道卿學士見寄 二〇	和僧長吉湖居五題	聽真上人琴歌 一九	和人遊嵩山十二題 一七	古詩 一七	范文正公集卷第二 一七	贈都下隱者	歲寒堂三題 一四	贈棋者 一四	贈樊秀才 一三	古鑑 一三	馴鷗詠	鳴琴 一三	上都行送張伯玉 一二	書海陵滕從事文會堂 一二

鵰鶚在秋天 三八	依韻答提刑張太博嘗新醖 三〇
寄秦州幕明化基寺丞 三八	依韻答賈黯監丞賀雪 三〇
西溪見牡丹 三八	依韻和襄陽王源叔龍圖見寄 二九
堯廟 三七	送鄖鄉尉黄通 二九
送江南運使張傅度支 三七	依韻和安陸孫司諫見寄 二九
寄餘杭全安石段少連二從事 三七	祠風師酬提刑趙學士見貽 二八
過太清宮 三七	覽秀亭詩 二八
和黄總太博上知郡杜少卿 三六	中元夜百花洲作 二七
河朔吟 三六	訪陝郊魏踈處士 二七
次韻和劉夔判官對雪 三六	晉祠泉 二七
詠史五首 三五	絳州園池 二六
睢陽學舍書懷 三五	和楊畋孤琴詠 二六
律詩 三五	送劉牧推官之兖州 二六
范文正公集卷第三 三五	滕子京魏介之二同年相訪丹陽郡 二五
送謝景初廷評宰餘姚 三四	廬山瀑布 二五
閲古堂詩 三三	和謝希深學士見寄 二五
依韻和提刑太博嘉雪 三二	鄱陽酬泉州曹使君見寄 二四
送河東提刑張太博 三一	送蔡挺代父之蜀 二四
寄題峴山羊公祠堂 三一	江上漁者
	〒 1 1 1 1 1 1 1 1 1

目

和沈書記同訪林處士 四三	贈餘杭唐異處士 四三	酬滕子京同年	寄贈林逋處士 四二	歐伯起相訪 四二	得李四宗易書 四二	西溪書事 四二	書事呈韓布殿丞 四一	雜詠四首 四一	野色 四〇	送識上人遊金山寺 四〇	和韓布殿丞三首 四〇	寄歐静秀才 四○	舟中 三九	射陽湖 三九	青郊 三九	歸雁 三九	鸚鵡 三九	觀獵 三八
送石曼卿四八	依韻酬毋湜推官 四七	寄林處士 四七	憶杭州西湖 四七	送刁紡户掾太常下第 四七	送何白節推宰晉原二首 四六	寄題許州錢相公信美亭 四六	送真元二上人歸吴中 四六	試筆 四六	送常熟錢尉四五	送鄞江寶尉 四五	送丁司理赴明州 四五	送邢昂處士南遊 四五	送李紘殿院赴闕二首 四五	越上聞子規 四四	寄西湖林處士 四四	與人約訪林處士阻雨因寄 四四	題翠峰院 四四	諸暨道中作 四四

南康軍江中落星寺 五五	留題方干處土舊居 五四	桐廬郡齋書事 五四	依韻答胡侍郎見寄 五四	依韻酬周騤太博同年 五四	留題江秀才舊居 五三	齊中偶書 五三	和章岷推官同登承天寺竹閣 五三	江干閑望 五三	遊烏龍山寺 五三	新定感興五首 五二	蕭灑桐廬郡十絶 五一	出守桐廬道中十絶 四九	送韓瀆殿院出守岳陽 四九	赴桐廬郡淮上遇風三首 四九	謫守睦州作 四八	送吴安道學士知崇州 四八	八月十四夜月 四八	送河涉秀才 四八	范仲淹集
郡齊即事 六二	昇上人碧雲軒 六二	芝山寺	送向綜國博通判桂州 六一	江城對月 六一	西湖筵上贈胡侍郎 六一	過餘杭白塔寺 六一	應制賞花釣魚	依韻酬吴春卿二首 六〇	依韻酬吴安道學士見寄 六〇	依韻酬府判龐醇之見寄 五九	送僧文光 五九	陳質殿丞挽歌詞 五九	又用前韻謝晏尚書以近著示及 五九	依韻奉酬晏尚書見寄 五八	蘇州十詠 五六	依韻酬章推官見贈 五六	律詩 五六	范文正公集卷第四 五六	Д

目

依韻答王源叔憶百花洲見寄 七一	與張燾太博行忻代間因話江山作 六六
又和賞梅 七一	和延安龐龍圖寄岳陽滕同年 六六
依韻和提刑張太博寄梅 七一	依韻和延安龐龍圖柳湖 六六
紀送太傅相公歸闕 七一	城大順回道中作 六五
即席呈太傅相公 七〇	依韻答梁堅運判見寄 六五
和太傅鄧公歸遊武當見寄 七〇	贈葉少卿 六五
和提刑趙學士探梅三絶 七〇	依韻酬葉道卿中秋對月二首 六五
和并州大資政鄭侍郎秋晚書事七〇	懷慶朔堂
送黄灝員外	京口即事
和李光化秋詠四首 六九	贈茅山張道者 六四
依韻酬李光化叙懷 六八	移丹陽郡先遊茅山作 六四
酬李光化見寄二首 六八	贈廣宣太師 六四
寄安素髙處士	瀑布 六三
依韻酬李光化見寄 六八	遊廬山作 六三
依韻酬邠州通判王稷太博 六七	送魏介之江西提點 六三
依韻酬益利鈐轄馬端左藏 六七	道士程用之爲余傳神因題 六三
依韻酬太傅張相公見贈 六七	贈鍾道士 六三
依韻酬光化李簡夫屯田 六七	依韻酬黄灝秀才 六二
過長安醉别資政鄭侍郎 六六	同年魏介之會上作 六二

序 一 一 一	范文正公集卷第五 七八
南京府學生朱從道名述 一〇四	依韻和龐殿院見寄二首 七七
述	贈方秀才 七七
泰州張侯祠堂頌 一〇二	因以綴篇 七六
皇儲資聖頌 一〇〇	知府孫學士見示和終南監宫太保道懷五首
頌	謝柳太博惠鶴 七五
范文正公集卷第六 〇〇	依韻答韓侍御 七五
楊文公寫真讚	石子澗二首 七五
讚	登表海樓 七五
答竊議	依韻和同年朱兵部王賓客交贈之什 七四
上攻守二策狀 九二	依韻答蔣密學見寄 七四
議	依韻和并州鄭宣徽見寄二首 七四
推委臣下論	依韻和孫之翰對雪 七四
近名論	依韻和蘇州蔣密學 七三
選任賢能論	和運使舍人觀潮二首 七三
帝王好尚論	過陳州上晏相公 七三
論	依韻答并州鄭大資見寄 七二
易義 七八	依韻答青州富資政見寄 七二
義 七八	獻百花洲圖上陳州晏相公 七二
7	范 付 淹 集

上張右丞書	書 三二 一 一 <td< th=""></td<>
書	太子賓客謝公夢讀史詩序 一〇八本寶送眾惠大師詩序 一〇七
古文正公集等第1 奏上時務書	

七

祭英烈王文 一八五	祭杜待制文 一八四	祭葉翰林文 一八四	祭故相太傅李侍中文 一八三	祭尹師魯舍人文 一八二	祭龍圖楊給事文 一八一	祭同年滕待制文 一八一	祭謝舍人文 一八○	祭陜府王待制文 一七九	祭知環州种染院文 一七九	祭韓少傅文 一七八	祭陳相公文 一七八	祭吕相公文 一七七	祭吴龍圖文 一七七	祭石學士文 一七六	祭蔡侍郎文 一七六	祭胡侍郎文 一七五	祭謝賓客文 一七五	祭文 一七五	范仲淹集
墓誌 二二六	范文正公集卷第十三 二二六	户部侍郎贈兵部尚書蔡公墓誌銘 二二二	寧海軍節度掌書記沈君墓誌銘 二二一	胡公夫人陳氏墓誌銘 二二〇	兵部侍郎致仕胡公墓誌銘 二一六	贈兵部尚書田公墓誌銘 二一三	都官員外郎元公墓誌銘 二一二	滕公夫人刁氏墓誌銘 二一〇	贈户部郎中許公墓誌銘 二〇九	墓誌 二〇九	范文正公集卷第十二 二〇九	宋故同州觀察使李公神道碑銘 二〇二	宋故太子賓客分司西京謝公神道碑銘 … 一九九	宋故衛尉少卿分司西京胡公神道碑銘 … 一九六	宋故乾州刺史張公神道碑 一九〇	唐狄梁公碑 一八六	碑 一八六	范文正公集卷第十一 一八六	Л

贈大理寺丞蔡君墓表 二五八	龍圖閣直學士工部郎中段君墓表 二五七 英	鄠郊友人王君墓表 二五五	太府少卿知處州事孫公墓表 二五四	墓表 二五四	范文正公集卷第十四 二五四	太子中舍致仕范府君墓誌銘 二五一	太子中舍致仕上官君墓誌銘 二五〇	張君墓誌銘 二四八	試秘書省校書郎知耀州華原縣事	天章閣待制滕君墓誌銘 二四五	東染院使种君墓誌銘 二四〇	忠獻范公墓誌銘 二三五	資政殿大學士禮部尚書贈太子太師謚	太子右衛率府率田公墓志銘 二三三 芍	賈公墓誌銘 二三〇	太常少卿直昭文館知廣州軍州事	事王公墓誌銘 二二六	尚書度支郎中充天章閣待制知陝州軍府
表	范文正公集卷第十六 二七五	代胡侍郎奏乞餘杭州學名額表 二七四	乞小郡表	耀州謝上表 二七〇	謝降官知耀州表 二七〇	延州謝上表 二六九	潤州謝上表 二六八	饒州謝上表 二六七	天章閣待制表 二六六	蘇州謝就除禮部員外郎充	睦州謝上表 二六五	代胡侍郎乞朝見表 二六四	表 二六四	范文正公集卷第十五 二六四	書環州馬嶺鎮夫子廟碑陰 二六二	書碑陰 二六二	王君墓表 二六〇	權三司鹽鐵判官尚書兵部員外郎

陳乞鄧州狀 三〇九	范文正公集卷第十八 二九六
陳乞邠州狀 三〇八	青州謝上表 二九四
狀 三〇八	乞召杜衍等備明堂老更表 二九三
范文正公集卷第十九 三〇八	謝轉禮部侍郎表 二九三
賀胡侍郎致政狀 三〇六	謝賜鳳茶表 二九二
除樞密副使召赴闕陳讓五狀 三〇二	杭州謝上表 二九二
舉張問孫復狀 三〇一	謝依所乞依舊知鄧州表 二九一
舉張伯玉應制科狀 三〇一	鄧州謝上表 二九○
舉張昪自代狀 三〇一	謝在中書日行遣公事不當放罪表 二八九
舉丘良孫應制科狀 三〇〇	謝轉給事中移知鄧州表 二八九
舉滕宗諒狀 三○○	表 二八九
舉許渤簽署陝府判官事狀 三〇〇	范文正公集卷第十七 二八九
舉彭乘自代狀 二九九	遺表 二八七
舉張方平充經略掌書記狀 二九九	邠州謝上表 二八七
舉歐陽脩充經略掌書記狀 二九八	謝授知邠州表 二八六
奏致仕分司官乞與折支全俸狀 二九七	讓樞密直學士右諫議大夫表 二八四
求追贈考妣狀 二九七	謝傳宣表 二八三
代人奏乞王洙充南京講書狀 二九六	謝許讓觀察使守舊官表 二八二
狀 二九六	讓觀察使三表 二七五
C	范 件 淹 集

巻 ・・・・・・・・・・・・・・・・・・・・・・・・・・・・・・・・・・・・	
吴秀才	卷第三
殿院見寄	
依韻和魏介之同遊玉仙壇 三三八	易兼三材賦 三四九
依韻和介之未開菊 三三八	
依韻酬池州錢綺翁 三三八	養老乞言賦 三五一
寄題溪口廣慈院 三三八	得地千里不如一賢賦 三五二
范文正公别集卷第二 三三九	體仁足以長人賦 三五三
賦 三三九	陽禮教讓賦 三五三
堯舜率天下以仁賦 三三九	天驥呈才賦 三五四
君以民爲體賦 三四〇	稼穡惟寶賦 三五五
六官賦 三四一	天道益謙賦 三五六
鑄劍戟爲農器賦 三四二	聖人抱一爲天下式賦 三五七
任官惟賢材賦 三四二	政在順民心賦 三五八

目録	再進前所陳十事 三八六	答手詔條陳十事 三七三	治體 三七三	范文正公政府奏議上 三七三	送饒州董博士 三七二	釣臺詩 三七二	道服實 三七二	論西事劄子 三七一	謝賀正啓 三七〇	謝夏太尉啓 三七〇	移蘇州謝兩府 三六九	知杭州謝兩地啓 三六九	賦林衡鑑序 三六七	上大名府主王侍郎啓 三六六	上張侍郎 三六四	寶讓議録 三六二	十六羅漢因果識見頌序 三六一	范文正公别集卷第四 三六一	水火不相入而相資賦 三五九
	奏乞兩府兼判 三九七	奏爲置官專管每年上供并軍須雜物 三九六	司講説兵書 三九五	奏乞指揮國子監保明武學生令經略部署	奏爲赦後乞除放祖宗朝欠負 三九五	續奏乞於職官令録中舉充京官知縣 三九四	奏議尹洙轉官 三九四	奏乞重定三班審官院流内銓條貫 三九四	答手詔五事 三九二	奏爲災異後合行疏決刑獄等六事 三九二	奏乞差官陜西祈雨 三九一	奏乞將先減省諸州公用錢却令依舊 三九〇	奏乞擇臣僚令舉差知州通判 三八九	奏乞罷陝西近裏州軍營田 三八九	奏乞救濟陜西飢民 三八八	奏乞差官看詳投進利見文字 三八八	奏乞定奪在京百司差遣等第 三八七	陳訴定奪進呈 三八七	奏乞下審官院等處應官員

四 〇八

四

奏重定職田

頃畝

重定臣僚轉官及差遣

體

例

兀 =

四

邊行

贖

法

四

奏災異後合行四事 奏乞於陝西河東沿

四

四二〇

范文正公政府奏議下

〈贖法等三事

四二〇

進呈

四二〇

........

奏陝西河北

畫

利害事

奏陝西河北攻守等策

奏元昊求和所争疆界乞更不問 四二九

路 入中糧草及支移 税 四三〇

奏爲陝西四

四

奏乞陝西主帥帶押蕃部使

奏論陝西兵馬利害

奏乞兔關中支移二税却乞於次 邊入中斛到

奏乞差新轉京官人充沿邊知縣

事

奏乞編録緣邊部署司條貫宣敕事

四

奏乞重定戰功賞格

................

四

奏乞將邊任官員三年滿日乞特轉

資 :

四 四

三五

五

奏爲契丹請絶

元昊進貢利害

奏乞許陝西四路經略司回易錢帛 四 三七

奏乞減武臣充提刑及令樞密院三 一班選人 奏策試方略等人各與緣邊差遺

事

奏乞揀選往邊上屯駐兵士 四 三九

四

三八

奏乞於散直等處揀有武勇心力人 奏乞揀沿邊年高病患軍員 四 四

奏爲薦胡瑗李覯充學官 四 四 四 四

薦舉

奏邊上得力材武將佐等第姓名事

四

四

四

四

0

四

奏爲劉滬董士廉修水洛城乞委魚	奏辯陳留移橋 四五五	再奏雪張亢 四五四	再奏辯滕宗諒張亢 四五二	奏雪滕宗諒張亢 四五〇	相度任使 四四九	奏乞將所舉許元張去惑下三司	奏杜杞等充館職 四四八	奏舉張去惑許元 四四七	奏杜曾張沔 四四七	奏殿直王貴等 四四六	蘇舜欽等 四四六	再奏乞召試前所舉館職王益柔章岷	奏乞差宣撫副使 四四五	奏乞酬奬張信 四四五	奏馬懷德乞轉閣門祗候青澗城都監 四四五	奏舉姚嗣宗充學官 四四四	奏舉雷簡夫充邊上通判 四四四	再奏乞蔣偕轉官知原州 四四三
與九國博 四七四	與忠宣公 四七三	與中舍 四六七	家書 四六七	范文正公尺牘卷上 四六七	奏乞差人部送吴遵路家屬 四六六	奏乞發兵往荆南捉賊 四六五	奏乞指揮管設捉賊兵士 四六四	奏乞召募兵士捉殺張海等賊人事 四六四	奏乞選河北州縣官員 四六二	奏乞在京并諸道醫學教授生徒 四六一	奏避蔡禀嫌 四六一	奏乞免錫賚 四六一	奏乞免參知政事錫賚 四六〇	奏乞互换巡邊 四六〇	奏乞罷參知政事知邊郡 四六〇	雜奏 四六〇	奏葛宗古 四五九	周詢等勘鞫 四五八

陳水部 五〇二	張文定 五〇一	李泰伯 五〇〇	滕子京 五〇〇	孫明復 四九九	孫元規 四九九	與曹都官 四九八	與石曼卿 四九八	王狀元 四九八	諫院郭舍人 四九七	與邵餗先生 四九七	與晏尚書 四九五	交游 四九五	范文正公尺牘卷下	與韓魏公 四八二	范文正公尺牘卷中四八二 四八二	與指使魏佑 四八〇	與朱氏 四七五	與中舍二子三監簿四太祝 四七四	范仲淹集
奏議 五一四	補編 五一四	_	與田元均 五一一	與朱校理 五一	文鑑大師 五一	仲儀待制 五一〇	通理虞部 五一〇	李節推 五〇九	安撫大保 五〇九	翰長學士 五〇八	安撫内翰 五〇八	知郡職方 五〇七	南陽著作 五〇七	工部同年 五〇六	蔡欽聖殿丞 五〇五	知府大卿 五〇五	睢陽戚寺丞 五〇三	謝安定屯田 五〇二	一六

諫市木建太一宫等疏 五四二	乞皇太后還政疏 五四二	諫仁宗率群臣爲皇太后壽 五四一	奏疏 五四一	制器尚象賦 五四〇	大禮與天地同節賦 五三九	賦 五三九	遠祖師塔銘 五三九	銘 五三九	鷓鴣天 鍊丹詞 五三八	定風波 百花洲 五三八	剔銀燈 與歐陽公席上分題作 五三七	詩餘 五三七	若耶溪 五三七	題聖果院 五三七	清凉山 五三七	麟州 五三六	邠州勸農 五三六	卓筆峰 五三六
焚元昊復書奏 五五二	乞於諸寨置権場奏 五五二	諫深入討伐西夏奏 五五一	請修復城寨奏 五五一	乞暫出延州賞給熟户蕃部首領奏 五五〇	乞朝廷建鄜州爲軍奏 五五〇	乞充縣令人限一季内並與移陜西路奏 … 五四九	陜西奏薦官員乞催發赴任奏 五四九	乞勾還韓周張宗永量加恩澤奏 五四八	任福等破賊白豹城奏 五四八	乞别選人知延州奏 五四七	舉何白權知解州勾當鹽池事奏 五四七	乞興脩廢寨奏 五四七	答詔陳不宜掩殺塞門寨奏 五四七	指陳時政疏 五四六	諫廢郭后疏 五四六	乞除放上元等五縣主客户鹽錢 五四六	陳八事疏 五四三	諫以太妃爲皇太后參決軍國事疏 五四二

目録	乞賜白雲寺額札子 五六○	在任滿轉資奏 五五九	乞令沿邊州軍及城寨主兵武臣	議弛茶鹽之禁 五五九	論明珠滅臧二族不可攻奏 五五九	寧州草場失火乞釋免官吏奏 五五九	論熟户不可倚爲正兵奏 五五八	使用負犯人奏 五五八	論樞密院指揮諸砦出擊未可施行奏 五五七	乞照管劉平奏 五五七	差弓箭手防邊利害奏 五五七	乞寬貸高延德與近邊任使奏 五五六	監押等奏 五五六	請令部署司保舉沿邊寨主兵馬	機密文字乞止下經略招討司奏 五五六	舉种世知衡環州奏 五五五	論人界牽綴夏兵奏 五五四	論牽制夏兵奏 五五四	論不可乘盛怒進兵奏 五五二
一九	乞於麟府置権場奏 五六五	乞寬宥石元孫奏 五六五	禁秦州博易奏 五六五	論陜西守備奏 五六四	軍頭失去文帖免勒充長行奏 五六四	揀停歸農奏 五六三	乞篤疾癈疾弓手兵士不問年甲	回贈繼父一官奏 五六三	乞以臣所授功臣階勳恩命	舉趙拯等充陜西河東大郡通判奏 五六三	陳邊上設備奏 五六二	言北界事宜奏 五六二	乞差替萬勝指揮招到雜色人奏 五六二	安居奏 五六一	乞於麟府修起城寨招輯蕃漢人户	乞招納嘉舒克順等七族奏 五六一	沿邊兵士人員乞各賜特支奏 五六一	城郭等第簿不宜五年始造奏 五六〇	薦張挺補三班差使奏 五六〇

牒邠州令支給王昭瑋等屋舍價錢 ⋯⋯⋯ 五七○	老小人口等般入壕裹居住 五七〇	牒涇原路安撫司各令將邊寨弓箭手逐家	再牒知原州景泰等 五七〇	牒知原州景泰等 ⋯⋯⋯⋯⋯⋯⋯ 五七○	牒寧州通判張去惑 五六九	牒鄘同華州河中府 五六九	再牒种世衡郭延珎等 五六九	牒青澗城种世衡永平寨郭延珎等 五六九	牒陜府指揮拘管逃移人户 五六八	牒鄜延路環慶路出軍馬深入賊界攻討 … 五六八	牒江淮災傷州軍 五六七	牒 五六七	進李覯明堂圖序表 五六七	表 五六七	論新附蕃部不宜遣住海州安泊奏 五六六	兵士買鹽人衆喫用不可盡法奏 五六六	沿邊逐寨堅守無益奏 五六六	乞復孫用張忠官資奏 五六六
告諸子書 五七七	告子弟書 五七七	與提點 五七六	與賢良書 五七六	問醫帖 五七六	與人論吴中水利書 五七五	上吕相公書 五七五	書啟 五七五	義莊規矩 五七三	規矩 五七三	與諸羌約 五七三	約 五七三	虎翼軍指揮王瓊奪戎士死戰之功書斷 … 五七二	書斷 五七二	賣贍軍田土及已分物業 五七二	榜曉示陝西州軍禁新刺保捷兵士典	榜曉諭諸州軍令逃移人户放罪歸業 五七一	榜 五七一	爲新兵營房事牒諸州 五七一

目 録	神道碑 五八六	跋 五八五	跋 五八五	跋 五八五	跋 五八四	范文正公奏議序 五八三	范文正公文集敘 五八二	附録 五八二	姒氏世譜序 五八○	序 五八〇	眉壽堂記 五八〇	景祐重建至聖文宣王廟記 五七九	記 五七九	題蘇才翁所藏圖書 五七八	題褚臨蘭亭序 五七八	題跋 五七八	與秀才帖 五七八	與運使學士 五七七	與知府刑部 五七七
=														《范文正公年譜》抉誤 六七四	年譜補遺 六四八	范文正公年譜 六〇七	《宋史》卷三一四《范仲淹傳》 五九九	文正公傳 五九七	墓誌銘 五九〇

校點説明

政事。 府。 通 服除,充秘閣校理,始還姓更名。 士,爲陝西經略安撫副使兼知延州,降知耀州,改 溪鎮鹽倉,知泰州興化縣,徙監楚州糧料院。 爲廣德司理參軍,改權集慶軍節度推官、監泰州 姓,名説。舉大中祥符八年(一〇一五)進士,釋褐 州)人。生二歲而孤,母攜其改嫁長山朱氏,從其 慶州,遷環慶路經略安撫使,改陝西安撫經略招 淹(九八九—一〇五二),字希文,吴縣(今江 判,同管勾國子監,出知睦州、蘇州,權 慶曆三年(一〇四三),除樞密副使,旋改參知 出知饒、潤、越州。 《范仲淹集》,爲北宋范仲淹之詩文集。 五年罷,以資政殿學士知邠州,兼陝西 西夏事起,進龍圖閣 歷河中府、 知開 陳 蘇 直 母 范 四 蘇 仲 封 喪 路 討 學 州 西

五二)卒。謚文正,贈兵部尚書。《宋史》卷三一四安撫使,改知鄧、杭、青、潁等州。皇祐四年(一〇

有傳。

義》。 新政中實施普及學校教育,同 提攜理學家張載、李覯,並且早期主持書院、慶曆 與提倡,大力推動古文運動發展。 名。 功亦非淺。 家和軍事家,以主持「慶曆新政」和 在文學上、提攜歐陽修、尹洙、並以自身 范仲淹一生爲宦,屢以直言遭貶。 在《宋元學案》,遂有「高平學案」一席之地。 獎掖「宋初三先生」胡瑗、孫復、石介、 時也寫下論説《易 於理學創生,其 抵 禦 作爲 西 夏 政治 創 而 聞

文正公尺牘》三卷行世。 范中淹著作,生前自編有《丹陽集》八卷,今 交正公集》二十卷,今存。南宋人另輯有别集 四卷。此外,尚有《范文正公政府奏議》二卷、《范 四卷。此外,尚有《范文正公政府奏議》二卷、《范 四卷。此外,尚有《范文正公政府奏議》二卷、《范 四卷。此外,尚有《范文正公政府奏議》二卷、《范

要爲元天曆系統本。考察兩種版本之編次,知源現存范集版本,除一種所謂北宋本者之外,主

本。 寒堂,是爲元天曆本。 二),饒州又有重修本刊刻。 二八),淳熙嘉定遞修本又爲范氏子孫刊於家塾歲 據書中所刻牌記可知,百餘年後之天曆元年(一三 身,是爲淳熙本。 篇,補作《遺集》附刊於後,遂成後來《别集》之前 四卷之形式固定下來。此後之嘉定五年(一二一 京本《丹陽集》加 六),由州屬官綦焕再度刊刻。 之後,乾道三年(一一六七)由知州 後者則自問世,屢經補 定爲初刊 出 饒州)郡齋,是爲「乾道本」。 御名」,知初刊在南宋高 於 此次 重 前 於元祐年間。 工刊,補 者 依 以校勘,並 從此范集便以本集二十卷、 據 入《范文正 避 諱 訂刊行,流傳甚廣。 闕 宗時 後 筆 一從中輯 者依據將「構」字 淳熙十三年(一 是爲淳 期。 以 公政 此次刊刻,依據 及 蘇 前者傳世頗 府 得 俞 軾 奏議》二卷。 熙嘉定遞修 詩文三十七 翊刻於鄱陽 序 文, 繼 别 記 初 可 寡, 舊 八 集 刊 作 斷

系統,内容不斷有集外增益。後至元丁丑(一三三自元天曆本始,范氏家刻本自成歲寒堂版本

(一六○九)相繼又有毛一鷺刊本與康丕揚刊本。 間。 代,范集於 後,道光乃至宣統年間,此本均又重 於康熙年間 因此另起爐灶,重新開 變化。《四部叢刊》影印之明翻元刊本即此本。 代歲寒堂本乃范仲淹十五世孫 優崇》、《諸賢贊頌論疏》、《諸賢詩頌》、《祭文》。 事 歲寒堂本之特色之一。 至清代,屢經刷印之歲寒堂本之舊版已無法再 言行拾遺事録》,北宋陳貽範撰《范文正公鄱陽 文正公年譜》,元范國儁編《年譜補遺》,《范文正 以下十一種:南宋樓鑰編次、裔孫范之柔校訂《范 備,本集趨於定型,附録内容開始陸 文正公尺牘》。 七),由范仲 ·録》、《義莊規矩》、《褒賢集》、《褒賢祠記》、《朝 此本係元天曆本之補訂本,文字行款基本 萬 鐫刻精 淹 曆三十六年(一六〇八)、三十七 1 范仲淹本人作品之搜集已基本 世 孫 美,且 范文英 版刊刻。 元歲寒堂本附録所增 一訂正 補 一不少 X 范惟 歲寒堂本新版 原 舊 加 續 本單 元 翻 版 增 刊 刻。 訛 加。 行之《范 於嘉 誤 此 在 用 降 無 完 年 明 明 嗣 刊 靖 廷 遺 公 有 爲

 \equiv

值。 將原 卷。 有 收録於《叢書 成 録所增爲《陝西五路 人 兩 康 系 有《范文正公集》,然僅爲九卷之節本。 習 種 書 熙中范仲 四 統之范集變體。 惯,先公後私, 版本均將本集、别集、奏議、 庫本除正集二十卷、别集四卷之外,尚收録 整塊位移重編,毛本所增僅 一爲集外佚文,奏議類居多,大多輯自宋人 集成初 淹裔孫范 即先奏議劄 編》。 圖》與《西夏地 清代《正 能濟搜集編纂之《補 ^ 四 庫全書》本亦有其 誼 表後 尺牘 堂 全書 形 爲 圖》。 詩文之方式 詩 打散,依照明 》續 餘、康本附 此 均爲 集 編》五 本後 亦收 價 不

本初 述,根 看,北宋本自然早於元天 本系統兩種。 次在分卷上整塊 出 刊當 自 據 同 上所述,范集主 避 在 諱,北 南宋 版 論者均認爲宋、 本 宋本 位 系 初 移。已 統 年 初刊當 一要版本 高 然 曆 宗 表明源出於 仔 本 時 在元 細觀 元二本差異很大,似 初 期。 有 刊 北 祐以 察,二本詩 宋本與 從 然 這 -0 後,元 而, 事 通 如 元 文篇 天 過 實 天 前 來 曆 曆 比 所

國

朝諸臣奏議》。

證 較宋元二本内容,可以揭示出完 之省文本,乃至散佚 本之祖本早於現存北宋本, 於同樣篇目,後出者較先出者時 三篇,而宋本僅比元本多出一詩。 分明源出於 一之宋元二本, 内容詳 刻脱落。 目,在内容上宋本多闕,而元本皆存。 期之《范仲淹版本問題考辨》。 ,詳見整理者刊於台北央圖 實,在邏 篇目多,尚可解釋 輯 上解 本。 釋不 上述 通。 元本 而宋本則是 爲後來之增 館 關 答 間記載具體、文字 居然 於范 刊 全相 案只 二本共有之: 較多 九 集 這 反之事 有 元本祖 補。 九 版 些 六 本之 均 出二十 個 年 而 非 元 實。 考 本 之 刊

范 除 録 諸 本、 面 者,均 臣 集具體狀況,此次整理,採用最爲接近范集原 底本附録 貌之明 清康熙並宣統歲寒堂本對校、《宋文鑑》、《國 奏議》、《續資治 根 據「早」、「多」、「好」之善本判斷 取 翻 以 與 元天曆本爲底本,以宋本、《四 多校。 范 仲 淹 通 詩文篇次, 文字 鑑長編》等宋代文獻 無 舅 之内 仍底本之舊, 容。 原 《范文正 則, 庫全書 凡 有 揆之 引 朝 始 删

仲淹 新輯佚文。 於補編之後,獨立成卷。 奏議》、《范文正公尺牘》、《范文正公集》補編,以及 集》,包括有《范文正公集》、别集、《范文正公政 按原集名書,名難副實,因 出原有之《范文正公集》,誠屬范仲淹之作品全集, 内容擬題。 公 集》 集外佚文間出,此次整理,儘 補 部 由於此次整理之范仲淹詩文集,已超 分,以 四 庫 本 所輯供詩文無題 爲 重新擬名爲《范仲淹 底 本。 可能搜集整 宋 世 者依 以 降,范 理, 府 據

多,因於年譜之 集敘》、《范文正公奏議序》、神道碑、墓誌銘、宋人 誤》,作爲參考。 研究范仲淹生平事 部分於明顯訛誤 譜》、年譜補遺以及范集之主要跋文與牌記。 張唐英撰《文正公傳》、《宋史》本傳、《范文正公年 遑俱録,僅擇其要者,並補其所無,録《范文正公文 底本附益 |有關范仲淹資料甚多,此次整 後 亦間加校勘。 ·蹟之基本史籍,然本身訛 附 録舊作《范文正公年 《范文正公年 譜 理,不 誤較 譜 附 》是 抉 録

> 方博雅有以教之。 落葉,旋掃旋生。 此 次乃爲二十 餘年 疏漏之處,故所不免,切 後 再 次 整 理 范 集, 校 如

掃

校 點 者 王 瑞 來

四

古

賦

明 堂 賦

帝,坐天子而朝諸侯者也。 定,集人神之丕休。故可祀先王以配上 田壯麗于神州,宣英茂於皇猷。頒金玉之 昭壯麗于神州,宣英茂於皇猷。頒金玉之 昭壯麗于神州,宣英茂於皇猷。頒金玉之 田州麗子神州,宣英茂於皇猷。頒金玉之 田州麗子神州,宣英茂於皇猷。頒金玉之 田州元章。崇百王之大觀,揭三宫之中央。

粤自蒼牙開極,黃靈耀德,巢穴以革,

范文正公集卷第

向陽。 五府而 焉而 東之長。堂并包於五室,室辨正於五方。 堂,制度景彰。 之崇,成湯受命,革以三尺之盛。 以清而流,故環之以水。暨二帝之述焉,合 清其居,堂以高而視。 攸止,宫室斯美。將復崇高乎富貴之位,統 棟宇以植,徹太古之弊,明大壯之則。 太室,儼乎中黄。 左青陽而右總章,面明堂而背北堂。耽然 商祀穆穆,制以重屋。 和乎天人之理,乃聖大造,明堂肇起。 中峙。禮以潔而儉,必表之以茅,◎教 祭矣。 或謂厥堂惟一 逮夫夏禮秩秩,奉以世室, 七筵兮南北之廣,九筵兮西 都徽名之在南,取盛德之 ,厥室惟九,闢闔其三 神禹卑宫,階以一尺 壁廓焉而四達,殿歸 赫赫 明 風 周 以 雨

- 「聞」,原誤作「間」,據四庫本改
- ② 「必」,四庫本作「故」。

葱,圓 迺占 風。 復矩 大者 邦域之景鑠,期 迴 其前後。 天之宇,高而 奉三壽以 子學宫。 趙 趙 焉 牆 六户,疏達兮七十二 聖之心 [候於 ,故百世以 下 右有靈臺,庶民子來。 海兮泱泱。 陳位序以有嚴,議法象而 承 而 勗天下之孝,設三乏以 墳 坤厚。 天之柱 桓桓焉 昭 也,蓋 籍浩 佛偶。 回。天之道 欽哉 人 聽政之廟,應辰 近郊 以 既方舟而經梁,復素 神之樂康。 惕 列 明備,文物森 八方象其 惕 宿 之宫 牖 於無災。 而 也,惟 相 若經始於神明 廣 亦規 望。 左有 、幅員,九陛 而 Ŀ 默 勸諸 此三雍之 必臧。 環 而 能 其會 辟雍,天 而 默 林 周 受 天 以 兮葱 侯之 飾 彰 同。 覆 有 示 其 ; 參 诵

慶賜必均,曆象必明。布農事於準直,習舞陽之位,體大德之生,彼相協謀,有司奉行。若夫約周之禮,禀夏之正。天子升青

英。 德於 浸灝 惟 倉 凝瀾之醇 無隱不 和 廪 平。 兮, 賑 精。 彰,無潛不亨。 止 天之 伯 益之伐木,禁蚩 此明堂之春也,萬物爲之 窮; 惟 幣帛兮,禮 蒙蕩蕩之至仁 尤之稱兵。 邦之

榮。

高明 喜於元元。此明堂之夏也,萬物爲之繁。 伐之威,以助養於生生, 導南風之和 驅五穀之疾。 夫太室,命盛樂以象德,致大雩以祈實。 之管,復于清宫之律。天子乃登諸 而有豫,定心氣 又若炎以繼天,羲以永日。 無索 於關, 而 無逸。 無難 静百官之事 於門。 始於仲 明堂, 以 止 北 升 暨 吕 飾

征。 奏清 落之情 南嚮,穀萬斯而西 商之聲。 爾乃象 脩 法 制 同 我度量,平予權 Œ 以 圖 謹 火位,德王 有功 收 成。 藏 之令,養 而專任, 詰 天子乃居總章之奥, 金 衡。 行。 衰 人社以崇 老 不 羽 以 義 漸 惻摇 而 干 徂 以

之誠。此明堂之秋也,天下爲之清。 厚兆民報本之志,神倉以秘,示萬邦致孝

之宜 器斯徹,無 辟於恭 涼之詠,日官賓可愛之景。天子乃北 也,天下爲之静 於是戒門閭,備邊境,勞三農於休 居,南面 诗 及夫蟲 靖。 武 而 省。 經 事之官必省。 關 介時分,虎威夕永。詩 以 市必易,官室必整。 肅萬邦之屏。 錫飲蒸之慶,從祀寒之請。 飭國典以 此明堂之冬 息 俟 無 人 警百 來歲 用之 堂以 發 其

勝; 作配 席,弈弈 尊嚴其親 皇皇,盛節兮彬彬。 倦者也。 方其廟 者先王,從祀者五臣。 斯乃順其時與物咸宜,適其變使民 而 稽夫宗祀之文,大享之辰,上 倫。 也,我則取質之純。 五天之座,曄 惟 太室之位,迺上 比於郊也,我則取文之 曄 樽 斝 以 陳。 損 離 一帝之神。 益其禮 離 Ŧi. 玉幣 一常之 一儀乎 不

> 攸賓。 於是出 莘幸。 國。 鈞。 之,樂以歌之。光天之下,教以化之。 醉其德,人樂而極。 者萬國,莫大之孝,蟻懷者兆 樂咸在,統美乎列皇,八風 獻以從質,躬百拜以 復本於周人。 下舞上歌,蹈德詠仁。 頌曰:明堂崇之,明王祀之。 進俎豆之吉蠲,羅簨簴之輪囷。六 齋 牲牢之舉,既遵於夏后,蔬果 宫 而 禮無 肅 肅 被法 不當, 表寅。 太史書於策,大夫 誠 服 相盪,同 司 非常之祭,駿及 無 而 儀 民。 不臻。 循 實相 循 於是 禮 和 樂 之薦 乎大 聖人 以 頌 酌 成 神 正 於

之軒。 坤。 巍焉 求衣以先, 紆黄 門之闢,晣晣乎宣燎之發。 負尿 佩干將,升崑崙 若夫元朔 正聖人之大寶,示天下之有尊。 而 立 一,濟濟 會同,群后 組,冠通天。 馬 進 辨色而入。太常正 Ш 對 帝時 嶽之圭,當雲龍 越。 建日月,服 待旦 穆 穆 一而久, 乎 舜 乾

覲。 以 子之位 湛 衆 和 君 之 庭 顔 唯 向。 之外,則 有樂浪、 其 星 北 湛 弗 而 徇 臣 種 同 等 違 一,咸 應門 而 下 之位定 繒 是 南門之外,則有朱垠、越裳 唯 望; 樂,金聲 皆望 明 將 明 西 粲 蟠 菛 有蒙 九 東 之外, 階階 晞 冕紱兮霞 者 賓序 粲 焕 西東上者男之次。 木 是 北門之外,則 禮 雲 之西,諸伯 蓋 乎 九 而 汜、大秦六戎之屬 尚 而 莫不君 取 前 樂 其 九 夷之 在 天 就 諸 之 (名級。 共 采 玉 家之光 集,玉 於 日, 道 潤 離 國 察 是 三揖 如太 觀 焉 振 必歌 以 焼 西 帛 况乎 有 中 輝。 齊。 于上, 光者受之以 兟 面 陽 兮 雅 董 阼 階 堯 旅 而 之臨 粥 川 晨 之前 韶 階 若 東門之外, 門 而 進, 鏘 歸 北 南 之東, 光 幽 八 以 臣 北 東 頌 上 蠻之族 多 赫 奏,文鐸 載 北 辰之 舜。 三公 盛 陵 上 露 曦 鏘 拜 Ŧi. 而 西 諸 乎 面 天 會 Ŧ. 于 上 肆 狄 東 門 則 此 者 侯

> 方夏。 器 曷 純 下 0 嘏 ,于以休宗社 幽 行 而 皇哉耀今昔之榮觀 故 覆 典 日 禮 盆 揖 揚 讓 賢 風 而 署聖 曷 雅 治天下者 惻 訪 法 而 雋 於 遺 至 良, 圓 野 ,明堂之謂 闕 哉 議 敷 馳 于 窮 億 神 以 寡 兆之 教 盛 也 於 名

惜

乎三代以

還,

智者間

間,

諸

儒

靡

協

節,豈 堂之道 本; 取 之際,堂或三五之上,道 其 然 議 配 天地之和,豈 五. 一帝非 之文, 其 制。 有 者 泥 「 喋 喋 。 厚 逾遠之歎 豆籩之云 不必 沿樂 於 適 而 或然未分; 道 廣 取 而 狹 者與權, 其 而 匏 尚 (薄,不 興,三王豈襲 皆 竹 其 廢 爾 惘 奥。 而 皇 膠 ? 然 己 忘象 其 政 王 有 得 自 **矣**? 行明堂之義 教 之 中 增 其 非三五之世。 漢 之烈 者 大 輟 大 損 魏之下 禮 ī得意。 業。 之議 大 而 忘 而 禮 得 斯焉 至 禮 使 同 其 不不 ? 樂 朝 大 殊 暨 天 細 弗 之大 樂 隋 廷 地 必 爲 不 蓋 茫 唐 之 同 杰 明 知 不

胡 是 取 則 帝 乎合宫 道 不 施 胡 取 乎 總 期 ? 皇 德 不 隆

懼 實 懼 茹于天下。 古 取諸 于 四 鷄 思堯 也 思 儉,弗下剥而 格 鳴。 ? 難 而 幺 維之有 萬 德,始若 思濟 無疆 豫於四方,慨風雲以 舜之齊名。 陋之靡及,常咨命于仁人。 耻 物之或差,持 思之何 故夫明堂之設也,天子居之, 兆靈繫之安危。 唯至平之休代,思阜財 惟 艱,尚瘡 晦 濟 惟 惟好生之至德,思與 也? 上侈。 下武之太寧,亦 而 乎賢者。 皇極之大範,思天 彌 懼巍巍之弗逮 彰。 痍 我心於誠 萬 思寡費而 微 而 故三五之君子 蓋舉一 百辛。 繇是惟克念以作聖, 存乎消 長歌。 衡。 省 於皋陶,迺 薄索,民 息。 故聖人 於吾 1躬于干 一,迺孜 物物 下而與平。 惟及 惟 然後見天 而 日 知 民 慎 ,騰茂 爲春。 人其 之寶 人之 庶幾 孜 之 慎 戈。 連 於 懼 何 日

> 自然。 縣縣, 之有 下 齊於 ? 無 無 此明堂之道 含 反無偏。 體 哺 和 而 於 嬉 浸淳澤 無 吾 也 聲。 蓋 何 力之 無 以 厖 得 咸 眉 若,樂鴻 爲 而 而 稱 ? 壽 焉 · 吾 但 化 淵 何 於 淵 1

惑也? 能 禮,正朝會之義。 肆。 議 皇人之德。 岱首,西展琮於汾側。 念於斯,受天之禧,與天下宜而 入朝,思助祭之職。 事。 約 斟酌乎三五 我國家凝粹百靈 其制,復其位 以 臣 至聖子 請考列辟之明術, 祖考來 操 神孫 廣明堂之妙道,極真 ,儉不爲其 豈上聖之謙, 格,俟配天之儀 議乎 次,億千 ,薦馨三 未正天神之府,以 簡易。 萬 一極,東升 陋 塞 期,登 已乎。 奢 展宗 處 而 士 不 愚 於斯 八人之 祀 之 臣 諸 煙 爲 於 横 > 侯 讓 其

秋香亭 賦并序

香亭」。 亭。 背 提 點屯 孤 呼賓醑酒以落之,僕賦而侑焉 巘, 田 面 鉅 横 鹿公就使居之北, 江 植菊以 爲好,命曰 擇高 「秋 而

草 ; 蕙。 鏗金 餌者忘老。 其好,胡 勁 冶弗夭。 蕭 千 江 ·里在 蕭 無 性 黄中 粹玉。 露溥 煙 鄭公之後兮,宜其百禄。 賦 目。 而 有翠皆歇,無 然 通 土爰之甘 采采亭際,可 溥 練 理 不 迴,山 以 倚大斾於江干,揭高亭於山 時也 公 · 早 ? 見滋 日 得 秋風 君 有嵐而屏矗。 味。 時 子之道。 紅 歲寒後 霜 起兮寥寥, 哉 可 肅 以卒歲。 氣 凋。 時 肅 驕 哉, 而 知,殊小 松 飲者 獨 使于南國 敢 我賓我 筠 有佳菊,弗 避。 畜金行 寒林脱 朝賞 忘 香 醉,而 人之 其 滅 來。 心, 兮, 麓 芳 之 分 蘭

緩泛遲歌,如春登臺。

六

歌曰: 賦高亭兮盤桓,美秋香而酡顔

望飛鴻兮冥冥,愛白雲之閑閑

不可 無 劉伶,不可復醒,而蔑聞乎雷 不可兮? 盡歡, 又歌 日: 而 聿 曾不知吾曹者將與 逍遥 -去乎東 以 皆寧 Щ**;** 又不 霆。 知 贵 夫 將 無 謝 與 可 夫 而

三題 烏 賦并序

好。因勉而和之,庶幾感物之意,同歸而殊梅君聖俞作是賦,曾不我鄙,而寄以爲

塗矣。

啞啞 方將 遠翥? 兮如愬 折 靈 烏,靈烏,爾之爲禽兮,何 爾 何爲 翅 請 而 號 烹 臆 呼于人兮,告吉凶 對 爾 軀 而 徒 心 諭 悔 焉 而 不 Ļ 而 路。 高 逢 怒 翔 ? 彼 而

不靈? 曷病? 佳樹。 孰 鼎 不世之麒麟,亦見 由桑妖于庭,懼而脩德,俾王之興,雉恠 或忘,我懷靡臧。 之則反災于身,不告之則稔禍于人。 我者謂吉之先,不知 意,厥聲或異。 警於未形 翰, 眷庭柯兮, ●欲去君 而 艱,主之仁兮則安。 處天地之覆露。 爲 ,懼而脩德,俾王之盛。天聽甚邇,人言 死,不默而 神兵? 我 麟豈 斤不我伐,彈不我仆。 有 豐食 彼希聲之鳳皇,亦見譏於楚狂 生兮,累陰陽之含育;我有質兮, 生。 而 以 焚 肥。 傷 mi 長慈母之危巢,託主人之 胡不學太倉之鼠兮,何必 雖死而告,爲凶之防。 傷於魯人。 可 而 度春風兮,既 倉荷竭兮,吾將安歸 我者 變,孰爲 不仁? 而盤 謂 ,❷恐於未 凶之類。 故割 英瓊? 母之鞠兮孔 鳳豈以 桓。 成 而 思報 熾 我 可 主恩 寧 譏 故 以 卷, 彼 鳴 于 亦 告 之 羽 而 知

> 又不學荒 城之狐兮,何 必 義 爲? 深穴

而

威。 城苟圮兮,吾將疇 依

是然。 養; 愛於主兮自天, 人有言兮是然, 人無言兮 優,而大者乾乾。 曾不得而已焉。又不見孟軻之志兮,養其 浩然,皇皇三月,曾何敢 君不見仲尼之云兮,予欲無言,纍纍四方, 寧鵷鶵之飢於雲霄兮,鴟鳶 寧驥子之困于馳騖兮, 我烏也,勤於母兮自天 以休焉。 駑 飫 駘 此小者優 乎草莽。 泰 於芻

庭」原爲墨丁 卷四四引補。 宋 本、 四庫本並《古今事文類

0

「警」,原爲墨丁,據宋本、四庫本並《古今事文類聚》後 引補

古

詩

謝黄總太博見示文集

規。 時。 滋? 心, 龍 龜 落落教化辭。 詎將群響隨? 仰止江夏公,大醇無小疵。 邈與聖賢會,豈以 松 獨此生蘭芝。誰 豈 桂 徒 有 嘉 一時異? 色, 不與 上有帝皇道, 君子著雅 言鼃黽繁? 富貴移? 衆 將爲千古奇。 芳期 言 下有 孜 以 金 誰 孜 道 獨 言 石 人 願 此 荆 經 不 有 此 蟠 棘 臣 緯 以 正

命司。

二雅正

得失,五

典陳雍熙。

頌

聲格

周召風,達我堯舜知。

致之諷諫路, 陞之誥

師

九

廟

,王澤及四夷。

自然天下文,不復迷宗

輝

反

如

日

月

蝕。

大道豈

復

興

此

弊

何

時

四民詩

士

伏, 言 掌, 賢。 臆。 息。 德。 天。 廣, 疏 循環、 神心出 善惡 功名思 名由忠孝全。 陰陽 術者 學者忽其本,仕者浮於職。 黜 裨 前 溜 陟 王 亦 何茫然。 乘 方 有 金 詔 苟 無 胸 激 變 其 多 鑑 得。 極。 **化**, 臆。 揚 士,咸以德爲先。 隙,異端千萬惑。 下,昭昭媸 其神固 孔子甘寂默。 美禄 前聖 天下 聽 君子不斥 幽 不 無 報 不 不 與 聽 敢 所 爾 測。 妍。 言, 明, 怨, 功 勸 歸 小 賞 言 好 天 六 禍 節 此 道 道 罰 義 命 諸 消 爵 從 經 福 仁 爾 爲 不 無 有 幾 人 命 日 縻 指 光 能 倚 乎 空 以 爾 義 與

36

抑 ? 今皆 末路 桃 競 李 馳騁 色。 願 澆 言 風 造 揚 羽 物 翼 者 口 昔 此 多 天 松 地 栢

農

力。

及 ? 絲, 急。 虞, 淳, 人足 羅 賦斂由 何人 聖人 神農 綺 夫 如 八作耒 變 而 耕 與后 Ш 呼 家 清風,驕奢日 幾 吸。 給。 人。 壠 耜 稷 有 游墮 傷 蒼蒼民 太 九 靈 哉田 平 載 應爲 如 木 襄 相襲? 雲集。 乃粒 豆桑人, 自 陵 存, 禍 常悲 N 比 或 制 荒 齍 俗 度 户 大 亦 叶 非 猶 儉 絃 何 幾 唐 且 安

工

紛。 朽, 刊之《考工 窈窕 先 Ŧ Sp| 教 房 百 記 宫, 工 萬 作 嗟 態 爲 嗟 横 天 遠 青雲。 下 聖人 器 制 熒 周 煌 度 日 甲 日 意 Z 以 不

> 榮, 居。 徒, 侈 帳 今爲 不取慈 几 鼓舞 朝 海 那 庶 天 競 肯 人 儉 下 如 焚? 耻。 書。 風 此 金 滔 宜 竭 碧 滔 一哉老 我 漢 弗 照 百 驕 萬里。 能 成言 家 心 啃 産 起 崇 欲 茅 陳 可 攦 茨 爾 其 隋 般 帝 佛 益 室 者 老 其

商

指。

津。 利, 辛。 事, 身。 珍。 羅 合, 有無 九 狼 堕 周官 可 兀 嘗 鬼 者 陌 虎生貪 神 堪 民 聞 資 亂 天 貴 有常籍,豈云逐末人? 爲 無 商 埃 吾 下 者云, 之勞,天 與 常 秦。 均。 塵。 倫。 富, 籍 , 茫茫 侈 轉 上 窮 淳 經界變阡 地 態 貨 以 源 Ш 僞 賴 爲之貧。 日 無 利 與真。 斯 日 遺 以 吾 新。 民 陌 寶 蕩 或 竭 吾 頹 下 此 萬 游 天 遠 波 者 商 意 以 海 近 里 苦 藩 無 奉 浩 竊 日 亦 Ŧ 遺 吾 悲 中 綺 無 何 吾

辰。 春。 載 下有 吾商 何日 載 周 用 猶 則 召 因 此言,皇天豈不仁? 何 臣。 罪 循 君子耻 琴瑟 桑 柘 願 不 爲 更張 成 隣? 林 使 荆 上 我 有 棘 歌 堯 有 良 舜 餘

歲。

寄題孫氏碧鮮亭

聞。 子。 童。 寶。 鮮, 清 蛟龍 徘徊 靈 翠光凝 緑玉 不 上交松 應是 耿 天 心 願 耿 地 起 隱 過 排 湘 聖 金 何 何 緑 虚 賢 此 清 桂 石 靈 風 時 水。 白。 魄, 君。 秋。 枝 性 泣 流 ? 雪 不求 下 鍾爲 復 泠泠鈞 明月 非 粉 蕭 結 霜 生王子猷。 筠 木 蕭 伶倫吹。 蘭 此標格。 不 白 多 亦 雲水 能老。 蕙叢。 天音 露 體 非 中 草 貌 間 , 錦 千 静 清 東 良 鳳 秀 高 黄 與 皇 如 氣 籜 節 載 風 君 金 主 得 隱 藹 見 見 猶 歲 買 乃 未 君 兒 直 得 故 寒 碧 晴

> 中, 宜 行 紅 歌 塵 此 滿 亭 浮 際 世 何 逍 當 遥 拂 復 長 逍遥 袂 ? 不 坐 知千 嘯 此 萬 亭

贈張先生

者, 精。 盈。 行。 重, 京。 言, 周 生。 餘, 公、大得天 五神 未嘗 非 金門不 風 有客淳 一
在
幽 邈與神仙 壽存金石 應 謂 塵三十 是 長 識 簞 少 戈 - 乏雋 戰 瓢 Н. 微 地 争。 明。 兵。 六, 輕。 性, 狂 期,不犯寵辱驚。 星 情。 未作 嘯 少小 白 又云 康 何當 禍 素 養志學浮丘 [雲宜 作鸞鳳聲。 福 聞 寧 萬 嚴 愛功名。 有 前 换 福 人英。 退 金骨, 君 已 倚 哲道 耕。 平。 大, 伏 五. 富 欲 讀《易》 清 非 陰 迺 浩 人 턥 貴 雲 德 静 聞 向 謂 鍊 歌 有 多 聖 鐘 朝 道 七 頭 不 日 形 月 夢 白 + 嵩 虧 角 朝 鼎 玉

傾。 池, 華, 何苦 花巖列 棲 峰 相 之比 勸 戀 事 綺 多 子浮榮? 錦 蓬 季 秀 城。 徒, 色, 瀛 杉桂 頹玉信縱横。 朱 芝 願 絃 田 師 冉 春 先覺者,遠 何 1. 冉奏, 藹 清。 藹 金 玉 此 月 遠 樂 醴 叡 澗 濯 遲 不 認 書 吾 尋 遲 瑶 錚

明 月 謡

纓。

聞, 飛。 心 分, 桂,白露 堂堂 顧我 徘徊 奏以 此心良 明月 亦依依。 堯舜 生 有餘 河 在 可歌 堦 漢 天 西 問, 蘭。 輝。 音, • ,憑月爲知音。 此音天與稀。 秀色若可飡。 不 月有萬古光, 高 初 樓 掩 如 望 五. 玉 一君時 鈎 星 微。 耀 人有 不 爲 清 明 風 月 君 礙 夕增 萬 起 或 拂 浮 古 叢 雲 可 金

上漢謡

天千 爲治 來先 是非 治。 同, 宣。 煙。 來, 力何 侍帝玉 萬物情 高 元赤子。 自從混 下有脩真 萬 既 桀 可 亂 真 舉 ·見 ? 春。 間 循環,興亡亦繼軌。 紂 人 爲 累 多言歷 多詭。 嘗聞自天意,天意豈 案 神 沌 陰 明 旦非,宗廟 物情 前。 死, 者, 仙 與 德 日月久,恩將 淳風 自欣欣。 望拜何拳拳。 聞之三十天。 數 堯舜累代仁, 當 冉 爾? 有 冉 日衰靡。 人間 去紅 自 然 願 人復不言天,天 福 問 塵 天 至在朱門, 雨露均。 作白 賜 如此? 絃 請 飄 百 願 吾君 歌 日 王 飄 朝 爲 君 始 道 天 銀 凌 鸞 毁。 能 下 臺 紫 帝 何 禍 不 鶴 如

■「在」、宋本作「升」。

當 亦 飲 不 且 傷 歌 人。 ,不知義與 天 人 兩 黄 相 忘 逍 遥 何 有 鄉 吾

清 風 謡

道。 哉 ? 生。 兵, 台。 思, 起, 賦 騰上 臨 聊 千靈 可以 桂枝天 朱絃 極 清 廣楚王情 萬古鬱結心,一 風久徘 渴 風 一煙霞 濯 無 鼓 飲 何 結 吾 籟 其 沆 處 纓。 遊。 徊。 迴。 瀣, 愠 薰 來, 大暑 萬 可 先 神若 願 熙 飄 卉不 以 此 旦 此 如 飄 解吾 執瓊 高 爲 陽 揖 游 度 推榮。 高 君開。 莊老, 春 華 清 民。 瓌。 臺。 · 胥, 時 漢 身 浮 語 庶 勿 滄 曠 蘭 有 疑 雲 幾 使 浪 客 叢 如 宋 逍 携 立 安 飄 比 慰 或 玉 其 遥 松 天 所 在 香

『海陵滕從事文會堂

將。 翔。 方。 孔, 李,棲止皆鸞 聚,直有千載光。 言蘭 琴瑟親 笙磬得同聲, 猗哉滕子京,此意久而芳。 東南 滄 義黄。 相接, 豈特十步香? 海 皇。 郡,幕、 精色皆激揚。 君子不獨 琢 道 府 味清 玉作鎮圭, 清風堂。 可挹, 樂, 文思 鑄 栽 我 詩 德 培 金 星 朋 書 爲 盡 高 來 對 遠 相 桃 干 若 周

上都行送張伯玉

辰。 才, 遺,况此席上珍。 西走堯 直者爲之轅, 上都 有聖 舜 賓。 人, 曲者爲之輪。 日 南 百 月一 Щ 谷 張公子, 望東浸 以 新。 氣 萬 曄 材 星 曄 清 不 依 天 復 北 且 下

淳。 石, 不羞 懷 有 賤 統 與 繡 貧。 文, 朝 買 無 臣 瓜 起 瓞 白 親。 社 賈 寸 誼 心 富 如 青 鐵

飛。

此

心

未忘者,天機

非

殺

春。 寶此 金 轆 轤 ,去去延平津

鳴 琴

傳此堯舜曲 思古理 鳴琴,聲 聲 動 金 玉。 何 以 報

馴 鷗 詠

依, 迎。 明。 奔, 溪人 雲水言 徘徊 月宿滄 萬 物 遠 澹 兩 有 將 無 害 無 洲 常 歸。 誉。 情。 猜 静 性 何慕復何驚? 日 性 循 鴥 逐 浴滄 無 循自 彼 爾 不 沙 群 浪 貴 飲 上 鷗 生。 清。 鷗, 啄 樂 群 往 皎 客 何 風 鷗 往 以 皎 有 翔 懷 相 狎 霜 與 爾 依 逢 溪 駿 勿 雪

古 鑑

光,無 磨 此 千 年鑑 朱 顔 清 可 覽。 君 看 日 月

求

照

人膽

贈 樊 秀 才知古之孫

昔

雄。 周, 旦。 風。 孫 賞,積慶宜 枰,皇極何由建? **倉皇救塗炭。** 禮樂與 公有承家 樊公江 見知千 五 代雲雷 無 表 征 里。 窮。 子, 伐, 來, 屯,九野皆龍 所至 經綸速如電。 出 李 兀 和 太祖乘天飛, 自 廣 海 氣 神 明光宫。 + 不 乃大同 明理。 洲 封 戰。 春 侯 清 繼 萬 復 大 微 大 開 世 勳 里 發 流 有 子 或 九 起 多 未 聞 人 光 如 江 英 家 大 薰 姬 華 棋

74

高。 朝, 水。 長,光輝傳佩刀。 列鼎招英髦。 之子可變化, 非有 神筆 夢 咫 明 粲 年 尺 粲 登 桃 文 金 李 何 開, 鼇。 綺 天子 始 禹 知 浪 青 祖 如 德 霞 春

贈棋者

里。 裹。 危, 啃 權, 目,疾雷不經耳。 ,吾當著棋史。 奇兵飜背 密照安危 精思入於神,變化胡能擬? 南軒春日 突圍 何處 秦 逢 師 神 水。 理。 長, 仙 震,諸侯皆披靡。 傳此 國手相得喜。 勢 接 一子貴千金, 勝 應 棋上旨? 不 如雲舒, 可 隳, 一路 入險 禦 泰 關 成敗 静 敵 Ш 河 持 繋之 重千 漢 不 常 如 生 礙 表 將 殺 Ш

歳寒堂三題并序❷

壑。 有心 廬 扶 豈徒然 寐形焉。 桐 立、儼乎若思。 之有松栢,猶人之有 疏 ,有君子之嘉樹。 間發,莫能 某少長北 而制 在 堯舜受命於天,松 哉 ? 軒,靈根不孤,本支相茂,◎卓然有 禮 陶 相真棲,風韻在矣。 ,體後凋 吾家 地 擬其聲。不出 霜霰交零,莫能 近遗遗 西 齋僅 以辨義。 清 堯 平江。 栢 陰大庇,期於千年。 舜 也。 百載,二松對植 受命於地。 户庭,如在林 丁公神遇, 是故 美先人之故 屈 前言往行, 其性; 聖 人 則 觀 物

- 「李」、宋本作「花」。
- 「并序」,此二字原無,據宋本補
- ❸ 「支」,原誤作「文」,據宋本、四庫本并《吴都文粹續集

是則。 紀之,以永長也。 子孫孫,勿翦勿伐。 心,德可長矣。 義 逸。 有 贵 而 耻辱矣。 西 後知。 閣 齋 一徒 不變矣。 由 日 風 焉 可 我 朝月夕,爲 歲 天地憐其材,而 執松之勁,無柔邪矣。 曰「松風 以爲友,可以 祖德,貽 寒堂」,松 揚松之聲,名彰聞 念兹在兹,我族其光矣。子 閣」。 厥 耳 孫謀。 惟吾家之舊物, 目之資者哉 日 為師。 美之以名,居之 君子樹」。 况於人乎? 昆弟雲來,是 持松之清,遠 矣。 禀松之色, 有松之 在 樹 因 之側 歲 作 命 寒 仰 斯 其

榮。

歲 寒 堂

名。 志, 有家 耳有千 雅知堂上 我先 在 本 午 聲。 江 唐 居, 城 相 宛得 弈 雙 六 世天 月 松 Ш 無 儼 不衢行。 中情。 炎光,長 可 愛, 高 子 目 如 孫 堂 有 玉 千 因 四 方 壺 年 以

> 楹。 鼓, 清。 地, 何憂歲 邀賓樂 太陽 于以 無 聚 峥 昇平。 偏 詩 樂? 照, 書,教子脩 自然虚白生。 緑 勗 煙 哉肯構人,處之千 亦 誠 何 明。 知, 終 不 于 向 以 日 摇 在 列 萬 落 簷 鍾

君子樹

寒惜 石。 庭户 子材,對之每前席。 怨摇落,獨如春 正 色。 雙龍思 豈 一松何 有聲若江河,●有心若金璧。 無 蘭 年植 霹 菊芳? 山碧。 靂。 ? 或當應自然,化爲補 豈無桃李姿? 清 迺知天地威,亦 貴 風 此 未 嘗 有 息。 清 德 雅 夭 賤 爲 向 萬 矯 彼 木 天 君 歲 非 向

● 「河」,四庫本作「湖」。

五

松 風 閣

匏, 自起 此閣 簫韶音。 宜 一登臨, 明月 上有松風 萬 里 吟。 時, 何 非絃 必 開 亦 非 緑

心。 琴 ? 歌,太古傳于今。 安得嘉賓來,當之共披襟? 鳳皇下雲霓,鏘鏘鳴中林。 潔如庖羲易, 洗人平生 陶 淳 !景若在 如 葛 天

贈 都 下隱者 仙,千載一相尋。

徒, 非必煙 梅 福 隱 霞 市 地。 門, 嚴平居ト肆。 異哉 西 Ш 逍 乃 遥 知 京 神 洛 仙

載, 塵。 海。 此術了 結舍擬 門多長者車,察脉如有神。 然在。 滄洲 東池接 精意 洞 御 五行, 溝。 蘭 飛 軒 名 芳 皇 披 落 萬 幽 四 餘

徑,琴樽在小舟。

清夜泛月華,宛

是

江

湖

范文正公集卷第

遊

他 日

上雲去,兹爲黄鶴

樓

范文正公集卷第二

古

詩

和人遊嵩山十二題

公 路 澗曹公與袁紹常争據此地

距。 漢,白氣横雲霧。 近代無戰争,常人自來去。 英雄惜此地,百萬 曾相

嵩高發靈源,北望洛陽注。

清 流

引 河

室

道

地。

路,鷄犬亦可致。

未必真龍媒,悠悠在

平

傳聞王子仙,澗邊遺

一驥。❶

當時青雲

拜

馬

澗子晉登仙,遺馬於此,鄉人見之皆拜

霞,恍如遊仙夢。 太室何森聳,少室欲飛動。 何以寵此行? 行歌降神 相對起雲

頌。

自峻極中院步登太室中峰

丘,襟袂安足把。 白雲隨 人來,翩翩 不來峻極遊,何能小天 疾 如 馬。 洪崖 與浮

下 ?

一」,宋本、四庫本均作「逸」。

七

玉 女 窗

飄飄 窈窕 霓作裳。 玉女窗, 想像玉女粧。 莫學 陽臺夢, 無 皎皎月爲 端 惑 楚

王。 。 鑑,

玉女搗衣石

色,璨璨知千古。 但見 巖前 砧, 誰 試 聞月下杵。 問 搗 衣 仙, 何 金文與 如 補 天 鐵

天 門

女 ?

間,雲雷走平地。 天門絶境 遊 天 熙 威 然 不 揖 遠 灝 氣。 人,熟舊本作莫。 下 顧 莽蒼

起欺天意。

惜。

天 門

天門 有靈泉,埃塵未嘗至。 泉

愧。

照,

雲霞

亦

輝庇。

惟抱

夷齊心,

飲

之可

無

日月自

高

天 池

岳頂 見天池,●神異安可 度。 勿謂 無 波

濤, 雲雷有時惡。 乘 此 澄 清間, 吾纓 可 以

濯。

 \equiv 醉 石

徒, 如樂華胥域。 巍 巍 八仙 壇,上有三醉 憔悴澤邊人, 石。 獨 憐 醒 此 良 高 可 陽

0 「天」,宋本作「仙」。

46

峻 極 上 寺

家。 來, 吹落桂 徘 徊 峻 樹 極 花。 寺, 清 高 意 高 滿 人 煙 物 霞。 外 猶 好 屬 風 梵 從 王 天

中 峰

影 正 嵩 得 高 天 最 地 高 心 處, 逸客 念 此 偶 非 登 常 臨 遊 千 迴 載 看 日 披 月

聽 真 上人琴歌

襟。

鄭 歸 上 入 天 衛 忽千 銀 兒 叩 潢 北 朱 耿 古,我聞 里 絲 耿 繩 南 霜 ●萬籟 隣 稜 遺音 競 稜, 歌 淚 西 不 舞 如 軒 · 起 雨 秋 競 色 光 歌 嗟 寒 凝 舞 嗟 如 冰。 不 何 伏 時 及 犧

月

金。 太靈。 兀 鬼物悲哀晉方亂。 瑟 龍 天下心。 詩,神人和暢舜無爲。 休,師襄堂上心悠悠。 海先治琴。 咽流泉。❸ 秋啼滄海 十二銜珠 感公遺我正始音,何以報之千 底。 洞 興亡哀樂不我遁,●坐中可 庭蕭 幼猿暮嘯 下仙鵠,爲予 乃知聖人情 蕭落寒木 爲予試彈《廣陵散》, 擊浮 寒 金,憂 Ш 此 再奏《 慮 曲 聲 深, 鳴 感物 隴 南風 玉,老 將 頭 黄 見 治 瑟 何

軒」、《古今事文類聚》續集卷二二引作「窗」。

「上人」、《古今事文類聚》引 作「江上」。

0

0

流」、《古今事文類聚》引作 遁」、《古今事文類聚》引作「道

九

和僧長吉湖居五題

e

湖

Ш

湖山滿清氣,賞心甲吴越。晴

雲,晚水連初月。漁父得意歸,歌詩等閒

水月

發。❶

宫, 俯仰 千尋 見 月脚 嬋 娟。 寒, 湖 更 影 約 浄於天。 中 · 秋 夕, 長 忽 津 如 無 常 寸 娥

筠亭

煙。

煙 獨 爲愛碧鮮 有 清涼意。 亭, 高 夏 岡 敂 鳳 敂 不 至。 來, 出 臺 人 榭 此 競 沉 生

醉。

PY.

風笛

去,明月生精神。 風 引湖 邊笛 無 焉 爲《落 知非 隱 梅 淪。 》調 留 寄 聲 隴 裂

雲

頭

人

嵐

起片

渚 蓮

絲, 未成機上素。 武陵誰 家子, 波 似 面 共 雙 織女期, 雙 渡。 秋宵苦霜 空積 心 中

露。

酬葉道卿學士見寄

世傳學中禄,小子迺逢辰。一人諫静

❶ 「詩」,宋本並四庫本均作「聲」。

__

樸, 循。 伸。 地, 旬。 樂,不忍持鈎 司 音,佐我臺上春。 雅尚 静 鴻 朱樓 嘉 恬愉 可 毛 興 量 逸 過 忽 風 弗擾 逼 堯 吾 其 朝 雅 舜 清 神。 輪。 身。 外, 倫。 心, 來 江 下 觀 何 如 漸 爲 僅 可 睨 對 以 日 得 郡 同 負 慰遠 照 如天賓。 百 疎 良 龜 萬 丈鱗。 孤 優 懶 在 乘 民。 臣。 優, 味, 泥 主 乏 感兹 下 敢 甘 拙 羨 薄 才 冀 車 此 青 爲 口 韶 將 存 11: 南 蠖 落 \equiv 夏 吾 循 魚 求 善 黜 兀

中

圭

一兮圓

中

蟾。

北

苑

將

期

獻

天子,

林

下

雄

和章岷從事鬭茶歌

襜 昨 溪 ,唯求精粹不敢貪。 邊 夜發 番榮,●綴玉含珠散嘉樹。 奇 年 茗冠 何 年 處,家家嬉笑穿雲 春 天下,武 自 東 南 來, 夷 研膏焙乳 仙 建 人從古栽。 溪 去。 終 先 朝 暖 有雅製, 露 採 冰 牙 掇 微 錯 新 未 開 方 盈 落 雷

> 登仙 泠水。 豪先鬭 其間 起。 都 芝,首陽先生休 伶却得聞雷霆。 清,千日之醉我 石 森然萬象中,焉 藥市 Ė 一英,論· 品第胡能 不 鬭 黄金 無 可攀,輸 美。 余味兮 光輝。 功 鼎 碾 不 欺,十 磨雲外首 ·采薇。 畔 輕 知無: 可 愧 日 盧 不 醒 醍 緑 降 堦 全敢 如 茶星。 醐 塵 前 將 目 仙 長 屈 鬭 飛, 蓂 無 視 不歌,陸 Ш Ш 安 原 窮 而 余 紫 銅 試 酒 商 衆 十手 耻 香兮薄 啜 價 與 玉 Щ 人之 瓶 好, 泠然 減 羽 招 甌 于嗟 指 丈人休 携 須 魂 千萬,成 心 濁 蘭 江 作 魄 芷。 雪 天 勝 我 Ŀ 劉 茹 産 若 濤 中 便 口

- ❶ 「牙」,宋本作「芽」。
- ②「紫」、《古今事文類聚》續集卷一二引作「碧」、「心」
- 「餘」,疑爲「茶」字之形誤。二「余」字、《古今事文類聚》均作「茶」。「余」不記作

 \equiv

8

珠 欲 璣 乘 滿 風 斗 飛 歸 君 莫 羨 花 間 女 郎 只 鬭 草 贏 得

和葛閎寺丞接花歌

作 工 裁 苑 幸 栽 敕 袁 始 問 衆 五. 裹 有 培。 修 瓊 了,少年 量 能 中 云 索 花 林 妙 神 言 何 忽 江 色敷 妍姿, 苑 臺。 仙 猶 至是 聞 城 Ŀ 香膏 生自 接 恐 中 語 有 華 以 花 君 ·吏。 奇芬異 聲 卒 異 花 欲 石 東 膩 術 Ŧ. 好 老 平 爲 氏 都 壤 語 更 猒 年 事 且 日 東 富 知 彌 汍 顔 卉 年 向 貧, 綘 中 貴 瀾 是 色, 百 中 都 黄 地。 搜 墮 北 密 憔 餘 使 城 群 金 朝 淑 雙 來 悴 先 品,求新 求 寵 芳 用 質。 家 淚 迴 京 抱 春 絶 只 愛歸 盡 得 有 洛 來,曉 關 匹。 似 無 城 東 金 斯 人。 良 尋 牡 他 皇 换 刀 南 須 ?苦辛。 丹,千 常 能 造 玉 舊 官 錦 收 我 梁 開 尺 Ŧ. 争 試 化 却 繡 淚 \Box

> 黄道 信 啼 北 敢 歲 賜 刻 羽 精 似 花 四 訴 傷 供 伏 花花 處 人 衣 明 邊 X 相 人,今年不 血 情 春 前 曲 動 桃 間 笑 吏此時 生羽 一, 道南 爲 況 竄 韶 李 職 看 妖 花, 來 景 異 不 饒 官 翼。 ,❷天香 南 江 中途 樓殿 勝 太 難 方得 獻 黄 外 春 平 人 及 梅 壽 知 五雲高 得 天 竊 惟觀 色。 羅 去 熟 蕭 何 幾 旖 罪 子 藥 年 時 灑 星 況 年 旎 情 春 常 白 風 辰。 身 溪 花 鈞 雨 飄 多故,刻木在 遊 娥 骨 景 銀 Ŧ. 如 Ш 芳 好 新 肉 不 兑悦 天捧上蓬 紅 苦 對 目 霧 塵 换 無 憂身,一 錦 香 金 無 玉 骨 音 滿 臨 特奏霓 耳 多 宸。 明 趣 牙 鴈 愁 軒 柳 嬋 重 萊島 床, 空 心 多 前 逾 精 子 或 色 娟 度 籠 力 恨 規 何 歳 拜 數 裳 色 不

0

[「]精」,宋本作「晶」。

③ 「伏」,四庫本作「仗」。

昔繁華 陽 身 朴 優 我 沙 曹 曾 爾 能 減 7希白 去。 復 則 優 無 執 向 侍 組 奇 樂 出出 隅 從 ? 繡文章皆棄 有 7,江鄉 徒 傅 事逮古人,謫 班 名 求 泣 賈 鄉 教 爾 中 功 誼 心 爲。 曾 人生榮辱 立。 業 卑 難 文 日 開 濕 具 不 才動 朝 天 西 遺 元 何 陳 恓 恩 都 違 盛, 能 官 恓 漢 放 尚 如 日 上 我 施 却 吊 亦 家 爾 有 浮 下 林 ? 聞 形 得 作 歸 名 雲,悠悠 暮 將議 此 當 影 神 吾皇又詔 流 天涯 袁 語 時 相 仙 處 賜 聊 不 逐 接 境。 過 不不 民 悒 栽 花 免 天 我 畋, 梅 悒, 欲 自 地 學 花 來 還 之 洛 抽 淳 技 長 胡 似 可 爾 近

天平山白雲泉

中 渴 靈 虎 泉 不 在 敢 天 臨 半, 狂 隱 波 照 不 涵 能 秋 侵。 碧 泓 神 然 蛟 穴 勺 其

> 歲, 琴。 息, 心。 深。 陰。 意 盈盈長若今。❷ 涓 神 徘徊 兹焉 聞 游 涓 化 之異 潤 安 度 如有價,北 不 騰 可 前 雲飛 擬 絲竹,不含哀樂音。 林。 尋。 去, 復 子晉 挹 萬 斗 發 之 作 ·量黄 里 滄 如 罷 \equiv 江 浪 雲笙 醍 日 海 金 吟。 霖 醐 源 千 伯 乃 月 盡 天 秋 云 牙 好 得 造 松 堯 收 群 清 贵 桂 湯 玉 籟 涼 無

留題常熟頂山僧居

音。 泉, 來 可 結茅 平 問 洗 湖 無 人 數 間 端 + 百 理 年 耳 里, 不 隱 吾 却 道 然 指 師 日 嶺 仁 月深。 Ш 邊 智 起 雲, 心 斯 愛 笑 中 我 焉 兹 有 贈 名 Ш 白 君 未 水 龍

- 「雲」,四庫本作「龍」。
- ② 「長」,四庫本作「常」。

子。

江上漁者

舟,出没風波裹。❷ 江上往來人,但愛鱸魚美。● 君看一葉

送蔡挺代父之蜀

闌 行, 萬 到日必詩戰,重登李杜 朔 里心自安。 風 登不 寒,蜀道 劍閣 豈 雪 不 猶 壇 難 明, ? 錦江 之子 代 春 未 親

鄱陽酬泉州曹使君見寄

巢,心苦千仞 吾生豈 不 翔。 幸,所禀 志 意 多剛 苟天命,富 腸。 身 貴 甘 非 我 枝

> 稱, 霜。 揚。 厲, 將。 漢, 芳。 舜, 望。 忘。 長者,烏肯巧如簧。 韓 千古聞羶 所損傷纖芒。 胡弗隨低昂。 酒聖無 片玉棄且 今日貶江徼,多慙韓與王。 義士撫 匹夫虎敢鬭,❸女子熊能當。❹ 立譚 愈逐 萬 諸 ※卷起, 隱量,詩豪有餘章。 乘 香。 唐。 在 前 雙足何辭傷。 眦 肝 干時宴安人,滅 寸懷 盡室來官下, 獄 我愛古人節,皎 血 竭 中 喉 與嶺外, 如 霑裳。 無 春 漿。 風 妻子 君 秋 罪 胡 王章 思 意 然 大 弗 來 恩 皎 況 與 君 學 不 大 禍 彼 死 魏 明 已 天 成 揭 公 難 於 得 於 下 不 大

2

「波」、《類説》、《宋朝

事

實類苑》均作「濤」。

改

^{● 「}但」、《類説》卷五六、《宋朝事實類苑》卷三四均作

③ 「虎」、宋本作「雷」。

[「]當」,原誤作「留」,據宋本、四庫本並《宋文鑑》卷一五

光。 氣, 商。 郎。 狂。 亭, 言,疑登孔子堂。 烏,擬彼歌 彌天浩無 念此孤 金 此道果迂闊 卓有 泉南曹使君 菊 何 梅聖 鳴 滄 煌 疆。 浪。 煌。 鶴, 俞, 陶 聲應來遠方。 詩 作邑郡之旁。 鋪 聞之金石音, 因成答客戲, 登 陶吾醉鄉。 源萬里長。 之被萬物, 高 發秘 思 照 相 純 移 復 矯 聊 之 期 純 我 以 首 以 諧 贈 養 自 攄 百 賦 心 宫 餘 名 靈 吾

和謝希深學士見寄

闊。 路, 奪。 處, 尚願 自省 天地 盡 室得 有 無 久開 本 壅 江 遏。 末。 行, 泰, 君恩與全活。 過言防結括。 豈 心焉 獨 世所非,千載 介 如 石 可 迴 誰 裂 憐 頭 成 多 諫 不 迂 出 諍 口

廬山瀑布

泣。 **2** 坼, 立。 直, 逗雲千仞急。 闊電不得瞬,●長雷 靈 道林 須當截海去,獨 源 何 戀濕。 太 高, 北 白 險 斗 流不 虹 逼 想 無敢蟄。 下澗 飛 ·相人。 可 鳥 挹。 墜, 飲 冷束 寒 萬 凌 丈 劍 日 巖 山 倚 Ŧī. 鬼 崖 光 天

滕子京魏介之二同年相訪丹陽郡

交,過之如坦途。風波豈不惡,忠信天所長江天下險,涉者利名驅。二公訪貧

●「鬧」、《古今事文類聚》前集卷一八並《記纂淵海》卷八

) 「東」、《古今事文類聚》並《記纂淵海》引作「灑」。

二五.

朱。 扶。 儒。 路,休防讒嫉夫。❷ 孔子作旅人,孟 人,太半空名呼。● 功名若在天,何必心區區。 吾輩不飲酒,笑殺高陽徒。 相見乃大笑,命歌 没者草自绿, 倒 金 壺 莫競 存 同 軻 者 年 號 貴 顔 迁 高 百 無

送 劉 牧推官之兖州

毫。 毛。 豪。 檄外,可與相遊遨。 遇,所得連六 或作《梁甫吟》,秋風 羨子賦從軍,壯思如波濤。 此行名與節,須似泰 相國 鎮 東魯, 八鼇。❸ 時李相公迪在兖。 故人孫復之,臥 益以夫子心,萬物 山高。 共呼號。 當 開閣 翩 雲 有 都 多 翩 生 非 常 英 草

和 楊 畋 孤 琴詠

間。 絲 明月當 自 愛此 然召 千年 秋漢。 「南風 器 , ,莫起孤琴歎 如 我 見 願 古人面。 宫 商 絃 相 欲 應 彈 聲 换

無

朱

絳 州 袁 池

來, 笑,垂楊自由 雨。 群峰高下覩。 怪栢鎖 絳臺史君 蛟 舞。 虬, 府, 醜 亭 静 池 石 閣 境 魚 鬭 合通 參 或 貙 袁 躍 虎。 圃 仙 金 清 水 群 陰 花 簾 泉 相 長 不 西 倚 布 北 知

- 防」、《古今事文類聚》前集卷二九引作「誇」。 空」,四 庫本作「功」。
- 六」,四庫本作「九」。

致

主

愧

前

千

家

溉

禾

觀

者

增

恭

源

甚

澄

佩之玉非美。

皆

如

晉

祠

訪陝郊魏踈處士

耳。 風, 復爲隱 下瞰紅 賢哉 先 君子。 塵 處 路, 士,天書 祭利 有 石 無 召 礪 窮已。 不 其 起。 **数** 有 孜 雲 孜 泉 夫 朝 洗 嗣 市 其 孤

倚。 行,退者道之止。 同 來訪臥 在 我 亦 風 寵辱流 波 雲人 裹。 所 而 矧 大 請 今領 幸 爲 益 無 高 諸 方面 士笑, 愠 己。 喜。 誓不 豈 得 進 者道 無 稱 拾 長 長 者 之 城

暑。

每

與

風

月期

可

無

詩

酒

助

登臨問

民

?

俗,依舊陶唐古。

中元夜百花洲作

人間 碧海 避,今夕涼生豈天 弗歌如老 主人高歌客大醉。 百 花 世、瑩然都在 洲 吐 南陽 明珠,寒 裹 何? 夜 太 忘 守 歸 清 輝 狂 青 緑 意 射 客醉起 發, ? 玉 空 梧 壺。 星 無 未 聲 斗 到 笛 舞 疏。 從來酷 露 中 逐 吹 光滑 秋 我 銷 西 先 歌,弗舞 萬 樓 暑不可 里雲, 賞月 下 天 學

❶ 「拾」、《永樂大典》卷一三四五○引作「捨」。

文正公集卷第二

覽秀亭詩

酬。 優。 留。 爾求。 覽洲 羞。 荆 喧 壽,外物真悠悠。● 臨,涼空氛氣收。 明月,席上皆應劉。 千載休。 亭,紫微謝希深領郡日,建此亭。 棘繁,欲步瓦礫稠。 羅 亭焉 焰焰 衆 卉 明, 西郊有潭 老子素不淺,預兹年少儔。 中秀,歷歷銷人憂。 南 綺 陽 曰基復曰搆,落成會中秋。 傾 詎 我來亭早壞,何以待英游。 有 城 可 絶 廢,願 遊。 菊, 勝, 衮衮新泉流 滿 城 風 五. 過則 此多賢侯 敏 以 下 馬 來 速迭唱和,醺 嗟嗟命良工,美材 百 金 不 鴈 與春 作詩刻金石,意 花洲 船 聲度, ·行樂, 屹 浮。 在 期 高 7;春 州 雲 簫 雅 九 謝 城 去 鼓 人 爲 日 開 公創 時 酣 頭 爲 Ш 争獻 動 良 君 重 樽 試 之 地 更 子 色 登 揖 肆 觀 垂 危 盡

祠風師酬提刑趙學士見貽

義。 濤, 地。 意。 至。 愠 夕, 師 刺史敢 良以警有位 即 明月生天際。 害我舟 誠欲通 慎無. 所祈 願君 先王 爲天下賜。 人 吹 動 制 有 、薰絃, 檝 散 神 以 禮 $\frac{\dot{}}{?}$ 明, 利。 去, 時, 經 非 坐使百穀悴。 生物得咸遂。 祠 上副吾皇志。 八 乃 早天六七月, 齋戒升于壇 徒 爲 使 可 獎 或 重 驅雲煙 州 大 古 事。 吏。 禮 作 賢 以 會 阜 高 拜 勿 孟 喜 哉 詩 秋 有 鼓 手 春 財 推 歌 復 萬 雷 首 祭 \equiv 江 Ŧi. X 此 祭 海 至 解 雨 風

● 「外物」,四庫本作「物外」。

二八

依韻和安陸孫司諫見寄甫

不 減 相 處 朽,風雲一代皆忠賢。 Ш 高 孫 十載 眠 其 居 河 公頃 傳 直 林 臥 在 穰 道了 一,徘徊 之翰 泉。 功不 以 龍 下 . 故 里 清浄化 詩來 無悔,寧争蠖屈與 前。 因 , 神 都今善藩,沃 弔 逢 古良 仙 若金石,重於我輩 故 尚 我來代之慙二天。 近 人作宴喜,琴樽 得 依然。 接 州 我亦明時得君者, 弄 麾 珠 衍 養 二十八將 إال 千 鵬 衰 疾,優 里多 騫 漢 何 風 光 其偏 豐 月 游 古 舊 年。 夕 物 岢 出 不 烈

送鄖鄉尉黄通

逐 少年 遠 貴 好 徐 逸 徐。 驥 老者重 勿 言 安 尉 車。 卑, 千 争 户 先 繋 尚 慘 逐

范文正公集卷第

如。 路, 舒。 作 外 邑 矜 寧 固 欷 不 歔。 上 , 内 五 樂 斗 則 對 有 萬 餘。 鍾 所 子 問 游 道 與

何

季

依韻和襄陽王源叔龍圖見寄

抱。 親, 考。 周, 早。 物, 保。 見, 聖 時 薄言理 布素情 朝端卿 我起爲 潔 高車 一門深 時 如 鳳 赴 絶 已 大夫, 可 相 食 君 南 造。 倒。 好。 竹 到。 壽 峴, 樂若魚 所尚 善 敝 不 與 君 屈 頌 郊 忘 子 君 指 賢 復 主 平 貴 誓 四 在藻。 而老。 東 生 (有終, 善 + 許 禱 道。 . 秋 期 或 明 功 于 安 無 世 願 風 今 月 得 忝 慮 名 杰 采 滿 非 歲 長 於 久 杯 喜 乃 懷 相 祖 必 寒 中

依韻答賈黯監丞賀雪

歌 清 者 來賞 氣發 意 郡 自 如 東 作 寒 健 且 或 秋 酒酒 心江 今之刺 擊 拂 聖,神龍 鄒 和 政 徂 夕 氣,明 未 冬渴 前 拂 密 市 海 誰 籌 洽 生 暖 下 言 衣 史古 上, 雨 熱 年 誠 奔 刺 吾 常 裘。 雪 沽 黍 如 走 東 史 子 願 諸 羞 人 稷 閉 旬 望 不 青 鈴 帝 稠 侯, 須 俟 閤 奏 不 春 力 齋 俗 求。 當 盈 見 空 孰 有雪 者 及 賀 光 疇 \equiv 自 文 敢 南 客 精 羞多 意 同雲千 神 尤。 慙 不 畝 有 璨 在 丘 煙 轉 夜落之語 分 喜 璨 郊 生 盡 上 郵 天 色, 奪 里 賴 民 使 空 渾 子 劍 先 居 結 飲 得 風 祛 天 戟 發 酣 雪 子 非 俗 獵 癘 曉

調

蓋

芳草

就

爲

茵

引

此

杯

中

物

獻

柵

交

錯

依韻答提刑張太博嘗新醖

塵。 罍, 均。 物, 醇。 事, 循。 侣 近, 新 優游款 依 駐 厥 盡 古 長使下 悠悠 客有 古 暄 煙 南 此 心妙 來風 依 味 姿藏 可 凉 陽 席 和 江 乘 奉 多 體 本 化 海 上 宗 而 始 嘉 情 聞 碧 佳 書 几 辛。 臻。 賓。 珍。 達, 純 瀕。 廟, 者, 塢 時 處 舸 坦 柳 宜 日 密 窮 偶 況 涓 非 時 當 晚 月 法 民奚 得 杪 能 坦 光 涓 徒 得 官 有 見 格 周 爲 作 解 百 滴 水 倒 天神。 朱闉。 我陳。 不 數 笑會 守 朝 無 花 小 泉 晚 伸。 旬。 紳。 臣 影 洲 糟 潔 術 大 恨 易 水 清 此 緑 我 其 自 兩 地 木 光 要 言 無 外 易 與 陰 III 姑 氣 兩 長 能 芳 麴 此 千 更 復 汝 承 無 鳬 酌 作 時 照 以 糵 何 循 墳 鴈 金 靈 日

主, 因。 ψ 表, 頻。 ●與予日 盡作義 但願 吾非葛天氏, 禮俗 還天真。 天下樂, 重 黄 三三爵,今乃不記巡。 相親 民。 誰 或落 耕 一若樽前身。 作詩美嘉會 爲 田 劉伯 與鑿井, 孟 嘉 倫 帽 ? 熙 長 或 大言 調 八 戴 抛 熙 高 使 千 陶 堯 繼 達 出 萬 舜 無 觀 令 物

寄題峴山羊公祠堂

春。

戴。 軰。 深, 首, 最。 間 風 興言何 恩被疆 堙滅 卓有王 開府多英僚, 休哉羊叔子, 采獨 皆 場外。❷ 慷 不 源 無 昧。 慨。 叔, 聞 置酒 文學偉當代。 空悲 輔 此山 于今墮淚 中國 晉 歲月邁。 功 每高會。 自古有, 倚 え動 大。 而安 碑, 公乎 游 借麾 觀 徘 化 治 之 者 徊 爲 行 益 千 來 臨 天 江 欽 萬 襄 澤 峴 下 漢

陽, 祠, 籟 善,比户皆歡快。 高 蕪 行樂 襄 没 懷 人復 民 極 何 疇 恬 其 逍 遥 退。 内。 祀, 水旱有攸賴。 千金 覽古忽 源 Ш 叔 姿 政 贖 列 感 雲端 可 故 概。 歌 基 又 廟 太 不 江 留 見 響 守 貌 千 叔 拂 重 興 載 誉 天 子

送河東提刑張太博❸

愛。

郡, 神。 畫 表裏還 落落席 洎 憶守 余領 姑 上珍。 相 西 蘇 親。 帥 日, 見君 密 强 有 與羌夏隣。 記 如 已驚 得 及敏力, 四 人。 支, 周 君 翩 旋 來 翩 衛 精 貮 幕 其 邊 如 中

-) 「八」,四庫本作「大」。
- 「場」,原誤作「場」,據四庫本改。
-] 「博」,原誤作「傅」,據四庫本改。

洲

原。 塵。 遵。 綸。 JIĮ, 身。 言。 守,皮膚安得存? 齗。 君掌 城成 咸 感 入險將 進 扼 諸將 天地 呼兵就 傳告以 果釋 蒼惶 今叨 諸 子 鎬 慨 胡 退 將 始 爲 未 食 動 來 皆 領 天子 切 被 稍 按 正 貨 本 中 踰 路 死 有 南 切 愁 矢 畚 畏 號 萬 繁。 根。 宸。 旬。 濱。 津。 憂, 倫 陽 議 惨 石 怯 **令**, 渠 插 , 獎 謂 會 悦 關 偶 遁 再 豈 全 是 持 虜 漢 予召 羌 兵行 君 詔 宜 輔 走 使 拜 語 敢 師 秋 乃 軍 楇 酋 乘 守 垂 將 無 咸 辭 罔 懈 遂 懷 急 始 書 蕃漢 百 八 逡巡。 迸 使 明 塞 忻 不 艱 物 鼓 攻 屯 九 夙 敏 禍 軒。 恩。 奔。 忻。 辛。 馴。 垣。 陳 集, 進 敗 我 福 夜 百 兵 未 予 連 虜 萬 虎 虜 携 惟 趨 腹 書 作 醉 君 君 而 貮 嘗 勢 馳 衆 夜 躍 騎 手 城 邠 校 君 心 城 歌 君 百 侵 戰 擴 機 息 h 當 苟 奏 生 靡 正 俄 大 喜 主 闕 花 笑 驚 贊 不 涇 煙 且 不 馬 紛 順 其 衡 北 龂

> 心, 墳。 屏, 分。 忍, 番。 我, 氲。 贈 潤 覽者懷 劇 無 長河 此 堯民 氣 行 以 飲 時 日 道 同 當 無 金 不 改 日 擊 出 若 忠 石 有 涼 開 益大,行行 紫 壤 使 蘭 文。 勳。 云。 暄。 樽 節 芝, 歌 塞 太行 聲 恩悤指 攬 行 從 自 語 古 應 轡 府 來 問 論 思致 猶 入青雲。 如 平 問 宿 在 極 并治。 得 箎 平. 兵 生 今 風 聞。 塤。 古 陽 地 心 俗 此 情 坐 Ш 天 北 惜 浩 君 伙 樂 歌 契 有 與 别 111 曾 及 精 經 秀 作 胡 古 忘 子 物 典 氤 漢 幾 濟 雄 不

依 韻 和 提 刑 太 博

今 秋 與 南 冬 陽 數 風 月 俗 早 常 苦 耕 麥 無 太 望 守 愁 憂 編 民 氓 敢 龍 遁

萬」, 四 庫 本作「方」。

賢

老休 雲藏 雪 君 逵 嘯 沙 江 不 拆 徊 出 驟 此 E 壓 一,雙瞳 化工 評。 樂 堤 天 平。 好 起 風 寒 緩 口 虎, 誉 下 處 作 鳴 梅 復 初 舞 不 不 ,平施 誉。 英。 塵 肯 可 歌 窮 踏 鴈 因 如 造物 海 繁陰 松偶作琴瑟 通 得 我 埃 練 畏 含 起 開 E 得 天上 起 大 清 相 情 萬物 何 千 凍 與 將 荒 喪 招 和 失, 里 其 雪 死 布 軍 祠 了 當 風 千 大 明。 如 精 吞 紫 對 天 龍 飄 巫 無 使 門 知 流 權 舞 舟 髯 寒 地 鼓 庭 調 事 賞 有 忽 競 散亂 衡 群 英 攄 鯨 和 渾 奔 徒 爾 天 年 過 掃 莊 閻 平. 氣 綴 馬 矗 瑞 可 在 明 竹 老 逐 狂 我 生。 須 瓔。 豪 裁 轟 坐 徐移 月 飛 器 去 醉 有 充 如 成 致, 色, 若 宇 疫 片 高 間 共 把 巖 驚 昨 盈 倚 何 環 癘 君 萬 羲 東 樓 前 險 片 宵 遠 珮 難 學 當 黄 泉 擘 盡 飢 阻 木 天 丞 并。 聲。 取 年 向 長 雲 煞 相 徘 六 父 無 都 意

泥

遠

任。 始, 淫。 欽。 林。 擒 霜, 森。 海 我將 天馬 然後 有 勸 閱 振 虎豹 其 耕 吾愛古賢守, 既 決 中 古 謀 沮 起 膽 勝 重 夫 Ш 以 所 雷 來 密 張 良 龃 神 卷 如 古 天 做 得 霆 駸 如 薰 自 樵 下 所 韜 人 Ш 深。 音。 琴。 堪。 今。 駸。 陰。 像, 啓 安, 子 重 略 受託 其 馨 必 韓 飽 鯨 牧 吾 敵 躋 九 留 静 公兹 德 求 鯢 暖 觸 侯 城 愛 民 與 師 投 如 相 神 古 天 古名 支 武 在 智 六 淵 鎮 所 釜 謳 祗 人 + 朝 春 可 侯 心。 鬵。 沉。 吟。 歆。 臨 諶 將 人 柱 者 拔 臺 尚 冠 將 毅 熙 忠 萬 皇 戎 典 彼 堂 披 有 王 若 首 令 道 熙 法 與 或 劍 上 開 相 威 覆 徹 萬 凛 武 自 樂 曾 義 所 竦 繢 俱 H 若 不 弗 存 昔 月 能 如 此 重 庫 可 西 里

光

人 豈 愔 愔 所 以 作 此

鐔。 衾。 公意 王師生 前 人 同 何 堅 太平, 赫 金。 赫 苦戰誠未禁。 後 僕 思 寶 元 初, 赤 叛 子 羌 餵 弄 犬 千

塞翁淚涔涔。 乃命公與僕, 聯使禦外侵。 中 固 歷 天 子 歷 革 動 前 宸

原

爲辱

彘,

衿。 弊,拳拳掃妖祲。 地,指掌而 惟以人 蹄路。 (占天,不問 復我横 二十四 昴與 Ш 「萬兵, 疆, 參。 撫 限 相 之若 彼 爾 長 形 青 河 勝

策,奸謀 僕已白髮 俄 獻 琛。 翁, 量力欲投簪。 梟巢不 忍覆 異 公 方 日 青 生 春 兇

潯。

此得喉可扼,彼宜肉就椹。❷

上

一前

同

定

抱道 河 湟 當作霖。 議 始 行 漢 四 唐 夷氣 功 必尋。 須奪, 復 百 代 令 千 病 載 可

箴。

下,

景仰

如高

岑。

大

賦

閱

古篇,

爲

公廊

廟

送 謝 景 初 廷評宰餘姚

信敷。 隱淪,今逢賀老無? 復樹立。 今又繼之。 人家,熙熙自翔集。 助。 世 春風 德 未能 餘姚二山下,東 青紫信 踐 同 爲君來、緑波滿平湖。 甲 科, 僊舟,離樽少留 可拾。 先賓客,先紫微, 文藻凌雲處, 又得賢大夫,坐 故 南 鄉 特榮輝 最 名邑。 駐。 俱 登甲 . 定 行 乘 科, 行 喜 堂 興 煙 高 廷 恩 水 道 訪 門

萬

范 文 正 公集卷第二 不孤

明

月相隨

去。

山

疆, 肉」,原誤作「内」,據四 原 誤 作 四 1庫本改。

輝」,宋本作「耀」。

詠史五

首

范文正公集卷第三

律詩

睢陽學舍書懷

天未喪,澗松何必怨山苗。 顔子心還樂,琴遇鍾君恨即銷。但使斯文多難未應歌鳳鳥,薄才猶可賦鷦鷯。瓢思白雲無賴帝鄉遥,漢苑誰人奏洞簫。

陶 唐 氏

莫道茅茨無復見,古今時有致堯人。 純衣黄冕曆星辰,白馬彤車一百春。

有 虞 氏

但得四門元凱至,九韶何必鳳皇來。 成都成邑即天開,終踐堯基詠起哉。

夏后氏

謳歌終在吾君子,豈是當時不讓賢? 景命還將伯益傳,九川功大若爲遷。

三 五

含毫看不足,詩社好生涯

嗟

商人

子孫 何 履 事 癸 爲炮烙,不念嘻吁 昆 吾 禍 莫移, 應 天 视 重 網 造帝 時 王 基

周人

不煩魚火明天意,自有諸侯八百心。 斧鉞爲藩忍内侵,商人塗炭奈何深?

兵

得

帥

,禦戎何必問嚴尤?

次韻和劉夔判官對雪

沙。 加。 葉, 星際 蟾娥 浄拂 風 蔌 流 蔌 落 讓 裁 王 樓 恭氅, 素 榆 賦 臺 華。 花。 稿,看清苦 外, 香 新 嶽 孤 滋 輝 鴻 色 陸 溢 讀 參 迷 羽茶。 書家。 四 急道, 差 遐。 露 萬 松 載 雲 霜 聲 中 歌 馬 女 慙 勞 髣 憶 凋 郢 龍 輕 髴 玉

河朔吟

太平燕趙許閑遊,三十從知壯

帷 敢 幄 話 方 詩 書 無 爲 事 李牧 上將,猶 材料桑 憐仁義 合 有 秋。 對 諸 民 侯。 得 士羞。 子房 袴 襦

和黄總太博上知郡杜少卿

思 申 九 何 威 重 星 報 執 萬 拱 憲 石 願 極 清 君 上一中 **鈴** 規 賢 再 在 齋 和 + 出麾, 舒 樂 鎮 嘯 職 月 分 詩 猶 憂 侵 龍 白 帷]1] 髮 上 金臺 知。 五. 歌 下客 環 時 禁

❶ 「稿」,四庫本作「苑」。

奏待鍾牙。

幾

處

和

梅賞

何

人

爲

鬢

送江南運使張傅度支

過

太

清

宫

雲霞 誰言仙 開 醜 絳 道求難至,自愧陰功積未多。 石 節, 危 松半緑蘿,函 雝 雝 鸞 鳳答空 關 歌。 真 相 幾 玉 時 嵯 身退 渺 峨 渺

寄餘杭全安石段少連二從事

瓊

壇

畔

,榮利匆匆奈老何?

得侣 樂事 雲漢外,重爲龍友免天涯。 知 自 分 携 風 趨 便, 丞 俱 相 是 府,道情 佐高牙,兩 鶴 思 鳴 對 時 露 過 地 華。 老君家。 光塵 早 自 晚 [等差。 相將 雙鴻

> 甘棠歌 于公已 嘉謨 在 刑 積充間 ,足亂雲霓憶帝臺。 措 未歇,一 東 南 慶,蕭 始 方流 詔 迴, 馬 相 路 還 重 初 施 分 富國 開 邦 計 啓心 オ。 命 欽哉。 知有 十郡

堯廟

中。 水, 舜亦致 鄉 千古如天日,巍巍 人不知此, 薰風。 簫鼓謝年豐。 江 海 與 生靈 善功。 外, 乾 禹 坤 終 揖 平 洚 讓

三七

西溪見牡丹

色,相看如故人。 陽和不擇地,海角亦逢春。● 憶得上林

寄秦州幕明化基寺丞

鄰。 息, 楚, 清風子在秦。 金鼓武 聳 同 一動軍 ., 辟 精神。 命新 前檄, 峥嶸席 中道改絲綸。 獵 共 度天 居卿 上珍。 月下, 山雪, 歌 獨 烽 滄 逢 煙 得 海 隴 邊 將 人 信 星 歸 樹

鵬鶚在秋天

春。

燕臺無

限

好

西

向自霑巾

匏。

穴,摧林競覆巢。

惟

開

三面

者

盛

德

播

絃

秋漢寥寥迥,雄心肯木棲? 人間正摇

遁, 落, 横 天外 長河 過 百 絶 兀 鳥 攀 練 睽。 躋。 小, 太 乘 月 華 風 兔 俊未已,空闊 精 拳伭。 應 喪 陽 下 眄 烏 玉 群 影 關 欲 毛

觀

獵

西。

髾。 網, 狐兔自充庖。 雄飛侵 鷹 犬 漢 何 下, 驕 霜 殺氣與雲交。 熠 明 熠 遠 流 近 鳴 郊。 鏑 翦 紛 鸞 棘 紛 皇 争 過 不 探 緑 觸

■「亦逢」、《宋朝事實類苑》卷三四記作「正還」。

鵬

鵡

郊

青郊鳴錦雉,緑水漾

金鱗。

願得郢

中

客,共歌臺上春。

意,對主忍無言。 雲林如一去,應喜謝朱門。 堂上每云云,金籠久受恩。 性比孤鸞潔,聲 思 殊 Ш 百舌 誠 有

雁

歸

楚, 稻粱留 不得, 一一起江天。 歷 帶 雪 南 離

和春北入燕。 木葉程 猶遠,梅花信可傳。 依依前伴侣, 子規、 歷 啼 舊 到 山

Ϊĺ

全。

鸚鵡鎖經年。 應羨冥冥者, 東風 羽 翼

射

陽

湖

渺渺指平湖, 煙波極望

者,何處得嘉魚?

珠彩耀前川,

歸

來

扣舷。

微風不起

舟 中

浪,明月自隨船。

三九

初。

縱横皆釣

寄歐静秀才

竹,清風慰寂寥。 君歸一水遥,魂 斷木蘭燒。 賴 有

和韓布殿丞三首

泛 湖 中

平 ·湖萬頃碧,謝 客 開顔。 待得臨 清

夜,徘徊載月還。

酒

絃上萬古意, 樽中千日醇。 清心向流

琴

水,醉貌發陽春。

漁

父

月色滿滄波,吾生樂事多。 何人獨醒

者,試聽濯纓歌。

南軒

送識上人遊金山寺❶

破, 潮帶海聲來。 空半蔟樓臺,紅塵安在哉。 煙景諸鄰斷,天光 Щ 一分江色 四

野

開。

疑師得仙去,白日上蓬萊。

色

非 煙亦非霧,冪冪 映樓臺。 白 鳥 忽點

0 「送識上人遊金山寺」、《古今圖書集成》職方典題作 「頭陀岩」。

四〇

望

來。 破,夕陽還照開。 誰謂山公意,登高醉始迴。 肯隨芳草歇,疑 逐遠

雜 詠 四 首

聞道周公繩墨在,天庭誰此 梓人一笑白雲鄉、杞桂森森遇豫章。 遇明堂?

玉人豈忍言環珮,留取天王尺二圭。 有客藍 田 得意 歸,溪光冉冉白 「虹蜺。❷

 \equiv

誰道 元 鏗 和無復致,爲君堂上起薰風。 鏗千古嶧山桐,金石聲來造化中。

范文正公集卷第三

如何 施陽春雨,依舊無心歸去來。

事呈

韓布殿丞

豈不孤黄石,有道何堪憶紫蓴。 天上雲龍期際會,山 南宫曾薦牧之文,失足徒勞忽十春。 中猿 鶴 愧因 循。 少壯由來 無功

須努力,篆銘鐘鼎古何人?

遇」,四庫本作「議」。

溪」,宋本作「浮」。

帆

69

四

嶺上

英英向

日開,帝鄉

情

態自

徘

徊。

四

西 溪

響亮頻 疎 蒙叟自當齊黑白,子牟何必怨江 懶甚,溪人能信解嘲無? 卑 聞鶴,夜海 棲曾未託椅梧,敢議雄 瞳 矓 每 見珠。 心萬里途。 湖 醉 秋天 吟

得李四宗易書

管鮑 無限 松栢 垂 舊 意,王孫芳草路遥遥。 秋 風 千古,不學張 心 當化 海 上 石,塤 憶 神 交, 陳 箎 負 新 江 韻 外 朝。 似 書 聞 來 \equiv 韶 慰 復 寂 荆 須 州 期

歐伯 起 相訪

有天命,浩然携手上春臺。 醴 草 遲 不 海 遲進 隨 涯 牢 風 落若爲懷,惟子 偃 匣 去,孤 鎖 雲 和 桐 特 何 特 意 開。 鳳 相過 飛 萬 來。 未 古 忍迴 功名 鐏 藏

金

勁

寄贈林逋處士

真。 頂,❷歌雪扣琴身。 厚,文章至老淳。● 罷釣輪生蠹, 唐虞重逸人,束帛降 慵冠鑑 玉田 墨妙青囊秘,丹 耕 積塵。 何 小隱,金 頻 餌 風 靈 蓮 闕 俗 緑 攀 夢 因 髮 鶴 高 君

0 「至」、《青箱雜記》卷六引作「到」。 鶴」,宋本作「岳」。

四二

紳。 俠, 新。 盛,●諸生禮 騰 嶺霞 未能忘帝力, 吊古夫 嘯駭 明 Ш 差 四 樂 神。 國, 循 望,巖笋入諸 猶待補天均。 懷賢伍 有 朝廷 客瞻 唯薦鶚 相 冥翼, 津。 鄰。 鄉鄉 無 早晚功名 劇 幾 端 談 黨 姪 預 來 簪 不 薦 傷 劍 裾

酬滕子京同年

外,

孤雲可得親。

疎懶 瞻 蘭 雪歸 氣象,莫言神物在南州。 幾忘傳筆夢,寂寥 謝 家 真隱,敢 風 雅 若爲酬,散 向 簪 軒 仍 競 急 有負薪 吏 流 方躭 如共 憂。 海 上遊。 茂 欲歌 先

贈餘杭唐異處士

名動公卿四十秋,相逢仍作旅人遊。

方都 青 市 廛 Ш 欲 督 如 一、千樹 海 買 燕 難 9 開 春濃 口,白 可堪雲水屬江 種 橘休。 髮 思 歸 時胡 易滿 鷗。 侍郎守餘杭 故鄉知已 頭。 猒 人

和沈書記同訪林處士

碧嶂 共 同 愛魚 德 淺 少 Ш ,樽前長揖聖賢清。 深驕晚翠,白雲舒卷看春 中 方樂,樵 宰 相下 爨誰 巖 扃,静 欺雁 不 接 鳴。 遊 I晴。❸ 人笑 莫道 傲行。 隱 煙潭 君

- 「姪」,四庫本作「姓」。
- ❷ 「廛」下,宋本有注云「一作朝」。
- ③ 「看」,宋本作「戲」。

諸暨道中作

可憐白酒青山在,不醉不歸多少非。 林下提壺招客醉,溪邊杜宇勸人歸。

題翠峰院范蠡舊宅❶

千載家風應未墜,子孫還解愛青山。 翠峰高與白雲閑,吾祖曾居水石間。

與人約訪林處士阻雨因寄

方憐 未容登末席,蘭舟 春滿王孫草,可忍雲遮處士 閑 約 諸 公扣 隱 無 局,江 賴寄前汀。 天 風 屋? 雨 湖 忽 Ш 飄 早 蕙帳 零。 晚

逢

晴

霽,重待尋仙入翠屏。

寄西湖林處士

仕,堯舜豈遺人? 一水無涯静,群峰滿眼蕭索遶家雲,清歌獨隱淪。巢由不願

春。何當伴閑逸,嘗酒過諸鄰。

越上聞子規

好,猶道不如歸。 夜入翠煙啼,晝尋芳樹飛。春山無限

● 「范蠡」,宋本作「越相」。

送李紘殿院赴闕二首❶

今日九重天上去,濉陽孤客奈愁何? 寂寥門巷每相過,親近賢人所得多。

金門乍入應垂淚,因挂朝衣憶彩衣。 霜露丘園不忍違,三年月日速如飛。

送邢昂處士南遊

東南賴有林君復,萬里清風去不孤。 落落崆峒一大儒,四方心逸憶江湖。

送丁司理赴明州

金闕道書微旨在,獄多陰德是真人。道書謂仙家枝葉令威孫,南去司刑庇越民。

范文正公集卷第三

升真者皆須曾爲獄官。

送鄞江竇尉

王謝江山久蕭索,子真今爲起清風。 片帆飛去若輕鴻,一霎春潮過浙

東。

送常熟錢尉❷

梅淡柳黄春不淺,王孫歸思滿江南。 姑蘇臺下水如藍,天賜仙鄉奉旨甘

❶ 「二首」,原無,據四庫本補。

● 「送常熟錢尉」、《吴都文粹續集補遺》卷上題爲「送錢

四五

四六

試 筆

姬易在,此心那更起纖塵? 叔 車 夜書 馬 縱 偶 盈 能 緣 几,狂似淵 欺 疎 拙 倦 客,江 得天真, 明 Ш 豈 酒 猶 問 滿 可 ψ̈́ 助 前 騷 途 況 人。 屈 有 與 南 伸? 懶 窗 如

文。

萬户方開國,

三階復致君。

斯亭

比

棠

樹,千載頌清芬。

月,

歸懷幾望雲。

迥臨

黄霸

俗,

遠

味

仲

宣

墳。

杉篁涵

晚翠,

蘭茝薦

時薰。

坐

嘯

頻

乘

相,

鼓

吹

燕

中

軍。

Щ

色

來

嵩

室

風

光

徹

汝

送真元二上人歸吴中

事, 鄰。 却思江海人。● 煙波方得伴,松月定爲 歸心不可奪,千里故園 願結虎溪社,休休老此身。 春。 及 見 市 朝

寄題許州錢相公信美亭

華構高 軒 敞, 名 湖 面分。 星辰居上

送何白節推宰晉原二首

深。 淚,萬里倚門心。 盛府 兼名邑、榮歸指故林。 侍日,桃李正芳陰。 江館 春寒薄, 山 多 程 年 晚 望 翠 鄉

又

板

輿

迎

此行 深惜 别,所 喜是 寧 親 祖 帳 千門

0 「思」下,宋本有注云「一作尋」。

曉,¶鄉關錦國春。鳥歌疑勸酒,也態似迎

猶

笑白雲多事在

等開

爲

雨

出山來。

人。我絶南陔望,因兄淚滿巾。

送刁紡户掾太常下第時爲太常發解官

音。 玉 沙密偶 敢希蘇 精 鑑 本 遺 季子,潛有激儀心。 非 金。 深, 英僚 豊累 暫 青雲器 此 沉。 猶 火 炎 孤 白 方 試 雪

憶杭州西湖

吾皇不讓明皇美 長 憶 西 湖 勝 可 鑑 賜 湖, 疎狂賀老 春 波 千 無 頃 緑 如 鋪

寄林處士

片心高與月徘徊,豈爲千鍾下釣臺?

依韻酬毋湜推官

閎。 行。 改,舊 英。 程。 生。 跡,重疊古今情。 閣,何才隸月卿? 緑,宵刻禁鍾 高 桃浪觀 恩輝孤 直舍有仙味, 好勵 見飴如 聖門非入室,文陣敢争盟。 窺 Щ 天 圖 擢 美衮, 秦塞, 際横。 易感, 露 南志 清。 莖。 翱翔覽四 薫風. 欲報乏英瓊。 交結淡難成。 祕庭無俗聲。 復驚 進退思先覺, 奉制 纓 珍群憐未至,霄 思 省舜城。 歌 漁 聞 三秀, 正始, 父濯 瀛 蹉 春 稱 終 浄 幾 新 午 不 意 仰 跎 多 伴 髮 觴 陰 揖 鶚 澄 畏 興 隼 鑑 聽 引 棲 輔 宫 江 後 廢 旟 中 六 樹 修 雲 登

●「千」,宋本作「天」,義長。

四七

四八

送 石 曼 卿

賈誼 如不墜,疏封宜在立譚間 去覺雲天近,舊隱 書 河 成 光 織 動 色過 西 [漢,謝 秦關, 回 思 安 水 人笑 英 石閑。 氣 起 飄 東 飄 此道 山 酒 滿 聖 亨 顔 朝 途

送河 涉秀才

賢良詔下先生起,休向成都問 蜀 道 歸 來 萬 里 身,上 堂 卜人。 嘉 慶 動 諸 隣。

八 月十四夜月

夜,人心待滿時。 光華豈不盛 賞 已 宴尚 知 千 遲 里 遲。 共, 猶 天 訝 意 將 圓 分

送吴安道學士知崇州

虧。

0

來夕如澄霽

清

風不負期

經緯 筮易 吏隱,相寬 暗 心皆曉,閑 驚 麾 鳴 輕 鶴 去 頻 遠,賦 奉 上海邊樓。 處光陰髮 蘭 羞,共 詩 深望白駒 半秋。 惜 時聶長孺倅崇州。❷ 清 賢 留。 長孺之才 豈 一易求。 古來

謪守 陸州作

同

佳。 意, 十口口 聖明 重父必 向天 何 以 重母, 涯。 報 ? 正邦先正家。 銅 殁齒 虎 恩猶 願 無邪。 厚, 鱸 魚 心 味 口 復 主

一訝」、《歲時雜詠》卷三一引作「覺」。

崇州」,原誤作「通判」,與「倅」語義重複,據宋本改。

范文正公集卷第三

赴桐廬郡淮上遇風三首

多。 盡室任風波。 斜陽幸無事,沽酒聽漁歌。 聖宋非强楚,清淮異 舟楫 顛 、汨羅。 危甚,蛟 平 -生仗忠 黿 出 没

又

罪 ,同我在風波。 妻子休相咎,勞生險自多。 商人豈有

又

地,無忽險中人。

棹危於葉,❷傍觀亦損神。

他時

在平

出守桐廬道中十絶

犯,始可報君親

隴

上帶經人,金門齒諫臣。

雷霆日有

按,此首《類説》卷五六題作「觀渡」。

事實類苑》卷三四均引作「輕如」。 「危於」、《類説》並《古今事文類聚》前集卷三七、《宋朝

春」,原作「春」,據宋本、四庫本改。

四九

送韓瀆殿院出守岳陽

道,忽上洞庭船。 仕宦自飄然,君恩豈欲偏。 墜絮傷 春日, 舂 纔 歸 濤 廢夜 劍門

眠。 岳陽樓上月,清賞浩無邊。

又

五. 〇

古,敢懷妻子榮? 君恩泰山重,爾命鴻毛輕。 意懼千

又

妻子屢牽衣,出門投禍機。 寧知白日

照,猶得虎符歸?

又

分符江外去,人笑似騷人。 不道鱸魚

美,還堪養病身。

又

有病甘長廢,無機苦直言。 江山藏拙

好,何敢望天閻?

又

闊,悠然輕萬鍾。

天閽變化地,所好必真龍。

軻意正迂

又

萬鍾誰不慕? 意氣滿堂金。 必若枉

此道,傷哉非素心。

又

處,滄浪無限清。

素心愛雲水,此日東南

行。

笑解塵纓

又

洛,風塵化客衣。 滄浪清可愛,白鳥鑑中飛。 不信有京

78

又	又
樂,優優尾在泥。	處,誰復問千鍾。 蕭灑桐廬郡,公餘午睡濃。人生安樂
蕭灑桐廬郡十絶	又
蕭灑桐廬郡,烏龍山靄中。史君無一	牧,無處不潺湲。 蕭灑桐廬郡,家家竹隱泉。令人思杜
事,心共白雲空。	又
又	蕭灑桐廬郡,春山半是茶。新雷還好
幸,日日面青山。	事,驚起雨前芽。
又	又
,	蕭灑桐廬郡,千家起畫樓。相呼採蓮
蕭灑桐廬郡,全家長道情。不聞歌舞	去,笑上木蘭舟。
事,逸舍石泉聲。烏龍山泉實過公署。	
b 文 E 公 集 参 第 三	Fi.

五.

道,所得是嘉魚。 又 蕭灑桐廬郡,清潭百丈餘。 此郡魚少而嘉。 釣翁應有

又

蕭 灑 桐廬郡,身閑性亦靈。 降真香

炷,欲老悟黄庭。

又

勝,光武肯教來?

蕭 灑 桐廬郡,嚴陵舊釣臺。 江山如不

新定感興五首

江上多嘉客,清歌進白醪。

靈均良可

又

險,無限勝長沙。

去國三千里,風

波波豊

一不賒。

迴

思洞庭

笑,終日著離騒

府,千載可拳拳。

數仞黄堂上,題名僅百賢。

孤高宋開

又

山水真名郡,恩多補諫官。

中間好田

錫,風月亦盤桓。

又

風物皆堪喜,民靈 獨 可 哀。 稀逢賢太

守,多是謫官來。

遊烏龍山寺

知。 處, 白雲無 信是棲真地,林僧半雪眉。 高嵐指 盡 天 時。 近,遠溜出 異花 啼鳥樂, Ш 遲。 靈草 萬 事 隱 不 到

江干閑望

從。 水,歸雲識 莫愛蘋風起,波來千萬重。 江干日清 舊峰。 曠,寓目一搘笻。 蘭 蓀 誰共采, · 鳬雁 落 葉 自 信 相 流

和章岷推官同登承天寺竹閣

足, 明 僧閣 月 可 倚寒竹, 重 來。 幽 晚 襟 意 聊 煙 垂草, 開。 秋 清 姿露 風 曾 未 滴

齋中偶書

苔。

佳賓何以佇?

雲瑟與霞杯。

援琴。此意誰相和,寥寥鶴在陰。 責,權門無去音。忘憂曾扣《易》,●思古即在愚多苦口,幽遠獨甘心。言路有餘

留題江秀才舊居❷

■「曾扣」,宋董弁編《嚴陵集》卷三作「時叩」。

❷ 「秀才」、《嚴陵集》作「先輩」。

范文正公集卷第三

五三

依韻酬周騤太博同年

無

歲

計

滿山

芝朮長靈苗

好

物

閑

宜

進,

林下

幽

人静

可

邀。

莫 道 、

官

清

觀 内 衆 漁 朝 心 釣 裨 可 孰 ,無限殘陽媚緑蒲 耳 致 敢 先 目,多慙外補救 巍 巍主,上意 懷 富 貴圖, 思 良 皮 平 時 膚。 兩 須 兩 惜 子陵 符。 幾 嗟 灘 不 吁。 畔 稱

依韻答胡侍郎見寄

待看朝廷興禮讓,天衢何敢鬭先鞭。 千年風采逢明主,一寸襟靈慕昔賢。

桐廬郡齋書事

數 仞 堂 千 高 峰 誰 秀 富 處 貴 白 雲 騙, 枝巢隱自逍 吏隱 雲邊 遥。 豈 待招 杯 中

留題方干處士舊居❶

唐朝三百年冠蓋,誰聚詩書到遠孫。時裔孫風雅先生舊隱存,子陵臺下白雲村。

楷方登進士科。

●「留題方干處土舊居」,四庫本並《嚴陵集》卷三於詩題 下有序云:「某景祐初典桐廬,郡有七里瀨,子陵之鈎 下有序云:「某景祐初典桐廬,郡有七里瀨,子陵之鈎 事辦總碧,白雲徐生,云方干處士之舊隱,遂訪焉。其 東嶽絶碧,白雲徐生,云方干處士之舊隱,遂訪焉。其 京子孫尚多儒服,有楷者新策名而歸。因留二十八 家子孫尚多儒服,有楷者新策名而歸。因留二十八 家子孫尚多儒服,有楷者新策名而歸。因留二十八 家子孫尚多儒服,有楷者新策名而歸。因留二十八

南康軍江中落星寺●

范文正公集卷第三星,汩汩波濤裹。 長江萬里來,古寺中流起。何如天上

0

「南康軍江中落星寺」,原無,據宋本補。

五. 五.

范文正公集卷第四

蘇 州 + 詠

詩

律

依韻酬章推官見贈❶

驚戴烏紗出,溪女笑隈紅杏遮。❷ 重入白雲尋釣瀨,更隨明月宿詩家。山人 姑蘇從古號繁華,却戀巖邊 來早又抛 與水涯。

泉石去,茫茫榮利一吁嗟。

泰 伯 廟

讓,知有聖人生。 至德本無名,宣尼一此評。 南國奔方遠, 西 能 將 Ш 天下 道

木 蘭 堂

亨。

英靈豈不在?

千古碧江横。

始

花,曾見霓裳舞。白樂天爲蘇州刺史,曾教此舞。 堂上列歌鍾,多慙不如古。 却羨木蘭

0 岸,宿方干處士舊居。章從事聞之,有詩見寄,因依韻 和之。」 淹自桐廬移守姑蘇,由江而上,登嚴陵釣臺。 「依韻酬章推官見贈」下、《嚴陵集》卷三有序云:「仲 移舟南

「隈」、《嚴陵集》作「依」。

五六

靈 巖 + 6 吴王之離宫也下,臨太湖

洞

庭

山 **①**

遲。 裏,千家橘熟時。 近古誰真賞,白雲應得知。 吴山 無此秀,乘暇一遊之。 平看月上早,遠覺 萬頃湖光 鳥

虎 丘 Ш

庵。❸ 吴都十萬户,煙瓦亘西南。❹ 寺,劍静未離潭。❷ 昔見虎耽耽,今爲佛子巖。 幽步蘿垂徑,高禪雪閉 雲寒不出

閶 門

間。 路,片雲師子山。 白傅歸休處、盤桓幾厚顔。 吴門聳閭 闔,迎 落鴻 送每 漁 躋攀。 釣 外, 斜 柳 水 别 帝 離 鄉

> 逃遁去,清名高節老乾坤。● 似舊花猶笑,往事多遺石不言。 越相煙波空去鴈,吴王宫闕半啼猿。 古來興 廢一愁人,白髮僧歸 唯有 掩 寺門。 延陵 春風

太 湖

有浪即山 高, 無風還練静。 秋宵誰

0 王禹偁所作。 洞庭山」,宋人鄭虎臣編《吴都文粹》卷四誤記此詩爲

「未」,原誤作「朱」,據宋本、四庫本改。 「高禪」,元人盛如梓《庶齋老學叢談》卷中之下録此詩

「西南」、《庶齋老學叢談》作「東南」。 刻石作「寒泉」。

「靈巖寺」、《吴都文粹》卷四誤記此詩爲蘇舜欽所作。

「老」,四庫本作「滿」、《吴都文粹》作「在」。 ·太湖」、《吴都文粹》續集卷二三題爲「過太湖」。

五七

與

五八

期 7,月華三萬 頃

伍 相 廟

存。 怨, 死可報吴恩。 悠悠當日者,千載秪慙 胥也 應 無 憾, 直氣 至哉忠孝門。 海 濤 魂。 在, 片 生能 心 江 酬 月 楚

觀 風 樓

明。 色, 語笑萬 登臨 高壓 豈 郡 家 劉白,滿目見詩情。❷ 西 聲。 城, 觀 碧寺煙中静, 風不浪名。 紅 Щ JII 橋 千 柳 際 里

南 園 8

欲問吳王當日事,後來桃李若爲言。 西 施 臺 下見 名園,百草千花特 地 繁。

依 韻 奉 酬 晏尚書見寄

茫。 潢。 外, 楊》。 照, 遠,南園橘柚荒。 康。 Щ, 情寄聖 思報鬢成霜。 高文五色章。 寒谷春重煦, 堯湯餘水旱, 徽音來景亳,盛 碌碌嘲須解 一門傍。 ,循循教弗忘。 劉白 願 幽宫草特芳。 新定 幾託 純 聞 事聳吴 如 歌 舊 爲 慙 登樂府, 畫 風 魚夢 無 光。 鄉。 惠, 一,敢議 , 江 姑 感知 淵 北 跡甘榮路 上 若 湖 蘇 闕 象三台 賦《長 測 雲 惜 心 尚 霓 天 渺 未 似

- 0 題爲「伍員廟」。 伍 相廟」、《吴都文粹》卷三誤記 此詩 爲張 詠所 作,且
- 「見」,宋人龔明之《中吴紀聞》卷三引作「是」。
- 南園」、《吴都文粹》卷三誤記此詩爲蘇舜欽所作。

又用前韻謝晏尚書以近著示及

淚,

君子欲安

碑。

幾

世傳

清白

滿

鄉

稱

孝

賢哉生令嗣,遺秀在蘭芝。

茫。 楊。 也。 康。 潢。 際,森疑 化,大手鑿 翳,清如 美,夫子近文章。 營丘學校光。 月中靈桂 謂真廟神御頌也。 滿朝當諷 祖述賢人業,何因降互 履 塞 虎傍。 強洪荒。 有霜。 誦 老,春外寶芝芳。 ,終古豈遺忘。 謂 崧嶽 半生游此道, 逸氣彌衝斗, 日星圖舜禹, 渦 青社州學記 曲 詞欺 風 一鄉。● 騒盛 甫, 也。 ,謂游渦之作 遠似 恍若 金 雄 觀 甘 周公舊 至 泉 海 精 石 源 特 價 頌 甚 探 含 天 茫 龍 戀 成 無 决 才 掩

送僧文光

一品山前識,迢迢三十春。多慙畫

戰

裹,重見白雲人。

依韻酬府判龐醇之見寄

且有託。莫將富貴移平昔,彼此清心髮半凋。羨君如指佞,孤根憐我異凌霄。凌霄,花名,生但能賈傅親前席,何必蕭生意本朝。直節二十年前已定交,而今鵬鷃各逍遥。

❶ 「互」,原誤作「玄」,據四庫本改。

范文正公集卷第四

賢者逝如斯,皇天豈易知?

衆人皆墮

陳

質

殿

丞

挽歌

詞

五九

依韻酬吴安道學士見寄

雲水三 愧 们 無 得 限 葵 聖 隴 一千里,猶濟 君 心 賢 長 頭元是帶經人。 相 向 正 日 彌 瘡 何 綸 痍 妨 + 諫 駑 萬 足 諍 民 未 臣 微 離 宴 敢 塵 坐 狥 黄 豈 身 堂 辭

依韻酬吴春卿二首來章有「鶴贏松冷」之句,因

以松鶴命題以答之

鶴

露 靈 掌 氣 何 思 華 亭 求 高 還 孤 藥 立 警夜,芝田 ,八變奇姿已 病 時 身, 音 終 過 日 斷 徘 欲 傷 徊 莫 尚 春 厭 海 千 濱。 在 陰 年

猶

寡

和

九泉

非

晚見精神。

松

時 遠 寒 勿 韻 冒雪霜寧是 伐 亭亭 和 ,千秋爲石迺知神。 於樂,密密 百尺棟 (病,静 梁 清 身, 陰 期 意 風 寂寞雲根 在 月 不須 人。 高 春 與 節 澗 直 蕭 濱。 1 蕭

應制賞花釣魚

靈 萬 沼 彙嘉亨日, 正 涵 春 皇心豫 帝 幄 紛 宴 仙 辰。 蘤 天 華 鈎 林 擲 新 濯 錦

雨

鱗。洋洋頒睿唱,賡頌浹簪紳。

❶ 「尚」,四庫本作「向」。

過餘杭白塔寺❶

飛。 無際,孤舟曾未歸。 多少天真趣,遥 登臨江上寺,❷遷客特依依。❸ 亂 心結翠微 峰 藏 好 處 出 遠 鷺 水欲 得 閑

西湖筵上贈胡侍郎

髦。西湖天下絶,今日盛遊遨。重,鄉黨二疎高。涯業盡圖籍,子孫皆俊重,鄉黨二疎高。涯業盡圖籍,子孫皆俊

江城對月

月,相逐過江來。 南國風波遠,東門冠蓋回。多情是明

范文正公集卷第四

送向綜國博通判桂州

琴。 意, 將 歸書清白最,寧問橐中金? 通籍三公後,監州 慰遠人心。 歲計多藏藥, 五嶺深。 舟 欲 行 知 不 明 廢 主

芝山寺

回。 去, 花落入 偶臨 樓殿冠: 西閣望,五老夕陽開 城 崔嵬,靈芝安在哉 來。 得食鵶朝聚, ? 聞 雲飛 經 虎 過 夜 江

- ❶ 「過餘杭白塔寺」,明人吴之鯨《武林梵志》卷六引此詩
- 「江」、《武林梵志》作「溪」。
- ▶ 「特」、《武林梵志》作「獨」。

昇上人碧雲軒

聞。● 只應虚静處,所得自蘭芬。月,淡曉數峰雲。遠意經年就,微吟並舍愛此詩家好,幽軒絶世紛。澄宵半床

郡齋即事❷

辱何須道,塞上衰翁也自知。雨黄花秋賞健,一江明月夜歸遲。世間榮ī頭歌酒緣多病,●不負雲山賴有詩。● 半近珠歌酒緣多病,●不負雲山賴有詩。● 半三出專城鬢似絲,齋中蕭洒勝禪師。●

同年魏介之會上作

寒苦同登甲乙科,天涯相對合如何?

碧江 真良會,自信麤官樂事多。 心存闕下還憂畏,身在 游畫鷁,醉留 紅 袖 舞 樽 前 鳴 鼉 且 笑歌 與君 今日 閑 上

依韻酬黄灝秀才

孤琴彌冷淡,浮雲雙闕自崔 客心但感 再 貶鄱 江 Ш 川信不才,子規相愛勸 助,天意 難 期 嵬。 日 月迴。 南方歲晏 歸 白 來。 雪

猶能樂,醉盡黄花見早梅。

「郡齋即事」、《宋詩紀事》卷八題爲「饒州作」。「吟」,原誤作「今」,據四庫本改。

❸ 「勝」,四庫本作「過」。

「近」、《宋詩紀事》作「每」。

❺ 「雲」,四庫本作「青」。

六二

贈 鍾 道 士曾舉進士

惟 :有詩家風味在,一壇松月伴秋吟。● 人 間 無 復 動 機 心, 掛了 儒 冠 歲已深。

道士程用之爲余傳神因 題

無 功可上凌煙閣 貌 古神疎 畫 留留 本難, 取雲山 因 静 師 遠属看 心妙發毫端。

送魏介之江西提點

江上高樓欲千尺,便從今日望歸舟。 旌 旗 如 火浪 如 鷗,一 路 春城次第 遊。

遊 廬 Щ

作

往來 雲開 何所 瀑 五. 影 老 閑 得,僧言榮辱此間 千門掛,雨過 遊 倚 舳艫,碧梯 2松黄· 無。 十里鋪。 嵐 逕 從今愈識 好 程途。 客愛

逍遥旨 聽升沉造化鑪。

瀑 布

廳。 在,到海得清無? 晚來雲一色,詩句自成圖。 迥與衆流異,❷發源高更孤。 勢鬬 蛟龍惡,聲 下山 吹 雨 猶直 雹

0 潭」。 「壇」,宋 人 陳景沂編《全芳備祖 》後集卷 四 引

作

「異」,宋本作「殊」。

范文正公集卷第四

六三

贈廣宣太師●

白頭相見雙林下,猶是清朝未退人。憶昔同遊紫閣雲,别來三十二迴春。

移丹陽郡先遊茅山作

問通塞,天教吏隱接山居。靈草逢芝圃,欲叩真關借玉書。不更從人展節事君三黜後,❷收心奉道五旬初。偶尋展。 丹陽太守意何如,先謁苑卿始下車。

贈茅山張道者❸

京口即事

過,日大海心生。 甘露樓臺古,金山氣象突兀立孤城,詩中别有情。 地深江底

清。六朝人薄命,不見此昇平。

懷慶朔堂

慶朔堂前花自栽,便移官去未曾開

- 作「大」。 「贈廣宣太師」,宋人洪邁編《萬首唐人絶句》卷七二收
- ③ 「者」,宋本作「士」。

「展」,宋本、四庫本作「竭」。

「年」、宋本作「半」。

六四

依韻酬葉道卿中秋對月二首

詩人不悔衣霑露,爲惜清光豈易親。 天遣今宵無寸雲,故開秋碧掛冰輪。

處處樓臺競歌宴,的能愛月幾人同。 孤光千里與君逢,最愛無雲四望通。

贈葉少卿③

春。 新。 掖,携孫過北 路,花月伴閑身。 心從今日泰,家似昔時貧。 樽酒呼前輩,鑪香叩上真。 退也天之道,東南事了人。 鄰。 湖外扁舟遠, 白 l 雲 高 閣曙, 只應 見子 門中 渌 風 水 波 心陰德 登 後 駟 抛 池 西 馬 舊

依韻答梁堅運判見寄

蔽野旌旗色,滿山笳吹聲。 功名早晚

就,裴度亦書生。

城大順回道中作

三月二十七,羌山始見花。

事,春老未還家。

- ❶ 「憶着成」,宋人吴曾《能改齋漫録》卷一一作「長有
- ③「只」、《能改齋漫録》作「已」、疑爲俗體形誤。「管句」, 《作「幹當」。按、「句」與「勾」通、「管勾」與「幹當」均 母》作「幹當」。按、「句」與「勾」通、「管勾」與「幹當」均 作「幹」。
- ③ 「贈葉少卿」、《吴都文粹》卷四題作「七檜堂」。

在,八十富精神。

范文正公集卷第四

六五

將軍了

邊

依韻和延安龐龍圖柳湖

浮。 夜, 鷗。 樓。 思 墮,光摇 或 去共仙舟。 吟度玉 真 劉琨增 王公多雅 折翠贈 種 賞 柳 匹 即 穿 關 練 瀛 歸 坐 湖 秋。 柔。 洲。 故 客 嘯 後 某與龍 濯 王 延 勝 雙 江 清 安 粲斗銷憂。 雙 處 景 盛 招 郊 圖 千 來 公同年復爲延安交政 場醉, 隱 可 乳 秦 流。 遊。 鷰 塞 勞生 宴 兩 風 秀 遠 發 情 懷 П 兩 萬 忘 千 屬 銀 睡 事 澤 燭 馴 絲 庾

和延安龐龍圖寄岳陽滕同年

寺, 前 千家 旋撥 優 游 月 醅 滕太守, 在 頭 船。 酒 新 郡 疎 炰 枕 鴻 縮 洞 秋 庭 項 浦 鯿。 邊。 外 長 幾 宦 情 笛 處 雲 須 晚 淡 藏 樓

> 年。 處 薄 ,胡兵隔 詩 只應天 意 定連 下樂, اال ? 綿 無 時宣撫岢嵐 迥 出 是 日 偷 高 安 軍。 眠。 地 仍 豈 信 當 憂 飽 邊 事

與張燾太博行忻代間因話江山作

求 取 罷 數 兵 年 南 風 國 土 去, 塞 門 滿樓蒼翠是平 行, 説 着 江 生 Ш 意 暫 清

過長安醉别資政鄭侍郎

神。 路, 相看 故素幾云在,風音莫厭 鄉 關 白 交復 髮 人。 親,把酒 有 爲 且 須 逡巡。 報 頻 或 無 共 事 上 即 青 雲 頤

六六

范文正公集卷第

韻 酬 光化李簡夫屯田

依

少日 能 政 置 事 否 聊 苦辛名共立,晚 老 ? 牽 來 强,元白 難 與君乘健早歸休。 得 舊交遊,莫歎 鄰 封 年 · 恬 退 且唱 幡 語 樽 相 前 附 投。 兩 郭 鬢 襲黄 田 秋 袁

依 韻 酬 太傅張相公見贈

多賢達 醉 河 邊 醒 歸 往 出 ,願預逍遥九老中。 帶 日 處 曾 月, 慙 漁 無 百花 父,得失今朝 致主功,南陽 洲 上 嘯 生 風 賀塞 爲守 臥 翁。 地 龍 猶 鄉 七里 雄 曲

依 韻 酬 益 利鈴轄馬 端左藏

多謝 守自 口 [笑,此 提 濫 登 壺 慙 勸 成 清 心 歸歸 木强 顯 無事愧重霄。 遇 去 宣 公朝, 寧 煩 游 杜 誰 豈 宇 歎 有 招 僅 计 謀 蓬 好樂 飄。 可 致堯。 當年 醉來

拙

依 韻 栅 邠 州 通判王稷太博

開

言笑 惡 爲君久,滿城明月會雲銷。 勸 如 酒 南 何 時 楙 遣 圖 日 頻 共 日 一醉,痛 . 接 得 英標,公外 音 書 贏 似 棋 不 處 遥 肯 追 相 随贵 獨 饒 上 待招。 西 樓 抛

六七

依 韻 쨈 李 光化見寄

聊 好鳥 欲 自 小 禍 慰,是非 來 南 幽 陽 時 院, 當 偃 止 息 何 目送微雲過 足,得 養衰 極任循環。 顔,天暖 無 權 别 處 始 山 風 安 和 開 此 近 景 楚 此 心 關。 情 憐

未

寄 安 素 **高處士**

滿 軒 明 吏 月 隱 清 南 譚 陽 夜, 味 · 共憶詩· 日 新 幕 書 中 萬 卷人。 文 雅 盡 嘉 賓。

酬 李 光化見寄二首

遠 護 玉 交 關 親 莫笑 猶 竭 出 力,入陪 麾 頻,不 金鉉 任 敢 纖 周 機 身。 只 任 素心 真。

> 直 擬 圭 無 玷, 晚 節 當 如 竹 有 筠。 道 本 逍 遥

鬬茶浮乳白 庭 惟 中 盡嘉賓興,移下秋光月色中。 所 無 適 萬 一,吾生 事 里 吏歸 承 平 海 何 早,野 · 堯 螺 用 舜風、史君尺素本 蠖 行 求 酒 外 伸 灩 有歌 上聲。 民 意 波 豐。 紅。

空空。

石鼎

宴堂

依 韻 栅 李光化叙 懷

晚成 經 江 邦業, Ш 輸 樂 列 早 或 宿 思爲清朝贊禹謨。 -達,好 誠 專 難 城 且 會 將 自娱, 高 風 笑代 月 詩 清 長 家 名 吁。 的 善 不 最 公餘 辜。 即 前 更 未 塗 一 勵 必

和李光化秋詠四首

曉

牆外轆轤響,樓前江漢欹。❶ 曙光和月

色,猶記早朝時。

晝

日色清如照,前林葉未零。 海東新隼

至,一點在青冥。

晚

晚色動邊思,去年猶未歸。 戍樓人已

冷,目斷望征衣。

送黄灝員外❸

下,何似落花前。

春色人皆醉,秋光獨不眠。❷

君看明月

三十餘年交舊心,相逢那復議升沉?

榮華渾 卑飛塵土味誠薄,達宦風波憂更深。 一夢,即 時歡笑敵千金。 追陪未久

還離索,早晚軒車重見尋。

「江」,四庫本作「河」。

「光」,宋本作「宵」。

外」,原脱,據宋本、四庫本補

夜

六九

自古

和并州大資政鄭侍郎秋晚書事

萬 何 松 所 栢 里 心 天 補 太 聲 ,獨能安坐養桑榆 無改,自信雲龍 原 揚 兵 紫塞 重 壓 一**,** 十 强 胡, 年 道 人 莫對 望 不 孤。 在 秋 黄 風 應笑 樞 憶 鱠 病 定 鱸 夫 應

和提刑趙學士探梅三絶

昨 H 倚 蕭 欄 條 枝 臘 上看, 後 復 似留芳意 春 前 雪 壓 新 霜 年。 欺 未 放 妍。

玉 顔 須 静 傍韶 映 寒 林晚 春笑,莫鬭 未芳,人人欲 嚴 風與 惡 看 霜 壽 陽 粧

莫惜黄金置清賞,隔年春色爲君開。 百花争早孰過梅,天與芳時豈待催

?

和太傅鄧公歸遊武當見寄●

定得 此 陵谷變,武當依舊碧重 日 祠 神 \equiv 提 黄石,談 仙 1 相 令鶴 印 代 道 幾 天 須 Τ, 期 年 重 會 霖 鄧 赤 雨 國 松。 武 歸 侯 來 莫慮 龍 耀 本 故 栖 封 鄉 恩

即席呈太傅相公

雲遠 白 應有奏,壽星光彩近 傅 經 歌 鳳 時 詩 池 别,故 傳 \equiv 海 人 外, 冠 國 台 晉 春 南 躔 濃幾 公桃 Ш 致 度還。 李 了 滿 昇 人間 平 太史占天 品 E 閑 都

❶ 「見」,原缺,據四庫本補。

紀送太傅相公歸闕

觴 竈 成 金 朝今日羨神仙。 兩 首 過昔 前 ,醉度清歌被 大化,退 就元 會 雲 搢 賢。 戎鎮,黄閣 龍 紳 游 誰 居 歸 少 敢 師 赴 海 管絃。 望 傅 松楸 親 誕 差 三提 養 辰 肩, 扶 高 知兑 薙草 同 年。 冢 日 獨 牓 宰 月 向 説 思 幾 閑 權。 上 昌 純孝,里 人登將相, 輕安拜 中天。 披 期 坐致 丹 協 訣 半千。 舞 巷 唐 開 碧 壽 揮 滿 鑪 虞 油

依韻和提刑張太博寄梅●

穰 下 ·此花留 數 枝 梅 未發,待君同賞後 寄寂 寥人,多 謝 韶 池 華 春 次 第 均。

又和賞梅

有遺 欲寄交情遠,林下初逢 氣 豔 味,花王應亦命公台。 未勞横 故 人 爲 玉笛 使 富 天 風 才, 光 病 先 相 合倒 眼 與 開 抽 金 毫 必若 罍 賦 早 和 隴 梅 羹 頭

依韻答王源叔憶百花洲見寄

柳 樓閣 發 新 意 春深 芳洲 詠 憑 許昌 誰 問 來海票,池塘 名 月彩 冠 何必 古 詫 波 南 申 光 都, 湖 豈 人静 最 ? 易 惜 圖 申或作西 下仙鳧。 塵 ? 埃 漢 上山 點 花 無。 情 公

「太傅」,據宋本改。「太傅」,審所記差遣爲「提刑」,知非

0

范文正公集卷第四

獻百花洲圖上陳州晏相公

取菊 岸鵲 家 繪 滄 絲穿之,帶以爲祥。 遲 垂。 底, 龜 窕 近,菊花潭在郡之西郊,因有菊潭門,❶復有菊潭鎮。 間舊俗,正月二十二日 浪 有 寫 横煙 植 京洛 鳳 求 依人喜,汀 萬 闌干 減 穰 于 水 皇池 洲 竹 真 下 去 而 中,洲 落 自 排 紅 勝 賞 思 南 照 漣 游 霜 屈 至 有 縅 時。 漪。 仗, 曲 少 步 鷗 鄧 高臺,遂 羅 藏 始 隨 襪 不我疑。 獻 千 亭宇碧參差。 此 月 潔 士女游河,取 有 芳 踏 荷卷翠旗。 洲 已 梅 明 命之日 白 草 青 焉。 知 聊 魚 憐 期。 遠 競躍 梅 翹 綵 菊 詩。 相 比 歌 臺。 鷺 小石通中 絲 素 襄 君 逐 穿石質 髮 陽 菊 春 優 那 梅 倒 百 畫 頻 又 肯 分 静 影 游 花 比 晚 者 節 船 來 愛? 潭 漢 柳 澄 羡 争 用綵 移。 醉 月。 閑 波 南 H 戲 窈 近

依韻答青州富資政見寄

取 重,奇謀曾壓北 追千 豈 親 優游老洛陽。 求安富 逢 -載,齊 英 樞 主 府 **貴**,純 開 當 魯 前 年 風 席 日 方 誠 謡 强 贊 力 及 惟 襄 萬 欲 與 故 箱 助 皇 隱 人 清 家 然 待看 偉 光。 正 望 舊 柱 調 能 龔 章。 在 元 黄 令中 後,乞 明 政 直 道 或 事

依韻答并州鄭大資見寄

倫。 道 致 節 在 君 制 樂 心 重 天 未展 并 真。 汾 寧是式 淹 風 留 韻 又 應 微人? 見 如 春。 舊 精 年 明 高 诇 成 或 絁

■ 「潭」,原無,據宋本補。

過陳州上晏相公

恩 講 曾 未 道 人 黄 報 渾 曩 捧觴 扉 無 由 倦, 陪國論,重 清 舉 爲壽獻聲詩 養浩存真 玉 宸 求絳 知 絶 今覺 帳就 不衰。 光 師 榮 資。 獨 冠 媿 鑄 談文 時 顔

和運使舍人觀潮二首

欲浮。 天意? 秋。 化、浩蕩六鼇 纔起,千尋練不收。 子胥忠義者 高岸驚先裂,群 何 勢雄 處 獨此 潮偏 驅 見濤頭。 遊。 島嶼,聲 盛 ? 無 北 覆 長 源 錢 客 Ē 海浦 風方破浪, 怒戰 怯 唐 觀]1[倒 無 猶懼 舟。 吞來盡 流 貔 與 儔。 貅 吴 騰 江 兒 凌 萬 誰 氣 弄 大 自 城 能 弗 鯤 横 雲 打 問

又

并。 信, 迎。 聚, 納,長逐月虧 迴 江 踊若蛟 伍胥神不泯,憑此 堂堂雲陣 把 心瀑 見百 酒問東溟,潮從 布横。 川 龍 盈 ? 平。 合, 鬭 屹 奔 破 巨 暴怒中秋勢 此雪· 如 浪 防 發威名。 何代生? 雨 連 功 雹 Щ 難 地 驚。 行。 敵 震 驅 群 雄 來 海 寧 檝 Ш 知 豪 非 面 力 千 望 雷 半 天 古 風 霆 夜 吐 口

依韻和蘇州蔣密學

此 藥 無 餘 涯 杭 誰 偶 口 得 共 借 麾 詩 來, 仙 今日 Ш 態 在 蘇 情 臺。 病 眼 白 [樂天 開

■「求」,宋本作「來」,義長。

1

謂

韋

一蘇州

爲詩

仙

范文正公集卷第四

依韻和孫之翰對雪❶

滿 預 迺 可 清 知 慰 思,與君交唱若爲慵 王澤寖及遠,益明天意先在農。 江 干 四海,大瑞且當聞九重。 ·往往 臘不雪,今喜紛 紛 况此湖山 纔 孟 有年 冬。

依韻和并州鄭宣徽見寄二首

名品 清 未 絶處 報 頭 久參卿 錢 先 唐 ,晚來雲破雨初停。 白,故老 作守不爲輕,况 士月,部封 相 看 眼 全屬斗牛星。 倍 是全家住翠屏。 青。 最愛湖 仁君

又

西湖載客恣游從,湖上參差半佛宫。

累榭皆 無限樂,却慙何道繼文翁? 迴 顧 隙 清 駒 曠 曾 ,萬户千門 不 息 沉 思 盡 樽 鬱 酒 葱。 可 教 向 空。 此 行春 層 臺

依韻答蔣密學見寄

鼓 每羨冥鴻遠,馳騁那慙老驥閑? 方偃息,是非榮辱任循環。 吹夜歸 東 南 湖 爲 上月,樓 守 慰 衰 顔, 臺 晴 憂 望 事 海 渾 中 祛 此日共 山 樂 事 奮 還。 君 飛

依韻和同年朱兵部王賓客交贈之什

西 袁 冠 鶴 禁 蓋 時 蘭 時 宫 會,北 達了身, 海樽罍 高 居 日 南 日 闕 親。 重 爲隣。 共棄

「孫」,原誤作「蘇」,據四庫本改。按,孫之翰名甫。

0

七四

榮華 抛世態,同 歸 清 静復天真。 如 劉 白

東都下,更得裴公作主人。

登 表 海 樓

好 山 深會詩人意,留得夕陽 帶 林 戀 秀 復奇, 每 來 無限 凭 檻 時 即 開 眉。

石子澗二 一首

彦國才如謝安石,他時即 鑿 開 奇勝翠微間, 車騎 此是東 笙歌暮未還。 Ш

又

故老 相 飛 傳應可信,此 泉 落處 滿 潭 Ш 雷 雲出 道 雨 蒼 須 來。 然石 壁 開。

依韻答韓 侍御

今日見高 館 昔 雖 時 叨 門。 延下客,予執卷時即遊端公之門。 世 契 端公之先君嘗作金陵獄掾。 與 隣藩, 東道 瞻 風 御 我 史尊。 活方 于家

鄭

金石,不須銷黯 動 離魂。 面

爲懼,君

向

. 臺端·

直

且

温

彼此

中

懷藴

謝柳太博 惠鶴

嘹 與 萬 處曾 唳 里 好,聲聲天地爲之清。 華 新 非辱,鵬 亭 詩 恵 遺 鶴 去伴,千 指 路將翔孰謂 真 經, 年遼 對 海 此 榮? 識 仙 歸 標 獨愛九 程 詎 敢 鷄 輕 泉 群 ?

七五

知 府 孫 學 士 見 示 和 終 南 監 宫 太 保 道 懷 五

首因以綴篇

無 山 樽 色 有 事 朝 聖 玉 一賢聊 皇 晡 獨 見 沂 醒 自 侍 惟 陶 慰 笑衆 請 隱 鼎 修 松 真, 醺 多 風 醺。 龍 窹 賜 虎 寐 得 復 聞 南 誰 Щ 分 萬 + ? 物 里 已 謝家 齊

其二

竹 贵 玉 忘 曾 緣 機 移 祕 要 地 静 寶 路 未 須 節 抛 ? 藏 來 免天家下韶求。 密 自 帝 寡 1/2 蘭 尤, 終 爲 是竭 奇 高 香 懷 嘉 却 卷 猷 在 去 幽 白 紅 雲收 霞 仙 骨 緑

其三

漢陂高興自飄飄,何必天台渡石橋?

盟約 蘭 潭 珮 1 藥 在 招 逋 靈 異 隱 多 時 懶 餌 猿 菊 鶴 事 不 塵 林 相遼。 間 纓 逐 詩 審 逸 僚 半 書 客 蕉 有 赤 勤

其四

留 祕 神 簡 不 枕 住 侵 自 瑶 高高 成 星 壇 奏,五 仙 日 風 島 月 何 夢 静 處 嶺 中 是嚴光? 靈 朝 長, 芽待雪 衣 猶 詩 有 思 嘗 御 時 爐 時 香。 金 逸 闕 謝 九 三元 塘 重

其五

逍遥 放 籬 懷 邊 門 理 T 醉 誰復 外 傲 古 淵 煙 重 嵐 明 人間問 萬 紫 飲 鍾 閣 口 隴 横 不平? 首 Ŀ 歌 九 毫 隨 衢 輕 桀 風 土 溺 鵬 耕 更 鷦 何 共 三樂 情 滴

歌

松

贈方秀才母楷

文。幽蘭在深處,終日自清芬。 石,無地不生雲。隣里多垂釣,兒孫半屬

依韻和龐殿院見寄二首前集已有一首

人事少,子陵臺畔樂無涯。在負思朝寄,毫髮經心愧道家。不似桐廬柳色向秋迎使館,水聲終夜救田車。丘山柳色

范文正公集卷第四

■ 「贈方秀才」、《嚴陵集》卷三題作「題方先輩山居」。

七七

范文正公集卷第五

易 義

義

之時 乎道而不息。 聖人之德,居乎誠而不遷。 曰「見龍在田」, 德昭于中, 故曰「利見大 九五,君之位。 也。 乾上乾下,内外中正,聖人之德位乎天 「天下文 德内也,位外 明」,君德也。 有時 成德 乘之義,故曰「飛龍在 于其内,充位于其外。 也。九二,君之德。 有時舍之義,故 聖人之位,行

> 天」; 《乾》,君之象,既重其 《坤》,臣之象也,豈俟於四 《乾》,君之象也,豈俟於五乎? 序,止以五爲君,曾不思始畫八卦,三陽爲 易無體,而聖人之言豈凝滯於斯乎? 言之,隨義而發,非必執六龍之象也。 言龍而言君子,蓋龍無乘剛之義,則以 子,豈俟重其 乎天德」,於是乎位矣。 而上,次而成之也。 爻則從其進退安危之會而言之,非必自下 九二居乎内,德也。 位正於上,故曰「利見大人」。 卦 而始見於長子乎? 如卦言六龍,而九三不 九五居乎外,位也。 卦,則有内外之分。 或者泥於六位之 乎? 《震》爲 三 「乃位 明夫 陰爲 餘 長

上下交感之時也,與《恭》卦近焉。●《泰》卦天 咸,陰進 而 陽降、《兑》,陰卦。《艮》,

陽

恭」、《周易》無此卦。 據此下注文,當爲「泰」字之形誤。

感 聖人感人心而天下和平,是感之無 陽降而 矣,故曰 卦 口 至乎泰者也。 ,薄可知也。 而未至於泰矣,故曰 三陰進于上,三陽降于下,極 未盡 [萬物 下也,下卦猶有二陰,上卦 通。 感而不至,其道乃消,故至騰 《咸》卦陰 萬物生而猶未 進 而 未盡 於 然則《泰 猶有二陽。 交而 窮 通 達 而 也。 也, 泰 能

常也哉!

地交而萬物通、《咸》卦天地感

而

萬物化

生。

爲長男、《巽》爲長女。天地、君臣、男女各 下,理之常矣。 者,相求以 爻皆應而爻 正,常莫大焉。 與臣之道也。男在外,女在内,義之常矣。 時也。天尊地卑,道之常矣。君處上,臣 動于上。《異》,陰也,柔順于下。 恒》,陽動 濟之時 無 諸卦 上陽卦,天與君之道也。 元 陰順,剛上柔下、《震》,陽 也。 吉者,何也? 多以 常者,上下各得其 有 上下各得其 應 爲吉,此 夫吉 下陰 介常之 於 得 桂 卦 《震》 也 地, 所 應 六 其 處 剛

之時矣。 也,在於道,不在於權。 諸侯之常也,在於政,不在於鄰。天子之常 爲吉。是以 而天下化成,堯舜爲仁,終身而已矣,其知 故以 士之常也,在於己,不在於人。 剛柔皆應爲常,而 故曰聖人久於其道 不以 獲應

焉。 外。 也。 時 柔 者,有肥遯之利。 而 柔未勝剛,則君子辱可遠也,未見制 言遯也已矣。 也,可不遯乎? 長 勝於剛 柔佞人而剛正出,君子遯去之時 是以最在内者,有遯尾之危, 《遯》,陰進陽退,二陰進之於內,四陽退之於 也。 此卦二陰而四陽,柔未勝剛,小人始 君子知吉之先,辨禍之萌,思 則 小人制 子曰「知幾其神」,始可 故《遯》之爲義,尚乎 君子矣,辱可 最在 於 逃 也。 遠 小 乎? 夫 與 遠 外 其

《大壯》,剛 以 震 而 陰摧, 内 | 剛 外

威。 邦以 焉。 餘爻皆不克全其壯也已。 四,以陽居陰, 以君子非禮弗履,以保其壯也。故九二、九 於陰爲大也 夫雷在天上 君子 壯而 恐。 威 不節,於天下暴矣,壯其喪矣。 天地之壯見乎雷,聖人之壯見 而 陽進陰 小 體剛 人黜 ,萬物以 而 處異, 退,大者壯 政 令剛 震,威行天下, 乃復獲乎貞吉, 嚴 之 而 時 小者 也 乎 萬 喪 陽

乎 ? 行矣。 其伊 義。 明 英華外著,外卦文明,有英華之德。 離 ,賢斯遁矣。 》,明也。 如 則 尹之時歟 其進 ·晉》,順而上行,奉于文明,《坤 日之升,君子當其象 上不 故曰「君子以 君子嘉遇顯進之時 也,柔順内 拒其逼矣。 今文明 自 ,融,内: 麗于上,君子可 故 昭 曰「晝日 明德」,蓋 計《坤 也, 豈復 也。 則衆 》也,有柔順之 夫上 三接」也 昧 明 不 哉 出 疑 不 無 順 其 也。 進 文 地

> 諸 ! 文明 中 其 然後乃免。 然則文王 其 政焉,而最近於闇,故自辱其身,以晦 文王蓋有國焉,德加於人,晦之難 上,則賢者遂進,文明在下,則 ,,其 湯武之事歟! 商之末 入于難,終以 變斯時者,惟 光翕矣,蔽賢傷善之時 明 夷 其 世 故文明在下,難哉,聖賢其猶病 不 耶,君子用晦,然 陰 用晦乎? F. 明 柔 九三乎? 下 順 ·, 其 而 出 何 義 矣。 以嘗 也。 病 後 得其大首」, 矣; 善人用 免 箕子 幽 也 夫文明 於 之耶 火 其 其 雖 故 人 道 傷 難 在 無 以 ? 地

也。 聖人將成其國,必 孝悌形 外,孝悌形焉。 其二也。 明乎其内,禮則著焉。 《家人》,陽正 陰陽正 而 家道 而男女得 外卦 成。 Œ 於外, 順 其家。 成 也。 必 謂 位,君 īE. 禮 五. 内卦明也。 則 一人之家正 也 也。 著 子理家之時 正 而 陰 必 家 IE. 順 道正 成 於 乎 内, 也 其

興焉。 初 御 九 後 于家 五 天下 九 有 王 悔 邦。 之家 何不定之有? 假 開 有家」, 正。 得其 然則正 天下之家 道 則天下化成,故勿 ,乃首得 家 故曰「 者 貴 Ē, 閑 悔 刑 然 其初也。 于寡 Ľ, 後 多梯 妻, 恤 至 于 而 故 以 大

合之 君 焉 合 不 而 何 義 陰 潤 臣 焉。 通之, . 接 陽 從下,其道 而 不 時 會 男女睽 亨 接 而 不 睽 其體 焉。 乎 而 接 萬 合睽 \leq 體 ? 男女睽 物 而 火炎 睽,其義合。 也 萬 睽。 天 以 故 志 違 一,而 地 物 成其 一一一一一一 澤潤,其 疑 而 君 睽 睽 夫然,則天地 禮 不 動 也 百月 化。 臣 義 接, 晝夜睽 虞蹇 成 不 而 天地 義 物情 性 焉。 接 不 情 難 不 不 接 而 類 也,而 可 睽 同。 上 睽 上下睽,情 而 萬 求 聚 異 也,而 下睽 久 書 物之 援 焉 也, 之時 炎從 夜 而 日 睽 也 月 理 濟 夫 必 陰 也 上 未 從 禮 而 交 陽 戀 類

> 通 也 故 則 説 其 弧 爻 遇 皆 雨 以 有 群 援 疑亡 免。 也。 至 于 上 九 睽 極 而

動 乎險中, 餘 五。 然則《屯》已動 時 其 皆往 也 君 蹇》, 庶 在 觀 蹇 幾乎 險 難 其 而 止 中 未 名, 弗 於 Щ 可 乎險 濟 與《屯 險 與 犯 中, 己應 也。 中, 君 子 ず 險 難 始 惟二爲 藏 難 可 近 器 在 口 啚 焉。 於 前, 厞 也 王 身, 躬 、《蹇》猶 未 (屯》亦 臣 而 待 可 往 得 時 進 難 位 焉 也 之 11: 而 應

吉也

行。 天 故六五象曰:「君子有 人 地 爲 武 險,君子乃否, 否 損》, 解 王發粟 散 》,動 山澤 雷 乎險外,出 散 雨 通 財 並 氣,艮爲山,兑爲澤。 其 興; 小 解 有解之時 人 聖 險 小小 既 賢 散 退,君子 人 否 否 退也。」是 之時 散 也 矣。 慶 其潤 也。 乃 施 振 故 小 上 遂

❶ 「恤」,原誤作「悔」,據四庫本並《周易・家人》改。

者也。 歟 《兑》爲説。 F. 者上之本,本固則 行 其本矣,危之道也。 下卦二陽,上卦二陰。 一枯也。 川 取 竭 下 虚者反實,則實者反虚矣。 資 必山崩」,此之象也。 損之無時,澤將竭焉。《兇》爲澤。 百姓不足,君孰與足」,其斯之謂 上之 時 邦 也。 寧。 損之有時,民 取 夫 今務於取 陽資陰,以 陽 實 無他,下 也 猶説 陰 下 然 實 ·, 乃 虚 涸 則 益 也。 也 故 傷 而 下 虚

下,益 損 萬 之時 卦陽多,故曰 日 國 下則傷其本也,是故謂 損 幹斯茂 , 損 也。 咸 益 下則固 寧。 一》,剛來 上日 天道下濟,品物咸亨。 有 矣,源斯深矣,流 餘。 益之爲 其 益者,何也? 本 下卦陽少,故曰不足。 而 也,是故 助柔,損 道 大矣 之損。 有餘 謂 哉 夫益 斯長矣。 之益 ! 而 上則損下, 聖人下濟, 損 然則益上 自上 補 上 不足,上 本 下之 惠下 則 斯 益 古

利之, 萬 動。 益 失之者,何 而 小,以正黜邪之時也。 物而 據乎? 上 涉大 何竭 則 無疆]1] 利 也? 夫君子道微之時,法令常密 之 有 而 有 竭 無 陰處高 明益之道,何 患。 焉 焉 内 ? 有 雷風 上之益 小人也。 是故木以 而 時皆剛正,柔佞 群陽伐之,❷以大制 與也,上風下雷。 往 下 而 小人 則 動 不 因 利哉 也 道 其 ,上木下 豈 而 利 興 而

也。 賞罰明行之際歟! 而 時,法令常 其時矣。 決 此卦 一陰,易可知矣。 一柔 顯 而 而 無 乘五 忌者,何也? 舜舉 剛,危可知 故揚于王 八元 而 去四 庭 矣。 内皆 而 不忌, 凶 君 微之 Ŧi. 一, 此 副 得 或

《萃》,澤處於地、《兑》爲澤、《坤》爲地。其流

^{) 「}伐」,原誤作「代」,據四庫本改。) 「夬」,原誤作「夫」,據宋本、四庫本並《周易》改。

集矣; 見矣。 至矣。 下。 聚乎 之於一,不能盡天下之誠,惜哉! 私其應哉! 應,以成萃聚之義而已。若夫萃天下者,豈 下以義 也。 故九五以大人之位而匪孚者,以 1 上以 《彖》言「剛中而應」者,取其上下 上説 天地亨而 説 下順 觀 臨 必也以虚受人,然後能萃其 其所聚, 下,下以 ,其義 萬物以類聚,大人亨 親 而 順奉上。上下 矣, 天地 物 萬物之情 情 和 無私 聚 · 莫不 其 而 之 應 則 天 相 天 時 口

惟 中 則有喜, 升,物不距矣。 寶,賢者日崇其業,而至于公圭。 德 -,其舉遠矣。 上六極 升之時也。 升》,地 三則 而 猶 大高以下爲 中生木,其道上行,君子位 無 升, 故爻無 聖人 疑 則 四 爲 日 則 冥 凶 躋 昧。 用 咎, 其 基 亨,五 德, 木,始 初則 若能 而 則 大吉,二 以 生 至 知 八貞吉。 其 順 於 于 八消 大 地 以 而

息,猶可爲利,故曰:「冥升,利于不息之

險而 川澤 之,極然後反,其困必亨,故曰「困亨」。 子之於陳蔡也,豈其憂乎? 尚口而去之,窮斯甚矣。 子乎,能固窮而樂道 後施於物。 於物,君子困窮之時也。 不改其説、《坎》,險也。《兑》,說也。 竭而伏其流,君子困 困》,水在澤下,澤方竭焉,其 今伏於其内,何施之有? 哉! 知此時 夫水者,浸於 而隱其道。 苟不安其困,欲 者,卷而 其惟 道 不 外 困 是 加 夫 懷 君 於 則 而

施 也,施之而不窮,存之 而 可改,其泉之出也,無所不利。 彰君子居德遷惠之時也。 於人而不見其虧,獨善於身而不 不可移,其惠之遷 《井》,木爲泉之底,井道 也, 而 不 無 夫井居其 溢 所 治 惟德 不仁。 君子居於德 而 ·見其: 其 地 也, 施 唯 而 餘 井 不

故曰「井、德之地」,不其然乎?

之作耶 無道。 兑説。 從之? 下之助,何反常之有焉 説,易四海之怨。 以 有火,是反其常矣。 革易之時也。 反常之權。 以此之文明,易彼之昏亂。 革》,水火相薄,變在其中,聖 此所以反常,而天下聽矣。 ,苟道德不去,雖 以其内文明而外説也。 夫澤 然而 以至仁易不仁,以 反常之權,天下何由 有水,則得其宜。 天下無道,聖人革之, ? 湯武日生,當爲天 内卦文明 以 其湯武 天下之 有道 人行 今澤 外卦 易 權 而

湯 器 新 下既革, 立器之時也。 天下之務,其此之時歟? 武 而 鼎莫先焉。 正 鼎》,以木順火,鼎始用焉。 位 而制作興。 ,然後 夫天下無道 改 故取 正 朔 制作興 鼎爲義,表時之新也。),變服 ,聖人革之。 而立成器,立成 章, 故 日革去故 更器 聖人開基 用 以以 天 而

> 順 莫盛乎享上帝 鼎 ,養聖賢而天下治,不亦盛乎? 取 新 聖人 之新, 而 養聖賢也。 爲天下 也。 享上帝而 夫 何 盛 天下

也。 焉, 君子震,其德崇焉。 之器,而祭祀不輟也夫 貝,履於危也。 九震來而致福,慎於始也。六二震來 也,進退不履於違,則百 思慮必慎其始, 震,君子心身戒懼之時也 長子有威,驚遠 《震》,雷相 六二乘剛。 從 則 而 百志弗違 而懼 興,威 行弗罹于禍 君子之懼於心也 邇 夫震者,長 動 ,然後能 萬 於道 物震 萬 物, ,其道· 懼 子 主宗 内 之道 外皆 而 於 故 喪 身 通 廟 初

亨,今其止者,君子理 萬 卦無元亨貞之德者,以其道不行焉。 與,六爻皆無應。 物生,日月 艮》, Ш 相 動 上下静 當 而 晝 而 不 夜 止 各 之時 口 成 止 動 其 聖賢 之時 也。 所, 内 動 天 也 外 而 地 不 故 天 動 11 此 下 相 而

有 ? 不失其時,其道 之爲道 矣;高 欲不可縱,斯止矣。 故曰:「 一,必因 不 可亢,斯 時 時 光明。」非君子,其孰 而 止 存之。 則 止 止 矣; 若 止得其時 時 位 夫 行 不 時 則 可 不 行 侵, 可 能 何咎之 進 斯 與 動 斯 静 於 止

此

之時 則 況 遐 而進 及時,然後有歸 坤》 女歸吉」。 失 於 必 而 不不 也。 漸之道,犯 人 陰 成德,然後 自 漸 乎? 漸進 邇 》, 山 亦 夫内止 漸 然 苟 而 乎? 止生 則女 乾 有 至 焉 時之忌,豈 内 而 位 于堅冰。 木, 不 陽 不躁,外 生 長 君子學 焉。 止 漸 女 而 日 而 知 進 得 益 故 躁,外 正邦之有焉 其 而 位 其 天地不 巽 升 而 嫁 乎 高, 高 知 而 至 不 也,必 其 其 必 不 君子 于 仕也 巽 能 自 争, 在 踰 下 而 漸 漸 故 以 而 一,必 天。 争 而 斯 進 \Box

《豐》,文明以動,無往不亨,王道開大

矣。 物昌 之時 以 進 明之動也 動 聖賢之造,困 於大而戒於盈也,丕哉 也,下《離》日也,上《震》動 序天下之倫,作乎 過乎 而 也。 無),豐于 皇極,文明 夫雷 不大也,是 L 者 通 電 皇 之至, 極 而 虧 焉。 樂 以 幽 矣。 也。 謂 隱 以 者 過 之豐。 興天 顯 者 豐于 乎正 故 彰 白「宜 下 於 Ě 而 中, 然 之 是 否 中 · 焉 則 和 制 日 日 者 斯昊 中 日 乎 亨 之 禮 ; 文 物

其往。 時也。 大通? 焚巢者 處二體之下,卑 人之志,卑則自辱, 可謂智矣。 懷資 旅》,火麗 以斯 君子覉旅之時 而 然則内止 五譽命者,柔 其 是故初 適 據 旅, 山 以 而不動于 而 體之上,高 故 自 瑣 高 不 得 辱 處 瑣 則 久其 小亨 者 而 而 見 無 也。 不 匹 嫉。 心,外 其 處,君子 而 失其 不 而 位 貞 能 見 快者,以 一焚次 古。 明 何 中 嫉 執 羇 而 能 者 者也 其 而 弗 旅 與 也 其 物 之 迷

八六

君子旅之時也,道其然乎?

之。 矣。 乃得 以行權、未可以終義。 之爲德,其失也僞。 爲體,內剛而外柔、《謙》卦《坤》外《艮》內、《坤 邪之道矣。 今上下皆順,故可 命令宣行之時也。 亨,君子有終」。 良 () 剛 小亨。 六爻皆無凶咎,《異》之六爻,則美惡半 (巽》,風 也。 降 觀其名,雖近於謙焉,然則 利 於禮 從 有攸往,利見大人,是故謙 至 巽之爲體,内外皆柔,可 而 申命而 夫上下弗順,雖令不從。 而物莫之違, 非君子体之,則 不 惟五以中正而 降 行事 於德者也, 也。 上下皆順 若夫巽 入 志行, 是 乎柔 謙之 》柔而 以

重之,民説 推恩而敷惠 惠之時也。 (兑),澤重潤 而 夫説 則 無 疆 順乎天應乎人而王道亨,不 萬 者 而上下皆兑,君子推 物者,莫説乎澤。今復 也。 勸天下者,莫大乎 恩 敷

> 情。 然者 者,忘其死 靈者,忘其勞也,楚子下令,而人 以 上下皆説之時,必内存其剛正,然後免佞之 犯難 故曰「説以利貞」。 反 民 此。 也。 重其死。 若 夫 然 威 則 以 故 説之爲德,其失 先 周文爲臺, 民, 民 重 而 其 如挾 人謂 勞 也佞 ; 纊 神 威

論

帝王好尚 論

代以還,異於太古。 樸。」此則述古之風 民 自正,我無 老子曰:「我 欲 而 無 民 爲 王天下者,身先教化, 以 自 而 警多 富 民 自化,我 我 事 之時 無 事 也。 而 好 民 静 自 而 好恭儉,豈有喪亂之禍哉?

功,湯 歸 静,而天下亡。 好尚,如是之急也。 之燕,昭王築臺募士而智者歸之。 善 得 則 莫敢 君 使 下歸漢。 吐哺以待白屋之士,鄭武公好賢而 唐。 ?無好? 好 旌,舜好問而成至化,禹拜昌言 民 民 莫敢 不恭,❷上好義則民莫敢不服,上好信 之則民 聳 五聘伊尹,文王躬迎吕望,周公握髮, 善。 使桀、紂 隋煬帝好逸豫,不好恭 不用情。」由此言之,聖帝明王 在其正而已。 從之。 故《禮》曰, 秦好兵刑,不好仁義, 好 諫 孔子曰:「上好 桀、紂好 静,秦好仁義,隋 堯設敢諫鼓,建 人君 利欲,不 謹 **ふ儉,而** 其 所 斯聖賢 禮 加 詩雅歌 好 立大 而 天下 好 則 煬 惡 帝 諫 進 民 天

選任賢能論

亂。 栗,性寬洪 某事某事以爲驗。 德」,言人性行有九德,以考真爲則可知。 之道,不可 人。」其勤求人材,如是之急也。 王昧 故曰,得士者昌,失士者亡。《書》曰:「先 房、杜、魏、褚之徒,隋失之亡,唐得之興。 載采采。」載,行,采,事也。 爽丕顯,坐以待旦,旁求俊彦,啓迪 張良、陳平之徒,秦失之亡,漢得之興。 王者得賢傑 而 能 一端。 莊 栗。 禹 E. 而天下治,失賢傑而 柔 臯 陶 而 「何?」

「何 費 立, 稱其人有德,必言其所行 禹 和 曰 柔 陶 而 亦 E. 然則求之 能 乃言曰 立 行 事 「寬 有 天下 九 mi 愿

[「]聳」,四庫本並宋人所編《宋文選》卷六作「從」。

[「]恭」、《論語》作「敬」。 避宋太祖之祖父趙敬諱而改。

實塞。 温 擾 愐 和。 恭 而 毅,擾 ,慤愿 彊 簡 而 而 而 順 義 廉 恭 也。 ,性簡大而有 恪 無 所屈 致 亂 果爲毅。 而 撓, 謹 動 廉隅。 必 亂 直 合義。 而 治 剛 也。 温 而 彰 行 有 塞 厥 治 Œ 而 有 剛 直 能 常 斷 而 謹 而 氣

行,謂 位。」是朝 能述之者也。 游、子夏也。 也,子貢使於諸國,而不辱君命也。 書》之《説 冉 有、 顔淵、閔子騫也; 廷 季 此所謂求人之道,非 命》篇曰:「旁求俊乂, 路也; 經 庶 緯天地 位 信,惟 三曰言語, 日 文,禮樂典章之謂也,游、夏 俊乂是求。 顔淵聞 四 宰我、子貢 日 端 文學,子 唐 列 二 曰 也 太 于 宗 庶 又 政

티 :

「天下英雄,落吾彀中。」《語》曰

「邦

有

道

則智,邦無道

則愚。」智則可

與治國家、安

雄 不悮天下之計哉 行 失 而 /望於時 寵 之, 則 則 四 秦 海 失 英 張 雄 無 陳 望 隋 於 失房、 時 矣。 杜,豈 使 英

近 名 論

吉哉

彰,明;

吉,善

也。

明

九德之常,以

擇

人而

官

之,則政之善。

孔子之門人目以

四科

日

德

一知十。

骨,天下諸侯聞而歸之。 以 加 名,人將嫉之,非全身之道也。 其身之親也。 于 名而重也。 人薄於名而保其真。 西 名爲教,使天下自勸。 ,賞罰可 Ш 老子曰「名與身孰 仲 尼聘七十國以求行道,是聖賢之 動, 莊 太公直釣以 子曰 贵 爲 爲 國 斯 家 善無 親」,言人知愛名,不 邀文王,夷、齊 之用 此皆道家之訓 人之徒,非 是三代人君, 湯 解 近 哉? 名」。 網,文王 言爲 我 爵 葬 餓 己 先 禄 善 如 大 枯 Ŧ 使 死 口 近

0 德 原作「得」,據宋本改。

以

俊乂爲德, 不以柔訥

爲行。

如

以

柔

訥

爲

天下,愚

則

口

與

澼

怨惡

而

全一

身。

故聖

國家之用哉!

道家之言,不使近名,則豈復有忠臣烈

士爲

之書也。 流 臣愛令名而勸,畏惡名而慎矣。 夫子曰 無 不涉 乎名 善者褒之,不善者貶之,使後 也。 孔子作《春秋 以》,即 世 名 君 教

請辯之。孟子曰:「堯舜性之也,性本仁義。● 足以成名。」然則爲善近名,豈無僞邪? 「疾没世而名不稱。」《易》曰:「善不積 不不 臣

可

而求名。 三王身之也,躬行仁義。 後之諸侯逆天暴物,殺人盜國,不復 五霸假之也。」假仁義

又次也,至若簡賢附勢,反道敗德,弑父叛 上也,行忠孝者,次也,假忠孝而 愛其名者也。 人臣亦然。 有性本忠孝者, 求名者,

愛名,則雖有刑法干戈,不可止其惡也。 君,惟欲是從,不復愛其名者,下也。人不 武

之墓,是聖人敦獎名教,以激勸天下。 王克商,式商容之間,釋箕子之囚,封比干 如

推 委臣下論

之。 委以 男。先擇材以處之,次推公以委之。 獨當。 天生兆 人臣之職,不委以人君之權,臣 内立公卿大夫士,外設公侯伯子 人,得王乃定。❷ 萬機 百度,不 然則 請 辯

儀,觸 脩方略,威夷狄,此將帥之職 緯百事,此宰輔之職也。 理 風俗,内養萬民,外撫 夫執持典禮,❸修舉政教,均 縉紳之邪,此御史府之職 四夷,師 練兵 也。 八戎, 謹 表 和 也。 肅朝廷之 法令, 百 城 僚 治繁 經 調

原作「名」,據宋本、四

[「]王」,宋本並《宋文選》卷六作「主」。

持」,原誤作「特」,據宋本、四庫本並《宋文選》改。

九〇

徭役,平賦 法, 劇 臣之職,不可不委之也。 制 有 豪 攸 猾,此京 斂,此刺史、縣令之職也。 司 之職 尹之 矣。 職 撫 也。 民 人,宣 至於金 風 化 是皆 穀 均 刑

焉。 漢高 之子孫不知祖宗之謀,而獨 獨 國之政,歸此三家矣。」後果分晉爲三國。 下有道,政不在大夫。」注云:制之由君也。 於下矣。何以明之? 柄, 官,故姦雄 至于子孫,不知祖宗之謀,而獨委霍光,又 三卿,趙文子、韓宣子、魏獻子。 延陵季子曰:「晉 委 委司馬,晉委劉裕,其禍亦然。 制英雄之命,此人主之權 後漢光武 王鳳,至于王莽,皆有 祖 若乃區 招納 競起,以去惡爲名,東 一别邪 群英,有將將之權,而取天下。 親用二十八將 正,進退左右,操 《論語》孔子曰:「天 大 委后族,至于 也,不 而 禍 取天下, ,西漢遂 漢遂傾焉 唐太宗駕 榮 可 盡 辱 晉 宜 後 委 之 傾 委

> 治。 怨。 馭 禄 謂宰相得人,泰然無 廷無敢言得失者。 以 無 威出於下矣。 之黨也。若黜辱十人,上從其九,是九分之 際,進擢十人,●上從其九,是九分之恩出 以推委而天下亂,何弊之然哉? 下瓦解,唐德遂衰。 任,仍復委之。 英雄 敢 Ш 立 推心委之,遂成 忤 犯 明 后 如此則數年之間,左右前後,皆權 關 之功 皇 ,取天下,致太平,至 權 繒 一初用 臣 闕 者。 獨 言,而 如 林甫 姚崇、宋璟 見委用, 此 故 眀 於是明 則數年之間,中外遠近 下之情不達,而上之勢 初以 爲矣。 皇 故事。 姦邪,能 不 陷 · 知。 推委而 害 爲 皇不聞 高宗 及李 言路已 相,而 忠 中 良, 傷 天下治,終 日 朝 林 當推委之 諫静, 善 絶,故 喪 天 甫 天 李 亂 代 下大 下 義 其 憤 至 朝 於 自 府

⁰ 進 原 無,據宋本補

孤矣。此明皇之失,爲後代之鑑。

記之。 叢脞 意求賢 以 其精於經術,通聖人之旨,可 於正道,有憂天下之心,可備輔相者記之。 帝明王常精意於求賢,不勞慮於臨事。 不可輕授於人。 必委之於輔弼矣。 求賢,以備選用。且千官百辟,豈能獨選? 讒 位 豈 嫉者衆,必先時以辨之。是故先王孜孜 , 覬覦者衆, 必審賢以與之。 四科辨之,思過半矣。 德行,二曰政事,三曰 無其要? 其敢言正色,有端士之操,可 而 王 自困。 其能言方略,有烈士之風, 者將收其權,必先采人。 采人爲 ,則日聰明而自廣。 孔子之辨門人,標以四科。 宜乎屏煩細 僉諧之外,更加親選。 惟清要之職,雄劇之任, 然則朝廷清要之 言語,四日文學。 而 勞心臨 廣詢訪。 備 賢傑之才, 顧 可備 備 事, 問 諫 其深 者記 諍 則 將 難 聖 帥 者 日 精

> 者矣。 蔽者。 搢紳無 之威矣。 此又推委無爲之中,而不廢其防,不失其權 英雄之命,庶務委于下,而大柄歸于上,●始 力,争爲腹心,於是乎得 然後寘清要之職,授雄劇之任,使人人竭 者記之。 爵禄,不足爲上之恩。 時,無賢可用,則進退賞罰復歸於下。 可以言無爲矣。猶復置御史大夫、中丞,使 若留意逸豫,不孜孜於求賢,親選之 敢慢者。 置門下 如斯之人,精而求之,熟而觀之, 封駮司,使制敕無得悮 置静臣 雖有誅罰,不足爲上 以 七人,使言路無敢 操榮辱之柄,制 雖 有

❶ 「大」,原無,據宋本補。

議

上 |攻守二策狀

則 制 能 知 巢穴, 敻阻 諸 見 制,其如將帥 若寇常併兵求擾一路,每有朝旨令入界 沙,迷失南 大振 所圖 勿逐 之 適 路進討,則兵分將寡,氣不完盛,絶漠 無 中。 臣某言: 効 兵 但求 也。 或曰 臣 威,故不 河 北 觀今之守邊,多非土兵,不樂久 外,非 虚弱之處,以 方略 饋 竊 或曰 必行 觀 運 能少分賊勢。 非有素定,茫然輕進,不 宜 西 有奇將,不能 進討,以期平定。 輜 事 用 重,動有鈔 以 守策,來則禦之,去 來,每 剽竊爲功。 此進討 遠 掠。 攻 襲。 守,未 既 賊 臣 牽 之 牽 不 至 風 謂

> 其必行。 患。 戍。 依聖旨指揮,交付梁適 如無所取,乞賜寢罷 無發明。 寸勞,夙夜營營,冀 殆,遠饋則 又無 此守禦之未利也。 今采於邊人,而成末 誉 在朝廷 民 田 力將 必 以衆 竭。 煩 有所補 遠 齎迴赴闕者。 論 今具下項攻守之議 歲 饋 臣 參之,擇其 月 ,而才識迂昧, 荷國重寄,曾 緜 久 議,固不敢望 遠 戍 , 則 軍 恐 可否。 生 情 終 他 無 以

議 攻

州徑 地。 安之西、慶州之東,有賊界百餘 過道路,使兵勢不接,策應迂遠。 中有金湯、白豹、後橋 臣 謂 進討 未利, 則 又 何攻? 三寨, 里,侵 阻 臣 延、慶一 切 自來 人漢 見 延

遠」,宋本、四庫本作「久」。

畢功。 柔遠寨蕃部巡檢。 散與助功兵士充食錢。其帶甲兵士, 翕然情願, 諸 臣以民方穡事,將係官閑雜錢,并勸令近上人户以顧夫錢 甲之兵、熟户强壯,兼其土役。 城已險,因而增修。 遷,俾安土也。乃大爲城寨,以據其地。 利以安之。 遁者勿追,疑有質 全今爲騏驥副使、慶州北都巡檢, 趙明今爲東頭供奉官 老幼婦女者斬。 令,生降者賞,殺降者斬。得精强者賞,害 外,番兵更可得七八千人。軍行入界。 涇原路步兵九千,騎兵一千,環慶自選馬步一萬八千軍 雖 令牽制,則可攻之地 迴,邊患如 三萬、騎兵,五千,鄜延路步兵一萬二千,騎兵三千, [寨,必倍其數,使范全、趙明以按撫之。 「曾攻取,無招降之恩,●據守之謀,漢 俟城寨堅完,當留土兵以守之。 舊。 必嚴其戒曰,賊大至,則 非守地,則别擇要害之處,以錢 臣 拒者併兵以戮之,服者 謂 其在 西賊更有大舉,朝 昨奉朝旨,令修緣邊城寨。 於此。 也。 當先布號 可用 居者 寨並 方諸 明斥 廷 步 兵 如 召召 勿 范 厚 兵 必 纔 已 帶 舊

> 助之。 寶。 濟、 達、王遇、張宗武、譚嘉震、王文恩、王文。 員,使勇決身先者居其前,王信、狄青、劉拯、劉 設伏以待之。居常,高估入中及置營 里,西南去柔遠八十里。 候,召援兵,金湯東去德靖寨四十里,西去東谷寨八十 孫、張建侯、范全。 延、慶兩路軍 百五十里。 隊者、參於前後。張信、王遇、張忠、郭逵、張 李緯、張繼勳、楊麟。 有心力幹事者,營立城寨。 如此則可分彼賊勢,振此兵威,通 堅壁清野以困之。 馬,易於應援。 可用策應者居其次,任守臣 白豹西去柔遠五十里,南至慶州 小至,則扼 所用主 周美、張璨、劉 使臣中可 一兵官 田 得 以 險 王 兼 懷 貽

三千兩、錢五十四億,三冬二夏,大破諸羌。臣觀後漢段紀明以騎五千、步萬人、車

● 「恩」,宋本、四庫本作「意」,然《續資治通鑑長編》引同

爲 次第。 路,臣 州 石 懷 徑 足 賞 銀 難 陣 又 用。 過 有 觀 觀 帶 進 或或 據守之策。 夏 却西渡黄河 一不曾到彼,乞下本處訪問 帶賊 一當用]1] 道 番 望 功將吏及歸降番部 唐 如 塞 路。 部 馬 口 其環州之西、鎮 取 險 界阻 與與 燧 又 下 以 小車 造戦 今 延 明 明珠、滅臧相接,阻 遏 斷 珠、 比 延 州 處,城 奔 二千 倒 徑 車 之朝 州 南 衝 滅臧之居,北接 過 ·, 行 來 兵 安 兩 道 寨 麟 去暮 去故 馬 戎之東 臣 則 及畫 路。 并就 平 州策應。 東 銀 以 載 定 還 渡 圖 綏 絹 此 甲 已上三 一,此 黄 州 則 籴芻粟,亦 錢二十 路 兵, 即 復 兀 可 河 環州 更 Ш 和爲 處,内 蓋以 見 有 止 + 賊 圖 坡 Щ 北 胡 則 · 萬, 里 疆 了, 大 便。 JII 麟 故 鎮 蘆 爲 處 道 府 多 綏 嵐 在 戎 泉 稍 以 車 誉 路

> 議 守

而

愁怨, 不代。 遠。 舉衆犯邊, 未嘗聚養。 也。 千 地 食, 險, 利, 古豈無謀臣 臣 未易 須務姑息。 里不絶。 月給 臣 觀 負星霜 遂破先零。 謂 西戎居絶漠之外,長 可 庫 戎 中國 毫之物皆出 取。 緡。 之苦, 虜 或 ? 縱 則不然。 此中 用 建官置 春冬之衣 降, 觀 魏 民力,日以屈乏。 懷鄉 武 漢 原 塞 於征伐之中,分帶 趙充國 積兵之憂,異 其下, 一兵,不 垣 國之望。 遠戍之兵, 須 銀 河之北 公守,❷ 鞋 風 用 興屯 集 禄 饋 當 又 倚 田 雲散 食, 務 於 日 輸 軍 而 每 遠 巡 夷 减 給

道

狄

獲

廪

臣

謹

議

⁰ 須」,宋本作「鎮 此 長編 稍 爲 》引作 便」、宋本、四 此 稍爲 便穩」。 庫 本作 此 爲 稍便」《續資治

數 故 兀 甲之士,隨 而 田,天寶八年,河西收二十六萬石,隴 利之。 賦 + 年之中,所 税 ·四萬 無轉徙之勞,徭役無怨曠之歎。」 使食其土之毛,實役其人氓之力。 石。 宜 墾 孫武 在積粟,倉廪皆滿。 闢 曰: 故下不甚勞,大 「分建 諸 院,以 八功克舉 唐 置 其 西 利 收 中

臣 其兵 於本 陲 復 而 勤,公收其利,則轉輸之患久可息矣。 田,據畝定課,兵獲餘羨,中糶於官,人樂其 之邊寨,皆可使弓手、土兵以守之,因 遷資酬獎,或量給價直。 無 舉擇官員,約古之義,酌今之宜 堅其守。 懷戀者,功相遠矣。少田處許蕃部進納荒田 徙家塞下,重田 處 臣 幾守 漸 昨 興 在 愈久 比之東兵不樂田利,不習地勢, 囲 延 利。 州 而 見知青澗 備 今聞僅 儻朝廷許行此 愈充。 利,習地勢,父母 獲萬石。 城 雖戎狄時 种世衡言,欲 **,**●行於邊 道 臣 置 觀 且使 則 邊 委 誉 今

> 手之力,以置屯田爲守之利也。 患,不能困我中國。 此臣所以言假土兵、弓

耗病 疆。 動。 無功,邊民父子荷兵 國,而人主以生民之故,屈 之,不絶其 千里,下有百戰之師,以四十萬之衆困 日 吏民,不勝 城,乃約匈 忘之,未能消距 ,謂百姓遠方何? 孝文即位,將軍陳武請 然臣觀前漢高帝之盛,臣有蕭、 孝文曰:「兵,凶 奴和 好。 其 酷。 親。 匈 一,願 奴屢變,往往 至於 至高后、文、景,代代 日久,朕 器 且堅邊設堠,❷結和 也, 書問 今匈 難 己含容,不 議 傲慢,下 動 奴 征討 克 心 内 犯塞,殺 所 门,以 痛 侵, 願 張 傷 動 爲 軍 視 于 决 勝 封 > 中 戮 如 何 吏 亦

2

❶ 「酌」,原作「進」,據四庫本並《續資治通鑑長編》改。

同底本。 「堠」,宋本、四庫本均作「候」,然《史記》卷二五《律書》

天下幸甚,天下幸甚。 而 律 馬 雞 姓 使, 後 遷 無 書 鳴 兵勢不危,用守則必 休 取 爲 以 内 犬吠,❶煙火萬 寧 後代 文帝 文帝和樂之德,無孝 外之徭,得息肩於 北 陲 法。 能 和 爲 臣 樂天下,協於大樂,故 功 謂 多 里,可謂 矣。 或 臣 圖其久而 家用攻則宜 謹 田 且 議。 武哀 和 畝,天下富實 無 樂者 議 痛之悔 民力不匱 兵 乎。 取 其 著 故 ·; 則 司 近 百

答竊議

其 近 先 靖 其 (家,厚 臣 布 出 而 之以 恕之,時 漢高 曰 其 恩,後 時 祖 安 陳 以 邊 李靖 平. 黄 御 責 金 未 多 之以 衆,須是 未 與公用 兀 有 有 萬 功 効 功 斤 也 也。 也 付 得 錢 陳 唐 及 人 我太 是 平 高 心 屬 前 祖 0 州 3 祖 代 將 而 課 優 嘗 帝 斬 不 利 恤 謂 問 Ŧ. 李

> 間 宜。 由 間 族 命將 後宮之數,極於儉約 爲 使 預爲之備。 而 遣之。 無 爪 之 此 ,洞見蕃夷情狀。 在 牙。 而致也 每來入朝,必召對 帥 迥 京 西北 李 者 啚 由是邊臣率富於財 漢 苟 • 之憂。 設伏 撫之甚 超等十三人分守 財 特 用 免 掩 豐 税 故 厚。 撃,多 盈,必 算。 每戎狄入寇,必能 兵 以 力雄 命坐, 凡 備邊費, 聽 致克捷。 能 軍 其 盛,武 集 得以 中 賜與優厚, 西 召 事 事, 北 亦 募 功蓋 諸 無 驍 <u>二</u> 十 悉許 朕 養士 州 勇, 辭 先 雖 世 也 知 用 撫 便 家 減 以

- 「雞鳴犬吠」、《史記》作「鳴雞吠狗」。
- 「斤」,原無,據宋本補。
- □「心」、《續資治通鑑長編》卷三所載無此字。
- 税」。卷四六引《寶訓》作「多與公錢,及屬州縣境四圍免卷四六引《寶訓》作「多與公錢,及屬州縣境四圍免
- ⑤ 「率」,四庫本作「悉」。

臣,依 功。 我保 閤 又 坐 諒 中 聖,不深罪宗諒、張 是未見貪吏之狀 過 部 遮壅于道,足下 窮,纔用三千餘貫,復有所歸,無分毫入己。 酋豪,或贈遺官員 人也。 合贖 朝 將公用 憲不 2錢十六萬貫,有數萬貫 請 署,以公用 庇 廷 加 今天子仁 今滕宗諒 祖宗故 此 銅 責 知内朝有 既 至慶州,目擊軍 人,固 ,而不當去官。 二人,以 E 錢并酒散與軍 降記 錢 一聖,有 事 爲 示 迴 此韶 ',使 何得謂之豺狼? 貸之,亦難反汗。 也。 敢避。 圖, 正 游 路 亢二人,仍 迴 憲律 西 命,聞 士。 管設 經 宣撫 民 圖 北之憂,孜孜求人, 略 人,③當更追一官。 自古文法,常害 蕃 不明。❶ 是前 公 而 使 安 田 既 群 知,一 部等借留滕侯, 梁 命 撫 舍 下 П 斷 降 堅 將 使 · 法 寺, 横議,遂伏 人,朝之端 一彈奏 已重,●亢 詔 及置獄 校 兼 如 主上仁 足 誕 并 兵 平 告邊 則宗 滕 下 蕃 馬 日。 責 研 使 部 都

> 輔 以 天下之憂,豈 捍大患。 弼 者 古 當竭 帥 暇 臣 私 力辨 用 於二人哉 度 明, 小 過,不 恐悮 朝 害邊 廷 事 居

辨論 其勞 王正 士請 近邵 于賊庭,不辱命者如韓愈、李回,皆成大名。 生, 節 昊 行。 也。 昔匈 事 書 學 倫 良佐使于元昊, 又不 體。 術, 疏 副之,皆敢行不 朝廷 ·奴辱漢使者,蓋不一 良佐懼,不可 可爲 辱 頗 且 命,朝 順 沙 召張子奭,乘驛 之使, 於前,願 漠 窮絶,人 廷 回 擢 乃 懼 再去,滿 日 去號 造 進 改 將 兩 不 既 官,賜 資,不可 稱 命。 測 不 也。 而 朝 之 臣 懼矣,觀 至, 浴 縉 紳 一、又能 暨還, 服 地 唐 色,報 賢 待 又 無 既 選 使 以 減 其 能 得

2 0 數

元

忘

重」,原作 萬貫」,原 無,據宋本 據宋本改

原作「罪」, 據宋本改。

原無,據宋本

九八

囂然聚議,以 者多滯 夫高 常 此戎狄之常 調 上談時政,皆謂不能拔人限以資級,使才 也 而 戎 朝廷乏賢,及見殊命越一等,則 狄 態,非子 爲過優,何薄之甚耶 素 貪, 利 未 厭 也。 心 兵 今之士大 擾 絶 寒

讚

楊文公寫真讚

院。 朝, 之儀,修史修書之局,皆歸大手,爲皇家之 部侍郎。 以神童被召,三命至著作佐郎、 在真宗朝,荐當清近,終翰林學士、工 楊公以武 公以 斯文爲己任,繇是東 夷之靈,降 于我 宋。 直集 封 在 西 太 腎 宗 祀

> 忠。 間 悼,贈禮 北辰,引太陽於少海。 不豫,中外爲憂。 故嘗避權臣之禍,歸陽翟 道,其正可知矣。 子,如山不動,却戎狄,保宗社,天下謂之大 年,未嘗見愛惡之心,●天下謂之大雅。 盛 公與三君子深相交許,情如 下謂之至直。 萊公當國,真宗有澶淵之幸,而能 而 而命世之才,其位不充,故天下 弗 未知其道也。 典。 克行。 樞密扶風馬公慷慨立朝,有犯無隱,天 當 部 時 尚書,謚 既終,而今上知之,乃下詔追 臺 此三君子者,一代之偉人也。 閣 昔王文正公居宰府僅二十 英游, 萊公將奮大計,正前星於 然端言方行,回邪忌之, 日文。 公預宏議,就高文, 蓋 Щ 今覩公之真,而 多 金石,則公之 出 再起,會真宗 於 知公之文 師 左 門 一右天 矣。

■ 「心」,宋本作「迹」。

爲讚云:

嗚呼楊公,兩朝清風。盛乎斯文,直哉

爲之仙? 爲之神? 月其流。仰止遺真,雍雍哲人,吾不知乎,厥躬。端者我遊,邪者我仇。霖雨不作,日

范文正公集卷第五

九九

范文正公集卷第六

頌

皇儲資聖頌并序

以主器 殺 聖神之政 器之威 大人 葉茂昌, 3、天開 有 臣 繼 聞 而 八際,皇宗之德也。 靈 者哉 何則? 聖 明 七 根 廟大 乏 人之作《易》也,以言 善固, 體,以言乎《震》則 寧。 體以繼 或 皇祖 家興皇 其況登監 明 之功也。 而 一統,紹 文明 萬邦久照,威 撫 「乎《離 元子有 以 僊源,寶 之期 神 (健,景 武 ",資 不 主 則

> 若夫道德之奥,仁義之醇,禮 思高。 明。 無 之清,無得名矣,又盡善矣。 有戴天之安; 金鑑凝 揭降清之館。 厚德於汾壤,款大道於亳宫。 至 而 真 臨 不舉者,吾皇富有焉。 事矣。 也; 之道 四 萬 夷懷恩。 尚周文之文而 有 啓帝 觀妙自然,播芳無外。 聖子神孫,其法象之矣。 撫 聖上 大 符以 鴻名盛則,皇哉休哉 於是覽神洛以 寶之運 妙 分升,中 體 百官懋 乾 然猶清 元 明,人咸抱日之景 動天之著也。 華 光御 德,下 親 功 樂之和 朝,先因 肅 表開聖之都, 璿 浄戒豫 成 睦 樞 漢 極 功 麗 武 美 ,刑政 正,物 恭默 曠代 心之 之武 如報 俗 應上 昭

「眷惟元子,萬邦重器。 道心之微必究,王居一日,美三公,●登東塗,皇帝若曰:

● 「美」、宋本、四庫本作「羨」。

授。 業之 儲 焉。」三公相與 爾 副,奉見清 周 生而神 爾 難 召 必 知 靈 往 廟,載 幼幼 師 而進曰:「惟皇之嗣,惟天之 性 傅焉。 習 而 惟 禧 岐 嶷。 員 其 講善 丘。 初, 而 體 左 復累 固 政,欲有 右 當輔 藩邸 惟 其 聖 踐 賢 克 觀

富

家,佐天理物也矣。」

慮。❷ 典。 之轍 東朝 服 不忍之心,暴何端 作德而祥降? 賞思以起天下之善。 而 與治與 講帝皇之風,參天人之理。 深 ,眇窮得失之源。曷嘗不力仁而 ,齊立西面。● 皇太子乃夕惕欽命,未 必厚禄。 其於中外之務,光大之政,則賢必 諭 亂,警策 此 謀 道 於是消息乎九範,經營乎五 心 而興矣? 一令思以 與夫股肱優老,羽 之微 而 弗迷; 舉 也, 敷天下之祐,議 明 刑則必悵然 接一士則 惟 蓋 而 時惟幾,佩 究 遐燭 興。 詳 民 安危 於 必 翼 儼 懷 慷 有 尚 妙 **令** 觀

> 《詩》云戒之慎之,保其寧矣。 樂也無 信 然有 勝之辨,寔宣三正之方。 禮義既充,熟 書在御。 也,后稷玩於播 右,可得而言,聰哲自天,誠明見 盗,責之于衣食; 也,豈徒知之,固以輔 至,慎而後寧。 /傅居後。 利 而弗欺 好 而 直之心 窮。 弗奪 入則有保,出 也,欲以 然則上 也,欲以壽 而能 而成 故《書》曰勗哉,庶其 殖 佞 幹 ,仲尼戲 期于 何 風,然後天下熙熙 安 世 蠱天家,代工王室。 階 〈静而 而去之矣。 聖賢,未嘗不勉 養 則 無 而 今乃琴誦 有 而 進 弗擾 刑,求之於禮 於俎 弗傷 矣? 師。 此 也。 豆。 也, 太傅居 志。 若性 王業 天 成文,典 期 爰發 至 下 欲 而 其 之難 矣; 而後 習 于 以 欲 遂 Ŧi. 始 左 無 古 以

齊」,宋本作「齋」。

少

」,原作「祥」,據四 庫本改。

成功 昔陶 輔相歟 之嗣之美矣? 德益 乎,豈符讖 也 兀 一者係之頌云: 方 明 也 明,天下益治。 唐氏之與舜 之事 斯 哉 德 非天私 而 也 資 郁 後 萬 郁乎 君子有言曰 由 著 也 機 我有 斯 也 之聖 今斯時 嗣之有成德也哉 歷試 道 ? 也。 宋,惟天祐于一德。 惟 諸 聖源 識 ,巍巍乎皇之有 也,然奚若吾君 難,三十載 天意 者 深長, 曰 人事 正 天道 而 章 斯 堯 童 嗣

見 庶 帝統 天 雍,何哉帝力。 業來重。 靡忒,二對何嘉。 八受英 乎 彙 離 咸 粤 殖 神武之祉,文明之宗。 自黄靈 晤, 蓋 我后御極,吾民敏德。 取 日 萬 諸 彰 邦 ,爰及炎宋。 王假 震。 温 作孚,百神 日 文。 光 有家,迺 帝 月 均 乃左乃 輪, 其 巍 受 勤 Щ 建 元基 巍 職 右,惟 輝 承 盛節交舉, 撫 天 華。 海 造,縣 或 不 潤。 允 拔,盛 監 也 軍 善善 惟 時 相 緜

> 康兮。 廟 聖有嗣兮,明無疆兮。 舊 之而已,仁遠乎 金相,英聲茂實。 伸,勞者其逸。 乎,頌聲洋洋兮。 惟 稼穡 德 祖宗之靈兮,子孫之長兮。 斯 刑 憂, 也 以 言思逆耳,道 哉。 艱 薄, 縣若壽域,熙如 難 天業昌兮,天家光兮。 斯 恩 皇心之寧兮,黔首之 究。❶ 也 以 務前 直。 授 人 春臺 膝。 惟 金石在 屈 才, 者 玉 振 其 守 進

泰州張侯祠堂頌

聖

以文武 秦 塞,制 生祠,民 事 勝非 朝 廷, 報 德 爲 招降屬寇,全活 也。 勳 臣 制 於四 置 公本 方。 汝潁之奇 甚 而 衆 嘗戰 守 撫

- 」,原作「思」,據宋本並上下文義改。
- 恩」,原作「思」,據宋本並上下文義改。

梓。 之。 海三 興厥 間 增課數十萬石。三郡鹽課虧者十年,公訪其利害,請 不 堰,舊功弗葺,驚波荐至, 其增損,以均灌 我農畝,公於是作堤二百里,旁置 六十萬石。 加買直蠲 海利云剥。 計 南 濤爲險,舟檝不利,公於是開長蘆西河以 太湖漲溢 懈 重於東南,命公領之,于兹八年。 ,所嚮凝績。 夷以乂遠俗, 又高郵之北,漕河屢決,阻我 ,闕政 功。 郡 此邦之人,極乎其否。 鹽場,歲入課四十萬石。 積 負,行數事以蘇之,課乃大增。 横議 以咸舉。 公請 一害于甫田,公請導入于海,復租 白沙郡大江之北,有灣數里,風 囂然,僅 天禧中,國 使 漕 振崇、泰、楚三郡亭人,歲 初,淮浙之間 北 焉。 疆 一使中廢。 以 惟 鹽其稼 兹海 家 尋 公堅請修復,乃 以 大 鹽 鹽 信 陵,古有 **杨穑**,偃 又嘗蘇、秀 公又與 興杭、 鐵 糧 石 民 公夙夜 饋 光 限 道 告困 其 運之 華 秀、 轉 桑 潮 平 破 之 濟

> 是郡,以京 愛。 運 故作頌焉: 司 因潮之患,而倚閣其租者三千餘户。 千六百户,將歸其租者又三千餘 畢工於六載之春。 儀,❷以 負,朞月之内,民有復諸業、射諸 奏,候堰成日定奪,今漸復焉。 使 優優其 胡公再 奉于 觀厥成。 祠 政, 治于民心。 列 ,期子孫之不 其 狀, 起基 既而捍其大災,蠲 朝 於天聖二載 廷 撫之育之,以 可 - 忘乎! 於是請肖公之 天聖四年,敕依 之。 户。 仍 田 之 者 許 秉 海陵 秋, 其 筆 簡 共 兼 制 積 者 以 領 民 置

日月。 不 防弗牢。 粒 而 我公雄傑,經制 逃。 建利 萬頃良膏,歲 公聞 除孽,代 憯怛, 迺按迺 楚越。 天工 図 於濤 發。 鑑 洞 海 察。 民 陵 毛髮,誠 嗷 焉呼號, 草奏屢 **微嗷**,古 揭

- ■「二」、宋本作「三」。
- ❷ 「儀」,原誤作「議」,據宋本、四庫本改。

〇四

我痊。 既 報彌 産。 達, 民 亭,神焉熒熒。 以 雲矗不散,山亘不斷。 既 民交充,興 永瞻 兮樂成,穀兮登盈。 聚,濤莫我苦。 而竪,于歌 聰,宰謀既 狂 廣。 朝以公賢,兼于蕃 議 仰 逋亡幾千,咸復于田。 四 建牙列壤,將有攸往。 遏 防之功。 列 同 于舞。 星之精 居千百齡,此邦鎮 心過 比比牖户,鱗鱗場圃 展 矣胡 金 天 盤 宣。 鐵,對天不 子 列 盤 作 如 公、協 穆 嶽之靈。 偃偃,百里而 天作限,奠萬 傷者 清,諸 頌 公義 力諧 聲,告于神 我 衆圖其象, 寧。 · 奪 (全,疾 侯經 不爽,欲 儀 0 忠。 焉 既 宸 誉。 遠。 家 寧 亭 者 兵 聽 而

南京 府 學生朱從道名述

聲詩 所出。❶ 天地。 祖宗之都,儀刑萬 尚圖分政之任。 公,以東朝舊德,右弼 善。 庠,躬省弦誦。 天聖紀號之六 登周召之美。 於是人樂名教,復 誠明之際,無隱不及。 風 化不 作, 善下成乎江海,養浩充乎 邦。 敦六籍以恢本,發 載 四 既 上賢,將啓秉鈞之猷 方 道德之所 而丘園 樞 何仰 密 鄒魯之盛 留留 哉 居一日,曰: 初秀,閥 日守侍郎 興,禮 ? 四 乃 樂之 齊郡 閲 士 科 首 爲 以 訪

明。

膠

彰

四 庫本作「義」。

嗣,拳拳允集,濟濟如歸。

道也」。 君子之象,請字曰「復之」,庶左右於名矣。 之,云:在《復》之六四,曰「中行獨復,以從 知 搆之將墜,忽中陵之見育。 公又嘉其遷善,以「從道」 向 方。 沛 國 言能體 朱生,世嚴冠冕,幼苦霜露。 豹 以 革 中而 而 有 行特從於道 文, 而名焉,仍 鴻 公特命就學,果 亦 漸 一,以斯 而 無 命字 而 憫 復 先

乎? 致 何 ? 而 可以言物,豈不大哉? 信,待物由乎仁。 孝,❶行己由乎禮,制事 也。 和之,揖讓乎聖賢,蟠 然 然後可以言國,可 由道之謂 則 必大成於心 道者 也。 何 ? 此道之端也,子將從之 ,而後可言焉 臣 率性之謂 則 若乃誠 以言家,可以言民, 由乎義,保民 極 由乎忠,子則由 乎 夫 地 而 也。從者 ,此道之 明之,中 由 平 平

朱生其拜公之命,勉之哉! 抑文與學

焉可 克學 之命,慎之哉! 者 見其寶,汨焉而莫朝于宗。 志窮,如玉之未 不以君子乘之, ,道之器也。 `而神晤,如金之在鑄,如驥之方御 成乎美器,騰焉可致乎夷路者也 嘻,子未預於教也,弗學 則滿 以 攻,如泉之在蒙,昧 君子乘 而 致 之, 覆。 子既 則 朱生其 積 預於教也 而 焉 不 拜公 而 敗 前 弗

敷 ? 哉 ? 士聳 將成爾之德。 遇之甚哉? 登庠序之列, 迺被 名不登縉紳之議,目弗接軒冕之姿,彼何不 善,庶邦成 某觀士人中,有青衿詩書,素髮畎畝 緊爾門之濟美歟? 論者曰,公之旨也,豈 朱生進 激清學校,騰 流 ,格美俗於詩書,被頌 嚴
廊
之 德 有 漸,屬文未幾。 知,此 休 徒 抑我公之善 都 正 爾之名, 邑,俾夫 何 遇 之 多 教 甚 始

^{■ 「}忠子」,原誤倒,據四庫本乙正。

序

太清宫九詠序

友曼卿,將命斯來,實董宫事。嗜道之外,籍,發乎詠歌。而風人之才,難其破的。余渦河、九龍井、左紐再生昇天檜,●皆附于圖觀者駭異。歷代嚴護,景概所存。若靈溪、觀者を子廟,唐爲太清宫。地靈物奇,

之雄哉! 之者,得無起歟? 能高明,果亦動天下之頌聲,以揚其烈。 風雅,以發乎名。 物也,庇聖賢之居而能長久,後果動君子之 台》,皆揮藻一時,騰照千載者矣。 之《綿竹》,王文考之《靈光》,❷孫興公之《天 堅發奇,高凌虹蜺,清出金石,有以見詩 題,而成九詠。 人託文而志深,物乘文而名遠。 樂乎聲詩。 文以氣爲主,此其辨乎 覽靈仙之區,異其八物,益以 觀其立意,皆鑿幽索秘,破 矧人也,庇聖賢之道,則 高平范仲淹序。❸ 如楊子雲 矧 覽 夫 力 宫

[「]紐」,原誤作「細」,據四庫本改。

金名者爲正式本。以下不再一一出校。 「范仲淹」,宋本作「范某」。按,署「某」者當是底稿,署

朝賢送定惠大師詩序

來。 往 郎安定公、本道計使太原公二書,偕曰 秀者、發龍山、渡松江、駐錫于門、出致政 無 他,有朝中送行 爾某既不得謝 某典姑蘇 郡, 一日,有吴僧定 ,乃叩其端 詩 ,請爲序引, 惠大 以示 師 方 侍 師

堅 以詩寵之。 舊,奏賜紫方袍,號定惠。 及利。天聖中,大丞相 巖,多歷年所。 珉,期於不墜 師 自言生不 既 而 晚歲遊名公之門,然亦未 Щ 薦 茹,七歲持佛 紳 先生咸有贈 東平公、清河公憐 乃告歸 事 章,將 故 隱 Ш 于 其 勒 又 嘗 靈

雲,精貫乎天人,神 於吾儒之隱遠矣。 某感其説,志其 士有 .馳於古今,燭治亂 事, 且 氣 知 吞芝蘭 上 人之隱 一才奔 興亡 風 盛

范文正公集卷第六

事 文而 矣。 有贈 師; 壑,遺 充天章閣待制范某序。 無負於隱君子也,矧將有取焉。 之長太息矣。 文,旌隱志,而始惜其難得。 道未信於三公,名不熟於天子。 及其收 節堅介,或放詞雅遠,皆 絶堂搆,長揖軒冕。 龜蒙、陳陶,今朝雍 之機,席法 ? 去則指霞嶺,嘯風 譎諫」,蓋 必也均是光輝,以及考槃之際,則聖 時景]没於麋鹿之群者,衆矣。 斯以 祐二年五月八 度教化之倫,道 見上人之隱,盛於吾人之隱遠 風 豈如金僊之流 人之職 丘邢 來則談空實相,號天 (林,天子有賜,三公 四 敦、錢唐林逋,或 也,序詩 、日,尚 方之聞 通 斯天下義士爲 而 巖 如近代之陸 人懷慕 子夏曰「主 廊 書員外郎 者敢有二 人。 跡 奈 墜 朝 L 何 林 謝 遺 執

0

太子賓客謝公夢讀史詩序

間,惟日看舊史一編,以代賓話爾。 義,能久澤於吾民。 之,仰其風旨。 章,召其孫景初 先徹樂之前 耽嗜,亦不復爲,曰「方逸我以老也」。 東宫三品。悉屏去外慮,於筆 西臺,因分務於洛下。 進寸而退尺。」求爲會稽郡。 勝而夸,或殆而悲,乃歎曰:「吾病矣,不 領侍御史知雜事,日轉戰于寵辱之場者,或 義,進止於青雲之衢,徐徐如也。 公於是時,●乃有正夢,特歌周孔 公清淨而文,出入朝廷三十年,語 日,因寢覺,記夢中所 識者謂,人之將終,神鮮 録焉。 以公生平之心,蹈於 朝廷高其意,累遷 他日,士大夫求 及還,又請 一視歌 自尚 詩,素所 得 無何, 之仁 數年 詩 書郎 試默仁 觀 至 知 敢

> 矣。 斯 誠 今而後知傅 於斯 が故精 说騎 義存 箕 存,著 尾 而爲星者 於 神 明 而 了至精 不 亂

惟有炳然周孔教,至今仁義浸生民。百年奇特幾張紙,❷千古英雄之適,亦何怪哉? 其詩曰:

窖

塵

刻唐祖先生墓誌於賀監祠堂序

江夏寄 逸人溪 賀監之異。」出 鉉爲之别序。 某自丹陽移領會稽,首途之日,過 公齋,因 唐人許鼎所撰《祖先生墓誌》, 話 既抵郡,訪天長觀,即賀公之 而示予。 照 湖 事。 辭精理遠,徐 逸人曰:「客 常侍 頗言 有 邵 自 餗

- 「是」,宋本作「此」。
- ❷ 「奇特」、《澠水燕談録》卷二記作「事業」。

舊居 觀 而 新之。 采 焉 也。 時 又刻 歎其真堂卑陋已甚,●乃命工 寶元 徐 元年,知越州范某序。 公所序之文,以廣遊 人之 一度材

述夢詩序

不泯 愛其雄富 集》、《西南備 集賢 隘 暇 元微之在 編,目云《 公之文于四 窮愁志》。 日 陋 錢 乃 遊甘露寺, 景 綺 祐 遷 其 ,藏之褚中二十年矣,願刻 浙東,劉 翁書云:「我從父漢東公嘗 戊 邊録》、《獻替録》、《御臣要略》、《伐叛 於南 間 寅 品 方,得集外詩賦 有《浙 歲, 拾遺》。 樓 謁 刻公本 夢 唐相李衛公真 某 西述夢 得 自 在 衛公有《一品集》、《 鄱 歷 · 傳 陽 詩》 止陽, 並 于其 移 雜著,共 四 領 堂。 + 側 丹 屬 石 韻 和 徒 成 其 以 求 又 姑 志》、 郡。 焉 期 時 衛 得 制 臧

> 輕,然 順 狂 子之述,而 吕温數 而 詔 畏避,爲執政所困者久之。 方,有真相 咎於當世。 宗即 戾正人,其光墜 雅遠,甚有補 甚,義必不交。 姦人乘之,謂 元初以才進,拜拾遺,歷 某觀三君子之詩,嗟其才大名高, ※ 傳稱 位,遂見用 人,坐王叔 理意 之功。❷ 知 李遇武宗,獨立不懼, 書, 益 元欲 精 ,引禹 之風。 好 叔文以藝進東宫 文黨, 貶 地,惜哉 密,●涉 雖姦黨營陷 論 刺 理 装,劾 錫等決 道,爲 至 道 廢 1 一於與 及天子 非 不 則 御 劉 淺。 事禁中。 用 太子 無 而 與 晉 史府,無 狀。❸ 召用 ,人望素 柳宗元 公相 經 義 覽數 如 ,所信。 叔 俱 制 不 失, 書 及 文 君 見 所 朽 匹

[「]已」,原作「以」,據宋本改。

[「]真」,原無,據宋本補

劾」,原誤作「劍」,據宋本改。

[「]理」,原誤作「禮」,據宋本改。

之業 德之幽光,豈有意於諸君子乎? 韓退之欲作唐之一經,誅姦諛於既死,發潛 柳、吕文章,皆非常之士,亦不幸之甚也。 如 敗 黨人者,豈復見雪? 憲宗納皐之謀 順宗 請 議 無 而 欲 罷 心也。● 書。」吾聞夫子褒貶,不以 書之,無所裁正。 病篤, 皐揣 中 斬 人 劉 兵權 闢 因刻三君子之詩 而行内禪,故當朝左右謂之 其 意 太子意,請監 牾 俱文 非 《 唐 孟 忠乎? へ珍 輩 子曰: 書 而 蕪 國 又絶 傷 駮 臯 而 疵而 故書之。 焉。 盡 銜 誅 韋 信 大 叔文。 之, 泉 至於 廢 書 其 成 不 私

尹師魯河南集序

雅 醨 ,左右聖人之道者難之。 迭變,代無 予觀《 堯 典》、舜 窮 平 1 歌 惟 而 抑 下,文章之作 末 近 揚 則唐正 本,去鄭 元、 元 復

> 久之。 髣髴 以應 仲塗 破碎大雅,反謂古道不適於用 師 和 懿、僖以降,寖及五代,其 經 之間 · ●未暇及古也。 用之才獨步當世,學者刻辭 探道,有文於天下者多矣。 起 , Ø 而麾之,髦俊率從焉 韓 退 之主 盟 其間甚 于文, 體 薄 者專 而 仲 弱 廢 古 鏤 泊楊 塗 而弗學者 道 事 意 門 皇 藻飾 有希 最盛 大年 人 朝 能 柳

風采,士林方聳慕 故其文謹嚴,辭 穆伯長遊,力爲古文。 洛陽 尹 師魯, 約 焉。 而 少 理 有 精。 遽得 而 高 師 識 章奏 歐 魯 不 深 陽 逐 永 疏 於《春秋 時 叔 議,大見 輩,從 從 而

^{● 「}疵」,原誤作「庇」,據宋本改。

將「貞元」改作「正元」。
❷「正元」,四庫本作「貞元」。按,仲淹避宋仁宗趙禎諱

③ 「有」,宋本作「以」。

拔萃科 使。 錢 直 爲 館 暨 功於道歟! 大振之,由是天下之文一 龍 陝 于將佐,議者不以情,復貶漢東節度副 王文康公並 圖 尋以論 西 歲餘、監均州 閣 經略 從事 知路州。 判 事 師魯天聖二年登進士第,後 于 官。 切直。 加禮遇,遂引薦於朝,真之文 ,西都。 市征 屢更邊任 以前守平涼日,貸公食 貶監郢州市征。後起 時洛守王文正 變而古。● ,遷起居舍人、 其深 沂 有 中

机 往 師 捐 歐 予即 見累日,無一言及後事。 陽 俸以資之。❷ 君其端心靖神,無或後憂。」 而 視之,不獲見,傳言曰: 魯舉手曰: 卒。 永叔述之,以貽後代。 告之曰:「師 予方守南陽郡,一旦 故人諸生聚 「公言盡 魯之行 而泣之,且歎其 矣,我不復 一師魯昇疾而 ,將與韓公稚 家人問之,不答。 「已别矣。」 君家雖貧,共當 云。 一來,相 精 翌 遂 圭、 隱 日 明

正乎? 死而不失其正,君子何少哉!如是,剛決如是。死生不能亂其心,可不謂

之墓銘、稚圭爲之墓表。 卷,亦足見其志 未嘗編次,惟先傳於人者,索 師魯有心於時,而多難不壽。 師魯之才之行,與其履歷,則 也。 故序之。 此 不 而類之,成十 所 備 爲文章,亦 載 有 永 噫 叔 爲

唐異詩序

左右焉。江東林君復神於墨妙,一見而歎時謂善書,爲士大夫之所尚,而子正之筆實才之藝,揭乎清名。西京故留臺李公建中,皇宋處士唐異,字子正,人之秀也。之

- 「古」,原脱,據宋本補。
- ② 「捐」,宋本作「損」。

其 處 嘗貽之書曰: 公遵 正之音嘗 日 士二 老之將至。 度, 唐公之筆,老 妙之外, 時 唱 謂 和 善琴,爲 「崔公既没,琴不 焉。 嗜於風 日以 而 高 集 彌 平. 士: 雅。 相 壯。」東 大 范 示,俾 仲 夫 探 之 淹 幽 宮故)所 爲序焉。 在 師 索 奇 兹 其 重 諭 乎? 不 絃 而 德 歌 知 崔 子

府。 清苦,薛 失 地 上以 乎如日星,遠乎 如 乎 東之憤怒,此皆與時消息,不失其正者也 其 志之人其 萬 mi 春 -, 悲 物。 辭 感 德於君 羽 嘻 達,觀 翰 鬼 馬 許 神 乎 卷舒變化,其 如 詩之爲意 昌 下以 辭苦,得意之人其辭 哉 教 秋。 之英逸,白樂天之明 閔之人其辭怒。 ? 化 如 徘 風於民。 之 神 而 聲,獻 仙 徊 也,範 詩 如雲,峥 體 家者流 森如 甚大。 怬 不然 車 乎仁義 乎 武 如 厥 嶸 一氣, 庫 逸、樂天之 ,何以動天 孟 故 如 達,羅 情 辨 夫 東 111 之 非 尔野之 喜 出 如 醇 樂 高 焉 人

> 主乎 輩 靡 爲 其分,風 抗 北 而 始之奥,講議 不 下, 因 之流 靡 驕 悲,非亂世 心於三代。 歸 勸 增 奢之語。 五. 人之尚,忘己之實。 望江 華,愔 誡, 代 皇 賦 朝 以 抱鄭 比 還,斯 龍 蓋寡。 海之宗者有矣。 愔 而 興 興, 學步 然 怨。 衛之奏,責變曠之賞, 相 而 九州之廣,庠 頌 文 不觀其 濫 不 其或不 華 大剥。 聲 仰 至,效顰則多。 車 來 不主乎規諫, 有寒苦之述,白 復 吟詠 時。 ·知而 悲 哀 大 序未 故 性 作 雅 爲 有 情 主 君 非 振 影 而 子 遊 俯 以 響 風 窮 不 前 當 流 不 至 涂 顧 西 几

之詠。 懷之。 之正 塵。 此 無 也 愧 意 觀 天下 無 焉。 乎 必 虚 時 以 處 有 美,無 天聖四年五 淳,語必 覽之者,有 士之作 道 無 苟 也,孑然弗 怨。 憤 以 惋 真。 以 月日序。 之作。 隱 知詩道之艱 樂 居 求 則 倫, 志 騒 歌 之, 雅之際 洗 優遊 憂 然 風 則 無

兀 德 説

會也。

也。 諸天,近取諸物,復廣其説焉 具載其端,後之學者或未暢其義,故愚遠取 卦有四德,曰元、亨、利、貞,雖《文言》 《易》有《説卦》,所以 明其象 而示其教

其道同。 父慈,爲子孝;爲嘉穀,❶爲四靈。 善,爲好生,於國爲行慶,爲刑措, 爲資始,於《坤》爲發生,於人爲温 夫元者何也? 道之純者也。 統而言之,則善之長也。 其迹異, 良,爲樂 於《乾》 於家爲

三辰 昭會; 夫亨者何也? 於地爲萬物繁殖 道之通者也。 ,於人爲得 於天 爲 時

范文正公集卷第六

茂 魚 禮作樂,爲 婦,爲九族 水。 勳; 於國 其迹異,其道同。 相睦,於物爲雲龍,爲風 「爲聖賢 上 下交泰; 相遇,爲 於家爲父子,爲 統而言之,則嘉之 朝 覲 會 同,爲 虎,爲 夫 制

統 於物爲翳虞,爲得食雞。 膏 惠民,爲日中市,於家爲豐財,爲 雨 而言之,義之和也。 夫利者 於地 爲 何也? 百 jij 於人 道之用者也。 其迹異,其道同。 爲 兼 濟; 富 於國 其 於天爲 鄰 爲

於國 行健,於地爲厚載,於人爲正直,爲忠毅 其道同。 長子主器; [爲典則,爲權衡,於家爲男女正位,爲 夫貞者何也? 統而言之,則道之幹也 於物爲 金玉,爲獬 道之守者也。 秀。 其迹異, 於天爲

0 據下文文例、「爲嘉」上當有「於物」二字。

四

几 則 道不行; 於萬物乎? 四 德 無令名; 者之用 ,則祥瑞不生。 行 此 地微 四 天所 國家 者 故君子不去也。 四德,坤儀不行; 之 不 無 謂 能 四 道 . 德 違 而 ,則風教不倫; 述 此 況 四者 天 於 人微 微 人 之謂 乎? 四 [德,天 四 物 教 無 況

乎彼。 未能兼 體其元 者也。 湯武 能 元 克 備 物,利之方也,守誠 備 生知 之基也; 矣。 應天 矣。 惟乾坤之德統其四者焉, 惟 行,則 夏 周旋進退,不離 而 堯舜 順 聖 禹治水,乾之成 兼其三者,堯舜 宜乎跂 動 人,開 人體乾 出乎 能 率天 俟時,亨之始也。; 彼 國 踵 下以 而 不回,貞之道也。 而 除亂,履其亨而闡其利 而 行,後之希聖者 四者之中。 人 勤行矣。 乎,此出乎此 仁,乾元之君也。 也歟。後之人孰 功,幹其事者也。 餘 處必親仁, 卦 如 進思濟 則 是, 四者 鮮 而 亦 則 鮮 克

其殆庶幾乎!

説春秋序

信也。 其 之正性,脩王佐之異材,不深《春秋》,吾未 多冰釋,而素王之言尚或天遠。 斧示辱,一字之下,百王不刊。 之法,峻亂臣賊子之防。 周之制,褒貶大舉,賞罰 補於前,公、穀蓋有失於後。 無津涯。今褒博者流,咸志於道,以天命 丈席之際,精義 聖人之爲《春秋》也 三傳房君有元凱之癖,●兼 入神。), 因 盡在。 其間 東 吾輩方扣 雖 華衮貽榮,蕭 魯之文,追 謹聖帝 丘明之傳頗 不講不議 遊、夏既 仲 聖門 舒之 明 皇 無 西

^{● 「}君」、宋本、四庫本作「公」。

升堂覩奥,必有人焉。君子哉無廢!之經。由此登太山而知高,入宗廟而見美。宜循師道。粹屬詞比事之教,●洞尊王黜霸

范文正公集卷第六

● 「粹」,原誤作「碎」,據宋本、四庫本改。

<u>一</u> 五.

范文正公集卷第七

桐 廬 郡 嚴先生祠堂記

記

孰 生以之。在《屯》之初九、陽德方亨,而 星象,歸江湖,得聖人之清,泥塗軒冕,天 天下孰加焉? 帝 九,衆方有爲,而 加焉? 握 赤符,乘六龍,得聖人之時,臣妾億兆, 先生 漢 惟光武以禮下之。 光武 惟先生以節高之。 獨 之故 不事王侯,高尚 人也,相 在《蠱》之上 尚 以 其 既 道。 事 能以 而 下 及 動

> 是有大 外。 而奠焉 而 能遂先生之高哉? 心,出乎日月之上, 貴下賤,大得 歌 目 微先生,不能成光武之大,微光武,豈 功於名教也。 ,迺復其 民也, 爲者四家,以奉祠事。 光武之器,包乎天地之 光武 而使貪夫 某來守是邦,始搆堂 以之。 廉,懦夫立, 蓋先 生之 又從

雲 山 蒼 蒼,江水泱泱。 先生之風, 山 高

水長。

南 京 書 院 題名記

河 侍郎許公驤 生、贈禮部侍郎戚公同文,以賁于丘園, 育爲樂。 漢。 皇宋 金革 闢 門弟子 塵 而下凡若干人。 天 下, 積 由文行 建 絃 太平, 誦 風 加 布。 進者,自故 功 先生之嗣 揭 乃有 日 Ħ, 睢 澤 故 陽 兵 注 都 部 教 先

其美,清德素行,貴而能貧。官郎中維、樞密直學士綸並純文浩學,世濟

盛公侍 堯佐 皇帝爲之嘉歎,面 以管記,❷以 良, 如常其教。 庭,俾幹其裕。 于先生之廬。 題 祥符 其 郎 榜。 中, 度 文 領 鄉 學士之子殿中 入 其 記 由是風乎四方,士也 其 故太原奉常博 人曹氏 故清河 綱。 可 其 前 學士畫 參 奏。今端 請 職 預 以 方員 政 金 丞 士 事 \equiv 外 舜 而 明 瀆 陳 百 郎吉 賓 如 上,真宗 殿 時 公侍 萬 時 狂 學 舉 甫 在 建 郎 士 賢 私 學 時

我 則 萬 如 太陽之御六合焉; 文以 物馬 決, 雲。 九 河 或 望兮梁園,歸歟魯堂。章甫 良 我 講 醇 玉 議 吞 誠以日至,義以 醇 我 乎經,詠思 而 百谷我尊; 切。 古, 或 然 則 郁 乎文。 郁 文學之器,天 通 淬 日 於 理,若 精。 詞 、時,或 爲 經 鋒,則 聚學爲海 以 如星,縫 四 明 峻 時之妙 河道,若 于 成 浮雲 層 不 掖

> 雲,或深 樂古人之道,退可爲鄉先生者,亦不無矣。 之説者,蓋互有 作之情,善言二帝三王之書,博涉九流 天下之心,進 詩》之風化 于重淵 ,洞《春秋》褒貶之法,達禮樂 可 人焉。 爲 卿 至 大夫者; 於 若夫 通 《易》之神 廊 天人其學,能 廟 其 器 明 有 百 家 憂 制 得

咸底 也。 之光 孜仁義,惟 育,不孤 名列,以勸方來。 雄,儀羽臺閣 于道 亦 抑又使天下庠序視此而 觀夫二十年 無 師門之禮教,不忘朋 ,則皇家三五之風步 窮 日 已。 不足,庶幾 蓋 他 翩 登斯綴者,不負 間 日門人中絶 翩 相 焉 繼 , 未 乎 登 刊 興,濟 簪之善導。 見 科 武 金 其 德 可 而 石 國家 11: 至行、 到,戚 濟 而 魁 群 之樂 無 宜 甲 門 高 媿 孜 觀 英

0

[「]瀆」、《玉海》卷一六七節引爲「王瀆」。

❷ 「吉甫」、《玉海》節引爲「張吉甫」。

尚不仕如睢陽先生者,當又附此焉。

清白堂記

賓,以 甘 而 日 白 淵 日 出 日 下 吏問廢之由, 曰不知也。❸ 萊閣,閣之西有涼堂,堂之西有巖焉。 得 雪,咀 液華滋,説人襟靈 然丈餘, 綆不可 而 其泥滓,觀其好惡,曰 ,命役徒芟而 ,有地方數丈,密蔓深叢, 莽然就荒 渾 後 會稽府署 陽 建溪、日 蓋 汲。 春,温 輕 Ш 冰, 澤 視其泉,清而 通 據 凛 如 闢之。 氣, 如也。 臥龍 也。 竭。 龍、雲門之茗試之,母則 應於名源矣。 其 山之南足, 當大暑時飲之,若餌 嘉泉也。❷ 中獲 或 當嚴冬時,若遇 白色,味之甚甘。 雨 乃扃而澄之,三 入廢井, 作雲 北 蒸, 又 擇 即 Ŀ 引 高 醇 呼 巖之 有 嘉 醇 愛 年 I. 蓬

> 名哉! 規,因署其堂,曰 之道焉。 地」,蓋言所守不遷矣。「井以辨義」,蓋言 所施不私矣。 有功也。 不食,弗治也。 曰 清白亭。 觀夫大《易》之象,初則井道未 寶元二年月日記。**⑤** 予愛其清白 其斯之謂乎! 庶幾居斯堂,登斯亭, 聖人畫《井》之象,以明君子 終則井道大成, 清白堂。 而有德義,爲官師之 又曰,「《井》,德之 又搆亭于其側 收而 而無忝其 通 勿幕 泥 而

「也」,原脱,據宋本並《會稽掇英總集》引補。「芟」,原脱,據宋本並《會稽掇英總集》卷一九引補

「曰」,原脱,據宋本並《會稽掇英總集》引補。

名茶。「日鑄」,原作「日注」,據宋本並《會稽掇英總集》引改。「日鑄」,原作「日注」,據宋本並《會稽掇英總集》引改。

每三月二十日」。
每稽掇英總集》引作「時康定元

돖 陽 記

文以記之。 增其舊制,刻唐賢今人詩賦于其上,屬予作 明年,政通人和,百廢具興,乃重修岳陽樓。 慶曆 四 年 春,滕子京 謪 守 巴 陵 郡。 越

之述備矣。 陰,氣象萬千。 Щ 騷人,多會于此,●覽物之情,得無異乎? ,吞長江,浩浩湯湯,横無 予觀夫巴陵勝狀,在洞庭 然則北通巫峽,南極瀟湘,遷 此 則岳陽樓之大觀 際 一湖。 涯 也,前 朝 暉 銜 客 X 夕 遠

日。

則 檣 而 濁浪排空,日星隱耀,山 悲 傾 有 者矣。 楫摧,薄暮冥冥,虎嘯 去 若夫霪雨霏霏,連月不開,陰風怒號, 或 懷鄉,憂讒畏譏,滿 至若春 和 景明,波瀾 岳潛形,商旅 猿啼,登斯樓 目 蕭 不驚,上下 然,感極 不行, 也,

范文正公集卷第七

極! 浮光 天光 把酒臨風,其喜洋洋者矣。 汀 蘭 郁 躍金,静影 登斯 碧 郁青青,而 萬頃 樓也,則 沙沙 沉 或長 有心 鷗 璧,漁歌 翔 曠 煙 集 錦 神 一空,皓月千里 怡,寵辱偕忘, 互答,此樂何 麟游 泳,岸芷

噫,微斯人,吾誰與歸? 進亦憂,退亦憂,然則 之高則憂其民,處江湖之遠則憂其君。 爲,何哉? 不以物喜,不以己悲。 曰,先天下之憂而憂,後天下之樂 嗟夫,予嘗求古仁人之心,或異二者之 何時而樂耶? 其必 時六年九 而 月十五 樂乎 居 廟 堂

0 多一四 庫本作「都」。

-::0

邠州建學記

天下 吾觀 哉 ? 者,俊乂所由出焉。三王有天下各數百年, 器 秀而 並 用 :有所未就而然耶,庠序 治 此道 賢 物有秀於類者,曾不減於古。 國家之患, 天地靈粹,賦于萬物,非昔醇而今漓。 而 者,獨下於古歟? 以以 王室安,斯明著之効矣。 長養人材,材不乏而 莫大於乏人。 可 誠 不興 教有 人曷嘗 介乎? 天下治, 所未格, 豈人之 庠序 而 乏

甚 夫子 明年 詔 詔 一,群 建 天 學, 春 廟 下建郡縣之學,俾歲 慶曆甲申歲,予參貳國 士無所 了,予得 其 通守太常王博士稷告予曰 材 安。」因議改 出 請爲豳 於諸 生備 城守,署 貢 ト于府之東南隅 矣。 政,親 群 事之三日 士 今夫子 奉聖謨, 由 1:「奉 此 廟 出 隘 認

> 哉? 洋,其 監 之區,被二帝三王之風,其吾君之大賜,吾 堂,藏書於 重 道之盛節歟 百四十楹。 朝夕視之。 地 師 押劉 爲 禮 高 來如 也。 保、 明 庫。 節度推官楊承 遂 歸。 明年夏,厥功 ! 廣 廣 以 厦高軒,處之顯明。 其學宫,優 建 敢不拳拳服膺,以樹其德業 長 月. 學 廊 曰 : 四 并 迴,室從 其 吾黨居 告畢。 用 生員 廟 共掌役 遷 也。 焉 后 而 增 稷、 周,總 其 事 士人洋 談 以 , 博士 廟度 公劉 經 兵 於 馬

行也。 説之道,必利乎正,莫大於講 懿文德」,謂其道未通,則畜乎 予嘗觀《易》之大象,在《小畜》曰,「君子以 予 既 在《兑》曰,「君子以朋 改 南 陽 郡, 博 士移 友講習_ 習 書請 文德,俟 也 0 爲之記 諸 ,謂 其 相 而

❶ 「謨」,原作「謀」,據宋本改。

平

天竺山日觀大師塔記

還故里。 製法音集》,師預選中。 家,十五通誦《法華經》,十七落髮受具戒 有佛學。天禧中,詔下僧録簡長等注釋《御 客京師三十年,與儒者游,好爲唐律詩,且 師,錢塘人也,姓仲氏,名善昇,十歲出 公卿有詩送行。 書畢,詔賜師名,遂

師 故諭 淫。 輕, 安坐 則 自不知其所以,然精之至也。 |如石,指不纖失,徽不少差,❶遲 近之矣。 德崔公之琴,雅遠清静,當代無比, 師深於琴,余嘗聽之,愛其神端氣平, 一而當。 故其音清而弗哀,和 予嘗 而 速 聞 如 弗 重

> 琴。 竺之岑。 以師之言,求爲之銘。 于浮圖之下,願公記焉。」又一日,侍者來告 持書謝余曰:「吾願足矣,將去人世,必藏 曰:「師化矣。」其門人中靄等葬師于塔,復 之。康彊精明,❷話言如舊。 吾其止乎!」不下山者十餘 萬過。 真性存兮,孰爲古今? 聊志之兮,天 山月亭亭兮師之心,山泉冷冷兮師之 康定中,入天竺山,居 皇祐元年,余至錢塘,就 銘曰: 日 一日,遣侍者 年,誦《蓮經》 觀 庵。 Щ 中見 티 :

徽」,原作「微」,據宋本、四庫本改。

疆」,原誤作「疆」,據宋本、四庫本改。

范文正公集卷第七

此

蓋懼

乎

上疑下

謗,

未克果

行

臣

請

書

奏上時務書

太后 寺丞 諒 况臣之所言,皆聖朝當行之事而未之行者, 之名,慕忠臣之節,感激 勉思藥石,切犯雷霆,不遵易進之塗,而 千古謂之忠,巧言之人千古謂之佞。 難立之地者,欲傾臣 易進,直言者有 有 日 以也。 陛下、皇帝陛下: 臣范仲淹謹 萬 天聖三年 機,未暇 聖人之心,豈不至此? 应 犯 餘論。 詣 月二十日 而 閤 一節,以 難 門,再拜死罪,上 臣聞巧言者 立 大臣之心, 豈不至 而 報國恩。 文林 發,萬 然則直言之士 郎、 死無恨。 耻 無 蓋當 守 今臣 犯 書 大 佞 平 人 居 皇 而 理

變 ?

大君有命,孰不風從?

미

敦

諭

詞

臣

乎不追三代之高,而尚六

、朝之

細。

然

文

之道,師虞夏之風。況我聖朝千載而會,惜

之列,何代無人?

蓋時

之

所

尚,

何

能

獨

久」,亦此之謂也。

伏望聖慈與大臣議

文章

不在乎人。《易》曰「窮則

變,變則

八通,通

則

之道。 者之資。惟聖帝明王,文質相救,在乎己, 章之薄,則爲君子之憂。 救,以至于大亂,乃有來者起而救之。故 弊而不救,則華而將落。 救之以文。 聖人之理天下也,文弊則救之以質,質弊 見乎文章。 臣聞國之文章,應於風化。 、發聖慮 覽南朝之文,足以知衰靡之化。 質弊而不救,則晦而不彰, 是故觀虞夏之書,足以 風化其壞,則爲來 前代之季,不能 風 化厚 明帝 薄 文 則 自 文 王

文之薄,而厚其風化也。 興復古道 更延 博 雅之士 天下幸甚 布於臺閣 以以 救 斯

於是有 瓦解。 備 之。 平之時,不謂終無危亂 故善安身者,在康寧之時,不謂終 之於未亂。」聖人當福 倚,福兮禍所伏。」又曰:「防之於未 行,不可斯須 馬。」❷此聖人濟之武也。 日 此聖人救之以文也。● 及夾谷之會,孔 武之時,孔子曰:「俎豆之事,則嘗聞 久,人不知戰,國不慮危。 焉。 "「有文事者,必有 此二道者,天下之大柄也。 臣又聞聖人之有天下也,文經之,武 此失武之備也。 節宣方藥之備焉。 我國家文經武緯,天下大定。 而去焉。 而知禍,在治 ,於是有教化經略之 唐明皇之時,太平 武 文武之道 經曰:「禍兮福 備,請設 善安國 大寇犯關,勢如 昔諸 無 者,當太 而 有相 左 ,萌,治 疾 自真 防 右 侯暴 子則 之。 濟 病 圖 所 H 司 緯 而

> 好,鮮 哉 ? 事。 患。 狐 許結好。 悟,●撫之不懷,雖或時有盛衰,大抵常爲邊 昔之戰者, 夷之患足以禦防。 宗皇帝之初,猶 浸多,翻覆不定。 鼠 屬方靖,中夏未 爲心,貪而多 克始終。 而況守在 人不知戰,國不慮危,豈聖人之意 加 今已老矣。今之少者,未 恩降禮,有欲 唐 四 有舊將舊兵,多 託因細事,噴有煩言。 防,狡 陸贄議云:「犬羊同類 夷,不可不 今天下休兵餘二十載 遑外虞。 而 無 無 違。 因其乞盟,遂 慮。 耻。 經 而 戦敵, 威之不 古來 乃邀 知 求 和 戰 ĮЦ

3 2

4

⁰ 六補。 以 原脱,據宋本、四庫本並《國朝諸臣奏議》卷 四

未知戰事」,宋本、 一設」、《史記》卷四七《孔子世家》作「具」。 四 庫本並《國朝

戰争之事」。 諸臣奏議 不不

悟」、陸贄《翰苑集》卷 狀》作「格」。 六《與元賀吐蕃 尚結 費抽

交馳。 岢 情 事 邊 事 任 臣 讜 長 則懼 忽作 願 倉卒戰鬪 扣 矯 自 大駭。 ,,輕長世之策,苟一時之安,邊患忽來, 城 無 遷其等差。 在 密 塞,足備 議,與大臣 澶 京 多 端 彀 -,戎馬 壯 淵 次命武臣 舉忠義 至邊,並 而不守,或守 中 此 士 豈必 伏望聖慈鑑明皇之前 其 ·之間, ●拔卒爲將, 豺狼 Ŧī. ? 自古兵不 非常。 斯 代之前 此聖人居安慮危之備。 有 論 宜 無 尋好? 縱,信宿千里。 口 密舉壯勇出 壯 謀之人 武 復 關 驗 士蒙 於 前 嶮 唐之武 其或自謂 鑑 得 朝,以保天下。 不戦 此 也。 未知果 帥 八,授以 知,必懷報効。 其 唐 (或恩信) 或或 舉, 魚 人之至 至 群之士,試 肉 方略, 戰 若邊 無 則 轍 於塵埃之間 有 無 虞,不 而無功。 15,察陸 幾將 英 競進 不守,釁端 殊 論 雄 少名將, 委 先 備 也 之輩 了,真 欲 之邊 乃 列 以 命 贄 可 而 於 乏 僞 於 武 大 代 再 無 生 今

> 用, 國家之福 也 惟 聖 意 心詳之。

至中 待賢俊,得學士十八人,聲滿 綱、法象唐室。 也。 職, 養將相之材,以論道經邦而成大化 不宜法唐衰之後。 授任,不以爵禄 朝 上不輕授,下 崇尚 興,會往往 我國家累 臣又聞先王 館 殿,目 得 、聖,求 以 爲恩。 建 無 爲 臣觀之,宜法 唐興之時,特 官 冒 清 唐衰之後,此選不盛 理 故百 共理 華。 進。 而 致 天下, 僚師師,各揚 此 相 天下。 太平,大約 設 輔之材,0多 開 唐 官之大 必 也。 興之時 館 此文 以 殿 賢 以以 皇 紀 其 俊

我

4

有之表達。

於 四 庫 本

至」,原作「之」, 成」,原脱,據宋本、四庫本並《國 據宋本、 四 庫本 並 朝 《國 諸 臣奏議》補 朝 諸

正。 改。 相 輔 按,相 原原 指宰 誤 め 倒 相 據宋本、四庫本並《國 輔指 執政等輔弼大臣 朝 諸臣 奏議 臣 議 ž

延廊 臣 非 以 其 由 議 文皇養將相之材之意也。 歲 間 此選。 庭,逼居坊陌 其 廟之器,此國家之大美也。 年,漸至清顯。● 校讐之職, 可 '否,重 三館 清 或不 · 非 爲 密 制度,以法唐興之時, 唐 由科第,以 古 所 輕十八學士之選, 謂 謂 登 集 伏望聖慈與 仙 瀛 之館 恩而 惟聖意 近 歲 也 除 遷 詳 大 恐 限 而 又 出

之徒尸 職。 賞 有賞 朝 而 口 者安,以 廷言路未 有 御史。 三載之後,進退雷同。 動。 補 又諫 素於朝, , 豈賞之不行? 官 自陛下臨 若言而 進藥石 廣,忠 御 史,耳目之司,不 非 或 臣 爲 政 無 家 未 虚言, 以 補,是選之不精。 之福也。 勸 來,未聞 徒使犯顔者危,緘 將 以 臣恐天下 令諫官、 陳絲髮 旌 諱之朝,宜 惟 聖 諫 意 御 竊 爲 言 詳 中 議 供

> 之舉。 **貪者益** 路紛 歲取 數歲, 故,以 位,歲 混 惟賢之體也。 必前代君危臣 勳之後,立賢爲 不肖,例升京 淆。 紜,禄位填委。 臣 百數,無所不有,實累王 進子孫 至 例與出官,莫非貪忍之徒,絕異 使親 勵其 又聞 而後大防一隳,頹 一於斯 先 爪牙,廉者悉困 民政,其弊如何? 朝,謂之賞延,無乃太甚 人避衆怨,不敢上言 王 僭之際,務相姑 嗣。 又百司之人本 簪紱盈門,冠 義 重 餘子 文武官吏,待闕 君 臣 ·則以· 波千 」,❷賞 於寒餓。 蓋 風 避 才自 載 。 塞 一、恐非 息, 開 延 鄉 路 此二途 役,不 調,不 于 ,遂令仕 因 凡居 踰年。 世, 任官 徒 爲 賢 廉 踰 於 典 此 與 近 使 大

2

⁰ 至」,原 作 於」,據 宋 本、 四 庫 本 並 或 朝 諸 臣 奏 議

文。 「義」,原作「議」,據宋本、四庫本並《國朝諸臣奏議

以 上,風 也。 也 之策,則願 職 益 舉 禮 求 澆。 謗 此 大 囂 洒 之由 惟 才,明經者不 議 爣 之 壞 相 聖 詔令雖 或 爲 内 於下,恐 奔 意 家 嫌 與 競 詳 增 其源 常當以 不 大臣 0 之。 其 繁,何 思 非 未 至 艱 改 問大旨。 特 治 澄 有 國 難 作 新 以 訟 蜀 家 ,欲波之清,臣 其 戒 争。 之 因 爲 壯 議 勸 福 意, 循 士 師 ? 而 也。 其 惜 澄 道 此 況 弊,官 年 清 士 既 或 爣 修 此 無 廢 家 未之信 數 辭 爲 源 文 廉 之福 亂 歲 長 者 讓 風 不 於 久 不

於 夫 皇 德 秦 天 帝 以 下 惻 敦 口 陛 隱 好 憑 力 怨 臣 聞 ,在物祝 望 生 下,日崇 而 則 之志 以 力不 德服人,天 堯 視 推 可 舜 網 聖 君 恃 以 工德,以 於民 加 不 德,則 也。 仇 忍 讐。 下 之心 /泣辜,常 永服一 伏 欣戴 人愛君 惟 是故 天下之心。 薄 皇 戒百 於刑 太后陛 以 御 如 力 天下者, 父母 官 典 服 厚

> 罰,捨 則忠 天下 罰 每 皇之宫 忠 順 此 儉 爲 美言者 也,唯聖人行之。 玉 昔 之 臣 似 惟 皇王之勤 有 也,唯聖人 忠 必 避 臣 酷 餘 玩 , 世 得 亂 暇 。罷 骨 人,少 多 心之私,從 有功 示 進 鯁 天下 爲 則 組 二者進 也 與 而 能之。 者 則 度 美 召 繡 唯 忠 易疎,佞 ·之慈 言。 佞 大 僧尼,不 之貢 雖 臣 自 聖 人 臣 憎 退 治天下, 萬 古帝 人 了, 焚 滿 也 骨 講 雞 必賞,有 人之望,示 、勉之。 何 朝 鯁 臣 議 鳴 唯 興 晉 王 以 柔 文 似 而 聖 武 土木,示天 直 與 辨 天下 起, 武 彊 順 貴 之雉裘, 之? 諫 佞 罪 而 能 者 多 訪 孜 賤 臣治天下, 者 必安。 易親。 天 之。 所 問 孜 親 見 雖 下 但日 疎 聽 直 疎 艱 之公 下之 愛 出 耻 政 諫 難 賞 柔 然 必 文 聞 則 珠

改

❶ 「相」,原作「爲」,據宋本、四庫本並《國朝諸臣奏議》

杜 X 害 内 伏 聞 美言 一姦邪。 加黎 直 ,甚於夷狄之患。 防 惟聖明 諫, 姦 則 邪。 庶,德敗則禍 則知忠臣 知 此致理之本也。❷ 不可不察。 佞 夷狄 人未 侵國,姦邪 左右 去, 伏惟聖明常好正直,以 起 此 自古王者外防夷狄 ,●此國家之可喜 蕭 國家之可憂 牆。 敗 乃知 德。 姦邪之 或 也。 侵 也 則 日

啃 以 防 以 深,使人 功成之年,未可 奏院報於天下,天下聞之,恐損威重。 稍頻,恐非深居九重,静鎮 覽 逸 御宇日深,功成天下,巡幸之費,尚 静 每 豫,則人心大悦,天道降康。 今繼明之始,聖政方新,宜 制 臣 又聞聖人宅九重之深,鎮萬國之望, 動, 有 不 順 . 得 以重 容易 動 小必 輕 爲 爲 而 循 威。 巡幸。 典禮 議 也。 如天之高,如 以以 萬國之意。 伏 昨 服天下之望。 惟 覩 加 不比先 聖慈 鑾 憂勤 加 再三 或 先朝 況進 地之 順 諫 動

> 哉 ? 道; 成,天下幸甚! 遠大爲迂説,不以 事業,論文武之得失,則往往謂之迂説, 有言政教之源流,議風俗之厚薄,陳聖賢 銖之利病,則往往 在上,賢人在側,取捨之際,豈有未至? 而不行。 而 刑法之吏言絲髮之重輕,錢穀之司 納淺末之議,久而 臣 伏望聖慈納人之謀,用人之議,不 又 豈朝 聞 廷薄遠大之謀,好淺末之議 主 謂之急務,響應 納 淺末爲急務,則王道大 遠 成 大 亂 之 政。 謀, 久 方今 而 而 行。 舉 聖 成 以 之 然 人 廢 或 錙 王

臣又聞聖人之至明也,臨萬幾之事而

- 右」,可爲旁證。
 之誤。范集卷八《上執政書》有「聖人在上,老成在〕則知忠臣左右」,各本均如此,然疑「左右」爲「在右」
- 「非致理之本也」改。「致」,原作「至」,據四庫本、《國朝諸臣奏議》並下文

2

詳覽 辯。 之柄 之不 或務 密陳 幾之繁, 方新 議,而不 不 政 必 無 其闕,使 不 不 之言便以爲實,内 敢 教 離 敢 益 敢 窺 得 獨 動 獨 差 雖 偏 王道 ,與大臣 獨 離 聖鑑 人心 斷 人短長,或欲 失,未可盡以爲實,亦當 斷者,懼 而 聽 斷 思 敢偏聽者,懼衆心之離也。 能 上無蒙 隔 也。 彌 無 公共,委任 君臣 之下, 遠。 聖 離 似此 獨 議 得 天下幸甚 人 則 斷 論 失? 一慮之失也。 一之情。 之 故先王 社 則 密奏之類, 可 降 能 稷 千 至 否,然後 虚分, 希旨上下。 無 無 乃 兩 危 慮 聰 惑焉? 務公共,設 似 許 地,出 雍 而 或 也 是 群臣 失,偏 不 然 塞,有以見聖人 更望 納 施行。 而 扶, 聖 開言路,采 面 而 群 人 非,言 深究其宜。 施 偶 上言,以 臣 萬 聖慈深 動摇 聽 臣 動宸 行, 百官 下 今聖政 一慮 幾。 爣 則 之 上言 僞 賞罰 言 密 失 衆 則 衷, 奏 加 而 補 萬 群 則 心 而 而

> 多纖 有言 先至。 惟聖 之人 外 聖慈深爲 日 相 佞,恃國恩寵,爲人階緣,公議未行,私 疑,政 「爲君難,爲臣 明 緣 如此則人皆由 不可 隙 防慮,以存至公之道 而 教 不察。 進 不 非 以 詽 不易」者,其在此乎 又自古 致 爲 徑,政有多門。 直 理之本也。 親 以 也 近 詐 小臣 爲 忠, 古人 1 使 伏 率

伏

内

譖

望

之人,本

無

精

識,覽前

王之得

請

慈詳 屏營之至。 失,究聖朝之取捨,因 擇 臣 曲 陋 臣某 干犯 昧死 天 謹 威 敢 言 臣 罄 而 無 陳之,伏 任 戰 望聖 激 切

范 文 正 公集卷第七

范文正公集卷第八

書

上張右丞書

無 若顯若隱者,則惟 某聞先知覺後知,先覺覺後覺,伊尹之心 鹽 校 也,哲人 傳, | 倉范某謹齋戒選日,裁書拜于右丞閣下: (書郎、權集慶軍節度推官、監泰州西溪鎮 乾興元年十二月日,文林郎、試祕書省 則賢賢相廢,來代以降,豈復有致君 傳 焉。❶ 故賢賢相 時爾。 使伊尹之心邈乎 與,其道不息。

> 乎 ? 以辨之。 者,可無遑遑以聽於大人之門乎? 堯舜,覺天下之後覺者哉? 才之道,而將博其傳者,可無眷眷 有服 膺仁 義,親逢聖賢, 今有 而 未 以 施 預 求 敢 阳 齋戒 其 其 衡之 傳

降。 誠。 之清列,奉萬樞之密府。 節、歷小位、艱難備思、造次惟 相之才著於禮樂。 神協贊,貳于台宰。 問沃於天心。 鼓天下之動,學以達天下之志。 人之至重,易人之至難。 故昨 名可巽 恭惟右 讓 而道 廟堂之高,回 丞維嶽降神,儀 早以位峻中司,禮嚴 不可屈,懷 而常居以正色, 邴侯之問繫乎慘舒,叔 故道清朝廷,名高 奏議森乎朝聽,顧 星象之度。 可 我 道 卷而 華 始乃 日。 百辟, 踐 節 動 育大 文以 惟 七 能 不 諫 邨 口 至

● 「哲人傳焉」上,宋本有「伊尹之心」四字。

二九

望光明,但仲尼日月之階,難爲其升爾 才之道之萬一也。 隆 泰 座,爲萬邦之休光,四海之景福。 Ш 賢人之業,宜衛社 蓋 盡 美矣。 然我 天下才士莫不稽顙 宋 稷。 重 明 當復 累 聖 此右丞之 正 熒煌 與 周 一; 仰 > 比

以 之中,與國家補錙銖之利。 之誠可言天下之道者。 子,以某雕蟲之技而憐之者有矣,未有 道,無從 又昔人云,一卷之書,必立之師。 下之心,垂千古之志,豈所 可貽於無窮。 上,仁義可以施下。 研精覃思,粗 者,生四 雞鳴孜孜,望其 某何人也,可預 民中、識 而正之,而可得 聞聖人之道。 莫不感激而 書學文,爲衣冠禮樂之士。 有獲於此。 功名可存于不朽,文章 陶甄之末? 其大幸 今復吏于 其指要乎? 興,慨 緩則罹咎,猛 謂不知量 知忠孝可以 而當 豈天下之 然有 海隅 世 謂 大 某所 也? 益 葭 某 君 天 奉

> 之門。 進 ? 賊 君子之道。 未獲事大賢人之師, 周旋其心, 未能受大 民。 自惜屬文未達,見書未博,三十爲學, 窮荒 其愚不已,尚遑遑乎聽於大人 絶島,人 不 堪 其 憂, 尚 何道之可

乃右 言置于左右。 曰,希聖者,亦聖之徒也。 而 人也,有以跪履 使某會遇之日,有益於當時,有垂 天下之道可得 前,觀之可 聞焉,似可備僚俊之末議,且使朝夕執事於 教之繁簡,貨殖之利 而逢大遇,則燕昭之名于今稱道。 捨諸? 丞之道 恭惟右丞播洪鈞之仁,矜其不肖,以 否。 智愚 傳傳而 至於稼 而 而 如得其誠 不 明,阿 同 授帝師之道者,豈以孺 不 ,人則然矣。 一朽矣。 病,雖不 穡之難,獄訟 衡之心 願 此庶幾於萬一。 昔郭 預教 能 可 辨,亦嘗 先民有言 隗以小才 育 黄公,天 一於將 得 之情,政 而傳。 然後 子 有

然干 犯 台 嚴, 無 任 狂 越 戰兢之至。 不 宣。

某再拜頓首。

上 執 政

哉 ? 拜, 家 薄,今親亡矣,縱使異日 足動聖賢之知耶? 名之計乎? 郎、參政給事:某居親之喪,❷上書言事,踰 逮矣,忠可忘乎? 下,可爲身名之計乎? 不然,何急急於言 饌,尚當泣感風樹,憂思無 越典禮,取笑天下,豈欲動聖賢之知,爲 ●上書於史館 天聖五年月日,丁憂人范某謹 蓋聞忠孝者,天下之大本也。 不以一心之戚,而忘天下之憂。 某謂 相公、集賢相公、參政 居 此所以冒哀上書,言國 喪越禮,有誅 矧親安之時,官小 授 窮,豈今几筵之 一美衣,對 無 其孝不 擇日 、赦,豈 盛 禄 身 侍 望 庶

> 乎 賢,以芻蕘之談而成大美者多矣,豈 賢之朝,豈資下士之補 几 其未易行者,某所不言也。 企仰萬一,因擬議以言之,皆今易行之事 而質之? [賢同 迦 海 德,此千百年中言事之秋 生靈、長見太平。 況儒者之學,非道不談。● 益乎? 況今聖人當天,❸ 蓋 也。 古 俟某引 某敢 之聖 然聖

心,以萬物爲體,思與天下同其安樂。 之知,致今上之美。 興夜寐,未始不欲安社稷,躋富壽,答先帝 恭惟相府居百辟之首,享萬鍾之厚,夙 況聖賢存誠,以 萬靈 然非 爲

0

「長見太平」,宋本「某居親之喪」至此

句

2

者之「某」,均記爲「仲淹」。 「范某」、《聖宋文選》卷六記作「范仲淹」。 下文代指

[「]況今」,宋本作「恭以」。

[「]非道不談」,宋本並《宋文鑑》卷 一一二作「非王道

曾未 哉 ? 哉 ? 久平 百 姓 通,通則久」。 循 長之育之,以至于太平。累聖之功,豈不大 亦 罪 當 久弗用矣,士曾 人作易之大旨,以授於理 起,使天下 興,聖賢 思之難,致之難矣。 反 姓 環 周 可 時致君者 困 則 焉。 漢焉。 教 木 知 今朝廷久無憂矣,天下久太平矣,兵 然否極者泰,泰極者否,天下之理,如 矣。 則 倚 窮 窮 共 則 賢 伏可畏,兵 惟聖人設卦觀 矣。 爲血爲 理 天下 材 李唐、 自我宋之有天下也,經之營之, 功 一,使天 非知變者,其能 不 朝 可 未 · 無 恩。 充, 中 廷無 之興 知 肉數百年,則當時 教 矣。 下 久 某竊 矣,中 · 爲 憂 也 弟用 外 苦言難 則 象,「窮則變,變則 如 周 天 富 奢 覽 苦言 外 漢之衰,姦 下 周 爲 侈 則 前 方奢侈 漢焉 武 者 久 壽 書 則 人則國 難 乎 數 國 備 也,豈徒 見周漢 其 入,天 ? 不 白 用 致君 堅, 士 矣, 年 無 此 衰 雄 聽 不 下 百 然 聖 也 者 競 之 則

> 也。 天下爲 變其 家磐 恩則 假於人 磐 紀 人 過 壽數 今聖人在上,老成在右,豈 平,修理 堅 聰 綱,以 (息肩, 也。 則 固之道哉 矣,倚伏 張華事西晉之危,而 百 固 邦 道 戎 矣,國 年, 昔曹参守蕭何之規,以天下久亂, 血 基 本 狄 政教,制 延 而 而 爲 本 或 不 歲 可 但 由今相 不 ,一旦王道 肉 固 乘 月, 用 畏 維 敢 矣。 數 其 無 則 持 作禮 有 而終不 百 隙 度 姦 歲 府致 爲 爣 矣,賢 年,亦今相 剣 雄 盛樂,以 月,一旦 者 相 復行,使天下爲 民力已竭矣,天 或 君之功也。 免 「,權 府 正 伺 材 取 禍 思 人無 防微 其 也。 不 維 以以 變其 亂階 時 充則 府負天下 持之功而 矣, 杜 大 徒,故維 今天下 漸者, 亂 復作 道 爣 名 武 天下。 下 器 不 富 與 備 之 思 忘 持 道 久 與 使 爲 國 無 或 不

邦 本、 厚民 竊 謂 力、 相 重 府 一名器 報 或 致 備 君 戎狄、杜姦雄 之功 正 乎 明 固

致 階 雄 乎育將材。 冗 以 舉、敦教育 國 一个 以 君 也。 者,在乎朝廷無過,生靈無怨,以絶亂 救 聽 於有 民 也 明 之弊也 阜時之財 道 或 古 ?,使代 也。 聽 實邊郡,使夷不 邦 者, 本 厚民 者, 不乏材 也。 在乎保直臣、斥佞 在 力者,在乎復游 重名器者,在乎慎 乎 也。 舉 亂 縣 備 **令**、 華 戎狄 也。 擇 者 散、 郡 杜 守 以 之 女妓 選 去 在

勸。 之士。 哉 ? 七八 畏,徭役不均,刑罰 皆徇己;少壯者 去,鰥寡不 必近名。 以 夫舉縣令、擇 某觀今之縣 衰老者爲子孫之計,則 邑觀 而 恤,游 故 望 Ŧ. 之,則四 邑 亚 恒不 道之興,不 **令**, 一之間 郡 州 不中,民利 禁,播 縣之職 長 循 方 簿書 以 例 縣 救民之弊者, 而 政 亦 蓺 志 授 則政多苟且 難 如 不 不 不 作,民 多 精 增,孝悌 平 此 在 苞苴 者 東胥 非 清 害 某 一,動 示 不 不 識 何

> 千數 乎? 賞。 哉 ? 間 事 替與 過 亦細,此謂 百人矣。 天下令録自大禮以 心,故務 而 來代之書 窮其天下? 參 矣。 課 不遂行者,蓋 百員。 最 職官,七考以 前 軍,則縣令中 今約天下令録,自差京朝官外, 儻更張之際,不 如之何 既 可 因 蓋職 善 論 尚 退人以 自來郊天之恩,鮮及 循 退,後 論 得 又 官、 而 使 失 思 朝廷 薦 斯 者 重 上可 退 録 當 昏 禮,士豈 頗 前 改 人之徒 人以 事參軍不甚親 久有 邁 謂 精 多 失推恩,又何損 滿 滿 作 選。 ′,俟 常 相 禮,不 十考者,可成 也。 日循其資俸,除 常 擇縣令郡 府 爲民 到 有 之流 其 有 銓 怨 豈 判 欲 不 父母 衡 心 , 可 長 司 州 動 救 民,爲 哉 ? 世 縣 長 别 名 其 簿 之 資 不 之 以 於 士: 弊 尉 議 去 策 之 之 其 數 録 H 调 困 疇 害

^{●「}常常」,四庫本作「庸常」、《宋文鑑》作「平常」

其 遷 若 聽 靈 中,天下 運 具 清 初 其 如 由 理績 望官 (曾任 芻 此 使 人 僥 一官,更留三載, 無 薦 而行之,爲國家 等 之 養爲嫌 後 倖 員 舉 學充。 就 例。 諸處縣 者 闕 令録,有過 -縣 於幕 初 近於 政 可 自 人 而 頒 授 **\$** 可 其 職 從 判 罷之,則天下幸 令,特有課最可 此 澄 大 録 司簿 朝 川、廣、福 判 數 一清矣。 盤 該恩,合人本資 縣 之 典。 庶其 司 條,人令者鮮。 固 簿 人 湯 中 簿 基 尉, 如 宣 尉中歷三考以 並 本 願 ·舉移 此 建 政 仍 可 相府 而 甚 行之,三 者可以 縣 賜 旌 注 思之。 幸 令,可委 **令** 尚 庶從 録 爲天 甚 者 者 録 事 然 --, 宜 成俗 之俸 人 參 下 Ŧi. 後 可 不 便。 軍 就 轉 依 以 生 年 委

民 援, 送之勞, 或孜孜 某又觀 以 獄 有貪燕射之逸。 於子 訟 今之郡長,鮮 稍 簡爲政 孫之計。 成,以教令不行 志不在政,功 克盡 或急急於 心。 富 有 貴 爲 焉 尚 之 坐 及 迎

於下。

俟其自敗,民

何以

堪?

故鄭莊

公伺

同

等

清濁

致

此

乃

朝

廷

避

怨於

上,移

虐

者,亦 莫能 愆于 懼 以 王 且. 則指 以禁非。 奢僭 非 幾。 鎮 飾身修名,邀其清舉,居 同 黜 寒素 判 道 之弊,積習成 其 以 ·素持? 招 陟 何 爲 舉 清 同判 謂 移 近名。 怨謗 郡 按。 從 況 而 素之人,非緣囑 聖 風 官實素 國 不 長 而 朝 兩 易 而 使國 糾。 爲 興 有 止 任 有不救 俗 乎? 速 難者,官有 職 有 風。 能 例 爲 僥 准,民則 抑 家仁不足以及 制 縱胥徒之姦尅,寵 偷 升 倖 虚 權豪, 俾 斯· 知州, 禁民 安,未至覆 某 其 爾。 語 外弊 恐 而 上之後,志滿才乏, 菜色。 人之徒共理天下, 越禮, 則 不 以 之過 來代之書論 定制,不欲 故 奈何 薦 簡 目 知 矣。 賢 爲 餗 縣 物,義 在 頒行已久, 貪 有恤 附 掇禍 兩 類之輩 下之時 勢 然 任 風俗之 故賢愚 動摇 鰥 不足 例升 朝 得 爲 荷 知 狂 失

162

激揚天下。 敵,非致 提 終不敗者,豈 也。 共 人,皆貫盈之夫,久爲民 今日者哉? 點刑 叔之自弊, 此聖人昭昭 曰 獄 □: 「履 敗露,鮮 職 在 近年 霜 而《春秋》罪焉。 止數人而 訪察,其如位望 堅冰 敢 之訓 諸處郡 、發明。 贵 至。」由 已乎? 患。 長 用 宜乎論道之間 以 於 如 相 以其長惡 辨之不 贓 先 此 雖 亞 致 王 之類,至 ,怨仇可 轉運 罪 THI 早 者 廢 使、 世 辨 數 於

以 出 賢明,巡 之官,宜以宣慶爲名,安遠聽 慘四方,豈同常 郊禮之餘,宜 載矣,●以軍國 禁請託。 使之官,絶 古者天子 行諸道 苟利天下,大體 書刺 宣 五. 重大,未可行遠古之道。 務? 一,以 大慶,可 載一 往 興 還之禮 可命 利 巡,皇上凝 除 於兩 御 害 何傷 仍翌 史嚴 也。 制 黜 以 ? 继 命于今六 其諸 諭 上,密 日 陟 所 百 首 明 道 出 僚 舒 今 塗 選 使 知 與

> 乎? 舉官。 者、墮 判。 臣同 州 下 之,天下郡政其濫 其知縣之人人同判者,宜比 觀 四 古 或久次,止可加恩。 幸甚 方 基 風之使,非不典 同 本而 判 今後同判之官 利 願相府爲天下生 而 判,耄者、儒者、貪者、 幸 中舉諸郡長,於朝 病 一郡之間,生靈 無政者,皆可 甚 行之,不以 得 1 以 上聞,●未舉 鮮矣。 也。 非著顯 聽 郡國之符,不當輕授。 奏降,以激尸 數 芻 靈 然後 今一司 蕘 而 萬,反可 臣 效 巡守之禮,而 虐者、 爲嫌 委清望官 行之,爲國家盤 此例。 知 及 縣 有 而罷之,天 中 輕授 輕 務 殊 舉諸 素。 如此 而 ",猶 於於 薦 於 無 行 雖 朝 遣 又 或 口 法

0 云 利病」,原脱,據宋本並《宋 凝 命」, 「君子以正位凝 原作「疑命」,據宋本、 命。」 文 四庫 鑑》 補。 本 改。 聖 宋文選 按《周

利弊」。

於農者 帛, 矣。 以 商 亦 宜 僥 揚 不 而 不可勝紀。 黄,共六民 冗 怨 降,非 制 闕 倖 多 禄 累哉?❶ 僭 旌 善 謗 厥 奇貨 某謂 :之有 農 矣。 惡 尚舉主,以 某 而 以 價 也 前 此則六民之浮,不 速 有 阜 舉不 澄 翔 縣令長既得其才,然後復 以 生 乎? 僥 所 矣。 不 時之財者,何 清 者 起。 此天下之大蠹也。 亂 謂 如 蓋 倖 · 授。 竭 天下, 禁,兵多 既 官有 之何物不貴 古者四 者。 勸 今又六民之中,浮其業 力 如 庶 議 來 而饑,工多 所 舉官之責,厥 者 定 ,則作者復衆,豈 兩 何 者。 舉 制 民,秦漢之下,兵及緇 謂 宫 怨謗之 冗 之人,果 不 生 哉? 聖 聖朝 可 而 靈 乎? 人 欲 勝 不 奇器 既 臨 · 急 有 未 動 紀 某 士有不稽古 庶 典 成 前 平 軒 緇 行 摇 觀 如 以 非 ? 游 此 異 命 使之 之 黄 既 皆 天 懼 散、 敗 典 政 輕 使 何 庶 下 自 蕩 衣 其 者, 度, 農 之 然 去 蓋 何 穀 則 兹 而 激 招

> 資 某 非 則 器 不 用 取 敢 某 困 Ш 所]1[者 者 乎 略 之 ? 敢 衆 而 衆 所 陳 知 也 也 某謂 之。 也。 出 金 或 穀帛之貴 與 今議 謂 銀 恩信之所給 之貴, 資 更張之制 四 夷 由 由 之取 其 其 制 繁 播 自 而 度 蓺不 細非 使之然, 可 不 較之, 嚴 增 而 而

度,而 可於本 之父 也。 於民 父 神 母母 而 母 在 其 乎? 明之,存乎其 夫 父 ,鮮 貫 徒繁穢,不可不 釋道之書以 ·, 鮮 母 陳牒,必詰 在 君子 轉 人供養者, 死 别 於 弗 無 溝 人,智者 論 真常 子 壑矣 其 者 孫 約。 鄉 勿 ··, 非 爲 黨, 從 勿 性 斯 尚 今後 今 許 其 苟 亦 難 以 理 方 請; 有 於言 養 天下 清 天 遊 罪 惸 浄 下 如 戻,或 ·童行, 爲宗 之道 已 則 而 況 助 受 民

^{● 「}庶」、原作「衆」、據宋本並《宋文鑑》改。《聖宋文選》

之費 孝悌 宜 游散之要也。 給 了;動 民阜財之端也 本 之 貫 風 踰 憑 也 數 由 萬。 其天下寺觀,每 其 乃 京 許 止 師 可 收 寺 完舊, 録 觀 斯 多 建 招 勿 亦 許 殿 辨 几 《塔, 蠹 創 姦 方 之人, 細、復 新 斯 民

亦

與

帛之計, 諸 千里之間,或多 之卒,皆本城役徒,殊非武士,使之禁暴,十 依舊典。 聽之,稍 尚費資儲 不當一。 今諸軍老弱之兵, 詎堪征 一,而卒伍 軍 官庫爲常 年五 又古者兵在於民,且耕 其 省軍儲,復 此去冗之一也。 而諸 十已 耗 至 然國家至仁,旨在存活。 ,貴武勇之精,備 羸 萬 州常 上 捕 億。 寇 一有資 盗,蓋 患兵少, 從 掩 以 産 無 某觀 欲; 願還 効。 創 (伐? 又諸道巡檢所 置巡 之,自京四 且 日旋招致。 鄉 無 非 征伐之急也 戰。 所歸 旋 里者 要害者,宜 | 檢路 降 秦漢之 者, 等級, 若詔 分 一可 繒, 頗 穀 統 自

> 驕華。 大也。 數,庶 寇盗 禁泥 破什 廣。 父老,研求利 歷 盛明之代,●何事 用,穀帛爲寶。 貨,亂國家之禁。 幾減半,挽舟之卒從 又京畿 悉罷之。 星霜 既已開導溝 金之飾,久未能 如 一之税,繼以 使諸 宜乎大變澆瀉,申嚴 至於工之奇器,敗先王 取 不不 所 輔 至驕 郡 存之處 況千里之内,抽 五百 病。 節 此又去僭 惰。 中外 洫 於 而 數 百萬之糴,則 里内,民 ~ 資以 ,復須舉擇令長,使詢 招 絶。 不可 年之間 而省焉。 彼無 致。 因之侈僭,上下得 行乎? 禁 豐 用 田 此 旦使 發 ,力致富 制度,使珠 軍 財 多 去 之卒,可減 非 之度,商 此亦 之 江 隙, 冗 難 命婦不服 訓 本 淮 曩 之次 又使 練 農 去 者 也 饋 庶 既 功 或 之奇 冗 運 玉 精 也 > 未 萬 寡 以 不 訪 1 庶 今

0 明 原作「朝」,據宋本、四庫本並《 聖宋文選 》改

農之實。每於春首,則移文於郡,郡移文於 郡矯報於使。 縣,縣移文於鄉,鄉矯報於縣,縣 工人 之家,古皆督責。 僭皆如泥金之法,亦何患不 不作,于今天 利害不察,上下相蒙,豈朝廷 今國家有勸農之名, 下 無 敢 衣 ·禁乎 者。 ? 矯報 於郡 使 其 又 無 播 餘 勸 蓻 奢

之意乎?

道也。 中 思 使播者蓺者以時以度,勤者惰者有勸 稼 復 田》、皆以農夫之慶爲王化之基、豈聖人 然後致天下富之壽之。彼不 ·興 穡之勤。 院散之流,抑工商之侈,去士卒之冗,勸 而 者,人未厭德,作亂者 若縣令郡長 述者乎? 能革之哉! 觀夫《國風》之《七月》、《小雅》之《甫 以《周 故周漢 一變其人,乃 禮》司徒之法 此則厚民 李唐 不能革天 雖 力、 可詔 我 有 約 富 固 禍 而 書 不 邦 窗 行 有 1 下之 本之 我 而 戒, 之, 寧, 不 壽 能

> 舉縣令、擇郡長,則莫之行焉 是邦本之不固 興者,人厭其德,弔 心,是邦 本 ·之固 也。 也 ; 然則厚民力、固邦本,非 民者 六 朝、 有 五. 以 代 革天下之心, 之亂 克中

三八

之 ? 文。 虚授; 易得哉? 存誠。 之間,●患不稽古。 教,賢孰繼焉? 官于民上,❷貽笑不暇,責 之士,全暗指歸 詞多纖穢,士惟偷淺。 或謂舉擇令長,久則乏人,亦 某謂 敦教育之道,則代不乏人。 暨于入官,鮮於致化。 中人之流,浮沉 用 而 ,講議未嘗聞,威 不擇,賢孰進 宜乎慎選舉之方, 委先王之典,宗叔 必矣。 其 言不及道,心 能政,百有 焉 有出類者,豈 ? 儀未嘗學, 至于明經 何 今 士 則 擇 道 世之 政 而 以 無 林 無 嗣 不

^{● 「}林」,原作「材」,據宋本並《宋文鑑》改。

❷ 「民」,原作「明」,據宋本、四庫本並《宋文鑑》改。

禮闈 俗。 全才。 庠序 焉。 不 旌 其才難,亦由 銷 之盛王也, 豈小道哉? 材,況州縣之用乎? 樂,辨之以 復其學校之制,約《周官》之法,興 復當深 有講貫者,别加考試,人必强學,副其精舉。 試之日,先策論 教育,俟 散 聞其誰,激勸 别,天下之望翕然稱是。 八凡修 辟文學掾,以專其事。 由 《詩》謂「長 列于郡國,王 以大要定其去留,以全才升其等級。 思治本,漸隆 何 聖朝之弗救 時 詞之人許 文行 不 而 務耕 教 以觀其大要,次詩賦 育人材」,亦何道 未明,人將安信? 忠信。 育哉? 風 云邁 存 乎? 而求穫矣。 今春韶 古道。 夫庠序之興,由 策 必 孟子謂得天下英材 論 乃於選用之際患 當太平之朝不 有良器,蔚 其間所存策論 ,明經之士 師道不振,斯 敦之以 先於都 也? 闕 儻使呈 詩 督之郡 以 里之 特 書 觀 古者 三代 爲 邦 禮 其 與 能 文 下

> 得 繼 使天下奇士學經綸之盛業,爲邦家之大器 士 而 道,亦何患乏人哉 今可每因 貢舉之時,申其 亦策之上 李唐之盛,常設制科,所 於唐 風 教育之,一 丕變。 遂廢其道。 人,豈非邦家之盛選 也。 斯擇材之本,致理之基 樂也,豈偶言哉? 先朝 此 偶 皆慎選舉、 屬多務, 得大才將 墜 典。 暫停 行 敦教 必 勿 相 也。 可 謂 有 此 非 數 育之 國士 未 科。 年, 又 心

無 承平之朝,❷當爲長久之道,豈如西晉之禍 年之意,故斯道久缺,反爲不急之務。 而 有 不 成焉。 何公之歎者乎? 儻國家行此數事,若今刑 前代亂 離,鯨吞 願 朝 虎 廷 噬,無 政 念祖宗之艱 之用 1 心 既在 世 1 則

- ■「由」、《宋文鑑》作「猶」,當是。
- ❷ 「承平」,原作「陳平」,據宋本、四庫本並《宋文鑑》改。

幸甚幸甚!日行之。不以聽芻蕘爲嫌而罷之,則天下與,相府建風化之基本。一之日圖之,二之

之命。 乎 ? 之人 既有進身之階,豈無畏法之志? 軍 尉 弊,革之則諸司乏人。 學高古,宜崇聘召之禮,以厚澆競之風 之類、嚴革其弊、高爲之防。 族,行藏 今後百司新人之人,或采其藝能,或出於仕 知勸,不若敦仍舊之制,加獎善之方。 家近年羔鴈弗降,或有考槃之舉,不踰 有舉奏者,許入 兩 無 任 至于巖穴草澤之士,或節義敦篤,或文 又流外之官澄清未至,沿之則百 有舉奏者,許 孝廉之士適以 遷 必 進之望 審,考試 而 職事官,或换三班使臣 必 能 入録 精。 將使群謗不興,衆心 盡 爲辱,何敦勸之 公者,必亦鮮 事參軍。 避役 既 激 之人 設使流 其流,復 録 無 自簿 事 姓 助 矣。 有 内 參 受 或 教

澄其源,亦何患流外之冗乎?

邊廪未 則師戰 寵。 聞邊 戰。 疑且 將不謀方略,不練士卒,結援 昔之戰者,耄然已老。今之壯者,囂 所以亡也。 圍之則下,狄無疑 禦戎者,將在貴臣,邊須遠饋,故戰之則衂 者,何哉? 元之盛,有函谷之敗, 功。 畏 某 聞名之將,往往衰落。 ,罔敢深 而不屻,邊不乏廪則 又 實,下武之際,①兵 旦急用,萬 此必廟堂之所思也。 謂 蓋聞古之善禦戎者 今兵久不 育 將 人,此劉漢所 材、實邊郡,使 从畏,乘 無 成 用,未必 功。 可龜鑑 虚 寡食足。 豈 深 城園 加 以長也,不善 河 游 , 入,此石晉之 無 以 矣。 仍聞沿 爲福。 將 、晚輩? 邊 而不下,狄 夷 民 如屯大 不 古 何 不乏人 未豐 亂 在 禄求 邊 而 未 諸 開 華 未

^{●「}下武」、《宋文鑑》、《聖宋文選》作「罷武」,當是。

軍 陶之謀,伯益之贊,不 、之虞未可量 煩 遠 饋 則 也 中 原 于 亦難 時 益 廟堂之上, 木 乎? 四 夷益 驕 雖 0 有 泉 深

具存。 衍之鑑 前代 砥。 疾雷。 用 將, 史有 及 且 之書,禁 安必慮危,備 萬,豈不痛心哉 蓋 (其 敗 秦之焚書也,將以愚其生人,長保天下。 備之弗預,知之弗爲,許下之兵,日血 心 名將 及觀《周禮》,則大司 夫天下禍福如人家道,成於覆簣, 驕 党员 乃知 聖朝 也 言焉。 奢 而 陳陳 皆洞 廢 而 党遗特其 禮樂之朝,未嘗 則無 不明? 勝、吴 學。 른 今將家子弟蔑聞 達天人, 患。 苟有英傑,受亦 文 今西北和好,誠爲令圖 太平 廣豈 有 清談之間 昔成周之盛,王道 武 嗣 馬 讀書之人哉? 而輕其 備 續忠孝,將門 陣戰之法,粲 廢 此 武。 ,坐受其弊。 (後計? 韜鈐, 能 何疑? 今孫吴 備 乎? 無 敗 況 所 出 然 如 + 王 於

> 不下。 沿邊 朝廷 將材 三五年 才識 密授 陸 安邊,多可指任。 所得 今可於忠孝之門,搜智勇之器。 田 士。 三四,不云盛乎? 歷 贄議 星 之利,與今事宜相近,可 可可 知同 口 宜設武舉,以收其 既 者也,斯 霜之艱 兵略,歷試 間 緣邊備守之術,請置本土之兵,勤 高 育 狄 賜孫吴之書,使知文武之方。 ",豐其] 精 枕 疑 邊郡既 難 矣。 且畏,敢 加舉 可 軍 邊任 遺 前代禦戎,其 朝 廪。 擇,特授詔 此皆育將才之道也。 乎? 實,師戰 至 用之,不甚 深 ,使其識 于 四 (遺。 此則 入乎? 又 約 臣 海 而 唐郭子儀,武 實邊郡 而 命,專謀 僚 九 山 不 策 行也。 顛 之中, 州,必 JII 縱 蚵,城圍 堪 非 沛 之 有 之道 將 耕桑。 向 材者, 搔 素 有 十得 異 本 也。 又 有 舉 壯 + 唐 而 H

❶ 「驕」,原作「矯」,據宋本並《聖宋文選》改

使中 增致 臣 亂 及來代,況朝廷之盛德乎? 左 下幸甚幸甚! 而 也。 也。 |袵。]又曰:「民到于今受其 非 加 原 遠 焉。 ,作爲奇兵。 者,若今之北邊有雲翼 今相府 也,爲 見新 而能 願 攘 覊之馬,赤子入無知之俗,則 相 勞一 河 府 戎狄,保華夏,功高 聖人曰:「微管仲吾其被 朔生靈思之,景德之前 爲 至于營田之利,宜常 夕之思,絕百代之耻 國家安危思之,五代 招收之軍 賜。」管仲 當當 時,賜 更 興 霸 無無 髮 天 未 之

階者何 或 於毫末,杜其堅冰。 動 辭,幸生靈之怨弔 哉? 夜舞,或起爲大盗 ,或禄賞未均,或綱紀未修,或任使未平, 某又謂 今明 ? 朝廷無過,生靈無 蓋天下姦雄,無代無之。 盛之朝, 而 或戚近 稱 豈有 義。 伺朝 撓 大過? 不然,亦何 廷之過執 **然怨,以** 權 ,或土木耗 亦 絶 或 宜 名 以 亂 辨 爲 之 而

口 貢。 鑑一私,則天下之輕重妍醜,從 可不畏乎? 緇黄之流,或術藝之輩,結託戚近,邀求 謂盗者,其姦雄之謂乎? 撓權亂法,增朝廷之過,啓姦雄之志。《易》 才,非曰惜恩,懼乎致寇。 家 斯 曰:「小人而乘君子之器,盗思奪之矣。」所 戚近之人,不可 亦 過之漸 或受恩賜,或與官爵。 也。 夫賞罰者,天下之衡鑑也。 某敢小 不約。 舉其失以言之。 除 今道路傳聞,或 若力小任重 此撓權之漸 拜之際,宜量 而 亂焉。 一, 則 此 進 其 或

家祈 爲軍 靈。 或謂 之宫,以延燎之災,一夕逮盡 故爲之而 先王之所 太祖 天永命之道,豈在兹乎? 土木之費出於内帑,無傷財害民之弊, 或 急難之備 皇 弗 慎 戒 帝 也。 以 也 非 來,深思遠慮,聚之積之, 又 某謂 土 謟 木之興,久 神 内帑之物,出於生 佞 佛 , 豈非天意, 警 之資也。 如 洞 爲大蠹 真 或 盛

乎? 故 資,奔走道路,豈惜府庫之餘而不用之耶 備 也。 則日者黄河之役,使數十州之人,極力負 也,可不戒哉! 生靈,暴加率斂,其可及乎? 此耗國之大 在 土木之妖,宜其悉 ,奉有爲之惑,冀 帝 旦有倉卒之憂,❶須 安可取民人膏 心? 兩宫之不聽乎? 示 土木之所崇, **爣**謂 血 無狀之 内藏豐盈 之利,輟 罷 給賞之資,雖 豈相 福 非 党 神 軍 ,用不可竭 府之不言 靈 不 或 之 欲 誤 急 哉 難 所 重 ? 之 木 據

至。 厭 望 差 所宜損之益之,以建其極。又今三司之官, 職 一以自 取 除 輕 大亨之世,猶 頗 禄重,或職 又文武百官之禄,取兵荒五代之制,或 怨四 進? 異,禄賜弗輕。 海,使先帝寬財之命弗逮于民, 天下 重禄輕。 患不均, 豈聖朝之意乎? 金 穀決于群胥, 掊克無 何知 重輕之間,奔競者 弊而 不言,多養

> 乎? 使以 耶 ? 已甚。 而特每 下 由三 和氣 以爲然哉? 之疲瘵,其庶幾乎? 受弊,職 職,夕求他官,直云假塗 奏薦子弟,並爲京官,比於庶僚,亦既 世,今則每舉大慶,必行此典。 制考課,重議賞罰。 而 司之官不制考限,不責課最,朝受 屢傷,豐年寡 不革其上,節於彼 司民,國家 非君危臣僭之朝,何其姑息之如 遂使蔭序之人塞于仕路。 歲聖節,各序子孫,謂之賞延,黷 先王名器,私假 此之由, 豈聖朝之意乎? 我相 患之,屢有釐革。 府豈惜一孺之恩,不爲百 遇,曾不謂 激朝端之俊傑,救 又古之勳臣,賞 而 於 有相 不節於此,天下豈 人,曾不謂 與匿 之過 自兩省以 曾未稽古, 然但革 禍 乎? 宜 優矣。 之 延 天 其 天 其 调 蜀 H 于 下 别 下 此

) 「倉」,原作「蒼」,據四庫本並《聖宋文選》改。

遠 其 也。 此 足 咸 事 辟 子 弊,能變其極 則 ? ,公卿之嗣 在 鮮 之表 童 況 斯弊已久,何可 禄賞未 離 非 孺 百 平 1 獨 曾 司 或 招 者 均, 懷 又遠 縉 無 周 前 安 紳 任 激 朝 旋 敗 之議 惡之官多在 揚。 使未 廷之綱 天下化成,不爲 百 極乎? 名。 司 使寺省之規 平, 之務 實 未 紀 亦 嘗 綱 風 惟 玷 試 寒族 懵昧 紀 我 教之户 鈞 難 未 相 難 何,何 衡之公。 權 修之類 剥 四 府 矣。 能 牀 貴之 以 方 牖 之 致 至 革

可騁。 乏,苟 此 安之民不經塗炭,勞則易怨,擾則易驚。 將謀臣,威 相 靈 五 窮 ,豈非姦雄之人伺朝廷之過 代 賈 晉趙王倫、石勒之徒心 有 之鑑 既 而 搔 姦 撓 動 信 雄 之 昭 未 奮 以 饋 昭 著。 迅, 焉 征 運 戰 所 0 鼓 況 非 艱 或 舞 邊 止 加之以 群 方 民 武 窺天子,口 小 册 尚 備 乎? 之有 木 未 血 饑 堅 視 邊 饉 又今久 一,狄 云 千 廪 責 生 志 猛 抑 尚 丞

> 況 開 甚 姦 時之難乎? 雨 塗炭,❸乍覩明 亦 亦 時爾。 此 之運 躬 曩 雄 嘗 耳 沿 昔,此 擐 不 有 目 姦 是,震神 甲胄 敢 事 之 雄 今朝 動 四 可 所 生 者 ',備 方 接 武之威,征 靈 以 廷豈謂 9 勞 盛,如子 也 何 嘗 不 所 0 1哉? 艱 敢 以 於 我 難 不 動 饋 當 太 猛 得 敢 也 伐 運 祖 時 怨 母 則 四 將 皇 之易,而 而 ,縱 所 方, 也 五代 帝、 如 生 謂 雲, 有勞役,未 動 靈 又當 彼 餘 太宗皇帝 如 不敢 謀 不 民 Ш 人 在 慮 時 臣 乘 此 如 天

進 者, 焉 何 又謂 | 哉? 國未之危, 保 有 首. 岩 臣 人未之病 則 斥 逆耳之言 佞 人, 以 則 致 鮮 苦 君 用 П 於 之 焉 藥 有 鮮 道 故

^{● 「}太宗皇帝」,原脱,據宋本並《宋文鑑》補。
● 「匱」,原脱,據宋本、四庫本並《聖宋文選》補。

^{) 「}五代」,原脱,據宋本並《宋文鑑》補

災,由 之所出 乎? 天, 爣 政。 大憂。 然矣。 哉 ! 焉。 夏 故 哉 師之災甚於四方, 京師去歲大水,今歲大疫,四 佞 佛懼 鑑 禹 ! 人易進, 則 蓋佞 及其既危也,言必錯 戒 九疇 國家之德尚 苟天 國 及其 歷數之定,非 今朝廷久安,苦言而 于心 形 此天之有以 天深戒而不變者,禍 ,君相之所 家 焉。 人在矣, 下 之書果 既 兀 直 ·有 弗修 病 海 臣 不獨 善 也,藥 易 將 可 居也。 則 妖 于政,漸 何哉? 戒也 直 政 隆,天下之道尚 如 退, 恐懼其 歸 言 教 臣 何 必 諸己,天下 其 耶,豈 之出 贵 哉 遠 錯 禍未 致 ? 矣,其 雜 蓋京 盈 心,必使修 不用者,勢 雜 徒然乎? 君 可畏矣。 一,若 于禍 而 方聞之,莫不 欲 盈 而 或 於 用, 師 進 如 而 棄 謂 悔 有 有 者,政 可 所 天 而 或 漸 之 故 故 道 禍 未絶 論 行 省 伏 使 焚 家 絶 也 鮮 鮮 則 而 也 也。 其 教 之 之 于 聞 歸 > 則 京 難 功 效 難

> 可 奉 諸 臣,斥佞人,則兩宫二省之心 天,豈 蔽 先王之訓 其明乎? 聖 朝之用 ,必不謬矣,必 縱有行僞 心 ? 0 而堅,言僞 願 無 如 黜 過 術 日星焉,❸孰 矣。 士之言, 於保直 而

試於行事,人焉

渡哉?

府,得 作長久之計,固 天下爲富爲壽 也,又何憂乎? 幸親今亡矣,朝廷 人,思慮未精,又親安之時,上懼失禄。 某往日不極言,₫ 與天下生靈 數 其基本,一旦王 爣 百 年,則 長 或怒之,自 相 見太平,幸 府思 而今極言者,學陋 福 變其 在 或 頂 道 道 家 甚 至 復行,使 功 與 幸 踵 · 甚 ! 在 或 惟 之 忠 不 相 家

^{■「}豈聖朝之用心」、《宋文鑑》並《聖宋文選》均作」

[「]顏」下、《宋文鑑》有「聖朝」

[「]省」、《宋文鑑》作「府」。

[「]某」,原脱,據宋本補、《宋文鑑》記作「仲淹」。

乎 ? 其 之意乎? 之綱紀,澄清 爲臣不易也。 上,或喜怒生殺,或好惡 弗克行乎? 王 外,亦思之未深耳。 創按刑之司。 由 竊 絕斯民之冤,協先帝之志,豈 於教化之道,復如刑名之用 刑 (而已,不可謂川之既平,可壞其 時 之。 如天,盡心于此。 以 也 既 Ŧi. 今縉紳之間 清 皇 代 ,王道可 或曰天下之事,猶指諸掌,豈 朝 以 龍 來 亦在兩宫之意爾。 風俗,相府之職也。 若乃 徒流之間, 興, 諸 行,此天下士人 多議 典 侯 修 内 如得 章 暴 四 則 酷 邪正 方之政 按 舉執法之吏,外 其 寬。 無 視 刑之司 心,亦何 人 敢 則 無 民 差者。 真宗皇 教,正 糾 如芥, 益 諫 謂人主 八防也。 豈必兩宫 爲 乎? 察四 静之際 無 患 相 益 若 相 帝 百 府 不 生 方, 在 司 得 於 府 惜 至 則 殺 至

儻相府疑某之言,謂欲矯聖賢之知,爲

之史臣 死罪 誅赦 之史臣 門之下,各致此書,庶有 願 非聖主賢相 代國家,當其安也,士人上言論興亡之道 貧賤之地乎? 典禮,❶進逆耳之説,求終身之棄, 盛德,以順 台嚴,下情無任 忘天下之憂,是不 身名之計 相 '', 惶 惟 府 采其 收于簡策,爲來代之鑑 命。 收于簡策,爲來代之鑑。 恐 再拜。 豈不 美於時 則百 以 一二,爲國家天下之益,不願後 廟堂 能 蓋所 惶 不一采。 終 爲 亦 恐激切之至。 深嚴,恐不得 喪 謂 身名之計 何必 之後 不 敢 達於聰 及其 居 爲 以一 喪 歌 明 往也,則後 上 上 狂斐之人, 今日之言 爲 不次。 心之戚 矣。 明。 而自置 書 ,乃敢相 頌 干犯 觀 逾 潤 前 於 越 而 色

❶ 「逾」,原作「俞」,據宋本、四庫本改。

政晏侍郎

驚乎? 乎? 問: 退。 欺默 拜, 賢人之清舉。 不爲天下之奇,名不及泰山之高,未足 惟懼忠不如金石之堅,直不如藥石之良,才 爲舉者之累乎?」某方一二奉對,公曰 非直,但 云: 爲强辭!」某不敢犯大臣之威,再拜 上書于資政侍郎閣 ? 「爾豈憂國之人哉? 退而思之,則自疑 天聖八年月 曾上 某嘗辱不次之舉, 矧公家之事,何 !好奇邀名而已。 因避席 且當公之知,爲公之悔,儻默默 封章言朝 今乃一變爲尤,能不自 而 日, 對 曰:「有之。」遽奉嚴 具銜范某,謹 而驚 廷 下:某近者伏 苟率易不已,無乃 禮 衆或議 曰:當公之知, 儀 事,果 爾以 齋 有之 疑 沭 副 非 大 而 忠 教 敢 召 再 而

> 於前 辨 生幸甚,死生幸甚! 某進不爲賢人之疑,退不爲賢人之累。 何 ,則恐縉紳先生誚 面 志 目於門牆 ,非敢左右其説,惟公之采擇,庶幾 哉 ? 請露肝膂之萬 公之失舉 也。 如 一,皆質 此, 某 死

也。 之。豈所謂不知量也? 所蔽也。 達,特崇此道,以致天下之言,俾九 諫鼓,諮芻蕘,采謡詠,斯則何遠何近咸可 下之言,以共理天下。 書,師古人之行,上誠於君,下誠於民。 工獻藝,則大臣小臣無非 自謂有憂天下之心,繇是時政得失,或嘗 此誠歷代令王懼上有所未聞,下有所 某天不賦智,昧於幾微,而但信聖 亦必憂國大臣懼義有所未從,●諫 於是命百官箴 蓋聞昔者聖人求天 諫 也。 建善旌 重之深無 殿,百 人之 韓 立 未 愈

0 義」,宋本作「議」。

文正公集卷第八

議焉。 乘之心 議」,蓋言有道之朝,教化純 非言路之謂矣。 書之政,當尚書之位,則不責三公之政。 局,不相侵官。 顔 覬 有 有 而 色,觸 日 諫 所 曰「不在其位,不謀其政」者,謂各司其 : 無 未 非 訕 有 Ŀ 忌諱 以 復 破 殺其身,有益於君 動 ,建一言哉?」亦忠臣之分也。 廣 家 也 如當二千石之位 此 又曰「天下有道,庶人不 爲國殺身成君者,誰 道 某又聞 以 致 事, 被, 天 下之情 君 ,則爲之。 則 有 ,則不責尚 庶人 犯 冀 無 無 能 隱 衛 所 犯 萬

至於穎 義 則伯夷叩馬 屬 福之徒,皆遠 士,夫子稱其賢人,曾不以遠 似非庶人,敢 某登進士第,由幕府歷 秀叔、 諫 而謀 曹劌、杜簣、 不議乎? 國者也,前史嘉之。 ,豈近臣哉? 絃高、魯 宰字,爲九卿之 如云遠不當諫 而 太公謂之 爲過乎 仲 連、 況 ? 或 梅

> 遺。 也。 家 詔 延才之意 以 唐文皇於此延天下之才,使多識 非言未及 諮 以 百官轉 其不預轉對者,俾實封章奏以聞, 又聞、「言未及 政教之得失,備廊 公之清 而 對,使明言聖躬 不 言 減於前 舉 也 置 某 而 則 于 言 廟之選 某 近 謂 之過失,宰司 事 之躁 閣 君,於 同 用 文 前言往 館 今 此 如 之列 之闕 或 非 朝 則 家 廷. 某 遠

齊, 釣, 此 中原,房 廬 陳 前代聖賢,非不奇也,某患好之未至爾 藺 仲尼誅 若以 湯 相 矯 喬 如 某好 杖 制 奪 侏 策 而 璧 儒 奇爲 於軍 大 於 以 破 過,則 强 尊 單于,祖 門,姚崇臂鷹於渭上 魯, 鄰 伊 夷 諸 尹 吾 葛 巡誓 負 就 亮 鼎,太公直 縲 邀 江 主 絏 而 克清 於 而 弊 霸

^{●》}改。此下引文即出該傳。 「衛覬」,各本均誤作「衛顗」,據《三國志》卷二一《衛覬

名以 去矣。 爾 以成名」,又曰「耻没世而名不稱」,又曰「榮 爲人臣者,謂八元不足尚,四凶不足耻。天 下始勸。 古聖賢 下豈復有善人乎? 則爲人君者,謂堯舜不足慕,桀紂不足畏; 全之説, 豈治天下者之意 爲寶」。 若以 何當 經曰「立身揚名」,又曰「善不積不足 莊叟云「爲善 某邀名爲過 不著於名乎? 是則教化之道,無先於名。 人不愛名,則聖人之權 無 則聖人崇名教 近 乎? 某患邀之未至 名」,乃道家 名教不崇 而 \equiv 白 天

中稔之秋,一 德 以 有 養士。 ,何食之有? 德,可以安君 某又聞,天生蒸民,各食其力。 《易》 竊以 斛所售 曰:「不家食,吉。」如 可可 中田 某官 以庇民,於是聖人 不 小禄微,然歲受 一畝,取 過三百 粟不過 金,則千畝之 惟 一斛, 其 俸 率 士 民 禄 無 以

> 神有知,則爲身之殃,爲子孫之患。 某無功而食,則爲天之螟,爲民之螣,使鬼斂之,其用天之時地之利民之力多矣。儻斂之,其用天之時地之利民之力多矣。儻獲,可給三十萬。以豐歉相半,則某歲食二

況我國家以六合之廣,四葉之盛,撫既 誠 補 朱紫未辨,膏肓奈何? 海 格,樂有所未諧,多士之源 今天下民庶而未富,士薄 ,●防未然之幾,兢兢持盈,旰昊不 無 益 聚雲積。 功 某今職在校讐,務甚清素,前編 而 上莫救斯文之弊,下無庇 食矣。 其間荒 所可 唐詭妄之書,十 '薦於君者,惟忠言耳。 某棲遲 而 有 未教 所 於斯 未 禮 斯 澄 人之德 有 暇。 有 百 絶 後 七 濟之 所 簡 無 未 긁

改

❶ 「會」,原誤作「食」,據宋本、四庫本並《聖宋文選》卷六

説。 下 或 或 子 此 充,乃詔 所 之 冒 綱 采 有 盡 吾君盡 未 此政 上之寵 所 心 其 計 有 賞,於 細 以 所 百 賞 未 教之大害也。 心 助 而 官轉對。 罰 振 以 而 成 傷 是浮淺僥覬之輩,争爲 或 · 兵 矯 王 虚受天下之言也,亦天下君 其大,或誇其利 有 其 道之日也。 輕 所 辭 其未預者,並 而 未 ,上疑下之躁 有 所 , 恩 未練,邊 然獻言之初 信 而 或 許 隱 有 而 虚 煩言。 其 封 輕 所 而 章。 害。 其 未 有

焉。 賞。 權以 言 道之言,在其 其言而行之。 功, 而 未有賞其空言者。 進之,未始 唐文皇賞孫 然後下不冒上之寵 無 某遠 觀 賞 則 五帝三王, 澤 真 逮夫春秋之時,則 有憂天下之心 久 而 伏伽 行焉。 必行,不在其 之諫,以 至於舜 爵 而直其辭,上 今朝 以 尚 者 俞 廷 天 德, 誘於必賞 不 禹 有舉 必 下 拜 欲 禄 始 廢 惟 賢 不 其 求 定 以 疑 進 有 之 重 報 而

> 與 下 聞 浮 之躁 長者之餘 淺僥覬之徒受上之疑於國 而 重 論 其 鬱 説 于胸 此 政 中 教 而 大 莫敢 利 門 也 罄 發 某 者 亦 耻 嘗

仰 貴高 聖壽,實無減皇太后尊崇之威,又足存皇帝 損,奈何後代必 今兩宫慈聖仁孝之德,而行 於外,則是行君臣之儀,非敦母子之義。 則母子之義親,君臣之禮異。 太后聖壽,❷請詔宰臣率百僚於前 萬代之法,請皇 有 制 罪 之體。 ",必不 某昨輒、 人主者矣? 疑 言國家冬至上壽之禮者,❶ 蓋 其 一人與親王皇族 有舅 帝 僥 聖 率 覬 朝 親王 矣。 族 既不能 强 皇族 是 熾 此 故 竊 典,則未見其 正 與 於 輕 此爲 上壽 之,使後代 百僚 殿 内 É 死 中 法, 於内 E 斯言 上 以 兩 宫 重

^{● 「}某」,四庫本作「萬」。● 「某」,原誤作「食」,據宋本、四庫本並《聖宋文選》改。

言哉? 之患, 豈小臣之狂言, 大臣之未思也 大臣未能力救,苟誠爲今日之事,未量後代 正 訓 謂 革 則 忠 襲禮,此何泥於古乎? 其 可 不 臣 「晉文公譎而不正」? 《書》曰「天王 移,帝 ·行焉 禮也,豈昧於權 何 所 若謂某不知聖人之權,則孔子 執 王 或曰 議 名器,乾坤定矣,豈沿革 五帝不相沿樂,●三王不 先王 狩 于河 哉 制 ? 某謂禮樂等數,沿 以臣召君,不可 禮之心, 陽」, 小臣昧死力言, 是諱 非 其 萬 之可 何 權 世 以 以 而 相 利

?

則 幾 賤 文 日 之士 滔 必 報 移 其心。 公 我遜言易人,遜 滔 危 某天拙之効,不以富貴屈其身,不以 一之清 有二黨 乎天下皆是,何必某之舉也。 行 王道 舉。 儻進用於時,必有甚於今者,庶 焉。 如 正 求少 其 一 曰: 直 行易合,人生安樂,何 一,何用 言少 曲 我發必 過自全之士, 爲? 危言, 夫天 其 貧

> 何逃? 大臣 用憂爲? 深研幾,豈斯言之信哉? 於怨,政教日墜,禍 使縉紳之人皆遜其言行,則致 於無過,致民於無怨,政教不墜,禍患不起, 人皆謂危言危行,非遠害全身之謀,此 浸盛於 罪於時,其徒皆結舌而去,則人主 理亂,在二黨勝負之間 全身之得乎? 太平之下,浩然無憂。 之甚矣。 憂,至有管寧之徒涉 喪其助,而 中外, 豈國家之福、大臣之心乎? 當此之時,縱能遜言遜行,豈遠 使縉紳 斯 遜言遜 凡今之人,生 黨者,常交戰 之人皆危其言行,則致 患日 此遠害全身之大也 爾。 行之黨 起,大亂之下,悩 海 昔魏晉之亂, 爣 而 一于太 於天下,天下 君 不戦 危言危行,獲 遁。某今進 於過,致民 平,非 蔽 而 勝,將 其 未 聰 然 君 思 害 極 哲

⁰ 日 」,原脱,據宋本補。 《聖宋文選

拜。

謂 之險 危言於 免咎,此書尚可議責,使黜之辱之,不 教,則願昌言於 德之心, 之知,使某罄 人之累,則某退 未知所守矣。 不謂之忠,言而無隱不謂之直,則而今而後 朝之責,而忘平生之知,報德之心,亦 尚 可 而遁於異域者乎? 教,則 君 宜 無 蹈 誠 惟 願不悔前日之舉,而 窮 藏 危 朝, 於當 己。 公察某之辭,求 機 其身,省求其過,不敢 以 於 儻察某之志, 時,垂光於將 絶其進。 朝 廷,不 儻以 其 猶 前 遠 愈 某之志 奏既 來。 如 加平生 而 於 爲 不 盡 涉 無 以 賢 可 報 113 海

窮已。

退矣。

決天下進退者,其在公一言乎? 干

矣;

與

其退,則天下

如某

之徒皆不斥

而

自

慮。

與其進,

則天下

如某之徒皆不

召

而

進

赫

之猷,天下所望。

願

論

道之餘,一

賜

鑑

恭惟資政

侍

郎

羽翼

舊賢,股

肱

近

輔,

赫

台嚴 不不 任戦 懼之至。 不宣 某再

犯

范文正公集卷第八

范文正公集卷第九

上時相議制舉書

書

差任。 夫 積 于 然嘗試思之,似有所補,敢 且驚且懼。 昭 善 訟,亭鮮 文 天聖八年五月日,具位某,●再拜上 國者,莫先育材。 蓋鈞造之際,靡不獲所。 相 公閣下: 過客。 況唐虞舊域,風俗淳儉。 棲遲 某昨者伏蒙聖恩,優 偃 育材之方,莫先勸 仰,何以 不冒黷而言之。 退省疎拙, 報 國? 獄 無 書 賜

> 乎? 求哉? 學。 深其旨者,雖朴愚之心,未可與 質成敗,非求道 盡萬物之情。 存乎《禮》,萬物之情存乎《樂》。 存乎《詩》,是非之辯存乎《春秋》,天下之制 言存乎《書》,安危之幾存乎《易》,得失之鑑 道大則才大,才大則功大。 顧瞻禮義,執守規矩,不猶愈於學非 幾,陳得失之鑑,析是非之辯,明天下之制 人入乎六經,則能 勸學之要,❷莫尚宗經。 今文庠不振,師道 至於扣諸子,獵群史,所以觀異同 使斯人之徒輔成王道,復何 於斯也。 服法度之言,察安危之 久缺。爲學者不根 有能 蓋聖人法度之 宗經則道大, 理 適道 故俊哲之 其書 而 ,然必 博 而 者 不

- ❶ 「具」,原誤作「其」,據四庫本並《聖宋文選》卷六改
- 「要」,四庫本作「道」。

則爲君子之憂;風俗其壞,則爲來者之資。 自救,則有來者起而救之。 聖人質文相救 道之正。 代盛衰,與文消息。 風 乎 經 俗 巧 籍 僞。 從 觀南朝之麗,則 政者罕議乎 選用之際,常患 ()變而 觀虞夏之純,則 無 教化。 窮。 知國風之衰 是故文章以薄, 前代之季,不能 才難。 故文章柔 某 可見 聞 靡 惟 Ŧ. 前

雜以 而 伺 要略,則 謂所舉之士皆能熟經籍之大義,知王霸之 斯文丕變,在此 下之才,是將復 舉 其 滯 以 賢之德行。 去留 所 非聖之書,辨二十八將之功 淹, 今朝廷思救其 未至,誤 反屏 詢訪得失,有以 爲 功。 而 如此之類,何所補 弗問 一舉。 其 小爲大、抑薄 若如所量,恐非朝廷勸學 所常習,不 八弊,興 或將 然恐朝 勸天下之學,育天 復制科。 訪 歸 以 以 廷命試之際, 厚之時也。 教 勳 益? 不急之務, 育 陳七十 不獨 爲 蓋欲 振

> 得失尚 意也。 設,足以誤多士之心,不足以救斯 將博習非聖,旁攻異端。 未至,誤其所嘗習 並 爲 發,逮于後舉,差之益遠。 育才之道也 我器 練 王霸之術,問十得十,亦朝廷教育之本 況文有精粗,理有 多,何患 用 輔 我 何 去留 風 哉 教。 ? 則天下賢俊莫知所守, 之難乎? 或 設使皆明 聖人之門,無復啓 家 優劣,明試之下, 如 勸 此, 學 今或伺其所 經籍之旨 育 則 文之弊。❶ 材 制 科之 必求

學校,設科等,率賢俊以趨之,各使盡 天下。得之者昌,失之者亡。 就其器,將以共理于天下。 德」,斯之謂矣。 恭惟前聖之文之道,昭 願相府爲此一舉,儻昌 故《書》曰「咸有 昭 後 乎 世 爲 神器 聖 其 人 心, 開 於

予大全文粹》、《文章辨體彙選》改。
「文」,原作「人」,據四庫本並《聖宋文選》、《五百家播

不興 嚴 天地者矣。 吉甫輩頌君之德,吾相之功登于金石 人之門,成王佐之器。 下賢俊翕然修經濟之業,以教化 之以正史,該之以方略,濟之以 言于兩 士,必穆穆于王庭矣。 ,無任僭越戰汗之至。某再拜。 (乎? 制, 救文之弊,自相公之造也。 如 四海幸甚,千載幸甚! 能 命 試之際,先之以 何患俊乂不充,風化 十數年間,異 時務,使 爲心,趨 六經,次 干犯台 永于 當有 傑 天 聖

與歐静書

之名,其道甚大。夫子删《書》,斷自唐虞已足下命爲《唐典》,以僕觀之,似所未安。典三十卷,各於文首序其所以,而善惡昭焉。足下:近滕從事子京編李唐制誥之文,成足下:近滕從事子京編李唐制誥之文,成

有矣。 冤之。 常行之典。乃知聖人筆削之際,優劣存焉, 之書,則有訓、誥、誓、命之文,皆隨事名篇 百代之下,堯舜何足尚,桀紂何足愧也 助欺天之醜乎? 是聖狂不分,治亂一致, 戮辱忠良,制書之下,欺天蔽民,人到于今 王之略,每下詔命,多有警策。 之世三百年,治亂 如《詩》有《國風》、《雅》、《頌》之别也。 無復爲典。 謂二帝之道可爲百代常行之則。 下,今之存者五十九篇,惟 儻亦以典爲名,躋于唐虞之列,不亦 如則天、中宗昏亂之朝,誅害宗室 以 其或非 和半。 帝道,則未足爲百代 如貞觀、開元有 堯舜二篇爲典, 失之者蓋 其次夏商 李唐 霸 亦

以「統制」之名易之,而足下大爲不可,貽書僕不忍天下君子將切齒於子京,乃請

❶ 「七月十二日」,宋本僅記爲「月日」。

見尤。 使自求之,而治亂之源在矣。 名,以明備載其文,不復優劣。 制之一名而統諸命令也。故以「統制」爲 敕聖旨之類,●違者皆得違制之坐,亦足見 制之官,皆承奉王言之義也。又今詔誥 制,是制之一名,統諸詔命。又有待制、承 然近代以來,暨于今朝,王言之司謂之兩 七,何特以制名焉? 七者之名,有則有矣。 劣,庶幾不 僕 謂 損大義爾。 制者, 天子命令之文,無 足下謂册制 觀其文者, 之 類 他 官 有 優

字,而有典謨誓命之殊。 也。 而優劣不在乎「詩」之一字,而有《國風》、 徒著書,文中子著六經,而無譏其僭者。非 在乎「春秋」二字,而 ·書」者載言之名,而優劣不在乎「書」之一 蓋「春秋」以時 足下又謂吕不韋輩著《春秋》,賈誼 記 有凡 事 加 「詩」者言志之名, 爲名也,優劣不 例、變例之文。 之

> 咸可爲《頌》乎? 足下若以唐之制書咸可爲典,則唐人之詩 典、謨、訓、誥、《國風》、《雅》、《頌》之名者。 書》之名,蓋 雅》、《頌》之議。 不在 乎優 諸 儒 劣之 擬《 春 地 秋 也,未有亂 以》、《詩

乎。 高爾。 爲大範哉? 度,復折中而論其可者,以爲典要,尚 官局可爲令式尊之爲典者,亦唐 以此二書爲證。亦未也。 矧二書之作,非經聖人筆削,又何足 足下又謂唐有《六典》,杜佑著《通典》, 又《通典》之書,叙六代沿革、禮樂 《六典》者,唐之 入一 時自 庶 幾 制 仰

人之意。後之諸儒異端,伯起不足繁以自足下博識之士,當於六經之中,專師聖

❶「今」,原作「令」,據宋本改。

取 0 典之爲名,孰敢聞命 或足下 必 以 統 制 爲 ? 非, 某再 則 拜 請 别 爲 其

與周騤推官書

爲非。 制》。 夫子因其舊史,優劣不存焉。 孰敢聞 以《統制》爲非,則請别爲 其舊名,可曰《有唐册制》。 乃求而閱之,果千首中有册文十五。❸ 貽書云:❷「中有册文,詎可 本,而酌以重輕,請避堯舜二典,曰《有 首,歐伯起請目之曰《唐典》,僕始末 周兄: 去年秋,滕子京集 六月十五 伯起以書見讓,謂「典」爲是,謂 僕亦辨而言焉,而伯起不釋。 命?」伯 日 起 同 謂,典謨訓誥 年弟范某,再 之目。 李 僕前書云:「必 統而 唐 僕謂,舊史之 制 其 以 爲制?」僕 書 7拜奉 來遠 典爲名, 得 今復 或因 閲 唐 一千 書 制 其 統

> 耶 ? 辭焉。 删 之,亦聖人之優劣 之意? 僕謂典謨訓誥之文,或因其 從而讚之,有「聖人」,有「后」,有「君子」之 文,亦不苟作。 有六典。 亦史也,從而序之,豈獨因其舊篇,無 舊史之文從而明之,有褒貶之例焉。 登降之意也。 可 國風》、《雅》、《頌》之倫焉。修《春秋》則因 於聖人,此又不足稱矣。 者從而明之,其不可者從而正之,未嘗無 夏或有之,何不列之于《書》? 刊《詩》則因前人之作從而次之,有 僕謂政典者,果夏書耶? 是故言《易》則因先王之卦 聖 也。 人筆 伯起謂夏有政 削 經 史,皆因 周之六典者 舊 其 典, 或見 虞 優 而 舊 書 周 劣 次

予,屬下或可通。 「伯起」,宋本作「百起」,屬上。然「伯起」適爲歐静之

[「]貽」,四庫本作「遺」,亦可通。

[「]詎可」至「册文」,十九字原脱,據宋本補。

名 《皇謨》,柳宗元有《平淮 作。 無 之心乎? 爲佞乎? 典爲名者,何哉? 亂之文,躋于三代之上,炳堯舜之光明。 人也,而深於文,不曰典 師,使後之明王有所稽仰 君子不取也。 典、晉典、梁典。 日 流咸不到伯起之心邪? 之際,六典不預 度書于典 周 雅,二君誠不佞歟 優劣之心,唐三百年 ,則何以哉? 禮》云「天官 或佞之於前,或失之於後,非其正史, 册 以其 如有優劣之心,則不當以 非 自堯舜 册 焉。 掌 記言之 進退無所據,而序引滋繁, 僕謂此四典者,必文人苟 制,特謂之典,豈 建 蓋尊 伯 ! 邦之六典」,乃 而後,歷代之史無 册制之文,一旦易 起 例 伯起,非唐人也,反 而 夷雅》。元、柳, 伯 ,豈丘明、班、馬 避堯舜爲萬 又謂,有漢典、魏 也。 曰謨,不曰頌 起又謂,元結有 夫子 有 錯 删 周 世之 優 綜治 之法 書 如 其 劣 唐 之 以 而

> 斯 愽 枝 星之昭昭。 兄積學于 2者乎? 文。 葉之云 甚善甚善 書, 不 將 願質 固 復詳 得道于心 有 ! (其疑,使來者不敢竊 所激 釋, 不宣。 豈 而 ,覽聖人之旨, 秀言 極 某再拜。 其 理 亂 一要乎? 正 學 亂 如 非 於 日 周 而

與唐處士書

藝觀 禮樂失馭。 故 妙指美聲,巧以相尚,喪其大,矜其細,人以 而 士唐君:蓋聞聖人之作琴也,鼓天地之和 諭 和 德崔 焉。 天 十二月日,●高平范某謹再 下。 皇宋文明之運,宜 公,其人也。 于嗟乎,琴散久矣。 琴之道,大乎哉! 得琴之道,志於斯 建大雅。 拜 後之傳者 秦作之後, 致 書 東宫 于 愚之咎,亦冀捨旃。 矣 ? 賜也,豈不大哉? 又先王之琴,傳傳 之一二,使得操堯舜之音,遊羲黄之域。 公既没,琴不在於君乎? 歌 者?」曰:「唐處士可矣。」某拜而退,美 佞。 庶幾宣三樂之情,以美生平而可乎? 屬遠仕千里,未獲所存。今復選于上京,崔 厲 下,一日請 而 樂於斯, 曰:有人焉,有人焉。 日 静,和潤 而 又請 誠不敢助南薰之詩,以爲天下富壽,● 上聖之風,存乎盛時。其旨也,豈 弗躁弗佞,然後君子,其中和之道 弗静,其失也躁; 垂 曰:「今之能琴,誰 而 而遠。」某拜而退,思而釋曰 五. 曰:「琴何爲是?」公曰:「清 自然之義 + 年。 不宣。某再拜 清静平和,性 和潤而弗遠,其 在矣。 且將 君將憐其意,授 可 某當遊於門 師 與 其一二。 與琴會, 先 生 不 而 飲 某 失 狂 遠 其 而 和 也 厲 無 ? 清

百趙元昊書

子一等,恩信隆厚,始終如一。 封爲夏王。 石, ❷我真宗皇帝命爲同 夏國大王: 伏以先大王 正月 履此 日,具位某,謹 Ш 河 之大,旌旗車服 姓,待以骨肉之親 歸 嚮 脩 誠 朝廷,心如 齊桓、晉文 意 **奉** 降天 書 金 干

■「富」、宋本無此字。

「先大王歸嚮朝廷心如金石」、《續資治通鑑長編》卷一三○所載,於此前有敘述背景之一段,爲各本所無 「高延德至,傳大王之言,以休兵息民之意,請於中國、 監書。又爲前者行人不達而歸故,未遣親信,不爲書 甚善。又爲前者行人不達而歸故,未遣親信,不爲書 甚書。又爲前者行人不達而歸故,未遣親信,不爲書 國豐數州本爲內地,請移河朔之兵,合關中之力,以圖 數便。我真宗皇帝文德柔遠,而先大王請嚮朝廷、心 中復。我真宗皇帝文德柔遠,而先大王請嚮朝廷、心 中金石。」

年。 之盛 禾 之至化,亦先大王之大功也。 可勝紀。 馬駝羊之産,金銀繒帛之貨,交受其 黍雲合,甲胄塵委。 使蕃漢之民,爲堯舜之俗,此真宗皇帝 , 無 以 塞垣之下,逾三十年,有耕無 過 此 朝聘之使,往來如家。 養生葬死,各終天 (利,不 戦, 4

失,而驟絶之? 外,莫不驚憤,請收行人,戮於都市。 情,推立大位,誠不 崇重一如先大王。昨者大王以本國衆多之 蕃之長,抗禮於大王 歲寒之本意,故夏王忠順之大功,豈一朝之 詔曰,非不能以 人告于天子,又遣行人歸 遣使行吊賻之禮,以大王嗣守其國 初念終,天子何負於大王哉? 自先大王薨背,今皇震悼,累 乃不 四海之力支其一方,念先 · 獲 ,而能含容之若此 殺而還。假 讓 ,理有未安,而 其旌 節。 有 日 朝廷中 ,●爵命 本 嘻 國 乎? 皇帝 遣行 · · 諸

> 子之意。某與大王 某拜手稽首,敢不夙夜于懷? 大王一二而陳之。 豈有孝於父母 朝廷,於天子則父母也,於大 見諸將帥,多務小功,不爲大略 戰,不殺非辜,王者之兵也。 哭泣相聞。 戰守之人 廢 天子遣某 杼。 邊界 年 日夜豺虎,競爲 以 經 仁人爲之流涕,智士爲之扼 蕭 來, 度 然,豈 而欲害于兄弟哉? 西 疆 事,而 事 雖未嘗高 紛起。 獨 漢 命之曰:「有征 民 吞噬,死 之勞 耕者 會,嚮 汝往 王則兄弟也 至邊之日 「, 甚 弊 廢耒,織 欽哉 傷 耶 可不 者 未 相 ? 同 副 腕 枕, 天 無 使 者 事

之俗,何獨 不成。」大王世居 傳曰:「名不正則言不順,言不 名稱與 西土,衣 中 朝 天子侔擬 冠 語 言 ? 皆 從 順 名豈 則 本 國 正 事

其 世 朝 王 契 某 事 之禮,傷天地之仁。 ൬ 體 八丹自 世 料 世 廷 ,單于、可 言 勢,昭然 者 受天子 大王 有 贵 功,王 ,大王當爲 石 順 晉 必 平 建 汗 以 朝 ? 不同。 王 皆本 或 契 有 一不絶。 如 封 丹 援 霸、 或 衆 王 立 爲 徒使 主,率諸 極 情 一之功 之恩,如諸蕃中有 比, 乃欲 尊之 莫 瘡 故自 奪 時 痍 擬 稱,具在 已 侯 萬 契丹之稱, 亦 謂 稱 民 以伐之, 有 可 帝 了, 拒 漢 行。 今大 方 唐 朝 册 則 且 廷 究 叛 故

百世。 覆 我稼 傾 萬 寶 尋干戈 物,故其道 日 相 檣 又傳 位。 易》曰:「天地之大德曰 續。 昔在唐 血我 皇天震 何以 日 老氏 不窮; 生靈 國家以仁獲之,以仁守之者 守位 末,天下恟恟,群雄 日 怒, 一,腥 ? 聖人養萬民,故 罰 我 樂殺人者,不 曰 其 天 仁。」是 不 地 仁,五代 滅 生, 我 聖人 以 禮 咆哮,日 可 其 天 樂,絶 王 之大 如 位 地 杰 不

> 爲,與 湖、西 革五 戴 於天 父母。 祖 朝 熙然同春。 并 非 有 太宗皇帝聖文神武,表正 曰:「願 不,不 皇 也 忤 晉 應 下。 代之暴,垂八十 天順 雷 帝 就 契丹 ĴΪ 血 此所 霆 應 縛。 早 人 有九江 誠 祈 生 刃 通好,受先大王貢禮 雖 謂 今皇帝坐朝至晏,從諫 之至乎 不 真宗皇 而 聖 死 以 受 生。 誣 人,以 仁獲之,以仁守之,百世之 必 禪 萬 矣。 赦 ? 里 及 于 帝 年,天下 救天下。」是年,我 之阻 後 周 歷 奉 由 故 唐 萬 試 天 是 四 , 1邦,吴 顯 廣 諸 體 罷 海 無 宗 南、 難,中 舉 道 之心 自 禍 諸 祈 越納 而 江 亂 侯 清 于 兹 之兵, 之憂。 南 如 下 浄 E 望 几 ·, 豈 忻 太 天 如 海 無 荆

今以 城 無 某 强 備 料 人猛 大 心 王 馬 不 建 奔 齊 議 衝 之 長 漢 初 驅 地 人 而 有 來 年 離 于 所 間 兹,漢之 嚮 ,妄言邊 必下

界。 之言。 蘭 可了 必 强 各思奮 賞,敗事必誅。 武 鄭 獲 餘 平之徒,忠敢 驗 王 兵民 久平,人人泰 之居 奪。 (者賞,害老幼 則 也。 功,禍莫大焉。」而 人 劉平爲賀。 皆 ? 著其律曰 或 固 今邊上訓 一力効命,争議進兵。 喜。 勝或負 與夫 可 此 有 今招 彼之兵 取 口 血 間 則 惟 見 戰 討 然,不習 昔鄭· 而 者之説,無乃 聖 取 ,殺傷俱 而 子 婦女者斬。 將 生 民 司 進,不 練 死 産 宋 帥 可 降者賞 降者、 統 漸 者 人侵蔡,獲司 仁 後鄭 曰:「小 城 而 精,恩 兵 戰 及 多。 0 下, 顧 則 兀 無 天 鬭,不熟紀律。 國之禍 衆 死者,所失多 ,殺降者斬 城 + 如其 下, 異乎? 大知紀律,莫 威 遇堅必戰,遇險 大王國人,必以 察,自 國 城 萬 以 邦本 縱 無 不然, 立,有 皆 馬 約 未 文治而 將 取 公子變, Ŧi. 能 今 天 如 不 願 其 路 獲 何 功 子 摇 歸 木 精 時 必 産 有 劉 下 之 大

> 魄、爲妖爲災、大王其可忽諸 於天子耳。 也,忠於大 鋒刃之交,相傷必衆。 夜于懷。 某又念皇 是 大 王 自 雖 帝 禍 王 使忠孝之人肝 師 有 其 耳。 帥 民 征 之行, 漢兵 無戰,不殺 官 軍之 且蕃兵 君命有所 戰 死 勢 腦 非 不 塗 非 戰 辜」之訓 獲 地 有 死 不 罪 , 非 而 積累 也, 已 有 也 忠 恕 罪 何 夙

與 廷,復其王爵,承 美利 莫若通問於大王 子 前 其賢哉? 所 招討太尉夏公、經略密學韓公嘗議 何 謂 甚衆,大王 朝廷以 蕃漢之限哉? 漢 唐 也。 故 王者 事 如 , 計 先大王之志,天下孰 無 如 如 能 外, 衆 而 單 以 何勝 决之,重人命也 多之情,三 于、可汗之稱 愛民爲 有生之民, 負之言 意, 讓 禮 皆 尚 其 不獲 爲 不 下 其 某 有 赤 稱 朝

❶ 「固」,宋本並《續資治通鑑長編》所引無此字。

亦已請 七也 順,自不失其富貴 故,宜善 母 五. 事,功高者受朝 相皆出真拜,又吴越王錢氏有承 稱 賜,爲大王助 無 也。 可 王之國,府用或闕,朝 怨,不速天下之兵,使 有在大王之國 之邦,但 也。 ※死傷 蕃吏之職,以 稽 但臣貢 六也。 ,於本國語言爲便,復不失其尊大。 罷 又馬牛駞羊之産,金銀繒帛之貨,有 昨有邊臣上言,乞招致蕃部首領,某 相枕、哭泣 事主, 回意中 (上國,存中外之體,不召天下之 國家以 大王告諭諸蕃首領,不須 者 以 四 廷之命,亦足隆 避中朝之尊。 ,而宗族之人,必更優恤 報 也。 朝,則 相聞之醜。 朝廷不戮其 四 或 廷每歲必有物帛之厚 海 蕃漢邊 又從來入貢使人,止 士之知。 之廣,豈 太平之樂,遐 人復見康樂, 按漢諸 三也。 家,安全 大王之體 惟 無 制 同 補官 遺 去 才? 又大 心 濔 侯 父 故 鄉 如 同 王.

上下失其美利,生民之患何時而息哉?下同其美利,生民之患幾乎息矣。不從,則無交易,各得其所。八也。大王從之,則上

惟大王擇焉。不宣。某再拜。親之訓,救生民之患,合天地之仁而已乎。

答安撫王内翰書

行 堪王事 憂。 略, 及 壁猶自貴。 7,采西 猥陋 忤朝廷意。 如卞生獻 某諮 某敢一 7,豈當一 北 目,上安撫 士庶之言,欲下情之無 奈何 不罄其所見,誠無 預聞賢大夫之末 璧,不知其 既去 有昏眩之疾,舉止 内翰學士: 職 任 止 而 足 議 尚 取焉 雖 ? 某 懷 壅。 可 少力,不 或 處 閣 刖 家 事 下 又 詢 此 之 疎 而

昨

者西戎僭中朝之號

兀

海

憤怒

招納 無休兵 其餘 瑋之材,尚堪委以 紀明、唐之李靖,誠可行焉。 邊將之耻,必 天下 取 漢 須 義 唐 へ之期。 索 故 國威 當 尚 事 討 如 有議 加討伐。 愈 伐。 如更有沮敗,則 單 屈 主 大事。 今肯稱 爲 論 與 可 禍 苟得 奪。 汗 轉 不然,則 兀卒, 之 深。 良帥 或失此 其 下 類 用 儻 此 以 重爲 如漢 何 如今朝曹 朝 機 理 澼 道 狂 頗 會 中 之 却 國 欲 卒 順 朝 段 家 行 雪

陜

謂 使,休寧北 弊 華,五代以 (史記 于八書, 無成 明主矣。 中國,終成大 昔 功。 秦漢 律 有旨哉 來,屢有 陲,爲天下 書》,有漢文之議,言高旨遠,可 致天下和樂,通于律吕,故馬 真宗皇 威 加 悔 四 一帝取漢 侵侮。 夷, 至如 景 限 福 西晉之衰 長 四 累 文之策,結 城 十年矣。 朝 欲 勒 刷 7,群 燕 大 Ш 今按 和 胡 耻 遷 通 圖 木

> 人。 擢。 手殿 任, 門地,巧於結託 決勝 於韜鈐, 邊之策。 勝,縱邊 必將發奇謀,出死力,然後 皆不得已。 宜於沿邊及諸 西 令手下各有兵 待 庶可用之才, 如資 負, 沿邊二千里 其 姚 備 以 患未 但 奈 貴 邊 地 致 觀 何將 賊每全軍 之 至 劉 敗 息 釁 議 一淺,勳 處 廷 事。 而 佐之中,少 使 以 而 光輩 早補 攻 州 雖 甲。 臣 取 無 使 須 復 軍 勞未著, 而 軍 虚 長 9 鑑 納 將 來,此 城 俟其 名。 員 驅之害 來 覆轍 帥 好 可禦 寨 可 中 不 之乏。 精方略。 觀 有立, 或出 厚 以 固 則 即 搜訪 速 其効。 也。 獲, ,亦足爲 兵 以 不 使 軍 於 寡 勢 可 智勇之 權 去 不必大 即 如 班 更 擊 分 懈 弓 或 不 領 又涇 時 味味 張 守 也 籥 禦 全 進 職 因

羞。

⁰ 肯」,原作「貴」

¹⁹²

日

進,關 怯。 惟 原 萬,大爲之防。 閣 地 下以 平少險,奇兵難 中 來賊之人寇,恐多 衆説 擾,衆必大潰,天下 參 不然,或有所不支,乘 取,爲國 用 由 傷 家圖之。 此 殘之後,人 路,須益 有危 不宣。 事 兵 虚 心 矣。 Ŧi. 憂 而

上吕相公書三首

某

再

拜

言開 具焉。 止 某奉命此行,至重至憂。 未 到 數 釋。 日 邊 某啓: ,復還延安。 隅 初 尋來鄜延路巡按,北視金明之役, 無 至長安,見九江太尉 仲秋 可述者。 漸 涼、伏 極邊之情 或 初欲道 惟 有 相公台 屑 指 首傳台旨,頗 屑 之見 中 掌 Ė 候 可 ?,奏 牘 記 萬 見。 以以 福

一蕩去。後來招安到蕃部三百來户,不足金明一邑,舊寨三十六,人馬數萬,一

救者。 爲用。 安、長寧、白 奏劄子,方永興軍繫署,今有圖子,先具呈上 亦不能守,必須建 東西僅 路。 四 軍 將修寬州,以 又塞門寨圍 百里,藩 民數千, 草 四 寨,棄爲 軍。 籬 逼十 時 禦 殆 覆没。 其利害具於奏中。 東 盡 旬,諸將 北。 虜境,延安之北 近修 及廢 非多 金明,聊支 逗 承 屯軍馬, 留 不、南 無 敢 所

鳥散窮 憂也。 皆不知 帥 有 勝,賊勢不衰,縱 以待寇。 風雨之變,人在 無 謀 今延安兵馬二萬六千,患訓練未精,將 沙。 或得其人,精練士卒。 所 俟 問 爲 有斬 復 以 但 數 舊 言出 獲,乘 路 入討除,豈肯逃散 漢 Ш 賊 疆 兵 |I|宜 來之勢,●何 勝深人。 之險,糧盡 而 己。 有 日 Ш 此 矣。 賊]1] 不 路 策以 ? 勢一破, 險惡,據 · 可 不 如 或天 未克 爲 進

❶ 「之」,原無,據宋本補。

之惡也。 四 退 干 有 里, 患。 或遇 此宜 河 屈 風 慎 曲 重 雨,不敵自困。 之秋也。 涉 者十三度, 自 延 此 州 言 至金 Ш 111 明

律。 少處 賜威 失則大。 精 俟其 ,惟相府裁之。 强 (精强 但 臨 命 延安重鎮,數郡仰 某今與延安當職議定約束,急於訓 ,則邊鄙可定,廟堂無憂。 親 時制置,不必倣此。 段待制 ,可禦可伐。 年 八十,寓於他郡,復言不 西人所望,明鎬 某惶恐再拜。 亦令録奏,乞朝 賴,若不主戎政,所 又張 别路 亦細知邊 龍 圖 練 更道 兵 廷 練。 兵 馬 特

又

同 ,而文武之用 ,歸于治者也。 一書于昭文僕射 + 月 四 日,●具位范某,❷謹東望 異。 傳 相 公閣 曰:「天下安,注意 然則 下 經天下, 3定禍亂 竊以文武之道 相 再 拜

> 久矣。 有四方之志。 外武 也。 外重 得已也。 權相 天下 廷渴用將帥,大患乏人。 太平之基。 吏,馳騁于郡國,以 帥, 軋 皇朝罷節 内輕,血 危,注意將 後世多故,中 ,至有大將軍而居三司之上,蓋時不 無 五代衰亂,專上武力,諸侯握兵, 復 既 肉 一旦戎狄叛常,爰及征 以 侯,署文吏,以大救其弊,立 而 生靈,王室如綴,此武之弊 方略 四 斯則將是 対民 夷咸賓,忘戰 外不 爲言, 此文之弊也 進身爲事業,不 相之設,文武之殊 恬,二道相高,二 惟文法錢穀之 日久。 復 内 朝

琦 與某 前 則劉 貳于元帥,不能成績,以罪失職 平陷没,范資政去官。 次 則 復 韓

十一月四日」,宋本作「年月日」。

范」,原無,據宋本補。

[「]下」,宋本作「地」。

前代 儒。 都 又 用 中 賞不足猒 和 去而 以 夏、 敗 統、蓋爲此 儒 門之笑 不任 之可鑑。 國 無 彼 更張之。 陳分處二 謂 事 功,勢必移于武帥。 其心。 事 相 且 況急 輔 議 也。 則豈 三委文帥,一 大臣 故裴度淮西之行,不落韓 耶? 道 而 外 一,期 止於笑? 用之,必 寇未平, 朋 今歸之四路, 獎文吏,他 于 平 -定,近 無武 彼或 驕 而 當尤 且 萌 怨,重 專 功,得 内 日 以 而 而怒之。 復皆 患。 四 師 失謀, 路 權 老 不 洪 此 厚 之 用 爲 罷

路以 舊 則 网 相 使諸將帥 通 擇 濟 府 文, 其 俊乂 大臣 某不避近名之嫌,有表陳 軍 可相 因 爲之參佐,仍使 高者得色,下者增氣。 政, 路以武,涇原、秦鳳二帥 而圖之。 援矣。 涇 原、 秦鳳 今王仲寶是環慶部署,兼 如鄜 亦 鄜 延、 如 延、 、讓,願 舊 環 環 制 慶二帥 如 慶 寡 亦如之。 相公與 則 策 謀 路 管 略 如 可 鄜

> 延兵馬 用。 和 更 副 今日之謗議,平他時之驕 改部: 都部署,於今亦然。 爲 一路兼資,均其事任,同 一,何憂乎邊 敕,惟續降宣旨以 許懷 隐是鄜 延部 惟 患 新命 兼 署,兼管環 矣? 之,乃 都 部署 怨,使文武之道 舊 則未 其休戚,足 制 慶兵馬。 也。 有 既 處 分,固 涇 文 原、 以 武 秦鳳 不 恊 息 冬 煩

動,則 邊 园 仍領安撫舊名,亦足救生民之困 則 爲重,僅之虚 之貳,謂之參用,則此使 雨 一之意 前 陲之利病,咸 雪之阻, 日换 某復慮朝 某 附附 願 者人,皆以 避此 記 故 設。 注 廷 復 得 一梁學 路, 以 聞 拜此。不 或以 以待 逐路 于 士達 儒視之。 朝 文换武 武帥。 權 部 廷,不 于 署 雜 任懇切 台 伍 爲 或以 ,謂之參用 聽 爲 弊, 請 經 于下,不 輕 主外 略、 憂惶之 愁道 新 矣。 復可 帥 招 計 足 涂 品 按 難 討

❶ 「愁」,宋本作「恐」,亦可通。

六八

至。不宣。某再拜

又

察使。 僕射 懼,不敢聞于天聽,而敢 於己安乎? 軍之上,責人死效,而自以無功,受國重賞, 故循牆而 **豈敢忽千鍾之重哉**? 方面之重,受兹寵異,爲某之福,可謂大矣, 養親計。 獲俞旨。 相公: 六月日,具位 祗膺睿渥,且榮且憂。三上讓章,未 走,思以避之。 怔忪進 竊 念某 某近者伏奉制 其他利害,具 小幼孤 退,懼不可 一范某,謹 且賤,始求 蓋聞福者 陳之於相府 何則? 在 齋沐 命,就 得。 封 奏。 Ė 禍之所伏, 今朝 五斗禄 除 書 居諸將諸 復有大 邠 于 廷 州 昭 以 爲 觀 文

萬之賄,便能充無猒之心、息舉國之衆乎? 或 可 暫弭 今西北 ,奈何積 聳動,在北爲 年之謀 大,雖遣使 朝 而 發 ",以 人脩 數十 好

> 之 ? 以羸 必 之福,忘喪敗之禍耶 濟,此相公之所 以措手足於其間哉? 池之内,自擁其精甲, 之誅,持 方,居大使節度之下,見利 危,生民之性 在前,重 先 兵。 困 遠慮近憂,先聖之明訓,何 我 典在後。❶ 重 利害 耐 而 謀 終 命,某豈 不得言,進退不 於 則誣以逗留之咎。 鑑 用 也。 當此之時,儒臣 兵。 救危赴難之際 可 劉平之勇,猶 不 是 萬 而 則繫 自 舉 得專。 量 某 則 國 敢 力 輩 加 堅城 荷 家 文 而 移 以 而 不克 之 大敵 寵 輒 吏 擅 帥 T 禄 當 何 授 深 興 朔

爲 其委注,衆皆望風 武 帥, 某謂 與之參用,功相萬也。 朝廷用儒之要,莫若異 禀畏,以 濟邊 某謂 事。 其 品 相公弼 比 流 夫 改 降

● 「鑑」、宋本作「覽」。
● 「樂」、原作「兵」、據宋本改。

乎 籌於 廟社 爾。 今日 輩 諧 ? 於 奔走於外,經畫百事,亦不 [避此 稷,以報君親,以庇生靈,豈小節之謂 内,某輩竭力於外。 爲 内,在天下安危之事,不 國 [家先重其身,而安其 命者,豈偷安之人哉? 内外 得 得 協 心 而 而 一,奉安宗 賴 誠 讓 讓 有 相 也 也 所 公 坐 存 某 某

情 神 中 必 甚 能 無 明 任 其 白 恕 恭 惟 危切之至。 照 狂者之多言,采愚者之一得。 無愧於日月,無隱於廊 ,某豈得 相公與二府大臣同憂天下之時, 不宣。 而 昧之? 某惶恐再拜。 干冒台嚴,卑 廟,惟 某胸 相 公

上 樞 密尚

萬 福 某 啓 奔 秋涼 走 道 伏伏 塗 一,疲 惟 水 樞 已 密 甚。 尚 書台 加 應 候 答文 起 居

> 移 中夕不 寐 無 暇 撰 脩 謝 啓 伏 增 惶 懼

寒凛。 路,夾 拳負 兵。 又將 之流,屈 二寨,并李士彬下蕃部寨三十六所,❷悉已 野蕭條。 川之惡,諸 視城壘之役,且欲深見邊事。 遂麋鹿之趣。 去,盡没蕃境,人不敢詣。 (荷, 不能 兵聚城 帥 某久在江 以 庫緡空虚,不議營搆。 無 曲 峻 謀 金明北百里之間,元有塞門、栲栳 Щ 如 處 中,無 繞。 不 鮮 無 外, 而朝 暑雨之期,湍走 並 憂。 務 一舍之程,渡涉十數。 舍可泊。 職業 訓 廷過 兵馬出 今至延 練, 無 坐 聽,越次寄任。 可 木 人, 所 安、北入金明、 又此 惟 糧 馬 戎馬之後,原 守禦之術,寂 大石。 望 暴露 道 間 一,惟請 宜慎 廢 隋 一時苦 退, 秋 111 重。 拳 以 益 Ш 久 取

蕩

- 秋凉」,原作「云云」,據宋本改。
- 「三十六」, 四庫本作「二十六」。

七〇

無 聞 張龍 圖 言累陳乞, 只 願 領 郡, 求 免

軍馬 之務 ,諸將何禀焉? 某已有奏章

别選人。 段待制西人所望,無出右者。 事,頗見究心。●

鎬亦

知邊

如僉議未諧

即

明

之憂,未有當者。此夙夜切切,不得已也。 某不敢避。 儒生之算豈能决成? 但一 方

如割。 其 下,雖竭心力,常懼貽 州之始。其於利害,奏牘具焉。 短拙,而 秋霖弗止,禾穗未收。 近分擘延安兵馬,作六將教習,由 不知朝 廷 可 知己之羞。 否之意,惟 斯民之心,在 某卵翼 此 待罪 所 以 門 而 罄 鄜 憂

《省主葉内翰書二首

尚遠台座云云。❷

至 某頓首。 ,思得良大夫主之,故寤寐閣下之賢, 竊 惟皇上念天 下之計,至大

> 慶? 狄之貪,水旱之患,又先王食貨之政、霸王 頗 而 亦皆贍于度支。誠長世之策也。 革其弊,重兵聚于京師。 微,天下多事,諸節度各聚州兵,據 復有 之略、變通之術,不得行於君子,而常柅於 初,約天下之人,以周其用,則倍有餘矣。 而分裂之,蓋不得已也。 本謀,但四方縱横,撲滅不暇,故因其 自支,故有尾大不掉之釁起矣。 廣,吏員加冗。 八九十年間,朝廷全盛 此拜, 然天下之計,其難久矣。 而 人 莫 府庫之災,土木之蠹,夷 得間之。 皇朝開造天下,特 至于諸節度之兵, 用用 憂國 度 日 自 然祖宗之 此 者 滋 李 非 征 可 增增 有 唐 賦 唐 不 兵 功 之 以 中 相

⁰ 卷九三引作「究心」,當是,據改。 尚 究心」,各本均作「疚心」,於義不可通。 云「明鎬亦細知邊事」可爲證 遠台座云云」,宋本作「不宣。 某再拜」。 同 卷《上吕相 《陝西 [通志》

群吏,則天下之計,宜其難矣。

能發。 則 下熟念天下長久之計,考前賢至當之論,❶ 爲,以結上意。又欲言于朝廷,俟當閣 議之,亦懼獲晚節躁言之謗,以 之、則慮搢紳多言、謂閣下力革前數君 吏之可柅也。 盡心,爲國家遠圖。 外,固當不復爲言。 下之計,而應和者寡,故不得行。 必變而通之,非俟某之云云也 某出於孤平,感遇非淺,亦嘗面 但媿致身有餘,報國 某欲筆削于左右,請公自 是君子可行之時,非 今閣下再領大計,必 無狀爾。 故 遲 及 遲 陳 其 子之 君 願 下主 而 閣 行 群 欲 居 天 莫

殘暑,惟自重爲禱。不宣。某上。

又

自信之心,弗改于舊。此金石其誠,對某啓:近辱真誨,答以報之。

正 明 子安其身而後動,易其心 正人安則王室隆,正人危則天下憂。 爲 神 此 而 無愧。 矣。 然國之安危存亡,繫于其人。 天下識者所以重 而 後 語,所以身安 道 卿之高 故君

而國家可保,豈特厚于己耶?

雖一 視死於鴻毛者,豈特輕其己耶? 國同憂之人,宜弗爲也。 天下之禍? 身潔清,千古不昧,奈何邪 漢李膺之徒黑白太明,❷而禁錮戮辱。 漢室亦從而亡之。 如與國 正 存亡,則 僕 相 以 激, 爲 有 與 速

去,雖自信於心,未足爲耻。使太上用忠之議直指,不恤怨謗。及群毀交作,一一斥功,天下爲壽。前者數君子感遇激發,而高少上睿聖至仁,惟股肱協德,則堯舜同

- 「至當」,宋本作「至至」。
- ② 「明」,四庫本作「清」。

某 意 而 能 、頓首 忘邦家之大。 不 謂 鑑 吾 此 道 ? 無 宜 可 其 信 則天下幸 者 與 或 此 同 不 憂, 甚幸甚 爲 無 重 車 乎 ? 尚 不宣。 名節 道 卿

上吕相公并呈中丞諮目知蘇州時

照。 退。 民 則浮議自破,斯民之福也 民之長,豈敢 天下幸甚 而 鈞 説。 翰 患,不忍自安。 意 及畎畝 今得 、又訪以 某諮 計司議之於上,窮俗語之於下。 及按而 ! 二以 目, 某連蹇之人,常欲省事。 曲沮焉? 疏 再拜上僕射相公: 視之,究而思之,則了然 是伊尹耻 導 陳焉,願 積水之事。 去年姑蘇之水,踰 然初未甚曉,惑 垂 一物不獲之心也, 鈞 造審而 何巖廊之上 伏蒙 勿倦, 某爲 秋 及觀 П 口 於 賜

> 水,久 勢矣。 東抵巨 利在 湖溢 人于松江,又使西北入于楊子之與海也,其 荐饑,可不經畫? 東一脉,濟入于河,謂之松江。 西 南之澤尤大,謂之太湖 此 而 姑 而未耗,來年暑雨,復爲 惟松江 一浸,河渠至多,堙塞已久,莫能分其 蘇 江壅,横没諸 四 郊 略平, 退落,漫流始下。或一歲大 今疏導者,不惟 邑。 窊 而 雖北壓 ,納數郡之水。 爲湖者十之二三, 沙焉。 積雨之時, 一揚子江,而 使 東 人 湖 南

者,以 曰 矧 不 决而流之,何爲而不利? 或高,則 日 今開 納 此 夫水之爲物,蓄而停之,何爲而不害? 其善下之, 豈獨不下於此邪? 有潮來,水安得 流。 畎 必 之處,下 某謂 滔滔旁來,豈復姑蘇之有乎? 不然。 流 下 ? 不 江 息,亦明 或曰,江水已高 海 某 所 謂 以爲百谷王 驗 不 矣。 江 或 流

者乎? 然。 不然。 曷爲 閘。 私 時,導達 救 無 水之患。 水 春 之可 海 刻 江 又 溉 之糴 、他望。 不 也。 多。 理 長 卞 姑蘇 其勞哉? 支? 田 其 常時扃之,禦其來潮,沙不能塞 淮 閘 無無 數 謂之天災,實由 東 或 故 無 可救 溝瀆、保其稼 或謂力役之際,大費軍 外工 南之 日,沙 大江 復 歲 或 災沴之後,必有疾疫乘其羸 百 某謂 不 有 納 謂 萬 潮 熯 焉。 一長淮 田 開 斛 苗米三十 民勤 涸之災。 減 也。 因 不然。 ,所植惟 畎之役,重勞民力。 數 潮 如 去秋 公倍矣。 會天下之水 來之時 而 至,數 穑 豐 生,不亦 飢 穰 ,俾百姓 新導之河, 邏 四 潦歲則啓之,疏 耳。 稻,大水 之歲,春役萬人, 年 萬 早歲 放 刻 者 復 斛,官私之糴 少 如 食。 愈於 4, 塞 三十萬, 亦 不 能 而 一,豈 肩之, 飢 必 使民 某謂 也。 惰 能 退 至,秋 + 而 某謂 設 歸 之 而 死 官 以 不 積 駐 諸 力 時 不 死 每 于

> 人,孰 父老傳云,出水 來歲之患矣。 流 有二三,未能 水,今歲平和 决 田 渺 而罷 之歲,日以 人食三升,一月而 必大減。 非 ,使不停 瀰 而涸之,然後爲 導川 用 水不 爲 費 米 蘇、秀間 壅。 殖 萬 軍 Ŧi. 而 播 食 五. 升 無 又 秋望七八。 殖。 千石 尤 縱 召 減 益 哉 松江 功也。 有秋之半,利已大矣。 利。 遇 罷,用米 之 也。 ? 民 復請 耳。 使 大水,其 爲 或 如 泛淺 某 役,因 曲 謂 總 量 增 昨 謂不 九千石 則 陂 積 數 理 開 此 澤之 號 去 而 之出 而 道 可 數 Ŧi. 然。 必 播 日 未 道 河 賑 而 耳。 速,而 去者, 田, 種,非 濟 盤 較 開 以 吴中之 洩去 之, 龍 動 彼之 分 一月 荒 港。 % 成 其 積 必 歉 無

議先 史、縣令之職 之人恐無建 至,非 畎 繪之事 朝廷主之,則無 事之意矣。 也。 職 然今之世 在 郡 蘇、 縣 功 常 一,有 不 而 湖、秀, 時 有 所 毁,守 開 興 導, + 腴 横 刺

恐功利不至,重爲朝廷之憂,且失東南之利宜擇精心盡力之吏,不可以尋常資格而授,千里,國之倉庾也。浙漕之任及數郡之守,

也。

不任惶懼之至。下之心,爲亦留意於此焉。干冒威重,卑情下之心,爲亦留意於此焉。干冒威重,卑情某已具此聞于相府,仰惟中丞有憂天

范文正公集卷第九

祭

文

祭謝賓客文

故賓客謝公之靈。維景祐二年八月日,具位某,謹致祭于

弗醨。 悌之詩。 之堂兮,仗千里之麾。載循良之吏兮,形愷 嗣音兮,非公而誰? 大儒之文兮,醇 嗚 呼! 君子之器兮,安安而弗欹。 踐瀛洲之華兮,弗驅弗馳。 南有諸謝兮,風流不衰。 升 百 醇 立 金 憲 玉 里 而

> 我欺。 成以往兮,我僚何師? 熙熙。國人不得而見兮,望秋光而淚滋。 之秀兮,神實有知。 天地兮胡爲? 仁者以壽兮,我懷安悲? 參東朝而 來兮賢哉,遂偃仰以舒遲。 以厚之。士病其躁兮,公恬退以静之。 臺之端兮,有威有儀。 臧孫之後兮,蓋相繼而丕丕。 非卑。 嗚 呼 ! 嚴子之隣兮,可相 賴堂構之隆兮,天弗 士患其薄兮,公持重 悵日月兮不留,訴 坐西臺而甚泰, 想雲 歸去 與 Ш 而

伏惟尚饗!

祭胡侍郎文

于故侍郎安定公之靈。 維實元二年六月日,具位某,●謹致祭

❶「具位某」,宋本作「具官范某」。

范文正公集卷第十

一七六

哀。 卓茂以禮樂率下,黄 成云亡,薦紳 威刑,積有陰德。 侍,或偃息于外 官守所縻,不皇躬事 惟公出處三朝 興慕。 邦。 安車以謝,正寢而終。 ,始終 憲 某辱 動 以 惟 一德, 度 至 知 量過人。 誠,言有名理。 深 或雍容於近 厚 , 聞 靡尚 計 驚 老

嗚呼悲哉,伏惟尚饗!

祭蔡侍郎文

故參知政事、户部侍郎蔡公之靈。維寶元二年六月日,具位某,謹致祭于

兢 日 顧 庭,冠天下之英雄。 幽 大月崇。 ,退無忡忡。 陋之何階,亦卑飛於牓中。 天生鉅公,●泰 出 處二府,心醇道 端人之徒,莫不望公。 山之東。 孤標孑孑,美聲隆隆 初 充。 瞻公青雲, 矯 首 進 於王 近年 惟 兢

> 嗚呼! 京 蒼天,天杳杳而誰窮? 愚之直, 憫愚 師 密 仰 邦之善人,胡 清 風。 之忠。 立 朝 愚 福不蒙? 禮隔, 貶 未還,公出 報 國心通。 欲一問於 而終。 憂

尚饗!

祭石學士文

維慶曆三年九月日,具位某,謹致祭于

故友曼卿學士之靈。

嗚

呼

!

曼卿之才,大

而

無

媒,

不

登公

卿,善人爲哀。❷ 曼卿之筆,顔精柳骨,❸散

●「鉅」,原誤作「距」,據宋本改。

- 文作「是」。

 ② 「爲」、《永樂大典》卷九○七蘇軾《書曼卿詩稿後》引祭
- 「精」、《永樂大典》引作「筋」。常是。
 下精」、《永樂大典》引作「筋」。宋人朱長文《墨池編》卷

如生。希闊之人,❸必爲神明。❹機,天地一醉,萬物同歸。不見曼卿,憶兮大愛杜甫,獨能嗣之。❷ 曼卿之心,浩然無落人間,寶爲神物。曼卿之詩,氣雄而奇,❶

祭吴龍圖文

尚饗!

故龍圖學士兄之靈。維慶曆三年九月日,具位某,謹致祭于

群靈。 悲 ? 我不 道 憂民,早衰而死。 法,言皆名理。 行。 嗚 呼 ! 得知,泣 魂兮有生,來休盛時。 惟純惟粹,哲人迺生。厥生不易,厥 朝往 與兄相知,積有年矣。行可 而懷之。 日 矣,天地 嗚 重 呼! 一日,人望公起。 又失此人,寧莫我 何 天有五行,播于 情 ? 嗚 呼 憂 國 師

尚饗

祭吕相公文

維慶曆四年十一月日,具位某,●謹

致

祭于故相、贈太師令公吕公之靈。

辭 或 兩宫,訏謀二紀。 際,始終尤難。公覯昌辰,宰予庶揆。 去台衡,命登公衮。 久寧,雍容道行。 嗚 呼 ! 富貴之位,進退惟艱。 雲龍協心,股肱同體。 四 鄙 以養高 多故,憂勞疾 年,如處 君 保 臣 生。 嘉 萬 輔 之

「雄」、《永樂大典》引作「豪」。

詩《蘆浦筆記》卷一〇、《竹莊詩話》卷一九所引皆同。「獨能嗣之」、《永樂大典》引作「酷能似之」。宋人劉昌

「闊」、《永樂大典》引作「世」。

「必」、《永樂大典》引作「死」。

「具位某」,宋本作「具官范某」。

七八

兆,萬 公遺 遁。 存目斷,千里悲風 書,適 嗚 乘 呼 興 哀。 在 邊 日 某 月 士。 素 迭 游 來,數不 就 大鈞 哭不 逮 猥 可 居 П 追 沂 想 輔 兩 無 楹 窮。 得 告

尚 響

祭 陳 相 公文

靈 祭于故相、太子太師、贈司 維 慶曆 四 年十一 月 日 空、侍中 具 位某,●謹 陳公之 致

得 冠 揚 治,出仗旄鉞 處 聖 東朝之極 備 朝 賢之粹; 至 惟公挺生聖時,素懷偉志。 周 念 旋 品 始 ,當夾輔之寄。 五. 大節 終兮覆 訪 紀。 ^ 南華》之深旨。 落落,鍾 入調鼎 質,謝 公輔 崇 鼐 忠勞罄宣,踐 叶 高 高文醇 之器。 兮脱 太平 百 辟 屣。 ż 出 所

> 瞻,五 仰 趨哀次。 其 遺 福 範 具 子孫 望音 美。 徽 大數 光 而 其 斷 餘 奄 絶 懿。 終, 想老成 高 某 風 行 不 而 役 墜 感涕。 邊 隅,阻 搢 紳

尚饗 !

祭 韓 少傅文

維 慶曆 傳、贈太保韓公之靈。 Ŧī. 年 正 月 日, 具 位 某,❷ 謹 致 祭

于故太子少

息 以清、衮職 老,含哺 淑聲大振。天子乃知,命鎮 近 藩 惟公寒苦而立,平直以進。 旨 而 嬉。 斯 酒 補 盈 入領中司,進 樽。 德 미 以 心, 臥 理,不 坤 弗 陟 維。 愧 賢 弗 府 廢清言。 材 兩 負 邦]1] 伸 父 偃 憲

- 0 具位某」,宋本作「具官范某」。
- 具位某」,宋本作「具官范某」。

外。 功 之衰,邦國不幸。 成名遂, 子孫詵; 嗚呼! 揖 詵 讓 ,禮樂簪 厥 而 生有涯,終焉惟命。 退。 紳。 爲 國 積善之報, 元 老, 望 柱石 集 高 于 中

尚饗!

祭 知 環 外种 染院文

靈。 祭 于故環慶 維 慶 曆 鈴 五. 轄、 年 閏 知環 五. 月 州、 日 東染院使 具 位 某 0 种 君之 謹 致

兮,服我者撫。 百 君從邊事兮,獨立不懼。 難 余知君兮,屢以 堵。 兮,白髮始遇。 惟 鑿山 君 少 出泉兮,兵民 負 氣 才舉。 延安東北兮,俗康 岸兮, 西戎入寇兮,邊 改環之麾兮,禦彼 聲 營故寬州兮,一日 鼓舞。 蓋 關 輔 叛我 財 臣共 阜。 青 者 春 沮 攻 伊

> 侮。 虜。 愛如 盡 長 如 往兮,葬于鄠杜。 慈父。 君 伊 萬 兮? 余追 餘族落兮,貪豺狡 朝 念兮,心之酸苦。 守此西土。 廷 倚之兮, 君子憂邊兮, 鼠。 一方柱 畏 焉 如 礎。 得 明 邊 尚 神兮, 帥 有 忽焉 之 胡

尚饗!

祭陜 府 王待 制 文

于 故天章待 維 慶曆 Ŧī. 子野親家王公之靈 年 八 月 日_, 具位某,❷謹 致 祭

制

相門而 成, 獻 嗚呼 雄 不驕,幼矻矻而從師。 藻于丹墀。 ! 自古皆有死,公死特可 天子愛而 召 纔 試 + 悲。 Ŧi. 摛 而 廖 器 生

- 具 位某」,宋本作「具官范某」。
- 位某」,宋本作「具官范某」。

維。 規。 之英 呼 兮,厥靈 不 醉,小人畏之以神離。凡有志於時者,皆望 惟 不易於險夷。 曩余謫於江南,靡貴賤而見嗤。 公於雲達。矧伊余之相知,懷金 政於畎畝,不飾名於路歧。 内朝之表儀。 於史局,尚未足以施爲。 白而莫欺。往按察於荆楚,方澄清於一陲。 出 起 風 ! 顧,日拳拳以追隨。 .韓、富之二公,屢密啓於黼 守,民所至而熙熙。 辭 庶 惟孜孜於生民,將富庶之可 采於臺閣,久 叔 子子與孫孫,保歲寒之不衰。 何之? 寶多病 拜 登 俄西鎮於陝郊,懷周召之風 仰萬石之家聲,結絲 滅 兮, 神茫茫兮安問,天杳杳兮 優游 之妙選, 性清方以 朝 何交道之斯篤? 於歲 遽侍從於天閣,聳 已 與先 一而, 君子愛之而 時 帷。 生 公慷 自處,政坦 石而弗移。 顔 三借 期。 而 子 蘿 迺 並 不 以 慨 修 麾 每 馳 嗚 撰 壽 相 布 曾 而 心 以

曷司? 不見子野兮,窮此生而長思。

八〇

尚饗

祭謝舍人文

惟公雅識懿文,發于誠性。著國之史,于故紫微舍人希深謝公之靈。 維慶曆六年二月日,具位某,❷謹致祭

不見故人,怒焉如 充,聲猷日盛。 掌邦之命。 年之中,切 瑳游 臺 閣 賢哉云亡,顔淵 泳。 徊 病 翔,搢 今此于藩,復仰前政 紳輝 映。 不幸。 德業表 某同

尚饗

❷「具位某」,宋本作「具官范某」。 「黼帷」典出班固《西都賦》:「袪黼帷,鏡清流。」 「黼帷」,底本並四庫本均作「輔帷」,據宋本改。按.

祭同年滕待制文

于故天章待制滕侯同年子京之靈。 維慶曆七年三月日,具位某,●謹致祭

完此 邊 慶邠 朝 搶。 之綏之,與治其 敗覆,戎馬縱横。 獗,愈曰當行。 暄 嘉 坦 其誠。 廷。 涼屢 明。 陲 寧 如 犒以牛酒,萬夫豐盈。 生聚,而 嗚 既 更。 自登 扃 呼子京,吾人之英。文詞高妙,志 愛民之力,强 允公論,俄 迺升諫曹,心膂益傾。 朝 御 曾不齎咨,奉 不奔驚。 闥, 翕然風聲。 史風言 乃藩于涇,有城無兵。 生。 征夫不復,哭聲連營。 加 復 兵之形 寵靈。 用 率編民,易服 援 親 度非 兵 衆稱 爲 四 言動 經 經。 榮。 來, 其 機 略 謫去江徼 謀若織 才,達於 兩宫,上 擾攘 投杼之 一路,環 西 乘 渭 夏 城 吊 意 攙 帥 猖

> 憑? 至未 必 之,必教而 忽如弗曾。 吝相懲。 際,遷于巴陵。 治 ··, 非 踰月,美聲 我固當悲, 賢 聞其凋 稱。 孰 獨 能 有 子京勿恤 巴陵 落,痛 四 ? 令嗣,堂構 同 騰。 年 政 往 ·之朋。 極 修,百 臨 遘疾不 「填膺。 ,魂兮高昇 姑蘇, 可 廢 忠孝 承。 具 起,福善 人喜其升。 生平意義, 興。 相 我其 勗 雖 撫 悔 何 小

祭龍圖楊給事文

嗚呼哀哉

尚饗

于故龍圖給事楊公之靈。 維慶曆七年三月日,具位某,❷謹致祭

- ■「具位某」,宋本作「具官范某」。
-) 「具位某」,宋本作「具官范某」。

范文正公集卷第十

朝。 高。 翹。 見兮,惟余心之忉忉。 塵寂寥。子孫有善兮,余撫 將享兮,用于鈞陶。◎ 天不輔善兮,公殁于 中心昭昭。曾未密啓兮,余出豳郊。 兮,且薦且褒。 牢。公徙宛丘兮,彼豈無僚? 以 紀之餘兮,恩榮屢叨。 中無藏韜。 棲 和兮,不理 難 余貳國政兮,得其風謡。 大器未充兮,非夕非朝。 安兮,孤植易摇。公方監郡兮,風 嗚 顧 呼 而厚兮,甚乎神交。議必以直兮, 法必在平兮,下無冤號。 余歲三十兮,●從事於譙 而 羽翼有漸兮,階于雲霄。 調。 志議以合兮,不結 公還自蜀兮,勳望益 而招。公之不 相目於庭兮, 思欲報兮,光 獨不我 謂公 政事 采翹 忘 而 獨

祭 尹師魯舍人文

維慶曆七年四月十一日,❸具位某,❹謹

致祭于故龍 圖舍人師魯之靈

是非迺定,英俊迺隨。 夷。繄子之功,多士所推。堂堂沂公,延於 柳宗經,班馬序事。 初,時文方麗。子師何人,獨有古意? 嗚呼! 天生師魯,有益當世。爲學之 衆莫子知,子特弗移。 聖朝之文,與唐等

持國政,作「用于釣陶」是。

嗚呼哀哉!

尚饗!

2

⁰ 節度推官,即文中所云「從事於誰」。 二十七歲進士及第,二十九至三十一歲之間權集慶軍 于」,原誤作「千」,據宋本改。 三十」,原誤作「二十」,據宋本改。 按,句中「釣陶」代指秉 按,檢仲淹仕履

⁺ 一」,宋本無,未詳具體日期。

[「]具位某」,宋本作「具官范某」。

其災。 對 亦有 齊死 傾。 斥 謂 幕 可 故,遷謫覉旅。 坐 有死,子死特異。 於散 掩,起 泣 揚 中。 功名,如 年。 天意已回,吉宜大來。 生,信有人矣。 清 漣 0 隱几澄神, 漣。 地, 風。 于貶所。 矯 今見其終,益知子賢。 芥 矯 頹然不争。 舉 文康, 可 子行 止 取。 甚 往貳 神 而 直,議 薦 已焉哉。 其 不惑亂,言皆名理。 嗚 黑白太明,吏議 于 經略,屢典藩府。 志,曾不爲苦。 呼 惟 四 論必公。 于何 曰 聰。 我 嗚 呼 ! 與 , 咎, 匪 故友門人, 子往還, 感疾,益 自 兹 横生。 登 才弗 事 由 瀛 皆 抑 自 多 能 重 X

必

兩

哀哉! 尚 饗 _! ❷

高

故 相 太傅李侍中文

維 慶曆 七 年十 月 日 具位某,❸謹 致

> 祭于故太傅侍 中 之靈。

就

親。 含真。 人。 公無不臻。 孫詵詵。 雄,雲翔駿 日沃,威顔 志 讜直,道 明 朝 真 如鯤 青宫作傅,禮能 惟 曾莫之報,是寧不仁。 而 人仰 公生于東魯,早游聖門。 終, 宰, 咸 日温。 奔。 惟 精 嗚 聞 如 巍 忠純。 德良 爽 呼 詩 仙,上待 巍章聖,仄 公冠其首 禮,並 ! 必 十數年間,秉持大鈞。言 神。 臣。 退身。 天地之數,聖賢惟均。● 或出 如 列簪紳 白 念昔登門, 賓。 光 席 或 髮 東總 優游 臨 處,有屈 華 (仗鉞, 門 軒。 帝閽 人間 館 養壽,静默 何爲,歎 育文若豹 憧 氣 天下 遇 之盛 憧,子 有 猶 厚 嘉 伸 惋 猷 英 情 调

0 幕」,原誤作「慕」,據宋本、 四 庫本改。

尚饗」,原無,據宋本補。

具位某」,宋本作「具官范某」。

惟」,宋本、四庫本作「一」。

一八四

悲辛。

嗚呼哀哉! 尚饗!

祭葉翰林文

之靈。

末,❷謹致祭于故内翰、侍讀學士、諫議葉公某,❷謹致祭于故内翰、侍讀學士、諫議葉公維皇祐元年己丑十月庚申朔日,●具位

以寧。 停。 謂 天 于雷霆。 天然清流,不雜渭涇。 策三篇,萬儒竦 峨,英采熒熒。 地冥冥。 道 嗚呼 爲藩爲翰 必 行,謂 再主大計, 寔營寔經。 出守 ! 嗚 賢哉道卿,鍾乎粹靈。 事 河 呼 ,于澶于青。 聽。 濬學偉文,發於妙 橋, 必 1 正。 期歸 遘 闊 時 視霄路,直步雲庭。 高 西 闕 甚 節 垣北門,大筆未 庭。 迺牧 盛 莫 慷 屈, 得 京 慨 龄。 夕奄去, 主 兆 或 直 秀格 惟 論 一言屢 關 聖。 輔 決 峨

> 于琴。 深。 蘇 愁百侵。 與公知,則 輔 諍 政 秀隣邦, 久要之意,不爲浮沉。 朝 白髮相失,清淚 弗 廷 古之遺直,千載猶欽。 風 諧 相 唱 采 而 知 洲 去,能 搢 心 謳 紳 吟。 輝 蓬 不 難禁。 映。 瀛 日 相 共舍,切瑳規箴 命 ? 許 今也云亡,絶絃 天子 道 音問一斷,憂 大,交薦言 嗚 知 生平之交, 呼 期 僕 以

情何以任?

1

哀哉! 尚饗

祭杜待制文

維皇祐三年正月日,具位某,●謹致祭

「具位某」,宋本作「具官范某」。「庚申朔」,宋本無此三字。

0

❸ 「妙」,宋本作「少」。

于故環慶經略、待制杜君之靈。

在人。 純。 馴。 忽焉 爲侍從,寄以藩 剛果,温造其倫。 當、民枉我伸。 功,亦已不泯。 曰不仁? 妻子以驅,室廬以焚。 發嶺南,猖狂不臣。 大議,慷慨屢 海,文敏若神。 云亡,痛楚悲辛。 嗚呼! 疾至,不起 嗚呼 方瘡痍 命君以往,萬里其勤。 數百就擒, 戮於逡巡。 既鍾其才,弗以壽存。 陳。 大儒之門,生此令人。學深 ,嗷嗷呼冤。 于今幾年,一 我實知君,嘗以表論。 群經衆史,精微悉臻。 垣。 以聞。 聖獎休烈,屏諸讒言。 藹 然風采,出 邠寧一道,制于中 通彼鬼夷,毒我天民。 降之則變,撫之不 天子震 朝廷軫憂,擇使 邊 去惡務本,豈 無 乎搢紳。 悼,惜其忠 塵。 賊怨我 君之 長 舉之 今也 軍。 寇 疏 如

尚饗!

祭英烈王文

年月日,具位某,●謹致祭于英烈王之

神。

尚饗!

范文正公集卷第十

) 「具位某」,宋本作「具官范某」。

② 「致祭」,宋本作「昭告」。

八五

范文正公集卷第十一

碑

唐狄梁公碑

焉 ? 忠。 烈,本傳在矣。公爲子極于孝,爲臣 焉? 大厦仆,孰將起焉 忠孝之外,揭如日月者,敢歌于廟中。 公嘗赴并州掾,過太行山,反瞻河陽, 公諱仁傑,字懷英,太原人也。 天地閉,孰將闢 巖巖乎克當其任者,惟梁公之偉歟? 焉? ? 神器墜,孰將舉 日月蝕,孰 祖宗高 一極于 將 廓

> 乎,孝之至也,忠之所繇生乎? 去。 見白 君子于役,弗忘其親,此公之謂歟!● 左右爲之感動。 雲孤 飛 日 : 吾 親 《詩》有陟岾陟屺, 在其 下。」久 而 于嗟 不 能 傷

八八六

其憂,况君臣之際乎? 公之義,歡如平生。于嗟乎! 與人交而先处之義,歡如平生。于嗟乎! 與人交而先史府請代行。時長史司馬方眦睚不恊,感謂之曰:「奈何重太夫人萬里之憂?」詣長謂之曰:「奈何重太夫人萬里之憂?」 詣長

盗長陵一坯土,則將何法以加之? 栢,高宗命戮之,公抗奏不却。 天下服其平。 陛下以 被致我不孝。」左右築公令出,公前 公爲大理寺丞,決諸 一樹而殺一將軍,張釋之所 武衛將軍權 道 滯獄 善才坐伐 萬七千人, 上怒 臣 謂 昭陵 豈敢 曰: 日 假 有

❶ 「此公之謂歟」,原作「之深」,屬上,據宋本改。

愛君以仁,何所存之遠乎?死。于嗟乎! 執法之官,患在少恩。公獨奉詔,陷陛下於不道?」帝意解,善才得恕

役。 伯清 于嗟乎! 别 謂 所,所存惟 曰:「安使無 開御道,公爲知頓使,曰:「天子之行, 盛服過者必有風雷之災,并州發數萬 又公爲江南巡撫使,●奏毀淫祠千七百 塵,雨師灑道 高宗幸汾陽宫,道出妬 神猶正之,而况於人乎? 夏 功 禹、 血 食,以 太伯、季子、伍員 ,彼何害哉?」遽命罷 亂明哲之祠 女祠 下。 乎? 四 彼 廟 其 風 人 俗

碑。 下好生之意。 密表以聞曰:「臣言似 人,❷籍没者五千口,有使促行刑。公緩之, 本 及遷 心,唯陛下矜焉。」敕貸之。流于九 公爲 豫 寧州刺 州,會越王亂 表成復毀,意不能定。 史,能撫 理逆人,不言則辜陛 戎 後,緣坐者七百 夏,郡人紀之 彼 咸 原

> 郡,道 過 日 狄 焉。 而 使君活汝輩 去。 出 斯人也,死而 寧州 于嗟乎! 舊治, 耶?」❸相攜哭于碑下,齋三 父老 生之, 豈父母之能乎? 古謂民之父母,如公則 迎 而 勞之曰: 「我

如 縱暴兵殺降以爲功,使無辜之人肝腦 輔 彼脅從輩聞王師 帥耶?」對曰:「公以三十萬衆 貪暴,公拒之不應。 得 不能屈,奏公不遜,左遷復州刺 尚 時宰相張光輔率師平越王之亂,將士 方 斬 馬 劍 加 來,乘城而降者萬計。 於君頸、雖死 光輔怒曰:「州將忽元 除 史。 無恨。」光 亂 塗 于嗟 地 臣,

^{■「}巡撫使」,原作「巡檢使」,據宋本並《新唐書》卷一

本補。 「者」,原無,審下文「籍没者五千口」,知此處脱,據宋

[「]使」,原作「史」,逕改。

一八八

乎 1 其公之謂乎 孟 軻 有言, 威 武 不 能 挫 0 是 爲 大 丈

得 俊臣 中,不義不爲,况廟堂之上乎? 流 柔,公曰:「天乎,吾何能爲?」以首觸 惟 免死 新 血 被面,彼懼而 誣 爲 唐朝 地官侍郎、同 構下獄。② 公曰: 貶彭澤令。 舊臣 ,甘從誅戮。」因 謝 焉。 獄吏嘗抑 鳳閣鸞臺平章事,爲 于 「大周革 嗟 乎 公誣 家 命, 人告變, 引楊 陷 萬 穽之 柱 物 來

南之饋 使。 勒 日 時 而 退,魏 等 河 「百姓復爾業,寇來吾自當之。」狄 应 前 河 朔 契丹陷冀州,起公爲魏 輸,識 鎮 爲突厥 北 震 人爲之立 以肥 道 動,咸 元 者韙之。 中國。 所脅 帥 驅 碑。 民保郛郭。 從者,咸 狄 又請罷 退 北狄 未幾 就 州 再寇趙定間, 入相,請罷 命 逃 安東, 刺 散 公 公至, 史以 爲 Ш 以 安撫 谷。 樂焉。 下 息 聞 戍 大 **令** 公 出 江 風 疏

> 嗟 請 乎 曲 赦 河 四 北 方之事 諸 州 以 ,知無不 安反 側 -爲,豈 朝 廷 虚 從之。 尚清 談

而已乎

?

閤 也。」 令策出。 應者十倍。 之間數百人。 退 思 不勝者何 曰:「有之。 中 爲 而 不答。 儲 公在相日,中宗幽 復命策出。 嗣。 則天曰: ?! 對 又一日,則天謂公曰:「我夢 臣知 則天 日問 及命廬陵王代之,數 昨 曰:「雙陸 又一日,則天 曰:「無迺有 人心未厭 陛 我夢 群 下命三思募 臣 鸚 房 可否 陵, 鵡 不勝,宫中 唐德。」則 雙翅 則天欲 ,衆皆稱賀、公 有疾,公入問 異 武 議 折者何?」 士,歲 乎?」 日 立 天怒, 之間 雙陸 無 武 子 時 對

[「]撵」,宋本作「屈」。

[「]構」,據以回改。

器 太宗 動。 怒發 曰:「今日國老,與汝天子。」公哭于地 啚 無 則 H. 昔高宗寢疾,令陛下權親軍國,陛下 對曰:「太子,天下之本。 富貴,不從則 臣 召公坐于簾 遣 陛下之羽翼 對 馬。」 陛 姑 數 無不可者,惟俟公一言,從之則與卿長 中使密召廬陵 祔 日 赤色。 下 與母孰親 + 陛下豈以一心之欲,❶輕天下之動 姑 百戰取天下,授之子孫,三思何與焉 武武 之 萬歲後享唐之血食,立三思則 則 年, 禮 天 者,陛 又將以三思爲 則天以公屢言不奪,一 也,是可折乎?」時 外,而問 感 無復得 ? 臣 泣,命 王 不敢 下之姓。 子與姪孰近? 矯 與卿 曰:「我欲立三思,群 衣 寒簾 愛死以奉制 而 相見矣。」公從 後,如 入,人無知 本一摇而天下 相 使 王 廬 廬 陵 天下 立 旦 思 陵 \pm 陛 廬 奄 者 一感 王 在 拜 宗 · 何 ? 哉? 有 下 陵 則 乃 悟 側, 神 ? 容 保 公 其 廟 則 Ŧ.

> 天命 以成天下之務乎? 之疑,其至誠如神,雷霆之威不得而變乎? 中外大悦。 子?」於是復置廬陵王於龍門,◎備禮以迎 稷之臣耶。」已而 正中宗,復則天爲皇太后。 秋官侍郎。 召拜洛州司 相才,誠老矣,一朝用之,尚能竭其心。」乃 李嶠、蘇味道足矣。 則天嘗命公擇人,公曰:「欲何爲?」曰 臣前言張柬之,雖遷 可將相者。」公曰:「如求文章,則 左右 起之,拊公背曰:「豈朕之臣,社 于嗟乎! 及召爲相、果能誅張易之輩,返 馬。 奏曰:「還宫無 他 日 豈文士齷 荆 又問 洛州,猶未 州 定天下之業,斷天下 長 于嗟乎! 人於公,對 史張柬之,真 齪 思 儀,孰爲太 用 今宰 得 焉。」改 薄文 日 奇 オ 相

[「]豈」,原無,據宋本並語氣補。

[「]於是」,原無,據宋本補。

華重才實,其知人之深乎?

非剛 以 游薦 數十萬言,李邕載之别傳。 及居相位,而能復廢主以正天下之本。 天子而不屈。 夭,金石不柔,受於天焉。 卿者數十人。● 公之勳德不可殫言,有 哉? 紳之中,顛 正 又嘗引拔桓彦範、敬暉、姚 之氣出乎誠 在豫州日, 拒元帥 而不扶,危而不持者,亦 性,見于事業? 公爲大理丞,抗 論者謂 元崇等 而不下。 當時 松柘 至公 論 何 優 不 議

公之祠而述焉。又系之云: 某貶守鄱陽,移丹徒郡,道過彭澤,謁

不可革 逆長 未奪。 不隨 風 商有三仁,弗救其滅。漢有 何力 嗚 ,孰爲乎剛? 而 呼! 孤 可 騫, 回? 愬大 武 暴如火,李寒如灰,何心 ĴΙΪ 我公哀傷,拯天之亡。 地 以 可 獨航。 動,公不可動,孰 四 金可革,公 皓, 正於

> 光。 爲 而 乎方? 皇,天下既 噫 ! 非天下之至誠,其孰能當 朝 周 感 而 通 唐。 子,群 七世 陰 披 攘。 發 靈 天子 萬 年 既 臣 垂

宋故乾州刺史張公神道碑

爲 貽 使莫敢不勞,而 朝用舜禹之道,平成萬邦,風化天下,於諸 言,六代之風,亡實而落,君子弗觀 以勤,故能 天下知其功也, 厥 舜、禹之臣至矣。 心,則明 舜,天下知其德也,惟歷 成其務。 則 有清河張公爲之最焉。❷ 粹。 惟 盡 逮夫 拳拳四方,老於王監 力溝 (王道: 洫 武諸語 缺漓 聖人率 坐飾 難。 也。 夫下 禹, 天 我

❷ 「爲」,原脱,據宋本補。
❶ 「又嘗」至「十人」,原脱,據宋本補。

218

諄 脩 竦 爲 Ŧī. 文皇 爲 蓋 中,太夫人翟 小義,映 有 正 諄蚤暮 汝陰人也。 代,不可以 遠 大識 以 卿 公諱 慟 孝友之基,自仲 于一鄉。 ,篤子以文。 ·綸,字昌 厥生帝 謂 暨安 禄。 氏 時 皇考諱震,王考諱 否之傾 累 師 史亂 言。 考諱煦,累贈尚 幽芳密照,需于遠 封 一, 首 高 華、衣冠 造大漢。 而 其 家 平縣 大。 先 可 因 太君。 起也, 五 職 喪緒。 元,皆含仁 唐失公謹 世 命 書 食 氏 郊。 與 都 都 韓 降 夫 官 官 源 端 郎 人 及 並 流

昔賢 宗 所尚 唐 乃輯 旋 班 語 ,至于光大。 或爲之。」部 弗合,退 方略 公刻景鍛 群瑞、經營天下。 走命 郡 居 或 于 志, 鏗然有就。 于易。 国 異之, ·四方。 以 其 名聞,首 進 以 秩 時太祖 公曰 造秀 也, 使旌交路,復署士 充 四 再 |既定大業,太 抱 既 命至 其 送 選。 而 關 于 東 慷 春 蹶 頭 自 慨 官 供 兹 與

> 東南 也。 諸州 使。 馬。 方行 化 上 賓六 奉官 以 諧,六年有 節 城 西西 東 安撫 中 壓 獄。❶ 一庶 羌, 俄以 上閣 宅副 諸 真宗皇帝 主 西戎方豪,我摧 天 閤 陲之機鍵,公歷 路 権 辰、 討 門祗候。 邊略,典辰 鹽 門使,除乾 使,遷文 酤 ,公使于 大績。 鼎、 蓋 還,乃刺 鐵 于 西 饋 澧 思 大名之屬 諸 運之重,命使 清 \equiv 歷 思 遷領天水郡, 侯之長焉 軍 州 舉 天下之刑 溪郡。 其鋒 州 崇 使、 中。 畿 專 溪 刺 班 邑。 昭州 之。 赤 ,遷益: 洞 史。 承 賊 制 制 又平 平, 權,右 南 事 及 其 刺 孔 于 及朝 命 簡 實提 -凉、鎮 史, 荐 定 王 内 夷 更 艱,及公而 監 路 公 再 鈞 任 殿 廷 按 慶 朝 振 都 重兵 亂 也 亂 有 州 改 廷 戎 荆 巡 拜 綱 蜀 以 淳 禮 持 湖 檢 兵 西 均 Ħ

^{▶ 「}公」,原脱,據宋本並宋杜大珪編《名臣碑傳琬琰集

陰縣之懷音鄉,從先域 之典,命二子進級。 紀號之二載也。 功不廢,詔以本郡寵之,爵命如故。 蒞 馬 勞之議 正寢,享年七十有 鈴轄 清 池 郡。 0 徙 重北門也。 横 已 海 而 軍 明 露 五。 年孟 章,至于再三。 又徙 即 也 歲 上聞 以 餘 春 瀛 仲月庚申,葬于汝 請 庚 州, 而 老,不 寅,啓手足 悼之,舉 充高 獲 時景 今上念 陽 延 鍋 世 于 祐 復 兵

出 鄉 嘗亞大總管,階至光禄 曰 孝標、孝孫,皆早世。 子曰孝竭、與夫人皆亡。今夫人江夏黄氏 (邦,國人榮之。君子謂不充其器。 紹 大夫之宗,能 先,爲殿直 公初娶富春孫氏,再娶彭 , 並 幼。 循法度,封本邑君,生子曰 ,爵爲郡公。考終于 日紹宗,今爲侍禁。 公位登二千石,權 城劉 氏。 生

行,❷如左右手。平定坤維,公有力焉。時初,蜀師之役,中軍雷侯有終辟公以

與,神之聽之。」而况於人乎? 以見中軍,而全活焉。 患。」乃諭 無 降 遺 寇 類 八百人叛,據巖險。 其向 公往 背,寇莫不 視之曰: 《詩》云:「正 此 中 誠 窮 軍 聽,束手歸公, 寇 督公追斬 也,急之生 直 是 戒

賴之。 新 遏寇虐,無俾民憂。」 將不可嚮邇。」磔數輩麾下,其衆乃戢,蜀人 軍復驕,且 公再至益 《詩》云: 一敢肆 簡,屬寇戎之後,民求 一民 暴。 亦勞止, 汔可 公曰:「兵 小休。 猶 息肩。 火 也 式

其彊黠,●溪洞數州,署兄弟以爲守,國家因公之典辰溪也,彼夷人中彭姓一族稱

^{▶「}膏」,泵彡吴乍「麞」,象尺よ、∥名互卑專苑炎集∥●「充」,原脱,據宋本並《名臣碑傳琬琰集》所引補。

並《宋史》卷二七八《雷有終傳》改。 並《宋史》卷二七八《雷有終傳》改。

^{≇》}所引改。 集》所引改。

不勸。 柱 賜 歸 今將二十年, 蔑復爲 其教,乃疾置以聞。 弗已。」夷乃大懼請 至,方檄兵四道,焚若山 公馳傳以 殿之,無猾夏爾。」帝曰:「俞惟 首 彼 平凉之行。夷又侵我,帝復召公曰:「愈 之。公至,築蓬 其 道,且省戍兵。條舉十事,不及四五 ,淮夷卒獲。 ,刻夷人之誓,揭 、我老孺。 天子聖且仁,吾爲君請。」●夷如 如 曰:「惡草雖微,天地不能絶其 可殲焉,朕惟弗忍,汝往圖之。」公再 請 焉。 平日。生齒之還者,對以刀布,作石 迺 後乃 臨 以 謂 諜 驕 翩彼 夫,駭其 彼夷者,不威不懲,不 Щ 叛 館 邊 命。公曰:「納爾爵秩 于疆 韶原之,復其命數,❷貢 患。 飛鶚,集于泮林。 理 一部,既 林、毁若巢穴、弗滅 族 首。 新興 《詩》云:「式固 曰:「天家 襲 自兹 栅,以 城 康 邑, 類。 厥 威懷, 要 民 朝 使且 見 其 先王 食我 居。」 拜 而 廷 迄 利 稽 謂 有 夷 患

桑黮,懷我好音。」謂夷如惡禽,亦感而化。

與不足? 之直、民力遂振。復創杭、秀、海三 宿逋,佑以熬波之具,貨入于縣官,而增 之,又可戕乎?」奏通、泰、楚三州亭民 文重禁,以籠其民。公曰:「天與之,我 自是鹽算大充于諸路。 然公之使東南 也,鹺利方剥 信乎,百姓足,君孰 議者 郡鹽亭, 除 咸 與 其 取 峻

谷 王。 平。 以 何極?」公曰:「不然,江海善下,故能 洩 時江東 彼潮者通夜不息,沙從而塞,欲導 于 彼日之潮,有損與 海。 大水,民胥艱食。 議 者 謂 澤 一盈。 國 下流, 公請治五 三分其 江 時, 海 爲 焉 損 百 而 與

0

^{●「}君」、《續資治通鑑長編》卷九四注引此碑作「若」、差

[「]復」,原形誤作「後」,據宋本改。

焉。 所 郡 力 石 畝 淮 恡乎力?] 僉從 彼 居 東歷 爲 沙 麦。」 謂 南 涸 《詩》云:「蔽芾甘棠,勿剪 十選 者 民 漕 焉 我 高 而 河 糧 歲 思其 以以 衆 郵 日 界湖 道。 月 廣 111 疏 抵 而 人,愛其 月 之東, 乘 其横 公請 我 廣 積 高。 其 陵,塗 謀 闢 增長堤 損 流。 偏 復樹 付樹 而 以 而 歲 無 農 蘇、秀蒙 趨 也 舍役伍 畏 以 時 隙,豈 二百 之, 決,溢 日 美 曾 勿 木,今山 于堤上,不 里,旁錮 南北 伐。 其 安 莫禦 汩 于 利 我 召伯 災 哉 歌 農 又 陽 巨 而

之。 乎?」 且請 謂 廢 以 將 曠久,秋濤 潦之災歲十而 堰 報 又海陵 有 成 蓄 公,于今祠之。 復 潦之憂。 自 郡 逋 爲 爲患。公請修復,議 有古堰, 户二千 郡 而 一,護九 公曰: 圖 馬。 有 旦 ^ 詩》云: 六 百 而亡一,不 韶以 濤之患 百 有 五十里。 本 郡 者難之, 樂 使 歲 民 只 兼 亦 + 建 君 厥 生 而 領 可

及生民,則樹無窮之名焉。子,民之父母。樂只君子,德音不已。」謂利

儀, 《詩》云:「四國于 疆 其公之謂乎? 患,則往蕃屏之。 聽公之言,知 知朝廷禮樂 公嘗使于夏臺,時納 , 始 盡 蕃,四方于宣。」謂夷狄爲 天子神聖, 恩澤弗暨, 其 心 焉。 款 永懷 惟 則 復三使于北 初, 往宣暢之。 其 見 好焉 公之

外孤 力。 間、 動 無怨孝親之心,皓首如 戰十二,大弓長甲, 疆外。公長七尺,氣勇過人。 制,安以清浄,如 左 横 公性剛,不遠仁,故無暴明,不深物故 藐 右 逮于貳膳之年, 海三大鎮。 復常 養于家。 好施 叔子之在襄陽,仁 時天下 與,宗 操擐自若,諸將 雖 聖倚彌重。 享禄 孤 時。 族 無 不 同 昔在 事 薄, 言必涕下,感 其 、公謹 歷雄 屢 有 西北, 伏其 . 信 膺蕃 武、 著 其 中 歷 庶 于 法 河

謝焉。 言。 也。 之賞。 之,使得卒歲。 人,一無累者。其明哲於人如此而博也 又景德 曰,國家廉讓之風未衰,則吾豈敢終身不爲 仆道途,以累上仁?」其愛君勤人如 泉市絮,襦千數衣。 運卒凍殍,歲常比 其階于通顯,並天子疇其勳異,不得而 今文武 公祗事三朝幾五十年,無 徹樂之日,門中 而降,權寄不絕,保任官材僅三百 班有考績之制,率當自 曰:「此有司之過,那使 比。及公爲使,每冬以 其不自存者,且 索然。 舊淮、汴 一銖之罰 表。 此 飼 而 而 間 公 深 僵 休 俸

且謂 矣。 五. 名聳後世,公實兼之,宜其被金 利 品品 如 邵南陽,議食貨如 而 某嘗從事于使部,僅 將終,召掾曹沛 公發身如班定遠 上立 一神道 碑, 國 如 事 耿大農。 朱寀草 不 邊 得 知 如 已,宜爲我請 所 理命 馬 存。 有一于兹, 伏波,修水 石 於牀下, 而不朽 在甲令

> 于四 名焉,敢言其略, 孝子致其詞,某不 方,非耳 自 可 以顯我國家君子之休。 敢讓。 涯 ,又多陰德於人。 惟公雄 謀偉 行 無 其 能 布

銘曰:

焉。 萬 老飲歌,吾 誠 我侯、歸牧于鄉。 園,迺謀嘉賓。 吾民是賴。 維侯之功,克顯克大,攘彼戎寇,禦彼災害 迺宣聖謨,于彼西北 無矜寡,弗有 哲人,儀兹聖辰。 年。 加 帝 于 天生張侯,維潁之濱,星萃于上,炳 用惻然,遺烈在人。 物, 間 心 我 之光。 彊 竭于國。 生既 鼓缶 禦,猶仲山 錦裘煌煌,鸞衡鏘鏘 維侯之德,柔文剛 勤,我 ,西北有孚,邦家之樞 而 我 嬉,以休厥身。 侯爲 始終 年 史其舍旃,垂千 甫。 何, 斯 一德,侯斯 臻。 四 維 侯 方 迺 是力。 之言 武 帝 懷 故 往 故 錫 弗 爲

一九六

宋故衛尉少卿分司西京胡公神道碑銘●

太君。 弼,累贈尚 瑜 祖紹,屬 公諱 令儀,字某, 書刑 唐 季五代之否 部侍郎。 開 封 妣某氏,贈 陳 嘉 留 遁 人 不 也 祭 顯 陽 曾 縣 祖 父

特 江 廷 政 郎之喪,皆哀毀過 太夫人憂。 熙中,以 曰:「可仕矣。」公夙夜簡 以 皆 如 令陛 淮 凛 内 兒 前公在潁川,辨析 初,侍 然憚之,始 戲 屬 見,拜大 明經中第,解 未久, 吏姦 郎 服除,補穎 公至,則 覯 、理評事、知 皇家之興, 服 人,鄉間志之。 先 事 民罵,凌弱 褐 川郡 于 **\$** 冤 涇 編 官上。 後 獄 泰州海 州 絶 常當活 迺 法掾。 刑, 良原 以 而 暴寡, 必 蓋 陵縣。 儒 復 既練,朝 尉。 行 人於 又居侍 續 有 行 無 0 教 視 西 死, 回。 時 丁 門 宰 雍 子

> 天下 豹之風 案牘, 駮 焉。 遷 議 光 無 禄 隱 丞 切 充 以 刑 部 正 詳 覆 官 閱

之咎。 難。 丞。 責 滿 官 擇其挾貴人勢力、州縣 兵民塞之,科賦暴急。 力,二千石鮮不受侮。 虞部員外郎,典 均内外。 于 ,守巴漢郡, 以不職 庭,衆皆大懼曰:「是家 會河決白馬,爲朝廷憂。 領高密郡,徙治定襄。 真宗嗣位 諸道 遷太子贊善大夫。 聞 皆奔走、民 朝廷銓其材, ,改大理丞。 賜 歷 五. 城 品 郡。 服。 不敢動 後期者,官更有 公正色直 負 郡 敲 遷國子博士, 數 天子升岱宗, 會三門發運 扑。 以公代之。 不可緩, 歸 者 萬 詔 朝,進殿 户 心,視之 公於部 **三發數** 多多 况 不 + 用 薄 中 測 州 無 豪 拜 中 慶 秩 判

- ■「碑」,原無,據宋本並四庫本補。
-) 「良原」,原作「長原」,據宋本並《元豐九域志》卷三改

户 凡 饋 且 以 郎 莫有 此。 以 使。公請借 踰 斂 服 命提 屬 而 運 有 代 爲 收 中。 濟。 有 月 耶 破姦發伏,有神明之號。 品品 冤者。 X 點河 小必必 公重 錫 公者復 非 以 徙隴 ?」咸輦 覆 朝 溺 勞。 便。 時 西陲宿兵,食貨爲大。 由 借 廷 爲 ,邊廪始充焉。 改 北諸 是民 城 以 立 破 民 陝 郡 民 拜 部 行 朝 其 法 産 操 飛 河 西轉 不被楚,吏不坐責,其 主 歷 中 前 廷 州 薪, 篙 東 客 而 輓 惑 每 議 刑 使 比、駕二部 方窘 沿 運 償。 郎 ,以實邊郡 、公得辯,改 晝 歲造舟六百 其説,徙 獄 得 使, 中, 夜 事 均 渭 吏 財 0 以 且許 充淮 除 而 私 用, 西, 0 諸 河 下, 守 外 諸 公視民豐儉 州 朝 于今民道之。 北 人 南 改 口 比 郎。 豪,專擾下 艘,供 以 知 覲 望 廷 人或媒 轉 轉 河 中 諸 達 進 鳳 風 諒 運 運 郡。 東 幹 州 在 于 翔 以 其 使 使 大河 轉 金部 率 郡 力 孽 冷未 畏, 河 賜 府, 既 運 未 如 先

> 彊。 爾。 還 劉 下 明 于朝,有詔嘉之。拜衛尉 公質厚,有古人之心焉。 臺。 道 ,人咸異之。 琨 恩獎未衰,豈不自知其 此劉公所不敢當,於吾 爲 初,旱蝗西 公數曰:「吾 郡 而 虎 渡 寮屬 飛 河,及帝 關 請 年七十 中 以 遷司 被 少卿、分司 上聞, 問 其害 止 何有?」 之, 有 勳 耶?」遂告 Ŧi. 郎 公日 琨 獨 中, 西京 精 聞 曰 不 力 者 偶 人 亟 一昔 老 岐 猶 謂 然 召

者歟 里,附 明。 子孫 凡十二年而終,實某 有 七。 斥惡 ,樂林泉。 公既退,即 先 以 侍 與 某 善, 郎之筌。 年 某月,歸 始終一節。 每誦 家 于 年某 長 白 公少 安,聚 葬 傅 于 月 歌 一尚 古所謂老 開 詩, 也 嚴 書數千卷,教 封 毅, 以 之 享 治怡性 老 某 车 成人 益 鄉 八 + 精 某

三子,長曰遠,大理寺丞,次曰規,耀州三夫人張氏,封内鄉縣君,先公而亡。 有

作 陳惟 原主 舍邢保雍,次適大 監 主 簿 適 簿趙士 進 次 0 士蘇 次 滴 曰 安。 臨 贄; 拱 濮 辰 孫男· 理 主 次早 評 簿 成 七人,並登仕 劉 事 州 韓 淑 專 仁哲; 次 練 次 適 推 適 閣 官 次適 太 門 籍 子 祇 女 將 中 侯 +

宰, 復。 歌 張 百餘 秋 加 命公爲 至,潮洶 防,廢而 滿野。 侯 至,觀厥民,相 能 潮之患,浸淫 知 人。 朝廷 生 表余知興 初 兹 淮 ,天聖中余掌泰州西溪之鹽 不治。 邑之 洶驚 百姓 道路 民 遣 南 多富 轉 中 田 人,而 餒 飛 使 運 化縣,以 余乃白制置發運使張侯綸, 于 而 語 實,往往重門 使,以 特 厥 按 逋 海 地,歎曰 視, 爲 兵夫散走,旋 謂 者 陵、興化二邑 膏 死者數千,而 將 究 復 三千餘户。 腴。 其 有 厥 : 可 中 防。 春耕 「昔余爲 擊柝,擬於公 否。 罷 濘 之議 會]間,五 秋 舊 公急 局 雨 防 而 獲 海 雪大 有 日 不 死 笑 9 陵 馳 穀 者 遽 口 大

> 請 乃 心,豈及於民哉! 成之。今二十餘載,防果 悉復其業。 防,亘一百 朝廷從之。 府 抗 爲銘而不讓。 章 今葭 請 必 葦 五十里, 余始謀之,以 公與張 行前 蒼 茫 辭曰: 議 無 張 其子以余知公所存,懇 潮 侯 復 不 共 侯 遺 能 母 董 亦 不壞。 民 害, 憂去 其 請 良 兼 役,❸始 而二邑逋 職,二公實 領 可 非公之同 海 哀 陵 耶 成大 ! 民

歌 以 以 克威克惠。 ,十有二春。子子孫孫, 詵 寒 起。 邪 胡公之生,皇朝之始。 自邇 七守列藩,四 而 告老于君,以 遐,幹于王家 當 外 休吾身。 計 覯 詵 法 文 濟濟。 以 斯 \Box 興,執 勤 持 鼓 姦, 日 缶 九十 政 而 經

^{●「}日」、宋本作「目」、屬下、亦可通。●「三原」、原作「王原」、據宋本並《元豐九域志》卷三:

^{■「}公」,原作「仍」,據宋本改。

其幾,手足云啓。福歟壽歟,有終有初。豐

碑

巌巌,我得

而

宋故太子賓客分司西京謝公神道碑鈴

視四 謂 樹 鬭 于中外, 於前 循良廉讓之君子矣。 兵于中原者登九十載。 ,而億兆之心帖然承之,弗暴 表,周被萬國。 皇家起五代之季,破大昏, ,累聖求賢,多得循 而致兹善俗歟 乃建禮立法 ! 良 蓋祖宗遠算,善 如 陳 廉 留 削 讓 弗悖,無 ,與天下 群雄 之 謝 士,布 公,可 書 復 廓

郡。 《左氏春秋》,先生咸器之。 人,蓋吾 蘇之屬 時翰林王公禹 公諱濤,字濟之。 邑,二人 I 曹 敵 也。」自兹名重 相謂 偁、 日 幼而 拾遺羅 「與濟之 奇敏,十 一於時。 及冠,居 君 處 約 淳 四 化 榷 並 姑 歲 天 室

> 據成 堅,十旬弗破。 之具。」二千石從之。 年 知 取 募人占田,可倍 寇亂之餘,民多散亡,未復厥居。 推官,賜器幣,外臺遣權知益之華 木,可先伐之以置樓櫓,且備樵爨,爲 梓者可傳呼而下, 面 人,復將召其怨 力者得并其田。 王師之來,遂用撲滅。 梓大而近,彼畏我梗,必先圖得我, 春,耀 興 其田,以歸于民。 詔 都,發其 國 通 判 軍 進 一,就除 大藩, 士第,除 徒 賊 太常博士。 得 攻郡 其租。 辭,豈朝廷之意耶?」 公曰:「奪民世産,以 沮而 壽 願 梓 還,拜著作佐郎。 春郡。 急爲之防。 縣 州 事平,就遷梓州 留,勢未大克。 寇果圍我。 朝廷從之。 権 公白二千石 鹽 後移高安郡, 院 判 近 官。 上言者 陽 於是 我 郊 則 縣 乃 觀 備 久 多 小於 太宗 資 以 會盗 曰 守 林 杰 及 既 富 有 請 時 察

真宗即位,鋭意任人。一日中出朝士

史府 公協 有 往,改屯田員 驚 明 説,賜五品服 姓 公即圖之,患僚佐 下,交權 驛召至闕 丞李公及始來倅曹。 日 兇 郡 名 或任威詐,而 人趙 自是天下訟息 案覆,諫之兄弟皆 心發其家,盡得兇狀,奏之朝廷。 邊 縣 有 凡民,非干己 治 勢,結豪 有急奏,上 而 狀 諫 曹 公在 者 者 外郎。 ,即呼通事 南 凡 冒 闕 二十 召 俠,務乘 不 大 事,無 鄉 而 議 守。 中, 一其 致富彊,人畏如豺 李公,時之端人也,與 至郡稱治,寇不敢 刑 薦 北 四 斬 清 得對于長春殿。 舍人,送試學士 名, 征。 人 朝 力,俄會故御史中 得 于都 矣。 付付 人之弊,用 廷 與諸 告 又京東有 慮之,遂命 中 言。」 市。 書 弟 門 遂 出 乃 下 命 著 下 以 人 彊 令, 虎 犯。 院 御 都 于 詔 告 公 寇 上

安 兩 朝 川 廷 以 用天子恩意諭其父老,皆從 西蜀 僅 寧 ,細民 猶 或 摇之, 俾 而 按 公

乾

興

初

宗簡 御 使。 便之。 髮,使惴 其 史館 員 郡,就遷度支司封員外郎。 乃 政 堵 臺,進禮 而 舉権茶官。 又别詔 史知雜 俗 外郎 疑其 誠 窮其利害,使盜鑄息 爾 公大雅之器,耻尚文法,雖任在 意 在 復 判三司 歷三司度支判官,出守海 命之 坦 既 起 多,公請 委公,與 部 惴 然。 事 久, 倅 士人黑白豈 郎 如 至是,坐所舉不 日 河 中 虺蜴然,取詩 即命召 理 清 且 '南府。 連坐,事 舉 欠憑 益 티 : 判 兩 牧張 司 試, Ш 「吾欲吏樂其 由 馮 農 不 而 遂行 能 公詠 **心寺**,拜 司, 除 明乎,安用 魏 物 吏 兵部 公薦 公在 人之譏耶?」還 職免,尋以度 估平,蜀 出 ,後皆至臺 議造大鐵 爲 + 以本官 三司 員外郎、 陵、新安二 公文行 兩 餘 (風采 職 浙 伺 人。 人于今 按察 日,嘗 民 兼 於 轉 錢 侍 毫 安 運 直 支 執

之。 分務 去。 薨,享年七十有五。 以攸司奪先帝意? 嗣子迎侍于京師。 得請權西京留守司御史臺,就拜秘書監,遂 會稽郡。 封 治 泰 靈 葬于富陽。 舍 俄求東歸,除吏部 Щ 洛 今遺詔丁寧,正如漢文帝專務 有 駕象物,其制 下。 妨其 祀汾雅 還,拜太常少卿、判登聞檢院。 朝 往者毁之。公上言曰:「先 寶元元年,贈禮部尚書。 廷 ,●儀衛至盛,不 嘉其恬退,遷太子賓客。 高大,請自京至陵凡郭 以景祐元年十月三十日 以明年八月二十一日, 願 郎 陛 中、直昭文館、 下裁損。」

// 持紳 聞有 儉薄,豈 所 又 知 肆 毁 帝 門

族。 于江 祖 希 圖,卒于衢州刺史。 公之七世祖汾 三代以還,不顯其大,至晉宋迺 東嘉興 謝氏之先出黄帝,後始爲十姓,謝 都。 子孫三世,禄于吴越。 下, 居 河南之緱氏 時 唐季喪亂,乃 爲盛 五. 居 世 曾

> 檢校 齋郎,俱早世。 約,將作監 部員外郎、 許氏,先公而終。 方外學,號安隱 崇禮,從錢氏歸朝,爲泰寧軍節度掌書記、 州 祖 史有傳,終于公安令,鎬爲某官,❷果,❸從 有文於時,與盧積齊名,時人謂之盧謝, 崔氏,贈博陵縣太君。 鹽 諱 |官縣令,葬于富陽,遂爲富陽人。 廷徽、處州 左散騎常侍,累贈尚書户部 主 知制 薄,以 麗 女四人,長適前進士周盤 師 誥,後公幾年而亡,次 生男三人,長曰絳,至 水 敏才稱; 縣 坦爲某官。 主 公之弟四人, 曰 簿。 次曰 祖 諱 公娶夫人 侍郎。 綺 懿文,杭 大太廟 父諱 母 ; 兵 或 曰

□「錦」、宋本並《名臣碑傳琬琰集》中集卷四○所録此文土祠于汾陰脽上」改。□「脽」、原作「睢」、今據《漢書・武帝紀》元鼎四年「立后

) 「果」,宋本作「杲」。

評事 宰越之會稽縣; 次 次適大理 幼 滴 , 宰越之餘姚縣; 殿 中 寺 派 |丞楊 梅 堯 景平,將作監主簿; 士彦。 臣 ; 次 景温,太常寺太 孫四 適 太 常 人 了, 景 博 士 初 傅 景 大理 瑩 口 祝 ;

尚

銘云 殿,出 第,而 廉 與 故終身不聞怨言。 公善狀,請文于碑。某於公有家世之舊, 範,未嘗阿於貴勢,見賤 人之善,稱道弗舍,聞人之過,懼弗克 讓之體 舍人爲同年交,愛公治 公姿格竦異,不事脩飾,天然有雅遠 處僅二十年,皆衣冠之盛 長子 ,足以佑風化 長 孫 世 踐其科,又父子 公始以文學中 而厚禮 土业 有 循 温 俗 良之狀,退 事。 禮 ,致拳拳 接之。 . 進 更 厥 直 士: 孫 掩, Ŀ 之 以 得 又 以 館 知

以 文。 巍 濟 巍 濟吾儒 我 宋,宅 多多 天 良大夫。 而 君。 恢 中 遠 外 以 共治,休 威 革

> 于 之,鼓歌其俗。 孫 民以寧, 至 寧 不吾欺焉 臺閣,清修 相 嗟 曹除兇。 八 乎 區 繼 而 人必夸競。 猗 其行。 賢。 壽以 天子 哉 謝 偃仰藩 誠乎 仁至,名繇德 念蜀 公, 人 尚 周 我休 誠 3 屏,雅 刻 旋 乎,聖人積善之誨 明,我 其 而 狂 中 静,其 始 和 全。 復。 質 其 在 政。 而 道 梓 有子與 平。 命 樂寇 迺 公撫 徊 厥 翔

宋 故 同 州 觀 察 使李公神 道

數於天 作 遠 籍 振 輕 民 邇 Ш 重之權以霸 於災害。 ,則可以 海之出 聖王之教萬民也,資天地之生以 下,則 以 供郊 孰 然 爲 與 非 貨。 齊,桑羊行均輸之法 廟, 成 得 當世之務哉? 廪卿士,聚兵以 絶代 食均 能 于 臣,持 上下,貨通于 故 變通之 征伐 爲 以 夷 食 助 吾

漢。 派 雖 陳 近 公 重 此任,而常難其才。 恕,是皆善天下之計 則 隋 有 高 類, 唐 有 劉晏,皇 者 也。 爾 朝 後 有 朝 左

廷

流 游 再 既 當 以 子 弌 以 今上 助 面 塞大河之决,❷其供億不可勝紀。 職 而 刑部侍郎 不竭 辦,霈然有餘力。 五. 經費,復 天禧 褒其能, 即 年間,天子 中 三年 位 並 外 屬 士 親 七月甲戌制 服 以 衡 大賚天下,至于真宗 製《寬財 其 大計 可三司使。」告謝之日,天 有事于南郊,又御端 通 蓋周 賜 焉 利 内帑錢二百萬 論 知天下之利,使 曰 **>** : 以賜之。 樞 密直 公皆優 Щ 門。 陵, 公 學 緡

先生 君。 益 尚 書屯田 贈吏部尚 一學,即有聲 生子五人,公居 公字天均, 郎 中 書。 于 隴 祖 尚 西 西 徹,贈左諫 其仲。 書娶 州 成 紀 《惠氏 人也。 太平 幼 -興國 負 贈 議 曾祖 氣 大夫。 扶 八年春 節 風 從 涣, 郡 父 太 贈

> 州。 者一 之坐。 有民殺· 橋 以父憂去職 貴乎?」移 縣 天子 覆之,卒從公議。 非子之明,則 辇 主 餘 簿。 運, 親 公告于尹 策天 人,具辭以送府,父子五 四 改司 府 人掩 知 知 下士,公中 冤于地 眉 農 服 其 州 其 丞。 除 (才, 俾 曰 : 彭 即 骸 下矣。 由寇萊公薦,領京 Ш 謂 爾,安可盡 「嘗試 除 -第,❸ 縣,就 權 著作 公曰:「是 領 子 辨 獄 釋 佐 除 有 之。 人皆 掾。 褐 郎 大 辟 陰 爲 理 四人者 乎?」尹 施 通 蓋 伏 咸 京 後當 評 判 兆 殺 加 陽 兆 事 邠 渭 人 功 縣 鄠

真宗 即 位 一、遷秘 書丞, 知 劍 州。 咸 平三

3

⁰ 一高 傳》改 類」,原 誤 作 高 類」,據四庫 本並《隋 書》卷 四 一《高

² 集卷 「大」,原誤作「夫」, 一八所録改 據 四 庫 本 並《 名臣 碑 傳 琬 琰 集》上

公中」,原脱,據宋本並《名臣 碑 傳 琬琰 補

品 愛? 師 利 即 擊 得降 署 糧,險不 焉。」衆從之。 退守劍門。 於賊 據險 芻糧 急 年 賊 害。 馳驛 賊 膀 來 服 來 春 來方鋭 斬 矣。 卒千有九百。 以 之積,使 趨 「, 益 以示 蓋 無 阻 俄 帝 入奏,自引棄 劍 脅從 可 州 首數千 復 深 大兵 而 不 寇 據,遂 孰 摇 欲 兵 大 加 與 如 而 曰 賊 亂 絶 動 既 獎歎,擢 則 口 兵 劍 焚 來, 級 能 王 門 與 而 得 大 其 推 均 兩 得之, 師 乃 何不 爾 賊 鬭 之兵 泪 出 儲 城 王 賊]1 賊 至,得 之 與 ? 等 其 蓄 劍 均 守 諸 拜 遂 敗 路。 劍 歸 合以 ", 擁 門 得 謀。 非 關 度 吾 爲 城 平, 走 門 我 無 吾 徒 首。 支員外郎,賜 之咎,且言 無 城 , 公告 州 兩 鈐 ,復爲王人?」 如公始謀 公知 拒 空 肉 援 無 父 民 轄裴 111 保 戰 吾 壘 守 既 母 以 諸 成 于 其 辇 守 具 破 妻 都。 賊 城 臻 無 衆 州, 窮,手 了, 而 庫 漢 子 聞 平. 併 資 盡 可 E 帛, 焉 州 之 王 賊 公 與 圖 下 必 五. 兵 有

> 會 帥 謪 臣 監 言 虔 公 州 不 關 當 征 棄 城 朝 廷 方 任 帥 不 得

梁

借民 矣。 農 之,歲得緡錢三十萬,以 高 不 重 奏,命鼎爲 奪 復 時 每每 其 鼎 政 價 臣 力, 時 變 諍 估 上言:「 尋 歲 沮 重 以 請 召 法, 於 轉 商 商 轉 則 還 通 帝 陜 不 池 粟 利 粟 人 邊 鹽 前 易業 西 陜 判 鹽 以 與 人 將 商 曰 : 制 償 西 異 鹽 備 \equiv 市 安 如 外外 置 之,人得賈于邊市 塞,復 舊 司 日 虜 信 前 民 使。 農 制 鹽 邊 中 不 力可支乎 使 商 鐵 爲 路 給西兵。」朝 青鹽 許 轉 公上言 人 又官自鬻 失業, 勾 虜利 阻 鹽于邊,官 人人粟塞 入粟 院。 食之, 險 財 ? 塞 非 舟 時 苟 便, 下 力 虜 鹽 徒 車 度 能 廷 下 俱 則 能 自 今請 支 爲 不 復 寬 則 口 屈 農 其 使 民 利 價 奪 能 與

後

通

執

⁰ 賊」, 原脱,據宋本並《名臣 碑傳 琬 琰集》

言,不 力,沮 助之,有何 焉。」鼎 覺 虜 計 切 至 不可 直 雖 陝 西 緡 ?」帝然之。 帝 ,果無効而 錢不足, 陛 曰:「爲臣 罷 公謝 下 2,卒如 當 以 如 諸 以 此 公言 忠 路 宜 情 之 無 羨 而

改

擢 子 直 七 絹 領 河 之。 帛 榷 封 五 東 屯 干 拜 ,則公私交濟。」制從之,今行 直 + 河 歲三十萬。❶ 酤 員 E,獲遺 封 北 兵之計 右 萬疋,不足 於豪力,◎其息必 萬 外 領 拜祠 荆 諫 轉 石。 郎 詔 議大夫, 賜 運 湖 公駐 利 北 使。 部 京 ,擇使爲難,輟公以司 蓋 金 路 郎 西 紫。 天子朝陵,幸西洛,進 億計。 澶 則市於民,請使民 建言: 轉 路 中、度支副 領 州 運使,歲 乏粟,又進三十 使 即 倍。 同 如 保 乃 「民乏泉貨 幹供 故 任 奏罷 本道歲給 能 餘 使。 億 及祀汾陰,又 吏數 徙陝西,進 朝 于諸 事。 朝 廷 封 + 預受 諸 每 廷 萬 助 道 慶 郎 以 兵 邊 分掌 軍 春 石 中 天 其 帛 取 兩 糧 錢 司 助

> 城, 阻 耶 ? 朝 未可 還,有 行,以 君子謂公知政矣。 率 得 畢,召還,進 以公提舉 等。 饑、公悉發倉廪以 如 廷 巨 時 」帝悟,遽命罷 京 無 遣使視之,公奏曰 人,拜樞 圖 長安爲關 以 公再至 坻。 卿。」除 數 任 一京 州 意。 給 西 議 丁力 密 兩 都 事 者 輔之要,命公鎮安之。 陜 會 直 河 轉 中。 謂 西 大河 河 書 學 其 運 夙 所 振之,仍 轉 朔闕 夜營護,役 使。 使, 士 朝 :「豈不 夜 積 運 決 廷 其 太 恩 知 須 使 明 謂 于 廣, 職 數 益 司 年 無 辇 坤 帝 廪 州 爲九年之意 事 必 維之奥, 棣 濟 大 積 死 禄 將 蝗,民多 京 穀 朞 者 將 加 車 腐 西 郡 月 相 圮 常 河 祀 駕 敗 邑, 枕 其 詔 宜 既 制 朔 事

罷 原 脱,據 宋 本並《名臣碑 傳 琬 琰 集

户」,疑是。 豪力」、《續資治通鑑長編》 卷四 四 注 引 此 文作「豪

朔凡 緡錢 歲 吏以 藉 死 I 出 請 以 一部侍 凶 舊 萬 亟 而 城 數年,天子封 爲 聞 遷 極 屢韶褒之。 水 盜 郎。 纊 法 丈 以 不 糧芻鉅 餘 朝 論 ,長吏得屈法 澼 降。 廷 相州繫囚 患。」朝 公曰: 閲其 民 公奏曰: 萬數。 不 泰 奏,即日下密韶: 爲 廷 Ш 十四人,盗瓜傷 餓 從 魚,公之力也。 ,祀汾陰,幸亳社,進 以 又請罷 之。 夫何至 是 全之。」公兩 後 不 内帑錢帛歲 數 可 此?」皆貸 月 以 一民 其主, 州 使 大 矣 水 河 有

井。 贖 ? 制 環 林,出爲 盗 于 寇充斥,進刑部侍郎 爾能 通 魏 爾 衢。 聞之少懈,又下 人饑,命公知天 郡 惟從賊所之,俟其自 何而梟之,吾將以 邑之患者。 公至, 遽出 知 雄軍。 教 己,戒 先是, \Box 青 功 州 論。 「賊 新, 係 日 又東齊大 「虐 其 盗 畫 則 妻子 旬 復 有聚 爲 浹 爾 爾 魁 歉 間 間 Ш 何

百

盗 命,公録之如教,齊人遂安。 有梟二 魁之首 獻 者 餘皆 散亡 天子遣中 或 使 來 羧 請

私市羊 于京師 是西 償,西人苦兹五 日 亦遣吏送,而羊多斃于道,二者吏皆破 師,度三門之險,破散者太半,又每歲 更月除,不 X 及爲三司 以 如, 如 鮮 副之,免關徵算,得補 復 入粟法,售以池鹽。 破 可 使, 産。 殫 十年矣。 書矣。 陜 視天下 西 舊 公請 科 之弊如 吏人采 募 又請 其亡失。 商 此 木 旅 許 市羊, 比 産 送京 其 送 以 車 木

掖之。 者。 朝 陳 而 廷 州 許 公命立斬之,人心始寧。 優 Ŧī. 遷 更部侍郎,以足疾求罷,優詔 今上即 時 寵 日 大 老 水 至 成,遂得 侵城 位,拜尚書左丞。 便 殿 奏事 請 有 除同 言 拜 水 則 州 乃築大防,以 以 觀 復求 城 通 察 事 以 不允, 使、 解 誑 衆 知

西京。 闕 兆 享年七十四。 完其州。 後二年遘疾,以天聖十年五月二十六日 ,理公有勞於國,非意左遷。 萬 罪,公以 年縣 未幾,進左衛大將軍 改潁 白 親累,授左龍武軍大將 鹿鄉之原。 以其年八月二十七日葬于京 州 復莅 陳 景祐 州 ,還長安故 元年其子詣 會 天子憫然, 曹襄 軍,分司 悼公 薨 居

降

制

追復同州觀察使。

計者也。

銘曰:

縣 早世, 丕諒,太常博 男六人,丕顯,不仕,丕績,同學究出身,並 馮 或 丞; 丕旦 年而亡, 丕緒,尚書水 改崇儀使、邠寧環慶路兵馬鈴轄,後公十 軍 主 翊 |簿宋肩遠,次適曹襄悼公利用,次適 節 雷氏,封延安郡君,後公十六年 娶太原王氏,封平晉縣君 度觀察留後曹琮。 ,國子博士。 士、集賢校理,由 女三人,長適益 部郎 孫男若干人。 中,丕遠,殿 早亡。 ·而終。 又娶 方 州 中 定 郫 略

> 公則 尚寬恕。 又嘗薦 才吏數百 言邦國之利,鮮不斂怨於下而 疏 公性慷慨,善辯 通 太 利源 政刑之下,活人多矣。 傅 員,當力薦吕文靖公、陳文惠公, 張 ,取而不奪,允所謂善天下之 郊公。 論,明於知人。 公服官五 傷其手者。 十二載,專 自古能 凡保任 臣

通。 宣。 才 ? 兮,法道法天。大烹之盛兮,包羅俊賢。 遇之愈隆 何算兮, 雲駕波馳。公常景從兮,朝詢夕咨。 公之才兮,屬諸 兮,《易》不云哉? 封乎泰山兮,祀于汾睢。 屢行大齊兮,如 舜歌《南風》兮,阜時之財。 弗富弗彊兮,王基 無 公則請老兮,命以 一不宜。 利權。 泉不窮。 富 入司 公之感遇兮,惟 或 其 彊 邦賦兮,帝曰 摧。 兵 千乘萬騎兮, 太上繼明兮, 觀 兮, 巍 何以 風。 巍先 孰 供 久於 力是 謂 聚 汝 億 拔 帝 Y

其樂只且。安安而壽兮,高枕以終。門閥趨。曾不加賦兮,抑有羨餘。全歸故廬兮,貨政兮,人將無徒。公嘗寬之兮,民易以

范文正公集卷第十一

功。

映于國史兮,千古不空。

不圮兮,表于關中。峨峨之碑兮,章章厥

二〇八

范文正公集卷第十二

墓誌

·

贈户

部郎中許公墓誌銘

德深長,慶著來嗣。 也卿。妣清河張氏,贈河内縣太君。皆積不榮以禄。考諱某,汶陽之廬令,累贈光禄不榮以禄。考諱某,汶陽之廬令,累贈光禄,王考諱某,並隱君子也。避五代之難,

宗之尹開封也,龍德日彰,髦傑之士其嚮如公英秀而文,與時會亨。開寶八年,太

解之。 南郡。 事。 雲。 闕下,復上策議并所著文四十卷。 未幾辯之,●移倅弋陽郡,復官曲臺。 其能狀,乃拜太子右贊善大夫、通判姑蘇郡 試禁庭。 七陳諫章,上愛其忠,就遷本郡守。 右,坐聯職之累,降品一等,領饒陽 除江寧府獄曹掾。 甲乙科者,必更州縣,有唐之遺風。 藝,公爲之首。 曰:「我姑試之。」除均州防禦判官,郡將表 是歲秋賦,公卿送名者比比焉。 時二浙之地始歸朝廷,宿政如繩,公善 上既御大器,北伐太原,促召至行在, 就進殿中丞。 樹善屏惡,新民耳目。 上覽而嘉之曰:「南府才冠,吾不 覆策于庭,復在高等。 本路八使言,聽決詳明。 俄拜奉常博士,領曹 以前均 翌日,召 受代至 錢監。 釋褐, 在郡 時登 及試 権 浙

❶ 「辯」,原作「辦」,據宋本改。

二〇九

安 聞 命 事,河内人歌焉。 失 人。」 、先塋,請 公往刺 鼓 院院 即 ,遠人便之。 由 以 理 是 本官直昭文館 覃 四 懷郡。 又西 方之訟, 陲文州,扼其戎險, 出奉公家,入敦孝 清 賜 而 服 不 五品 壅 以 判 奉 登

鄉某里。

慷 館 以 于京師武成坊之私第,享年五十七。 解,不得去。 行也,動乎天地,不可以誣。」命公修注記。 慨動上心,面改兵 ,三進秩,至于職方員 先 君之諱,固 真宗即位,一日謂執政曰:「人君之言 以景德 請 不 二年 部。 獲,須正 外郎。 应 方將圖任, 遘疾求 月 二十九日,終 人也。 大 「論邊事 公在

謹 頊 士 珂 有立、今爲右侍禁、衛 一第,今爲太常博 ,早亡。一女,適進士張 ,祁州深澤尉; 娶朱氏 ,封永城縣 仲 士、奉朝 E 君。 琰 州 濤 兵馬 有文 請 有子四人,伯 朝 監 與 叔 廷贈公尚 押 行 日 琦, 擢 季 恭 日 准 日

> 朝 書 户 也 部 以 郎 銘曰 某 中, 年 進 月 封 日, 夫 歸 人 葬 河 于 南 懷 縣 之河 太君。 南 子 某 登

時 ? 怒 俊造。 恤 保以令嗣兮,亦公之意兮。 百城。 飛爰止。 燕趙之英,邦家之寶。親 賢者弗達,天乎 翹 晚 翹 歸 入彀,郁 嗚 内朝,端立右史。 呼 ! 郁 遇豈不奇? 可 登瀛 疑 葬 榮滯 逢聖神,首冠 于 直道始行 善地兮, 六 進豈不 淹

滕公夫人刁氏墓 誌銘

也。 之變,觀其 又刻 孝子之心,取諸《大過》。 名與行,從 君子 序 曰 : 之思 銘 葬者,藏 ,思其人,而不敢廢其墓。 也 而祕之。 遠,故 也 復卜 意百代之下,治亂 欲 于山 不 得 , 坎于泉 而 見之 斯

戈。 之靈,葬于此山之金鷄原。 山 酤。 之,禮也。 風,草木多靈,民人一熙,書契已降,不知干 無疾而終,春秋七十有二。閏四月,舉 意,至矣哉 官,以抗章黜知 ·是可隱志焉,是可宅先焉。」即奉先公太博 ,上凌紫霄,下盤洪流,千巖白雲,萬 居者得其壽,藏者得其朽。 初,夫人之長子今祠部外郎宗諒 加 起 ! 倅 時景祐之三載。 江 玉 . 寧 山 郡。 府 事 再貶,莅 斯又《大過》之 常謂 明年,夫人 乃歎 池 池 之九 陽之権 一而 | 壑清 作 曰 : 袝 華 諫

内 **贊善大夫。** 寧軍節 晃,後唐天平軍 太博之遺世也,二子尚幼,夫人夙 惟 節 夫人姓刁氏,其先譜史存焉。 度判官。 儉,外豐禮於賓客,俾令人是親,以 夫人歸滕氏,服 節 考諱允成,皇朝贈太子右 度判官。 王考諱傑,梁泰 勤 婦 道 夜誨 皇考 自 導, 先 諱

拜而

去。

子宗元 就厥文行。 族,稱其禮範 有風采于朝廷。 就 養于家,未登禄仕。 而祠部君克承善志,鴻軒鳳 夫人累封 |渤海縣太君。次 二女適名

名理。 於福 之然也。 於江湖間,夫人從之,未嘗出憂語,知 餘五十載,門中無間言。 地 夫人之性柔而明,端而慈。曉文翰, 事長如不克, 難哉! 故生享德於慶間,没 撫下 及子以言貶,顛 如不及。 居大 反 事 真 君 族 沛 通

無窮。 此拳 上,知夫人之賢而敢述焉。 拳, 某於祠部,同年之執也,當入拜于 九江之上,九華之中,孝子宅親,厥 茫茫萬年,高岸可遷。 曰:「賢哉! 滕公夫人之墓。」再 其銘 尚有人焉,來 日 堂

思

都官員外郎元公墓誌第

亂, 宗、宜宗、道宗、公即 贈 也。 也,●從而 王,有儒 文,典吴越書 僅三十年,賜 終,因家於餘杭。 馮翊縣太君。 東依錢氏。 皇考諱仔 公諱奉宗,字知禮 術,皆 還 朝 命,累贈 姓 得,唐 補 時朝 以文召試,拜光禄寺丞 元 少 王考諱德照,爲吴越 爲 氏,累 ノ卿子 幼子 郎。 廷 信 太僕 命討 其先臨川大 州 五. 也。 贈 象宗,忠懿之 刺 少卿。 人,曰 太保。 史, 淮 三人事忠 南 避 興宗、 妣 考諱 未 姓 楊 陳 Ŧ. 行 危 渥 氏, 婿 懿 相 之 秀 而 氏

牧錢公惟 州武進令,皆以 士,公中甲科,初 公精於詞 濟, 泊數朝賢 律,景 廉 命歙州 愛 稱 德 中 績 交章保 遷 夫 溪 漳 子臨 縣 州 任,除 事,再 從 軒 試 天 忠 命 故 下

> 州 廷 理 軍 生,階之爲亂, 以西蜀天下之富,昔者吏嚵民膏,怨 行 掌 晉 原縣。 書 以 聞 記 擢 俄 拜 改 宜清舉者往焉,公例 太子 淮 南 中 幕 允 領淝 本 道 按 111 刑 榷 改 使 酤 知 所 采 蜀 公 由 朝

寅歲 官。 都。 郎。 知 七十有八。 閑 通 十月丙戌,考終于永定里第之寢,享 局 又以籍 尋告老,歸姑蘇 州 今上 有監郡之行,公以 莅之。 海 門縣。 即 田 位,遷太常丞,賜服 之慶,進 韶從其請。 遷博士,入拜 郡。 思 都 事 朝廷恤之,補 官 松楸 再春,求 外 / 尚 郎。 願 五. 書 品。 景 分 得 屯 祐 務 餘 田 戊 子 杭 南 外

三子, 始娶吴氏 昞、 曄、暕 皆 再 娶李氏 舉 進 士 , 封 壽 昞 安 從其補,今 縣

^{● 「}婿」,原作「胥」,據四庫本改。

三日。官,俱就養左右。及公之喪,勺水不入口者官,俱就養左右。及公之喪,勺水不入口者爲歙縣簿。曄、暕並策名。曄不赴調,暕解

葬。 私歸。 議 又邑有大瀆, 亘數 百步,積泉袤丈,自是雖甚旱暵,人常賴之。 諸郡有難獄,多命公决之。 黨稱焉。相國潁川公曩司淛漕,公在武進, 鹵之澤,民無甘飲,及卜良地,鑿大池,廣方 於公,愛之如傷,教之若不及,以至于成,宗 下,易衣并食,不改其樂。 下,關譏甚嚴,衣冠之族,咸促赴闕 士,爲搢紳先生所推諾,公友事之,如在 ,籍力導至于海,人咸利焉 兄道宗有才名,不就世禄,舉 公孝悌之性,不避禍難。 公聞太夫人之憂,晝 十里,堙 在海門日,患斥 有兄子翼,幼依 置 而 夜 不治。 初,江 入馳,以 下, 夫 公抗 府 浙 及 無 膝 進 於 始 敢

公退十餘年,創竹亭花圃,遊遥其間。

子如其教,以其年十二月甲 多素食清居,非 孝鄉峴陁嶺之先塋,禮也 父兄之側。 葬器,而命諸子曰:「吾死之日,必 魂如 有道者不接。 有知,得事親於地 申,葬于錢 晚 年 下。 制 歸 塘履 我 斂 諸 服

焉" 某以公年德, 當修鄉丈之禮, 而敢銘

子,吾不知夫古人!没焉不已。遷惠于民,抱道于身。于嗟君没焉不已。遷惠于民,抱道于身。于嗟君而息? 孝友之風,樹者無幾。公乎何心,却焉樂華之衢,奔者無極。公乎何心,却焉

贈兵部尚書田公墓誌銘

時公子完如齊,子孫遂大,食采於田而命氏衰,徙家于蜀。昔武王封舜之後於陳,春秋公諱錫,字表聖,世爲京兆人。唐德之

著矣。 焉。 器 郎 或 皇帝親策天下進士,擢公第二人,時太平興 長 文而不耀。父懿,因公之貴,累贈尚 政矣。」公服其 中。 三年秋 志大成。 安、從昌黎韓 0 而 ·學其道,慎無速爲,期二十年,可以 厥 大王父易直,王父成,皆隱 善教于家,嘗命公曰:「汝讀聖 後 也。 拔 將 有 王 訓 丕復居驪 穰 一府 拳拳然,博通 苴 薦,有聲于 相 有 Ш Ŧ 白 秋 群書。 京 鹿 師 觀 斯 君子 數 o 書 可 年 東遊 太宗 人之 左司 謂 也 從 之

留 充 聞鼓院。 左 還 五. 品服 獄之謗,左降 職 補 改著作佐郎。 闕, 出 褐, 以 移 直言 尋以 爲 桐 除 河 廬 將 改户 本官知 海 北 郡 作 州團 遷 轉 俄拜右 監 部 運 丞、 [練副 制 起 使。 郎 誥 居 中 通 拾遺、直 使。 舍人。 改 進兵 判 出 知 宣 守 起 相 部員 城 爲 淮 還,判 一史館 州 工 郡。 陽 就 外 部 賜 郎 員 以 登 除 召

> 司,賜· 位 外 年十二月十一日終于私第,享年六十四。 知 郎、 雜 遷 , 拜右諫 金紫。 更部郎 直 集 賢 求出,典 院 議 中 大夫、史館 判 復 審 户 海陵郡。 官 部 院 郎 兼 修 中 撰。 通 還臺,兼 進 真 以 銀 宗 咸 臺 皇 平 御 封 帝 六 史 駮 即

獨 請 之事鮮矣, 答,賜内帑錢五 怒,不賞平晉之功,中外 無不言。 君之誠,惟恐不竭。 公上書 復鄉飲禮 公自白衣,已有意於風化,上書闕 太宗初,既 論 宜 了又請 諫, 少 + 晦 理 修 萬。 意 矧天. 以 籍 取 深 遠 僚 田 切,帝 太 囂然,而 植 讒忌。」公曰:「事 友謂 禮。 原,范陽未 其 感 性 及 公曰:「今日 寤,璽書褒 在 莫敢言者。 朝 下, 廷, 賞之 知

0 0

[「]采」,唐云句光,蒙《石五碑專句「采」,原誤作「菜」,據四庫本改

本文補。

天意。 嘉之。 子賜 舉公賢良方正 夏之役,朝廷爲之慼然。 者比比 安,仍加寵賚。 皇帝嘉其意,屢 文示變拜, 疏請 遂抗言切於時政,故有宛丘之行。咸平初, 使秦 如 耶 虎,不圖復見太平。 宣付。公又上封禪書,謂五代 詩歌,帝獨喜公之辭,乃依 郡 也。 ·?」在 九 公在西掖,會京畿大旱,禱 及還,眷遇愈隆。 焉。 隴 經 吴越之邦 公下車, 以佑之,自是 迴,上三章言陝西 河 在郡,聞禁中火,拜章 朔 以以 降韶 爰 召 暨 。 歸 有 建孔子 副 對 相 翰 州 天下之望。 便 責躬,上奉天誡。真宗 朝廷 殿 宜崇檢玉之禮 累 林 睦 出海陵之初,以 學 會乾明 廟,教之詩 人 未 章 及行,降中 士承旨宋公白, 舉孝秀登搢 數十州苦于 久,人阻 論 韻 邊 之亂 節 一日,召對 和 事 祠 賜 極言,上 人如 書,天 無 以以 禮 令宰 閣 使 撫 至 應, 答 多 紳 桐

豺

進

貌

廬

奪

相

出

至矣。 疏凡 心涣然。」所撰三十篇,皆隱 清浄之風,述理亂興亡之本,備 之。乃具草以進,手詔答曰"「 久之,且 理評事,持喪中並 使賻之,有制痛 不忘危之意,其家弗預焉。 矣,亦吾之分也。」及終,有遺表,陳 家事,天子聽納,則人臣之幸,不然 兩朝,由遺補歷御史,至諫議大夫,前 采經史中 元二年四月二十四日,

●與夫人合葬于泗 五十有二。 後以二子登朝,累贈兵部尚書。 曰 : 切 於治 陛 悼 嘗謂 下 體者,上資聖覽。」帝 贈工部 給月俸。 以 皇王之道爲心, 諸 子 侍郎。 天子怛然,命 日 哀榮之禮,可 其 : 卿能 目。 吾 觀 二子改大 鑑 公奉 邦 禍 每 演 戒, 後 皇 深 臣 或 且 言 章 朕 然 寶 安 至 事 王 請 州 謂 中 國

⁰ 「二年 四 所收本文改 月二十四日」,原作「幾年某月某日」,據《咸平

二六

臨淮縣某鄉之某原,禮也。

駕 王 並 循 一氏,次適龐氏,季適張氏,皆以婦道稱 |克奉堂搆,有能政于四方。 部 法 度,以配君子。二子,長 員 公娶楊氏 外郎; 次 ,再娶奚氏 日 慶餘,今爲 封 女三人,長適 曰 江 比 慶遠 陵 部 縣 一,今爲 郎 君 中。 能

平。 有天下: 之。 至西漢 爲之訓誥,故教化紀綱莫盛於三代,而 卷,目之曰《咸平集》,行於世。 廢 大禹時, 皋陶矢厥 中,樂得其正,晏如 而 真宗之初,復親擢 出處二十年,未嘗趨權貴之門。 公動必以禮,言必有法,賢不肖咸 漢 弗 得賈 ·皆數 始 克 也。 施, 誼、董仲舒,其言可 百 年。 使後 聖 謨,在湯武時,伊尹、周公 宋 秦滅詩書,其 世王者 定天下,太 俊乂如田公之徒,並 也。 無 著文章成五 復起三代之 以 論者曰 八宗鋭 風 追 不 先 意 紹。 子孫 在貶 王 憚 之 在 + 太 伏

於古歟?

之,又采舊老之言,而作銘云: 書先君之履業,索文於江外,某敢約而修 某幼聞高風,未嘗游於其門。今駕部

哉! 吾不得而見之。 甚奇,盡心而弗疑,終身而無違。嗚呼賢善嗚呼田公,天下之正人也。言甚危,命

兵部侍郎致仕胡公墓誌銘

有 致 源,以夫人潁 仕胡公薨于餘杭郡之私 一日,葬于杭 寶 元二年六月十八日, JII 郡 之錢 君 陳 塘 氏 縣 袝 第。 南 焉 尚 Ш 禮 明 書 履 年 兵 泰 也 部 鄉 月 龍 侍 孤 子 井 + 郎

❶ 「不」,原誤作「丕」,據宋本、四庫本改。

人之事 烏乎 也。 者必作,重其孝於親 祖 楷 之 泣 能 然而言之不文,行而 美 血 文? 言 而 以 于 敢 明著 友 今得浙 請 人 誌 於後世 范 焉。」某 某: 也,敢不 東簽書、寺 宁,此 曰:「孔 不遠,處 禮 孝子孝 唯 經 命?」 丞俞 子見 謂 喪之言 孫 君 稱 齊衰 狀先 之心 揚 先

君。 中。 道不 矣。 公而 舜之後有胡公,武 顯。 皇考諱 公諱 妣 應 官至 考諱 則 氏 ?;字子 彭,王 尚 封 承 永 書 師 一考諱 王 ĬĒ. 樂 比 在 封 ,婺之永 縣 部 鄉 於陳、蓋 瀔 太 員 間 皆 君 外 間 康 郎 隱 以 贈 族 人 於 積 普 贈 也。 望之來 唐 善 寧 吏 季 稱 部 郡 昔 ', 其 遠 太 郎 大 虞

能 御 士 前 購 用 經 補 公少而倜儻,負 進 廕 史,屬文 不設 士 第, 解。 貢 釋褐 舉 一,吴越 八氣格。 及 爲 歸 許 州 皇 間 錢氏 朝 許 儒 端端 田 風 爲國 尉 幾 拱 息。 百 以 年, 年 幹

> 使,以 禮部郎 官知永 事,兼 州。 部員 吏部 池 知 銅 佐郎、簽署貝 道 省丞,知 自 州 玉 場 計 聞 郎 外 使、 補 Ш 鑄 户 知 中、 判 中 郎 嘉 未 郡,移福 錢 部 桐 潯 諫 蘄 行 郡 流 監 改 京 郎 廬 州 大 州 7,復諫 内 ,擢 遷屯 太常 爲 中 西 郡 夫 廣 州 銓。 索 轉 三司 拜 復 濟 唐 任 節 運 議 少 充 田 丁 太 公湘之舉, 宰 郡, 江 度 以 太夫 大夫、 卿。 常 江 員 使,又移 度支副 觀 淮 舉 又 拜右 淮 外 博 察 制 官累 補 7 制 郎,提舉 人 士 判 置 知 憲 諫 先 置 使, 憂。 ~, 官 永 廣 發 提 改 州 議大夫, 發 君 公事 興 南 運 舉 賜 祕 録 授 憂。 運 服 軍 西 使。 江 書 曹 金 使 小 除 南 浙 紫。 省 路 常、 終 0 轉 知 升 轉 路 以 著 権 以 領 制 杭 户 本 轉 除 銀 本 茶 作 知 運 本 河

⁰ 發 運 原 使」,此次爲復 脱,據宋本 補。 任 故 按,前 當 有 文已記墓 此 主 任 江 淮

牧餘杭 部侍 聞 就 加 北 養。 兵 都 而 悼之,進一子官。 部 郎 轉 侍 郡 又六年而終,享齡七十有七。 運 集賢院學 郎 使 踐更中外,凡四十七年。 致 仕。 給 事 弌 朝廷命長子通判錢 中 知 人 陳 權 州。 司 進 使 刑 0 得請 部,再 天子 塘 拜 以 T.

其帥 曰: 以 曰 : 不 甄 對逾刻。 計 廷 索公方引公督隨軍糧草事,公曰:「爲百日 拔 有 解。 · ,猶或不支,奈何?」索公乃遣 命 「州縣中有如此人!」遂可其奏,且示 之意。 備報之。」索從其議,彼 移文曰:「兵將深 師 初,至道中,公在 師 索公曰:「微子,幾 五路人討,詔 老矣,矯問 公陳邊事,如指之掌。 後大帥李繼隆 我 憲州 糧 具 爲 三十月 時, 敗 糧 果 歸 即 吾 與 可 自 師 西 寇遇 之名耳 糧以從之。 繼乎?」公 事。」一日, 還 公人奏,召 寇 上顧左 無 梗邊,朝 以 十旬 右

> 敷 ? 主其供 數人之生耶?」咸以羨餘籍之,不復爲 之,前史義焉。 當死,公思之 禱 數,民用 役,❸就命公行河北道。 辟之,遂有貝州之行。❷ 我。 在 江淮制置 城 隍神, 其先 按池州 億。 休息。 見 翌朝 日 千乘萬騎,至于禮 如 永豐監,得匿 曰: ,會真宗皇帝奉祀景毫,公實 此。 今銅尚在,吾忍重其 在潯 得 一昔 死 及 州,人有 虎于 索 馬 朝廷遣 公 凡去籍者僅 伏 廟 主 銅 波 中,其 數 虎 河 成,無 哀 使省天 萬斤,吏 患,公 北 重 計 誠 囚 貨 一毫之 之 齋 + 下 又 而 而 坐 懼 効 戒 萬 奏 冗 縱

^{●「}給事中入權三司使」,此句前有脱文,各本均如此

^{○ 「}有」,原作「以」,據宋本並《名臣碑傳琬琰集》中集業

^{) 「}使」,原作「賜」,據宋本並《名臣碑傳琬琰集》改。

有司 闕。 官鹽歲久,民鮮得 財利,不以刻下 減其直之半,而民始安。 當言之。 奏之,未報。 請就鬻之,責其估二十萬貫,民不勝弊。 數百頃,民輸租食利舊矣。 而特往辨之,活者九人焉。 又宜州繫重辟十九人,時有大水,公不慮患 至,輸上之貨,十倍其貸,朝廷省奏而嘉焉。 之來,不恤其窮,豈國家之意耶?」後夷人卒 瓊州出公帑錢三百萬以貸之。 食匱資竭,久不能進。 相之貳。 亡信,又海舶乘風,無所不之。」公曰:「遠人 重其改作,公首請奉詔,其事遂行。 帝深愛其才,面 而弗從,刺史可廢矣。」乃有俞詔, 在廣 章三上,且曰:「百姓疾苦,刺史 南西路,有大舶 爲 食,而 功。 加 時 夷人告窮于公,公命 獎勞,遂進 日 公領三司使,寬於 上方以兩 以 在福唐,有官田 至是計臣上言, 犯法,命通商。 吏曰:「夷本 困風于遠海 秩登于計 京、陝西

> 於喪葬。 俸金,仍厚遺 命釋之,見以賓禮。 昌期自益 率錢十萬遺之以歸,事在訟 被訟去官,嘗延蜀儒龍昌期與郡人講《易》, 施,不爲私積,士大夫又稱之。 法外意,人或譏之,公亦無悔焉。 其輕 府,乃復有制置之行。 夫、知廣州。公以家君八十歲,懇辭 之。又天禧中,尚居郎署,朝廷擬公諫 爲孝,雖非其例,與以 京西之行,以家君朱紱爲請。上曰:「胡某 側,以終喪紀。 公性至孝,自曲 公富宇量,篤風義,往往臨 部械至。 而還。❶ 有草木之祥,本郡表之。 公曰:「 臺 法當償其所遺,公代以 明勸 尋以哀 又濟 丁太夫人憂,廬于 也。」
> 搢紳先 斯 中。及公下車, 陽丁公爲舉子 去職 何 福 罪耶?」遽 唐前 得 事 于 議 郡 財 得 盡 牛 尚 及 墓 政 大 將 文 1)

[「]遺」,原作「遣」,據宋本改。

政, 之賢乎? 預。 與交親笑歌於時歲之間,浩如也。 湖,乘畫船,擊清波,深樽雅絃,左子右孫, 萬里而往遺焉。 家,公實被議出玉山郡,尚屢遣介夫,不遠 時 而雅故之情不絶,若休感士人 與孫漢公客許田,公待之甚厚。 暨丁有朱崖之行,昔之賓客無敢 此又人之難矣。 及退居西 人不謂 而 及其 顧 未 其 嘗 執

閨 縣 終。 孝謹,有成人之風。● 二女,長適泉 友多之,次日桂 能,有先君風度,次曰湘,好學有志識,朋 睦州,祥符七年秋登服 尉 門之範,見其潁川之誌。 令子四人,長日 蘇璠,次適御史臺主簿華參而亡。 夫人潁 川郡君,有慈和之德,先以 ,俊異,居喪而亡, 楷,都官員 勤 詞 學 科,所至 外 次曰 郎, 州德 前 淮 其 化 政 知 壽

某非特爲重齊衰之情,嘗倅宛丘郡,會

遊,誠可代孝子而 公爲二千石 以以 國 言焉。 士見遇, 銘曰 且與都官布素之

年之爲兮千載後 進以功,退以 可 書,石不朽。

(壽,義

百

胡公夫人陳氏墓誌銘

人之職,莫先乎舅姑。 《詩》稱 「《采繁》,夫人不 甘旨以 失 事 居,蘋 職 也」。 繁以

事往,故可以配君子,正家道

也

宦。夫人幼賢,父母篤愛,擇公而妻之。及 晦,祖諱資,父諱文諭,皆樂善于家,不從 遊,夫人願侍左右,不從公行。 公中科第,累調遠方,二親樂間 夫人姓陳氏,金華郡之令族。 凡二十年, 里,與姻族 曾 祖 仕 諱

夫

⁰ 之」,據宋本並《名臣碑傳琬琰集》補

禮,自少至老,對公如賓客。加以純儉而天下之爲人婦者,有聲詩之義焉。又性好喪三年,然後就公官所。此夫人大節,無愧縫衣爨飱,必躬親之。至舅姑之終,與公執

仁,笄服之餘,皆均于親之貧者。

履泰鄉龍井源,禮也。十有九。以三年二月十一日,與公合葬于月,寢疾,乃齋沐易衣,恰恰而終,❷享年七議大夫,進封潁川郡君。● 寶元元年秋九議大夫,進封潁川郡君。● 寶元元年秋九

適華氏。銘曰:人之教,柔淑有禮,宗黨稱焉,長適蘇氏,次湘,曰桂,曰淮,並太常寺太祝。 二女習夫紹,曰桂,曰淮,並太常寺太祝。 二女習夫子四人,長曰楷,都官員外郎,次曰

延岫,皆隱而不仕。

惟孝惟禮,作配君子。伊夫人兮,至

矣。

寧海軍節度掌書記沈君墓誌銘

下,代有其人。曾祖諱規,祖諱廷誨,父諱邑於邥,後子孫失國,而爲沈氏。漢晉而君諱嚴,字叔寬,世爲本郡人。其先食

有聲于江表。大中祥符七年秋,郡國敦遣,叔寬幼負器識,服親之教,宗經屬文,

「潁川」,原作「本」,據宋本改。

❷ 「怡怡」,宋本作「怡然」。

=

記。 劇。 所 辟 政 康軍 寧之茗局 叔 首 享年五 爲留守推官。 蔡公居 寬 送 既 餘杭郡 一判官。 一于禮部 主計 第 國家興山澤之利,主計等薦君 而吏畏其 四 守 又奏君 干。 外臺 権 三載 南 天子: 酤 明 都 上請 廉,民愛其慈,君子謂 年 以以 ,歲金二十萬貫,爲諸郡之 尸之,三年而還。 有 其年秋七月,以疾終于官 命試 春,禮部較 善績,改宣 同年之遊,惜其沉俊, 兼 于庭 領本邑 中 天下之才, 一城節 事, 甲科,除 朝 會故參 洪 度 之善 延 州 掌 從 武 南

> 曰 :

叔

寬

叔寬,生兮可愛,

一般分可

友朋

其顯以壽也,悲夫!」
明元:「天與其才也,又賦其行也,而不及信,善人君子無不樂見之。及聞其亡,皆相信,善人君子無不樂見之。及聞其亡,皆相。 以完於己子。與人交,篤於義

三子,曰祁,曰邰,曰郁,並從儒學,必

公諱齊,字子思,其先周之子孫,累封

之。及君之葬,又滕侯極意以營之,有以 叔寬感人之深也如此 有立者。 長女之嫁,蔡公不遠千里,命齎 二女, 長 適 前 進 士 陳 經 次 金 以 女 見 送 未

某同年之列、最相知心、故書之。銘

之望兮,子孫其昌。

户部侍郎贈兵部尚書蔡公墓誌銘

尚 之,國人傷之。 + 事、户部侍郎蔡公薨。 書,謚 月某 寶元二年,歲次己卯,四月,前 曰文忠。以康定二年,歲次辛巳, 日,葬于許 上命三公舉行典禮 州陽翟 天子 之某 掉之,卿 Ш ,贈兵部 參 大 知 夫 憂 政

250

於蔡, 累贈 居,鄉黨稱其孝友,娶楚國太夫人張氏而 太傅,隱居 居官九年, 祖 ",贈太 中書令,博 因 以 著姓。 丘 保、洛陽 民愛以深, 園,以墳 通 秦漢 經史,善詩筆,●與宗 人 遂家 也。 素 以 爲樂。 降,代 嘗宰 焉 生偉 考諱 祖 萊之膠水, 諱 人。 鄰 夢 贈 臣 族 曾 生

主 海郡,移 道,自公始 堂英偉,進退有法。 文考天下之士,公中第一。 依 曰:「得人矣。」特下詔,俾金 視之。」大中祥符八年春,真宗皇帝臨 爲監郡,得公詩語,歎曰:「渠有大志,宜 判 .外舅劉氏學于彭城,今相國 三司 公幼而神秀,眉目廣聳,見者異之。 北 開 也。 海 拆 郡 司 釋褐, 賜 召 服 還 上大悦,顧 除 Ŧi. 將 以大 品 及引對文陛,堂 作 (著直 監 吾給 今上 、隴西公迪 丞 謂 ·, 通 即位,拜 集賢院, 七 寇萊 軒,以 守 兖 清 公 善 時

> 使。 以户 密郡 郎 丞。 使,遷起居舍人、知制誥、 御 而 右 中、 召入翰林爲學士,兼 史 司 諫,同 拜樞 ,徙南京。 部侍郎罷,終于汝陰郡。 楚國在堂,君子哀之。公之弟祕 尋改給事 知 龍圖閣學 雜 密 事,賜 修 副 起 中,復 使,進 入除 士士守 居注。 金紫。 左諫議 ,西京。 充 禮 龍 改禮 部侍 侍 歷 圖 讀 同 户 部 大夫,權 以便親 閣學士、權三 郎、 學 知 享年若干。 部、度支二 員 士。 審官院。 外郎, 參知政 求 御 轉 書 史 禮 兼 爲 事 司 中 高 既 副 丞 部 侍

公。

教之親仁,賓來如歸

長女適試將作監主簿劉庠,次女在室。延慶,太常寺太祝,曰延嗣,祕書省正字。人劉氏哭泣三年,至于疾廢。二子尚幼,曰禀,甥著作佐郎寇平幹公襄事。中山郡夫禀 楚國在堂,君子哀之。公之弟祕書丞

❶ 「詩」,原作「時」,據宋本並《名臣碑傳琬琰集》中集

易。 抗 文宣公,嘗宰 無 孝之性,發之天也。 當遺弓之初,公懷哀慕,不能食者數 昆 無 承祐卒,遂廢十餘年。 倦,未嘗不以 稱 視其衾衣,涕泗 章 弟,愛之如傷。 請 彼有 ,嘻吁感概,教弟禀言西 不 而 復其嗣 善。 某 孤遺,則必 自 門 布 Ė ,有韶從之。 中 素從公之遊, 阜。 名教 奉 霑濕。 先朝 親 公於親 爲 爲之備 乾 公聞 采 急。 日 興 公病汝陰,聞 拔 視 中, 承 舊 見公出處 孔子之後 嫁 以以 其 事甚詳。 祐 間 娶。 四 親 輔相器之。 雖 有母弟在 + 色。 九 又 日。 死 語 諸公 代 世 好 蓋忠 生 拓 默 學 孫 鷾 不 拔

辭,許 於人。 至 寺,時公在 高 其 密,會歲 明 立 不 朝 肅 次。 翰 太 也 飢 林,韶爲之記。 一,能 后 、公請蠲諸州 公遲之不 時,用 清 其心 事 · 進 中貴 高 其 故 中人求 税,又力請 人董 被 行 誣 修 未 而 公善 景 嘗 出 放 德 取

> 爲樂 色。 酷 數,公有力焉。❷ 追 閤門促百僚賀。 隱,未嘗求其 嚴 餘,宜、桂 以閑田 之、恐生邊患。 海 百餘人避本國之虐以 也,義必不還。 利 又甚焉。」争之不能得,後果爲亂 班 不 動), 前 以 ,以天下爲憂。 在政府,浩然 一,奈何 救, 百 白 以 辟 東 執 西皆警,朝 畏其風 下也。 人于今賴之。 求 政,遂罷。 生 公曰:「當内之 公毅然 在 苟 示至公於中外。 而 樞 見佞 散 明 來,委之兕虎 歸 密 權 爲民盗,從 肅 廷患之,公猶 我,議 院,海 色則 正色,目臺 戚 自 之終, 公兩 有 是 嫉, 過 者 莊 南 荆 莊 居 謂 惠 聞 奏 則彈劾不 湖 憲臺, 而 捕 ? 惠復立 一
> 吏
> 不 善言 以 交 損 不 戮之, 間 之歲 鑾 進 有 如 趾 抑 得 賢 還 必 愧 亦 活 方

0

[「]公」,原脱,據宋本並《名臣碑傳琬琰集》補。「嘗」,宋本並《名臣碑傳琬琰集》作「而」,亦可通。

所帛之可勝矣。銘曰:

大無意乎? 使在位而壽,則道德功名,非其出也,未踰歲時,而天子思之,公遽不起。以之生也,天有意也。公之亡也,其出也,未踰歲時,而天子思之,公遽不起。其出也,未踰歲時,而天子思之,公遽不起。以之生也,未踰歲時,而天子思之,公遽不起。以入之生也,是,與大臣、以及入論道,以致君堯舜爲心。與大臣、

箕山 道。 之名兮與日月留。 天乎,豈不有心? 參于國鈞。 堂堂、觀國之光、亨于真皇。 血漣漣,欲報昊天。今上聖神,迺眷正人, 峨峨,潁川悠悠。 恕以待物,誠以報國,仁人之德。 天乎 泰山之東,齊魯同風,厥生我公。 純德坦 奪此令人,我懷憂深。 坦,平心浩浩,進退惟 山爲陂兮川爲丘,公 真皇上僊,隕 我公

范文正公集卷第十二

淹 集

二三六

范文正公集卷第十三

墓 誌

尚 1度支郎中充天章閣 王公墓誌銘 待制 知 陝州 軍 府

之清、行之方、政之平,斯不謂之善人 噫 余見之於子野王公矣。 孔子曰:「善人吾 先聖謂善人之難得也 不得 如 而見之矣。」 此 世 乎 有 德 !

籍大名。 公諱質,字子野,其先太原人,曾高 皇考諱徹,以文行顯,至左拾遺, 占

> 時之良二千石,累贈兵部尚書。 國公。考諱旭,以公正果敢 諱 累贈太師、尚書令兼中書令、魯國公。 某郡君。 兵部侍郎,累贈太師、尚書令兼中書令、晉 祜,雄文直道,名重海 内,掌太祖誥 , 屢當 妣虞氏,贈 藩寄,爲 命,至 王 考

之。每謂朝中名公曰:「是子英妙,加於人 衰矣。用文正廢,補太常寺奉禮郎,三遷 望,●不得其門而進,乃與 遠矣。」時 文,真宗嘉之,召試學士院,辭 大理丞。文正既薨,公年尚未冠,進所 日覽公之業,喜甚,作詩以獎之,謂 公爲真宗朝賢相,重德大器,人莫可 士及第,名動京師。 公禀嚴君之教,幼而有文。 翰林 劉公筠 嘗師事楊文公,文公器 風 、禁中諸公共薦 岸 高峻,搢 入優等,賜 伯 吾門未 [父文] 動 紳 仰 著 至 進 正

望」原無據四 庫本

蘇郡。 品 郎。 初不平之,終服其義 丞,爲博士於太常,加集賢校理, 之才敏。 服 章,改度支外郎、 丁兵部憂。 以公心公言正二千石之政,二千 天子命公校文于館中。 服 除,以 而 同 加 禮 判尚書 前官充職 焉。 還朝,賜 刑部,又 拜 歷 同 祠 殿 部 判 中 判 五 石 姑 外 省

南曹

胡 吴元 狄梁公、李太尉 吾爲州長,不能正民之視聽,俾民何從哉 情,按吏必有禮 素 人大服,謂往之史君莫公若也。 爲 多 吏民拜祭,蔡人從之,于今號爲 不祠?」命 濟,公曰:「豈有逆醜 盗 進司封外郎,出領淮 與 訟 號 T 皆唐之忠烈,又德加蔡人, 爲 横者繩之,弱者持之,州 徹 難 元 治。 濟 一西郡。 廟,建二公之祠, 公至, 而當 蔡俗 部中十邑, 雙廟 斷 廟 獄 食 舊 必 耶 以 ? 祠 ?

秩滿,拜祠部郎中。朝廷除公開封府

其類者 其徒 報。 殺一 死。 堅請 盗 聞 今資政殿學士鄭公戩、翰林 頒 資政殿學士昌黎韓公琦 廷從之。 公曰:「吾不勝法吏矣。」上言請 職,吾兄弟 推 而悛者,胡 盗以彊 宗 官 有殺其徒以 而 夫,其 凡斷獄出入,以下吏爲首,長官爲從。 賢之。 外 天 非 法寺議 除 補, 下,且知公前所 自 皆 力 兄 左降監 首 黨咸赦之,盗可止乎?」疏 無 爲 而 同 願 雍 而 當貸死,遂劾之。 往守壽 留 罪 而貸焉? 又殺人,吏追 日 =俊惡 并其 兄 除 名,民將 司 舒州靈 京師 拜,朝廷豈乏人哉?」乃 者,宜. 判 財者,吏擒之,公令處 春郡, 朞月改合肥郡 官。 斷 以 如法 知審刑 競 仙 獄 勿 奉家廟。 公 觀。 而 爲 學 不 原 寺所論,能 盗 擒之,非 日 公上 士葉公清 爲 之。 院, : 後 爲之首,朝 失矣。 年, 盗 士大夫 皆 朝廷 議盗 疏 己, 上不 是 自 曰 : 始 殺 而 害 露 要 又

皆論 重。 湖之民賴公少 賦,豈如是而 之獎,實 中、荆湖 曰:「西兵,天子不得已而用之。 耶? 諸道 公奇才未大用 北 韶起公知 瘡 轉 路轉 痍 運 追耶? /休焉 細 使競 運 民,以 使。 海 進羨餘 陵 而 吾不當爲。」由是, 時 郡。 非 爲己績。 西 辜 幾千萬,蘄 代還 陲 坐 宿兵 黜 除除 公 然須于 豈); 財 至 朝 度 而 助 用 支 廷 財 荆 歎 軍 爲 郎 之

下其手 掌選事。 修 天子俞其奏,擢以本官充天章 修撰,朝廷從 二公在 銓衡至重,利病多矣。 撰 與公未嘗 會資政殿 爾, 樞府,又交薦公清方爲搢紳之冠。 綱 公再讓不允。 紀 何必 盡 而 學 除之, 《易其器耶?」公居之歲時 在 識 士富公弼拜 ·,如 面 兼掌 權 聞 公無 既而客有扣公曰 衡 其 然 選 風 , 但 建明者何?」 義, 職, 閣 事 待 持者輒 尚帶史 舉公以 及韓、富 制 依前 代 館

> 選 前 士賴 ,量有進抑 其 平。 振天官久墜之職 其間 人 物 清 濁, 也 公必辯之上

賦,薄迎勞,屏兇寇,拯 于黄堂,享年 載而感疾,以慶曆 ,又用兵 而褒遣之,公得領陝 天子以西 而 应 來, 北 十五。 製藩 吏民 五年七月二十六日 鎮 靈柩歸東都,州 孤弱,人迺息 疲苦。 州。 皆須巨人,乃 公 州 當 至 則 四 肩 緩 人哭 達 擇 終 之 近 幾 征

會

列

送于道,朝廷 加賻。❷

過 書 正 而 期 作 得 舍 不 公生相門,而 人時, 其券,召家 所 家 乘 甚 弗驕弗華, 馬 虚 人示之曰:「此前 一,當貸 以償之。 X 以 金 公因 貧 以 (爲實。 贍 閲 昆 人清 家 弟 文 藏

2 0

廷

加月

賻

朝 領」,原誤 廷 加賻」,宋本 作「嶺」,據宋本、 並《 名 臣 碑 四庫本改。 琬琰集》中集

乎 ?

之

慈

母

也

風化之。

未始深文焉。 皆清心以思治,行己以率下,必首崇學校而 矣。」此公之執,行不亦方乎? 公爲數郡, 乎?」公曰:「吾願 之,遍遺親 公未嘗折顔色,屈語論,以合其意。 公介然不動,惟求外補。 貪,所至有冰 梗,雖負勢不 言事被謫,朝之貴人皆切齒,公特率昆 公充職館殿二十餘年,同舍皆顯 故每 書時乞米于李大 一當奉 人有犯法非害于物者,必緩其獄 門, 去 友 前 、蘗聲。 求民之疾,雖處幽不遺。去 間。 謫者拒之曰:「無爲子之累 州 不 避。 ·墜,宜秘藏之。」又 其雅 爲黨 則 此公之秉 白 此仁人之政,不亦平 尚 姓號 大夫墨 人,從 當國者非 如此,故終 働,如 圣帖,刻 德,不 而貶之,光 戚必 當有 赤子之 石 得 身 亦清 以 顔 官 舊 不 交 模 魯 下。 之。 者。 事 ? 許。

弟祖

宴都

遊以

乎 ?

風,吾輩

公爲尚

皆聖賢窮理盡性之説。 郎,以歲課 弟端,嘗不 夫之清者,何其衰歟?」 弗與之遊。 曰:「吾不及矣。」在士大夫,非風 許之,賜端進 疾、吾無親憂。」因入對,請代行。 使,公食不甘,寢 素,文正之子也,自淮 「前年吴安道 兼通佛老微旨,撰《寶元總録》 公不治生業,惟畜書僅萬卷,遠近從 命其 公性 故厚於宗族,每 汝可侍行 純 愛子規曰:「彼窮塞 當遷,願移厥恩,召端一試,朝 利于春官,處徒勞者久之。 及其逝矣,四方交友書問 孝 士出身。 , 與 而左右之,以均 不 家 死,今年王子野卒,賢大 安曰:「弟有 拳拳焉,憂樂同 人 其友愛之心,有如 道 南 公樂 先君 外 計改涇原 稱人之善,必 事 金也,得 吾憂。」又少 ', 必 母, 義高遠 既 一百卷 之。 感 公爲 無 經 相 而 老 激 危 弟 略 此 狂 弗 Ħ. 泣

幼。 女二人,長適太常寺太祝范純仁,次女尚規,前明州奉化縣主簿;●曰復,太廟室長。規,前明州奉化縣主簿;●曰復,太廟室長。縣君。生子男三人,曰毖,將作監主簿;曰

爲公之墓銘。銘曰: 期公以青雲之器,大有立於國朝,今不幸乃期公以青雲之器,大有立於國朝,今不幸乃者有年矣。結二姓之好,以親仁人。余常

性之仁者曰 之于野兮,葬之于泉。 之先。在聲詩之有言兮,胡不 人兮,逝矣如川? 嗚 呼 ! 期子野之令名兮,與白日而長然。 壽、民得以 人之清者曰賢,國得 惟清方而平正兮,居人 徒切 庇 焉。 切 於辭 萬年? 何子野 5兮,勒 而 治焉。 之善 忍送 石

太常少卿直昭文館知廣州軍州事賈公墓

誌銘

本傳。 討 擢 之。居石晉朝知制誥,至周爲給 武宗而下至僖、昭皆無實録,乃以傳聞 家,備嘗險阻,屬文之外,長於撰述。 相得有素。領開封尹,辟爲推官。 家之説,著《唐年補録》六十五卷,識者 宦遷徙,今爲開封人也。 拜正 河 東, 公諱昌齡,字延年,其先鎮陽人,以 諫大夫、樞密直學士,期以 祖諱琰,有才識宇量,太宗在藩邸, 與 大臣議 將 帥,上曰: 曾祖諱某,唐末 事中,史有 非 輔 及即位, 相。 琰不 并 以 起 唐 諸

^{● 「}曰規前明州奉化縣主簿」,原脱,據宋本、四庫本並

位不充量,終于殿中丞。尚書左丞,國史有傳。父諱汾,以氣義稱。可。」會寢疾不起,上軫悼之,憂形于色。贈

怨者。 怨,往 田 改大理丞,宰蜀之江源縣。 本郡牧與外計使皆以文學政 毁之過,宗黨稱嗟。 藥餌,不斯須去左右者數月。 修舉,府中常推 昭雪焉。秩滿,除 第,釋褐爲饒州浮梁尉。 文行自立,門下士咸 於朝,名實之士多出 然好學,甘於清苦。 公少孤,太夫人愛之,以 往食毒草 公至,必反覆省視,自此被誣之人 公曰:「聽訟之明,曷若使無訟乎? 委之。 -而後 開 服除,爲許州 封 鬭, 時翰林李公宗諤 推 其門,公依之有年, 會太夫人寢疾,公執 府 重之。 即 彼俗陰狡,與人 功曹參軍。 時斃 人繁 事交薦于 待其成。 以憂解官,哀 仆, 地狹,積多 郾城主簿, 上登進 以 朝 公天 有望 在 誣 廷。 職 多 有 其 ± 以

> 及正 俾邑之秀民群居焉。 江源始有 時天下學校未興,公修本邑孔子廟,起 其 疆 舉進. 條 其弊,以 士者,邑人于今稱之。 公旦暮往勸導之,自此 示於民,自 兹 無 學舍, 争焉。

弗 署,公曰:「吉凶 無 中、知衛 州,遠人賴之。 稱 博士,又遷屯田 可通天下之利,薦之領京 未至,有江淮制 疏達利路,商賈 職,特除都官員 辭厥命,●弗易厥居, 敢往,士大夫惜公之行,或教以易 皇上即 州。 位 會州長不利,繼亡者數人, ,升殿中丞、知宣 (便之。 遷職方員外郎,俄拜 員外郎。 一人乎? 置使舉公監 外郎 朝廷獎其勞,改太常 而終亦無咎。 死 賜 既 師 五. 生天乎?」於是 而三 権 海州権 品 貨 州宣 服 司 務。三年 往 使 屯 貨務。 城 其 田 以以公 倅 泉 府 郎

■ 「弗辭厥命」,原脱,據宋本、四庫本補。

延見與 使。 共 惡,搢紳稱 則教之使悛。 不至者,躬 從之,命提點京 以 與 大之獄必盡 欽 焉 城 恤 有 兩省近臣交上封 、語,得: 公使歲溉 之懷,憂及萬邦,復先朝 稻 田 親 一心以 , 其善 焉 雖職 以 西路 供 聽。 之外,與百 不 尚 居 則畫 刑獄 事 食,水利 郡邑之幽遠,使車所 按 奏,舉公充職 風 (察,而 事。 威, 以 姓 州縣 聞 有 公性仁恕,小 不忍摘人之 共 餘 提 之。 九品 見其過, 點 而 朝 刑 天 民 必必 子 廷 獄 不

訪 直告之曰 而 官于登聞, 羲,隸于辰 已。 能 吏,徹冗官,部中諸 改度支郎中、荆 切不受。 仕 羲 :「天子 州, 辭皆不實。 益横,求 而驕蹇 西南 恩信 割 湖 夷 狙 朝廷弗欲較之,責 及 人下 北 近 詐,當因 郡 爾 邊 路 溪 例 土 轉 爾 以 州 民。 運 狡 入貢,訴 公 刺 使。 而 公遣 用 史 無 彭 饋 下 厭 車 吏 吏 仕 遺 州

其長

者

我當 汝其圖之。」仕義 擇 於 衆 族, 求 始知 ·其 可 懼 代汝者 盟不 復 敢 請 訟 之于 朝

南海。 會 思不亂。 廷知公之重,拜太常少卿、直昭文館,就 訟、無毫髮之隱、吏服民愛、歌于道 素爲 知潭 始登舟、感疾、召諸 難治。 以康定元年八月二十三日不 州。 以公神 潭, 荆 湖之 明之照, 子,授以治命,神 劇 府, 雖 Ŧ 路 物 起 百 鎮 朝 其

常謂 踐言矣。 爲?」啓手足之日, 不愛其風度。 而 離 中道。 能 恭。 諸 公長厚之性,資以 子 寬而 當官 曰 居家 而 不 吾 行, 懈, 家 門 有 直 未嘗違其正 清 中 節 而 明達,顛沛造次,弗 索 白 與親 不 然。 미 許。 傳 族同其有無 君子 ,士大夫無 與 何 人交,久 生業之 謂

安縣君 娶三夫人,高 廣平宋氏,封某縣 陽 許 氏 中 君 Ш 生八 劉 氏 , 封

推官 河中府萬泉縣令高良佐,次適孟州河陰 丞李競,次適廬州舒城縣主簿王宗慤,次適 當、堂、京、岡、並幼。 府封丘縣主簿,次曰常,將作監主簿, 寅,有文學履業,登進 與次子廉俱不幸早世 女五人,長適大理 士第,爲 次曰 絳 蕃 州 次曰 開 防 縣 寺 封 禦

曰

之請,而作銘云: 東南,三夫人祔焉。 以某年月日葬于鄭州新鄭縣 某既交而親,從其孝子 抱章 山之 主簿、州學教授蓋沂,一女尚幼

賢,小人奪惠 博其施。 之器。禀孝含忠,播仁殖義。位于一方,未 在焉,魂兮相慰。 邦之令人,道醇德懿。 弗遐 厥壽,蒼蒼曷意? 葬 于鄭國,卜云善地 芝蘭之室,瑚璉 君子惜 子 産

太子右衛率府率田公墓志銘

後。 《易》不云乎「積善之家,必有餘 古稱 陰有德 於人者,必 享厥祥,大厥 慶」。

所謂「不在其身,在其子孫」者,信矣。

蠱,其家益顯,娶王氏 治産雲中,而貨 間,●王考諱某,被遷于盧龍,署之以官,復 自耶律氏熾,得石晉山後八郡,又歲侵兩河 公諱紹方,其先雁門人,曾高家于冀。 殖 焉。 而 生公。 考諱某,能幹父之

義。 下多掠獲漢家士民,俾公尸之。 曰:「漢人吾曹也,驅之如犬羊,非有罪辜 事耶律,得親信左右,常從 公少稱才武,抱氣重諾,有燕趙之風 而 公默計之 南 牧。 帳

0 間」,原 形誤作「聞」,據宋本、四庫本改。

怯。 宗憫 然聽 民得 將孥 王 曰: 龍 軍甲,捕外方寇,所謂巡檢者。 匿身草莽,會夜則負 老於異域哉? 德於人多矣。 嘯 餘 水 級。 命。 聚。 按堵。 自是,終公之任,不敢 郡蠻寇大擾,戍兵屢履,峽口 然嘉之,補職于三班。 士敢先動者,吾以軍法從事。] 衆皆 我露 以上聞。公曰:「吾自虜 既夜,公自率驍果,突 蠻 虜 一日近寨,●圍 其勇,彼將 公祥符中,主邵之峽 雖 中 公亦自負,謂: 衆,曾不 考妣既葬,吾其 乃縱 斗 整 之, 而 能 而噪之。 而 奔。 夜 内寇。 措 難破,不如 以其 亡者千 手 「大丈夫胡 既達 還 足,大駭 至則盜 而擊之,斬 歸歟?」乃 勇果,屢委 公戒軍 州將 溪洞 口 漢, 朝 寨。 計 延,真 獲 害 示 亦 息, 從 之 時 其 而 肅 + 乘 能 此

事,足矣,烏 又嘗誨 督諸 敢爲功哉 子 i E 「吾以漢有聖 人之

> 方正。 况龍圖閣直學士,出領秦鳳路 道 便子養,士大夫榮之。 公,以太子右衛率 西道宣撫副 其不達耶?」子況,舉進 風 使,使 ,❷乃速進 故 汝輩有立、吾將鼓 脱 天子親問 身 以 使。❸ 用,四五年間 歸 當世 府 還 今 率監 可朝 治 教 天子以 汝 士高 敷 亂 歌 瓊 掌 詩 祥 以 奏稱旨,乃 林 西 經 咎 第,又舉 終天年,豈 尚 苑 掖 略 憂西 金 書 以 趨 使 [命,爲 明 對 聖 陲 池 賢 詔 人 策 以以 寵 良 之 陜 第 病

中 尚 公在疾,經略屢求 醫 軫 視。 公以慶曆 省侍,有 五年乙酉孟秋 詔 敦勉 遣

⁰ 所録均作「迫 策」,原無,據宋本並《名臣碑傳琬琰集 近」,宋本、四庫本並《名臣 一碑傳 琬琰集》中集

宣」,原形誤作「真」, 據宋本、四 庫本改。

道育禪師 宋本作「診」。 王 按 疾殆至彌留 作「軫」亦可通。 叔慈悲,遠 景

以某年月日葬于許州陽翟縣某原,禮也。赗賻焉。經略累章哀訴,得告奉公之喪。月壬子不起,享年七十有四。上嗟惻之,加

耶?」不復以一言詰之,人皆服其度。不下,馬折足而斃。公曰:「卒豈欲是嘗官于閩中,有愛馬,使一卒乘習,遇危橋當官于閩中,有愛馬,使一卒乘習,遇危橋

寧令張子方,皆以 海令張震,次適辰 士,次小字寶哥,尚幼。 官,次日 潁上主簿,次曰浹,登進士第,唐州團 州 業,舉進士,以兄廕,補試祕書省校 郾 生八男,經略即長子也,次曰淵,有 城主簿; 公娶李氏,贈福昌郡君,前十五 一洸,太 次曰 廟 婦 州理掾 齋郎; 天護,●幼亡,次 道 稱 于宗族。 三女、長適 高燾,次適 次 曰 泳, 書郎、許 皆 鄂州 海 日 業 . 練 年 州 洵, 詞 進 推 東 咸 而

某嘗與公會于丹陽,見公氣貌話言,剛

遊舊矣,俾序而銘云: 而質,毅而恭,使人信而愛之。 又與經略之

之器。 夫弔焉。 公復其家,去狄而華。公教其 厥後既 非積 隆、又壽 德 而 胡 然? 而 終。 天子赗 嗣 挺 國

獻范公墓誌銘資政殿大學士禮部尚書贈太子太師

子太師 范公以疾薨聞。 大學士、禮部尚書、知河南府兼西京 慶曆紀號之六載,春 赗 賻加等,子孫遷官者五人。 上悼之,爲不視朝,制 正 月 丁亥,資 留 贈 守 政 有 司 太 司 殿

集》改。 護」當爲此夭折之子小字。據宋本並《名臣碑傳琬琰養」,便有九人,蓋如後文所云最幼子「小字寶哥」,「天漢」,原作「沃濩」。審田氏之子名皆從水,倘作「沃

0

三五五

某 議 原某 行 里 日 忠 · 附先 獻 以 來 也 年 某 月 H 葬 于 洛 陽 之

左屯衛 兆 尚 爲供奉官,終于合肥郡之監軍,累贈太 王考諱某,在 太保就第,以疾終。 遂爲國相。 辟居幕中。 某,後唐初爲校書郎。 書令。 郡。 公諱雍,字伯純,其先太原 實生二子,公處其 將軍 妣韓氏,封安康郡太夫人,追進京 久之,一日告老,蜀主寵以太子 ,累贈太傅。 後又從孟公入蜀。 一蜀爲 刑部侍郎,後歸 及公之貴,累贈太保。 并帥 季。 考諱某,以太傅廕 孟 公器之,❷嘗 人。 霸業既 朝,終于 皇考諱 師 成,

常質 進 再調 士; 衣以爲資。 秩 以滿,以 歲 而 錢 咸平三年春 (塘尉。 孤,家甚貧,太夫人遣公就 績 用除大理丞,宰建之崇 公警悟過 知己薦公廉敏 御前釋褐 人,挺然國 改 補 筠 洛 州 陽 器 學, 安 從 主

> 十卷,進太常博士。 縣。遷殿中丞、知端州。還朝,獻所著文二

賢倅耶?」公自兹名重朝廷。 辟公貳留守司,朝廷俞之。張公曰: 公爲淮陽倅。 公鎮淮陽,致書于寇萊公,道公之才,復奏 屏,常指以示 詠道過洛陽,聞 權要,公必先 初,公爲洛陽主 人曰:「識斯人否?」至是,張 細 成命未行,會萊公出守西洛 其 民 事 而 簿, , 乃紀公姓名, 署之于 後 形勢。 實 典 廪 時 納, 尚 書 而 張公 邑 多

服。 遣 兵 數 天禧中,河決 改 萬 田 人 曹外郎,主判三司 塞其横流,千里之民皆奔 滑臺,齊魯承 開 其 拆, 弊。 賜 走 Ŧi. 朝 負 品品 廷

^{●「}并」,原爲墨丁,據宋本、四庫本並《名臣碑傳琬琰集》 宋本並《名臣碑傳琬琰集》中集卷一○所録誌文改。 即「來年」,原作「某年」。按,「來」較「某」時間明確。據

億 舟 大 間 價 允,除 商 民 充 積 河 集 患 薪 防既 材, 之, 嗜 本 順 可 兵, 芻, 地 其 致 路 朝廷 流 惟 邑官 使 商 京 邑官皆釋之,與 命 計 (息,而 之。 轉 就 ,集于邊廪。 沃 東轉 以 遠 派 糧 進 運 患 荷 饒,菽粟易斂,又河 内之,縣官苦其 輸 爲 相 使 陝 乃 農 度支外郎、河 校 運 暨 場賜 大。 西兵食不足, 辇 募 得 以 副 主 諸 以 人 使。 三品服。 督 計 民 州 自是 休 人 其 租 擇 緡 粟 至 事 民 錢,就 不 人 河河 則 塞 緩 北 民 以 能 公至? 費 困 下 度 期 朔 轉 不 往 給 渠 于 河 以 財 運 堪 不 之勢, 給 公視 轉饋,命 通 愈以 須 則 用 平 使。 命。 煩 以 于 重 先 周 糴 池 德 塞 而 其 公爲 寬 于 列 量 天子 濟 其 公 供 博 寒 方 穀

圖 使 尋 閣 待 上 改 即 制 度 位 充 支 陜 副 就 西 使。 遷 轉 兵 運 未 部 使 幾 外 郎 拜 踰 \perp 年 召 部 召 拜 郎 還 户 中 部 提 駆 龍 副

> 殿。」 宫災 事。 使。 之之 之利 使 如 極 奉 主 順 遣 京 不復勞人矣。」上説 此 契 公安撫。 大 + 司 百 公揣 丹國 還朝 宫, 如 盡 其 木 籍 歲餘,丁太夫人 病 司 兩 故。 灼灼 0 田 所 而 也 府 禮 知 會 存,復欲 成 0 然 拜 以 簾 日 乃見其 畢, 有復興之意, 環、 諸 此 居目 右 公好 專 對 至 宫, 公協 遷 諫 料 原 此, 章 中。 禮 議 興之,民 訪 有 州 酋 憂, 一夕爲 賴 獻 大夫、權 其 部 問 體 屬 長 翌 太 上知 對。 東 侍 羌 介諭 制 善 加 日 后 因 北 叛 郎 以 將 燼 開 龍 下 其 以 章 抗 泣 隅 起 給 三司 詔 納 圖 弗 恩 才 曰 獻 言 豈 猶 時 事 _: __ 閣 堪 大 威 日 存 以 意 天 玉 天 中 使。 拜 直 爲 先帝 下 清 即 諭 不 意 解 起 樞 學 邊 先 中 復 金 時 如 耶 昭 旋 日 密 患 外 焚 朝 小 崇 應 穀 嚮 ? 視 副 奉

❶ 「司」,宋本、四庫本並《名臣碑傳琬琰集》作「計」。

居 焉 府 又 嘗 六 載 繪 參 尚 掌 書 機 四 代 務 知 圖 進 無 之, 不 爲 以 備 中 覽

境 衆 鎮 復 師 西 進吏部侍 言,而得 之心,恩不克 至 中 家禦戎之備率 民 移 呼 上 十餘萬 朝 延 戎 染 有 ·爲 京 安。 民登· (果叛,上咨歎之,授公振 癘 餘 甚 兆 明 議 氣、臥 白 府。 以 道二年,以 中 入覲 小 時守 座, ③ 圍 郎、資政 振之,活 姓 守 其寇,不 延 其年諸道旱 轉 疾者久。 威, 卒 備 安城,●會大將 多 陳 日 于 纔 未完,屯 施 贵 安 夜嚴守, 殿學 數萬 溝 户 數 廢,西 甚 邊 久安之勢? 壑。 部 白 六策。 爲 徙鎮 土 人。 人。 蝗 侍 意。 公先 戍 ,出守西京。 [羌狡 郎 遺使召統 尚 每 河 人 知 石元孫領 武 上深 公身被 復 減 寡 陽 狠 人 陜 日,元 軍 ,公累章乞 暇 躬 必必 廪 疾 州 乃感 節 加 疫 自 禄 帥 有 Ħ 度使, 采 於關 甲 撫 踰 昊 既 兵 激 劉 窺 念 視 納 月 出 騙 損 平. Щ F 邊 國

> 公左遷 享廟食 守,則 斯 詣 延 于 雪大下,寇兵暴 南 王 我 闕 又 安 師 慶 有 死王事足矣,生 公曰 至 遂 州 號 不 嘉 關 完。 户 誠之感 利 于兹土,其 訴 嶺 輔 平 部 Ш 皆危。 謂 「延安, 領 侍 朝 城 帥 其 一,爲 軍 郎、 廷 露,不知 當 陷 神 來 聞 不 知安州。 無 今人力窮 陷 殁, 西夏之 靈 素 援 之, 誣 而 意乎?」 合, 何 靈 城 矣。 存 辜 封 所 中 元 乃 咽 ·,爲 爲 其 然二 大 民 孫 延安 望 矣, 乃 喉 神 厥 恐 將 虜 兵 而 也 日 暮 奈 殞 帥 書 與 魚 吏民 禱 無 何? 威 而 夜 陰 賊 既 肉 之 如 可 殁 顯 夜 生 引 晦 百 將 守 日 公。 戰 去 皆 數 累 神 郡 之 不 雨

0

2

3

韋 原 作 於」, 據 宋本、 四 庫 本 並《名 臣 碑 傳 琬 琰 集

改。 卒」, 陴」,據 原 宋本、 作「之」,據宋本、 四四 庫本並《名臣碑 四 庫 本 傳琬 並《名 琰集 臣 碑 傳 琬 琰

以 覲,上優遇之,加資政殿學士赴鎮。 侍郎、知河 公之力也。 撫安關 輔之勞,改尚書左丞,進大學士 中府。 天子 惻然,故 未行,改京兆 歲 間 府, 起 Í. 公 歲餘 許 吏 朝 部

淫汝 狩,猶拜疏 益、奏藁累篋。及其沈痾、聞 言事者以 民 兵 抱疾,至終之日,洛人悲焉。 上乃止。 公密疏謂:「急而 去,以寬其費。 驅 用樂業,歲乃大登。 遏 (洛間,朝廷委公營之。 俄 兼 而復守西京。 公保釐三歲,拜禮 西事 忠切 示恩貸,故其寇歸者半,戮者半, 而 八以以 朝廷從之。 來收兵入冗,❷宜遣 用之,緩而棄之,不可。」 盡其 有群盗集于穰鄧,●浸 朝廷有詔褒之。 心 公夙夜乃事 軍中 部 朝廷有事于田 公常志 尚書。 往往偶語 使 在 時 造遣 又 擇 補

顯,爲時名卿。藏書僅萬卷,惟小書五經,公性恭和,有風鑑,門下所舉,多至貴

則常提 士龍 後集十卷、彌綸集》十卷。 書奏御,遂行於時。 昌 携左· 期 論《易》,深達微 右,不 可 公著《明道集》三十卷, 日 奥。 無 雖高年貴位,而 此。 以 昌 與 期 岷 所 Щ 著 處

造次不忘于學。

事; 亡"宗師、宗賢,今並 良、宗衍,並守將作監主簿,次宗古,皆早 使,三路制 長日宗傑,兵部 氏,始封遂 人早亡。孫男六人,子開、子明,並大理評 子儀,太常寺奉禮郎,子諒、子奇、子 適眉州防禦使高 初娶魏氏,追封鉅鹿郡夫人。 置 寧郡 解 鹽 員 夫 使,先公一年而亡,次宗 外 人,改仁壽郡。 郎、直史館、陝西轉 太常寺太祝。 繼宣,三人在室,六 男六人, 再娶臧 女十 運

[「]穰」,原作「襄」,據宋本改。

② 「入」,諸本作「大」。

淵,將作監主簿。孫女七人,曾孫女二人。

知,又諸孤以公善狀求爲之銘,銘曰:秀異簪紳,豈陰德之在歟? 某素爲公之所節。又政惟慈恕,不任威罰,今二子六孫,節。又改惟慈恕,不任威罰,今二子六孫,

孫 具 寐 濟 眷是膺。 七載 以 尚 舉,神靈 則善之從。 心忠義。 蕃,承祭祀兮惟 邦之偉人,念德 入輔樞 出 以 政 臨 喜 藩 軸,作爲股 本乎仁,行 歲月靡 宣 葬 一,允專 不怠。 于先塋,舊 靡,終于壽 節 版。 執乎恭。 勤勞王家,四 制 皇猷克贊,天 陌青青。 蹈 紀。 乎憂患 夙 典禮 興 子 夜

東染院使种君墓誌銘

云亡,其子泣血請銘於予。予嘗經略陝西,君諱世衡,字仲平,國之勞臣也。不幸

奶,康定元丰春,夏戈厄延安,伐师不知君最爲詳,懼遺其善,不可不從而書之。

粟,右 利, 泉耶 過人,雖俯逼戎落,曾不畏憚 其 疆 兵 飲 數月,且 是三利。 事,建言,延安東北二百里有故寬州 不 百金。」工復致其力,過石數重,泉果 曰:「是不可井矣。」君曰:「 重 甘 地 廢壘而興之,以當 足守者,即 ,百姓被其毒。 朝 韋 而 ? 初,康 百 廷以 可 不耗 ,吾無困渴之患矣。」用是復作數井 有 爾 戰 固 朝廷從之,以君董役 五 定 攻 堡 Ħ. 延安之勢,北 其 十尺,始 城。 元 障衆多,有分兵之患,其 命罷之。 萬 年 石, 人 君時 春 然處 歡 屑而 5,夏 寇衝。 呼 至于石。 爲 險 寇 百 出 戎 可 大 無 驕 圖 犯 之,凡一 過石而 理 左可致河東 泉,議不 而 延 銀夏之舊, 丞 神 事。 與兵民暴 貪, 益 安, 工 平 一,任 下,將 徒 君膽 畚 我 鄜 沛發 ·可守。 拱 侵 間 償 請 師 州 遠 無 手 有 之 從 吾 不 虜 爾 勇 大

帶 漢 我,君方與客飲 落中,勞問 供 爲 者 羌愛服 兵 「悉倣 官不 與 備 青 民 澗 其 庫 馬 皆願 能 副 城,授君内殿 酋 牛 此,大蒙利 使,旌 恩信,羌皆持 皆 豪 如家 大足。 効 可 死 即 語 其 人意,多所周 者。 、勞也。 取 焉。 自 承 坐中金器 有得 兹 制 兩 既 塞 西 端。 知 而 下 虜 陲 城 朝 給,常 多屬 中 君 堡 事 以獎之。 廷 事 乃 障 署 羌 來 自 親 復 患 故 告 就 解 向 實 無 屬 於 佩 部 遷 州 泉 時

計 凡 頃 嘗 往 本,速其 有 ,歲取其利。 勞士卒 城 必 虜 中芻 破 寨 青 請 走,前 ,虜常濟河 澗 自 流 也,故 糧錢 東 給。 轉, 北 後 幣 歲 一 舍 募 使 功 取 暨 時 商 爲 名 首 而 子 軍 間 賈 患 級 而 遠 須 其 專 使 費 數 城 距 通其 息 視 君 寡。 百 守 + 無 屢 士卒之疾,調 之具,不 牛羊 定 倍。 使屬 貨,或先貸之 建營 河 乃建白, 萬計,未 羌擊之, 河之北 田二千 煩 外 其

> 監 治狀 泣。 復 湯 何 餌 ,制置本路糧草,遷洛 今翰 ò 憂?」二年, 常 上悦,降韶 林 戒 承旨王公堯臣 以 笞責 就 褒之曰: 兼 期 于 鄜 苑副 必 延 安 邊 瘳 路 使 撫 駐 士 臣若 陝 泊 卒 西 兵馬 無 言言 此 不 形狀 都 君 感

夏戎日 又延 銀帶馬 請 俾之遵向。 處之,慮復爲變。 與之衣物繒 蕃官慕恩與 而 于朝,願易君 素 帥 不 慶曆二年春,予按巡環州,患屬羌之多 紱以 爲 夜誘吾屬羌,羌愛其類,益以外向,● 上言,人 用,與夏戎 然悍猾之性,久失其馭,非智者 旌之,然後 諸 綵,以悦其意。又采忠順者,增 族酋長僅 重其 理 時青澗既完,人可循守,乃 環。 去,命予更擇之。 潛連, 諭 朝 八 以 廷方以 百人, 犒 好惡,立 助 爲 邊 青澗 于麾下 患 約 心,乃召 倚君 東四 予謂

1 「益」,宋本作「易」。

非 斯 人 親 之,不 能 革 其 心 害 朝 廷 始 如 其 請 屬

嘗與 族 Ш 復 諸?」遂與士 至 處 意 病 屯 自 可 難 「諾。」是夕大雪三尺,左右曰:「此羌兇詐 漢官 前。 會大雪 是 衆 戒 如 也 師 制 屬 拜 高 青 爲 ,懼合夏戎爲暴發之患。 君 嘗 而 使君繼 澗 既 羌 伏 君 君 難 無 出 起 一,謂君 乃周 咸 焉 聚 至環,按 曰:「吾 諠 敢至 之。 吾 見 信 衆緣險 糧 呼 官 詰 嵩挑 有牛 行境 於君。 必 長。 日: 者,公了 則 奴 朝 不 邊 方 力 訛 戰, 内 行 家族首 來。 今 而 之利 聞君之聲 與 屈 大 勞 有 進。 又所 入屬 諸 鷩 爾 兀 而 不 損 方 **羌**樹 奴訛 後 疑 曰: 奴訛 族。」 羌聚 兵 田 處 族,受夏 作惟 我 則 臥 險 又地 大要 信,其 耶? 者,屈 悪 始 帳 初 落 勢 奴 我 父 不之信 危,斯 來 中 冰 瘠 訛 世 在 所 撫 ·, 君 雪,非 穀貴, 郊 乃 居 可 戎 使。」 曰 : 彊 以 迎 失 自 羌 僞 與 此 己 恩 急

> 復敢 功。 掠 慄 死 請 者 兀 則 君 貳。 半, 其僭受僞署如 命,納其所得 舉 遣 歸 烽 人 君 相告, 招 者 戒 半, 之 諸 不 衆 族各置烽 文 盡 聽 必 兀二族 分 券、 以 介 即 其 袍 馬 使 地 帶。 者 火 而 慕 暨 百 待之,破 恩 牛 夏 由 餘 出 羊 戎 是 帳 兵 · 賞 時 羌 成 誅 諸 來 屬 者 股 抄 無 有

矣。」 羌爲 無 有 援 渭 而 與 請 涇 不 某事 奪 予領 樂 原 乃復教 吾 涇 之, 原 射 用 慶 辭 帥 焉 君 坐 自 即 某事者,君 州 葛 土人習 過 此 時 懷 繇 蕃 失者 始。 而 是 漢 敏 赴,羌兵從者 緣 兵 定 弧 亦 君 矢,以 邊 往 111 用 咸 曰 : 之 諸 扼 使 此 之射 敗 城 邠 得 「羌 佐官 戎 城, 贖 獨 數千 從 兵 又 馬 環 吏 軍 既 召 農 人 其 미 君 求 吏 縱 中 T. 增 商 否 民 用 屬 干

^{● 「}按」,原作「安」,據宋本改。

君

處

細

腰

月

餘

逼

以

苦寒,城成

而

疾

兵,不 意 君 爲 族 中,以計疑之,●兵遂不至。 川,交通 之,狠不我 不 有古細腰城,復之可斷 之大,素號彊梗,在原爲 原州之疆 環慶路兵馬鈐轄,仍領環 能,朝廷 可誘,土人皆善射 久悉 宣撫 ,又亡外援,因 酋長, 犒撫 晝夜築之。 復以環爲意。 · 煩 利 使,乃諭 益 益 于夏戎,朝廷 ,有明珠、滅 病, 知 糧 信。 而 即 可 之,俾以禦寇。 夏戎固忌此 倚。 日起兵,會偕 伐之,險不 君與 而服 武 前後 %,烽 力 明 從、君之謀也。 臧、 火 自 原守蔣偕共幹 患焉。其二川之間, 經 其交路。 年,遷 相 振。 孽, 寖及于環。 康 略使交薦君之才 州。 望 城,君 奴 又召 · 可 人。 無 夏 東染 于 彼 三種,居屬 惟 戎 細 又明年,予 日不備 既 明 遣 環 聞 腰 院使,充 北有二 珠 出 人 西 屬 其 等三 使甲 南 其 人 羌 事。 乃 盧 撫 羌 占 不

禮

作,以 不亂,享年六十一,葬于京兆萬年縣之神 慶曆 五 年 IE 月七日甲 子啓手足,神 志 和

原。

士。 侍 南壽 純,太宗朝再詔,以事親不起。 依之,服勤 季父放,字明逸, 一,起拜左司諫、直昭文館,累遷 郎 安令。 父昭衍,登進士第,累贈 君之先, 左 祖 河 右, 仁 南洛 認 初隱于終 以 京 力學 陽 兆 人 長 也 稱 南 安令,贈太常博 職 Ш 曾 真宗 明 方員 祖 一尚 逸 君 存 書工 道 復 少孤 外郎 啓, 高 加 部 德 河 聘

以 主 13: 簿,五遷至太子中 老求養。 大中祥符五年, 又監京兆 舍。 君 用 府 初監 工 渭 部 橋 秦 廕,得將 倉、卭 州太平監 州 作 惠 監

0 疑」,宋本、 四 庫本並《宋文鑑》卷 三九 引録均

郊禮 力。 利 君 惡 惡,一從所坐 民 李公諮奏釋 涇陽,有 在 使 廣。 監 如 武 此。 勤 主者 乃出。 功, 一,知 惰 至今民能言之。 涇 里 毁 齊其力,●故功倍,貧富均其 非 又邑有三白渠,比年浚 胥 淫 之保定、 其 之。 ,杖脊于縣庭, 君曰:「送府 王 祠 才, `, 崇夫子 知謙者姦利 自是豪黠莫不 而勞逸弗等,功 京兆之武 廟 則 而 以 請 事露,逃之,逼 會 功涇 來學者。 待 恩,益以 ·斂手,其 疏,用 罪。 陽三 利 流 日 數 府 故 邑。 削 邑 嫉 長 在 君

州 蒙 公紘雪于朝 官讓 王 君,君正 知 正,託章憲外姻,以私干君,復欲 君 上 謙訟君,蒙正 歷 親政,量移汝州。 通 色不 乃除 判 ,授衛尉 鎮 納。 孟 戎軍、環鳳二州。 州 蒙正大怒之,❷乃使 司 内爲之助。 丞,主隨 馬。 君之弟世材 龍 圖 州 閣 榷 獄 直學 鳳 酤 成, 之守 LI 以 流 賄 士 又 李 諭 王 竇 污

> 之,惟 民。 移鄜 庫。 辜, 部 朝廷深惜之,賜 及終,吏民暨屬 少 尚 尚 改 氣 州,因從軍延安,乃有故寬 以同、鄜交辟、改簽署同 書宋公綬、工 青澗 取 知 節,昆弟 季父 虔州 與環 贛縣。 圖 羌酋長 有欲析 三子恩 人,皆畫君之像 書 部 而 侍 君 己。 其家 朝 郎 辭 勺 狄 莅 者, 公棐, 臨 得 州 官 柩 監 州 君 判 前 而 能 之請。 京 推 官 皆言 者數 享事之。 擿 兆 資 事。 惡 軍 産 君 H 庇 與 君 又 資 非

風; 古, 文雅純 次曰 君娶劉氏,封萬年縣君。 診 ", 試 篤,養 將 作監 志 不 主 仕, 簿; 有 曰 叔 男八人,長 詠 祖 明 口 逸之 州 浴 曰

^{●「}悟」,原誤作「墮」,據宋本、四庫本並《宋文鑑》、《名臣碑傳琬琰集》均碑傳琬琰集》上集卷二五引録改。

❸ 「擿」,原作「摘」,據宋本並《名臣碑傳琬琰集》改

供奉官田守政。 有 城 立; 尉 ●訢、記、誼三子尚幼。 曰諮,郊 社 一齋郎; 曰諤,三 一女,適 班 奉職 西 皆 頭

伍 銘 握 濟 會君已没,又天子方懷來,故其績 E. 幾事 兵用事者二三人。 諜者還,言其謀 ,牢籠羌夷,無賢不肖皆稱之。 君在邊數年,聚貨食,教 ,當遺諜者入虜中,凡半歲間 弧 矢, 又出 不 撫 而 得行, 顯。2 奇 養 虜 誅 以 +:

爲

與

于塞垣 涯 是 乂邊之民。 陳。 ,死宜不泯。 嗚 寧 呼 權 以 种君,出于賢門。 夙 以 剛 從 折,果 夜乃職 邊俗祀之,子子孫孫 事,意其出人。 由直 星 伸。 霜 吾志必 厥 還 身。 捍 自 虜之患, 瘴 立,吾力 生則 海,試 有

天 章閣待制滕君墓 誌 銘

當塗縣,移 文章,愛賓客。 予爲鹽官於郡下,見君職事外孜孜聚書,作 陵,得召試學士院,改 予始知君必非常之才,而心愛焉。 止,君獨神色不變,緩談其利害,衆意乃定。 風至,即夕潮上,兵民 人。 予同登進 君諱 及君歷 宗諒,字子京,大中祥符八年春 知邵 士第。 潍、連、泰三州從事,在泰日, 又與予同護海堰之役,遇大 武 軍邵 始從之遊 大理寺丞、知 驚逸,吏皆蒼惶 武 縣,遷 ,然未篤 殿 中 太 君 不能 知其 丞 平. 去 還 州 海

0 有立」下,宋本、四庫本有「人也」二字。

傳琬琰集》改。 ,原誤作「續」,據宋本、四庫本並《宋文鑑》、《名臣

0

Д Ŧi.

知信州 先 言 臺 服 時 又 廷 派 君。 與 貸 劉 ,遷左司 敢 除 言 越 其 會 越 知湖 者 嘗 並 禁 既 獄 又監 中 有 1 而 州 諫。 災, 疏 越 鯁 時 起 鄱 賜 論 既 明 議 通 俄 陽 下 五品 災 卒 肅 判 以 郡 御 異 太 暨 言 江 榷 贈右 史 服 明 后 寧 酤 得 明 府 肅 晚 罪,换祠 非 府 司 窮 年 厭 人之 就 諫 究。 丁太夫 代 未 九 還 華 所 部 君 君 朝 政 能 Ш 員 拜 廷 與 人 間 爲 外 擢 以 左 秘 郎 葬 īF. 當 君 朝 書

慶 諸 伺 州 君 葛 員 路 人始 懷 郡 以 外 ,知寇遠近及其 城 敏 經略部署, 郎 西 日二三次,諸 安。 戎犯 中 敗 直 績 乏兵,呼農 集賢院、 塞 又 于定川,寇兵大入,諸 邊 以 聞 金 バ形勢。 牧 懷敏之敗, 郡 一繒募 知涇 難 民 莫 其 數千, 不感 敢捷之 君手 州 人, 引蕃 就 朝 服 操 皆 賜 廷 士: 戎 簡 漢 子 進 金 檄, 書 郡 服 紫 兵 時 君 震 登 關 夜 爲 爲 刑 城 白 探 及 部 環

> 君悉 其妻孥,各從其欲,無 日 道 士衆莫不增氣。 一**,** 士 以 籍 皆沮 助 其 涇 姓 怯, 原 名, 之 君 虚 列 咸 又涇 于 用 時 佛 牛 一失所者 州 定 寺, 酒 土兵多 111 迎勞, 哭 事 而 後 祭之, 没 霈 陰 于定川 然霑足, 翳 僅 +

别,非 知體 招討 兼知 步軍 君自 君至慶,處置戎 百 官,充天章閣待制、環慶路經 口 使,而 慶州。 代。 都部署、經略安撫招 予目此數事,乃知君果非常之才,始請 環 詔 統 制 其 從 朝 亭館 之。 所宜,請去招討二字。」朝 諸路經略 君 廷 命 奏言: 事 君去 而 韓 甚 號送之, 公琦 得機要,邊 涇之日,其戰 亦帶招 「今既置 與予 討 觀者 使,復 討之號 略安撫招討 充 四 人 路 陜 成 爲之流涕 卒 命 西 經 稱之。 稱 -妻孥數 君 四 廷 略 以 呼 安 守 路 使 其 無 撫 本 馬

費 庫 錢 會 御 + 史梁 六 萬 堅 緡 奏 及 劾 遣 君 中 用 使 度 檢 不 察 節 乃 至 本 受 路 十七。 務 制 日 説 政 諸 俄感疾,以某 遺勞之,其費僅三千緡。 署之始,諸部屬羌之長千餘人皆來謁 畢葺。 以知號 ,猶以 饋 軍月給并而言之,誣其數 府,當力辯之。 遺往來 州, 天子加赗賻禮,進一子官。 爲言,朝廷不 遷知蘇 又 踰 年月日薨于郡之黄堂,享年 移 制 知 州,未踰月,人歌其能政。 降 堅既 岳州。 得已,坐君 一官,仍充天 死, 蓋 君知命樂職, 臺 故 爾。 諫 事 前前 官 予 也 章 執 守 時 見, 閣 堅 堅 П 待 Ħ. 庶 之 以 悉 待 中 罪

某年月日葬于池州青陽縣九華山金龜 及 而 足,不得盡其 聞 乞銘於予,忍復 其終,泣 嗚呼,予實知君之才,而嘗薦之于朝 術于生民。 而 誄之,惜其 讓 哉 諸子奉君之喪,以 分 有餘 而 不

祖 嶼,不仕。 君 河 南 人也。 父感, 雅 曾 州 祖 軍 裔 事 贈 推 將 官 作 1,累贈 少 尚

> 並 魯,登進士第; 遊 書屯田 推官王栩,次適進士劉君軻。❸ 人,希仲,以方 縣太君。 守將作監主簿。 郎中。 君娶李氏 母刁 略進,前 希德,舉進士; 氏,渤海 女二人,長 了, 封 渭 州 同 縣 軍 安縣君。 太君, 事 適 希雅,尚幼 推官;❷希 池 州 追 子 軍 封 四 仙

「五十七」,光緒《青陽縣志》卷一二引作「五十八」。

長條記作「涇縣尉」。
●「渭州軍事推官」、《長編》卷一二九於康定元年十月

8

郡君。 州軍,並亡, 贈 此,以見後人改動墓誌形跡: 山縣主簿; 適 士及第,太常博士,通判衢州,希仁,朝請大夫、知永 「曾祖裔」至「劉君軻」、《青陽縣志》所引頗異,移録 刑部侍郎。 池州推官王栩,次適進士劉仲甫。 伯 子四人"希仲,以方略進渭州推 湖 冀州冀都縣令 口 伯 希靖,朝散大夫,通判定州。 縣 ·雄,司 母刁氏,渤海縣太君。 尉。」 理 一參軍; 伯文,江寧府司理參軍; 「曾祖某。 伯彦、伯特,並 孫伯英,連州 娶李氏,封同 祖某。 官;希魯, 長 安 伯 士

常尹博 學校。 風化。 願 爲 興岳 以 爲 廬 人之孤,急人之難多矣。 一之記。 遺子 書之也,可不謂之君子乎? 文長 墓 陽 側 君 孫。 樓,刻唐賢今人歌詩于其上,●予又 士 紫微王舍人琪、翰林 在玉山、霅上、回中、岳陽 於奏議,尤工古律 踰 少 君樂於爲善,士大夫亦樂其善,而 源、弟起居舍人洙次 年 孤 中外宗族無不盡其 手 性 植 至 孝 松 7,居 栢 數 母 君政 .; 詩。 萬 喪,以 張諫 株 銘 :: 尚 積 爲之記。 歡 議方平、太 四 寬 書數千卷, 哀 生平好學, 一郡,並 易,孜 心,其 毁 屢 病 孜 育 重 建

謀横來 松楸,蔽于雲霞 言,愛彼 才以速累。 開。 嗟嗟子京,天植其才。精爽高出,誠 抗職 九 嗟 華 嗟子京,爲 諫 江 海 曹 書 不還,鬼神 契以 辯 君今已矣,復藏于 論 弗摧。 降 臣 不易。 . ·, 干 何 戈 主略 意。 弗 名以 加 邊 君昔 此 召毁, 方,智 樹之 有 意 魂

> 理。 試 其 依 歟 神 其 樂 夭 窮 通 歸 君 乎

只。

壽

至

秘書省校 誌 銘 郎 知 耀 州 華 原縣 事 張

焉。 滅身覆宗而不悔,何 子之門者,則有脱賤 乎人, 窮與 於諸侯者寡矣。 而未嘗及怨,●何哉? 或爲 孔子門人七十子之徒,天下皆知 邑宰,或爲家臣,或不願 八達,外· 然則七十子之徒與孔子語 也。 貧,逐貴高,弗奪弗厭 哉? 彼戰國豪 君子之道充乎己,加 不循聖人之道 士,不由 仕 蓋 其 孔 賢 젫

- 2 0 「與」,原脱,據宋本、四庫本並《歷代名賢確論》卷二六 歌 集卷二引録改 詩」,原誤倒,據宋本、四庫本並《名臣碑 傳 琬琰集
- 所引補

知夫由 賢 挾 矣。 數 以 孔子之道者,雖 進,求行 其欲 得 困 窮以 與失,重 死,不 也 0 害 其 吾 爲 乃

之,得 不赴。 州 秋, 陜 之意,述《平戎策》以 百首 弦歌終日,遠近學者多 明年,不利于春官,退 嫌 主簿,未 之大議,朝廷召試學士 書范公雍言君著《 (西, 因 華 者, 廣文館、開 君諱 原 ,應茂才異等科第一 君 别試 寶元初,西羌犯延安,君慨然有憂邊 縣 調 表 策 問 而 薦之,除 論 太 了,字道 決 歸 常寺。 滯 封 有漢儒 **播**紳 訟 府 《萬機 卿 數 試 所薦 進。 居景 惜其 予始在 陳 + 秘 歸 風采,乃 一院。 濟理 留 書省 士 慶曆初 人召,會丁家 之。 吏民 不 陵郡,研 人也。 ,有與主試 初命試 書》十篇 稱 校書 秘 服 既 閣, 薦 が、故禮 而 其 時 天 郎、 以 經 將 命 獻 明 子 聖 高 皆 講道 文論 往 作 部 官 知 經 七 等。 難 尸 監 或 尚 親 年 屬 耀 略

> 權署 京兆屬 龐 民。 官 葬于某鄉 安之官舍,享年五十二。 未幾寢疾,以 請 公況復稱薦之。 公遵路、孫公沔皆以善狀 手足,復流亡者千餘 西 改官、未報。 民民 ,奏君以 陲 君幕中,仍主州庠,以 鄜 積 率多流亡。 邑有 兵, 延 里 路 民 本 經 不治者,必遣 慶 苦於遠 官 略使龐 曆 監 會樞密直學士梁公適來代 又本道經略 君 六年十 延 獨 户。 輸 州 公籍 與 俗俗 軍 以某年某月某日 上 民 陜 一月三日終于延 教育人材。 · 資 君治之,以 思 吏急之, 聞 緩 西 庫,●韶 廣 使鄭公戬, 宣撫 期 都 議 使使 轉 論 以 運 得 副 從之。 之助 慰 累表 使 措 奉 使 其 顧 吴 其 田 上

康 縣 主簿。 曾 祖 洪,隱德 父允,河 不 仕。 中府 祖令釗,開 觀察推 官 封 母夫 府 太

❶ 「監」,四庫本作「兼」。

第,鎮安軍節 女,長適安州安陸縣主簿朱師德,次適 宋氏 君娶歐 度 陽 推 氏, 官 生一子曰徽 知 延 州 甘 泉 縣 登進 進士 士

銘,故書之曰: 我,由一君力于學,志于道,直言直躬,自信而君力于學,志于道,直言直躬,自信而君力于學,志于道,直言直躬,自信而君力于學,志于道,直言直躬,自信而

之門, 天也。 銘云 也。 君子之命,患於 君子之道,耻於弗立,立 則當旌其人,而不暇哀其人,故昭以 張君其斯人之徒歟? , 弗知, 知 而 而 吾思其孔子 無 無 所 可 施,命 奈何,

太子中舍致仕上官君墓誌銘

君諱融,字仲川,其先蜀人也。曾祖諱

琛,不 兵部員外郎、京東 仕。 祖 諱 遜 轉 贈 運 禮 使,贈 部 侍 光禄 郎 少卿。 父諱 佖, 妣

袁氏,彭城縣太君。

倉。 州平 時並 夫 願 貴溪縣主簿,君不辭 第一人。 密直學士蔣希魯、故龍圖 光禄之後,賜 于太常寺,又首薦之。 廣文館舉進士,公卿大夫之子咸 識 又故 興縣 任 君幼專詞學,秀出 江 其 令。 **0** 明年春,禮部 龍圖閣 南 画。 東路轉運 君同學究出身。 未第間,丁光禄憂。 吴移 直學士段希逸與時賢七人 小官 使 使, 由是名動京 「流輩。 較天下之才,君 淮 聯 閣直學士吴安道, 而 南,奏掌 章 恪其職。 服 薦君,就遷蔡 天聖二年秋, 在 除,授信州 馬, 師,士大 真 朝 今樞 別試 州 廷 君中 鹽 録

于曹南 舉 君 有九 于 郡。 朝,旋以 以 慶 疾聞,除太子中 曆三年三月五 日不 舍致仕,居 -起,年

几

子二人,長曰延賞,郊社齋郎, 六日,葬君于濟陰縣沛郡鄉崇儒里。 君之弟太子中舍隆與其孤 君始娶任氏,再娶辛氏,封 以 皇祐 次 金 三年 日 城 延 縣 請 四 德。 君。 銘 月

師。 善也,必享其吉。 命,天豈不與 之,斯可謂之聞人矣。 予益愛焉。 樹勳於時,可永 論,不敢以子弟器之。 郡,君時侍行,而予始識君。 與之遊皆當世異才,以文學風義 予天禧 君既禄仕,而大夫之賢者多薦 初 善也? 爲 歎焉。 譙之從事,光禄 有 窮且夭者,世皆重 余謂 後數年,與君會于京 惜乎命之不修,弗克 或者曰:儒 不然。 見君文雅 公方 君子之爲 生 和許, 一而 多 典 有 薄 傷 議 是

> 之。 而傷之者矣。故作銘云: 之,雖千百人若無焉。 善也,必罹其凶。 雖一二人,猶以 其禍 爲 且死者,世皆忽 如仲川之亡,可謂 多焉。 小人之爲 而 忘 不

歌。 品 此兮,孰少孰多? 亡兮可奈何,如川之去兮無還波。 彙 (紛其自然兮,非化工之能 惟人之才而無命兮,猶物之秀而不實。 君子之思兮,徒爲 仲 彭 乎悲 殤 jή 至

太子中舍致仕范府君墓誌銘

節度 遂家 州 終于祕 人也,唐末爲處州麗水縣 判 于 府君諱仲温,字伯玉。 ·蘇臺。 書監,贈太傅。 官,贈太保。 曾祖 諱 祖 某 考諱某, 諱某,以 小事錢 四代祖 丞。 氏 神童 中原 歸 ,爲中吴軍 皇朝,歷 諱 一補官 某,幽 亂 離

真定府、武信軍掌書記,贈太師兼中書令。

之。 除 舉監 將 門 還 物,民用 中。 靈 作 蘇 杭 監 海 臺 府 軍 載 州 主 景祐二年,以某遇乾元節恩,例 君 ,與諸從兄弟居,服勤 知 節 以 即 餘 簿 勸 度推 績 太 杭 赴調 聞 師 縣 在 官、知台州黄 仲子也 市 按 邑三年,盗 除 察 征 越 使泊 完能 州 一,生 新 寬其 牧 于 昌 不及境。 巖 守 素業,孝悌 京 尉。 (利,商 縣 咸 師 有 以 幼狐 表 旅 外 誠 補 薦 計 于 便 接 試

成 謂 議 衆以治城。 之,全活數千人。 散, ° 0 築 民 人築 没溺者 土 累 慶曆七 復 且. 爲 土 表 勞, 城 以 以 甚 府君 年 用 牛 又 長 衆。 ·, 海 數 捍 甓 石 雅喜 既 潮 百蹂 水 以 府 互相 而 大至 之 傅之。❶ 君 利 E 宗之, 堅 (衝, 甓 教 人,長於 官 銜 民 壞 知 枕 府 其 爲 州 何 而 城,人 桴, 勢 君 後 所 能 慮 莫 增 久? 存 獨 書 事 得 ·,至于 不 皆 請 夜 動 乃 衆 救 洮 董

> 平之, 之。 悉恕 刑 庭。 君 衆皆悦從,饑者 不若與之二三, 資 富 伏 其 人,獄具,皆當極法, 其 原 ,無以得 人出穀,俾輕 城 而 府君 府君專 情 其 盜 善,台人遂 八 民 門,皆設 之情, 非 死。 自愛服。 秩 戸 穀。 尚仁愛,多 滿 蠹 黄巖 而 者 還 安。 之閘 則 其 府 重 獲 大邑, 家, 富 價 其 府 濟 君 制 遇 ,以助窮民。 時 外臺 人易辦,而 諭 君 焉 行 置、 與 又歲 以 法, 必 之曰:「汝糴之十, 水暴 民 鄉 按 立請 永 理 爲 數 舊 固 察等 饑 遣。 解 嘉 府 至 萬 請 游 其 君 郡 貧 州 則 户**,** 曰 : 覆 禁盜 使 深障之。 至 仇 慮 人易及。」 而 命 奏 交 有 訟 問 邑官 訟 窮民乏 吾 章 犯 争 朝 + mi 樂 薦 決 徒 盈 府 兀 率 廷

2

^{● 「}傅」,原誤作「傳」,據宋本、四庫本並《吴都文粹續

矣,何用官爲?」遂請老,朝廷嘉之,遷太子

中舍致仕。

鄰 其遺愛感人,如是之深。 中 年九月十三日以 東臯所入,日爲雞黍之具,故貧而常樂。 有寒餒之憂。 十頃於里中,以歲給宗族。 外宗 里鄉 皇祐初,某來守錢塘,與府君議置上田 黨有急難,則竭力以濟之。 親 莫 不過哀,里人無老少皆涕下。 府君退居四年,賓親盈門,以 疾不起,享年六十有六。 雖至貧者,不 皇祐二 . 復 顧

一月十三日葬于吴縣天平山三讓原。李沿,次適進士沈充,二女在室。以其年十作監主簿,四子尚幼。女四人,長適進士娶丁氏夫人。男五人,長曰純義,守將

而有死生之訣。泣血灑毫,不能成文。銘千里。及餘杭得請,一獲其願。相會未幾,一丈,與府君別,動逾

티 :

在前,未知否臧。我其教之,俾從義方。積我,爲家棟梁。兄又逝焉,我獨徨徨。諸稚我,爲啄棟梁。兄又逝焉,我獨徨徨。諸稚

范文正公集卷第十三

善不誣,厥後其昌。

五五三

范文正公集卷第十四

墓表

太府少卿知處州事孫公墓表

室也。 同 見 不能用賢以復張文武之功,故四方英 秀,生生不息,何嘗無賢乎? ,故論者傷之甚矣。 (屈於諸侯霸者之爲,而王道不興,與無賢 論 噫 ! 者 日 春秋二百四十年,天地五 **奉** 秋 》無 賢 臣 當東周之微, 罪 其 不 才皆 一行之 尊 Ŧ.

公諱鶚,字齊賢,富春人也。按舊誌,

Щ 監,領縉雲郡。 公以 鹽鐵院。 府文學。 奇文遠策見吴武肅王,❶ 歷 持禮 郡 縣 人貢,授少監,終于太府 享年八十,葬于會稽之南 幕府,改 臺憲,爲 署 越州 郎 大都 官, 小 判 督

丁彼時 樂斯 焉。」因追惜太府公奇文遠策,而 直趨天王之庭,爲邦家光。 皇朝以來,士君子工一 材國士不爲時王之用者,民 齋以道之。 墓、求故老、索遺文、得太府之清芬 府,無所迴 時,寶斯時,則深於《春秋》者 今山陽守沔,即公之曾孫也。 也,豈徒一人而已乎? 避,有聲朝廷。 既而歎曰:「唐季海 詞,明 近過 吾搢: 鮮 故弔而表之。 經,無法 得 内 閶 終於霸臣。 紳 里,掃 訪 而 支裂,卿 先生宜 無 在 遠 稱 所譏 余郡 御 焉 近 墳 史

夭。 愚; 其不幸矣夫 五行之數著乎 顔子其猶病諸,吾友人王君賢 五 行 之秀 見乎人,有清 命,或 修 而 而 賢,有 壽,或 而夭之, 速 蔽 而 而

君。 吏隱 鼎, 復起家就禄,得請 歌,有嵇、阮之風,人特駭之。公不安其高 之,●失官。 作佐郎、通判彭州 考衮,太子右贊善大夫。 邢臺之督 贊善公慷慨有英氣,善爲唐律詩,歷 也。 君諱鎬,字周 時祥符紀號之初載 居長安中,與豪士遊,縱飲 郵。 監終南山上 翰,其先澶淵人也。 祖 會太守不法,公憤 楷,尚書 妣秦氏 兵 清太平宫,從 部 ,封太原縣 員 外 曾祖 而 郎 浩 著 辱

某薄 遊 至 止,及公之門,因 與 君 交 執,

范文正公集卷第十四

外哉? 中。 依山 表。 琴。 四十年矣。」嗟乎! 長 貧,每風月之夕,則操長笛,奏數 下,山姿秀整,雲意閑暇,紫翠萬疊,横 傲於鄠杜之間。 有榮利之語。 復得二道 煙不生。 過 二而起,上拂寥漢,下滿林壑,清風自發 及月高露下,群動一息,有笛聲自西南 君常 客大異之,君曰:「此 從。 戴 士汝南周德寶、臨 周 時也,天地人物,洒然在冰壺之 精 小冠,衣白紵,跨白 於篆,屈深於《易》, 日,會君之别墅,當圭 開樽鳴絃,或 隱君子之樂也,豈待 海 書生,既 醉 屈 驢 曲 元 或歌,未嘗 應者,蚤 而罷,凡 相 且 老且 一峰之 皆 絶 與 平 善 天 嘯

僅十五秋, 君猶 暨予東歸長白 隱 而 山,以親之故,就禄養者 未 出 今殿 中丞致仕

0 「公」,原無,據宋本補

五五五

之曰: 其柩,行哭道中,歸于鄠郊 時周道士在焉,親視藥食,而至于終。 搆疾,以三月九日不起于京 年,春官氏較天下之士,第君于甲等。 書,少勞于人間。」又長安秀造皆推引之,君 得獨善自樂如此之久耶? 不若俯就 毋 不得已,天聖四年秋,起冠京兆之薦。 靈藥,優游雲泉踰二十年,人生此 君 隨 「子美田 居鄠郊,善談 百 頃,枕琴藉書,釀 名理,見君之賢,而 師 之建 世 醇 隆 中 酒 乃齎 忽焉 鄉 觀 ·, 安 明 老 語

札,有聲于關中,長安人惟呼小秀才。 如 道士涕泗交下,終夕不 有文,著書樂道,不願榮禄,有肥遁之節 葬期來告。 舍中,會周道士,夜話平昔,及君之始末。 此。 又數年,予倅河中府,因 又十年,予經略西事,遇君之長 嗚 呼 ! 君幼 啃 川 奇敏,能歌 君善與人交也 王 事至長安傳 長而 詩 子以 筆

> 後 感毋君之言,僶俛一進, 遽以 不壽

其業。 主簿而 也,次曰慨,●景祐元年登明 家,奉父母之喪,藏于鄠 妻 亡,次曰覽,日 誰 一女,❷適孫周道,早卒。 氏,生子五 人。 覲, 曰觀, 尚 縣 長 某 經第,除 \Box 規,謹 山 某 幼, 原 俱 臨 厚 禮 嗣 晉 克

念故人,乃揭石而表之。 倚高松,聽長笛,忘天下萬 廷,白髮憂邊,對酒鮮樂。 區百狀。今兹方面,賓客滿 噫 ! 予與君别三十七載,風波 書曰: 豈 物之 如 坐,鍾 際 圭 乎? 峰 南北 月 鼓 下, 追

品

不垢兮,其清而賢。 有君子焉,生兮雲山 ,葬兮雲 Ш 始終

0

慨」,宋本作「溉」。

一女」,原作「二女」,據宋本、四庫本並依文義改

工部郎中段君 表

第 驤 夫 連 + 一,字希 隱 終于陳 段 人樂氏 君 皇 于 祐 于 逸 五 追 陳 州録 代。 年 開 州 封 春 某 封 福 事參軍,累贈 父諱子 某 縣 昌 Y 月 某 也 縣 日 鄉 太 昂, 「, 葬 之某原 君 曾 祖 端 故 吏 諱 拱 部 龍 0 知 中 圖 郎 遇, 登 君 閣 中 進 祖 諱 直 母 + 諱 少 學

之,改 行 樞 崇 勤 Ш 少 陽 縣 密 詞 許 直 縣 學 君 著 審 還 學士李公及領餘 有 科, 幼 可, 作 刑 孤 治狀。 釋褐, 大愛 改 佐 院 好學。 郎、 秘 詳 君之才,與 書 議 知 試 改 丞、 官 亳 秘書省校 大中祥符 權 州 知 杭 杭 執 蒙 婺 郡 州 法 城 本 州 觀 ,當世清德 至 書郎 縣 七 道 金 察 平, 移 年 轉 華 判 秋, 搢 縣 雅 運 官 知 鄂 紳 州 使 登 於 多 未 名 薦 時 州 服

> 使。 命以 都 運 進 天下 國。 郎, 中 常博 太后 還,授御史臺 仕。」責授秘 外 兵 ·侍御 尉 司 戚 直 部 定 本 事 之最,孜孜 還 士 聽 張 同平 劉 集賢院。 移 爲 史, 通 襄 官 員 朝 文 從 外郎, 懿 兼 地 ·章 事 陜 尋除 判 网 君 德 罷 震 書丞,監 御 西 天 推 浙 與 家 相 史知 利 雄 直 柴崇慶 轉 壞 充 轉 開 知 恩幸 充三 知 官 病 軍。 運 職 閭 運 封 雜 雜,踰 江 改改 使。 舍,壓 使。 司 府 漣 御 無弊不 太 寧 不 上 判官。 改 水軍 史 太常 度支 调 府 法, 臨 奏 君 淮 曹修 月 臺 人盈 劾 軒 辟 除 南 以 酒 入判官, 革 朝 博 判 親 君 隸 轉 改 税 古 三司度 議 士 萬 通 政 陜 朝 浙 刑 輩 運 務 等 直 數,天子 府 廷 判 使 皆 使 之。 財 部 擢 E 時 **)**獎之, 府 支 契 得 兼 賦 員 復 言 章 駙 拜 事 副 太 俄 發 爲 开 外 殿 禄 獻 馬

> > 285

0 某 原 無 據 宋本

文正公集卷第十

州。 知涇 怵 日 牧,實難其任。 不 · 至。 然, 終于廣州之黄堂,年四十六。 州 康定初,西戎叛,兵交塞下。 命君 遷 未行,感疾,以實元二年 工 爲 部 河 朝廷以君爲龍圖閣直學士、 郎 東安 中,充天章 (撫使。 君 閣 恤 待 殘 八月初四 制、 民, 近 塞 知 無 藩 廣

次適明氏,次適張氏,次適孫氏,次適譚氏,亡。五女,長適張氏,次適孫氏,次適譚氏, 娶樂氏,封京兆郡。君生三男,俱幼

隨。 皆 風 還,又與孔中丞道輔 大小,無難易,决發 焉。 得 信 君風 在御史府, 三爲 崩 而 神秀特,人皆望 轉 推擢之,小人則畏而 運 無 使,特 如 所 等 流 迴 有 伏閣 避。 明 風 而 而 欽之。 采。 事 謫去踰 不苛 ,,●見端 少過 善 人 臨 和 年,及 (君子 人之 事 ТÍ 不 無

邊要,❷朝廷纔有涇州之命,而君不起,搢紳君在南海,予方經略陝西,嘗薦君可任

先生咸嗟惜焉。予知君之深者,故表其墓

云:

公聲。 令名爲後。 希逸之生,神 顔子非壽 表墓以文,希逸不朽。 ,清德自久。 粹 而 明。 朝 端 伯 正 道 色,天下 何 嗣?

贈大理寺丞蔡君墓表

觀之,士果有文與行,不必據高享大而後經曰:「君子之道,闇然而日章。」嘗試

某, 顯。 爲萊之膠水令,有惠愛,君官九載不 君諱 雖林壑之幽,逝而 元 卿, 字某,其 不泯者,蓋 先 洛 陽 人。 有 稱 焉。 祖 · 得 諱

^{● 「}闇」,原誤作「間」,據宋本、四庫本改。

❷ 「任」,原誤作「仕」,據宋本、四庫本改。

諱某,克己好學,以疾不仕。 去。● 既終,邑人留葬之,子孫遂家焉。父

事,以 豪士慙 至江 尚可爲酒醴,詠歌之音,足以悦情性。吾之 有豪士至門,願輸 數十頃,而衣食之,以貧爲樂,未嘗屈于人。 古,不合于有司,退居淄州郡之北郊。 齊,鄉老請薦之。 非道不談,君子願交焉。五年業成,復歸 身環堵而能通天下之志乎?」乃軒然遠遊。 男子生而有四方之志,吾從事於文,豈跼 . 不得 西胡氏之義學,與群士居,非禮不由 君幼不爲戲,長而好學。 肥其家。 而 引去。 施于生民,忍以貨殖而取之乎?」 君謝之曰:「吾伏臘之餘 君退於斯,終於斯,享年四 時方尚雕 錢 Ŧī. 十萬,請爲陶朱之 蟲技,君以 一日,歎曰 有田 好 于

君體貌魁梧,偉其衣冠,人皆望而畏

者耶!」 所著,則喜盈顔面,示于識者曰:「起吾家諸父也。君親愛之,過于己子。每得文忠之,而性本慈孝。故參知政事文忠公,視君

某縣某原 告; 亶與交今並 科,雖失于有司,以是著聞 早終于乾寧主簿; 奉君與夫人之喪,以某年月日,合葬于青州 史而終,君與夫人因禀叙郊祀恩 出身,夙夜刻志,富 亶, 曰交, 皆由文忠 縣君,以孝和聞。 君娶故 禮也。 駕部員外郎 爲 禀既 生四子, 曰奕, 曰禀, 曰 于學問 廕補,報君之德也。 大理 仕 王允己之女,贈某 寺 一而學, 於時,至監 ,嘗應賢 丞,克孝于親 再舉 俱 良 (被贈 進 察 方 御 īE. + 奕

子孫遊宦,誠南北之人也,故表而識之

❶ 「君」,四庫本作「名」,屬上。按,字似爲「居」之形誤。

云:

以 立 報 廟 貌 君 子 屈 孫 其 迺 身 昌 不不 相 屈 其 與 爲 道 孝。 愛 及 墓 而 文 表之, 忠 文 如 忠

權 司 鹽 鐵 判 官 尚 兵 部 員 外 郎 王 君 墓 表

縣 生 里 皆 逸 一 不 仕。 追 君 少少 太 ン之後 君 封 喜之曰: 君 德清 諱 及君登朝 父諱 絲, 世 縣太君,後 字 居 一展,有 厥 蕭 敦 累 後 素 Ш 贈 其 鄉 會 尚 夫人謝 昌 曲 曾 稽 書 。」娶沈 之行,好 祖 人 屯 諱 也, 氏 田 慶, 員外郎 氏 晉 追封 施 祖 夫 右 與 諱 會 人 將 安, 稽 夫 而 而 軍

大 軍 中 司 理 祥 君 參 符 幼 禀 軍 八 親 年 訓 精 春 未 意 擢 獄 進 嘗 事 士: 釋 第 卷。 無 不 釋 復游 得 褐 其 學 除 情 京 興 師 前 國

于

境

上

謂

婺

民

日

我

州

鑑

何

奪

之

華

郡

守

闕

外外

臺假

君領之。

衢

之父老

遮

道

段學士 寺舉爲 滿,權 習 路漕 明。 州 中 績聞 必 集 之渴,于今人 其 後 土爲筒,導入于城。 持寬 學額 少 劾 高 詩 吏部選,充開 井。 貲 書, 改 船, 秩 重 杭 詳 滿 典,全活 少連時爲 辟 太常博 迺革 州觀 始建學舍。 而 斷官 除 君白州 又營資糧 而 未有學校,士 昭 其 賴 台州 察 改 雪 然推官。 土、通 弊本 封 甚衆。 之。 長 者 兩 本寺 府兵曹參軍。 軍 凡 之具,最 浙 其 堂 復五 事 一舍之外有泉焉 移 大 判 轉 丞。 丁父母 十一人, 判 改殿 潮 望 增 衢 運 室僅 官 里一穴,以濟行 州 州 缺 上 使, 凡 軍 於諸郡。 中 然。 供 憂。 白 州 奏獄之疑 舉 丞。 事 郡 州 之 楹 歲 城 數。 君 判 中 而 餘,大 服除, 據 子 官。 撥 故 稱 朝 君 請 Ш 龍 之 弟多 以 發 時 廷 募 赴 路 神 郡 本 圖 秩 賜 考 病 金 陶

州。 紫檀肖其象 冤狀,父徒子黥 爲?」有詣 詔舉知深 故翰林 州,不就。 外臺乞還者。 葉學士清臣舉拜殿中侍御史。 而 祠之。 ,君雪除之。 改屯田 故翰林 婺人薛 員外郎、通 聶 其家 學士 惟簡 急德君, 冠 一, 先 判 卿 袁 應 以 有

苦之。 息。 者或 服葛 以 安三千人,餘皆竄 黨數千。 之。」自是無枉戮者。 必 餉之人以爲功。 安撫,至 指 誅蠻人,一級 屢,與士卒同。 慶曆 其 朝廷 夷滅 鬭 一則察訪 君促 中 地 或議 選御 以 湖 官 爲質。 南 利病。 萬錢,士卒貪之,往往 軍 君下 史往究其事,以 招 蠻 匿英、連、 力 納。 惟石硋、鈴 人 破之,斬 君居軍 令曰:「得賊之首者, 、亂,攻 其 可 而前之主 歲時未决,生民甚 韶間, 擒者,當生 中凡 刼郡 首數 景二 者 君 白 十月,戎 縣,言 自 爲 立 洞,聚 級 是 害 湖 重 致 樵 賞 招 南 事

> 疾求領 民 變,朝廷命君經度。 謂之曰「金珠御史」,意貴之也。 者,夷人苦之。公令精麤兼取,夷人大悦 舶 廣 歲苦海潮,流亡者衆。 水戰,以 城守備。 田業,量其肥瘠,奏免五年至十年之租 司 南東路轉運按察使,兼本路安撫 朝 朝 廷 廷 小郡、遷兵部員外郎、 凡 待其來,彼不復動。 君議 召權三司 蕃 獎君之勞,遷侍 貨之來,十税 陶塼爲城,造大艦 鹽鐵 而 廣 君作長堤以捍之, 判官。 州 御 其 當交 史, 知 歲餘,君 以 , 必 通 賜 + 趾 時交趾 皇祐 州。 金紫, ·數, 日 、提舉 之衝 擇 以 諸 通 元 有 市 年 復 瘴 習 充 無

+ 四 女。 日,歸葬于蕭 月疾終于京師,享年六十 君娶裴氏,生一 其子霽登進士第,震試 山之先域,禮 女。 再娶杜 也 秘 氏,生 書 二年三月 省 校 兀 書 男

郎

班

借

職

需

修進

士業。

女文慧

適

二六一

一、馬豆。州永春主簿陸琪,文淑適皇祐元年進士第

一人馮京。

焉,其命矣夫! 故表其墓云: 不渝於素,稱薦者皆當世名臣,朝廷一用之不渝於素,稱薦者皆當世名臣,朝廷一用之

氣氤氲,宜昌乎子孫。無咎。既及于民,復歸於神。葬之家山,雲無咎。既及于民,復歸於神。葬之家山,雲

書 碑 陰

書環州馬嶺鎮夫子廟碑陰

慶曆二年春正月,予領環慶之師出

邊部,過 兵馬監 官屬 入高 賀 呼民登城,夙夜以守。 出,我當殺之以徇 爲淄州兵馬監押,❷與刺 侵于淄齊。 已而思之, 昔咸平二年冬, 契丹以舉國之衆 相勦奪,彼狄未至,吾民已殘矣。 曰:「奈何去城隍,委府庫? 卒,四郊之民,驅戮 而成 曰:「向 州 陽關,縱横大掠,南至于河,乘冰之堅, 城之中有夫子 押、殿直、贈某官張 人咸欲棄城,奔于南 馬 非張公英識 嶺 時 鎮。 河南州郡未嘗治城,且無戰 !」繇是衆 四 向 廟 望 盡 貌。 數日 獨斷,則 族 史議其事。 ,城中大懼。 落, 公蘊 觀 狄 Ш 無 大衆 退,而 其 皆鎮之屬羌, 一、公按 我輩父 敢 之所建也。 記 動 石,乃故 一潰,更 刺史果 劍作 刺 州 公方 母 史暨 公乃 人 妻 相 伍

- ■「於」,四庫本作「與」。
- ❷ 「爲淄州兵馬」,原脱,據宋本、四庫本補。

按

未可量也,豈止陰德之助哉? 故書之。有素,固能訓子義方,昌厥世而大其門,蓋復立聖人之祠,以尚風教。乃知張公信道聞公之事,及觀馬嶺之跡,雖極塞窮壘,猶聞公之事,及觀馬嶺之跡,雖極塞窮壘,猶

范文正公集卷第十四

范文正公集卷第十五

代胡侍郎乞朝見表

表

命,伏積震兢。臣某中謝。州,仍放朝辭,取便路發赴本任者。祗膺寵州,仍放朝辭,取便路發赴本任者。祗膺寵臣某言:●今月日,奉敕就差臣知杭

趨便道。敢有再三之瀆,庶傾萬一之誠。寄。始終極幸,進退甚榮。臣方理輕裝,即豈臣克堪? 矧爲畫繡之行,再領宵衣之靈以寧海鉅邦,生聚十萬,牧守之重,

父母 十餘 尺,對敭清光。 疲馬之志,寧莫戀軒? 在此行。 顯於中外。 職參仙殿,位亞秋卿。 竊念臣才不 之鄉 年。 久事朝廷,乍越江海,無復瞻望咫 邦,逼桑榆之晷刻,解冠告老,決 荷三朝之獎 報國無狀,殺身何成? 逮 人, 雖小人之心,固多懷土, 遭 逢 禄賞被于子孫,名級 知,歷二省之清要。 有 素, 束帶從 今復還 事 而 四

庶人臣之畢願。干冒宸極,臣無任云云。退歸鄉里,永爲萬足之心。賴君父之推恩,望聖慈暫許臣入謝雲天,少叙平生之感,望聖慈暫許臣入謝雲天,少叙平生之感,

● 「臣某」,宋本作「臣則」,下文「臣某」亦同。按,此表代

大過

不

移。

初

傳

人

道之言,

則

臣、

遽

上

封

章

遠,爲 鴻 已 毛 到 任 臣 郡 宥過 某 交 甚樂。 言 割 恩 勾 寬, 臣 當 臣 昨 者 一某中謝。 迥 奉 迴 敕 獻 心光於· 差 言 知 罪 白 睦 大 日 州 輒 軍 事 効 州 君 命 事 無 於

默? 必 立誠本 之臣 仄 撫 足之憂,介立犯顏之地。 報 席 群 龍 不 恭 萬宇 暇 而 孤 而 惟皇帝 况 宅吉,念六馬 首 謂 成歡,九門無 思 膺 古人之道可行,謂 啓 陛 下, 聖選,擢預 心沃心之道, 天德 而 當念補 懷驚。 壅。 清 明 諫 臣腐 獎 司 海 過,豈 臨 明 危言 度淵 儒多昧, 軒 主 時 以 危行 之 堪 招 來, 默 恩 循 折

教之尊 昨 非 聞 中 小 宫 故 摇 口 動 廢 外 以宗 議 喧 廟祭祀之主, 騰 以 禁 庭 非 德

范文正公集卷第十五

之誅。 乞寢 終有 文帝寵 許后 知逆龍 妬 帝 災,延及 冀 理之,即 廢陳后,宮中殺戮三百餘 后之朝,未嘗致福 廢許 甚於前,●六宫嗣息盡 回 反 而 上 誕 告; 鱗者掇韲 心。 報之殃。 立 后 立 理 皆自 儲 其女、霍氏 或當言, 呪詛 郭 貢。 次聞 妃, 議 殺。 方 之罪,乃立 譖 至 降 後周 變更,言 粉之患, 忤天 西 宣 殺 死 妃之説 之釁, 漢之祚 漢武帝 無 帝 甄 以 后, 時 所 爲屠 虜 一飛鷰。 有 人。 避。 亦 則 遽 被 庭 ··, 由 以 翻 害。 爲 不 髮 霍 臣 後及 巫 赤族。 蓋 威 覆。 此 典,累后 寒 光妻者,殺 蠱 相 飛鷰 者 以 至哀 傾 事 率 П 巫蠱 前 負 臣 微 起,遽 而 伏 雷 非 姊 帝 又 古 葬, 閤 成 之 霆 不 爲 魏 時 妹 廢

0 有 飛 原 無 據宋本 補。 按,此句 與下文爲對 句

微,詞 覬 左右 暫絶朝請 宗室,成竊號之妖。 尼 則易立。 后 無 望之心,全聖明終始之德 輔 子 危 乃切直。乞存皇后位號,安於别宫, 翼。 而 辱 後來之禍,一一不善。● 廢,武 之 選有年德夫人數 朝 俟其遷悔,復于 昭 不 儀 復 是皆寵衰則易摇, 有子 可 法。 而 官闡。 員, 立。 唐 高 朝 既 宗 臣慮及幾 夕勸導, 杜中外 而 以 寵 摧 Ŧ. 深 毁 皇

外采納 安可 親 闕 無 敢曲 倚 如 即 隱 陛 從。 '久之基,必杜未然之釁。 堯舜,中外有道 補,何用不臧? ,人臣之常, 下 且黔首億萬,戴陛 於五諫,内彌縫於萬 如 既 Ш 竭 一心,豈逃三黜 莫不雖 面 折 ,躋民俗於羲黄。❷ 然後上下同 庭静,國 休 下如天; 勿休, 機。 上方虚 朝之盛。 日慎 皇族千 而況 心,致 受,下 有 日。 百, 將 君 有 犯

伏蒙陛下皇明委照,洪覆兼包。贖以

尚可。 高 舊 臨 嚴 石之心。 道忘憂,雅對江山之助,含忠履潔,敢]明之鑑,不投遐遠之方。 「藥術鮮功。 水木之華,甘處 誅 、授以 苟天命之勿損,實聖造之無 仰戴生成,臣無任云云。 優 寄。 喘 息 郡 江 奔衝,精意牢落。 部 湖之上。 雖 小, 抱疾于兹,爲 風 但 土 以 未 窮。 肺 殊 移 疾 惟 樂 醫 緜 賴 静

蘇州謝就除禮部員外郎充天章閣待制表

序,進 職者。 臣某言: 伏蒙聖 内閣之清班。 涣渥自天, 震 惶 盡 恩,特授 出 無 高 地。 明 改中臺 臣 殊登祕近。 前 件官 之華 充

作

^{●「}善」、宋本並四庫本作「差」、《宋文鑑》卷六三「善」。

❷ 「羲黄」,原作「羲皇」,據宋本並四庫本改。

之良。 深嚴; 霈。 舊 死,假之一麾。 業,求七人之蹇諤,以補大猷。 受,期鴻化以咸 耻 綸章, 荐加寵數。 才,首當清問。 帝堯之聰明,加漢 之節,詎 榮,四方無效。 居前,雷霆在上。 而 治 不 汩 稱 没以 俄易藩宣之寄,寧分旰昃之憂。 竊念臣發自顔 陛下日 踐雲龍 輝榮大集,志 豈曲· 希英主之知? 懷安,或 士之能 之庭,當 月垂光,江 望 孚。 危言多犯,孤 爰自 已 敢 而 感感 高之豁達。 巷,賓 絶 避 願 况闢圖 念三聖之艱 激 書 堪 何 於青雲,咎未更 樞機之禍,終乖 備 ? 林 而 伏惟 求? 海敦 于 于 論 預選,桂 矧 書之府,切 顧 舜 立自 事 簉清 皇帝陛下, 量。 坦聖 問。 門。 敢不内守 難, 臣獨 惟 ·持。 曹 籍 非 恕 懷 慕 而 升華 名 處 忽 於 其 斧鉞 愧 古 第 藥 成 仍 而 朴 居 儒 於 降 鴻 萬 石 非 不 虚 人 爲

> 忠, 方;始終 外修 景 心 行。 副 進 君父育材之造。 退 惟 道 尊 聖 賢 臣 視 無 履 任 之

饒 州 謝 上表

臣

昨

奉

制

命,落天章

閣

待

制

守守

云云。

弗諧。 閣 實 輕,報天無 進多冒死。 忘家,亦臣自信 或建明。 本官差知饒 而 由 之遊,親 有 失, 竊 某言: 念臣 眷寵既隆,補報宜異。 愚臣 然 處 委王 所。 事 出 仁聖之造,退亦推 州,已到任禮 而 有犯 未精,發言多 自畎畝, 階于 臣中謝。 畿之政。 心 而 無 豊 隱, 周 上訖。 臣 ? 惟 至 率。 播納。 上 情 必 孤 恩。 則 雖 將 難 狂 智者 知 愚之誠 匪 危墜,猶 立 守土 驟 他, 屢 干 升天 許 慮 非 請 罪 或

二六七

范文正公集卷第十五

心 朝 志 彌 分外補之符。 與 ? 日 重 增 瞻 垂 伏 此 蹇 玉光,何 望 蒙 而 蹇 命 闕 皇 爲 匪 愈 庭 帝 郡 微 躬 輕 臣 當死 陛 弗照 之節 陳 下 無 敢 優 而 任 ? 惟 優 不 生,自勞以逸。 天 庶 布 動 止 爲 從 政 静 削 量 之 三思 師 内 方, 訓 朝 無 之 大 始 無 必 職 不 君恩 也 終 容 天 仍

潤州謝上表

臨 出 遠 臣 之 臣 中謝 某言: 誠, 未 嘗 奉 敕 聞 移 達 知 潤 高 州, 明 之鑑 已 赴 禮 俄 復照 者。

之列 大臣 污授 徒竭 伏 念 當 以 臣 誠 深 浩 起 而 典。 穰 家 報 孤 之 或 可 平, 權 無 弗 退省 蒙上獎拔 鉗 聖 口 惟 以 抑 知 安 有 置 身。 所 臣 聞 於 言 則 清 涉 辱 汲 近

> 於臣下 代 黯 111 君道宜彊,臣道宜 故 上 臣 相 之歸; 一,則中 聞 或 ,亦陳元稹 漢 家,或 孔子曰: 桓 之 ,則威福 興 直 由 外 五. 而 臣 此。 自 進 星 魯 之非。 無朋 退 「天下有道,政不在 雖明,不 嘗 弊,六 孔子之論,昭 集 群 疏 弱 黨,左右皆爲腹 於 臣 公孫 斯實忠良,豈 喪聽 卿 私門,禍釁積 可代太陽之照 四 作 之 決 瀆 而 短 大事 雖大,不可 昭 晉 ; 分。 裴 不 若出 「大夫。」: 誣 心。 無 度 於王室。 往 唐 讒 若委 之名 古 是以 於 毁 前 興 君

萌。 戒, 必 謂 豐者光大之卦,君之象 也 躬 大 而有履霜堅冰之防,以其陰 親 臣 當 臣 其明 按大易之義,坤 危言 久 而 次,在 無 不可 倦。 危 微 行之秋, 進 總 也。 退 擥 M 綱 也 者柔 臣 得 有 柄 考兹前 宜 而 寖 順之卦,臣 博 有 昌 謂 延 不 日 寖 訓 王 後髦 中 可 微 者 慮 見 長 之説 萬 於未 之象 斗 也 機 Ż 議

生還? 身處 室顛 蕭望之 天閣之班資,奪神州之寄任。 所言,殊未盡 我,物榮悴而 盡歸於公道。 治亂之本根,求 江 危。 湖 П ,徒不忘於魏闕。 陳災異,蓋無負 人皆爲之寒心,臣獨安於苦節 如天。 意。 朝廷惟 祖宗之故事。 重煩 人心不在於權門, 上聽,再貶遠方。 一,宗廟乃長。 於本朝,公子牟 未知死所,敢望 重江險惡,盡 政慘 舒 臣之 時 而 削 諭 自

葵傾 知 鳴 遷便郡。 退則守恬虚之趣,淪草澤以忘憂。 犬馬之志,恕臣無塵露之勞。 桐 ,下逃群責。 脱 ? 伏蒙陛下九日垂光,八風 彼在 進則持堅正之方,冒雷霆 茁如行葦,保於勿踐之仁, 焚之患。 臣 無任云云。 敢不長懷霜潔 特出聖衷,稍 迴 力,察臣 而 不變; 上 3,至効 鑑若 副 聖 有

漢

將

誓平此賊

》, 詎擬

於唐賢

人? 所宜 既盛 向敏 軍 衝 寄方重。 州 要,歷大臣之鎮臨。 盡瘁,敢昧請行。 ,爲地 竊以 事,已到任交割管勾 臣某言: 中移節於京 況經侵軼之虞,彌 豈緊懦品,可副聖憂? 延水極邊,東夏 可 知。 伏望 兆。 臣職貳 _敕命, 范廷召出 自薦老成,●固慙於 斯爲 藉 訖。 就 統 雄 緝 差 · 屏。 戎,志存殄寇。 劇 綏之政。 討 臣 任, 曷在 師 伐之秋,委 臣中謝。 兼 控 於塞門, 黠 知 宿兵 虜之 延 匪 州

寬其無狀,用之弗疑。臣夙夜敢寧,奔馳罔伏蒙皇帝陛下,曲徇微忠,亟頒成命。

■ 「成」,宋本作「臣」。

二六九

二七〇

任 亦假 訓 重念百姓屢驚,體當 謂 仍 暇 一云云。 齊。 孱謀,偶符睿算。 掩 於 襲 刻 行 於邊落 時 如 治 莅 權 亂 事 0 繩 仰 翌 必必 賴 大軍 日 聖 期 招 興 所 威 於 撫 已 師 期 耐 ; 出 即 克 五兵久 · 中 庶 事 紓 勝 牽 邊 使 先 少 制 患。 聿 慰 戢 除 於 臨 務在 焦 害馬 戎 臣 心 勞。 不 無

謝降官知耀州表

大尤, 臣 郎、依前充龍 中謝 臣 尚 某 從 言 寬 置 宥。 蒙 閣 恩 直學士、 雲天之覆 降 授 臣 知 尚 耀 書 頂 州 户 踵 者, 部 何 員 柵 實 負 外 ?

過 率 之秋; 自取 竊念臣才 貶放。 微臣 以 本迂疎, 朝 或 廷 有 以 急難,當 邊 識 有 非 擾 機 動 忘 敏 家忘 是 使 屢 身之 愚 由 使 狂

> 不恤 報 小 謀 典 大,勞心已竭 自 念憲。 膺寄 宜及於禍,以貽厥 委, 图 敢 處 遜 事 避 逾 乖 而 羞 力 苟 小 利 任 國 重 家 智

明之私 大戒。 疲駑 用。 謂 千 ·慮之智 伏蒙皇 軫 愈 兹孤 存其 加 臣 修 一,
猶 無 職 弱,播于生造。 帝陛下, 省? 任云云。 足, 有 使思後 庶陳 失。 日月 纖芥 萬 照微,天 圖 物 削 之效,上 之材 其官足,使 臣敢 地 不 古 包 一答高 更 無 廣 勵 明 全

耀州謝上表

依 前 充 臣 某言: 職 知 耀 伏 州 。 ② 己 奉 制 到 命 任 降 禮 授 上 户 訖 部 員 雷霆之 外 郎,

● 「制命」、宋本作「敕命」。
● 「邊落」、原作「邊路」、據宋本、四庫本改、

298

威,足加死責。天地之造,曲致生全。臣

謝

有事宜 數月于兹 邊 延安,莫遑寢 堪其任? 之際,起臣 吴之法,耻 城; 竊 或反間之言,行於中國。 ,處置不暇。 念臣 一貶所 道 但國家之急,不敢不行。 運 食。 桓 偶文明, 特加獎用 文之事。 城寨未謹,兵馬未精。 而 復虞 世 專 ,臣自知甚 或 内應之患,發於 儒 家 素。 以 百憂具在, 西 自兼守 靡 陲 明,豈 學 播 日 孫 動

送于闕 朝廷 削 自 器 去。 賊 一械,爲將來之大備 不答, 處置,又恐答以 庭,求通中國之好。 而 下 ? 臣以 方修完諸栅, 則 朝廷方命入討,豈以未順之款 此 阻 不 絶 可 來 部旨 訓 意。 也。 不幸 齊 其僭僞之稱,即 六將,相 此 則 或送于闕下 昨者,高 不 降禮 可二也。 太甚。 Ш 延]1] 德 ·, 請 若 未 來 利

> 間,或 接」。 字,如 無 以 許 會 何,❷彼或有進奉之意,即遣 面 人,須候禮意遜順,方可 正月八日曾有宣旨,「今後賊界差人 之,賊爲 慮 路,未 「密奏。 系其 臣 詐 損 高 示 延 爲 臣 依 可 意 以 德 及 款 得計。 所 加 前 招 臣又别奉朝旨,依 韓 到 恩意,乃遣 好, 以 納。 討伐,容臣 僭 周 或未禀承,則 來,堅請 却令高 僞, 以 等迴,且言初入界時 此 殆 臣 立 不可三也。 諸 方令韓 韓 使 便 延 路之兵, 周 介 示 發 聞 德 於 等 同 以 于朝廷。 遣 迥 周 送 臣 臣 行。 恩 深 去,仍 出 守在 爲 高 所奏,留 苟 意。 又 人 界, 況 耻 延 曉 寶 輕 見迎 於朝 德 奉 邊 不 歲 齎 信 諭 諭 亦 元 過界, , 朝 上 得 時 鄜 已 與 到 \equiv 而 接 廷 適 本 文 年 納 延 收

❶ 「桓」,原作「相」,據宋本、四庫本改。

7 「守」,宋本並四庫本作「等」。

聰,或 皆漢家 見其挾 字,應 無益。 十四四 赴樞 騰 乃益 來文字,果合焚毁,則臣 之言,及韓周等别有劄到邀求數 賀九言齎來文字意度頗 先開,況是 旨,若得 開 之人,叩頭 布。 封,便欲進上。 密院。 山外 日聖旨劄子一 驕 傳聞 有 臣尋便焚毁,只存 臣相度事機,誠合如此。 Ш ,勢使然矣。 叛 辭 外 之敗。 外事後,辭頗驕易,亦 人所爲枝葉之辭 爲賀 與臣 于外,爲輕薄輩增飾 涉悖慢者,並須隨處焚毀,勿 界章表,須 今於涇原路取得實元二年 文字,遂同 都鈐 去 無 道 人沮 其迴來文字,臣 何前 ~,並如 先 轄 同,非戎狄之能 前之措置 氣 書後。 行 開 張 張 張亢之言,其 兩 也。 視。 亢懇言曾 無 亢 程, 以 事 有 開 而 恐 章表尚令 所 及 爲 便 皆 談,有 *, 封 怨尤,與 F. 僭 求 始 聞 辭 視之。 黷 有 應 通 僞 不 己 任 所 月 聖 使 好 文 朝 敢 納 損 賊 福

> 可汗故 令向 事 合。 遊 朝 稍 奕 廷 後得 其劄 將 處 順,餘皆可與損 分。 事 收 、 欲稱 到數 賊中文字,所在焚之,亦與今來 得 劉 唐 事 稹 相 兀卒,以 章 内一事 李 表 德 益 悖 裕 避中朝之號。 慢 與 如臣所諭,取單 無禮 將 帥 示 王 宰書,爲 便毁除 此 意

討 兹寄任,豈得無咎,何敢自欺 置,於此二道,並 害,❷苟能 或朝廷欲息生民之弊,屈一介之使,重 伐 亦繫朝 儻 朝廷 聽服 一欲雪邊將之耻,當振 廷熟議,必持重 ,亦天下之幸也。 未有妨。 然以 而 臣之愚,處 皇威 緩 臣 圖之。 前 諭 所 措 利 加

之惡,特因此量行薄責,斯天之造也,臣之伏蒙皇帝陛下至仁廣度,不欲彰臣子

[「]而」,原無,據宋本、四庫本補。

广論」,據宋本、四庫本改。

馬 幸 也。 有 志 曾未 臣 敢 不 施 夙 爲。 夜 思 日 省, 月 進 無 私 退 惕 尚兹臨 厲 ? 0 照。 犬

乞小郡表

臣

無任云云。

君親 撫 不 此 能 病 之 者 臣 某言: 軀 止,臣下 盛 敢期 德 也。 臣 生造。 聞 之 臣 先民 通 仰 規也; 臣 逢 有言 中謝 明 聖 日 「進人以 一,俯 陳 念拙 力就 禮」, 艱。 列,

心煩。 之期 竭 死 事 心 難 ,尋醫救得退。 遽 言。 竊念臣前 歷 豈 得 昨在延安,數曾發 涉 敢 眩 及降罷之後,猶 避 Ш 轉 險,舊 事 之 在饒 ? 疾。 自後 州日 疾遂 無 對 何 久坐則 賓客 赴 作 動。 乞專 因學行氣 任 近 忽 耀 戎事 領 頭 日 倒 州 邊 運 頗 上,多務 方急, 城 不 而 以 加 蓋 炎 知 有 埶 欲 則 人 差 頭 雖

> 交割通 見於永 目 昏 沉 判 興 食 發 軍 物 請醫 遣 減 少, 官 看 舉 治, 動 次其 無 力, 本 -州公事 勉 彊 稍 難

榮? 實經三 未遑 之主張,由臣命之奇蹇。 要,有遇 防之智。 寧。 臣 處於善藩,已多優幸。 朏 賦 事 言必取悔,舉 性 輒發之尤; 頻招 本蒙,處 物 議, 心 寄以一 則 至狹。 屢 矧念抱 敗 黷 官。 重 宸 帶兹 難 聰。 或 病 未 家 無 近 踰 費 何可 擢 思 職 數年 天 患 於 深 力 清 預

獲安静 朝例 化。 當郡,或於隨、郢、均、汝之間,守一 念其 伏望皇帝陛下,推至仁之恩,施曲成 尚 以 臣 理 圖 學 歷 痊 一, 出 士之職,改 瘉 自遭逢, 雖貪冒微禄, 特 庶官。 發聖 詎逃病者 恵,不 小州 或 且 之 在 循 庶

■ 「惕」,原作「揚」,據宋本、四庫本改。

二七四

育。 之譏 骸 未 頓 臣 ; 0 無任云云。 藥藥 而 遜 餌 避 有 清 功 班 則 少少 當 緩有司之責。 再 就 驅 馳,上 酬 爣 亭 形

代胡侍郎奏乞餘杭州學名額表

國家 而 至于唐家,中外建學,文物之盛,三代比隆。 成於聲教, 俊造以之富盛, 基業由 功磨國器,標率人倫。 教育賢材。 興; 徇鐸敷文,舞干布化,四方庠序,比之 竊以三代右文,四郊立學,尊嚴 萬國英翹,拳拳以勸 被服禮樂之風,準繩 式致用於薦紳,乃助 仁 是緜昌。 義之行。 師 道,

宜 面 諮 勢顯敞 在任 恢 Ē 臣 日,❷重修宣聖 始之風,丕變輕揚之俗。 伏見餘杭郡素爲善地,蔚有 ,允爲儒宫。 廟,建置學 足容絃誦之流,迥 舍數十厦。 前知州李 秀民。 處

> 方俗可 學名 虞文章,廣及江湖之上。 十餘人,日課藝業,其來不已,所益居多。 狀 雲 舉 山之勝。 額 請 臣欲乞朝廷依天雄軍、江寧府,特賜州 曾到 厚。 ,用明勸導,庶 臣自 御 顏閔德行,遠侔洙泗之間; 前 出 進 守此郡,延見諸生,據 士: 楊 獲修長。 希堂領文會。 臣無任祈天俟命 歲 時不 有二 隳 唐 衆

范文正公集卷第十五

激切

屏營之至。

[「]病者」、宋本、四庫本作「識者」。

志》卷三,胡則前任知州有李諮者。

范文正公集卷第十六

職觀察使三表

表

臣中謝 臣 步軍都部署兼經略招討安撫等使。 命,既出於絲綸; 邠 州 臣 某言: 管 内 觀察使,仍依前 馬 遞 未盡之誠,敢逃於斧鉞? 降 到 誥、敕各 邠 寧 環 道, 慶 非常之 特 路 授 馬

患。

之失德者降其爵,諸侯之有功者增其禄。臣聞先王爵以尚德,禄以報功。諸侯

則減議 害。 大夫寧甘薄禄,而不樂换之者久矣。 失,廉察刺史之位,遂爲 之任,人則復其位。 石。 軍旅之怨,五則取夷狄之輕,六則貽國家之 用兵之際,事繫安危。 出爲之,謂之換過,入朝則不復其位。 朝廷之重也。 近於君也。 此百代不易之典也。 臣儻默默而受,一則失朝廷之重勢,二 唐御史之出,節度使以 論之風采,三則發將佐之怒,四 漢遣御史,繡衣持斧,出按二千 學士丞郎,出則居廉 自五代之亂,措 臣 武武官。 今日之命,理 又聞貴貴者,爲 軍禮 學士丞 見,所 察 有利 況今 置 刺 則 故 郎 以 鼓 乖 表 + 中

都部署 署 經略安撫副使,次則分領秦、慶二州 兼 領 何以言之? 司兵馬公事,次則進秩爲本路都 經 略 安 撫 招 臣 與 討 韓 等使。 琦 並 命 皆以 陜 西 學士之 兼 本路 初 部 爲

行侍 律 ? 行 制之下,使居 正。 或有 以 旦 職 落 都統之權。 節 行 郎、節度留後之上,今降於 内 自以 非便,必極力 制 臣 都 朝之職 諸 畫 統之權 近 將 亦 臣 孰 以 方榮、劉 當當 此則失朝廷之重勢, 内 而 爾 不 是用 議 朝之職 補 綘 以 外 論,覆奏不已,期於必 其 興之下 朝 内 帥,前 闕 廷 朝 而 每 之 近 無 列 在 覩詔令之下, 臣 勢 嫌 知 左右丞、諸 出 गिर्ग 以 制 臨 望 外 也 浩 浩 戎 官 風 閫 待 禀 而

蹤之體 豈 其闕之理。 别 出 不 是 或不 鑑前 非, 又 既 與 便於軍 代將 爲 此 朝 縱降詔 外 則 廷 帥 帥, 減 中,或 抗 驕 議 論? 則 1 亢之禍,存國家 論之風采,二也 寧,須 今 有 而 自非 害於 後, 令奏覆 近臣 邊 朝廷 事 詔 豈 内 無 而 令之 敢 外 臣 彌 指 畫 縫 品

報 國家 臣 又 勿樹虚聲,妄求恩獎。 自至 邊 上,常責 將 佐 當圖 故得歲年 實 効 以 上

> 大。 將之實効? 來 制 補 所奏邊効,稍稍 臣 葺 則一年之中三換寵數,將 救邊防之闕 此則發將佐之怒,三也 得實, 而西 不至矯 |賊猖 何面 誣 熾, 枝 臣 目 葉 方 愈 經

之。 歸 啚 未 年,不霑肉 給 不 則常寒心。 不亦難哉? 逼,欲使此等之心同其憂患,爲國家之用 棄而埋之,負 可共其憂患, 危之時,勉以 粗供 敢言渴,士未食 劫 於賊者,非皆攻 臣 又臣 長吏 雖 樵爨醋鹽之費,食必 聞 痛 味。 以 古之方侯,獲 自古將帥 而 昔禄山 罪 而爲 應 不 至有軍行之時, 羸不勝 賊 從 以 忍, 豈 而 逋 而 或 事,及既危之後,翻然改 皆 之亂, 未 下之,由 不 家之用。 與土旅 此 敢言饑。 敢 能 類 其厚禄 河北 慢 遠 也。 ~廳 衆 去,皆 法 故士 同其安樂 三十 糲 ? 臣 心 ,養敢死之 今邊 無 每 捕 未 或 餘 經 恩,當 思之, 有 兵 飲 城 而 逾 甲 危 俱 歲 則 斬 面

劫長 死士哉 常格。 士,以 待其釁爾。 (吏以應賊,不能爲國家之用,而能爲國 備寇患。 臣 得千鍾之禄、千金之賜 徒聚之於家,使彼 臣恐此輩 今之戰士,養有常廪,賞 一日倉卒,乘怒而發, 目 ,豈敢 而 銜之, 私 以 與 有

家之患矣。

此則

鼓軍

旅之怨,四也

傳而 所以 界沿邊 臣若受兹新命,使蕃部聞之,適足取夷狄之 五也 蕃部皆呼臣 呼之,且不測其 安天下,威四 又臣聞 小可 `首領,並 内列三公九卿,外分五侯九伯 爲「龍圖 [夷也。 僞署觀察團練使之名, 品位之高下也。 老子」,至於賊 臣自到邊上,其 界,亦 今賊 、熟

不貽 之怨,取夷狄之輕,由 重 一勢, 國家之後患哉 臣 減 謂 議 國 論之風采,發將佐之怒,鼓軍 家 此舉, 使 斯以往,必敗乃事 此六者,臣上爲國 四 路 首 帥 失 朝 廷之 旅

無

而 一辭之也

戰,主將不利,大挫國 之議,遂及 之言,故天下指之爲狂矣。 者,而朝廷容之,直以 之職,可謂清切矣。 科,陛下擢 力,而處置之間,不合朝廷之意,既廢復用 未嘗怏怏,此搢紳之所諒 今之狂士,效唐人肆言朝市,往往甚於臣 共棄,屢經貶放,亦已塞朝廷之薄責矣。 効賈生慟哭長太息之説,贖于聖聰 儒者報國,以言爲先。 所 逃 再念臣 遁 众於臣。 於秘館,處之諫 世專儒 逮臣 素,遭逢盛 寒士至此,大逾本望。 威, 臣於 如臣! 至于 朝 也 司 無 而 曩者不能練事 廷 歷 延安、竭 事之秋,先爲 臣 時,以文藝登 前 有使 自追其咎 天章、龍 春 延安之 愚 以中 使過 心 外 圖

自 知 孑孑惴 臣 顛 沛十載,灰而又然者數 惴 非 將 相之才,豈 了大事 四 矣。

引退丘 緣 風 武帥,長爲荷戈之事乎? 居邊鄙,永謝丘 以貪夫畜臣?● 之樂,此臣之所期也。 心 但 臣 眩之疾,聞命以 國 雖 夙夜乃事 家 知 園,詠歌太平。 急 屢 難 困 之際 日 **,精爽** 園,非臣之所 勉 落近 來,心墮氣 邊 已乏,量臣之力,豈堪 日,俟將 鄙 職 雖多 臣粗 乏人, 而 此臣下爲私心而 增 守 難之夫,有 期 索,不知其涯 厚 帥 廉隅,朝 臣 也。 禄,將令長 得 以 臣本有 事 全歸 廷豈 臣 君 即 之

所 將 陛 士之清列矣。 禄者,如方榮、 存舊職,則是以 八其體 志亦異。臣輩不 一下,垂日月之明,發於獨斷 伏望體天法道欽文聰武聖神孝德皇帝 重 矣。 劉 如 内 而 興 使四 朝 況儒臣 畫 願 近臣 去 必 路之帥 清 不 經 武士,所習不同, 願 列 略邊事,節 追還 而 減 上失其勢,下 厚 就廉察之厚 禄 新恩,許 以 就 制

> 請。 州之獄,自劾無功冒賞之咎,又劾 私 臣 非 豈 也 於寇亂之手。 之罪,以聽于朝廷。 撓 於君父之命,猶勝貪 了惟天鑑處之。 心 堅 陛 復 其 而辭之者一。 臣 下 能 讓 志 今冒犯天威,爲國體 推委,使人人盡心之意也。 沮 振謀發策,爲國家長城之倚 三公,雖已行之命,蒙陛下 喪不樂,意 此臣之所以知其 臣 苟不獲命,臣當繫身 假使朝 無任云云。 此 衰 厚 神 禄,敗 瘁 廷極 而辭之者六,爲 則 退而 名速禍,死 |怒,臣| 事 違 哉? 有 , 特 不知進 制 隳 昨 俞 得 不 慶 受 其 宰 恐 死

第 二 表

慈 諭 臣 臣 某言: 所除 觀 馬 察 搋 使, 降 到 且 詔 從 廪 書 秩 道, 之優,益 伏 蒙 聖 慰

❶ 「以」,原作「有」,據宋本並田况《儒林公議》所引改。

天,足臨淵谷。臣中謝。 戎行之望者。祗膺寵異,載被孱愚,心戴雲

帶内 誅。 服 外 **武聖** 相 移邊上文字及招安牓示,若署臣新銜 人者,便僞署觀察、團 況慶州與賊界相 禄,發將佐之怒。 蓋爲國家未 之重賜,於臣 無 難 輕 寸功, 官,使節 固宜 朝之職,而 ,此皆未便之端 今又擢居廉察,享千鍾之厚禄, 神孝德皇帝陛 方且力修 竊念臣器業 自 以稱 効。 制諸 便。 上意。 何 邊備, 行節 少哉? 臣 將, 何則? 接,其 無 積貨于家,鼓軍 奔 取 制。 下, 也。 頓 堅 走 伏蒙體 練 禦 失 之名。 逐族首領管三五 塞 誤 曲 臣 又四 凡 落内朝 體 賊 下 荷 敦寬宥, 固上 百 勢。 鋒 聖知 天法道 首尾 將 路 本司 佐,無 表 賴 之職 文帥 又無 旅之怨。 其協心, 陳讓者 三年 常常 欽文 未 加 國 改爲 彼 有 功 即 不禀 自 時 Ŧ 進 則 行 百 金 嚴 聰 曾 急

> 廷不待 謂有 大也。 自奮 轄、都監等出 將 尤更重難,見此遷改,必 無 去 功 此 圖 ? 遷 何 近 成 効。 奇 職 有功,例 改, 或 功 家 改爲 則 邊事爲之奈何? 人暴露,衝冒矢石,比臣 加 經 旦 此厚禄,非宜 皆進 外官,非美 略 一遷改,人 副 秩,則諸將驕墮 使 有不平之意。 贵 情 得 也; 大 也 無 惑。 此又未便之 其不 望 經 ? 略 知 知者 一,誰 處任 若 者 兼 使 謂 朝 鈴 既 復

功名。 鑑 轄、都監等 内 俱自學士换觀察使。 上 名不相交錯,免生輕易。 一,特降 請,不敢逃罪。 朝 伏望陛 職名節 又得經略招 中 旨。 即 下發於獨 制邊事,其 無 如 不平之意,各思 臣 不 討銜位 亦知本 獲 ,斷,追 當 命 此 體 時 與與 臣 且 四 還 朝 事 重。 方 當踐 體大,乞垂 李 此 爲署 無 維 自 恩 言 副 奮 蕃部 陳 臣 使、 以以 非 繫 得 堯 獄 聖 之 求 帶 領 咨

郡,臣 怨言; 偕、 職, 無任云云 言 不 職 疑 託之跡;遠 不從,此爲得其體也。 異其品流 後進,换入武帥,或居於上,則多憎憤,必 制之任,藉朝廷之勢,以重其體也。 同。 節 却堅辭廉察之位,請存學 ·敢借· 臣 制 ,甘俟鼎 守員 换 張存例,特許 臣 不就右職, 死 但 或處於下,則多見抑,亦 非 内朝之職 生幸甚,死生幸甚! 外郎,知一小郡,而 刺 享 ,隆其委注。 罷 鑊 史或 厚 居 陜 禄 極 西 惟聖鑑 守郎 别 塞,非 經略安撫 矣。 解 爲 懷過 去邊 優 官,於隨、郢 如受命之日,却 賢 裁之。 况臣 彼 進 望, 任,仍 之 則 士之職者 用 副使日 命 孤 望 即 之 朝廷不從。 立明 干犯天威,臣 非 風 乞聖慈 乞落學士之 地 無 與 領 懷畏,靡 間 ●便乞落 今事 成 、重寄,E 時, 蓋 且. 如 功。 知 有 依 朝 無 儒 居 體 小 楊 翻 古 廷 結 惟 有 節 敢 生 不

第 三 表

深衷, 天語 私。 以 臣 臣 重臨,莫非 臣上表 勿循 某言 中謝 小節, 陳 馬 讓 敦獎。 搋 前 就 降 來 除 到 邠 成 臣 御 州 命, 心 前 觀 再剖,合盡懇 劄 即 察 子, 宜 使 祗受者。 事 伏 ',當體 奉 聖

旨

威, 非 吏, 止, 聖人感人之要也; 有 次,俾預經略,三年于兹。 司 智非 非 拳拳素風。 贵 此 臣 勇 :勇,豈、 聞 人臣事 期 也; 虞舜 睿 恩 退 主 以「舍己從 君之分也。 驟 不能宣懷柔之化, 帥 或 又聞 之材 進寵 家 以 ? 禄 「陳力就列,不能 西事之急, 人 ? 進不能行討 古 竊 當自 而 臣 念臣 稱 退 非 至 省 劾,聽于 用 世 智 德, 無狀 伐之 臣 爲 也 调 文 者 此

狄之輕 鼓軍旅 患。 風 則 深 采。 失 所 朝 此物情可見,朝 未 之怨。 安。 獨受寵名,發將佐之怒; 廷之重 述斯以 況 臣 與僞署蕃部同 一勢; 往,必有敗 前 既 表 廷必已照之,非臣之敢 所 爲 外 陳 帥 事,以 謂 其 落 則 官 積貨于私 内 減 1號,取 朝 議 之職 家之 論之 夷

代。

誣

也

天 爲 驗 兵拒賊,一戰而潰,危困社稷。 能 能 復 深遠,民之疾 勇,尚不能 賦 武 多 ,微臣之深戒 如劉平之武力乎? 也 帥 明矣。 鼻 褊 況 鲄 心,遇 以 臣 懦 圖矢石之功? 當將帥 膚 匹之質,宿患 且 事 苦,物之情 髪衰變, 如劉平,本是文臣,衆推 也。 輒 **特發**,故 之任。❷ 重 昔唐] 一念臣 精 居其外則 僞 風 力 此臣量力之所 臣 朝 出 用 眩 減 廷 處 房琯虚名,將 近 此前人之明 粗 竭 察 窮 5,0 豊 知之。 寡悔 加 臣之材, 困,憂思 疾 堪 毒 忠 不 專 處 而

臣

於内 聖朝之循吏,亦足託青史之末光,垂於來 未 獲 則 退 ,則願 多咎。 久守 臣 自 知 藩,奉 非 朝 行 廷 條 進 詔 用 之 庶 器 幾 爲 如

衆知 有以 賴諸 臣 並 負雄才,非臣之所及也。 笑於三軍。 命閣 久 竊 八荷 聖 將佐。 自 見虞舜舍己從人,足以感 儒 今以邊鄙 門使,❸一受一免,朝 臣, 疑 知, 固 其諸路有不辭者,或當壯 臣則日 不責其勇力,及改 叨 方艱,承乏於此,禦寇之力, 居近列,何獨 夜思省,救其 如裴 廷 群下之心矣。 各從其志,斯 德輿、張可 未獲其請? 武 闕 漏 帥 成,或 而 則 른 久 取

- 竭 原 誤 作 本、四
- 當」原 無據宋本、四庫本補
- 原 據宋本、四 庫本補

心 朝 察,推廣生之造,許臣依舊帶內朝之職,●經 獄 赴 固以死請。干冒天憲,臣無任云云。 畫邊方,節制諸將,小事行之,大事言之,爲 道欽文聰 待罪。 闕 廷之耳目 其武 敷奏。 今邊 帥之難,寵禄之過,臣敢不 再瀝肝膽,上冒斧鉞,伏望體 武 1 ,其體甚重 本 聖神 新 州 有 全闕部署、鈐 事 孝 宜 德 皇帝 ,臣尚可力疾爲國 已 發 陛 走 轄, 下 馬 垂 臣 承 - 揆度? 至 受 未 明 天 敢 張 法 盡 之 翔 下

謝許讓觀察使守舊官表

聖言惟允,推舍己之至仁。臣中謝。却守舊官者。寵禄固辭,涉邀君之大咎, 臣某言:准樞密院劄子,奉聖旨,令臣

也,大讓如慢,小讓如僞,儒臣之行也。上臣聞進人以禮,退人以禮,哲王之體

之,與天下稱慶哉? 俗。 得 其 體 臣 一親逢盛: , 足 以 寧 美,得 家 邦 ; 不手之舞之,足之蹈 下 興 其 行 可 以 導風

從 濬 知守禦而 然,禍在 請,示以招 廷旰食,遣臣經略邊事,歲月無狀。 府、揚歷中外、恩常異等。 千官百辟之中,擢 神孝德皇帝陛 暨再委方面,專此一路,又無出奇之策,惟 宦,了無聞達。 廪 發 宸 禄之優,兼貴稱 竊念臣少遊庠序,長登 心謀,思 不測。 른 納之意,期于平定。 欲 下,金鑑 日常自訟,以待來者。 伏遇體天法道欽文聰 上賴 崇諸路之寄,例改廉 臣諫静之列,置臣 呼之重。 日 月 臨 垂照,保全微 御、多士駿奔、於 自 科級, 霈 西) 陲 然 而 用兵, 渥 物 亦當得 周 圖 車, 陛 武 旋 書之 議 生。 朝 聖 日 下 喧 孤

❶ 「舊」,原誤作「期」,據宋本、四庫本改。

容誅。 作,願 紳。 細事 屈彝典, 喜者以不奪稽古之志, 而復 喜,不知所爲。 如僞之情,特降俞旨,許存舊秩。 心腹耳目,權節制之任,其體甚重,●不煩 何 于弱質。 力,可堪 , ❷佇干羽之大猷。 臣無任云云。 臣敢不竭力悉心,夙宵乃職 迴寵 伏蒙陛下念進人退人之禮,察如 臣 此任? 異,少寬憂慄。三黷天聽,義 以今之觀 懼者有不即從制之罪,而 幸以 察 内 使 退作 朝 列 頌 之職 爲 聲,仰答聖 武 道 臣且 爲 帥 疆 被 懼 國 書 場 ź 改 家 儒 尚 慢 不 生 Ħ.

謝傳宣表

伏蒙 未差除間,已指揮中 聖 臣 某 慈 言 傳 宣 人 内 爲 内 書 劄記 日 侍 近 省 差 高 候將來邊事 除 班 兩 陳 地 舜 臣 封 僚。 至, 稍

> 寧,詔 光靈,伏增戰汗。 代臣邊任奏聞。 舉,特出朕意,宣諭 卿 用 在 兩地 聖言天意 臣中謝。 卿知。」兼令臣密舉 非 出 擬 ,非臣敢當 派議,亦 非 臣 仰 臣 僚 戴 僚 奏

若以 罰。 下 退保天年。 請 可承不次之命? 況羌戎素詐,邊鄙 陛下特降密旨,許以重用。 事,三年于兹。會微毫髮之功,方俟雷 便 再竭心膂,少贖過尤 社 安,抱病之軀,假 伏蒙體天法道欽文聰武聖神孝德皇帝 竊念臣素乏才策,誤膺獎寄。 稷之靈,自然嚮 如 朝廷未議 化,則臣 近郡。 解 何 兵,臣 豈兹無狀之跡 敢 輒 當自 静臨 舉 願 他人代 奔 經 · 揆,以 多虞, 民 制 霆 走 政, 寒 乏 西

- 「甚」,原作「任」,據宋本、四庫本改。
- ❷ 「疆場」,原作「疆場」,據宋本、四庫本改。

嗳任? 惟期自効,●上答聖知。臣

無

任

二八四

己邊任? 惟期自効,

讓樞密直學士右諫議大夫表

負 中 而 與 前 自 Ŧ. 向 夫充樞密直學士差遣 通、敕牒一道,伏蒙聖恩,❷特授 (愧羞。 一之術 權 免 臣 年 榮必喜。 孤平,擢 同 以羌戎負德,官軍失利, 竊 臣 臣 貢 ,豈期遇主之知? 念臣齊魯諸生,本 某言: 以 一年于 雖朝 經 招納 于侍從。 自天之命,過 略 廷憂勞, 兹,一功未 非 班 歲 宜 借職 時 一而罷。 無 之間 且務姑 依 似之迹,每玷 劉 舊 寵則驚。 立 伏蒙皇帝陛 無榮望。 仲 琦 者。 尋分四 屢 朝廷 顔 息, 以 齎降官誥 臣 叨 在 而其下 節 特 右 臣中謝。 進 [路,復 物之情, 素乏 制 命 諫 聖造。 改,深 韓 下采 議大 不 佐 領 行 琦

> 實叨 煩聖 臣 心 心 殁 掠無算。 懷 定無期。 力 臣 佐 昨 無 未 覩 不 疾首,日夜悲憂,髮變成絲,血 敏 亦 蒙 近 敢 聰。 地 强 傳 等入賊伏 何 臣 7,榮耀 日 職 不 朝廷特除邠 ,威令不揚,戰鬪 忝 面 事君 敢不 盡,有謬 三黷之誅,豈當 臣以 目 冒 一昨寇逼三川,❸其 以責 何心? 必 本路多虞,救援 中, 議 思 率其下 論,少 如 策 僥 州 戰大 不 事 倖, 豈 觀 今日之恩 親。」又 敢 /裨聖明 多 ? 察使,累章獲 再冒? 潰。 不 覆,因 復 · 陳。 今邊 勢可困。 殺傷 有 不 曰:「君 非 早,臣 化 循 略 實効之心, 雖屬 然臣 臣 爲淚,殞 滿 已 未 邊臣 甚,平 讓 所 野 固 方 臣 有愚 而 己 **兵** 痛 葛 同

「効」,原作「劾」,據宋本、四庫本改。

312

^{) 「}昨」,原作「時」,據宋本改。) 「蒙」,原作「望」,據宋本改。

書 曰: 寧之象也。」 日 十日不解,木 其捨諸? 得《易》之旨,畏天之威, 致亨大也。 觀《易》震卦 萬 形 體 人,生靈致陷 IIII 申時,慶州 洂 E°」當 死,采臣 不 而 盡 此 亡。」唐太宗深 1 四夷 於 安 昨者鎮 一言,天下幸甚,天下幸甚 君 危 曰:「震,亨。」謂聖人因震 禹 又地震 冰 爲中國之陰。 天地震 湯 親 之際,豈 地 乎? 罪己,其 震 戎兵敗之後,天色陰晦 群 ,此陰陽戰而 怒之意 然之。 魏元 敢 而致 心 興 事 憂 是夷夏交争 成曰: 今願陛下恕 傷。 也 形 也。 其 八亨矣。 勃 迹 致動。 此將帥 焉。 冬至後 隋 避 嫌 陛下 是皆 恐 以 *, 疑 占 臣 失 臣 而 事

萬 ,, 約 者 餘 傷 人,并金明、承平諸 自西事以 四 者 Ŧi. 前 萬 後 口 來, 僅 0 二十 延安東路、北路官軍 及 麟 萬人矣。 府 寨殺 喪 陷 虜 過 鎮 死 蕃 戎三敗 者爲 部 傷 萬 折 魚 餘

讓,以 邊陲 枕, 率其 落近 動。 肉, 懼,甘爲艱辛,更無僥倖之望。 臣 大 下 非 仍 旅等見主帥 朝 經略招討等使名,私管句部署司公事 天后土五岳四瀆,以哀痛之旨,誕告多方 一等則 請 廷 臣 感 奇 負兹 生者爲犬羊, 罪 ,以警將佐,以勵軍旅。 職 而 功不賞。 詔 下, 必 人心,上答天戒。 柔遠未至、選將 天下莫知 己,知陛下之心不負 ,左降一官,帶「責授」二字,仍 宿兵困民,討伐未効,罪之大者 下 有 生靈。 日夜 部署以下 遜 負責,知天子必欲破賊,即 謝之請,小損 聚 其班行 願 但 謀 臣 非 陛 仰 上賴 一見爵賞 大功不 下因其 有差之辭,告謝 測 陛下既 將校軍士等所得 陛下之心, 威 勳 頒 靈 . 録 生 如此 震 爵 行,疑 已 臣等得 靈 ,鈴轄、 動 可 而 罪 則天 復 期 己,兩府 過崇 必 將 朝 以以 其 平 都 下 于皇 大 以 削 廷 皆 佐 · 定。 位 嚴 聞 謙 震 功 謝 高 除 軍

勞,依舊量大小酬獎。此救弊之端也。

心謬策,盡 大臣 亨,受景福 大《易》之旨,取古聖人之用 終無大功,寖有 機會,行恐後時。 策,未 密議, 今西 敢拜受。 賊 於 ·於無窮,庇蒼生於大賚。 行臣之策,天下幸 漸 此 熾 矣。 大 患 臣 儻朝廷不取臣 恐 無任 所 ,其勢然矣。 謀 降 深 一云云。 到 人。 語敕 心, 甚 陛 等, 言 1 則 下 願 臣 臣 震 陛 則 如 誠 之 下 邊 失 有 而 能 愚 後 此 此 以 H 與

謝授知邠州表

推 管 諫 撫 按 誠 内 議 邊 勸 保 大 臣 某言: 農 庭 夫,充資政 德 》,所 使, 功 臣 寄 兼 伏蒙 至 者 陜 重 殿 西 聖 陟 學 匹 慈、 土 臣 路 降 中 知 沿邊安 秘 特 謝 殿 授 邠 臣 州 爲 撫 依 軍 寵 使 前 州 甚 行 事 隆 賜 及 右

> 之名, 關。 怨。 幾。 邊 諸 伏 萬計 遠 知 首 府之重責, 居 可 主之 憂邊 部 蒙 寒 淦 丞 處 屬府庫 皇 其 心雖 議 知 臣 機 弼之位 竊 理當三思。 來 奉 八疆事 無任 存兹 刑賞 獲 帝 患 念 宜 撫 詔 無愧,跡已難安。 陞 臣 加仙 既 厠 云云云。 更 焦 凋 行 之已 或 則 涉 下 一; 表 此 邇 疲 當 事 體 不 道 俯 殿 不 聞 臣 之俗。 ? 籌 虚,積 尚 ,簡于聖心。 避上疑,革 之寵 照 章 傷 願 命,誠合請 之列 慮 淺, 臣 再露,請 生 於 假 心, 名。 國 進 民 兵旅之尚衆。 立 用罄 纔 . 財。 麾,就兼 疾 身 特 周 而況 登 往守要藩 苦 僥 本 迴 行。 晉 陳 臣 詔旨 臣 天 孤 戎狄之機 地 府 節 可 親奉德 敢不 聽 始 四 一弗從, 得 將 多 參 偶 以 塵 路 詢 쨈 即 罷 動 適 招 緣 遥 宣 預 求 費 慰 衆 萬 英 聖 日 按 亦 秦 政

八八六

邠

任訖。 切震驚。 守本官知邠 臣 某言: 祕殿 臣中謝。 清 州 伏 華 ,兼陝西路沿邊 奉 -,舊藩要劇。 制 命 ··,授 臣 祗膺 安撫 資 政 **漁**渥 使 殿 〉,已到 學士

之榮; 安。 眷。 礪 兼領使名,復重邊寄。 堯言斯布。 麤使,聊 言 ? 秀之級,涉彼州縣之勞。 風 節 願 擢 竊念臣生遘文明,幼蹈聲教。 曾 本末可言,盡 解 居 謝輿言。 佩服 無 貢 近 經國之効。 假禁庭之要職,居郡國之長人。 於黄 府, 訓謀? (樞,請 參對大 伏蒙皇帝陛下舜聰弗違, 出大人之造。 不以毁譽累其心,不 進退以禮,足爲儒 分憂於紫塞。 自惟三省,必 寖遷榮塗,過 詎 有 興 敢 登 庶 匪 邦 不 被 于 砥 者 供 之 造 久 宸

> 大恩 以 寵 辱 臣 更其 無 任 守。 云云。 副 委 遇 之本意, 恓 保全之

遺 表

有 戀,蓋主恩之難忘 臣 聞 生 必 盡 忠, 乃 輒忍須臾之期 臣 節 之常 守; 少少 没 猶

迫切之懇。痛靡自覺,辭皆不倫

惜身 陛下 班 顧 昔執卷,惟虞無位之可行,況今得君,安敢 耻 之能屈。 術,決知聖道之可行, 將 0 爲 大件貴 列 而 奮權之初。 倖 伏念臣生而 以 少 人,竊論 避? 難 纔脱中銓之冗,遽參麗正之榮。 權 裁 幾成 間 或 乃副 首承 遂孤 斥江 體 廢 帥 少少 德音,占預 昨 結綬仕塗,不信賤官 放。 湖之遠,旋塵侍從之 權 自 乃從學。 「仍峻使任,亦 屬 明 羌臣之負險 肅 厭 諫 代之後, 遊 列。 心 儒

范文正公集卷第十六

揚。 取之功 世 氣將 積疴 以 弊 驟 穆清光,永絶再瞻之望。 之未平; 奈神道常惡其盈 終辨衆纔。 洎 不 遇 周 膺於 違 則 獲 敵 旋 忝二華之行,愈增百種之謗。 進 圭組焕於 之見 解; 然臣起于諸生, 去 近署,五易名城。 賢 戰 人 幹。 ,多弭未然之患。 誓復横 備 援 憚 寵遇,固當勉副 息鞍東徐,益覺靈醫之不効。 參大政之幾微,益 困 指 能 於更張,功 • 因懇避於鈞衡,爰就 冥冥 爲 目 門。 Ш 非 樹 地 滿。 一之壤, 幽 晚 黨, 形 壤, 條爲長 歷此 歲之能支。 0 有 未 以 請麾上穎,蓋遭拙 雖聖 力援 如臣 亟 於倚毗。 敦 驗 肝膽 華 預中樞之密 逼 本抑 則 一恩曲 定 貫 焉,足爲榮矣。 難 講 俗 川之師 摧落,精魄 勝責。 雨露 和 往之期; 神不在 末 稱 班於符竹。 上繫天 示 然 於迂 爲 於便安, 雖 澤 而 近 勿,曾 自念 於數 微 事 始 形, 聽 名。 闊。 唯 疹 穆 飛 久 期 必

> 者盛 當 竭遺忠。 通),然君 瞑 時 目 所 以 臣之間豈易忘 敢憚陳於緒言,庶無負於没齒 無 眷 憾 者 明 尚 主 貪 生 報? 雖 而 性 有 命之 云。 但 無 際 蓋 怛 念 已 化, 能 所 以 自 惜

審號令而期於必行。 逐涕零,命隨 臣甘從於異物,庶令率土永寖於淳 天心,下徇人欲。 治 伏望 於未 亂 座 ,納民於大中。 下 疏殞。 調 和 明 六氣, 慎 臣 尊崇賢良,裁抑 無任惶懼戰惕之至。 刑 賞 會聚 如 而使之必 此 百祥。 則 風。 不獨 僥 上 倖 一承 微 言

制

范文 正 公集卷第十 六

疴」, 原作「赤」,據四 庫本改

范文正公集卷第十七

謝轉給事中移知鄧州表

善壤。允爲兑渥,彌集震驚。臣中謝。前資政殿學士、知鄧州者。 洊進榮階,往臨臣某言:伏蒙聖恩,特授臣給事中,依

諧 罔 無 之 補 避,擢登侍從之班; 列。 當 竊念臣立跡本孤,逢 時,自安何地? 乏增君之善 以睿獎素隆 道 遽 ,寡措國之令謀。 辰甚 上借麾之怨,實 盛。 選 以 預弼 芻言

> 賢;蹇蹇 天造 陳三 之私 朝 中外之一體,保君臣之至權。 Ш 進退惶惑,不知所裁。 屬羌戎之款順。 名於祕殿,領使範於邊藩 畏 經,躬 在 雷善養之經。 曲 梁之譏。 讓 成,皇暉久照。 青瑣是登,朱轓 之封;君 脩 一心,無忘於大節 民 政? 俄 憫其勤勞,致諸安逸。 方露便安之請,忽頒霶霈 奉 命已行,懼 明 孜孜共 載啓。 恩 敦川澤并包之量,法 此蓋伏蒙皇帝陛下 曲 由朝廷之威靈 理 致再言之黷。 加 臣績未著,合 臣敢不 異 少 數。 望 於 寅 假職 示 前 奉

表

臣已一面起發赴任次,無任云云。

謝在中書日行遣公事不當放罪表

臣等在中書日,行遣李曇男公事不當,特放臣某言:近准中書劄子,伏蒙聖慈以

范 仲 淹 集

終示 罪 謝。 於天慈。 具 位 之 材 爰 霽 早 震 虧 於 霆, 國 允 論 爲 ; 大 涣 明之 汗。 照, 臣

切 之咎,用敷報 勝? 他 蒙皇帝陛下川 完。 之議,至失不 周 有告訐以言,情僞未究,妖兇既斃,證 屏營之至。 ,恕兹不及。 物 上開三面之仁,在 向 敢不再省前尤 日視 以 昧 四 陋,參于幾 經。 上之誠。 澤 方之奏,類多庶獄之疑 天地之私至大,丘 廣納,日月委 多歷歲時,尚騰 微。 臣無任感 心後效。 刑 惟 心 恤; 則首公,智 臨 恩荷 僉 牒 少贖 Ш 之 察 訴。 重 其 左 失 戴 成 激 伏 弗 中 何 無 而 非

鄧 州 謝上表

臣某言: 伏奉制命,授臣給事中,依前

囂 資 臣 中謝 清 政 品 殿 學 穰 土 都 知 善 鄧 地 州 軍 處 之甚 州 事 「重,惴: 已 禮 上 然若 訖 瑣

九〇

入朝。 方陳 斂群 循 竭微才。 勳。 禦戎之策。 命。 心,首尾四載。 氐羌犯塞,朝廷旰食。 親之禄,俄有得君之遇。 默之體 豫備之策,俄覩 怨。 持一節以自信,歷三點 竊 旦召還,五 念臣 再煩詔音,促 革姑息之風,則謀 誠 則 往罄死 志 難 愛 意 僅免興尸之禍,終無克敵 處 國 本微,才力 於 章 者 力,敢 要 登 綏 陳 寒心。❶ 、路,復 懷之事。 樞 讓 起 右。 圖 臣 啓沃無隱,出 生還? 惟 思過之地 素 而 身者切齒; 請 退 改參大 求守塞,不 寡。 無 行 孤 迺 悔 於 上 官 夙 始 八政,俾 |霈澤, 邊 恩 , 授 夜 干 頃 進 鄙 尚 敢 以 及 臣 惟

愛」,宋本作「憂」。

千里。 濯。 善、戰戰厥心? 以 緊寬大之朝,將幸康寧之福。 養晚年。 伏蒙皇帝陛下,天覆地生,雲濡 去冱寒之地,以就便安之所。 淳 安黎元。 ,政事絶簡。 進以清近之秩,付以偃息之藩。 上酬聖造,少罄臣誠。 臣 以 求民疾於一 患 心方少泰,病宜有瘳。 肺 久深, 每 方,分國 臣云云。❶ 敢不孜孜于 庶近醫藥,存 秋 必 一發。 一憂於 風 實 俗 求 雨

謝依所乞依舊知鄧州表

臣志獲宣,天慈何報? 書劄 命已行,輒希改易。 子,奉聖旨允所 臣某言: 奉敕就差知荆 乞依 危 誠 臣 中謝。 既 舊 露 南 知 府,❷續准 鄧 俄 州 遂便安。 者。 中 明

知 臣 更繁劇之任。 涉道素淺,立 身 頃 升 最 近 孤。 弼 早 思副上心。 由 睿 哲之

> 之造。 憂虞。 任。 霆而 以道 政,戰戰官箴? 體貌之恩,曷副 私 瀆,庶通萬一之情。 之間,以存國體之重。 尚蒙聖渥,俾守善藩。 石,特回 進忠。 直 臣以本朝盛 復困道塗,仍遠醫藥。 臣云云。 前, 中旨,許留 雖危不 未酬天地之恩,已掇 照臨之意? 德,優禮 誓堅介石之心,仰答 · 避。 舊治,免涉 伏蒙皇帝 竭肝 而又子有疾恙,日常 忽此就遷,實隆 近臣。 膂 敢不拳 遂至再 以 長 陛 風波之議。 論 多 川。 下 事 Ш 處 **F**,犯雷 拳民 高 京 軫 三之 蓋 洪 輔 倚 推 穹

● 「臣云云」,宋本作「臣無任」,以下幾文均如此,不贅出

❷ 「差」,原無,據宋本補。

杭州謝上表

寄至重,爲榮極深。 到 任禮上訖。 臣 某言: 昨 奉 江 敕 臣中謝。 海 就 E 一遊,東 差 知 杭 南 州 巨 軍 屏 州 事, 所

逸。 用; 地。 於明天,亦荐分於善壤。 代天之懿功。 節 優舊臣,恩全晚歲。 揚唐虞之風。 聖謨,●爰厠大 ,動必危言。 汲黯之多犯顏色,敢憚見疎。 口 此蓋皇帝陛下天施廣育,海務兼包,寵 至於往司 竊念臣生禀迂疎,親逢明 ; 體旰昃之憂,遠邇 跡雖遠 戎事,屬當元帥之權 臣之列。 踐揚諫諍之曹,傾 魏 相之數陳 臣敢 而 獲安,年已高 有致君之素志 共理吴會之域, 不抱公忠之節, 咸一。 便宜,頗 盛。 盡 雖遼 乂兹方 作,人奉 諮 居 蒙 常 而 詢 乏 納 始 就 奉 隔 Z 苦

面,副于宸心。臣云云。

謝賜鳳茶表

臣中謝 帝右, 傳宣旨撫問臣 臣某言: 曷測天 衷? 并 入内 賜 西 異恩一 臣 頭 鳳茶一合者。❷ 供奉官麥知微至, 臨,群疑 盡 久離 決

逃 ? 馨掩靈芝,味滋甘醴。 皇慈委曲。 皇帝陛下仁存舊物,澤被遠臣,聖訓 之威,數蹈風波之險。 竊念臣至誠許國,孤立事君,屢 方安江海之情,敢覬雲天之問。 念犬馬之微志,錫龍鳳之上珍。 濯五神之精爽,袪百 一心自信,三 觸 丁寧, 伏蒙 黜 雷 寧

- 「謨」,原作「謀」,據宋本改。
- ❷ 「并」,原爲墨丁,據宋本、四庫本補。

勵清心 謹 疾之冥煩。 當餌 爲 而 守道。 良藥,飲代凝冰。 允彰仁壽之恩 上酬君父,旁質神明。 特出 思苦口以進言, 聖神之眷。 臣

謝 轉 部侍郎 表

云云。

郎依 弗 獲 ,致寇是虞。臣中謝。 前充職者,涣渥自天,震惶無 臣某言: 伏蒙聖慈特授臣尚書禮 地。 部侍 循牆

政。 必 請 於祕殿,復蒙幸於善藩 合有誅。 士之禄,忽塵上聖之知。 盡 行 故 其 深自感激, 詎爲因循? 伏念臣布素寒姿,斗筲微器。 心, 事 而聖意始終,天慈 奚能久安於位? 懷社 稷之計,動 歷升近班 大 拙 發危言。 曠 遽彰 仰祖宗之謀, 云藏,●人言 蕩。 無 初縻下 尚 狀 雖欲 真 預大 名 誠

> 盡憂國 爲懼。 恩。 用 如故,爵數甚隆。 下雷霆 息。 擢登宗伯之曹,上應文昌之緯。 一霽威 臣 莫聞課最,敢 憂民之誠,退 敢不夕惕三省,寅 ,日月還 徒執 照。 覬 則 臣云云。 讓 龍 處樂天樂道之分。 以弗諧,止服 未忘圖舊,不次 光? 恭 伏蒙皇 心? 進則 職 榮 帝 命 而 推 陛

乞召杜衍等備明堂老更表

上酬聖遇,用竭愚衷。

誕告天 思有 補益 臣 某言: 下。 ,輒兹狂 臣 伏覩 守 在遠 朝 廷 臣中謝 方, 行 不 明 獲 堂 榮 宗 觀 祀 大慶。 之禮,

臣 聞《易》曰:「大觀在上。」言天下所

似是。 「大拙云藏」,宋本作「天拙云藏」,對下文「人言用息」,

觀, 石禄養終厥身,前史紀之,爲令王之盛節。 月,養三老五更於辟雍。 永平二年春正月,祀光武 以配上帝,所以示天下尊親之道。 天下觀之,必先乎廟。 在 國家 之爲 也 自 古國 周 於明堂,其年冬十 人祀文王於明堂 三老五更以二千 家 興 行 風 漢顯宗 教 使使

獎。 郎 抃。 石 可召至,俾陪觀大禮。 更之選。 太子少傅 ,樂於吟詠 致 行 布廉潔不渝,止足知退,皆可備三老 之。 是亦兼行養老之典也。 至於三老五更之典、最爲盛德、宜 仕 伏惟皇帝陛下稽古奉先,行明堂大禮 三聖,配 郎 儻朝廷以禮 任 如 簡 前 布 執 ,今八十三歲,精明不衰,月 帝 兩 在 節清素,處 馬。 府老臣,惟太子太保杜 而 響。 大數煩,難於並 衍直清忠蓋,勤 及覃慶之際,特 普天率土,咸知 心 臣又覩工部 雅 尚 優 舉 遊 加 勞弼 可 亦亦 衍、 泉 侍 恩 Ŧī. 兼 舞

> 京遥 之餘 之,爲陛下之至德 伏望聖慈稽考舊章,特加恩禮。 威,臣不任大願戰汗云云。 仁,興天下之孝悌,光搢紳之耆舊。 行養老之典。 官,亦乞朝廷别賜 此近上老臣甚少,不難旌獎。 老十餘年,不曾遷改,亦 遠,難 不治 生業 行召 足以 命,可遥均三老 此 推 ,曄曄于千古。 則 表大 恩。 臣 無 所 禮之盛 寔當尊親之朝,兼 錫賜。 目 見之 如 彰 五 自餘致仕 郎 况天 也 更之慶。 干冒 史官 簡 上聖之 則 下 而 去 天 似 書 歸

青州謝上表

之區 等州 命以還,戴榮而 地地 軍 臣某言: 安 望 無使, 攸重,岳牧之任,邦選 奉敕 懼。 己 到任交割 就 臣某中謝 差臣 知 勾 青州,充 當者 甚隆 海 青 岱 拜 淄

効。臣云云。 權。臣敢不逾勵夙宵,虔分旰昃。 恩,觸事爲憂,所重在太平之業。 之深造,安千里之含生。 兹衰朽,期以退藏。伏蒙皇帝陛下天量庇 補,覆載何酬? 倫,進擢無狀。發言多忤,非輕去明主之 全,聖衷收采。改此劇藩之守,謹諸連帥之 竊念臣賦才寡薄,抱節孤危。 尚玷鴻私,屢加優寄。 上副聖求,少圖忠 體九重 會遇 涓塵未 漸 不

范文正公集卷十七

范文正公集卷第十八

代人奏乞王洙充南京講書狀

一方,臣聞三代盛王致治天下,必先崇學 古,臣聞三代盛王致治天下,必先崇學 古,臣聞三代盛王致治天下,必先崇學 古,臣聞三代盛王致治天下,必先崇學 古,臣聞三代盛王致治天下,必先崇學 古,臣聞三代盛王致治天下,必先崇學 一方,然後命之以官,❸授之以政。濟濟多士, 文,❶遊名教之地,❷精治人之術,蕴致君之校,立師資,聚群材,陳正道,使其服禮樂之校,立師資,聚群材,陳正道,使其服禮樂之

多建 聖威,臣 日聞於典籍。 貴國家教育之道,風布於邦畿,進脩之人, 聖慈特與除授當州職事官兼州學講說,所 藻,深明經義。 王洙,於天聖二年御前進士及第,素 竊見賀州 進士二十餘人。 至聖文宣王 足庠序。 國家崇儒敦古,右文致化。 無任云云。 富川 當州 廟已有學舍三十餘間,有修 士務稽古,人知嚮方。干冒 縣主簿、充應天府書院説 在彼講説,已滿三年。 非有講貫,何以發明? 近 輔之郡,宜崇治本。 三京五府, 伏望 負 兼 文 書 臣

狀

[「]文」,宋本、四庫本均作「風」。

[「]官」,宋本、四庫本均作「爵」。

求追贈考妣狀

四 改授 以到 任不曾磨勘轉官者,後來同 遠,淵懼斯深。 官在任未滿,不因公事 [年餘] 京官 闕 右, 在 兩箇月,不敢僥求磨勘 臣 ,到今七年。 任,並與磨勘者。 竊 露 伏覩編 微衷,仰干 除持服月日外,亦以 朝朝 敕節文:一 廷非 計及三周年,不 伏念臣自蒙恩 睿聽。 時 移替,在 應 霆 京 威 朝 匪

曾無。 及榮,親已不待。 違離者久,率常殞泣,幾至喪明。 茹,逾二十載,至于其終。 臣襁褓之中,已丁何怙。 人,恤臣幼孤,憫臣多病,夜扣星象,食斷葷 今爲遷奉在近,未曾封贈父母。 夙夜永懷,死 既育之仁則重,罔 生何及? 鞠養在母,慈愛過 又臣遊學之初, 今又俯 而臣仕未 極 竊念 臨 之 報 葬

之澤。矧遇孝理,若爲子心!恩數,逼於哀誠。身厠登瀛之華,親無漏泉禮,尚闕褒封。祭奠之間,誌述之際,乏兹

陛下 妣。 造,更覃廣愛之風。 壯年,❷序進未晚。 不次,君父大賜,必捐軀而是圖。 所冀遷厝之日,●得及追榮。 深軫至仁,③俯從危素。 今欲將磨勘改轉官恩澤,乞先移 伏望皇太后陛 則人子至榮,獲顯親 特降 臣無任云云。 况臣 下、 曲 皇帝 贈 成之 尚 於 在 考

奏致仕分司官乞與折支全俸狀

右,臣伏覩先降敕命指揮,乞致仕官三

「過」,原爲墨丁,據宋本、四庫本補。

) 「尚」,原無,據宋本、四庫本補。

▶ 「至仁」,宋本、四庫本均作「仁仁」。

文正公集卷第十八

二九七

罷。 宜 轉 州 聞 丞 行 縣 致 以 運 ?懋典 臣聞 ,每有疾患昏耄之人,百姓無告。 政。 E 使 . 費 長 與 善大夫以下文武 ·先王養老,莫不推仁。 臣切見外處勾當文武 吏欲 子 身事 行 體量,或聞 0 後來 官,即 甚 貧處,●不 有 朝官因 臣 未 在於公朝 僚 殊 幕 恩 本路 忍 此 廢 職 鮮 陳

使臣 乞就 節 仕 所貴休官之人,不甚失所。 周 色,朽腐無算,又所估太高 致仕官,并乞與折支全俸。 禋,各與進 條 彰君親 例, 加,庶明尚 伏望聖慈 判 亦 養衰殘。 日 乞與 一秩。 簿 存覆之仁。 尉 應致仕 齒之恩,異於班列。 南 耆耄蓋寡, 以其 其文資未有朝散階者,仍 班上佐等第, 分司 非大夫之等,未 遂其優 , 久宜制 官,今後 優渥 况國家折支 勸 臣 閑 何傷? 别降指 下 置,庶 免於 廉 其三 每 退 有 遇 之 致 物 窮 班 能 内 郊

困。如允臣所奏,即乞特出聖恩指揮

舉歐陽脩充經略掌書記狀

聽。 廣接 邊巡 責 無暇 爲諫官之初,杜 學才識,爲衆所伏。 民之憂樂,財利之通塞,戎狄之 可 達,辭貴得宜。 臣 可爲。 人以訪 按, 等 蓋本人素好議 臣 右 訪於士大夫,皆言 緘 其 臣 默 叨 有 問 而或奏議 無 膺 將 復盡 執 衍 聖寄, 帥 當藉俊僚,以濟 任 之能 非 論,聞 中 往者緣日 心 上聞,軍書叢委,情 獨 充 以 丞之日,脩皆曾 否, 有 前 非 思 于 高 軍 件 臣之罪 歐 度。 **押** 若 旅 職 陽 紳。 訥 情 之 任 脩 其 機 f, 有黷 爲,皆 之讓 於翰 勇 不可 事 只 即 怯, 如 日 也 文 須 沿 臣 朝 須

❶ 「處」,宋本、四庫本均作「虚」。

以 此 明之,實非朋黨。 若訥知其無他,亦常

追 悔。

罪 事 掌 州 ,非臣下之私。 書記 節 度 臣 判官,伏望聖慈特差充經 切 ,隨逐巡按。 於集 事,不 若不如舉狀,臣 敢 所典書奏, 避 嫌。 其 並 一甘欺 略 人 或 安 見 家 、罔之 撫 權 之 滑 司

舉 張 方平 充經略掌書 記狀

不赴 舉歐陽脩充本路掌書記,尋以召歸館 字,動涉機宜,日不暇給。凡有 延州,又發遣 有判官三員,●多在本司及别路勾 須精密,臣獨力當之,必有謬 任 右,臣 臣 今分經略安撫 竊 延州兵民公事,其 見著作 佐 郎、 都 通 部 誤。 判天 應答 奏報 署 當。 經 司 雄 略 朝 諸 職 閣 軍 臣 廷 路 任 司 張 更 昨 雖 事 文 在

方平富於文學,復有才用,乞朝廷改除充本

司掌 書記。

彭 乘自代狀

諸司四 右,謹具如前 准 敕: 品已上授訖,具表讓一人 ❷應係兩 省臺 官、 尚 書 省 六 自代 品 己

集賢 臣伏見京西提點刑 校理彭 臣奉敕就轉尚 乘,博學不倦,孤立 獄、尚書 書 |户部郎 祠 中、依 部 無 員 徒,館 外 前 郎、 充

之中

,獨爲淹久。

臣今舉自代。

殿

充

- 司」 原無,據宋本、四庫本補。
- 准 敕」至「自代者」,宋本無此 數

職

嶴

許

渤簽署

陜府判官事狀

言。 如 官廳公事。 復 犯,至今猶是初等。 禧 曲 後犯正 通 時,衆推孝行。 三年進士及第,授初等職官數任,别 伏望聖慈特 經術,長 右,臣竊見權潤州觀察推官許渤,在 入己贓,●臣甘當同罪。 庶旌廉退之士,以抑僥競之風。 於 與 論 登仕宦後,自守静 八改轉 議。 清心至行,不求聞達。 苟非叩擊,似 京官,簽署陝府判 節 不 無 天 能 调 鄉

舉滕宗諒狀

選,擢在諫 賢院滕宗諒,詞 右,臣竊 司。 見 知 才公器,周於致用。 當 一時同 涇 州、刑部 列之人,並已清 員外 郎、直 曾 出 顯。 聖 集

> 効及有所犯,❷臣甘當 務,欲乞朝 今涇原已有帥 廷改 臣, 除 於 本州 繁 同 重 罪 不 處 屯軍 任使。 馬 别 如 無 無 劇 稱

舉丘良孫應制科狀

應賢良方正科目者。 官、幕職州縣官不曾犯贓,私罪情輕,並許官、幕職州縣官不曾犯贓,私罪情輕,並許

見權耀州觀察推官丘良孫學術稽古,文辭乂。必以得士爲昌,不以限年爲重。臣竊止掄材,將以致治。先王坐以待旦,旁求俊止輪材。與國家下賢良之詔,求補益之言,非

❶ 「如後犯正入已贓,臣甘當同罪」,宋本無此二句。

❸ 「伏覩」至「科目者」,宋本無此數句。❷ 「如無稱効及有所犯,臣甘當同罪」,宋本無此二句。

若不如舉狀,❷甘俟朝典。人,❶堪應上件科目,伏乞朝廷特賜召試。貫道。求之多士,宜奉大對。臣今舉本

舉張昪自代狀❸

野推重,臣所不如。 天下之心, 純誠直道,無 昇,筮仕以來,清介 臣伏見工部郎中、集賢殿 右,臣伏蒙聖慈特授尚 自 乞迴臣所授,以允公議 立。 讓古人之節。 修撰、知潤 精 書禮部侍 思 劇論 有 州 郎。 朝 憂 張

舉張伯玉應制科狀

右,謹具如前。●

玉天賦才敏,學窮閪奥。善言皇王之治,博臣竊見秘書丞、知并州太谷縣事張伯

達今古之宜。 賢良方正能 略,必能竭前人之正論,副大君之虚 科舉,未親册對。 而行之,有補聖政。 直言極 素藴甚充,清節自 一諫科。 如令仰被 臣今保舉其 若不如所舉,6臣 (清問, 人,堪充 處。 罄 懷。 陳 嘗 應 擇 大 應

舉張問孫復狀

甘俟朝典。

右,臣伏覩赦書節文:應天下懷材抱

- 「臣今舉本人,堪應上件科目」,宋本無此二句。
- 默,甘俟朝典」,宋本無此二句。 常不如舉狀,甘俟朝典」,宋本無此二句。 「若不如舉
- 知作「昪」是。據宋本改。 八有傳。又《涑水記聞》卷三於張昪名下注有「音便」,
- ▶ 「謹具如前」,宋本無此四字。
- 「若不如所舉,臣甘俟朝典」,宋本無此二句。

6

奏。 器 或 淹 下 位 或 滯 草 · 萊, 委逐 處 具 事 由 聞

試。 谷。 庶 西 今退 開 沉 應 將 位 幾聖 俊。 作監 藩 封 茂 ,使民受賜,此安邦之正體 伏 近上 鎮 隱 府 材 臣 朝 職 望 泰 進 主簿張問,文學履行,有名 觀 臣 異 Щ 國家 涣汗,被于 事 朝 封事, 貽霑國 又 (等科, + 官 廷 ,著書不仕。 一,曾到 見 依 兖州 ; 居安思危,搜羅 孫 赦 再考中式, 御 復 文 幽滯 仙 前。 乞賜 採 源 恩,職不 擢 縣 心 素 召 寄 通 以父喪 負 試 張 也。 聖奥, 居 賢 詞 特 問 稱才, 孫 俊, 業 乞 臣 於 復 加 經 不 除 跡 時 竊 以 甄 得 術 元 衆 在 見 充 獎。 陜 , 是 窮 知 就 前 試 庶

除樞密副使召赴闕陳讓五狀韓公同上②

右,臣等各准中書劄子,奉聖旨,令臣

等 速 交割 發 來 赴 本 闕 職 公事 者。 與 鄭戩 管勾 訖 乘 遞 馬 疾

力,應 之後, 端 廷, 防 邊 竭 進 漏 近 國之日。 復 患 秋 ,熟於見聞 心 擢 愈 臣等若 臣等未 却 ,是朝廷責臣等立効之秋 戎事,其於邊 ,實不遑寧。 副 長 方能 只是 有 西 寇 况賊 點 孽, 事 諳 白 更 立邊 集 始 ,于今累年。 悉。 餘 界 離 顯 事 去,或 雖 可 日 功, 是 宜 伏緣 上 至若 來請 間 料 將 臣 一利 忽 度。 等 致 臣等自 害, 承 來 和 倉 夙 自 疎 或恐 召 倍須禦備。 且 卒 夜 賊 軍 貪 虞 命。 朝 之 經 寵 臣 氣尚驕, 中 領 不 廷舉天 際, 誉, 異 盟 情 經 必 惟 等 **傷**,年 約 略之任 猶 賊 移 慮 盡 1 未合, 今去 屢 下之 謀 過 恐 别 悮 節 爲 歲 有 後 朝 闕 報 百

^{● 「}經術」上、宋本有「深明」二字。

❷ 「韓公同上」,原無,據宋本、四庫本並文中「臣等」補。

使,宣 天鑑 至 等尋具奏聞 慈念邊 人 一誠,許 雖 可 一論 當 明。 事 臣 臣 萬 至 等且 等, 死 即 大,不可差失,特降中旨,允兹 且乞依舊 非今來,虚 候 何 在 邊 以 本任,庶 事 塞 「陳力。 稍 責 寧, ? 有 竭 陳 用 兼 疲駑, 此 讓。 近 在 由 蒙 兩 衷之請 得 伏 差 地 裨 望 降 . 萬 聖 臣 中

第二狀

臣

等

無任云云。

任 邊 去訖 事 未寧、 右 臣 等奉聖旨,令疾 防 秋 在 近,已具奏聞,乞且 速 赴闕。 臣 在 等爲 本

曠 帥 事 光,人臣所願。 官 臣 有 ,數有改易,天下 可憂,須當 竊念臣等自臨 承乏,①不 得 陳 忽承 己 列。 邊 而 召命,豈 鄙,久 知其不 伏 行之。 自 阻 西 一合稽 便, 闕 事 臣 廷, 以 等 朝 來,邊 留? 四 廷 年 對 每 之 以 H 清

> 是復有 退,庶 纔以 恩信 佐,促 中,三 機 躬 懈 出 劇 涇 之説,此大可憂防之日也。 秋之備。 親邊 寇。 會。 心 原 入塞下,恐涉 語練,❷上下之情,方且 師 治 無 换邊任,不聞 事 帥 且 臣等夙 敗之後,朝 且 旦 大 城 猶懼 但西· 西 臣等自膺寄任 臣數易之弊。 翻 蚵。 寨。 「賊前・ 覆。 夜議 人詣闕 生事。 不濟。 若貪冒 閲習 來誓 廷 况今情僞 論 成 命臣 軍 方議 書 効, 或遠 然常 寵榮, 馬 思 宗蒙 甚 如 等兼 完補 有 固 寇 明 料 臣等於此 未 防 朝 納 報 當 禀 輒 知,復 患 廷 賊 慮詐計,未 和 領 以 効 坐 信 臣等 再 器 便 推 情 四 責。 四 作,臣 械 舍去 路 信 則 節 有 + 奏 處置 爲 選 多 制 點 年 不 以 昨 日 失 嘗 將 禦 重 等 則 進 集 之 敢 向 以

- ❶ 「以」,原脱,據宋本、四庫本補
- ② 「以」,宋本作「似」。

心, 患。 間 臣等遭 彊,終難 備 天聽,乞聖慈深照。 激剖述, 仗仗 日 持 爲 臣等志在分憂,非 朝 重 他 遇 凡 廷 、調伏,則臣等選練兵將,於三二年 願留歲年。 禦捍,宜 時 盛 百 威 之 明,盡 陳 靈 防。 請 討 無深 如 節 服 如 臣等無任云云。❷ 或寇患必息,則脩 在 其 立 横 人之憂。 帷 敢 事 Ш 未 幄 之時 界近 飾 寧, 讓 無 則 蕃 近 也 不 名。 「, 0以 如 與 施 賊 將 所 行 志 以 佐 頻 遏 固 外 邊 煩 倔 合 感 是

第 \equiv 狀

奏牘 終期得請 名,俟及再三,即 慮朝廷未垂照悉,謂 ,且乞在 右臣等近以 任。 當 邊 誠 事 上道。 臣等 慤 未 斯 寧, 以禮爲 至 是以 一,利 忽承召命, 害甚 重 讓,務取 一煩天 明 兩 聽 陳 虚 尚

竊 以 處 必勞而 思逸, 重内 而輕外,人之常

> 之効,上 雖伏 况西 哉 ? 置身 少 營兇計。 情 之人,孰不 害及生靈,使朝 等若貪冒 累勝之氣, 有奏述,且乞在任,以 敗 也 事。 顯誅,亦 賊父祖以來,蓄養姦謀 艱 誠以 今臣 苦, 副 或且許 今防 寵 委遇,其如 經 責 而遣人納和,此固苞 違 等 榮,便離 無所 给? 畫 人 勤 秋 西陲,于今累歲,雖 廷 情 其盟 勤 急備,都 救 重憂,後 之 懇 何 職 約,未 盡 所 懇 軍中之事,粗 施 故 任, 疲駑 樂, 臣等 面 H. 無 人當 目 向去或有侵軼 解 願 以 持 數 披 竭 防 矯 以 月之期。 患 藏 日 虞 重 瀝 力 時 對 至保邊, 禍 叛 Ė 塞 肝 干 則 無 則 威 心,别 語 命 膈 下 有 毫 譽 願 顔 者 識 庶 乘 豈 更 屢 ?

0 2 部」之語 三年二月乙卯條所記范仲淹、 横山 界 近 蕃」,宋本 無「界」字、《長編 韓琦上疏,有「横山界蕃 Ξ 一九慶

無任」,宋本作「不任」。

明。 梧。 有 留 歲 名,臣等歸 萬 唯君知 月之間 一寸功有立,寇 臣 ,補完闕 朝未晚。 必必 當鑑 漏 患稍平 諒。 愚衷感切,天 縱 其 伏望聖慈開 翻 則 覆 朝 不不 廷 地 進 失 納 口 用 枝

第四狀

早賜

允俞。

臣等無任云云。

允可。 本任。 成命已行,不許改易。 右,臣等自承 臣等莫遑啓處,重煩天聰。 聖明之照,必 召命,累上封章,乞且 察愚衷。 或謂三讓 然 爲禮、未賜 慮 朝 廷 謂 留

道。 徒懷 兹邊 寵 ,更思報効。 憂患,罔敢暇逸。 事,不獲固辭。 雖天心至 竊 取 念臣等本以 重 悔 哉? 仁,尚賜 豈復舍邊陲之患 書生,昧 所乞且在本任者,非 三數年間 全宥。 至於勳 於兵術,朝 臣 勉 績,絶 了。冒朝 等當 心 彊 廷之 無 自 廷 力, 敢 委 稱

> 憚 或 務,在於西 忌在數易。 時,指縱或誤,則 頻有更改。 言,争陳利害,於軍民蕃部之中,號令處置 得謂之忠乎? 是臣等之分也。 自 乞聖慈特 於新規。 謂 重委,久於戎政,或才力不足,終坐重責, 必 能銷 迴天鑑 陲。 此朝廷之所明知。 是以邊塞衆情,皆安於習舊,而 又將佐勇怯,未 殄兇寇,以 况自來 臣 若不能畢事,移患後人,而 ,使得盡臣子之心。 其害不 等於此用之,不爲不重。 帥臣 安 細。 西 能 初至,則衆多之 鄙。 故未平定間 盡 况今國家急 知,倉卒之 蓋 臣 臣等云 等受

第五狀

二 乙 0

右,臣等近者,忽承詔旨,俾赴闕廷。

● 「臣等云云」,宋本作「臣等無任」。

績。 粗 寇 誠 繼 亦詳 猖 ? H 前奏備列,不敢煩 若其裁 奏 獗,久當 夙 練。 封 夜震 且. 故邊 處 追,若 戎 乞 軍 事。 在 防 政 無所 任 |憂患之急,臣等去就之 陳。 審 雖 料 才不 措 未 敵 量 情 伏 逮 念臣 过志,未 既 慈 踰 果 等 歲 有 自 悉 年 成 西 愚

爲重。 謀。 事 款, 便,庶於倉卒,不失 廷,不若親 貪冒寵 帥 又圖 往復遷延。 了,不無 臣,送故 伺我 侵軼。 則 今所切者 異,情 或因 是 少懈, 廢 朝 闕。 臨 迎 此 廷 即過夏月,其或盟 而 何以 疆 新, · , 昊賊 有誤大計,更滋寇孽 以 朝 隨 賊 場,● 廷當 西 即 衆情 安? 如 事 事 奔 乘 累次盗 機。 蓋 爲 經 衝 我 自 臣 耳 輕, 誉 不 擾。 等所以 目 况 防 備 今又遣人請 邊,必先 而 所接 今干戈未寧 秋 約未合,必是 則 以 適 之際,動 於禦 進 足 知 指 遠 則 擢 遂 僞 捍 縱 在 微 其 達 臣 和 爲 等 姦 誠 朝 臣

> 懇,素 求 相 如 常之才,待以不次之位。 民 須 廟 此 力 早賜允俞,使盡 ,冀乎必濟。 則内 算。 漸 有本末。 屈 資 臣等自當奔走 帷 忠 幄之議,外 義 實不 思 伏望聖慈察 臣子之節。 奮 以 聖 内外 期 使其 塞 宸 節 下,奉行 之職, 重 制之行 恢宣賢 臣等云云。 臣等忠藎 憂 輕 宜 勝 重 拔 用 略 於 講 非 以

賀胡侍郎致政狀❸

恭 德 尊 以 伏審侍 侍 隆 ~ 睿恩 郎 誠 郎 明 深厚,榮映之下, 進 自 清崇之爵,諧 天 進 退 由道 高 慶仰居多 尚之風,耆 宣三德於

0 0

[「]疆場」,原誤作「疆場」,據宋本改

[「]臣等云云」,宋本作「臣等無任」。

侍郎致仕》。存此文·删别集。 ●「賀胡侍郎致政狀」,此篇於别集卷四重出,題爲《賀母

施。 國,邑子榮太守之歸,掛冠東門,都人藹 涣汗之仁,寵數優賢,休聲載路。 鈞録,❸卑情無任榮觀景仰抃躍之至。 宿賢,國有老成,尚彌縫於顯道。某 爲聖朝,倍保崇重。❷ 夫之歎。
 爲儒及此,其樂何涯? 聰明不衰,止足自處。國家興廉讓之節,疏 身乎五福。 夙 夜,被 艱難險阻,盡力乎三朝,富貴崇高,致 四 而乃起達人之觀,引大夫之年。 紀於龍光。 舜好清問,方體 赫有 華名,密多 伏 耀 久荷 貌於 錦 惟 大 陰 上 南

范文正公集卷第十八

- 「保」,原作「報」,據宋本、四庫本並别集重出者改。「大夫」,宋本、四庫本並别集重出者均作「丈夫」。
- 「録」,原誤作「緣」,據宋本、四庫本並别集重出者改。「住」原作「幸」もちる。日月之立另集重出者改。

三〇七

范文正公集卷第十九

狀

陳 乞 邠 州狀

與韓 志。 以 朝 旨,令韓琦與臣 「今用何 收 之命官也,患 藩 臣 琦 右,臣聞 雖無似, 翰之功? 口 進陝 鎮彼 臣 西 輒 之事 互换,往邊上照管。 重 西方?」又去年秋,曾 攻守 先 慕 内 勞 前 而 君 修。 後 輕 也 策。 外。 一,貴 禄 ",所 又覩手 臣昨在朝日,曾 先勞 重内輕外, 以勵 而 臣 詔 搢 後 遂 云: 紳之 有 禄 聖 何 面

> 陳。 使。 蒙聖恩,差充陝 西征,元昊在河東接近,復差臣 撫使,乞不轉官及不 , 乞罷 臣 自 參 至河東,體 知 政 西宣撫 事 帶招 知 量得邊上利害,各已 陜 使。 西 討 又以 部署之名。 郡 兼 契 兼 河 東 丹舉兵 沿 官 邊 奏 撫 尋 安

不帶 涇間 又須 郊均 又宣 意。 面 攻守之策,復成空言。 奏,罷參知政事并宣撫使, 可只差臣 一撫使 費 '賜之後,陝 今余靖 臣 招 知 + 久住州軍,亦 討 數萬貫。 所 州,帶沿邊安 、部署之名。 行諸 自 北 西 既 軍,須望特支恩澤。 府 回, 如 慮煩 庫 不往陝 伏望聖慈依 已虚 必 如 撫使,乞不轉官,仍 擾。 見 此 則不銷 契丹 ,或更行 西,則前 欲過 無 陜 更散 臣 南 ?特支, 於邠、 西 緣南 所上 前 牧 特 來 即 之

0 宣」,原作「安」,據宋本改

支,自可就近處置邊事。

庶朝 事 寧息 廷 臣 無 此直誠,並 進退始終,良得其宜。 ,攻守有備 次内重 外輕之失,臣 ,儻聖恩未移,用臣 守前奏,俟三二年間,邊 亦有先勞後禄 臣無任云云。 不 晚

陳乞鄧州狀

欲乞朝

廷

指揮

廢

罷。

當嚴。 任。 陳 重寄。 所 之思,來安屯戍之旅。 扆,親承睿韶,俯念邊防。 置 ,孰可冒居 庶逃尸素 臣自到 邊 右,臣聞 臣 願領一藩,兼按四路,欲將臣 策 既 躬親 獲 爾 理 ? 聞 土 之安危, 施 竊念臣 命, 己 行。 逾 因 臣以戎情 敢 半 尚 固 昨 车。 請行。 蒙 思得 當 厠 朝廷, 台 殊 復以 體 邇 未測, 司 遽將 ; 臣,往 付 前 官之廢 與 日 策 兹 韓 備 瞻 官 慰 分 宸 職 琦 預

> 威,恐成生事。 使處置。 静,理當改更。 仰保安軍、鎮 覩朝旨,據鄜 朝 廷 惟此 以 彼 戎 延路 四路安撫司,今後別無事 戎款 其陝西邊事 軍 臣之所上,必 権 奏,所定疆界,並已了當 順 務通行博易者,事 方方 用 ,自有逐路經 可寢停。 柔 懷,不 或 今又 欲 脩 略 寧

臣 力。 造,得養天年。 任,示君親之至仁,從臣子之所望。 或京西 病,許從善地,就訪 國有急難 知州,伏望 今朝廷 臣則 襄、鄧之間 之時, 宿 宣 患 聖慈恕臣之無 肺 示 臣無任瞻天望聖云云。 臣不 西 疾,每至秋冬發動。 就就 事 良 敢自求 醫。 Ė 移 定,况邠州 於河 知 便 功,察臣 州 公安,且 中 取 府、 便 元 實 之 當 若 同 係 緊 路 多 當 聖 州 武 赴

三 つ 力

宗

易

向

約

堪

任

清

要

狀

0

下,情理 名,並須歷任無公私過犯,及不是見 并自己親情,方得 上人内, 日 敕 節 准 御 文,於内 輕,亦許 堪 史臺 任清 一牒: 外 要任使者,各同 論薦者。 升朝官,曾 2 准慶 奏舉。 曆 右,謹 或 八 任 雖 年 诵 公罪 具 罪 判 五 如 保 月 任 成 ··, 杖 前 舉 + 兩 以 府 貮 以 兀

守。 屬 清 静 天禧三年 未蒙獎擢 輔 慎, 寡 之家,而能 稔 後來累 過 臣伏見知絳 聞 有 治狀,人憂其去,吏不 静 進 臣 理 1: 前 知 次 專儒學,謹官業,廉 一第九人及第,素負 光 之才,無 爲 知 化軍、 潤 州 郡 ",皆 州 職方員外 日 屯田 有 躁 理 約 進之 員 爲 績 郎 外 通 敢苛。 跡 詞 郎 判 貧 向 推 苦節 約 雅 李宗易, 舉 ,備見操 今 甚衆, 在 此 居 生 常 慎 相

> 罪。 重。 使。 無 人者 私 謹具狀奏聞,伏候敕 罪,内有公罪 即 如 久於揚 朝 不 ·是見 廷 擢 歷 任 用 兩 後 各 者, ~, ❸ 府 有 亦 并 犯 行 係 自 實 人 杖 己 己 並 已下, 親 贓 堪 臣 情 充 歷 清 甘 任 當 理 要 不 並 同 任

舉張諷李厚充青州職官狀

任訖 科 史臺主簿張諷,文學懿 進 伏 的 奉 今具 有 敕 才稱。 命 合 就 奏辟 欲乞朝 差 官二 知 贍 青 • 員 廷 州 采於 如 兼 履 後: 安撫 行 清 純 議 雅 使, 未 前 推 己 升 到 御

0 0

舉」, 如 准御史臺牒」至「謹 朝 原誤 廷 擢 用後」至「謹具 作「與」,據宋本、 具如前」, 狀 四 奏聞」, 此段爲宋本所 庫本並依 此數句爲宋本所 文義改。

❶ 「贍」,原誤作「瞻」,據宋本、四庫本改。

狀,臣 敗事 任,日 本路見 乞移側 官。 旨。 行 鄧 未 司差權 句安撫司 察判官廳公事。 異恩,特賜 州 ,涉道且深,到任已成一考,見權鄧 到,乞勘會京 欲乞朝廷特除 南 憂曠闕 並 闕 如朝 近 見闕官 陽縣主 甘當 機宜 官 州 召試 廷 郡。 數 ,或得此二人,助其不逮,庶 濯 同 文字。 員, 處 一簿李 了, 授 東 罪。 任 新注下正官王嘉祥, 如 句當,所貴不住 右謹 路節 後、犯人己贓、及不如 難 權青州 - 厚,進 節度推官近新到 謹具狀奏聞,伏 出 得闕, 具 鎮,别除一處。 身,差簽署青 如 士出身,素 兩 前。 即乞許令安撫 使推官, 俸 臣 一受國 . 給。 候敕 任 有 兼 州 州 即 , Ø 舉 無 寄 况 管 職 文 今 觀

薦李覯并録進禮論等狀

修之爲,少答非常之遇。 也之意也。臣親逢聖旦,嘗忝輔臣,輒慕前臣者,以舉善爲忠,亦將竭知人之明,副待臣者,以舉善爲忠,亦將竭知人之明,副待臣者,以舉善爲忠,亦將竭知人之明,副待臣,為求後

士。 言, 六 不復干禄。 被召試。 經,辯博明達,釋然見聖人之旨。 有孟 臣伏見建昌軍草澤李 而朝廷未賜采收,識者嗟惜 軻、揚 有司失之,遂退 鄉曲: 雄 之風 俊異,從 義,實無愧於 而 而 覯 隱,竭 師 前 之。 可可 應 力養親 制 善講 天 著 謂 科,首 下之 遺 書 逸 文 論

0

[「]新注」至「别除一處」,此數句宋本無。

[「]節度推官」至「謹具狀奏聞」,此數句宋本無。

才。 乞朝 澤龍昌 者矣。 取 獨 其道業,榮於間里,以明聖人在 之學,非常儒也。 聖慈當乙夜之勤,一賜御覽,則知斯人之才 序》一篇、《平土書》三篇、《易論 文章,實能 廷特除京官,以示獎勸。 藻, 又江 一十四篇,編爲十卷,❷謹 到 臣 若不如舉 知此 本人所業《禮 廷優賜,就 期,並老於經術。 臣 竊見往年 人,朝廷士大夫亦多知之。 兼富。 寧府草澤張 争狀,❸ 除 其 今草澤 論》七篇、《明堂定制 處 臣 人以 官, 州 甘 元 草澤周 重 許 用,及 中,未 母 此三人者,皆蒙 繕 臣觀李覯 一受朝 令侍 老 寫上進。 不 》十三篇, 見 近 啓 典,謹 上,下 養,亦 願 其 年 明 仕官,伏 於經 比 益 Τ. 伏 可 無 臣 具 於 州 狀 遺 光 望 共 圖 今 非 術 朝 草 詞

進故朱宷所撰春秋文字及乞推恩與弟寘狀

未伸。 源。 者以爲《春秋》之道 學,爲士林所稱。 幼 實 等若干卷,謹繕寫上進,乞下 苦心探賾,多所 可 有 `收采,則乞宣付崇文院。 越自經庠 俊 右,臣伏見故秘書 材, 不幸夭喪,深可嗟悼。 服 膺 ,擢升文館。 發揮。 儒 有唐 術 久 隱,而 其所著《春 丞、 陸 研 淳,始傳此義,學 精 集 力學方起,美志 兩 近 道 賢 菜《春秋》之 乃 制詳定。 訓 校 出 秋 理朱寀, 務 指 究 歸 如 本 寀

元年十一月二十日」。

奏聞,伏候敕旨。❹

❷ 「編」,原脱,據宋本、四庫本並《旴江集》補。❶「工」,原作「攻」,據宋本並《旴江集》外集卷一所引改

^{●「}伏候敕旨」、《旴江集》所引於此句後記有日期「皇\。「若不如舉狀」至「謹具狀奏聞」,此數句宋本無。|| 「編」。原脱:據宋本、四庫本並《旴江集》補。

過犯。 造 朝 蒙録用子孫 弟 命。 真, 也 旌 録 又念其 亦習儒業,未登禄仕 干冒宸嚴,臣云云。 况案曾任府界提點,偶緣 儒 中前監察御史梁堅、蔡禀等亡後,亦 學,使其 體例 人家 道貧 (頗同,不爲僥倖。 孤 幼不墜丘壑,亦天地之 (窶,妻 广, 伏 息 望聖慈 孤 病罷,别 窮。 以彰聖 特 有 霑 無 親

陳 乞 潁 毫 郡狀

下。 老。 年高 嘗 霆 齊,方面 避事。 ?,不任淵 氣衰, 爰從孤宦,首被 右,臣 精神減 亦 險易一志,周 輒陳 重。 谷 日 耗 增 形體 救災禦寇,敢不 切 危 疾 念 悃, 上贖 恙,去冬已來,頓 尫 聖知 臣 弱, 涉 旋 道 事多遣忘,力不 四方。 高 自 至 聰。 謂 淺 盡 今 守 , 賦 得君,未 心 ? 逖 成 仰 財 東 羸 本 雷 而

> 安。 於郡 支持。 自 則竭心勉率,亦多稽緩。 憂,下無以逃尸素之誚。 遣,其安撫 臣 抱 縣利害, 其青州常程公事, 病,句管不 路 鄉 JI 九州軍兵馬 寇 前。 盗 。 皆 上 揣己量力,實不自 惟是奏報文字,臣 已牒 無 公事 禀 以 通 本司指縱 分 判 繁 宵旰之 職官發 多 ´, 至

所貴閑 年 伏望聖慈於潁、亳二州, 仰 慢 祈 少 洪 事 造之私,惟誓丹衷之報。 可以養疾,庶安朽質,少保 就差臣一 處 臣

無 任 云云。 殘

劄

子

陛下

内惟脩德,使天下不聞

其 過;

外亦

設

伏望

遠人,然安不忘危,故

不 · 敢

去兵

以

恃

德

也

論 西 京 宜劄子

備

,謹再具狀奏聞

聖慈未煩下議,且留聖意可矣。❷

臣

П

對不

險,使四夷不敢生心,此長世之策也。

備。 之議? 急 之名,●漸營廪食。 洛。 險 曰 東路有餘 積,急難之時,將何 方不寧,則可 難 : 「天險 以守其國。」此之謂 臣 則居西洛險固之宅,以守中原。 太平則居 臣 間未 近親 但西洛帝王之宅,負關河之固,邊 不 可運 奉德音, 可 退守。 可 東京 也。 升 而 ´, 地 上。 以備? 通濟之地,以便天下, 陜 國家太平,豈可 然彼空虚已久,绝 以 險 也。 西有餘,可 孔 數年之間 山 道 川丘陵。 先王脩德,以服 宜以將 輔 曾言遷 庶幾 運 有 有 王 加 《易》 一公設 無 遷 都 朝 下。 有 陵 儲 都 西

論復 併 :縣劄子

重。 去年 臣首陳七事,内一事爲天下民困由 近 經 秋 併 臣伏覩赦書節文:西京河陽管界諸 如西京在後漢時三十七萬户,置二十 纔 廢,頗聞人民不便,並 人中書,蒙聖慈差中使催臣言事 特 令依 更役煩 舊。 臣 縣

2 0 以一人 矣」,諸本均作「俟」, 引此智作「托名」。 續 資治通鑑長編 連「可」字屬下,義不暢, 一一八景祐三年五月戊

寅

》引改。

歸 施 及 爲 切 省 規 後 萬 縣 委得允當,别 西京縣邑衆多,人户差役頻併,今來減 而 陵 1 吏役。 可舉 溪光武 農,官員 鎮 相 行 縣 六千户,尚置 ; 了,實 唐會昌中十 訖 寢所安, 度聞奏。 額 如 ·爲法。 0 亦利 奉聖旨 舊,吏役 韶天下併減 亦已省罷訖 約 計 難 便。 無 尋據范雍、夏安期等奏,相 臣請 十九縣。 減 爲 妨 -七萬户 下 役 不減,安得百姓不 礙 廢 除 范 先於西京 人一千五六百户,已放 罷 山 雍 四百餘 ,置十九縣;今有五 尋蒙朝廷依奏降 險 外,乞併作十三 并本 是户口十分去七 空迥,地 路 縣 減 ,此治世之 轉 併縣分,以 里 運 困 使, 濶 哉? 縣 縣 遠 敕 邑 度 密

之,甚不遥遠。 地 分有三二百里者,亦只 遠。 竊 聞 且 後來 逐 縣 界分,俱 有臣僚上言, 或 稱 却 不及 費 一員 軍人守把 百 或 縣 里 稱 尉,以 一, 如 縣 尉 南 此 其 檢 方 覆 守 方 縣

> 聖恩 把軍 狡猾 殊非 士,在 沮 就 深窮究,便以爲然,改已行之命,特作霈恩 穴已成,不 光武之朝,詔下併四百縣,何號令之行無 而 人情,致臣僚誤 力之人,恐 言,皆非害民之事,況 今體問 者 役,復爲愁苦,是害其 不 人, 道場以 之吏,遂其 霈恩之意。 知一千五六百户免役之家 本府 得 今朝廷 即 産 願 逐 中 非 惑朝 業開 更 鎮 亦 旋 有 止 志願,僥 改 比 只是 須 有 聽 採聞,形于奏牘。 併六縣,而 者,因兹妄説 慢,或逐縣 舊 請 招 者。 日却 無實 置,並 受。 坊 本 其 郭 倖 狀 有 或 而 鄉 物 歡 是本 增 徇 稱 號令已出]1] 力 公人中,有 呼,必有 只是坊 盈 其 酒 之民, 之人,縣 重 不 府 末 便, 税 加 宣 其 朝 也 虧 勞 廷未 郭 所 毅 弃 作 扇 擾 農 巢 兵 敢 且 咸 邑 摇 物 H

❶ 「奏」,原誤作「奉」,四庫本亦同,據宋本改。

民矣。 隱 户,置十九縣。 漢時三十七萬户,置二十縣,今五萬六千 因循之弊,弊不可 有 昧之事。 沮 言,是國家命令不行於外, 或 政 如此,則天下 其吏役勞擾,亦甚明白,非 救,亂所由生。 無 事 可 恩澤 行 且 皆 一西京· 不 欲 逮 在 於

非出自 又不勘問,却將 臣本上言之人,如 勘問,明示責降,自然利害分别,中外無疑。 等定奪不當,亦乞朝廷駮下不當事件,特行 罷,不銷 民,且非 行,於體 令論列時事,非臣輒有改易。 臣爲近輔, 臣爲朝廷惜此 I胸臆。 重擾 利己。 不 · 便。 生民,而沮此 如上言不當,乞朝廷直行 緣 請行 不 重 親 不黜罷,其元定奪之官 知 擾 奉德音, 令諸 此令者,蓋 生民之事,作恩 舉, 議。 使天下 縣 仍 并降 况典故甚明, 舊, 一欲蘇 若轉 ·無復 中使, 惠 宥施 運 息 有 及 省 何 使 朏 促 窮

> 役 息民之望。

之弊亦 以臣所言爲非,即乞依臣所奏,早加 謗議自息。 人,别候朝 行降 止 害不 伏望聖慈 能執 不能 黜 廷指 所以懇懇上言者,忝 守,則國家之惠必不 臣 去。 指 即 揮。 儻朝廷 以臣 方敢伏罪,不復 揮 西 更年 京 歲 未 間 得 僚上言 追 利 能 爲 論 擾 害既 行, 輔 放 列。 勘 爲是 臣 役之 取 知

利

乞修 京 城

進

速

臣子之心。 憂,豈可循 臣危言孤立,久荷聖 默 臣先於景 自守? 祐三年五 雖 言 知。 而 無 當 月 取 此 初 旰 亦 在 **昃**之 開 以 封 杰

望」, 原形誤作「聖」,據宋本、四庫本改。

也。 保 地 間 運 府 蓄,乞聖慈以將 中 ,以便天下; 而 曾 庶幾有 ·原。 今北 西上, 進 箚 事既 當時 西道 備 子 ,,●言西洛帝王之宅, 動,營洛已晚。 臣言 急難 太平則 有朝陵爲名,使東道 有 餘 西 則守西洛山河之宅,以 則 洛可營 居 運 東 而 京舟 東 1者,以 臣 下 一今别 車 備 絶 輻 數 有 有 急 湊 年 無 餘 愚 難 之 之 則 儲

見,請一二以陳之。

之, 牙之臣,誰 已久,人不知 進北京,其可及乎 騎,非數 數 引憂恐之師,進涉 日, 去邊千里。 可 臣 可 張 竊 日 虚 及 聞修建北 能 可 一聲,未一 澶 辦。 制 戰 淵。 之? 胡馬 聞 ? 可爲 倉卒之間,胡 陛 京, 寇大至,群情憂恐 豪 危地,或 下乘 此未可一也。 此 健,畫 倚, 以 未 禦大 可二也。 輿 何 一夜兼 哉 有驚潰,在 敵。 馬 動,千 ? Ē 馳,不 又 又承 河 近 以 北 乘 朔 臣 陛 平 欲 + 京 爪 萬 地 料

乎?

堅甲 宫禁 備 大河 豈 六軍 彼 向 凍 四 一,而 闕 無 而 面 胡 渡,京 未 迴 利 萬 府 盡 胡馬旁過,直 塵 以 凍, 庫, 顧 兵 民 平, 割 俯 之大憂乎? 可禦,陛 師 皇宗 寇不得渡,而直圍守澶淵,聲 血 地 逼 絶 無 會盟 屬 無 陛 備 盡 戚 險 下能堅守不 爲 下 在 里之屬,千官 將 趨 扼 行在 ,無金城湯 請,當此之時,京 何 之 河南,於澶 此 以 地 未可三也。 河 支? (黨 朔, . 動 乘 心存 池 百 宗 淵 而 輿 辟 可 廟 四 拒 安 之家, 倚, 向, 京 社 其 假 然 師 師 使 無 乘 到 請 無

或 無 + 備 忠促令討 萬 兵屯守 唐 寇或南牧, 明 皇 財、戦 潼 時 關 禄 朝廷必促河朔諸 大敗,遂陷 請 山 爲 不 亂 出 戰, 舊 長安。 且 將 哥 以 舒 木 將,出 今京 賊 翰 引 兵 師 楊 四

● 「進」,宋本作「有」。

知 部 往 截 于朔方,天下豈 據之,隋室遂 乎? 朝廷,萬邦之根本。 ,李晟累表,●乞且幸 戰 萬 昔煬 不勝 傾 帝 盤 一復爲唐矣? 明皇出 則有天實之患 游 淮 Щ 甸 幸西 南,以係 違 遠 蜀 德宗欲幸 觸 非 朝 人 中 心 廷 肅 宗 唐 將 · 益 乃 立 安 祖

深 大 百 日 Ш 以 聞 動 日 坐 犯。 臣 矣。 鎮 萬,足以爲九重之備。 安萬國也。 11 天有九閽,❷帝居九重,是王者法天設 違遠重兵, 邊 居 丘 四 今陝西、河北聚天下之重兵,如 城 守 陵。 我若修完京師,使不 海 臣 堅 請 九重 车,不 而 陛下速修東京,高城深 王公設 無 《易》曰:「天險不可升, 而 則姦 順 可 動 無 險, 雄 卒 之勞; 迴 攻。 奮 顧之憂矣。 以守其 乘輿不 飛 京 可犯 禍 3 鑾 師 國。」正 患 輿 出,則 坦 則是 四 平, 或 池, 彼 起 京 出 伐 或 聖 軍 師 在 地 加 彼 險 謀 民 臣 口 則 今 摇

> 策矣。 之謀 不 必 則 我 已堅 追之,縱有 能 可 不大勝 爲 弗 而沮 寇人之深, 患,退不能急歸,然後困 許 也。 也 南牧之志矣。 抄掠 彼請 此陛下保社稷、安四 則 可可 决戰, 都 邀 城 可 已 寇人之淺 我 奪,彼衰 固 可 勿 彼 而撓之,返 出 我 請 海之全 也。 則 、振,未 割 邊 地 進 畾

乃 叛 祖 體 臣 人 陷 張 朝 臣 或 彦澤引契丹犯闕,而 聞 曰 此 而 京師 後 皆 京 唐 無 城 王者之居,高 末 備 無 而 契丹以 備,閔宗遂亡。 È, 何言其 四 京城 城 + 深 萬 失 無 池 衆 體 石晉 備,少主 送 恐 哉? 失其 石 時 高

條

所引

本並《續資

治

通

^{□ 「}關」,原作「關」,據四庫 三六慶曆二年五月戊午:

^{● 「}失」,原無,據四庫本並《長編》所引補
● 「順」,四庫本作「煩」。

任云云。

又

近 祖 不 君 輒 失 朝 修 臣 體 知 言 完 都 親之憂? 廷 列,而輒建言,比之奉春之僭,未甚爲 但 關 其 此 城 大 而 憂 一受謗 中 事 不敢言。 臣 隍 國 , 誠 而 百 爲 家之患,而 1辟,必 矣。 張良贊之,翌日命駕。 失 况 罪人也。 、體,不 臣 臣任 昔奉春君負 素來愚拙,惟 曉 猶愈 此 不 在 然臣子之心,豈敢 暇 事 西 了, 但 於播遷之禍 顧 陲,非當 其 販之夫,勸 懼 體 議者, 知 也 清問 報 臣 或 謂 叨 哉 若 過 忘 以 預 高 而 而 其

之形勝。 子孫 臣,●預爲大備,天下幸甚。 都,天下勝地,皆願朝廷留意,常委才謀 會要,爲 表裏山河,接應東京之事勢,連屬 至於西洛帝王之宅,太祖營修,蓋 西洛之北門。 又河陽據大川之險,當河朔、 又長安自古興 干犯聖威,臣 王 關 意 河 之 在 重 東 陜

> 葉也。 及見逐 可不過慮也。 厭之心。 集。 今太平已久,人情易動,又無宿 舊兵,嘗經大敵,然猶上下憂疑,盤 京,而先修北都。 戎情翻覆,自古非 之恩信,無故動摇,恐非有限之貨,能 ,争乞効命,及其臨 比疑北使之來,未甚 臣 雖先朝曾有北都之行,當時 處 近 關 覩 此可大爲之防,盟誓 報 邸 臣見邊上 事 報 宜 有 臣謂東京根本也,北 ,却言西 0 北 敵,十 臣 使 將佐軍 一誠實。 竊 到 北 覩 闕, 無 兩 朝廷未修 不 將 遠 旅,耻言不 界,各大 勇。 以 足 舊兵,不 近 桓 有 四 倚 而 稱 足無 + 都 臣 宿 也 進 慶。 恐 枝 東 年 將 點

0 謀」,原形誤作「某」,據四庫 本並《國朝 諸 臣奏議》卷

武

九

中。 也。 上言 陛 不 帝 駕 樊 於平 下 能 噲 前 請 自 季 解 料 諸 顧 量 修 城,漢兵三十二萬,噲 布 班 1 ,今言以 京 左右將 叱 武 日 士: 日 城, 務 臣 宜持 軍 噲 十萬横行,是 誇 願 ·, 有 可 膽 得 重 斬 如樊 勇 + 而 也 萬 有 不動者,蓋 一會者乎 1 誤 衆, 時爲上將 昔 面 陛 横 謾 匈 下。 ? 奴 行 也。」今 爲此 臣 韋 匈 昔 軍 昨 高 漢 奴

若 備,寇或大至,將 百 可 我京城。 造 願 來,於滄、 巡幸北 '慮之一 辟,六 舟安輪,遇 陛 下思之。 若將 軍萬 也。 德之間 巡幸 陛 京, 下 陸可 六軍 民之家 臣三四 北都,臣 又宗廟 虚 何 往 ', 先渡黄 載, 盡 保 北 ~; 盡 出, 社 遇 年 守 京, 謂有 ? 來, 稷,皇宫戚里,千 III 在 迴 河 而 可 顧 京 聞 此 可 寇入東 濟 京 師 取 慮之事 可 人 而 師,億萬之 鄆 所傳 慮之二也。 如 城 濮 路 南 者 池 契丹 而 牧 Ŧī. 官 此 襲 無 而

> 决戰 重。 備 胡 逼 外 中 可 乎? 馬 澶 慮之五 ,朝廷能 或 之來, 如 淵 有 萬一 京 聲 此 姦 也 城 言 拒 兇, 必 可 無 有哥舒之敗, 其 向 慮 數 備,畏彼深 竊 闕, 請 之三也 + 發 乎? 萬 有 爲 割 其 亂 地之請 此 河 入,必 假 則社稷 陛 可慮之四 朔之兵, 使鑾 下 之心 促 興未 爲 重 既 能 憂。 兵與 當 也 京 出 須 安 師 之 於 持 又 此 無 寇

矣。 矣。 有割 或 軍 戒 白 之城,古有九重之號 持 諸 萬 體 之衆, 也。 重 將 地 雖 願陛 而 寇人 則 之請 復鋭則避之, 持 下必 能嚴 重 南 可 東路,不 而 可 牧 安堵 且固 修 勿 之志 拒 京城, 出 而 矣,陛 則 矣。 未 不 弗 得 困 得 許 上 而 可 則 聞 彼 一自宗 矣。 襲 而 下 擾 禦大 以 知 矣。 縱 乘 之,夜則驚之, 不 京 彼 廟 輿不 患。 足以 嚴 師 求 社 彼 不 有 决 稷 扣 煩 况 伐其謀 固 **デ** 備 戰 澶 順 天 Щ 淵 大 及 動 爲 子 可

險 兀 然後 去 [矣,不 則 以守其國。」此 能行其策。 躡之,因 可不大爲之防。 其 隙 近代戎狄 先聖之訓 而 圖 焉。 《易》曰 為京 皆 非 須 臣 師 京 之所 之禍 三王 師 大 公設 能 者 古 數

乞召還王洙及就遷職任事劄子

也。

惟聖鑑裁之。

甚過 博 請 得象以 其 啚 忠 比。 閣、 國 必見本末,豈當 無 也 尋以撰 臣 朝 新差 重 下 以 聞 於舉善。 典 ·並言 臣在 唐之虞世南,先朝 或 故 知 成 家 徐 .中書日 朝 無 求 或 州王洙, 不 治, 廷 臣 朝 許 練 每 竊見工部員外 會 莫先 達。 就 洙 有 要》 文詞 外 典 曾 於 一 百 任 之杜 搢 禮 求 擢 ? 紳 精贍,學 之 知 才; 之 五十卷,蒙 疑 越 鎬 遂 中,未 郎、 州 方之,不 臣 不 則 行 時 術 直 之 問 章 見 納 所 此 通 龍

紫,以 乞就 恐非 古有 又四 恩 或 近 儀 可 訪 累 員 吏民 襄 議 乃 不 輔 表 则 外 州 中 在 以 而 進 臺閣 直 郎 樂 如舉 勸 遷 發 廢其大善。 年,未曾遷改。 聖朝棄瑕采善之意。 傷 京 旌稽 復能 知 斯人之選,爲 沂 明 例 已及六考,不 諸 ,爲善弗掩,實聖 康,乃知 龍 無 狀, 議 職 司 啚 不言。 精 古之能也。 譴 論,潤 儻朝 常 閣 勤政治,庶務 居外。 臣 别 例,得 依 受上書 領 其 廷 如朝廷采鴻儒 色訓 况襄、鄧 大 才 意切生民,重 舊 中外所 伏望聖慈,不 藩 求 内 \equiv 從 天章 後 謨 使使 磨 經 外 詐 政之端 以 勘 赦 日之休。 不 可 修 臣 鄰 閣 搢 服 赴進 欲 用。 實 近 宥,未蒙 舉 封 待 紳 乞 之罪 了,稔聞 直 見此人來知 也。 碩 講 之 其 特 矧 清簡 奏院筵會 自任 龍 學 以 列 外 賜 有 徒 仍 以 圖 臣 人 召還 善治 懿 和恕 補 召 賜 之小 閣 工 以 嘗 知 如 備 文, 還 横 亦 朝 叨 稽 則 詢 部 金

啃

范文正公集卷第十九

范文正公集卷第二十

老人星 賦●明星有爛,萬壽無

賦

是遊 南 圖之可久。爰假號於耆年,寔歸美於元后。 之象,方資睿算,斯垂耄矣之名。 瑞,其大也助月之明。 大洽雍熙,咸臻仁壽。 郊享處,能無鼓缶之歌? 河之友? 萬壽之靈,三辰之英。 其出也表君之 觀夫落落位正, 熒熒影 感垂象之丕變,彰御 但仰祥光,莫辨皤 銀 漢 經 皇家以 此時, 誰 孤 然

> 瑞星。 鴻圖。 道; 合偶。 長。 道必居,若二疎之在漢。 宵而爛爛。非時不見,如四皓之避秦, 者考祥,占天者改觀。 史,協休美於祥經。 瞻,失馬之嗟何有? 叟? 月輪遥覩,安車之意寧無? 之夕景,豈恨桑榆? 未異,顧連珠之瑞兮若無。 應春秋之候,出丙丁之隅。 福,位列三光。 無差躔次,疑尚 北闕前瞻,獨呈祥於有爛,南山俯映 會兹鼎盛,薦乃椿齡。 想天上之宵征,寧悲 歷數自延於人主,名實 發天文之炳焕,符帝德之悠 每覩運行,如縱心 齒於青冥。 是何上象著明,昌 此蓋君著明德 掛碧空而的的,度清 大矣哉! 象兹黄髮,永我 鍾漏? 視合璧之祥兮 增芳華 何 足 慙 名尊五 天 顧 使 天 於黄 於 人間 曆 於信 駟 陳 象 傍 或 時

❶ 「老人星賦」,宋本無此篇。

三 三 三

呼 華 共 示 萬者也? 封 勸 獻 之願 ,君之位 壽 於 無 又何必周 疆 一分善 士有 建。 仰 王之夢九,而嵩嶽之 實贊 而 賦 天 日 靈之數,允叶 : 天之象兮

老子猶龍賦元聖之道,**●**通變如此

放志 彼時 知 游 常 之啓述嘉 儉之寶? 而 用之時 雄 泳 開 不 守 無 衆 乘之性。 測 昔老氏 希 雌 疑 , 譬龍 夷 妙之門,魚登 言,發揮 全疑 宛訝 所謂 以 至哲難偕,元 振 德 觀 淳 每去不祥之器,劍化同歸, 在 存身之際; 而 性相 妙 風 至聖。 沼,不 彌 虚 而 比 尊。 近也 極 騰 盛。 離清浄之源 驤 謂此 孰 棲 力莫極 改故 絶 有便,樂 莫不遺情寵 可 真 聖 真宗之德,若 可 伺 渾 珠,長 弃 則 元 智 而象之。 上 知 握 一善而 宣 存 止 道 辱, 疑 尼 兹 而 樞

> 可方諸 冥,盛 視,寧 之虞; 而 師 配 如 喜依仁,自得攀髯之便。 負 區 不 過 神龍之舉也,其變不窮,聖人之道 天路,此 復始。 闡 ? 圖 中。 通 亢 二儀之際,三友非 何 可 無 言豹隱者,胡 稱 資豢氏之功? 紫氣東來,寔 見。 背僞 有? 逍遥 爲之妙旨。 達 我名躋 比於或躍之靈,蕩蕩乎其聖如 則 變? 宋纖 歸 致 於聖 善 真, 豈逐葉公之好? 霖 行 四大之間,五 忘 雨 比 域 而 能 聖,堪 機 於天下, 惟 疎。 有 在 比 而 不然又安得 尊 流 召雲之德。 \mathbb{H} 矣? 大道卷舒 沉 道 沙 故能 爲折 可 梭 西 而 則 是擬, 靈 去 稱 貴 則宣 作大 角之流 斯 曾 德, 虎 彼 n, 非龍 會 變者, 也, 深 匠 著 長 教 豈 自 飛 無 一之宗 述 此 我道 經 生 化 無 不 反古 戰 昇 沂 尹 杳 久 於 ПП 幺 以 野 於 何

❶ 「道」,四庫本作「德」。

蒙以養正賦君子能以蒙養其正

之方斯 得悔 聖人 正 違 其 不 又濬 是 無 《蒙》之象,得此養正之理。 允 守 相 終 知 以 得 晦 謂含章之士;居上弃智, 亞 蒙而 吝不生,純 我 哲 不 以 而 蒙 गां 聖者顔 -伐其善 者 者 而曷矜? 稱 在 設 如 聖賢是崇。 ; 焉 靡 謂 處 始。 彼《易》文,授諸 反 失,養中正 我 晦 闇 生, 聽 ,罔耀其能 智 至賢 和 而 然 收視,養恬之義 不 白履。 故知 弗 性 而 足 曜,正 欲 者 如 彰,聖 稱 求 我者謂 而 愚 孟 隱其 乎不失其正,必 可 而 子, 者 務 斯爲: 分。 惟 功 渾兮若濁,下民 君 有 資去 居 在 明 樸 亦 我 子。 以。 抱 中 愚 在 素 養 而 處 相 華 若昧 不 而 而 其中矣。 下 素 考其 是 應。 一,育德 之君。 可及, 是守, 韜 弗 而 知 保 光 群 在 蒙 在 弗 故

> 焉 風 融。 君子之中正 以 而 藴 守黑,老氏之教 喪乎其真,此 不 存身之道不 乎受之以蒙。 存志,將乾 知 不 務 脩 道 德 爽。 ? 身,素履 淳 天 而 淳 地 迺 不衒 何 至矣哉 而 有 窮。 言, 處, 乾 脩 無 正 l',豈禍 石 失 辭 而 育物之功 寧 也 每 其或謀 藴 ! 希 文 ·忘? 失 思 玉 聖 聖。 誠, 福之能隨? 正 其 察 人執之而 而 之在 所 察 畫爲 窮理 用 外 庶幾 潛 養。 而 晦 質, 用 斯 往。 先, 盡 進 而 曷 養亦宜其 蚌 性。 明,箕子之 聰 龍 退之間,保 行化,赤 若 則 含 志士體之 明 蛇 常默 珠 我 彼 自 處 蒙 知 而 廣 白 默 内 也

禮義爲器賦崇禮明義,斯以爲器

爰彰爲器之功。脩之於身,豈晚成而是禮義交舉,聖賢是崇。既覩化人之要,

=

范文正公集卷第二十

則安, 皆能 從宜 其設 居 柄 文首定於襄 而 以 程。 貴其禮。 慮 見者之謂智,述者之謂明。 不爲,豈定方圓之體? 稽,格言斯啓。 Ŀ 也 不 化 ? 無體,可 一,非禮 也分 致用 于以 而 墜。 彼邦家,器兹禮義。 在傾 體 是知彼器也利乃生民,此器 蓋 不我遐棄,化下而 之於 本於太一,寧因雕 用 宣尼 而 致 忘尚象之言; 欹而莫覩 何持? 之而 爲二。 列五常而共 滿 王,允符先利。 政, 始問 假 而 可資,故 不溢,于 其 見 立人之道也,惟義是資。 助政 於周 器 日 聞 而 用 久,何患易盈 教 其 美 不 執以 史, 而 何莫 宣 之 喻 以 速而 合二美以 能 而可大,貫古今 其 琢之勞? 無 豈不以爲君之 之 雅契求 知 衛身, 徙,信用 也 由 教,尊其 窮 而 用之 成,與 混 斯? 有 而 也 詎 前 以 新 同 則 爲 有之 歸 世 有 捨 見 義 典 歸 行。 諸 以 晉 作 假 無 而 口

> 人之耻 儀之節,其義也 今國家稽古不忘, 之戒,難忘持滿之規。 人乘矣? ? 念兹在 見危致命,豈惟乎 正四 兹 宣 方之志。 風 無 安上治民, 遐 爲 被。 而 爲。 長 其 覆 子 禮 萬 寧 但 主之? 使 或 也 守 乎小 同 執 而 無 虚

今樂猶古樂賦民庶同樂,今古何

疆

,通大道之不器

豐。 以謂昔 民。 亦足 之思慮。 能感於人神。 何先,俱可諧於《雅》、《頌》,一彼一此,皆 康 和 在上下之咸樂,豈今昔之殊倫? 古之樂兮所 於 時搏拊,實用洽於群情, 氣 兆 既 惠 庶。 民 充 之道 原夫惟 於天下, 以 蓋 在乎君 化人,今之樂 將 孟子之謨猷 進,述樂之言斯 德 華 臣 遂 交 振 恭,民 此 兮 了激齊 於 日 亦 域 鏗 以 何 和

聽 此 笙 鏞 酌 中, 與英莖 而

党異?

省試自誠 而明謂之性賦誠發爲德,彰彼 天性

月。 終存存而不竭。 之秀,發於事業,克宣三代之英。 故得冠乎人倫,立乎聖域。 純,既由天啓,周公之才之美,亦自生知。 被精醇之志,❷發爲濬哲之資。 由明發。 庸》之有云,仰上聖之莫越。 非習,本天性以 我生既 聖人生禀正命,動 其 異,初郁郁 誠也感于乾坤,其明 惟明。 上智不移,無 生 而有融,我性在 由 一而神 至 一誠。 所以見至矣之 性以誠著, 靈 文王之德之 爲而爲。 ,實降 也配乎日 發 聖 稽《 德 五. 斯 中 行 而

勞苦。

樂雖遵於前代,化未暢於率土。

泯,何慙虞舜之琴?

其或政尚

滋章、民猶

六律再推,自契伶倫之管,五聲

未

若我咸臻仁壽,共樂鍾鼓?

八風時叙,命

不在當

年,萬舞

日新,教胄

而

何

須

往

均和

其用,調審其音。

以悦萬國之心。

既順

時而設教,孰尊古而

上以象一人之德,下

能?

春誦夏絃,寧止

古人之有作?

若乃

但無

求於獨樂。

移風易俗,豈惟

前聖之所

風。

孰是孰非,爰究爰度。

且何傷於異制

寔

萬

邦之所共,諒

百世之攸同。

聞

韶

之美?

顧兹匏土,宛存擊

丁壤之

古?

若然則不假求舊,●惟聞導和

其

制

播

治世之音,

無遠弗届

較彼先王之樂,

相去幾何?

今國

家大樂方隆,休聲遐被。

惑於鄭

衛,自能

和

於天地。

舉今古而

也

雖

因

時

而少異,其音也蓋理

心

而

靡他。

假」、《歷代賦 彙》卷九一 同,然四庫本作「暇」。

庫本並《歷代賦彙》卷六六作「彼」。

三七

若然, 聖。 明矣。 乎誠 彼。 乎受命于天。 感 可 者 以 性 而 H 仁義,遂使跂而及之,著乎聖神, 粹之精; 一,所以 必 至 擬; 自 惟彼賢良。 有 誠 通,始料乎在心爲志,不求而 誠 施 而 方 ? 蓋殊途 則誠之道也既 夫子 且夫明乃誠之表,誠乃明之先。 而 爲 正 而 成自 達至明,是爲聖人之性 及 性既 可 明者,生而非 生而德者, 則 其 加 覩 然之識 大矣哉! 顯 同 自 立,貫乎 於 顔 致 焉 君德,動 誠 生則 了, 亦 而 乃 0 如此,明之道也 至, 自 實兹睿聖。 相須 著文 明 常,自明而 究其 考彼格言,見兹元 明 而 與天道 静必遵 而 明之德 盛 而 本 臻,謂 德 成 也 理。 所 迺 於天命 而 得,終知 誠者,學 學 謂 賢 宣。 蓋 彌 又 而 豈 發 誠 鍾 有 存 平 如 及 川 而 純

金在鎔賦金在良冶,求鑄成器

此者。 剛。 揚彩。 容必 内 將禁害, 逐 既陳,滿籝斯在 儻使削 停,百鍊之功可待。 從革之 懿 寫 縱横成器,當隨 範 九牧納貢,我稱其良。 天生至寶,時 英 平禍 欲致用於君子,故假手於良冶。 而 用 夏王之鼎可 華既 員 是 將 亂,請 方。 知 臨 發,雙 金非 如令區別 俄 貴 就干將。 熠 工而 良金。 成, 况乎六府會昌,我 融 哲 耀 南之價彌高 融 匠之心。 騰 弗 君或 而委質,忽曄 精 妍媸,願 用,工非 國之寶也,有 因烈火而變化 在鎔之姿可 "; 好賢,越 躍 觀 爲 洪 鼓 其 金 軒鑑 而 鑄 曄 大 鑪 相 時 冶 曷 如 其 未 之 而

^{■ 「}識」、宋本作「誠」、於韻不叶。

感良 於國 士有 可鑄 出 求 而 求之而未顯,一 上之由。 出 乎 隱 ? 既 0 金 鍛 其 晦,今躍 觀 錬 而 類 自得化人之旨,民爲 此 羡夫五行之粹,三品之英。 踊 誠 彼以披沙見尋,藏山是務。 自 ; 鎔 躍 明, 尚 試 冶 金之義,得乎爲政 以 象 範 而光亨。 求 則棄之而弗顧。 居聖人天 而 韋 伸,用之則行,必 無 仁 一義。 小 無 流形而不 地之鑪,亦庶幾 俟 大, 金也,克 明 之謀。 動 君 曷 則有 縮 之大用, 古 麗 周 若 不 流 明 動 君 成。 盈 水 則 從 喻 而 而

臨川羡魚賦嘉魚可致,何羨之有

意 臨 長 求之不得,寧無 彼]1] 何 而 人斯,在 羡之。 小之湄 瞻 結網之思? 之 在 前 謂 殊 嘉 有忘 魚之美矣, 徒觀 筌之 其紋

> 頒首。 烹鮮 夢 浪 耶 慕 疎 悔恨於庖無,徒諷 情默默,思鱸之興何多? 漣 以昇鼎,俟鹽梅之和。 波,在彼中河。 清流,若有待於芳餌。 而 來; 於 從 而 破 不 奈 類 驚 尚赊,謀之未 浪 鱨 胡 依岸險隅,訝 錦鱗 何。 止疚 魦。 之能 不 但 爲 懷 凝睇依依,控鯉之方安得? 見嬉 ; 咸 非達士之識 施罟之功, 豈勞彈鋏? 敏 而 遂。 可 肆 游 以 嘉 詠 以 目,自朵 求 於 或 登 平子 固 公南有。 之, 庖 弗經營於綱網 顧絲緡 在淵游泳,疑 在 難 藻以 ,爲籩豆之俎 之書至。 矣,其 馴 懼 惜矣空拳,眷 致 頤 速 安 心乎愛矣,愧 而則不,俯 而爽 憑 性 愚 當 河之咎。 人 口。 潑 莊 自 或 一空顧 之意 叟之 潑 適 戲 胡 幾 平 含 晴 於 荷 漪 口

動「懶」、原作「論」。按,據文義,乃比喻之喻,非曉論之

當崇德 健 釣 至如居人之常,爲邦之彦,欲高 在 見力不足者? 待兔之人,非設置 學 先其器,所羨者何 源之左? 營,其圖瑣瑣,徘徊 美? 臨 四 投竿之術 , 夷 事 (而莫至,三綱不緝 而求己,將 而 無 亦由射雉之子,即亡矢以 倦。 自 魚或空羨,又豈得而食諸 取 脩天爵而人爵 而奚可? 觸類而起予。 止 盈 乎水澤之畔,快悵 一於魚? 車 ? 羅 又 然則有爲者必 器則可爲, 詎 兆 何 從之, 位 民 五. 必 而 而 餌 い胡爲 其 是蹈 則 不 何煩 志 於 疎。 陳 ? ? 泉 誉

水 車 賦如歲大旱,汝爲霖雨

有 利 時, ,爲萬頃生成之惠。 器以 救患分災,幸周 象 制,水以 輪 揚 旋於當世。 濟。 清 激 假 濁 轂 誠 有 汲 運 以 引 轉 之 見 而

> 苗 見瓶 之泉 軋臨 濟 ? 也 天 不足,損谿壑之有餘。 之可洽,俾百兩之斯舉。 者樂水而起予,梓人治材而和汝。 倉箱之望將危。 而大田多稼兮,如渴 布,西成以期。 匪 忻 假之年, 羸 湧; 疾 忻 Ш 亦有溝洫 兮初 那 匪 潺 初有認於埋輪, 徐,彼水也突如來 而 湲去浪,漸 如 慙綆短? 王 律 何 掌 無 暖。 密雲不雨兮,若焚若灼? 豈 罪 瓶之利胡爲? 如饑。 無 歲 載脂 渤潏騰波,忽若 流洋洋兮乍若膏潤 如 者 陂 固 澄 翹 載牽,❷幾通 池, 也 無傷於濡 耒耜之功既至 翹 江之練 如。 抱 在渚。 當 甕 補畎 其 之行曷 謂 舒。 乃 東 軌 畝 有 作云 刺 是 鄭 一溉 或 之 重 智 詎 車 Ш

^{●「}牽」,諸本均誤作「牽」,據《詩經·邶風·泉水》「載脂改。
「羸」,原作「嬴」,據宋本、四庫本並《歷代賦彙》卷七一

之渠; 若夫大禹之年,應資治水,必 深。 旋, 亦命爲霖。 莓,用我 風 發與 于以 (,十日一雨, 河水浼 弗 、機會。 而 馳 見因 至如賢 無 浼,得 弗 災 驅 民之利,于以見 既 則 無 引 自 我 人在 斯 害。 重之象著,亦救 解 車 而 成 也 一輔,德 不滯不凝;),吾猶不 湯之旱。 常汲 也 施 洗 下, 高宗之世 周普,五 取。 物之心。 智復 原 焚 動 之功 田 將 日 鈎 莅 勢

用天下心爲心賦人主當用天下心矣

其治國 顛 同之化,禮皆從俗,熙熙無 危 生於九 示聖王克己之仁。 伸 牧民,代天作主。 明 爾 土。 在上,無遠 萬 以爲肆予 邦之懷, 是弗賓。 政必 則 一人之意,則國 敷至治於四 人將鼓舞。 順民,蕩蕩洽 不 得 獲之人。 天下爲 於是 海 心 遂 當 之 必 大

不以 觀道 天。 應萬 將衆 和 物 于雅 侔天地之化育; 從人,同底于道, 桀紂則以人從欲,自 適道之謂 物之情,忻忻而 彼 下兮孰當? 風化行乎八荒。 去,有災害必爲之防。 審民之好惡,察 我 患 於 天下。 必也重乎安危,明夫 頌。 己欲爲 妙於域中,稽夫子之文,虚受者感人 ,可并包於夷夏。 加 同,樂與 窮夭,我 誠至,寡 權 通天下之志,靡 欲,而 若然,則 ? 入人共。 彼懼煩苛,我則崇簡易之道 則 下有 日用。 治衆 脩富 政之否臧。 洞 如天聽卑兮惟大,若水 以衆 夫民隱,配 德澤浹于民庶,仁聲 其化 壽之方。 而 所欲,吾 苟誠 賾老氏之旨,無 豈不以 心爲心。 功 用捨。 宣。 也廣,其旨 靡 意從乎億 有 而 日 何 虚己之謂 夫如 堯舜 疾 風 達彼 月之照 可 弗 苦 從 専 是則 則 必 凝 群 也 ? 盡 欲 絶 舍 爲 滯 道 者 Ē 於 萬 播 善 之 於 愛 則

以致聖功之然哉? 從民心而已矣。 乎中外,聽以四聰,而達乎遠邇。 范文正公集卷第二十 方今穆穆虚懷,巍巍恭己,視以四目,而明 噫 !

何

江樓寄希元上人

范文正公别集卷第

雲,無心兩相忘? 清言一以遥,默默江

樓 上。

安得如白

酬和黄太博

古籍東南美,蔚蔚幙中議。 懿行 希 聖

泉,不易伯夷志。直哉心如絃, 士。 賢,高文粲游賜。● 何以宣王政,甘爲時所棄。 伊余髮已秃,偶 安慮道 酌 以 繼 廣 立 邊 朝 州

斃? 達,聊以道幽祕? 竊嘗力於古,秉筆庶幾至。 夫君鏘以名,尤爲世之 孰 爲 未聞

器。 贈我百餘言,升堂出而示。 土木朽且

高」,四庫本作「尚」。

學 士

寄

石

古

詩

神。 手,得無羞故人? 涯,老來猶苦辛。 與君嘗大言,定作青山隣。 家有清白志,所寶甑中塵。 麾了婚嫁,萬 休去無 蹭蹬 事 未携 蠹

精

生

繼。 愧 陃 子,當彼得言位? 黼 九虚高可遊, 黻 勛 謬 愛士 增 賁 心, 凌 蓬 毋 吐 厲 壺 鹽 以 垂天翅。 延 煩 胸 才 中 刻 地。 -奇,落 畫 吾將 返 何 落 X 朴 退 金 薦 吾 而 玉 於 所

滕子京以真籙相示因以贈之

,尚得榮其視。

間。 持, 語 仙。 示。 籙, 素,朱絲聞 忽忽 此書安得全? 奉之如高真。 六甲當奉行, 兵火换 叩頭鳴天鼓, 服 此 Ш 人間 采芝人, 上 靈 清 九 篇。 有。 州, 籙 玉書 謂 上 百神迺奔走。 于兹三百年。 吏 題云 與 緑字 清 子 隱 君 有 粲然異。 庶可 清 天寶歲, 置 起龍蛇,丹 仙 淮 青 志, 濱。 山 傳 解 密 白 無 非 興 金 於 雲 爲 衍 密 文 有 言 函 任 塵 松 天 掛 靈 引 祕 相 士. 桂 F. 星 物 鳳 輕 寶

中,草草凋朱顔

送徐登山人❷

烾。 京。 氣。 行,孤雲 生,●惟談聖人道。● 愛君妙山水 坐 尺素 却來華 結 重 嘯 成物 君愛詩書,❸孜孜不 無 清 寫 風 陽 繫 外 林 川, 程。 生。 遊、忘此天下情。 戀,貌 與我溪上 直指 練真變 有千里意。 九華峰, 知老。 金骨 盟 6 所 飄 去 行 今 白 飄 歌 掃 日 得 髮 紫 先 朝 是 未 江 梦 君 南 神 理 玉

) 「送徐登山人」,别集卷) 「子」,康熙本作「予」。

四

此詩

重

出

題爲

「送徐允升山

- ❸ 「愛」,重出詩作「樂」。 人歸九華」。
- 「理」,重出詩作「治」。
- 「談」,重出詩作「設」
- ▶ 「與」,重出詩作「邀」

行 樂,桃李豈須言? 南 道,何認問吹毛? 匣 人,相招植松桂。 行歌春滿路,坐歌春滿園。 南園萬樹花、極目春芳麗。 靈劍經年匣,決雲誰爲高? 歌 袁 劍 花前 林下 報人如有 人自 老成 典 明 送陳瓌秀才遊金陵 情,遺此高高月。 南 回,敢望無雲起? 練静江千里。 君有江南行,爲君歌以喜。 明月照前墀,朱絃 南樓百尺餘,清夜微 月 樓 江山不可空,台星照吴 奏流 埃歇。 水。 龍盤 清 天會詩人 風 如未 Ш 一萬

月共 中。 客情無邊。 煌聚宰府, 周 登青天。 召 徘徊 風 相 國 隴 而 西 優哉如遊 金陵一 間 白雲起江樹, 公 時 楊 鎮 誥 金 何 與 陵。 仙。 盛 鄭戬,萬丈光 古來王謝 歸 明月逐江舡。 此去知已賢,雅 來笑春風,白 地,●今有 相 映。 日 煌

九

日

送

歐

伯

起

自

慙

蕭

洒

如

猿鶴

却

向

周郎怨别離。

天

與

神

交

忽

解

携,一

溪

風

月更

同

誰 ?

律

詩

送虎丘長老

愛隨風

景變,黄華能與歲寒期。

登高迴處

可憐宋玉情無限,争似陶

潛醉

不

· 知 ?

緑鬢

欲

賦

前

賢

九日

詩,茱

萸

相

鬭

枝枝。

狂多少,笑殺襄陽拍手兒。

瓊臺肯便長棲去,無限人間未度人。 暫 向 天 台參衆真,虎 丘 風 月遠 隨 身。

0 王」,原誤作「主」,據四庫本改。

范文正公别集卷第

依韻和胡

使君書事

寄

潤

州

龐

籍

春 Ш 雨 北 後青無限,借與 古 高 樓 海 氣 寒, 淮 史 南 君 洗眼 應 看 此 凭 欄

送湛公歸四明講席

滿面南風指四明,山長水曲不勝情。

自言此去雲林下,惟講《華嚴》報太平。

和龐醇之見寄

横 望 滄 北 溟了無際,貴人休向 樓 千 尺 午 猶 寒, 冉 冉飛 畫 啚 看 塵 不 可

> 樓 清 臺 風 凌 又 都 皓 振 督 東 月,行春鼓吹入 再 南美,好夢多 臨 横 海 鎮,集 青 親 仙 щ 咫 遥 尺 輟 太平天子 顔 内 朝 坐 班 嘯

贈吴秀才

尊耆舊,八十王祥未賜閑。

携琴 又人廬山 萬 户 侯 家 1去,誰 幾 葉 信朱門有逸人 孫 弟 兄 紅 斾 獨 烏 巾

依韻和龐殿院見寄

卡。

但 能 賈 <u>二</u>十 傅 親 年 前 前 席,何必蕭 已 定交,而 生意 今鵬 本 鷃 朝。 各 逍遥。 直 節

三三七

羨 且 有托。 君 如 指 莫將富貴移平昔,彼此 佞 孤 根 憐 我 異 凌 霄。 清 心 凌 霄, 髮 半 花 名 凋 生

依韻和魏介之同遊玉仙壇

也。 翠纛 鸞 幽 鶴 草 高 馭 欲 雲 · 玉 迷 壇 杉 矗 丹 共 書 , 險 井 上 應 處 百 改 險 神 地 亂 狂 清, 仙 雷 峰 名。 落 依 碧 石 舊 塢 本傳云,玉 白白雲 轟。 紅 霞 待得 生。 相 作 照 遼地 亭 九 明。 霄 亭 仙

者。

依韻和介之未開菊

催 晚, 霜 願 本 前幸 非 上金樽 桃 未 李 摧。 壽 色, 何傷蝶不來? 佳 芳 節 心 敢 應 先 有 開。 待, 真 席 賞 上 直 無 須 言

依韻酬池州錢綺翁

白髪監 佳 窗 麗 外 地, 眠 天 涯 方 州 重 起 身 彼 陽 各 此 猶 月 勿 健 見 到 冲 牡 樽 青 冲 丹 前 Ш 内 宴 遶 紅 未 郭 樂 鄱 終。 景 何 陽 多 須 牡 况 位 口 丹 有 在 更 四 崇? 江 日 時 南 高 開

寄題溪口廣慈院

若 得 會稽 越 中 藏 山 拙 水 去,白雲深處 絶 纖 塵 溪 亦 口 風 行 春。 光 步 步 新。

范文正公别集卷第一

范文正公别集卷第一

堯舜率天下以仁賦堯舜仁化,天下從矣

賦

性亦 神。 理; 臘 者堯,繼堯者舜,守位而時既相接,行仁 致 四 四 相近。 肆覲群后,但復禮 凶,有勇之風遐振。 海之富 穆穆虞舜,巍巍帝堯。伊二聖之仁化, 則命羲和 内睦九族,善隣之志咸 饒。 而欽 協 和 曆象, 以 萬 聰明作聖,潛 居朝。 邦,蓋 則舉 安人而爲 當其如 稷 和 哲 契 如 外 而 天

> 宗焉,仁者教之大也。帝居大於域内,仁爲 百王之宗。 後 兆民就日,萬國慕羶。 以爲心,璿璣有倫,惟罕言而自化。故 之惠皆臻。 昭德於文思,于以見播美於温恭。 御八元,允謂長人之者。● 美夫五帝之最, 表於天下。 朝綱歷試,非一日而用焉。然則帝者民之 而可大,亦無爲而多暇。 謗木設時,惻隱之情旁達,薰絃奏處,生成 演絲綸。 而 何先? 孰謂各行其道? 諮詢四岳,何異樂山之情? 物無不遂,賢無不從。 民保淳和,政無譎 水沴久憂,曷三月而 誠同心而同德,又何 茅茨何耻,方不 但見同致於仁。 詐。 于以見 實博 殊 違 途 也 得 日 統 富 施

不家食賦》有「美夫聖主斯在」之句可爲旁證。上。按、「者」字當有,類如「美夫五帝之最」,本卷《賢上。按「者」,四庫本並《歷代賦彙》卷四一無,下句「美」字屬

0

頌 陶 屋 歸 唐之道 聲 可 封。 而 作 其 大哉 ,法有虞之理。 垂 衣 而 光宅 治 ; 上 無 行 是 私 下 則 文明 -効,終 萬 彙熙 由 聞 른 、熙,咸 乎 稽 比

君以民爲體賦君育黎庶,如彼身體

臍 體 非 糾 根 四支,每防怠墮; 庶 而 本,爲 紛 有 遠 在 ? 而 謂國之保 斯 是切 嗟 聖 莫不 嘉 人 於 體則厚 先哲格言 猷 勸農 居 盡 被以仁慈,躋 喻 可 域 瘁 ? 肌 也,莫大乎 稽。 勉 中之大, 其養育。 體 人, 戒不勤 調 明 治當未 而 謂 百姓 可 民 王 爲天 分。 於富 之 佩 群黎。 勝殘 而 服。 亂 愛也,莫先 如 下 而是速。 正 庶。 寧 去殺,見遠 調 之君。 四 愛民 使必 百 有 教禮 民 脉 悔 則 而 以 於 乎 善 讓 因 何 似 育 時 暰 四 喻 害 患 其 正 黎 THI

> 身 ? 之紀 敢毁? 予 ? 贵 瘼 設 如 則 永 諒 表 家 而 鼓腹之初。 猶 而 屬 强名於老氏,一則見譏 賀休戈,攸若 不 責 其 齊萬物 如子,復 (修飾、 綱 膏 己之情深; 辭 心和 以 今我后化 指 育曷有, 而 君 大哉! 何殊修己; 掌 比 也 則 立 於 使 以 彼以芻 事 其 者 刑 臣 何 息 體 洽風行,道光天啓。 政 采善 疑? 體儼 舒 Mi 終去 慶 一人養民,四海 肩之際; 而 慘 以 澤 狗 觀 (若, 君 防 禮 而 自 無 此 視 可 萬民之風 其 股 我, 私 之 而 方,草芥爲 於孟子。❶ 逸 故 肱 如 惠 取 乍聞 體 訝 豫 能以六合 必 傷, 彼 則其民 潤 也 臻 ? 俗 擊 身之德 者 蒸 贵 咸 壤 人有 屈 每 贵 髮 觀 曷若 比 修 賓 晏如 樂 伸 其 而 視 異 兆 膚 著 民 觀 求 我 如 在 爲 人 口 Mi

❶ 「譏」,原誤作「議」,據四庫本改。

之勳。 當。 職。 君。 主 降 若宗伯 下皆 柄, 必舉 于邦,同致皇王之道,各揚其職,以成社 \equiv 熙熙之化,何以崇巍巍之德? 禮 憲 而 一則掌土地之圖。 -賢而 正, 又 而 治四方而公共,宅百揆 不 乃立冢宰,爰命司徒。 絀 伊六官之設也,所以 若 稽古,統六師而安上。 執 王者富有八絃,君臨 失 而 敷 事 司寇之治可畏,司空之政 其 援能; ●將致其 有 于五 而 宜,軍旅之容,征 典 惟 有 教,民 和,司 則 勸 總其庶官,位 成 馬 農 經綸 而 論 功, 功 怨惡 萬 而 功 俎豆之事,登 而 庶 則執 故列官而 國。 伐 職分。 ПП 欲行其教, 無 灬政,輔 而 曾 無 怠 無有 曠。 無 定 掄 何 惟 無 衡 以 而 克 弼 荒 常。 分 典 至 F. 之 致 勤 稷 大

> 作矣。 邁,命六官而共理。 從其理體;亦同心而同 若,失其人則王化不行。 之政,于以安天下之情。 也,司二儀之理,法四時之名。于以平天下 業,恢張聖造。 孰不來王? 御 今國家博采遺賢,陟 五臣,比其功而可考。 臣之道。 百姓 於五 軒皇六相,稽其義 刑, 惟兹六官,邦國是保。 所以均天地之化,所以 罔 敢 有 作 明 夫如是,則六官之任 以見萬 亂; 多 雖乃武 德,共輔於文明 得其 士。 宅兆人 而弗 或 將 人則聖政 而乃文,各 五帝 一家,頌 違 於九土, 叶贊王 以 全君 舜 磬 帝 咸 恋

四 庫 本作

文正公别集卷第二

四

鑄

劍

戟

爲

農

器

賦

天下

無事,兵

器

銷

偃

知我 賜 類 善其 變所適 倐 洪 此 於良冶。 定區 後; 爲 つ 之 鼓 忽; 鑪,索矛盾,斂干殳。 日 稼 公田 事 者 一鎡錤,有以多爲貴者。 中, 器 好 穡之 兵者凶器,食惟民天。 轅門之器,金鑠 戰 ,餘刃者復歸於無。 非 鑄 謂 文經天下。 以謂 盡 者 繇 求 用 我 備 闢,啓 是星陳畎畝 隨 焉。 舊 前 物 之 前 功偕棄; 委六師 致 而 王 我 兆民富庶之先。 用, 武不 挫 鋒 知無用於利器, 鋭 鏑,不得已而 取 於 鏌 征 力穡 施 之具,日新 故 、斯須。 田 伐 於是施 耶之鋒,冰 當 知 務材訓農、假 出 之資; 畯 我者, 劍 之規 者 兀 戰 露 海 大 巨橐, 而 穎 日 之 錢 謂 模 用 俾 蓋 和 鑄 鎛 者 銷 之, 用 而 我 改 以 平 之 發 作 之 欲 工 惟 於 理 不 受

> 者也 偃。 與世作 庶饒。 遠。 夏王 之器 息南 任甲 新 戰 知 而 争。 何 增 有以 務 鑄 征 胄於忠信,施干櫓於禮義。 愧 百穀 百 是知 \equiv 鼎 程,鄙黄帝弦弧之智; 五野之豐登時至,四方之戰鬪 北 五. 姓耕 農 之朝。 見 時 兵 ? 伐之勞; 而 我 偃 以 而 寧同百戰,深耕易耨,闢 耘 后 武者除 之勸,萬 倉 之利 况 大哉 箱日 易俗移 乎 小往大來,變東作 清浄是崇,聲 益,却 ! 其 足 國以之平。 禍 風,敦天下之大本 使 聖 亂, 政 上 + 去惡 敦淳 惟 德 勸農 去彼 新 而 文德 務本,笑 教 朴 去 者 華 聲 取 遐 西 故 夷 臻 $\overline{\mathcal{H}}$ 下 銷 此 被 來 成 + 草 平 從 無

任官惟賢材賦分職求理,當任賢者

官也者,名器所守,賢也者,才謀不

四四

矣。 德; 待用 之所 是 以 於仄 者 後 民 司 盡 好爵,惟皇之士 之職,將政 家 論 群 其局 用,授其政而必 食之歎 得。 取 見 之憂,得 道 次席, 憂· 人之股肱,兆 蓋以 處 者予取予求。 謂 稱 經 當 煩理 () 厥功 良 建 職之方。 始其精選不貳 ,觀其行之所脩。 邦,帝賚 工 非賢不乂,得士則昌。 官 無 在 理 其 制 劇,●悉咨濬哲之謀。 而 聞 進 而 人 也 作, 公共, 之猷 一攸臻; 焉 有截 則 蓋 亦 王者臨 當。 民之綱紀? 得 致 百 勸農勉人,咸 如 俾 放論: 允著 利 君 歸 惟 大 致于周行,命世之才 濟 上 器 之美。 明 于 任 厦 萬 濟以 以 苟進者不 ٠, 理。 而 揚 賢 材 搆 邦之民,列 小 見 允 勿 而 而不太。 興, 盈 則 知 休。 是 臧 非 職 厥 度其 庭, 陳 人之道,下 惟 故 其 委循良之 用 豈 分。 力就 可 自 美 X 察其言 野 每 也 不 不慎, 才 則 材 然 無 孜 雖 以 示 百 大 列 各 官 以 則 讓 而 遺 孜 貽 揆 而

故

我

后

法二帝之垂衣,舉多賢

之訓 莫傳。 之不 升乎 黜 邪 而 陟 知 洽 諫静,必及 禁,惟 謨,觀 愆。 域 弗辯 曷若我命 中 庶績 ; 遗妍, 前王之取 君子之是 赫 咸若,群 赫 霤之忠賢。 素 以 軒 鈞 **飡之** 消 皇, 捨。 任 衡, , 方晏然。 用 政 巍 乃 六 必 教 巍 大哉 負鼎 相 作,嘉 堯帝 昭 而 宣, 其 之 光 得 或 致 考古 明 魚 天下 之 五臣 未 王 哲 詠 精 典 業

從諫如流賦王者從諫,如彼流水

内 無 而 守宗 凝 弗 逆,觀 聖人 滯 社 ; 或 以 外外 流 得 治 水 臨 興 歷 以 邦之議 華 乾 堪 夏,臣 綱, 方。 思 寧 不 每 邁 興 昧 行 前 諫,則 激 補 玉。 揚 過 之言 君道 從 忠 矧 有 夫 曾 諫

■「煩」、《歷代賦彙》卷四三同,四庫本作「繁」。

所樂; 補 得 自 博 豈 虚 濕 聞 求 諸 漾 豈 狎而 之致 虧; 也 之情 **三藥石**, 美隨 聞 有 而 Ŀ ,七人之職,竭節 善必信,不争之勢何殊? 五 衮之臣,思澣衣而可 可 不以君之德也,貴納 朝宗。 君不 善 偕 悔 諫。 取 理 玩之,●折檻弗誅,寧見其 於觀 之旨。 俊賢是效, 行 規 無 ,若汪洋 流 更疑浮磬之容。 於沔 從 ,從繩爲 上既資於獻替,下寧生於 間。 魚? 而 詢 諫 順 彼。 彼芻蕘,豈愧 及霤之士, 于以 之就 則 從? 見臣 由是忠讜咸臻,信智者之 軌? 臣 所以 而居。 見萬 下。 心 故 美。 莫 心之亦如 莫不 諫 明虚受之功 但見弗違於啓乃 周 設樽 寫。 雖 乘之主,納 而 旋 又何煩 束 夫如是 濡 擇善以 温 洞達四聰,旁 而 以 薪之詠? 所 首 蹈 恭,水之 納 進 以 而 而 於斷 善 深謗訕 則 又何必 遵 何 死 似 7,所以 從, 賢 咸 如 者 啓 傷 使 鞅 就 性 聞 以 ? 聽 蕩 其 沃

> 理。 晏子之一言見用,德澤旁流。 不 方,柔懷多士,陳謗木 罄於嘉謀。 諱 所以彰從諫之心,率 但見 寡尤。 威王 之三賞屢 上下 而聽 莫聞於 疏 政 行 通 而 闕 建善旌 我 恩 如 政 后 波 光 大 下 小 而 被 施 皆 群 求

聖人大寶曰位賦仁德之守,光大君位

崇之以 危。 此鴻 於南 穆穆承乾,巍巍立極。 於大寶,實守之於至仁。 基,方君臨 面; 聖人以 于以見大人之造,于以見王化之基 德。 貴乎天下,自可 闡兹 正兹盛位, 於萬國。 神化,既天啓於一人, 必先安之於位,然後 御彼 保于域中,既 念兹在兹,高 象於北 兆 民。 辰 故 而不 當 永 稱 古 其 綏 之

賦尊尚賢者,寧有 家食

門,

推

賢

口

尊

俾

進

身

於

袁

出

仕

文明

萬

鍾

之

論

?

當

其

王

良

而

罔

怠,

庶

弼

諧

具瞻,上下交泰。 聖者,於焉位昌,寶其位者,於焉化光。 持盈守成,契不貪 既首出於庶物,其化也乃日 强名之大。 · 位以居君。 王度以爰分。 聖域旁連, 明者天,故生成而 年兮光被 ,下安九有。 ; 於日月, 鎮 育於無疆。 故 億兆之上,與慈 萬 言其實則 得 慎 寧 能 邦 慙 人皆仰 終 想善 辯 我后執 而 而 如 希 齊長久於天地。 方 攸賴 是守。 隣 代, 始, 夫如是,則 非 且 之。 而 而 無 契嗣文,垂 是 間 常 若 莫極; 是比; 千 聞 處 大哉 之寶,謂 儉 反 九 難 則 ~,則 於四 以 以 五. 載 得 知 一之尊, 無 同 位於 禀 以 以 遐 皇 行 方。 側 施 斯 其 爲 衣 圖 教 君 居 其 邇 赫 遠弗 自足; 其聖 相先。 道勃 野 ? 濟於 勤 情 而 之人, 耻素飱 而 禄 耕 于 位 不 也 無 得賢 訪。 曠。 興, 人 黔首,内盡 田 邦,自重茵 ,寧退食於丘 或 家 豈不以天下 不居側陋 食 養賢; 家 上既諧 聖人在 遂使獻 敦三 而 廣 思舉之士,效明試 寧? 闢 而 接 於輔聖,下絶見於遺賢。 四 論 忠於 高尚。 而 上,納忠

而

何善

不臻,達

四

聰

而

無

博厚者地,則養

亦

如

位

於

高

位

也

思;

誠

口

大

而

可

故

能

上

配三無

求

忠

信

而

爲

助

是

謂

國之寶

也

尊;

豈止連城,

大

則

以

分守位

替

無

虧,

經綸

是

假。

外

兼

至者。

行爵

出

禄,但

見

列

鼎

不出

其

位,寧

鑿

井

克

而

有

聞

斯

啓,

覩

有

位

並

光華

赫

鴻

萬斯

四 **Ti.** 之政

也

惟

賢

是

經

天

下

所

以

宅兹百

揆

);

以

康

彼

道

經

邦

詎

聞

乎

君

子

於勳

庸

崇

德

莫不濯纓交進,束

帶

之醜; 美夫聖 於水 呦之鹿 之德。❷ 素風 用 豈 繗 禄是干, 萬 菲 鳳 靈 衡茅之下, 運 今在 濆 薄 飲泉 主 ? 0 靡 而 逢皇極。 幸奏藝於堯階 良 斯在 郊 吟 在 盡 伊 時 而 藪。 家? 宴 皎 尹 是 居者,何樂之有 明 誰 皎 明賢不遐。 偶? 逢時,執 是以 庭。 方勵 興葵藿之嗟? 之 端 駒 冕之前, 子牙就 如 彼 ,庶無慙於家食。 入官之業,獲 已 茹 蛟 來 縻 龍 藜 咸 寧 好 聘 兮 簪 而 既 思 爵 求 得 隱 纓 曷若 士 協 於 雲 者 而 鹽 頌 有 \mathbf{H} 魚 宜 雨 奉 養賢 學 梅 豈 我 畝 亦 詠 或 禀 之 戀 異 美 ? 士 呦

窮神知化賦,窮彼神道,然後知化

極 究 萬 明 物 神 惟 盛 而 神 未 衰 巾 之變; 昧 感 而 知 遂 至 鈎 通 化 深致遠, 而 惟 無 化 窮 也 明二儀 變 诵 在 幺 其 洞 生 中。 微

> 人。 豈 情斯 神。 其 不 於彼 兹 而 右 夏長之仁。 聰 暑往 之功 不 動 妙 然 不 明 識、化則無終 之機; 至,觀 見日 必先賾 視其 ? 以 來 測 律 苟精 識 之 大《 化之布 亦 測 理。 體 猶 妙之言可考。 居月諸之象; 陰陽舒慘之權; 易》 不怒 仰 兀 其 義 則 究 時 莫不 也 止天倪,探諸 真宰,然後 歸 而 格 無 彼 而 於 入焉 無 言 而 始 靈 罔 無 廣生之謂 黨 威, 先 如, 如 愆。 物, 無 在 聖 悟 審 偏 不 寧 乎 識 得 至誠 微 若 福 萬 神 察彼 疾 迷 窮之於此,得 神 其 其 旨 善 象 然 化 肹 而 之 造 鴻 理 而 妙妙 而 禍 《無方, 速 蠁 感矣。 則 理 則 神 鈞 無 淫 思思 眇 合 謂 也 扣 用 則 失; 之道 自 左旋 載 得 覿 寂 春 之 之 不 謂 2 虚 推 然 > 審 聖 寒 原 知 牛

⁰ 詠 原 原誤作 誤 作「誼 「訟 」,據四庫本並《歷 四 庫 本 並 《歷 近代賦 一代賦 彙》卷 》卷 四三 四 改。

以 堯 法 文 尼 後 可 無 至 而 此 不 窮《 ? 遐 以 神 觀 用 知 易》象之 所 觀 無 天, 之。 而 以 妙 爲 稽惡 有 虞舜 通乾 有 是以 要, 而民自化 年, 盈 道 運 知 臻 聖人 而 微 大道 自 璇 加 是 明 妙 明矣;以斯 璣 德 則, 休 之 而 而 合乾 咎。 日 斯 多 將 在 暇。 應 坤 不 念兹 變以 欲 爽 道 設教,助 有 擬 昭 在 通 以 何 議 П 晝 兹 見 疑 ; 而 夜, 秉 X ? 不 仲 何

乾 爲 金 賦剛健純的 粹,其象金也

智

之作 以 道 覩 取 體 口 諸 易 中 極 平 金 大 含變化, 哉 也,八卦成文,百 高 而 取 乾 可 明 象 陽,禀 方。 而 爲 知 物 彼 乎 從 外 形 金 革之靡 至 著 何 焉 到 遁 1代爲 元 ? 亨, 所 統 常 憲。 以 立 於 想 尚 夫 天 有 原 索 乎 剪 而 夫 英 隱 剛 也 不 聖 而 而 健 息 所 神 人 口

焉,亦 良,喻 專,更 若 象 瘠 我 配 玩; 實 成 觀 終 於斯、金之性 下 氣 始之極,履 ? 之則 金。 功 象 其 不 而 施 比 而 統 彼彼 爻繫 雜 何往 不 純 德 制 馬 想藏山之義。 乾之運 而 於陰 首 ·拔,如 宜 其 粹。 於 器 則 安 萬 ? 動 用 其。 斯 仰 貞 而 至陽之位。 列 九 化 也直,誰 萬 爻,寧虞衆 著 曷若 不 也,純 純 五. 矣,蓋 ? 在 物 我 而 爽。 九 行 擬 礪 道 道 自 我 牧 畫 圃 議 以 剛 則 易 我 廣 取 豈 之貢 有 造 觀 效 而 有 在 焉 消 知 而 不 躍 以 難 冠三才而 珍。 物 方 成 倫 口 兹? 虧 資 釋 以乾之德也,至 見 得 冶之姿? 而 斯 百 \equiv ; 喻 ? 始, 而 確 之實,匹 非 陳。 上下 圣 錬 披 此 可 然 可 察之則 則 四 愆; 則 沙 而 待 成 中正,秉 品 體 知 時 况 端 皆禀 旨 而 務, 於 之 金 始 爲 既 其 自 乎 四 深 宛若 焕 於 之 容 昭 亨 則 冰 静 我 運 德 得 耀 健 剛 始 平 鑄 之 老 未 也 太 而 口 而

故 如 德 心,若遇 我 此 者。 后法乾元 同 仰 心 運 而居尊,致王度之如 行之在上 美矣 哉 ! 一,荷 《易》之取 生 成 也。 之親 捨 有有 下。

王者無外賦王者天下,何外之有

有外 偏。 焉 有 於域内,乃化成於天下。 厚載之象地,亦洪覆之配天。 蕩蕩,其道平平。 旰之憂; 九夷 當其保安宗社、混同夷夏、運德車而 分乎遠者近者? 闢 能 若然,則包括 ? 踰 穆 義路而 之者; 穆皇皇,爲 育兆 民 何 明借 八蠻,無 其遠 而 德 視之不見,尋之無邊。 八 道 天下王。 日 紘,牢籠 廣 也。 本 月,曾 所及,但見乎無 無 非 萬 普天率土,盡 疆 臣妾之者。其仁 邦同式 宅六合而化 九野。 令出惟 無 廣若乾 不 照之方。 無不 孰 惟 坤 行,寧 謂 關 誠 宵 至 何 平 守 無

> 可久。 矣哉! 戰,三王有道,流聲教於四夷。今我后寅 賴,信一人不遺。 遠弗届, ❷萬國之黔黎受賜,其樂 故 限 物咸亨; 若海之容,處下而 軌,地爲輿而天爲蓋。 故知覃及鬼方,守在 泰,于以見遠近咸 無、光宅九有。 得 鑾 五. 隔 夫如是,四 兵不 夷 自南 ? 試 四 自北,覆之育之。 四 海 海 和。 播 或 爲 五. 九州 皇風 家,莫 海外。 是 霸 如春之德,廣 九霄之皇澤下施 訛。 何知,據 ,咸獻無疆之壽 於 聞 無 百川 書同 于以 其 際,守鴻 八彼衆 見 山 交 文 見 兆 上下 會 如 河 而 育 我 民 圖 車 何 而 而 寡 咸 ? 無 交 奉 大 同 萬 而

范文正公别集卷第二

^{▶ 「}如」、《歷代賦彙》卷四五作「式如」,似是。

❷ 「届」,原誤作「庙」,據四庫本並《歷代賦彙》卷四一改。

范文正公别集卷第三

易兼三材賦通彼天地,人謂之易

賦

者也。 爻中。 將 材 觀天之道,察地之紀,取人於斯,成卦於彼。 分儀,著高卑於卦内, 五行降秀, 形動静於 以 而 盡 大哉 窮理盡 所以明乾坤之化育,見天人之會同 變化云爲之義,將以存潔静精微之 昔者有聖人之生,建大《易》之旨。 性,重六畫 《易》以象設,象 而 原始要終。 由 意 通。 二氣 兼三

> 乎天。 謂。 仁乂而 乎臣。 理。 用之 載之容,感而遂通,益見資生之利。 之象昭宣。此立天之道也,御陰陽而德全。 保合太和,純粹之源顯著,首出庶物,高明 焉,由是乎三者備矣。 中列乎人。 體,所以擬廣博之義。 長道消之際,自見屈 地之道也,自剛 又若卑而得位,下蟠於地。 極其數 而 存擬 所以顯不息之義,所以 慎時行時止之間,寧迷進退,察道 消 有 議而 息 倫。 剛而上者宜乎主,柔而下者宜 心,必 聖人執之而經緯。 无爽,周變通而曷既? 既 柔 而 而功備。 在乎兼而 明三極之端,知八象之 伸。 若乃高處物先,取 宛然不動,❶既 此立人之道也,敦 於是卑高以陳 所以 兩之; 定其 軫行健之權 亦由璇 取沉 此立 君子 潛之 侔 位 璣 厚 法

❶ 「宛」,四庫本並《歷代賦彙》卷六○作「寂」。

三四九

業,下 月,畜 无滯; 哉 别矣,思其道 測 三才而成《易》。 几 易》之爲教 氣。 象 ·, 括 風 无幽 以 廣 贵 雷 斷 運 大悉 不 不通 萬 而 動 也,達乎四 以《易》 列 物 於 則 備, 之疑。 山 唯 七 變而 澤。 辰 變 包 之 通之。 ; **外 汤** 上下 爲 變動 鼓之舞之以 玉 維 書 ? 琯 也, 而 候 不居 上以 準天地 觀 時, 弗 其 範 適 遺。 統 含慘 象 彼 盡 百 丽 内 則 神 至 容 外 王 品 儀 舒 之 H 矣 以 於 統 而 ?

淡交若水賦君子求友,恬淡爲上

君。 之契,必察湯湯之理。 要之情不 之功,同行 原夫大禮 伊 淡 交之 瀆 其 而 道 立言, 相 靈 愛, 似 長 後賢 之 諭 得 非 德 柔 朝 敢 是 爰 水 宗 乎狎 擬 分 於 之 前 便, 而 將 如 聞 翫之,蓋 敦 相 通 切 薦 潤 惟 切 於 久 下

> 結綬 潔己 有。 信,懷 依 羞。 予取 若渴 懼 常 泳 心 同 俙 如 而 氣 而 平 曷有凝 一之廉。 養恬。 ,遠思誓帶之流; 相求, 則知甘 學海同 予求。 此 沉璧之秋。 義協 ,從善如流 數 珠之象 以 念兹在兹、恬爲淡爲。 斯 淡 斷 疏 將益 冀獲 進弗違於汎 滯? 故 而 濟, 金,髣髴 而 寧 矣。 得 交者,何能 成 赊 ; 潤 兢慎 惟德 久而 焉 有終之美,●免貽 甘言者不可不畏,澡 投分而 身之德; 彼 志 淘 而 實 以 是依, 不渝 志在彈 在 金之利; 愛,退 禮 惟 甘 琢 别 每 防 君 而 見 磨,穿石之功 嫌 因 子。 存 誠 共 壞 ,冠,潛 不失於 利 舍己 守。 澄 然 心 者 譽 淡 而 莫 淡 而 口 而 稱 讓 允 中 類 覽。 寶其 友。 不 動 流 交者 連 輟 謂 不 情 就 濯 行 謙 忠 揚 游 之 者 争 纓 深 論 小

❶ 「終」,原作「中」,「有終」對下文「中輟」,據四庫本改。

義 遠慕前修, 聿希令望。 揚之義;同心同 之勢,親仁浮就濕之基。 而 爲 上。 考《同人》於《易》象,見賢 德,孰分清濁之姿? 每定交而不雜 如 切 如 (瑳,自 必必 士 契 必 推 有 激

養老乞言賦求善言以資國之用

親

法上善於禮文,書紳无妄。

居尊。 盛禮 仰 奉黄 政,是詢哿矣之言。 宜,論道經邦,必 言 尊縱心之耆舊, 既飽 也 彼)於斯 前 (髪以無怠 ,納以明恩。 年 王 高 待以常珍,用貴皓然之士,裨其 ,垂兹令典。 者 可選。 不 ,垂清問 可 登上庠而 不養,言善者 採無瑕之善。 肆筵授 養老之美,於斯有以。 以德,咨逆耳之謀 謂仁者所 而弗休。 几, 有則, 躋大學 聿 予 以 修 主善爲 莫不崇 取 能受,則 尚 予 齒 猷 求 師 以 其 之

> 守國。 之詞。 之嘉話 則之。 **資**? 公而 知。 與唐虞而比盛 何患乎老夫耄矣? 沃心有取,但見乎聖人 榆之暮景? 漢朝定嗣,延四皓以咨謀,周 之耳。豈不以老者倍年之長,言者善 且 飱兮,實舉燕毛之禮; 善待問者,當陳 喜 則崇孝悌之本,一則求善教之旨。 取 識君臨之所重,見父事之攸宜。 , 蔑聞大耋之嗟, 切問 養其老則惟賢是擇,乞其言則患 今國家治歷萬邦,緝 是知捨此則無以尊德,遵此 則。 大禮載之而爲美,前王行之而不忒 ,闡誕敷之休命。 恩斯勤斯,故 每求藥石之良規。 于以 舊 熙 近思,屢逆聖 不 伯興 見至道勃興 庶政,納老成 遺。 祝饐 邦,奉太 孰侮 則 無虧 足以 不素 人之 式 己 補 桑 不 宴 衮

得地千里不如一賢賦賢實邦實,❶何地能及

聖 ? 莫料 傅巖 爲? 遠 豈 弼 攻掠 貴國士之無雙。 險包絶壑,深控 之才 謨猷,旁稽士實? 寧 須 諧 命 發揮王業,難 ·; 唯 之道。 無聞,柬求可考。 拓 難可失。 世 地廣千里,功虧一賢。故開基之大矣, 禮聘斯行,在五百年之間 展驥之途程盡 地之多? 而渭水濱,是吾所 以 地 生焉 也 秦商於而 於用 彊 澄江?❸ 尋師之道路 吞是戒,豈 延袤之境以 附 居家食之先。 如 爵 入, 詎 益 何 舉 齊 匪 ? 我 一之流 即 煩 非形勝於十二,母 寶。 疆 自 墨,非我之求 開 可 經邦? 咸 欲得人之盛 拓之力, 雖 可 一千乘之多 唯賢也其 雖衆,2 出。 歸,何能 進之而授 得不 有 又 邦 . 載 畿之 挺特 唯 是 何 功 ; 取 以 翼 考 取

> 足懿。 賞 ; 焉 而 罔資,虚襟是急。 用,昌國去 咸繫,古先足徵。 以 貴,地之有雖 之數多,罔加餘智。豈 求賢,事非 立,失賢有 而 目 及? 允緝。 任附庸之國衆,胡比 極之所, 避 若然? 而 地 多曷能 燕奪 地兮,國 難 皇明 則議賢者之深功,何百 雖 獻 ', 何 鴻溝 沃 ? 之 由 野之咸 地 難 而 不以賢之得雖 割 捨 是 堪 隨 請 而楚亡,惟 地 · 矜? 以 盡忠? 興。 和 得賢兮,邦 彌 在 遠 是故 , 諒 在 斯 鴻鴻 蓋 乎 縱 奇 業 賢 治 啓 少 兵 才之 意 必 城 於 不 蜀 賦 切 + 基

) 「寶」,原作「本」,據四庫本改。

『以」,四庫本並《歷代賦彙》作「土」。 ② 「袤」,原作「表」,據四庫本並《歷代賦彙》卷四三改

↑」「井」、原作「百」、據四庫本並《歷代賦彙》改。「澄」、原作「燈」、據四庫本並《歷代賦彙》改。

寶。 利見 民 則 本 敦 行乎仁。 焉,又不 所 乎始生之道,生之善也,莫若夫至仁之體。 《易》象洞分,乾元光啓。 大 遂 咸 以 俯 生成之禮,益見尊崇之道。 惠愛以 長 大人。 奉 悦 贵 視 法 人 聖人受天命,體乾文,既 不 於 博 而 隨 而 預亨嘉之禮。 侔剛 爲心,首出 以 黎 用 施 不 莫不與合化權,潛符天造。 群。 體其仁 氓 也,既不 之德,宜 君 健之克著,致惻隱 非 克己存誠,我 法元善之功,可 . 則物皆尊 則曷享於推 庶物; 由幹 爲 君子乃時 天下 謂元之德也,莫大 事之貞; 得慈 戴,居 安仁爲念,我 克仁 之 則上 和 法 戴? 君。 處 以 斯道 而 而 體 其 居 域 昭 示 是 於 中之 以 原 長 陳。 化 務 蓋 夫 大 長 則

> 居尊? 道 見爲 剛 可 兹爲器之人,未足與議, 盡 故 四 也 長 與言。 得 ; 而 荷 德 則 而 致 御寰中,故是尊而是仰 不 發 萬民以濟,咸承煦育之恩,百姓不知 生之妙? 以 寧致於淳熙? 生之理。 居 紊,奉仁道 侔乾道之罔息,酌仁恩而不煩。 方今道化惟 國之興矣,人皆仰之。 斯 冠 不然, 不 兆 日 而 人 詎 長 而 無 微,神功 何以 三月之違 何 爽。 在 審彼樂 以 彼。 握 所 見 圖 居 不 以 至 在 山之士,始 焉,道之行 足 吾皇 日 廣。 上之美? 上,御宇 仁 可 體 用 以 何 首 乾 以 斯

陽 教 讓 賦修射崇飲,民不争矣

射 德 之 飲之斯 風 先 Ŧ. 遐 在 制 被 知 知 陽 禮 朋 政 於 酒 教之所 百姓,興 斯 饗, 曲。 序 民 賓之義 我 讓 弓 於 既 九 成 張 州 修 觀 覩

范

文正公别集卷第三

之象不 有倫。 飲之讓 謂 以 斯 廢 禮 萬 쪰 教 進 敦 若 習 穆 觀 之而 民。 攸崇。 勸 飲 洞 彼 其 之無謬,居長幼 退 廉 其 Mi 陽 也 可庶,不矜五善之功。 順 啓澤官,射夫來 威 鄉 四 司 和 其化則不。 也, 所以安天下於不 踰 ,可以樂其富壽。 射 也,國人是禀。 之 儀; 飲 徒 方 氣於鄉人。 又若以年以品,會於鄉飲。 風。 不主皮,息争心於君子; 之 俾 取 和樂興焉, 遵 復於罇俎之間 職 其吉 濟 成 揖讓 既 濟 魄 揚, 而 而爲名; Mi 斯射也,可 之規 是知用之而 而 同。 必 燕 王者之教 升, 則知 審。 射。 百 競,所 所以 内叶和平之志,外 用 拜之容弗寢。 非尚六鈞之勇; 貴賤位矣,三賓 ,宣其教化。 謂 此射之讓也,邦 邦禮循 將以 寧 其讓 以 反當仁之義 九 以 云下 弧 止 在 教 有。 其暴 循, 也 矢之利 化可久, 酒以 域 0 在獻 中 以 使 取 亂 至 其 成 之 教 此 穆 則

> 己。 者 作 和 務焉 ,遂諧賓主之情。 程 而 知沿事以興教、蓋 不 争。 ,則違之者寡矣。 侯 以 明之, 于 以 見莫 罔 遂使德藝可觀,忿 替君 善 因 於禮 時 臣 一之義 而立紀。 于 以 禮 見 故聖 肆 與 無 湍 違 世

天驥呈才賦君德通遠,天馬斯見

矯 血 容;竭燕 兮駑駘之萬億。 命,光帝之德? 千之群。 精效祥 呈良才而 矯 流 焉 天産神驥,瑞符大君。 赭 , 聿歸三五之聖; 鯨 連 是何降靈霄極,薦夢中 市之金,不足以 必 躍 錢 分。 乎 拂 滄 驄 眸 包羞兮御 海 曳吴門 迴 昂 鮫 紫 瘦 昂 電 龍 筋 爲 之練,不 焉 閑之十二, 、鬣 偶昌 姿挺異,不溺 直。 路 鶴 妥 出 鸞 國 運 徒 紅 肥 乎 ,啓天之 以 足 觀 雲。 煩 斯 臆 以 屏 夫 出 籠 汗 比 跡

乎哉 遠 ? 足比 出 埓 乎聖通乎天。騰志千里,飛聲八埏。 登華 居前 契瑞 化之奇,鍾焉 之流, 儻駕皇輿, 曷如負圖之者? 駟,萃嘉祥於 六龍之列; 詎 無 功。 於 而 以 思於長坂? 馬 腰褭,奉玉勒 曷 乎房駟之異,其來也,寧憚 廐,嘶風 ,駭千載之有得,王良處右,悲 **一** 圖之表述,昭神化之感通 雖 有俊靈 3爲? 道,豈 得以馴致皇家,駿奔帝苑。 神物來宜,天意純嘏。 稱德於絶 瑶池若去,請登八駿之先。 在斯。 一馬。 休憶於窮邊; 一十十有 一惟漢 寶於 豈徒矜半漢衒連乾,必 以 群,豈代勞而 大 帝之時? 秀彦。 祥麟生 周 邦, 方馳六轡, 旋。 寧 偶聖 高騁 日 而奚匹? 徇 馭如親,合亞 客 晉 掩逸足於千 斯 康 一 混 ? 乎渥 有 臣 且殊 卒使伯 作,爲 衢 厥生也, 感 之 是 逐 歷 洼 旦之 請 知 歸 也 馴 而 首 之 浩 岳 異 金 瑞 H 歎 ? 犀 樂 時

稼穑惟寶賦王者崇本,民食爲貴

無捨。 種玉? 瓌 以 時,披沙豈異, 載千 每訓耕耘之績,如敦 名,表物中之貴者。 前賢,垂諸大雅 可貴,爲國寶而允臧。 奇 順 而 彼天時,美兹政 資 惟農是務,誠 時者稼穑、務本者 何 倉 損 廪豐登之際, 年多膏澤,連 謂 本。 箱之處,照乘 養民 耒耜 追 天 田 琢 下 寧讓 一疇 觀 而 之功。 無 之本敷 惟 艱難 可 播 王。 廢,黍稷是崇。 城之價 取 滿 殖 必必 堂? 之時 而 闢五土之 顧 攸同 ; 有 以 重 可期; 民 寶 穀 稽 食 豈 爲 蓋 彼 慙 而 而

■ 「萃」,原誤作「革」,據宣統本改。

惟 品 得。 我東 彼 欲 食。 后 得之則九年利用,闕之則百姓食貧。 者,見棄於聖人; 瑞 水之珍。 如雲,寧愧白虹之氣? 稷之功,廣神農之道,既豐年 韞 穀 碎 有 而 與四民之共給,胡畏 徒聞 在寒暑 作 念兹在兹,百王不移。 櫝 而 嘉禾,希代之姿奚遠? 是實。 何 可 而 其或 . 賈 嘉 能 何 禍之辱,莫見作甘之德。 則 爲 ? 西 故能富庶之風,告成穹昊。 非 剖 ? 成不忒? 如京如坻,季子 民 巨蚌 寶稼穡者, 見三時 之服,在饑饉 以 祈於元 、 勞心, 四 之有 此盈 · 知 ? 既堅既 克濟 是 月,●似 攻 倫 以 疇 比 知 則 他 今國家崇 好, 爲瑞、蓋 而是貴 於 如 多 非 寶 Ш 生 分三 亞 曷若 多 金 而 民 求 而 民 莫 父 之 赤 既 壁 竭

道 益 謙 賦 天道 常益 ^城損之義

天

還芳。 我而 仰 行 衰多 虧 者 餘 生,否者由斯而泰矣; 爲 義 秉 時 政 爰 亨焉。原夫杳杳天樞,恢恢神 陽之功不 而 而 士 彰。 中 于以見其物 之與昌? 益寡之道。 有 ,敦稱物平施之心, 聖人象以養民 必信,補 · 盈 探 然 ,於時不昧; 造化之真筌,察盈 字,而 則 不 高 龍 足而 豈不以謙者物之自損 明之運 理,于以見 蛇 益謙 蟄 可 四時下濟,屯者 陽 而 考。 之道 也, 後震,草木落 盡 剥 其 是故君子 善 昭 虚 而 天 行 宣 於 常 造。 來復,❷ 無 上天 萬 迹; 法 損 自 物 月 而

而

有

雖

既

益

其

⁰ 來」,原誤作「求」,據四 祈」,原誤作「析」, 據四 庫本並《歷代賦彙》卷七 庫 本並《歷代賦

至仁博

施,實兆民之是賴

無

至道

退

讓

而

黜

驕

盈,得天道益謙之義

貴

而

能

降之者,不

失其宜。

者

雖

猛

何爲?

受無

遺

,神之聽之。

往

者

屈

而來者伸,萬

靈

何

遁?

道之奚遠?

高者抑

而

下者舉,

於賤,益乃生之於損。

得

不觀庶物之情,究至

理之本?

江

海

之潤下;

殊塗

同

照,在焦枯者,雨

露必霑。

取

類

群

氓

機

無

之述,何煩太史之占?

處

幽

晦

罪己之君,我則助

勃興

而

無斁。

盛

衰之應也,惟

變所適。

苟守之以謙,必

受

之以益。

有終之士,●我

卑以自牧之人,實受其福 執虚者不言而應,用壯 既人事之在斯,又天 致,若鬼神之福 則錫元吉而 我后上德不矜, 物之不遂。 一氣無 者, 大哉 貴必始之 而 雅 言, 弗 日 契 姬 私 星 違 謙 文 ; 如 覆 必 化皆孚。 虚 事 聖人抱一爲天下式賦淳一 禮樂,畜無親之仁孝。 黄帝之求珠,我真未喪,契莊生之齊物,我 以見清浄而 用焉,正萬靈而咸秩。 作則,立乃道生之化,八 云,聖皇無失。 無。 ,爲式而庶彙有 蓋以一之妙也,冠四大而强名, 巍巍聖 察察之機悉去,淳淳之理 無 人,其 臭無聲,是則 不擾,于以見易簡 保環中而可久,率天下 倫。 教 如 莫不冥符妙有,脗 去奢去泰,惟 秉乎天得之樞 神。 敷教,天下爲式 泛是効。 表還淳。 抱 而 誕 而 包自然之 不 老氏 敷。 踰。 萬 存

終」,原誤作「中」, 據四 庫本並《歷代賦

言」,原誤作 四 庫 本 並《歷代 賦

三五七

于

式

Z

而

守

有

之精; 功 敦 以 不 諸 比 寧華 夏? 矣,沖寂之猷遠 營之本也;太陽 象,自可制於普天。 德,無 邦 邁 何 咸 夫昧於希夷, 執 者道之本,式者治之筌? 契,自 承式。故得兆人熙熙,登春臺 私 有之風,播 三王之德 自 ? 爲 西自 執此 政復 耐 爲 爲。 東,咸被不言之教。 億 化 結繩, 罔有二三之令, 惟精之旨 也。 煩 於 兆 無 上下。 其用 保谷神 育 之 二,作七政之首焉。 曷若我静守權輿, 亦若大衍攸 規。 而 捨? 四 而不宰,育芻 大矣 我后 ,得自窈冥; 時 爲 滋彰之法 苟能 哉 柄、恭 超 人虚,爲 ! 五. 而 持 豈 躋 帝 上 默 於 不 理 俾 克 壽 之 德 著 岢 而 狗 图 以 四

政在順民心賦明主施政,能順民欲

彰施。 所以 慶。 彼患 從; 衆望 攸叙 所病,察其所宜。 政之方可覩。 以祖述太猷 欣合,莫聞 則撫之以 順於民而化焉,其德 》,順民 感其和氣,所以 困 ,發號施令,實允叶 王者廣 無 欲求乎廣所及也,必在乎 豈不以政者爲民 窮,我則躋之於富庶, 仁慈。 物 心而 不協之謀; 了,發揮 育黔首, 不 得其 以 和 于以見百姓 謂 平。 禮應時 明 逆其民 主。 所, 謂 誕 遐 振 之善政。 布 無 而 邇 乃普。 垂教之言斯著,爲 窮恤 而 於群情。 皇 設,民 一夫不遂 悦隨 而理者,雖令不 沿 明。 1貧,必 爲 彼憂苛虐,我 襲 心 教 每 俯 是以 故得 者 闡 萬萬 而就之。 昔管 隨 惟 覩 俯 邦 其性。 上下 邦惟 究 易從 政 俗 從 政 其 是 於 而

域

咸 農,皆因民之所利, E 諧 舉 心 以 直 必 平 於天道,下弗違 刑 ? 亨,實無幽 者弗私其欲,居下者孰 不 布 重 而 而 今我后稽古省 制作, 罰 後 ,實聖賢之所能。 徇 政 違之則 從 進 罪 思柔 民者,黎元 因 化工造物,隨大 懿 而 衆棄而 事 夫施 不燭。 遠 悖, 於民 而 順 方, 此 布 方行 能 元信 欲。 之則 德 彝倫, 洽彼 亦猶 邇 順 行 敢 時 有 教 必去 列爵 小 惠,常捨己 驅 梓匠 不遵? 以 察 興。 民 而 見善 俗。 養賢 逆 陶 從 任 生 乃古 蒸。 而 政 材, 與 上 民 務 効 者 物 克 以 由 因 材 今之 順。 之 群 是 承 從 曲 訓 在 愈

水火不相入而相資賦其性相反,同濟於用

以 貫 水火之性 之。 居 也 惟 異 偏 處 其 反 動 而 必 ; 相 水火 資。 之利 始 貝 也 無

> 烈湯 化 日 亦 反? 日 七者 燥 水以 既 自 炎,豈宜相 相 而 而 月 濕 育 遠 用之利,合二體 濟 猶 兩 西己 人 忘? 湯,日 焉 殊 彼 熾 之 流 以 以 天 作 ,受諸 行 情 離 而 而順,火以 口 地 翻 宜 醎 昌。 方。 其。 功。 疑 分 得之晚 陰 在 雖天生之材,本 作 知 乎 而 曰 苦, 睽 照 六以 離 和 則 陽。 原 其 方 而 臨 坎 而 知 ? 始 以交相。 明 夫 德 以 已 而 誠 陰 和 質 其 **矣**; 合, 殊 而 兩 類 施之 相 非 而 數六者柔 盛 本 儀 同 匪 聚 望, Ш 其 習乎坎位,七以 中 相 肇 間 氣之求 無 澤 四 何 道 則 違,義 生, 炎涼 窮, 致,陰 象 乖 彼一 寒 非 往 患 而 Ŧi. 暑 而 而 有 和 獨 乎 之性。 此,自 區 勝,其 常 善 行 異 其 功 而 曰 體 陽 别 數,於 兼 並 氣 不 也 潤 與 功 安 同 命 通 得 數 烈 分 情 不 陽 取 \Box

❶ 「陶蒸」,四庫本並《歷代賦彙》卷四三作「陶甄」。

而有別,終同功而靡疎。從政者寬猛相須,而有別,終同功而靡疎。從政者寬猛相須,而有別,終同功而靡疎。從政者寬猛相須,而有別,終同功而靡疎。從政者寬猛相須,為一,曲直相入。以誠難會之有元,胡越異是故躁以静爲君,有以無爲用。相薄類風是故躁以静爲君,有以無爲用。相薄類風震之益,違行殊天水之訟。我道也不相入而相資,與天下之公共者也。

范文正公别集卷第三

「異」、《歷代賦彙》卷六七作「同」。

范文正公别集卷第四

十六羅漢因果識見頌序

見諸 之詮,總爲《大藏》,凡四 言,以濟群生,以成大願。 多,見性 自 四十八卷。 悟迷徒。 天 佛菩薩 地 余嘗 111 識 奈何業結障蔽深高 覽 河 心 録 施 釋 者少。 細及 而記之,俾 廣大慈悲力, 啓利益 教《大藏 昆蟲草木,種 故 經》, 佛 百八十 無 所以 佛 流 留 著惡昧 究諸善之 墜 隨 訓 函 種 函 一, 計 善 方 祖 類 諭 便 衆 善 Ŧi. 祖 門, 理。 千 聖 者 開 垂

邊隅 余慶曆 勞師 初任知 困 民, 以 政 % 兇 事 時時 醜 西 虜背惠,侵擾 聖人愛民 恤

> 異之。 法門。 邪。 士,命 覺 宗,●除煩惱障毒之苦。 死 明 頌 拏羅多等誦佛説因果識見悟本成佛大 句一歎,一頌 三惡不 乃《藏經》所 宿保德水谷之傳舍,偶 也。 慧 世 生之源,深陳心性之法,開定慧 卷,名曰《因果識 鑑 立漸 一緣大有所悟。 余宣 啓軸 之聖,則無 起於心,萬法諸緣同 分頓 尊七頌 法,序四等功德; 撫 漸 未 而 一悟,以至 河 雖殊,合利 觀 録 東沿 ,總一百一十二頌, 以 乃 爣 而 見頌》。 至 十六國 邊 世 非 此。 所 世 於堂簷罅間 居 卷終 濟生戒殺,誘 鈍 希 民 一尊以六通萬行 其字皆古隸書 説 方知塵世之中 大阿 聞 歸 無 將 胸 頓 於善。 異。 者 士。 教, 臆豁 羅 也。 真 使 皆 漢 陳 得 塗 然,頓 余 明 法之 群 善 直 爲 余 故 中 不 > 圓 魔 祛 指 塺 頗 經 寓

■「真」,原誤作「其」,據四庫本改。

欽信。 示 謹 有 諸 於 無 講 府 邊 州 説 聖 承 高 法 僧 天寺命僧歸依别 ",通 大 藏 證耆達,皆未 《》之内 有 録 藏之, 遺 見聞,莫不 落 寶 厥後 文

序。 事, 大 陵 話 ||求副 僧 此 以 普焕 頌諸 後於戊子歲,有江陵老僧慧喆見訪, 紀其因。 本,正其舛駮,以示善知。 處,寶之三十餘年,未 聖秘密,世 時戊子仲春,高 所 希聞。 喆傳之於 逢 平范仲 故直 别 本。 序 其 淹 武 余 因

録

方。 道 諸 贈 子 進士登第,義 靈 禹 竇 禹 椿 鈞 鈞,范 詩 株老, 굸 陽 風家 人,爲 燕 仙 桂 山 法,爲 五 竇 左 枝芳。❷」人 + 一諫 郎, 一時 議大 教 標 大夫致 子 表。 多 以 仕 傳 馮 義

> 僖。 學 誦 士。 儀 禹 侃左 至禮部 鈞 生 五. 補 尚書 子 闕,偁 長 、嚴禮部 曰 左 儀 諫 議大夫、參知 侍 次 郎 曰 皆 儼 爲 侃 翰林 偁 政

事 · 信起居郎

干。 長者。 券,收留 於臂上,云永賣此女與本宅,償所負錢。 子,又壽算不永。」禹鈞 亡祖亡父聚,謂之曰: 是遠逃。 僕慮事覺,有一女年十二三,自 初,父禹 先,家 此女。 禹鈞見女子券,甚哀憐之,即 约家 有僕 祝付 甚豐, 者, 妻日 盗 「汝早 唯諾。 年 用 $\dot{\Xi}$ 「養育此 過 十 修行,緣 房 禹 無 廊 鈞 子, 寫 錢 爲 女,及 時 券 人 汝 夜 自 墼 百 素 無 夢 焚

- 2 寶 實十郎陰德記》。 .録」,南宋初年人趙善括《應齋雜著》卷四記作《燕 .桂」、《全唐詩》卷七三七並宋代諸多文獻録 諫 議録」,樓鑰《范文正公年譜》記作「述實諫 蓋收入别集之題 爲後 議 馮 道 Ш 陰
- ',均作「丹桂」。

罪 事 良 馬鈞 兀 Ħ 一,得 當當 不問。 求 所 歸。 良 兀 嫁之。」及女笄,以二百千擇 由是父子圖禹鈞像,日 後舊僕聞 之歸,感泣 訴 [夕供 以 前

興祝壽

有贈賂 歸。 昏,忽失去。 若干,將贖父罪。 後 實,遂與 曰:「父犯刑至大辟,徧懇 殿 人泣涕至,公問所 明旦侵晨, 詣寺守候失物主。 增側拾得 公嘗因元夕往延慶寺燒香像前,忽於 同 歸,以舊物還之。 今父罪已不復贖矣。」公驗其 銀二百 昨 暮以 因。 兩、金三十兩,遂 至親,貸得金 其人具以 相 加以 知 置 惻憫,復 須臾,見 酒 實 酒 銀 告 持

喪。 自舉 金嫁之,由公嫁者孤女凡二十八人。故舊 親 、公爲 其同宗及外姻甚多貧困者,有喪不 戚故舊 出 金 孤 遺 葬之,由公葬者 ,有女未能嫁者,公爲 凡二十七 出 能

> 販。 相 賢士,賴公舉火者,不可勝數 子弟可委以 知 成與公有 自後由公而活族者數十家,以 財者,隨多寡貸 一日之雅 ",遇 其 以 窘 金帛,俾之興 困 則 至四方 必 擇 其

接踵。 禮。 博。 識。 以報其遺德。 寒之士貧無供須者,公咸爲出之,無問 數千卷,禮文行之儒,延置師席。 衣帛之妾。 濟人之急。家惟素儉,器無 凡四方之士,由公之門登貴顯者,前後 及公之亡,蒙恩深者,有持心喪三年, 有志於學者,聽其自至,故其子見聞 公每量歲之所入,除伏臘供給外,皆以 來拜公之門,必命左右扶公坐受其 於宅南搆 一書院 金 四 玉之飾,室無 十間 凡四 方 聚 識 益 孤 書 不

曰:「汝三十年前實無子分,又壽促,我嘗壽數不永,後十年復夢其亡祖亡父告之先是,公之亡祖亡父夢中告以無子及

子八 功。 訖, 汝有陰 告汝 善惡之報 福 恢恢,疏而 燕 壽 復 Ш 孫、皆貴顯於朝廷。 年八十二,沐 而 祝 終。 實十郎 德,延算三紀, 今汝自 禹 ,或發於見世,或報於來世。 不漏 鈞 死後當留 曰 : 一 芸。 數 年 浴 此 以 陰 别親 無 賜 來 洞天,充真人位。」言 陽之理,大抵 疑 五子,各榮顯 後之稱教子者,必 名掛 戚,談笑 也。」禹鈞愈積 天曹 而 陰 卒。 不 仍 府 天網 陰 五 以 以

惡 以 以 者 示好 示 知 子 某 祖與 所 善者,庶見陰陽報 孫 戒 爲 竇公故 焉 法。 參知 惜 人,祖 其 政 不傳天下,故 事 嘗 范仲淹述。 應之理,●使 録 於 書 册 録

上張侍郎

某啓: 聞漢相出守,遽彰集鳳之仁,蜀

客 而 寓言 熟間 希 適 遠 起 者 鐢 景 鴻 附 之志 以 誠 宜 是 則 矧 感 嘗 深 赫 者 赫 惠 之 來

瞻,敢

昧菁菁之樂?

望。 載 之諮 是仙 宣 大斵 以 吾民之愠;道侔東易,旁洗庶物之心。 雲之作,論思傾丹石之衷。 濬 清 雅 帝 厲 浄加 貫日 恭惟 問 於 參萬微之景業,升九序之康 詢 量 心水彌清。 L',欽叙 周 ; 於 周 升,天姿晝接。 邦, 玉 人,元崇以 留守侍郎崇宣古道, 紀 淵 、疇倫。 金鑑 漢綱,振 耀 華 故得 之功,景鏘 應變成 勳 羲 憲 於 鼎 穆 皇墳帝典,奉 司 金 載羹, 穆 仁助 務。 之風 册。 顧 於唐 懷, 茂 梓 南薰,下 既 歌。 經 議 冠 人之政 師 觀於烹 緯 室。 人彝。 或 臺 抗 象 師 先 繇 屬 霜 府 解 魯 翊

於億載 威,益 之座; 天章 嚴 庶 載 儀 東 兀 倚 養 近,著温樹之重芳。 餘 日 歸。 盈,仁聲允塞。 刑 或 毗 邦之懷未忘高 相 陽 , 迺起達人之觀。 魯巵 開 乎仁壽之域,嘯 爲之承流。 陝東,雅布崇周之化。 載 之 嚴 分珪南闕,崇司受籙之都。 兔苑 重,名教荐登。 均 扇 廟 在 逸之慈,國 動 寄。 廟 風 揖 俄鑑 移,愛甘棠 清 蕭侯 莫不凝養粹靈,惠綏美俗。 仰。 風、武 然 浹麗澤於百靈,藹 於欹盈 關 而三輔之隩適賀帶安, 歌 劇 論 佇見 内,鬱隆炎漢之基; 鳴 乎 言 仰 昌之 玉北門, 寔奉 逍 知 黼 而益 日 0 遥之墟 榮之躅。 扆 一人爲之安撫 樓 韋 心,牢讓 不 茂; 静 迅 盡 命 延 龍 彌 君 明 台 英聲 浩氣 星 重 觀 今 子之 池 月。 衡 天 駕 或 書 則

術 未 充 如 某 蝘蜓 者 藝 之嘲奚 疎 芳 潤,行 解 ? 愧 依 直 經 清。 敏 學 蜉 蝣 耻 讀 之

> 時同 後知 境。 守侍郎 誤膺 非聖 以 鎮,實附宏都。 詎 偶 之雲,或 相之威。 文,三月之韶,洋洋 某顒若望風,惠然入國。 文,旌集四方之善。 無遺。 登 興 漢 沈 三之盛 一之書; ,循循豈倦? 小國之仰 於 秀,庶登梁孝之園。 燕金募秀,蔡屣 後 宸選; 爲 之嗟? 跡 雖才異 霖 約史 預 ,獲從旅百之先。 而 、洪鈞, 循 大國,亹亹誠敦,先 弗違鷄犬之音,密奉 有 (徇名) 唐英,未入晉公之幕 婉 助 尚 竊效封 婉 在 冀 惠聞 遠者近者,鼓之舞之。 之書, 效百年之幹,幸 勉 耳。 延才。 騰 六經之教,郁郁 附 夷之遇。 凾 人之請, 夏。 而 如 青雲之士。 謬 治呦呦之鳴, 况某 鐸宣 此 厠 某卑情 則 於賓 伏 馬 慕 顧 知 將 百世之 牛之 構 之 趨 遇 孤 觀 ; 榮。 覺 成 留 實 列 無 厦 飛 魏 而

■「欹」,原誤作「哉」,據四庫本改。

任,俟恩激切知歸之至。

上大名府主王侍郎啓

俊。 凝真 以咸 望 ; 靈臺峻立 、覽之明。 宣 某 啓: 咸歌樂育,熟議 ,俯多祥 聞 風 激揚駕説之音,妍醜思皇之 樂 而 府 益 雲 密藏 宏 辩。 無 開 隱 其况當具瞻之際 晦之姿。 金 石 有 發 延 群 揮 奏 之

儼神鋒 自是蹈 德之純 孔 論 能 修北海之書,穆穆賓來,天子得平津 思豈 之 輔 垂 翊 恭 法 天 ,賦將聖之才之美。 惟 止於曹隨? 揚仙室,遷歷帝闈。 而 家 知 不耀, 蕴實器以 多脩 王書雅奥,含虞夏之遺 府 侍 皇極。 郎 聲盈 萬化景彰,諸華砥定。❶ 沃心必符於舜好, 天 難名。 明明韶下,諸侯 青簡 湍, 道 婉微 禀自誠 潤 風。 之策。 道 金 璧。 故 周 之

> 宸謀。 臨三 神 貽唐 於閩 之氓,賞春臺之不足。 詎 延平 明 有 元 外。 之不 是問 百揆,舞蹈 相 輔,岳鎮萬封。 於流言? 金堤啓途,黄樞 之慚; 盡 懼 束兵之伍,樂壽域 0 屬 密辭 萬邦 博 魯哲曾無 養聖 陽 岩座, 之有 輟妙算於廟中,抗 佇見下從愈論,上迪 賢, Œ 位。 憂 於愠 遜 更 以 請 廣 大明禮樂,不 色。 何 藩 周 府 庭。 長 文之意 既 今則 瞻 含 雅 周 哺 歌 屏 人 異

以亨會景炎, 賁搜寒俊。 振 圃 顧 景高 如某者,善遠芝蘭 玉器之未成; 進 Щ 而詎至? 異 騰 言 括 夷 方領矩步,入拜侍 疎 路 囊 黼 以 愧 黻。 何稽? 金聲之不 静 忘 幸 窺

^{○「}元」,原作「穴」,據四庫本改。「砥定」,四庫本作「砥屬」,似是。《史記·五帝本紀

之文; 當有 南車。 閣,永戴洪鈞。 聖 郎 拳拳希聖,曾無 期之未及,猶蓬累之斯 一門,儀形俊域。 之庭; 神 吉甫異 仙 是興請見之辭,稍 之歎。 載 纙 時, 垂 下 日月之階; 庶乎 纓, 情無任。 實斯文之東 願 出 上維嵩之 韓 行。 預 宣 將 露 此 而 盍 伏 軍 日 道 頌。 肅 歸 遇 之 得 肅 之志 侍 幕。 乃 冀 景 吾 郎 言 賢, 親 黨 當 在 啓 黄 魯 雖 之 闢 瓜

賦林衡鑑序

心。 以 在 爲 言。 馬 爲 稽四始之正,筆 感 樂。 之心 聲成 及乎大 于人神 是故 文 也 穆 言依 一,發 醇 而 既 音宣,言 乎 而 而 聲 醨 風 爲 爲 而 俗 聲。 經,考五聲之和 旁 成 流 成文而詩 象,詩依 聲之出 昭 斯 昭 激 六義,賦 也 作 樂 風 形形 雅 以 條 實 官 鼓 聖 而

> 鏘乎在 風。 之興 散 歌 蓋 衡 故 可 尊其六籍。 名之體物, 謡、以 ,盛于唐室。 或研 態 聞 屢遷。 究物情,或 條以 聊 降 貫。 律吕 舉 及 貽于代 於 近 或 規 脈 世,尤 祖 端; 戒 分,新聲 人事。 者, 述王道,或褒贊國 子雲語 雅有 尚 斯文。 間 焕然 存 作。 以 焉。 可警 雕 律 而 蟲 體 士: 口

分; 命。 務 作 寸 士斯 而 廣 長 者幾稀,有司大患。 不 收 而滔 食; 國家取 必 不 臨][[收 勤 務 滔 者 故 文何 者 近者攻 進 士之科,緣於此道。 其 鮮 流, 者 如 克 以 豈 好 結 涇 而 至? 盡 高 網, 渭 弗至,若 其 者 雖炎 難 入林者謂 才, 鄙 見。 撰 而 炎其火,玉 述者既 而 弗 曷嘗求 以 退 九等斯 莛 攻 者 可 幾 而 1愈惑 昧於向 無虞。 備 撞鐘 有肴 石 且 辨 於 可

● 「景」,原作「之」,據四庫本改。

三六七

趣 非 題 品 音復異 其 好 尚 o 繩 墨 不 進 曲 直 終

舉 者 謂 詠 之 明虚 **式焉**。 叙 咏者,謂 格 者,謂之贊序,緣古人之意者,謂之緣情 德; 書聖賢之勳者,謂之紀功; 之事者,謂之叙事,頌聖人之德者,謂 竊 體 祖 其義者,謂之旁喻 之指事; ,敢告友朋。 以 類可以 述, 無之理者,謂之明道,發揮源流 成 仲 之體 總其數而 别析二十門,以分其體 名。 淹 之詠物; ●述其 商権指 少 物; 近 廣者,謂之引類 遊 究 精 因 文場,嘗 强 其於 述者,謂之總數; 義者,謂之論 微者,謂 餘 名之體 閑,載 句 叙其 讀 禀 理 聲 者,謂之假象; 詞 之 加 事 而 病, 律 析 研 事 理 詠 而 勢。 陳 有今禮 微 玩 體者, 者 非 惜 兼明二 指 邦 謂 有 其 取 叙 頗 其 國 1隱者, 者 未 謂 之述 昔 比 物 之體 之 部 見 獲 之 頌 物 兼 象 謂 ; X 之 規 而

而

者 謂之雙 關 ; 詞 有 不 羈 者 謂 之變態。 品

而

辨之,律體大備

所

乎雅頌 思過半 之端。 者附 臣子之心,豈徒 豊貴耳 重,辨己之妍 有序,盍詳其指。❷ 檢索。 復 焉 兩 然古今之作,莫 ·而賤 矣。 矣。 漢 命之曰《 之致; 斯 当由 聊 略 目 雖 百 取 兩 媸 1哉? 餘 其 不 然耳。! 漢 賦 也。 樂 能 首 可舉者, 而 林 一,以示 貽 古不足者,以今人之作 也, 庶乎文人之作 能 復三代。 衡鑑》,謂 所舉之賦,多在 人之巧, 盡 亦達 見。 類之于門。 隅,使自求之, 乎韶 斯文 復當 亦庶 可 權 夏之和。 人也,既 曲 旅 人之輕 幾辯惑 唐人, 次 門 有 各 唐 無

若國 家千載特見,取 人易方, 登孝 廉

⁰ 謂之」,原脱,據四庫本並前後文意補 盍」,審前後文意,似爲「蓋」字之誤。

年正月日,高平范仲淹序。也,委而不論,亦吾道之志歟? 時天聖五制禮作樂之才,尚經天緯地之業,於斯述舉方正,聘以伊尹之道,策以仲舒之文,求

知杭州謝兩地啓

深愧集。 州事。東南得請,夙夕趨程。地重寄優,感州事。東南得請,夙夕趨程。地重寄優,感

賢 魚 過 曾莫 光旋遠,晦 於聖門, 相 而 于桑梓, 見故老以 共樂。 有 公權 竊念某生禀迂拙,進當盛明。 功; 跡 衡 昧所宜。 允爲天幸,出自陶 參論道之近司,亦惟 以 久 塵於榮路。 誠,神明 爰假會藩,即 相榮;處兹 其 照, 領 出師 俾蒲 成。 江 無狀。 一湖,與 之重 從便道。 兹 柳之微 術不 蓋 任, 清 嘉 臻 集

於鈞造。感懼激切依歸之至。質,被霖雨之大私。惟寅奉於官箴,庶欽崇

移蘇州謝兩府

若驚。仰雷霆之霽威,加霖雨而蒙潤。報罪布四方,大不可掩。寵分千騎,得之

君何道,殺身有宜

感概。 於桐廬。 寧慕笑歌。 深,終乖智者之慮。 而 樂,素伏於丘園,四庫 自踐揚諫列,對越清光。 竊念某生於唐虞,學 事君無隱,必罄狂夫之言, 風俗未殊,足張條教。 鶴在陰 而 俟竄居於楚澤,尚假守 亦鳴, 之遊,濫 於 允出遭逢,誠當 魚 鄒 相 魯。 江 升於臺閣 忘而還樂。 Ш 涉 爲助, **簞**之 道 未

● 「術」,原作「述」,據康熙本改。

造。 無 幺 道 澤 族 致 優 佩黄裳之文,庶揚於《易》教,詠朱繩之直 人之吉。 兼 相 顯 忝 遊 兹優渥,屈 過此以往,不知所裁。 於詩人。 包。 榮 ? 吏隱,謝 搢紳 屢 示噩 改 某 改觀。 彼 絶 劇 上酬乃聖之知,旁答具瞻之 敢 噩之公朝,存坦坦之言路。 典 人 藩之寄,莫非名部之行。 倫。 不 彝。 黽 此蓋相公仁鈞大播,量 茂揚天子之休,純 勉 豈謂 王 蒙而克亨,幽 事,寤寐政經。 彼 而

謝 夏 太尉啓❶

封 室,簧鼓天聲。❷ 野之材,曷副英豪之薦? 於清舉; 鄙。 某蒙恩授 是求參贊,將肆殄夷。 絲 綸 之命,遽被 前件官者。 痛么麽之戎夷,敢虔 於鴻 斯盖某官 金石之言, 私。 謂 某經 深 棟 方形 術 劉 惟 梁 於 粗 Ŧ Ш

> 不 帝之庭,誓獻有苗之俘馘。 我帝算。 竭其素藴,輔之至誠? 盡 通 誣 兵民之心。 可 以識國 晉公之幕,力希唐士之謀能,虞 家之體; 奏達九 清, 謂 震耀 某 增輝 愚 英儀所激,狂 我國威,張 衷素慤 多 士。 可 敢 皇 不 以

謝 賀 正 啓

便置 佩 歲 律 以端 ,繁文遽枉於圜 而 某啓: 伏以青 無斁。 時, 建 履兹令旦 斗 杓 祇 封。 而 布職, 首序。 ,倍納殊休。 荷 勤 珠 懇之相先,輒 緯 賀 牘 窮 天。 未 馳 授 於

原 無 據四庫本補

駢拇》。 據宣統本改。

按,

出

|《 莊

子

大戰。 州、 虚實, 脩 河、 之備 屯兵三二萬 河 之久可守。 不得高枕矣。 隔 之虚,小 則 攻 中 兩 避 鳳翔 潼關之險,中則永興 而 取 111 之,虚則攻之。 臣 必 之備 關 貢 聞 扼鄜延之要害,東則陝府、華 城可 爲環、慶、儀、渭之聲援 先 關 中 賦 兵家之用, 脅 中 實關 人。 稍 ,張其軍 -之備 邊 破,大城 爲今之計,莫若且嚴 緣邊 實, 城, 若寇 内,使無 豈敢 無三二分。 懦 不 今緣邊 在 聲,分彼賊勢,使弓馬 至,使邊 將 出 可 深人? 先 童 戰則深入,乘關 爲都會之府 不 虚 觀 能 城 可 虚 堅 或東 城 乘。 若昊賊 寨 北北 實 守, 復 清野,不 之勢。 有 阻 命 則同 邊城 西則 則 州 Ŧi. Ŧi. 潼 各 據 朝 知 七 州 關 分 與 須 黄 邠 使 廷 中 我 實

> 之勁 天 彼 討 自 困 無 此 弱 所 朝 施 廷之上策 待其衆心離 ,牛羊之貨 也 無 叛, 所 自有 集。 間 隙 年間 則 行

命,退 後。 守 精兵,一旦興深入之謀,係難制之虜,臣 功而 謀客,日練月計 兵,又與之税賦 疆 謂國之安危未 可 糧 西 未 邊, 息 萬里者,盖當時授任與今不同,既委之以 車 討 可 乘風揚 有 甲 以 又 可 不 艱 聞 患也。 輕 水泉不得飲 乘 謂 關 難 邊 舉 有 善 歲 動 臣 砂,一日數出 也。 司之責。 月, 破 彌 多請 可 况今承平歲 以以 而 」虜矣。 知 百 終未 太宗 沙沙 待 也。 里。 五路 不 其隙。 求速效,故養猛 朝 收 漠 觀變乘勝,如 惟 入討 然則唐漢之時 虜 以 復。 無 陛 騎 久,中 進 宿 所 下 三, 進不 輕 緣 將 獲 不 深 捷,邀 精 ·可前, 了, 此 大 竊 原 計 俟 軍之行 兵,北伐 計 無 朝 而 李牧之 所 之, 1: 擊 廷之 退 緩 能 宿 以 一,延 前 不 圖 拓 以 將 無 恐

范文正公别集卷第

之。

道 服 贊

潔其身也。 同年范仲淹請爲贊云:

是與。 狢 ? 陽之孫,無忝於祖 以步武。 道家者流,衣裳楚楚。君子服之,逍遥 驕爲禍府。 虚白之室,可以居處。 豈無青紫? 重此數師,畏彼如虎。 寵爲辱主。 華胥之庭,可 **豈**無 狐 旌

世

漢

包六合罔英豪,

箇 冥

鴻

惜

羽

毛。

|祖功臣三十六,雲臺争似釣臺高

釣

詩

平 海 書 記 許兄製道 服,所 以 清 其 意 而

文章耻

學

揚

雄賦

議

論 羞

談

賈

誼

書。

喜

得

番

國

英豪

富

魯儒,

同

時

舉

送

起 鄉

間。

送饒

州

董

博士諱淵點,鹿鳴燕之後舉送詩

青霄去,行看歸乘駟馬車。

明珠三十六,恨遺壯

士二千

餘。

送君

直上

范文 正公别集卷第 四

范文正公政府奏議上

治體

答手詔條陳十事

范仲 皆是 逮 並 或 諸 須 事 足得 條列聞奏,副朕 ,術不通古 建 淹 中 伏 外人望,不 明, 奉手詔「今來用 、富弼皆 商 量 不 得 如 在 顧 贵 次拔 有 避 兩 足 當當 拔 地 以 擢 世急務 7,所宜 擢 韓 兼章 奉大 琦、 之意」者。 韓琦 · 得 范仲 對? 盡 可 象等 以 心 暫 淹、 施行者 爲 往 同 然 臣 或 富 陝 智不 心 臣 家 西 弼

> 戰汗惶怖,曾不獲讓。 陛下不次之擢,預聞政事,又詔意丁寧,臣

惟堯、 奏。 本; 不更張 禍 制 下,民困于外。 長久之業。 恩賞不節,賦斂無度,人情慘怨 王之道,求今朝祖宗之烈,采 垂八十年。 有所窮塞,則思變通之道。 窮則 有 亂 欲清其流,必澄 立 願陛下順天下之心,力行此 必 臣 舜 變,變則 綱 生。 聞 \Box 以救之。 能 歷代之政,久皆有 眀 紀再振, 通 我國家革五代 何哉? 黜 綱 其變,使民 通 陟。 紀 夷狄 一,通 然 制 則宗社靈長,天下蒙福 度,日 臣 驕 其 則久。」此言天下之理 則 綱紀寖 觀 源。 欲 盛,寇盗 ^ 不倦。 正 之亂, 書》曰,「三載 削 既能變通,則成 弊。 臣 隳 其 月 其 敢 末, 侵,官 ,天禍暴起。 横 富有 制 弊 事 口 約 易》 熾,不 度 ,庶幾法 而 必 行 前 四海 日 不 端 者 代 壅 曰 削 救 考 其 條 可 干 帝

三七三

之非 績效。 次,無 化。 利 者 利 有 此 去 生 者,歷歷皆是。 猥,人莫齒之, 之磨勘,不限内外,不問勞逸, 至 績 百官,皆無磨勘之例,惟 一少,尚 則 而 民 素餐尸禄,安然 去 岢 之病, 害 之笑之,稍有 賢 小 不 堯 百世之後 所 考 興則 人得 今文資三年 於 舜 而 稱者至 朏 乃 有 黜 衆 九 陟 去 國 志 爲也,衆皆指爲 者,理 陟 載 出 政 虚 幺 而三年 老不 誰 仰 壞 明 病 事 明 肯爲 差 爲 遷 <u>_</u> 而 而 之弊,葺 一遷,武 之意 遷。 失 而 郡 帝 不 莫 必 然 陛 隨 不 苴 縣 範 有 遷, 政 求 耶 則 下 故 救 則 爲 能 IIII 領 ? 生事 堯 興 職 成 人 則 紀 \pm 我 坐 也 可 擠 舜 績 賢不肖 人 公家之利 五 民 綱 者 至 假 旌 祖 陷 務 自 之 怨,弊 年 失賢 者擢 宗 之壞哉 卿 雖 必嫉之 如 而 朝 局 勵 庶 朝 監 愚 故 天 遷,謂 並 暗 不 思 僚 以 以 文 下 建 而 派 進 沮 适 肖 不 不 救 郎 鄙 興 中 求 大 官

> 之憂者 闕 地 以 事 肖 争 有 在京百司,金穀浩瀚 河綱紀 無勤 奪 勢 虚 廢 混 動 者數 力, 食 墮 淆 踰歲 效,例 凛 贵 日際。 生 請 贵 禄,待闕 人。 時。 非 民 託 肯 蒙遷 官失 僥 久 恪 其外 苦 倖 往 故 恭 其 改。 往 在 一二年者。 遷 群 任 其 正而致 權勢子 京官 到 盗 易 職 ? 京 此 職 不 漸 朝 則 之 司 已 起 官 人 其 使 初 弟, 有 人因 暨 危 中 祖 則 勞陛 便 臨 長 耶? 宗 有 該 員 循,不 事 爲 苟 根 私 下 闕 磨 占 且 局 本 居 旰 至 勘 之 若 待 昃 復 挾 則 百

奮 勵之 由 也

諸 進 在 更 大 帶 秩 善 Ŧ. 審 府 刑 美 臣 則 其 請 并 大 職 特 理 特 加 大 理 狀 降 應 保 爵 寺、 尋 詔 京 命。 舉 書, 常 開 朝 及 而 官 封 今後 無 選 出者, 在 府 大 差 臺 功 兩 監 兩 省 大 地 祇 在 赤 館 守 善 臣 京 縣 畧 本 僚 更 重 ·官,不 有 或 職 不 難 任, 子 非 大 庫 及 得 功 時 務

公事 年者 如今日 難。 中 該 聞 官 日 者 上 勞逸不 日 磨勘 舉選差不 者 奏。 信 有 磨 在 限 年限 並 并 菲 . 京 勘 納 高 亦 與 聽 於 須 已前 同 朝 日 如 時 磨 有 者 才異行,多 如 非 其 磨 中 一,具情 在 并在 請月日,並 勘 同,並須勾當 任 此 移替,在 俊 因 勘 外 書、審官 自 任 内 受 則 明 陳 任。 有 在京 有私 其 權 之 理 假 乞 内 特 周 未曾交 人 勢子弟肯 輕 待闕及公程外住 而 道 前 在京朝 所 恩 罪并 年 院 差遣已勾當者,且 令通 因 移 重 任 薦 月 改 願 任 通 此 日 勾 即 論 别 公罪 遷 割 計。 在 在 計 樹 當 或或 委有 官 與 取 勾 就 道 立 及 京差遣 非 年 到 磨 進 徒 當 異 外 其遠官近地, 五 月 磨 月 司 職 勘 止 略 以 可 任 日 周 勘 别 日 却 勾 上者,至 以 年, 者, 滯 嘉謀,爲 ,及陞朝 之可 其庶 及公程 當 若 行 求 三,或因 進 定 及 依 方得 外 知 與 因 用。 寮 奪 舊 任 難 保 陳

興治 應京 斷。 因 不 罪 惜 獄 之手矣。 之弊必去,綱紀之壞必葺。 後天下公家之利必興,生民 件,該説不盡者,有司比 磨 議,爲衆所許 課農桑,大獲美利,或京城庫 文資,定奪聞奏。 也 堪 聞 勘。 費鉅 循者拘考績之限,特 朝官選 則 理 奏。 仍請 又外 辨冤沈,或五 萬者,仰本 民 或有 前王之業,祖宗之權,復 者 其 内有 任 詔 人逐 武 善 别 下 異同,各以 ,則列狀上 事 臣 政 審官院 取 著 任得替,明 磨 狀 -轄保 進 次 聞 猥 勘 岸 推 年限 流 濫 明聞 達 有 聞 勘 所 類上 并老 者 補 已上 内 並 執 之病 具 人人自勸 加 奏,下尚 風 委 銓 務,能革大弊 取 疾 聞。 、較定 與 不 無 化 樞 磨 旨,出 愚 尚 必 改官,不 次之賞, 翻 勘 密 振 或累 救 考績 書 昧之人, 訟,或勸 如 院 考績 書省集 於 天天下 一考功, ", 政 此 於 訟之 比 陛 聖 條 附 下 事 然 則

學士以 等官, 皇帝以 也。 出 區 遣者 IE. 各奏子充京官 大兩 其子弟者。 待大臣,賜一子官者有之,未 侯 (春秋) 譏之。及漢之公卿,有封 别。 郎、帶 不 京 子爲後者, 有世子襲國 舉。 每 省至知 今百姓貧 官二十人, 既奏得子充京官, 上官 復更 太平之樂,與臣 曰 遇 職 俸 抑 南郊,奏一子 員 每 禄 經二十年者, 雜御史以上 祖宗之朝,亦不 僥 外 未聞餘子皆 既 困,冗官至多。 ,公卿以 歲奏薦,積 ,

少卿監奏一 倖 郎 仍接 廣 并 刻刻 臣 諸 次陞 聞 德 剥 路提 充齋 每每 下共慶,恩意 明異 先 而 不 則 成 有 朝 遇南 王 任 暇 冗 點刑 過 子充試 郎。 聞 爵 於庶 賞 授 此 家兄 官。 此。 毎歳 命。 郊 任 爵 延 有 濫 審 獄 其大 僚, 并聖 襲 既 于 而 官 假 進 弟 自真 以 銜 有 其 殁,立 輕, 漸 爵 世 之 院 子 大示 有 兩 自 次 上 節, 廣。 其 宗 常 政 極 孫 任 差 薦 諸 省 寵

> 患 充 塞 無 闕 可 補

即

有

遇

聖恩。 三年 奏得 帶 陳乞。 及二 獄以 勳 大禮 並 與 ·陳乞。 子弟身 勞著 試 臣 同 館 其 上,遇大禮合該奏 周年,方 ,許奏一子充京官。 請 銜 兩 職 轉 外,每 特降韶書,今後兩 如 聞 省, 員 三司 事 運 于 外郎 遇 者 年 外 使及邊任 年聖 得 副 大 並 , 拿 非 内 并省 陳 使、 禮 非 候 乞。 節 次 時賜 知 到 府 各 更 移 文臣 薦子孫者, 推 雜 任 已上 奏 不 御史、 改 判 如 府 薦 得 者 子官者,繫 官、 初 奏弟 年 并 一有該 子 陳 除授後, 無 兩 外 孫 即 少 乞。 遺 姪 省官等, 卿 許 説 須 任 骨 闕 如 是 其 通 不 提 監 肉 自 在 計 别 點 IF. 以 方

許

》均

任

刑

郎

上

于外」《國朝 奏子」,《 資治通 臣 鑑長編》 奏議》、 《宋文鑑》、 卷 四三 作 《續資治通鑑長 子

郡縣 心。 大禮合奏薦子弟者,乞下樞 者,委有 各務久於其 ,使生民受弊。 亦免子弟充塞銓曹, 司 比 職,不爲苟 類 聞 奏。 其 且之政,兼 武 如 與孤 臣 此 密院詳定 人 寒争路 則 、邊上 内 抑 外 差 躁 朝 比 遣 輕 動 臣 類 并 忽 之

聞

奏。

重天 備。 等者,即 軸 及 甚輕之。 補 庭 不以賢不肖,輒自陳乞館 否,例得召試 等者,一 ,下兩制看詳。 覽群書,以 下賢才也。 今乃登進 太宗皇帝 又 (國家 賜 臣請特降詔 任 召 開 加 口 試 士高等者, 待 文 建 三補之。 日 館 顧 陛下當思祖宗之意,不宜 崇文院、祕 許 作五等品第,中 心問,以 試 延天 又 進于教化 書,今後進士三人 兩府兩省子弟親 優 下英才, 閣 養 等, 職 任 器業,爲大用 閣 纔 事者,亦得 即 經 自 麗,不 補 第 使之直 術 書 文字 館 碑 第一 以 閣 文, 戚 内 進 能 之 袐 職

> 仍上 堪大用 奏。 及讀 事 事,更不輕授。 書 殿 如館閣 兩 之士 之 府 稱 類 薦, 兩 闕 進名同 省 以 人,即委 子弟, 御 足以起朝 充其職。 史 臺 並 畫 兩 不 并兩 時 地 廷之風 得 如 舉 彈 陳 此 劾,并 制 文 乞 、采紹 列 有古道、才 則 館 署 館 諫 閣 表章 閣 祖 院 職 職 論 事

藝。 藝。 也。 方 專 可 職、廢既久矣。今諸道學校,如 受其名,藏于廟中,以 職,各教其所治。 而 以 教 蓋言王者舉賢能 王再拜受之,登于天府。天府、太廟之實 人六 趨 乃獻賢能之書于王。 辭 小 賦 曰 精貢舉。 道 取進士 經,傳治國 雖濟濟盈 三年一大比,考其 以 臣謹按《周禮》 墨 所 治 重其事 義 庭,求 人 以 取 賢爲有德行,能 之 上安宗社 諸 道 也。 有 科,士皆捨大 才有識者 得 而 卿 卿 明 大夫之 德 大 或 師, 爲有 故 夫之 家 行 尚 渞 乃 拜 藏 道

之本意,副陛下慎選矣。

時 ? 救 庶 十 濟,安得晏 口 ? 無 救 臣謂 在 其 平 四 不 教 况 不救 海 逮 以 天 .) 尚 經 下 ,坐俟其亂哉 完 或 濟之業,取 危 謂 朝 困 救 三乏人, 謀 弊之術, 而 夕行, 以經 如 此 濟 無 庶 將 之才, 乃 乎 何 後 可 以

然

賦,諸 勸, 藻, 是 場 旋 留 留 科 道 少年 「,則 之士, 文 人三舉以 通經旨 ,貴文卷 ,即依賈昌朝等起請 最 必 卷 臣 爲 科 恐 明 足以 請 通 至 墨 舊 專 理 諸 考, ,皆憂棄遺, 要。 少而 義之外,更通經旨, 人 道 於教授 路州 上者,先策論 進學,請 互 扞 則 ,格,不 内 考校 取 郡 歐 天 其 有 下 陽 務 精。 長。 逐場 别 能 學校處,奏舉 進 脩、蔡襄 講 在 無 創 而後詩 臣 學 興 兩 士先策 進 去 習 行。 謂 必 舉、 路。 留 策 更乞 興 盡 使 初 賦 論 令逐 其 人不 臣 論 諸 舉者 許 科 逐 浮 取 亦 通 請 而 將 場 場 薄 專 後 士 經 中 進 不 之 有 去 去 詩 皆 士: 能 辭 有 知

> 格。 終場日,須八 辭 通 義,依自 經 而 旨 對 不會經旨者,三舉 者, 則 來 於知 至 通 通者爲合格 終 粗 場 舉 施 别 官 行。 問 員 已上 經 前 兩 旨 舉、 講 即即 + 説 初舉 道 七 逐 通 場 如 者 者 所 不 至 對 爲 能 於 合 黑 命

精意 省考 言命 苦 御 近 拘 及 不見姓字,實 不 之式,必先考其 俯俯 意. 求 辛, 御試之日,詩賦 試 運 之 履 ,盡其所 試 又外郡解發進士、諸科人,本鄉 拾 思不遠, 即 而 行, 日 舉 科 時 惟 級。 不言行業。 更 擯 能。 拘 非 以 逐。 或音 履 既 場 鄉 詞 聲 文論: 行, 復考 里舉 藻 試 病。 鄉舉之處, 如 韻 墨 詩 音韻 然 中 明君 共 校 賦 選之本意也。 義 以 後 爲 此, 日 取 取 不 字 在 一場,既 久,實 之,加 以 失, 場 不 有 士 上 藝 之進 試 考履行, 差, 」固當使 雖 業。 策 少舛謬。 用 末 聲 舉 雖 小人皆 退, 封 又 學 今乃 里 生 病 淺 南 選 又 平 所

以 而 行 業 諸 天 而 也 進 豈國家之美事哉 而 乃言命運者,是善惡 不辨,

等第。 或 科 更宣 改。 守本科選限。 者爲優等,墨義通者爲次等。 等,策論平、詞賦優者爲次等。 放。其考校進士,以策論 其 内三人已上,❷即於高等人中選擇,聖意宣 選官覆考,重定等第訖,然後開 封 惡、藝業及等者,方得 家 ,並以優等及第者放選注官,次等及第者 彌試卷,精考藝業,定奪等第,進入御前 、南省考試之人,已經本鄉 以 若等第不同者,人數必少,却加封彌, |兩地參校,●然後御前放榜,此 臣 收 請重定外郡 内合同姓名,偶有高 復 諸 自唐以來,及第人皆守選限。 或 ,郡邑乏官,其新及第人, 發 解薦,更不 解條 高、 詢考履 約,須是 詞 下者,更不 已上進士、諸 諸科經旨 賦 看南省所 封 次者 行,却 爲至當 彌 履行無 試 爲 移 須 通 優 定

> 得人,百姓受賜。 權 又足以勸學,使其知聖人治身之道,則國家 與放 選注 官。 今來選 人壅 塞,宜 有 改

天下。 當得賢於衆者。 以蘇息? 累以資考,陞爲方面。 時,必重此任。 舒慘,百姓休戚,實繫其人。故歷代盛明之 國之本,由此凋 蠹民; 四日擇官長。 今之刺史、縣令,即古之諸侯。 强幹者惟是近名,率多害物。 其轉 殘。 運 今乃不問賢愚,不較 使并提 臣 朝 聞 廷 懦弱者不能檢吏,得 先 點 雖 王建 刑 至憂勤,天下何 獄 侯,以 按察列城 能 共 否, 方 邦 理

以

臣 特降詔書, 委中 書、 樞 密院 且 各 選

0

0

[「]地」,原 作 第一,據 四 庫本並《國 朝 諸臣 奏議》、《宋文

[「]内」,原作「在」,據四 庫本並《國 朝 諸臣 奏議》、《宋文

斂 得 當 過、 令共 轉 州 差 共二人。得前 知 委 轉 全補,仍 人,爲陛下愛惜百姓,均其徭 知 運 州 ,然後引對。 Ŧi. ,●各獲安寧,不 兩 運 舉 州 十人,逐 使、 使、提點 人 五. 制 主 共舉 指揮審官院、 開 提 人 知 封 縣 點 數 知 刑 州 知 史臺中 刑 聞 件 州 縣令,並具合入人歷任、功 如 獄 府 知 獄 :所舉 + 奏,委中 各 ·召禍 此舉擇, 推 州 共 人,三司 同 官 -丞、知 一人、 流内銓,今日 之人,舉 通 舉 亂 共 判 舉 知 ,天下幸 書 則諸道官 同 雜、三院 大 州 副 知 看 主多 舉 藩 五 州 使、 詳。 1役,寬 知 人、 五. 知 甚 判 者,先 以 縣、 州 吏 委 知 共 官 後,所 十人, 得 縣 於 庶 縣 逐 舉 同 賦 幾 允 次 **令** 縣 路 知 舉

禄 之 萬 然後 時 物,聖人養賢以 ,必先養賢。 π 可 日 均公田。 以 責廉 隅、 養賢之方,必 及 臣 安職業 萬 聞《易》曰:「天 民。」此言聖人 也。 先 皇 厚 一朝之初, 禄 養 地 厚 民 眷

> 後,而 賒 夕。 當 諸 罪 於守選、待闕之日,衣食不 婚,女不得嫁 年,又授官待闕一二年者。❷ 不自足。 五 承 舉 之人,不守名節 仕門多,得官者衆。 物 七 或 五 度日,或不耻賈販, 價 到官之後,必 收 代 年 俸 至 復,天下 亂 不 禄 咸 離 賤之時,俸 替 不繼,士人家鮮不 之後 平已後,民 1罷 ,喪不得葬者,比 者。 郡 縣 民 來 吏有 之官 見 或 庶 禄 纔 至有 凋 逼, 庶 不 與民 姦 少 罷 弊 漸 輟 足, 至 贓 人除 去,便 繁,時 ", 士人 得替守選一二 争利。 窮 在 時 有 而 貸 比 窘。 天下 物 冒 不 補 有之。 債 至 八之家 入見 敢 法 物 至有 既非負 以 男不 賤 物貴之 一受贓 遂 苟 貴 闕 得 經 朝 朁

² 0 四 作「代」 庫 本 並《國 四 朝 諸臣奏議 本 並《國 》、《長編 朝 諸 臣奏議》、《宋文 》均 作

是 制 均,刑罰不 有 貧 禄之方,有所未 豪 弱 猾 百姓 而 不 正,比屋受弊,無可 理 敢 制制 不得 至 直 吏豪 ,冤不待訴,徭 民 得 奈何。 以 侵暴。 役 由 不 乎 於

未 臣 俸 重内 禮 受弊,豈止職 法,以直爲枉 者有矣。比之衣食不足,壞其名節,不 日 使 侵民之害。 吏,鎮豪猾之人。法乃不私,民 錢 給 屢 請 皆國恩 中 者給之,使其衣食得足,婚嫁喪葬之禮 尚 有臣僚乞罷 常之士自可 而 兩 真宗皇帝思深慮遠,復前代職田之制, 輕外,唐外官月俸尤更豐足,●簿尉 地同議外官職 二十貫。 也。 臣謂 以以 田之害耶? 能守節 枉爲直 職 今窘 職 守節,婚 田,以其 田 田,有 本 於 者,始 ,衆怨思亂,而 欲養賢,緣 財 又自古常患 嫁 不均 有不均之謗,有 用 以 未 可 則 者均 時, 制 無枉。 暇 而 姦 喪 之,有 增復。 能 侵 葬 贓 天 百 近 官 下 奉 民 之 以

> 曾經郡縣之人,深悉民隱, 爲邑之任,則百姓受賜。 不 法者,可廢 廢 然後 可 可) 誅,且: 以 責其 使英俊之流,樂於 廉節 又將 督其 亦 致 來陞擢,多得 善 化之本也 政。 爲 有 郡 不

惟聖慈深察,天下幸甚

1

不興。 農。 糴 於農畝。 愛膚體則畏刑罰 今國家不 善政之要,惟 政,政在養民。」此言聖人之德, 米二百萬石,❷其所糴之價與輦連之費 農政既修 六曰厚農桑。臣觀《 是聖人之德發於善政,天下之化 務農桑,粟帛常貴。 故《詩》有《七月》之篇,陳王業也 在 則 ,畏刑罰 養民。 衣食足,衣食足則愛膚體 養民之政,必先務 則寇盗自息,禍 書》曰:「德惟 江 惟 浙 在善政 諸路歲 起 翼 善

0

[「]唐」,原作「窘」,據《國朝諸臣奏議》、《長編》改。

^{) 「}二百萬石」,四庫本、《宋文鑑》並作「六百萬石」。

有 于 不 每 謀,將何以 名 賦 歲 無 斂 共 用錢 實。 歲 伐 故 濟 桑 粟 白 ? 棗 餘 帛 뾇 萬 常 貫文。 貴 而 介,府 爲 薪 庫 又 日 貧弱之民 勸課之方, 虚。 此 木 而

堤 利。 渠 於隣 數六百萬石 石 萬 蘇 則 有 通 Ħ. 四千 外外 計 州 塘 海 閉 圩 如 惟 又浙 國 H 可 閘, Ш 五. 臣於天下農利之中,粗舉二三以 有門閘。 出 · 頃。 點 以 代 每 米 時 拒 禦 群 西 故 開導,則 七百 檢簿 江 万 一 中 地 患 各 雄争霸之時,本國 圩 卑,常苦水珍,雖 惟 水之害。 稔之利,每畝 興 早則開 餘 書 方數 農 州所 時 萬 潮泥 利 修 石 + 州 , 自至豐 古 出 閘,引江 早澇 不得 里 之田 則 東 如 臣 得 南 大 無 Щ 不 一歲 詢 米 係 足。 每 有 摧 水之利。 及,爲 堙 城 飢 訪 二石 歲 出 溝 壞 之; 高 税 中 江 H 河 則 言之。 年 農 有 乞糴 供 至 者 臣 雖 口 南 之 則 知 有 以 美 潦 河 應

> 減 利。 患。 共 積潦之地,早年國家特令開決之後,水患 不 貫文者。 ❶ 南 則 皇 云 ° 困 圩 取 朝 七 曩 之淮 ,國不得 田 于 八 今江浙之米,石不下六七百文足,至 時 一統,江 今罷役數年,漸已湮塞,復將爲 浙 時民間錢 千 兩 南。 浙 人,專爲 比於當 西 未 南不稔則取之浙右,浙 不 河塘,太 故 歸 虚 朝 慢 五十文,糴白米一 矣。 時,其貴十倍,而 田 廷 於 事 蘇蘇 半隳廢,失東南 農 導 又京東西 政,不復 州 河築堤 有 誉 田 路 修 軍 石。 有 民 舉。 以 右 患 四 之 卑 不 不 減 大 大 江 自 水

² 0 百。 宋文鑑》改 水患」原作 貫 宋承前世之制 按、審前文「六七百 文者」,四庫本並《國 水旱」 行省陌錢。 四 文足」,此處似 庫 朝 本 諸 並《國 臣 規定以七十七錢 奏議》作「一 朝 當作 諸 臣 貫

州、 糴,則 術 也。 課之法,宜選官討 絶,數年之間,農利大興,下少飢歲,上 興 並 轄 去之害。 役, 委 F 頒賜 知 本 州 臣 東 縣、 半 州 軍 請 諸 南 卢 吏 軍 或合開河渠,或築堤 縣 每 路 歲 而 民 選 歲 令等, 轉 糴 罷,仍具 之秋, 官 計 ,各言農桑之間 運 辇 使, 論 運之費,大 此 定 古制 降 及 養民之政、 工料,每 功績 敕 面 下 賜 取 諸 聞 一本付 其 可 堰 可 路 奏。 歲 簡 減 陂 興 富國 轉 約易 省。 於二月 之利 塘之類 運 如 新 司 之本 從之 無 其勸 此 授 知 間 貴 不 口 **\$**

武。 軍 伍 + 寧 一之義 邦 四 無 國 自 七 貞 也 日 逆 儲 觀 唐 修 亂 兵 諸 初 武 至 伍 道 京 備 于 至 則 師 開 開 每 臣 開 置 元,百 元 歲 聞 折 + 末, \equiv 古者天子 衝 六 三十 時 聽 將 果毅府 耕 厞 軍 稼 年, 戎臣 官 之言,遂 六 屬 五 亦 軍 時 百 習 六 兵 七 以

> 飢,將 梗,邊 囂易 群 便可 大 之患,或緩急抽還,則 卒,輦轂無 豐足,經八 教 罷 而 祖宗以來,罷諸 盗 難 府兵。 循 ,無忠信之心,驕 過 直趨關 動 於改作者,所以 何以 備未足,京師 時,臣恐急難之際,宗社 今生民已 ,或財力 唐衰 濟? 十年 備 輔 此大 兵 矣。 侯權,聚 贍軍之策, 新招 困 屈,請 伍 可 蹇 皆 衛 重 雖 憂 無 外禦不嚴,戎狄 者 凶 市 兵多遠戍。 京 已 也。 可 聚 給 兵京師, 逆,至于 井 師 木 誅 不 市 之徒 可不 也。 生 遠戍者防 求, 充 井之輩 可 靈 憂。 預 或 則 衣 今 喪 無 虚 啚 連 或 西 糧 亡。 必 禮 一,而 進 府 ? 年 散 有 北 賞 邊 義 庫 賜 倉 若 陲 强 我 之 爲 邨 凶

唐之法,先 有 人,充京 無 闕 臣 數 請 畿 密 衛 於畿 委兩 如 士。 六 内 軍 地 得 并 以以 未 五 近 整 京畿見 輔 萬 須 人, 州 議 府 在 置 召 助 兵 軍馬 募 正 强 則 兵,足 壯 同 請 之 約 議

第 校 財 時 爲 之要 ,然後諸道效此 次第,並先密切定奪 教 强 戦 也 自 使 可 候 防虞 京畿 時 務 外患。 漸 近 農 可施 輔 聞 大 其召募之法,并 奏。 召 省 行 募 給 此實强 聖慈留 衛 贍 兵已 之費 意 成 兵 次 節 將

役。 中, 月 三百。 户,仍置 二十縣。 縣,天下 牧各實所部。」二府於是條奏,并省四百 詔 耗少,而縣官吏職 河南 一百數。 鞏縣 曰 : 而 西洛之民,最爲 八曰減徭役。 堪役者,不過百家 治府有户 至治。 今河南府主客户七萬 「夫張官 七百户,偃 十九縣。 新舊 一十九萬四千七百餘户,置 臣 循 置吏,所 臣聞 環,非 又 主户五萬七百,客户二萬五 窮 所置尚繁。 觀 師 漢 西 鰥 光武 以爲 千 京 而 寡 圖 所 孤 建武六年六 人 五千九百 回經,唐 供 百 令司隸、州 獨,不能無 也。 户**,** 役 人,不 今户 逐 會 餘 昌 餘 千

> 併一 農。 送所 事。 則 路 諸 官 者,皆爲一院。 仍先指揮諸道 歸農,則兩不失所。 自耕作,可 行於大名府。 舉文資一員,董榷酤關征 廳可給本 邑 耆保管,●亦減 存之邑。 三爲 其 所廢公人,除歸 臣 鄉 + 請 縣 村 依 耆 後 城 期富 其所 其所廢之邑, 漢 保 兵士七人至十人,替人力 公人願去者,各放歸農, 防 然後 故 地 團 庶 事 役 里 在邑中 候 州 農 遣使諸 $\widehat{+}$ 近者,亦令併合。 已下, 西京併省 遣 外, 餘 使 户。 役 有 之利,兼人烟公 並 先 道, 有使、 人,却 願 改 往 但少徭 居公門者 依 稍 爲 西 此 成 鎮,令本 京 州 可 倫序, 施 減省 兩 併 行。 能 歸 職 院 省

天子 齋 九 日 戒 衮冕,謁 覃 恩信。 見宗 臣 竊 廟 覩 ,乃祀上帝。 或 家 年 大禮 郊

木

原作「保耆」,據《長編》乙正

既 氣。 子及民之意,盡 存 桎 下 其 Ŧi. 成,還 L. 梏老幼,籍没家産,至于寬 歡 王 恤 百 呼 澤及物之速 孤 里,敢以 貧 御 介振舉 端 兩 赦 門,肆 月間 前 成空言。 滯淹之事,未嘗 也 事言者,以其罪 錢穀 赦 如 天下。 此。 有負聖心,損傷和 司存,督 今大赦 賦 曰 : 斂,減 施 罪 赦 行。 責 每 之。 書日 降,天 徭役, 如 使天 舊。 欲 行

天

用,並 應天禧 常 禮,察諸侯善惡 曰 者,並從違制,徒二年斷,情重者當行 有 所施 切 先 覺 臣 與 年以 今巡狩之禮 請 行, 八除放。 察 王 特降 糾 以 而 前 劾 省 三司、轉 詔 天下欠負,不問 朝 違者仰御 方 書,今後 無 觀 不 風 令壅 民 可 俗 運 設 復 厚 司、 遏。 史臺、提 赦 教。」 行, 薄。 書 州 内 民 故 臣又 有 縣 此 隱 宣 有 無 不 聖 點 無 布 聞《易》 . 切 洲 刑 侵 刺配 窮 恩澤 遵禀 順 狩 獄 欺 不, 天 動 之 盗 百

> 聽 後,精選臣 百 甚遠。 下百姓,莫不幸甚 姓疾苦。 臣 使赦 僚,往諸路安撫,察官 請 降 書中及民之事, 詔 中書,今後 每 吏能 一一施行。 遇 南 否,求 郊 赦

也。 行 而 故違、皆從失坐、全乖律意、致 改,此煩而 采百官起 而 重 臨主司受財而 令,令出惟行。」 準 弗禀。 其 弗禀之甚矣。 而違者,徒二年,失錯 今覩 十日 法 令, 國家 請 上失其 重命令。臣聞 無信之驗矣。 使 率爾 每降 無 枉法者,十五疋,絞。蓋 敢 威,下受其弊。 頒 律 宣 動 行。 文, 敕條貫 摇 ",將以 諸 ^ 既 者,杖一百。 又 書》 被 海 昧 (),煩 制 行 經 曰:「慎 壞大法,此 行 書 條 常 而 蓋 天 貫, 無 下 由 有 即 之政 先 乃 朝 雖 又 所 時 監 出 是 王 更 狂 輕 施

中 臣 樞 請 密 特降詔 院 看 詳 書 會 一,今後 議 必 百 可 官 經 起 久,方得施 請 條 質,令

行,並 並 害,逐處長 制 科斷,杖一百。 貫、失於檢用 書 仍 改 裁 明 行 須 望别 刑 及 條 爲 會法 八具緣 名者 到 制 貫 如 從 降敕命,今後 敕 並 職 事 違 律 ·, 並 ,然後頒行 由 後所受條貫, 干 吏,别見機 制 官 令繳 聞 刑 從 情 ,徒二年。 員 餘 奏,委中書、樞 失 名 參 納, 非 人犯 坐。 者 詳 故 逐 天下,必 免 會, 起 更 違 若條 海行 處 致 請 未到 敢故 於 者 須 當 錯 之詞 審 至 條 貫 職 並 亂 期 職 違者, 刑 密院詳察,如 質,不 官 便 差 從 遵守。 已 誤 生,於 上吏,親 删 宜 大 本 前 有 去 而 .條 不 理 指 所 施 繁冗 行 寺 事 定 失 降 以 被 其 行 錯 違 海 制 衝 條 勾

再進前所陳十事

合

理

道

即即

與

放

罪

仍便相

度

,别從更改

臣前兩次所上共十事,曾奉聖旨,更進

本,今寫録進納

平, 法, 并州 日 溝 足,然後 也。 也。 也。 及不 也。 之法,將以 次 將 日 修 河 取 ,天下可 U 百姓 曲 并修 -得陳 武 三日 縣 四 藝 約 五 法 日 備 業, 日 長 日 曰 濫 受 則 可 乞 擇官 精 抑 江 明 吏,將以 均 進 憂,請 救 賜 害 以 將 爲 館 南 貢 僥 朏 公田 水旱, 也。 民, 責 以正 長 責 閣 兀 舉。 陟。 野 倖 密定規 士大夫之廉節, 實 方 職 請 田 六 正 效,使 教 無 爲 事 豐 及諸 爲天下 爲 爲 更賜均 爲 曰 綱紀,去疾苦,救 將 化之 事 舉 稼 重定文武百官奏蔭 重定 天下官 厚 制 , 京 穑,强 轉 路 以 天下 農 本,育 運 陂 給公田 舉 文 革 相 師 桑。 使、提 塘, 人先 武 濫 時 更不 小 政 或 備 賞,省冗官 百 而 卿 事 爲 庶 仍 力 取履行, 官 行, 士: 天 廉 點 無 責 既 大 也 行 磨 一之材 諸 下 生 刑 不 以 勸 使 則 循 勘 舉 政 豐 民 獄 衛 调 + 課 道 曲

書内 省徭 宗社 以感天下之心也。 而 徭 役 役,庶 違者,請重其法,以 宣布恩澤未嘗 以以 至繁,請 寧 寬 邦 民 依 或 力 漢 也。 十日 光 也。 施 八 武 行,并請放先朝欠負 故事 行天子之命也。 曰 九 重命令。 日 減 覃 恩 信。 ,併合縣 徭 役。 爲制書忽 爲天 强人,以 爲 赦 下

一一行之,則天下之幸,非臣之幸也。涉細碎,而於國體甚大。乞聖慈再加詳覽,臣之所陳,蓋欲周悉,故言辭之間,有

奏乞下審官院等處應官員陳訴定奪進呈

班 中 理 理分明,可 院、 書、 會 」勞績, 臣 流 樞 竊見京朝 密 内 院 行 或訴 銓 可罷 别 未 説過 見 有 官、 "者,則 條 根 使臣、 犯,或 例 原 文字,及 朝 難 廷 選人等進 便 陳乞差遣,其 便有指揮。 與 恐 奪 者,多批 審 官、 狀, 内 事 或

度進狀,不能結絕,轉成住滯。便不施行,號爲送煞。以此,官員使臣三五送逐司。其逐司爲見批送文字,别無與奪,

院、流内銓者,仰 遣,朝廷未有 選人等進狀,理會勞績,訴雪過 使臣、選人等重疊進狀,紊煩 如不可施行,亦仰逐司告諭 進呈,送中書、樞密院再行相 有合施行者,即與勘會,具條 逐司主判各揚其 臣欲乞特降聖旨,今後京朝官、 與奪 八職,事 逐司主判子 指 揮 無漏 · , 只 批 落。 本 聖 度 例 細 人知 送 聽 看 審 犯,陳乞差 情理,定奪 别 亦免官員 詳, 官、 悉 取 、使臣、 所貴 進 三班 如 咋 内

奏乞定奪在京百司差遣等第

事 體不同 臣 竊 見 内諸 今來 臣 司并百司, 僚不拘 官職 顯 有 大小,各取 緊 慢 高下,

便乞勾當,紊亂綱紀,深屬未便。

勾當。 中 越,所貴百司有倫,不至輕授。 下等第,各合係何等官職,及合入何差 諸 司高下等第,令三司定奪在京 欲 既定高下等第,則陳乞之人,不 乞特降 ... 揮,令入 内 内 侍 省 百 定 敢 遣 司 奪 踰 人 高 内

奏乞差官看詳投進利見文字

專。 利病, 及于邊機 文字至多,不暇 進 自來曾差兩 ,并奏到利見文字。 動經歲 臣竊見天下官員 、時,不 制 臣 子細 僚 能 可行之事 各 與 看詳。 有主 使臣諸色人, 奪 中 書、 丁, 恐 判, 其 樞密 中 有 去 處 須 院 漏 不 有 日 落 以 得 民 有 公 事 精 雖 間 投

員,就近置局,看詳官員使臣諸色人所投進臣欲乞特降聖旨,權於館閣選差官二

僚更加 送看 替。 達, 及 奏 庶 所看文字,須旋 詳官 到 所有機密文字, 政 詳 利 有補。 虚。 見文字。 酌 了; 逐 旋 其 取 看 内 即 自 詳 旋了當,不 有合行 兩 官,每 施 府依舊自 行。 事 季 所 件, 得 或 貴 行, 交 半 下 兩 割 年 更不 情 府 後 盡 臣

奏乞救濟陝西飢民

闕 擘畫 甚無 府 絶,臨 等處,今夏災旱,得 即 臣等竊見陝西永興軍、同、 時 百姓大段流移 轉漕 官中 示 · 倉 廪 、 及 雨 , 殍亡者衆。 亦 最 無 晚。 積 貯。 耀、 民 間 華州、陝 若不作 兼軍食 秋 稼,

「病」,原作「濟」,據四庫本改。

臣

等欲乞朝

廷

速降

指

揮,

委本

路

都

轉

年 事 仍 於黄 及 運 七 狀 辦 使 速 月 聞 給 河 孫 行 奏,候 四日 軍 内 沔 相 食,有 搬 度 速 沿 輦自京 臣 到 相 一、乞朝廷早 路 范仲淹、臣 何 度 次 如 H 以來 第 何 件 計 州 斜斗,❶ 如 綱 韓 賜 軍 難 琦 向 施 即 爲 行。 去 不 往 擘 救 至 彼 書 濟 慶 艱 應 曆三 即 飢 阻 副 便 民

奏乞罷陜西近裏州軍營田

之意 州 令分 佃官 可 邊 人户分種,或 縣 以 追 種 莊 ,將遠年瘠 開 臣 寬民力。 一等竊 擾, 每 地 墾外,其 土,每 無 畝 見 時 令送 須 陜 薄 畝 近 暫 收 除 西 裹 無 暇 出 沿 數 納 昨 州 課 人 邊 斗 和 來 請 縣 緣 不 有 課。 致 興 人户 過 官 佃 空間 貧 置 更,不 逃 一二斗,今亦勒 又自 自 户 誉 田 膏 輸 \mathbb{H} 用 來 腴 能 抑 納 兵以 本 人 勒 體 地 不 户 沂 朝 + 欲 來, 前 租 處 鄰 廷 助

> 及營田 恤 蒔 覩編敕指揮,不得將逃户田 科 率勞弊 ,不可非理煩擾,使之重困 蓋 恐 害 至於己 其 民。 所出 况 租 〕業尚 今歲災旱 課,多 多荒 是 士, 廢 抱 尤 抑勒 虚 實 甚 送 無 理 親 納 餘 當 隣 力 佃 優 切 更

出課。 營田 人請 疲民受賜 佃 臣等欲乞特降指揮,應陝 者, 如元係遠 切廢罷。 ,歸感睿仁。 即與減定税 年 如 瘠 元 薄 臣范仲 額 係 逃 租 召人請 田 佃 淹 舊 西 即 税 臣 令依 近 佃 額 韓 裹 重 所 琦 州 舊 貴 無 軍 額

奏乞擇臣僚令舉差知州通判

人)則 致化,失其人則 臣 等 竊 以 天下 郡 召 邑, 亂 牧宰 推 擇之際 爲 重。 不 得 其

■「斛斗」、《長編》卷一四二引作「斛米」,疑是。

三八九

者多。 怨,亂 無二 通判、 不慎 誠 均,刑罰不當,科率無度,疲乏不恤,上下相 牧宰賢愚之異也。 天下 所 窮,將思爲盗。 謬政之下,民常受弊。 知,或舉主非賢,則多謬薦 國家之深憂也。 三,謬政者十有七八。 一體,何則? 所 縣令, 才與不才, 或 由 家 生。 承 因 平 舉薦 復使不才之吏臨之,賦 若不急於求人,早革其 以 然自 來,不 今四方多事,民 擢 塗 能政之處, 任 非國家法令之殊,蓋 並 來雖曾詔 者 無 進。 少,以 或 輕 家詔令程式 授 故 民必蒙 能 資考序 臣僚各舉 應 政者 日 知 役 以 福 州 + 不 困 谁

奏到 院 上 成 臣 資 姓名,即逐人各賜 僚、各於朝臣中薦堪充舉主者三人,候 員充通判, 臣 包上一 等欲乞聖慈 員 簿尉中舉 充 特降詔 知 州 敕 有出身三考已上、 一道,令於通 知 書, 縣 委中 内 舉成資 書、 判 樞 $\hat{\mathbb{E}}$ 内 密

> 罪。 當議 臣 明言,所薦之人,若將來 録 無 韓 中舉五考已上之人充京官知 出 身 琦 所貴生民受賜,寇盗自息。 旌賞,若贓汙不理,苛刻 四 考 員 充 職 官 顯有善政,其舉主 知 縣 害 或 縣 民 臣 於 並 一范仲 仍於敕 職 官 今

奏乞將先減省諸州公用錢却令依

禮 命往 家逐 等九 道 客 加 寝勞。 「, 野 ,十里有廬,廬 還 處 州 地官》有遺人掌「郊里之委積, 臣 鄙 置公使錢者,蓋 有 軍公使錢共一千八百貫文。 竊 之 見朝 蓋 行役之勞,故令郡國 委 |養賢之禮,不可 看, 旨下 有飲食",三十里有宿、宿 以 陝西 待 羈 爲士大夫出 ,省罷同、解、 旅 廢 付饋以 也。 凡 酒 謹 國野 以 入及 切 乾、 按《 食, 待 以 之 唐 或 使 威 耀

嗟。 豈 虧 錢 薄酒二升,既無公用,更不赴筵,亦不張樂, 宴犒之具,雖條貫 况今來逐州 獨 後,邊兵歇 之資,廢十餘郡之禮,是朝廷未思之甚也。 百貫,只養得兵士一十八人。 名,歲不下百貫。 時頒之。」此則三王之世,已有廚傳之禮,何 有 館,候館 人,自能約 民 朝 處,收買 次舉行,軍員各給得錢壹伯文已來,官務 聖朝顧 路 《愈甚。 廷宴饗將校之意? 當全盛之朝,豈宜如此? 室, 有 路 小利而亡大體? 泊,動 束。 食物、搔擾户民。 積。 室 是見其小 使命之外,各有軍營。 有 凡委積之事 如 委。 經半年。 非其 有旬設之名。 今減省得公用 而不思其大也 Ŧi. 人,更出己俸買物, + 州郡 軍中 里 且今贍 殊不知郡 巡 有 削 以一 或謂 市, 人員,並 而 弱,道路咨 逐 錢 比之,以 每 十八人 州 市 有公使 一千 民 年 守得 兵 有 每 春 月 無 候

> 舊。 際,於此 深知此事。 東路轉運 庶協 伏 望 典 聖 司,昨來經減 事, 近貳 慈 禮 一,稍 速 尤宜 樞庭,豈當緘默? 降 息 照管。 指 物 揮,下 廢公用錢處,並 論 臣等 况朝 陜 西、 久 廷 在邊任, 河 臣范仲 用 北 一令依 武 河

奏乞差官陜西祈雨

淹

、臣韓

琦

心 每斗一 興、同、華、陝 五. 是老年病 燒香,切見本廟 廷闊遠,舍屋 嗷嗷 嶽之意,似 臣今月五 百五十文足, 賊 患, 盗 不少。 、虢 供 甚 非 日 應 有老醫官一員監當 多,只有 嚴 至華 以 灑埽不前。 謹 來,無二三分秋苗 兼 州 鄉 今來關中大旱, 華 剩 村 陰縣 員 無 一 十 在 可 收 國家崇 四 西 糴 人, 其 嶽 粟米 永 廟 奉 盡 廟

民。 崇奉之禮,不至廢墜。 貌祭器法物,并添差兵士,灑 祭告 1,并於 仍乞委轉運 欲乞聖慈選 陜 西 使 靈 精 湫 一員,赴西 謹 等 使 處 命 祈 至 埽 雨 西 嶽 防護 澤 嶽 廟 點 廟 以 所貴 檢 救 專 廟 生 行

奏爲災異後合行疏決刑獄等六事

憂畏之心,合於天意。 以及民,并詔臣等謹省刑法。 此實見聖人臣今早親聞德音,謂復有災異,當修德

降。 不能存活者,特行賑 不罪己祗畏, 二、遣使四方,疎 、齋誡發誠,特降 三、韶天下 臣今條奏數事,皆陛 以 州 決 告 縣 刑 中 詔 恤 長 獄,非害人者,悉從减 外, 命,明言災變屢見,敢 吏, 四 下增修明德之要。 群 訪問 臣 詔 同 逐 民 心修 處 間 籍出 孤 省? 獨 陣

> 原,仍差近臣 不得催理,違者官吏科違制之罪,遇赦 六、詔諸 民 亡之家, 被 戎 狄 處 察 驅 其 欠負,已該 置 虜 寡 司 者, 弱 與 量 奪 别 赦 加 支 恩 官 存 除 養。 物 放 贖 五、邊 者,官司 還 本 陲之 家 更

戒。 天下幸甚 綏百姓,三年 下今日因災修 昔商中宗桑榖共生於朝 陛下力行 前 德, 此 歸 數事, 者十六國,號爲中興。 則 福及兆人,道光千載。 下悦 懼 民心, 而 修德,撫 上答 陛 天

答手詔五事

下 下以生靈爲念,臣等不任慚恐戰 蒙獎用,待罪二府。 ·, 過 臣等伏奉六月一日手 煩 聖慮,特 降 德 不能 音。 變理 詔 上 云云。 以 彌 汗死 宗 縫,致化天 廟 臣 罪。 爲憂, 一等各

之帥。 邊陲 難信,止可權宜。 之,今元昊遣人到闕 一、以防來患。 詔旨 若和 謂 好且 合 用 合,亦須 何 見選人具名聞奏次。 如翻 人,鎮 名體 [覆未寧,則當擇 藉鎮撫之才, 彼 稍 西 順 方。 其 如 臣 節 經 戎 等 制 度 人 思

之財 用自 之間 愈削 但 踰 使天下官吏專於勸課,百姓勤 旱之防,收天地之利。 支財用自贍天下之兵。 之,國家革五代諸侯之暴,奪其 國 百萬。 困 '大利可見。 邊事一聳,調率百端。 家輕變其法,深取於人。 韶旨謂民之困弊,財賦 通 水旱無備,税斂不登。 濟 今方選舉良吏,務本安民。 今須 無滯。 、朝廷 又山海之貨,本無 又減省冗兵,量入以出 集議、從長改革 而更嚴著勉農之令, 歲 月既深,賦 民力愈 未强。臣等 減 商賈 於稼 威 放之數,動 の窮,農 ,使天下 不通,財 穡 權 窮竭, 數年 修水 斂 以 功 議 日 度

則富强之期,庶有望矣。

其中。 事,陝 琦、 范仲淹所上備邊文字内,有 詔 西七事。 臣等見商量施 旨 謂 軍 馬 精擇兵馬及攻守之策, 尚 多, 行次 何 得 精 當? 河 北 五. 近 六 韓

不生。 别白 佐 先因許懷德、張亢不協,曾指揮 之中 撫 詔旨謂: 故長帥之才,不敢輕易選用 遏 性 ,隨才任用,使各得其 情 將 不 臣 類,愛惡 不 . 和 如 何制 相 攻, 置? 戒 所,則 全在 勵 主 怨惡 然將 密院 帥

躁進 之,趨附者抑之。 進 退之。 懷貪之人,何代無之? 詔旨 如責人實効,旌人 [謂躁 進之徒,宜塞 如此, 則多士知勸,各 静節,貪冒 一奔競。 由 朝 廷 臣 辨 者 等 明 生 廢 謂 而

代名臣奏議》卷八一作「處制」。 「制置」,原作「制」,據《長編》卷一五〇補「置」字。 《1

0

三九四

廉讓之心

奏乞重定三班審官院流内銓條貫

司屬高下,頗害至公。臣僚,卒難詳悉。官員使臣,莫知涯涘。故來,條貫極多,逐旋衝改,久不删定。主判來,條貫極多,逐旋衝改,久不删定。主判

行。 樞密參酌進呈,别降敕命,各令編成例策施 員同共看詳,重行删定,畫 官、三班院并銓曹取 欲乞聖慈特降指揮, 索前後條 選差 一聞奏,付中書、 例, 臣 與主 僚, 就 判 官 審

奏議尹洙轉官

臣竊見尹洙才業操行,搢紳所推,由臺

越次。 未安。 未便。 晚。 勞,又不改路分,偏受寵擢,衆情非便,於體 遷、張肇之下,去年秋轉司諫,管句 閣 述可采,即與改職,却令馳往邊 事,且乞召尹洙赴闕,令條 除待制,又遷在部署狄青之上。 公事,遷在鈐轄安俊之上,●才方半年,若就 進 用 既因啓沃,面受殊恩,邊臣聞之,不爲 緣去年春是太常丞,在路 如須合進擢, 便 可 直人 兩 制 即 今將人夏,邊 若 奏邊 邊 城 事, 上,亦未 驟遷 既 分都 不 觀 經 其 上 因 略 監 則 爲 陳 無 功 許 有 司

續奏乞於職官令録中舉充京官知縣

臣近與韓琦上言,乞擇舉主,令逐人於

❶ 「俊」,原作「後」,據四庫本並《長編》卷一四七改。

於理未 密院 於簿 以上之人充京官知縣 知縣一員」下添入「或於職官令録中 僚舉官,其體 通 点遺才。 判 中 X 尉 舉 便,欲乞只作朝廷憂勞之意,特選臣 搋 中 次,臣 ·舉 知 職 州 甚 官 重,仍乞於「簿尉中 看 知 員,於知縣 詳敕 縣 二,計添 員。 頭 名,署臣等上言, 中舉 已蒙降敕 十九字,庶 通 判 舉 ·舉 **公**, 至 拞 職 員, 考 官

奏爲赦後乞除放祖宗朝欠負

定放 不係 桎 兩 月 梏老幼,籍没家 欠負 侵欺盗用 間,錢穀司存將欠負之人,依舊督 蒙聖恩已 臣 伏覩 見滑 或 差 該 家 州酒 楊 赦 每 産。 日嚴 欠負次。 務有少欠雜物,係專 降 、王質與三司詳定, 既失大信,且 赦, 臣舊曾在三司 萬 人歡 呼。 責, 副 至

> 放。 欺。 告,干繫人吏,並 祖宗朝天下欠負,更不問侵欺 **豈陛下愛育生靈之德**? 納,並不知祖父如何少欠。 四十餘界,計八十來年登戴少數,又不 資,諸處承受施 其勾當人亡殁年深,只追貧 如省司更不 舉行,許 坐違 行官吏 制決停,告 並 臣 三司 似 欲 科 盗 特 此 違 知 用 出 刻 弱 制之罪。 事 次 聖意 並 剥 子 第 X 傷民, 與 與 孫 顯 人 轉 陳 除 應 理 侵

奏乞指揮國子監保明武學生令經

略

部

署

司講説兵書

習 藝。 臣 竊 或 恐 聞 英 或 豪 家 隱 興 置 晦 · 耻 武 學 就 以 學 來 生之列。 ·, 苦 未 有 爣 人

❶ 「已」,原作「官」,義不可通,據《歷代名臣奏議》卷一三

字、的有機智、武勇久遠可以 經 以 讀。 更知將略,或 兵書,❸討論勝策,所貴邊上武勇已著之人, 五人,令經 之人,則未曾習學兵書,◎不知爲將之體,所 英材,於體未便。 久設 本監官員保明,委是忠良之人,即密令聽 立武學之名,❶如學生中有好習兵書者, 略司,於將佐及使臣 未堪拔擢。 此學, 臣切見邊上甚有弓馬精 略 無 因 部署司參謀官員等密與講 人可 欲乞指揮陝 而 欲乞指 教 立功,則將來有人可任, 則 軍 慮 揮 員 西 外 國 中, 强、諳 路、 爲 人 子 將者,取 監 窺 揀選 河 覘 知邊 東 逐 識 須 謂 路 事 文 明 無

奏爲置官專管每年上供并軍須雜物

即

不

得聲張多教人數。●

臣竊見兵興以來,天下科率如牛皮、筋

憲。 角 禍及生民。 直,豈能補其瘡痍? 重 蠟,一切之物,皆出於 土産之處,素已難得。 乖。 、弓弩、 物價十倍, 吏辱百端。 一年之中,或至數 材料、 箭幹、 蓋是國家不能 民,謂 鎗 既 幹、 四。 稱 輸 膠 之 軍 納 官中 和 鰾 須, 未 買。 翎 前, 動 雖 素備 給 加 多 如 價 非 負 漆 刑

處 副 司 見 屬 在 每年合要上供 伏望聖慈委三司 三五人,别置 數 目,置簿拘管。 并軍 選 司,專管天下 差官并有 須雜物, 如 朝 廷 先 取 行 科 索 勘 止 并 會 率 心 外 諸 力 應

並上

文

0

未曾習學

兵書」改

❷ 「則」,四庫本並《國朝諸臣奏議》作「即」。❶ 「明」,四庫本並《國朝諸臣奏議》卷八二作「别

[「]書」,原作「馬」,據四庫本、《國朝諸臣奏議》「則」,四庫本並《國朝諸臣奏議》作「即」。

[「]不得虛張多放人數」。

買。 揮。 無 土. 到 依 外,將少數下諸 處 久, 豈可 仍於土産處,許將二税沿納錢并場務 切於此。 産之處,自 數 市 奏乞之時, 價 如此,百物有備 目 取 逐 如 人户 度 尚 如允臣 須索 即 「無煩 少 情 處 先 闕,亦只 願 7,旋行 點 和 上所奏, 撓。 折納,不 更無 買, 檢見在物色支撥 誅 國家 亦大 就 即乞特降敕命指 非 求 土 . 得 ? 時 大 段 産 抑 八計,須 科 蘇 減 率。 處 勒。 得 息萬 置 課 分 爲 應副 其 場 據 民 數 利 經 非 納 收

奏乞兩府兼判

邦教 爲 太公、周公、召公,周之三公也,以 師 傅。 臣 謹 官宗伯掌邦 又天官冢宰掌邦治,地官司 按 \equiv 代之制 禮 皆 夏 立三公,建 官 司 馬 論 掌 道 六 邦 徒 經 政 卿 邦

> 職,取 從其長 之六 秋官 祚緜久,至八百年 卿 司寇掌邦禁,冬官司 其 也,各帥 重 小 也。 事 則 其 周用 專 、屬,以 達。 此 制 亦以三公兼六卿之 佐 而 空掌 王 理 王道大興,世 邦 邦 國 土 大 此 事 周

各帥 當 綱要,體周之三公下兼其六 廷於百職中,選其務之重者,命輔臣 庶政不修,天下 三公論道之職,下不專六卿佐王之業。 循資級,評論賞 之職、各散於群 夏官司馬之任。 三公兼領之重。 約 其屬,以 今中書乃天官冢宰之任, 而 我國家有周之天下,未 申之,以治天下,則可 佐 理 木 罰,各遵 有司,皆無六卿之正,又無 其地官、春官、秋官、冬官 而 邦 理 兩 國。 一、咎將 府 條 間 唐貞元 例之外,上不 惟 安歸? 能 卿,法周之六 進 行 1 樞 擬 周之制 中,韶宰相 長 密 差 院 世 兼 臣 除 之 領 請 乃 業 卿 車 多 古 其 朝 雖 亦

政之弊可救,天下之治可 轉運使,是宰相下兼其 造 齊 不修舉者,朝廷得以責之。 判 映 户 判 部、工 兵 部, 部 李 勉 又嘗 判 刑 職,以重其 命 部 期 宰 ()惟陛 輔臣任責,則 劉滋 相 兼 判 下裁擇。 諸 事 吏部 也 道 鹽 庶 其 鐵 崔

罪而 歲黜 善惡 退者幾人,各分其類,具目進呈。 陟之數,以何等功而 ,黜陟幽明,使賢者知勸。 、審官是京朝官所集之府,固當區 進者幾人,以 歲終書 何等 其 别

進呈。 隱 歲終,書其一歲之黜 天官冢宰之任也。 權勢之與孤寒,優便之與 方協至公。 何等罪 、吏部流 而 况群 内銓條 退 者幾 臣請 陟,以 材 詔 所聚,倚在銓品,亦 人,各分其類, 命輔臣 遠惡,在乎均 程 何等功 式,頗聞 兼 判。 而 進 煩 具 者 每 平 碎。 目 幾 至 惻

國子監又諸道郡學,❶聚天下之士

處官員 許郡學 總天下 别行敦遣,以勸天下之士。 學之士,鄉里所推重者,不以 此 講 地官 議 詩 ·郡學。 士衆舉 更體量名實相副者,保明聞 書,服習禮樂,長養賢俊,爲 司 徒之 每 履行善狀, 詣 職 遇 也。 科 場 臣 開 請 日,或有德 命 所 應舉不應舉, 輔 屬 臣 薦 奏,當 國 兼 舉。 判 器 行 用 逐 文

終,盡 臣 放困窮之數,具目進呈。 利源,以救天下之弊。 經費以艱。 請 命輔 一、三司天下金穀之府,今窘 其減 臣 省冗費之數,增息財利 刻剥既深,生靈 兼判,此當今之急務。 此地官司徒之政也 重 困 之數, 每至 宜 疏 蠲 歳 涌

濟 生民。 一、司農寺管天下常平倉, 今逐 處 弛慢,不爲急 本欲 務, 倉 IXI 廪 歲 漸 用

於

財

用

也。 平倉增損之數,并親民官勸課功狀之優者, 農之政,新頒詔 並合委本寺考校以聞。 虚 ,災傷無 臣 請 命 備 輔 臣 赤子之命,委于溝壑。 令,其天下官員 兼 判。 此亦地官司徒之政 每 歲 終,以 勸課勞績 諸道常 又勸

具

目進呈。

寺用 禮 廷之所重 神 法,隨時縣蕝, 樂有 祇不享,禍罰可召。 歷 所損益 、太常禮院用歷代之禮,或 代之樂,或八音失 也。 臣請命輔臣 ,或廢墜有所修舉畫 綱紀寖壞,制度日隳。 此春官宗伯之職, 兼判。 序,慢於大祀, 至歲終,具 不謹 一進呈。 太常 於典 朝 則

以 穀 難 輔 所 臣 於區别。 選人數,具目進呈。 兼 可付以 、三班院使臣 判。 常選 磨勘差 親 民,或可任 口 用 遣 數千人,其品 於邊 一, 日 有榮悴。 以 (陲,或 殄寇,至歲終, 口 流 臣請 委 至雜 以 錢 命

> 判。 習。 精當 大。 之效,具目進呈。 此 至每歲終,以 更成邊鄙, 夏 至 殿 官 於 前 司 戰 馬 馬 陣 要在均平。 步 之法, 將校選擢之數、軍 之政 軍 司 也。 號 總 轄 令之要, 揀擢 臣 諸 請 軍, 材 命 勇,責 皆 其 旅 輔 服 臣 須 體 其 兼 服 最

臣 帝三王,盡 中大辟、流 辱,繫於筆下。 人數進呈。● 請 命 、審刑、大理寺評天下之法,生 輔 臣 罪 心 兼 以 此道。 判。 禍及非辜,怨動天地。 特 恩減放并法寺辨明出 每 即 至歲 秋 官司 終,具天下斷案 寇之政 故 死 也 築 五.

寇之政也。今官屬寡弱,與審刑、大理寺勢下訴冤之奏,盡委刑部辯之。此亦秋官司一、刑部一司詳覆天下已斷文案,凡天

) 「人」,原無、《歷代名臣奏議》亦無,據四庫本補。

天下 無 不 人數進呈。 相 · 斷案 雪。 敵 豈 詳 臣 敢 覆 請 盡 到 命 行 差 輔 駮 失公事 臣 正 兼 ? 判 丁, 并 故 至 沈 辯雪過負 每 冤之人, 歲 終, 冤 具

依 然 體 重 其 事 舊 後 者,别具奏呈,令中書、樞 創 開兼行。❶ 奏 置新 右伏望 有利害者,並令兼 取 敕 規,更改前弊,官 聖 裁。 慈 其 逐 各 委 司 輔 常務, 判 臣 輔 吏 兼 密 臣 黜 判 院 即 與 陟 前 更從 主判官員 奪,其大 件 刑 愈議 職 法 司 輕

再 奏乞兩府 兼 判

傳 蓋 三代命 欲 則三公兼卿事。 朝 臣 官, 昨 廷 上 綱 以三公論 愚見,乞韶 紀 並 舉,以 又漢以三公分部九卿 道 兩 ,六卿分職,按 救 地 大 輔 循之弊。 臣 兼 領 要務 伏以 於

> 院、流 其 樞 弊,未能復三代漢唐之制,事 領 唐 之職,而 官,並是權假。 分職之業。 書是冢宰之任,而四人或 職 職。上不專三公論道之事 密院 事任,著於方册。 以 六尚書分部二十四司, 内銓、司農寺之類,是朝廷六官 是大司馬之任,亦 皆用人權知權判,無一正官,莫 其 六尚書、九卿之位,皆 如三司、審刑、大理寺、 我 或 四 家 五. 人 人 多 承 亦 下下不 嘗 或 共 五. 權 代 命 五. 司 宜 兼 人 破 宰 九 審 無 六 共 職 今中 散 相 安 卿 卿 之 兼 官 司 正

丁 度三人權判 臣 到 闕 數 ,❷其審官院 月間 見 審 刑 經 院 富 梁 一弼、王 適、 一拱辰、 宋 祈、

宋祈」 兼」,四 庫 本作「施」。

當爲「宋祁」之誤。 宋 祁 知 刑 院 在 慶 四

四 大 孫 臣 方多事。 ,苛政未寬。 又不任責,豈是 權 判,本曹盡 兵戈未息, 設有飢 永 饉 財 圖 非 相 利 ? Œ 已乏。 仍,盗寇競起 官,數易無定。 今二虜至强 生民 久

其業。 雖 政令既行,則天下自理。 振 竭其力,以持危墜之勢。 困 可 下從臣前議,且 六尚書之位 將何以定? 天下可憂。 濟。 有水旱,而百姓 百 司 雖 陛下既 之綱紀。 有 夷 ,則體大難舉 (狄, 而 能 詔 責 綱 富庶,自不爲 兩 兩 紀 地 中 地 備用, 輔 或 使吏安其職,民樂 之職業,大臣 臣兼領要務,庶幾 , 卒不可定。 明盛,彼 如欲復三公九 國家當令大臣各 則政令既行。 亂。 不我輕。 然後社 必 願 能 陛 卿

列, 處 夙夜思報。 如 朝 非 廷不 才多難,分甘遠棄,蒙陛 以 臣 職 願 業責 爲百司 於輔 中 臣, 領 而 下 最 擢 伺 其 居 私 難 輔

稷

可

久,生靈無禍

再三冒昧懇切之至。 過,無補國家之政,不爲社稷之福。臣無任有過咎,然後廢黜,臣恐人人自全,但求免

進呈周朝三公六卿漢朝宰臣兼判事

周官:

三公

太師天子所師法。太傅傅相天子。太保保安天子。

不必備,惟其人。三公之官不必備員,惟其人有兹惟三公,論道經邦,變理陰陽,官

德乃處之。

六卿

天官卿,冢宰,掌邦治,統百官,均四海

今中書之任也。

春官卿、宗伯、掌邦禮、治神人、和上下。地官卿、司徒、掌邦教、敷五典、擾兆民。

夏官卿,司馬,掌邦政,統六師,平邦國。

今樞密院之任

也

四〇

四〇二

冬官卿,司空,掌邦土,居四民,時地 秋官卿,司寇,掌邦禁,詰姦慝,刑暴亂 利。

勞農,饗食之。 平,平其計。 有所改爲。 伯,大成兆民之性命。 屬六十官。以倡九牧,阜成兆民。以倡導九 六卿分職,各率其屬。屬謂大夫也。 六卿以百官之成,質於天子。 百官齋戒受質。受平報。然後休老 成歲事,斷計要。 歲終,天子齋戒受諫。 制國用。 每卿之 質猶 諫當 州牧

漢制: 伯爲之。宗伯第三,彤伯爲之。 畢公領之。」此周時三公,各兼一 曰:「冢宰第一,召公領之。司徒第二,芮 云:「三公下兼六卿。」《尚書》孔安國 人。」鄭注云:「三公者,内與王詢道,●中參 六官之事,外與六卿之教。」《周 《周禮》大司徒職云:「二卿則 卿之職 司馬第四 禮 正 公一 義 注

三公分部九卿。

司 太尉所部: 徒所部: 太常、衛尉、光禄 太僕、鴻臚、廷尉 三卿。 三卿。

唐太宗朝:

司空所部:

宗正、少府、司農三卿。

宰臣兼職 事。

蕭瑀内外考績,委之司會,唐之尚書

省,今之三司。

高士廉攝太子少師,特令掌選,

杜 如晦知選 事;

馬周爲中書令兼右庶子;

戴胄 專掌選

中宗朝:

宰臣崔湜與鄭愔同知選事。

代宗朝:

宰臣元載領度支轉運使;

德宗朝:

宰臣 喬琳兼京畿 觀 察使;

竇參兼轉運 使;

齊映兼判兵部; 李勉判 刑

劉 滋判吏部;

崔造判户部、工部。

文宗朝:

宰臣楊 嗣 復、 李珏 同 領諸道 鹽 鐵 轉 運

使;

李珏依舊判户部;

鄭覃 判國子祭酒

武宗朝:

宰臣杜琮判度支鹽 運 使;

曹確充延資 「庫使。

皇朝開寶中:

宰臣薛居正領淮 南、 嶺 南、 湖 南等路 都

范文正公政府奏議上

提舉三司水陸發運司;

同 列 沈 義 倫 兼 荆 南、 劍南等道

都提

舉

三司水陸 發 運 使

三司司農寺

開拓輔臣

兼

領職任條目:

今戎事未息,三司主天下大計,而財力

已困。 又司農寺管天下常平倉,以備水旱,

臣一員兼掌,重爲經制,取天下歲入之利并 賑救生民,亦可督天下勸農之政。今委輔

歲給之數較之。 有所不足,則須專置農官

以廣天地之利。大變商法,以行山海之貨。 每至歲終,具天下減省冗費之目,增息財用

數,及取天下官吏勸農課績之優者,畫一進 之法,蠲放困窮之數,并常平倉增收賑發之

呈。

群牧司

今諸路騎兵絶未精 强,諸 軍 闕馬,人多

四〇三

格盡 强。 較 相 之漢 與 个答怨。 筋骨必可帶甲衝突者,方得均與諸 每至歲 唐 增 今委輔 《終,具括買并滋息之數,及 葺 苑 監 臣 庶 於多 員 兼 中選 領, 專 擇 修 口 馬 揀選 得 軍 政 精

班

院

别。 用 邊 民,每季具 無不當 陲,或可 今委輔 今三班使臣 所選 擒 臣 寇盗 到 數千人,品流至多,難 員 人數進 一, 或 兼領,常切選 可 呈,❶則人品自分, 幹錢穀,或 澤。 可 委親 於區 可 任

太 常寺、國子監

太常寺掌歷代禮樂,上以奉

子監 輔 樂 損 臣 并天 益 天 之事 員兼 地宗 下 ,并天下教育之數進呈。 領,以 廟 學校,是國家 次 重其 則 正 事。 朝 廷、序人 育材之府。 每至歲終,具 倫 也 今委 或

審

官院、流内銓

若干 輔 臣 審 員 官 陟過選 院、 兼 領 流 每 人若干進呈。 内 至 銓 歲 是 終, 天下 具 掄 旌擢過京 材 之府 朝 今委

審刑、大理寺、刑部

具天下 今委輔 下已 道 筆 及法寺辯 故君子盡 一,辯 下。 斷 經 正 · 斷過 禍及非 臣 文 曰 冤訟若干件進呈。 心焉。」天下之人,生死榮辱, 雪 案,并天下 「刑者,成 大辟 員兼領,以 人 、數,并 辜,怨動天 徒流若干人, 訴 也。 刑部覆校 重其 冤 之奏, 地。 事。 成 過公案若干 并 刑 每至歲 盡 而 特 部 得 不 恩寬減 覆 可變, 辯 繋於 終 正 天

刑者 成 歲」。 王制》作

刑

者

侀

侀

者

0

奏 乞令兩 即 施 行 府 等 詳 事 議 係 百官起 用前 所陳十 請條 事 貫 内 重命令 如 可 經 久

作劄子進

年; 無 枉 准 律文: 敢 法 失錯者,杖一百。 [者,十五疋,絞。 臣 摇 聞 諸 ,將以行天下之政也 被 制 Ĭ 書,有 : 慎 蓋 又監 所 乃 先 施 出 王 臨 行 令, 重 主 而違者,徒 令出 其 司,受財 法令, 惟 行 使 而

更改。 此 雖 近 而 弗禀。 是故 邨 來百官 而 今覩國家每降宣敕條貫,煩 違 弗禀之甚矣。 此 起 煩 上 ,皆從失坐,全乖律意,致 請 失其威,下受其弊。 而 率 無信之驗矣。 爾 孫頒行。 既 又 昧 海 經 而 蓋 壞 行 常 無 由 大法。 條 信 即 朝 貫 時 廷 輕

臣請特降詔書,今後百官起請條貫,令

定違 冗,裁 明,會 行。 事 錯 條 海 其 行。 行 被 意 中 者 有 斷 貫,失於檢 行 制 衝 可以 書及到 改條貫 害,逐 ?,決杖 制刑名者,並從失 ,並從違制 仍 如 樞密院 並 爲 法律官員參詳。 望 事干刑名者, 久行者,委中書將起 須 制 别 處 具 敕,然後 職 降 ,並令繳納,免致錯 百。 川,情 緣 看 長 後 敕 ,徒二年。 吏,别有機 詳 由 命,今後逐 所受條貫,敢故 會 聞 非 餘 頒行天下, 奏,委 議 更於 故 坐。 人 其 , 必 犯 違者,並 起 未到 審 會,須 中 若 海 處 可 請 請 刑 書、 經 條 行 當 職 内 之 必 條 違 亂 久, 貫 職 大 樞 從 有 至 以 詞 差失, 貫,不 者,不 期 誤 官 一便宜 密院 本 理 方 前 能 删 吏, 遵 寺 有 合 得 條 所 去 守。 繁 詳 於 以 親 律 而 指 失 降 施 勾 施

^{● 「}決」、《長編》卷一四三作「科」、《國朝諸臣奏議》

更。酌,如合理道,即與放罪,仍便相度,别從改酌,如合理道,即與放罪,仍便相度,别從改

奏議葬荆王

憂也。 陰陽之 擾,此憂民之故也 臣 昨日奉聖旨,令中書 其三日 一説 謂 此議 也 京西寇 其 有三:其一 三日 財 盗之後,不 用 熟議荆王葬事者。 日年歲不利,此 方 困 一; 此 可更有 有司 搔 之

年歲 豈忍送葬之際,却惜財利而廢典禮 惑多端,陛下仁聖,●力能保全,使得令終, 陛下常以荆王是太宗愛子,真宗愛弟,雖 曰:天下財 曰 諸侯五月而 臣 不利之説,非聖人之法言也。 又 别 利雖 有 四 困, 豈不能葬一 葬,是自古不易之典。 議,乞陛 下擇之。 皇叔 ,使不得 其 二 其 耶 ?

> 敕外 奏。 并禮 陛下 聊 如 内 臣 檢會先朝諸王之薨,有無權厝之者。 及 曰:自來敕葬,枉費太半,道路供應, 曰:自來敕葬,多是旋生事端,❸呼索無算 藏 請 時 生。 此 庫 旋生事節,枉費官物。 與降敕命,依所定事件應副,更不得 官聚議,●合要物色,務從簡儉,畫 特傳聖旨,令宋祁、王守忠與三司 惜之, 豈不 而 則 葬? 臣 錢 陛 請 帛若干備葬事,使三司易爲 下孝德 特 恐 降 防 未 嚴旨,荆王二子并左 天 副 無虧,光于史册。 下之竊議哉?❷ 太宗、真宗之意, 仍出 聖意,特 應副 其三 更乞 其 民 使 臣 於 聞 副 五. 不 四 賜 爲

竊」,原作「切」,據四庫

本改

^{● 「}聖」,四庫本作「孝」。按,據下文所云「孝德無虧」,似

[「]端」,四庫本作「節」。

^{● 「}祁」,原作「祈」,據《長編》卷一四六引改。

正體也。乞聖慈從長處分,臣待罪政府,不冗費。既減得費耗,又存得典禮,此國家之分,更不令前去。自然道路易爲供頓,大減七人送葬外,其餘婦人,合存合放,便與處

奏議許懷德差遣

敢不盡。

署。 劾。 及軍 承佑降知相州 行朝典,以其在邊無效,降充永興部署 邊,破蕩却熟户一千帳,不能 該赦釋放 民 臣 竊 虚 見許懷德 驚 抛 ,爲轉運使糾奏,充北 ,授秦州部署。 棄 隨 在 軍 延 州,爲不進兵擊賊 糧 草,遂送 保護,却合 近又 西 永 京 賊 興 都 部 郭 重 侵 勘

之,是朝廷賞罰 此二人一 面 顛倒 責降, 取 笑 面 四方,何以 遷 轉, 天 激 下 勸 聞

> 詔。 也。 勳 轉,候有邊功除授。 祖宗朝任用邊將,賞賜至厚,使用度充足, 恩,方可進爵。 令不同。 命將之令,尤要取信,繫國安危,❷與其它號 志,恐有懈惰,不思立功。 委信至重,使生殺在己。 武勇,堪任管軍,亦恐未有大功,遷轉太速。 臣 又朝廷曾降詔,所闕都虞候等 一,何以 而今後國家之命,●全無信矣。 如須合轉起,亦候過郊禮,使作 鑑 戒 惰將? 今却不因功勞,衝改 如 惟惜官職,不令滿 實前王馭將之術 王 信、 狄青,實有 惟 更不 用 循 該 兵 此

今後議論賞罰,不可輕易,須是有所激勸, 願陛下再三思之,仍乞丁寧指揮兩府,

2

^{● 「}而今後」,四庫本、《國朝諸臣奏議》卷九七作「而今而

[「]國」,原作「之」,據四庫本並《宋文鑑》改。

之業? 禍 弊 柄,駕馭 兵旅已驕 不 難。 招 賴祖宗 旁 今四夷已動,百姓 議 天下。 臣切懼之,願陛下裁擇 ,國家安危,實未 滅德、 方 口 陛 如賞罰 施 行 下 頻失,將 臣 聖 已 一、保守 謂 可 困 或 保。 倉 家 何 四 惟賞 承 以 庫已 海 保 五 太平 罰之 久 代 虚 無 之

奏 重 定臣僚奏薦子弟親 戚恩 澤 事

并期 銜。 兄 孫 親 姪 宰 尊 相 並 屬 授 使 太祝、 依舊制,其餘親 相 奉禮。 舊 制 子 今後 除 屬 將 並 親 作 等第與 弟 監 兄 派 孫 試 姪 弟

今後 子 並 興試 除 子 太 樞 孫 祝、 密 銜 使, 并 奉 期 禮 參 親 弟 知 尊屬 政 兄孫 事, 並 依 樞 姪 舊 并 密 制 授 副 使: 守 其 袐 餘 舊 親 校。 制 屬

> 舊制,其餘親屬並 孫 姪 並 僕 授京主簿。 射 尚 書 : 與試銜。 舊 今後子 制 子 孫 除 并 守 期 袐 親 校 尊 屬 弟 依 兄

齋郎 弟兄 尊 閣 孫 屬 三司 樞密直 授 姪並授京主簿。 使,翰 主 簿,其餘親 學 士, 林 學士, 丞郎 屬並等第與 侍 今後子依 舊制 讀 侍 子 講 舊 除 學 試 制 士 正 銜 龍 并 期

圖

親

郎。 舊 卿 後長子除京主簿,其餘親 制 監 給諫, ,子與京主簿,弟兄 ,龍圖、天章 舍人, 龍圖 閣 待 制 閣 三 三 孫 直學士, 屬 姪 司 並 並 副 與 授 使, 知 試 試 制誥,大 銜 銜 知 并 雜 齋 今

奏薦 親 正 郎 屬 者 至 一,若降 一帶館 職 在 員 監 外 當,不 郎 遇 得 南 陳 郊 乞。 大 禮, 曾 犯

「授」, 原作「弟」,據四 庫本改。

刑 郎,自合奏薦外,餘並須於郊禮 正 I, 只得· 獄 入贓 遇 罪 南 奏蔭子孫一名。 至追 郊大禮,内有 官, 該 恩叙 正 諸路轉運 用 郎、 後 帶 來累 H 前 館 使、 職 官 到 提 任 員 正 外 點 郎

,方得奏薦親

屬

等並 屬 並 孫皆 不 須 長者亦是。 問 在 以 殁,本官别 一名,更不拘年 + 服 五. 不 須二十以上,方得奏薦。 拘年 、已上臣 服 紀。 書
非
不 内者。 諸子諸孫 應曾奏得 甲。 無 實論 孫 僚奏 如虚增年甲, 雖 申 食禄者,並 本 。其合奏異姓之時,即 八萬 子 須年十 非 子 孫 長 孫 恩 子 親 許再 澤, 五. 并妄冒 長 所 屬 孫,見 以 奏 後其 奏子孫 内 上,弟 親 長子 服 屬 子 在 並 紀, 孫 親 姪 居 長

郊大 以 É 禮 官三員 1,限半. 應奏蔭 、於尚 车 内, 許 選 書 人,年二十 省 令赴銓 鎖 院 置 投 Ŧi. 封 狀 以 彌 差差 上 謄 遇 録 兩 制 南 司

> 不赴試 問註 ^ 舉,有行止堪守官者,注遠 日 考 詞業紕繆,對義不及格,更不理選限 落者且守選 與放選注官。 兼習律文,試 各一首,詞理 毛詩》、《周易》、《尚書》,逐人各專 ,與司士參軍。 試 疏 0 内習辭: 又無 五通 限,經三度試不 一可采,不犯不考式者,爲及格 上件舉主,并雖曾 一場,墨義十道,只問正 業試 者 習經業者、《春秋》、《禮記 爲及格,與放選注 内有京朝官三人同 場 或或 地 論 判 ·中者, 官 首, 簿尉 一度就 一經,並 選限 官 或詩 文,不 罪 試 保 滿 剥 \approx 賦 如

試 遣。 州 太學鎖院,依選人考試。 不及格者,如有三人朝臣 度赴國子監投狀,差兩制已上官三員,於 通判三人同 候兩 一、奏蔭京官,候年及二十五,每 任 無 私 罪 罪,有 保 舉,即 本 内及格者,方與 路 人 同罪保舉,有 轉 親 運、 民。 提刑、 經三 年 度 差 春 知

罪。 舉,并雖曾三度就試,詞 保舉,方得親民。 格者,未得差使。 止 可 本路轉運、提 以差任者 與與小 其不赴程試,又 如却 刑、 知 處 願 監 業 州 班 當 紕 行者,與等第安 通 繆, 判 候 無 對 五. 兩 義 人 F. 任 不 件 同 無 及 官 罪 私

奏 重定 職 田 頃畝

州 職 田

長吏: 大藩府二十頃; 節鎮 十五

下州 軍 頃; 京軍監 七頃。

通判:

大藩府八 頃 節鎮七頃; 防團 以下 州

幕職官: 軍六頃。 排。

縣 職田

頃

五十畝,餘並三頃。

餘並三頃

五十

畝

防團

以

下

州軍監判

官三

大

藩

府

判 官

五

頃

餘

並

四

頃

節

鎮

判

官

四

頃,

令 :

萬户以上六頃,五千户以上各五頃,不 五千户並 頃。

簿尉

滿

四

萬户以上三頃,五千户以 上各二 頃 Ŧī. +

畝,不滿五千户並 兩 頃。

發運轉運使比節鎮長吏。

武官職 田:

頃

防

團

以

部署頃 藩 長吏,路分都 府 判官 畝 監 比 節 監 押 鎮 比 比 長吏,鈴 節鎮判官 節 鎮 通 判 轄 都 比 監 防 比大 專 州

「任」,原作「仕」,據四庫本改。

之數 事 州 參 軍 軍 監 當 比 在 本 縣 官 州 鎮 員 判 監 使 了官,判 當 臣 職 不 田 司 得 比 過 不 倚 得 簿 郭 過 尉 縣 之 本 簿 數 處 尉 職 録 官

利。 令檢 令州 者,即 例 招 充 衆官等第 來 租 田 内 元 不 置 職 所 課者,不得 ,支撥添 檢 摽 災 縣 客 肯 如 定 括 得 H 以 收 逐 傷 差 户 頃 頃 無 官 Ш 所收宜利,約 0 人 接 處 官 畝 職 畝 石 均 荒 换 人 官 員 勾 每 數 積 \mathbf{H} 分。 H 其 户 處 員 當 頃 依 目 潦 并 其 例支撥 田 及 災 占 爲 及 不 之 例 如 户 係 有職 許 ·足,即 客 地 傷 恐 檢 招 地 絶 官 逐 減 覆 客 不 度 不 詞 内 地 庄 田 廳 狀 下 的 户 得 比 可 有 土 據 如 田 而 自 過 者 職 實 附 耕 桑 及 逐 見 見 頃 差 三户, 逐 植 田 或遇災 棗 分數減 五 並 公人勾 縣 有 畝 在 處 子 者, 蔬 年 從 職 人 重 小 利 地 違 即 果 户 以 處 與 限 田 傷, 利, 不 當 之 却 制 放 上 比 出 上 0 利 定 子 並 得 并 折 下 今 納 逃 年 并

> 時 獄 將 斷 盡 租 司 贓 官 罪 其 事 勘 司 佃 地 理 員 專 鞠 論 ,令出課利入己者,並 土影庇 本官 一,仰 所 當 施 切 行。 覺 議 差 職 逐 察轄下 勘 令免,却合入 處 勾當 田 内情 劾, 起 上 請 人亦行 見 各 官 理 聞 收子 降 員 頗 奏。 差 重 職 嚴 利, 差 遣 失 以 田 斷 徭 受 盡 於覺察者, 欺 或有 仍 所 及 底 弊 令提 監 抑 納 犯 該説 臨 配 官 者 點 財 虚 本 畫 刑 物 作 如 不

重定臣僚轉官及差遣體例

奏

不 得 非 、今後 時 進秩。 兩 地 或 臣 非 僚, 次 罷 非 免 有 者 勳 仍 德 善 不 狀 以 轉 即

官

帶

職

爲

例

● 「一」,或爲衍文,或爲原擬分項而未分,或爲原本多項

後 並 具. 履 兩 歷 省 取 以 旨 E 自 來 四 年 勘 會 轉 官 今

闕 勘 替 分 上 旨 己 遣 不 績 磨 磨 内 曾 内 掛 先 一,又無私 及舉 磨勘 者 不 勘 勘 外 降 因 就 未 取 如 任 差 川 差 依 仰 守 有 遣者 旨 各 磨 遣 公 周 則將 舊 輕 審 闕 候 程 勘 京 年 主人數,進 制 過 有勞. 重 差遣 官 以 其 朝 年 四 守候 月 者, 有 , 并 院 前 到 官 限 日 周 京 入己 績 先 人於元 闕 即 水計 内 并受差 今度 年 朝 差遣半年後 無 及 具元 守 依 官 贓 呈 贓 贓 犯 候 常 綱 有 磨 私 取 私 罪 罪 指 犯 路 例 差 遣 周 罪 同 勘 旨 者 罪 者五 射 程 情 遣 年 以 者, 罪 年 并 合 五. 理 人,於 月 後 周 磨 舉 限 並 如 周 公 依 周 年 日 待 勘 許 主 人 路 經 内 罪 年 舊 年 磨勘 闕 指 \equiv 己 通 有 曾 并 分 兩 私 人 假 内 計 及 射 度 無 不 每 降 周 今 罪 得 以 绺 遇 後 限 有 磨 路 更 取 年 并 差

> 外 磨勘 及 得 之限 替 赴 任 公 程 外 住 滯 日 數 並 不 得 理

服 當 差 審 見 紀 者 官 大 周 親 任 院 省 年 依舊三周 、今後 屬 兩 府 求 磨 八人在 地 等 就 勘 并大 處 在 京 保 京 所 京 朝 年 兩 舉, 差 有 差 官 磨 省 遣 遣 前 F. 及 勘 以 者 後 章 准 上 此 資 陳 即 條 及 後 考, 乞, 不 貫 省 各 差 得 府 即 并 須 保 臺 許 投 於 舉 在 諫 狀 通 中 及 京 官 並, 有 選 勾

Ŧī.

如

遣 且 京 依 朝 ,未曾勾 官,自 舊 制 已上 當 年 降 差遣 却 限 敕 求 磨 以 外 京 勘 前 朝官 任 轉 者 官及 次。 「**,** 并 並 聽 其 陳 周 已 乞 年 得 在 者 在 京 京 將 勾 差 來 當

範 或 勸 今後 課 農 耕 文 厚 武 臣 獲 僚 美 利 善 政 或 異 差 績 鞠 獄 可 爲 雪 衆

與 幕 錢 冤 小,特與改官,不隔 比 職 物 枉 類 州 萬數多者,委所屬 或 縣 升 在 官未 擢 京 監 該 如 當 磨勘, 保 庫 明 磨 務 不 勘 保 而 實, 明 能 有 或陞 革 聞 上 以 項 大 奏, 陟 上 弊, 一勞政 書 差 量 1許不 遣 事 大 者 跡 省 實 亦 其 大 得

論

磨勘。 罪 夫 依 公私 五. 後 有 方得 並 此施 人同 E 有安撫、轉 過 一項官五 取聖選 罪保 行。 犯者,亦與 員外 磨勘。 朝 官 郎 少 舉,并三 人 指 轉 卿監 轉至 同 運 已上 揮 至 使、 罪 磨 員 正 轉 保舉,并三 周 勘 如 提 郎, 外 大 舉 年 點 郎 卿監,并 須自 主 郎 内 刑 示 中 無 須 獄 足,五 轉 任 私 自 周 或 少 員 罪 轉 年 任 清 者,方 卿 外 陞 諫 望 周 内 郎後 監 無 議 年 官 朝 大 私 得 共 亦 無 官

院、 流 内銓差注 、今後 京 日,仰銓 朝 官、 幕 院 職 體 州 量 縣 官 如 到 有 事 審 狀 官

> 猥 本 司 濫 不舉 老 疾 仰 愚 御 昧 史臺彈 之人,不 稱 事 任 並 别 取

奏乞於陝西河東沿邊行贖法

錢, 罰 贖 朝 州 或 明 舜、周公皆用 法之弊,久將 当。 疑 其可行之法 軍 刑。」又《吕 以 注: 之。 行之,候戎 臣 助 竊 今具條如後 謂 軍 臣欲乞且 不 見 費 應 陜 不 贖法。 五. 刑》 也。 西、 刑,當 堪 而 事 民 曰:「五 稍 河 於 歷代嘗行,今久不用,人 多 正 臣 息,官 孔子 陜 東 Ŧi. 一觀《舜 盗 西、河 邊 罰 鑄 删 刑 0 計 不 書, 出 典》曰 不 日 不 闕 東 金 簡 犯 足, 用, 沿 垂 贖 極 罪 1:「金 于 邊 サ゚」是虞 正 遂 則 典 後世 于 次 别 鑄 從 五 作 爲 鐵

❶ 「正」,原誤作「止」,據四庫本並《尚書註疏》改。

《舜典》曰:「金作贖刑。」金,黄金。誤而人

刑,出金以贖罪。

辟 于五 罰六百鍰。」「大辟疑赦,其罰千鍰。」 倍。」「剕辟疑赦,其罰倍差。」「宫辟疑赦 核,謂不應五刑,當正五罰 疑 過。 赦 "; 其 刑》曰:「五刑不簡,正于五罰。 不服,不成罰 罰 百 鍰。」「劓辟 也。 出 金贖罪。 正於五過,從赦免。」「 疑赦,其 五罰 不 服 、罰 "; 正 不 其 墨 惟 蕳

(京:) (宗:) (宗:

文帝: 輸粟縣官,得以除罪。

武帝:令死罪人贖錢五十萬,減死一

等。

梁高祖詔:依周漢舊典,有罪入贖外,

詳爲條格,以時奏聞。

射沈約等參定刑書。其制刑爲十五等之齊武時,❷以尚書令王亮、侍中王瑩、僕

疋。 四疋。 五歲 罪。 疋。又有三歲刑,男子三十六疋。 男子六百疋。❻ 差。 贖 歲刑,男子二十四疋。罰金一兩已上 使之也。 市,❸刑二歲已上爲耐罪,❹言各隨伎能 棄市 歲刑者,金一斤,男子八疋。 刑,答二百者,金一斤十二兩,男子 贖死者金二斤,男子十六疋。 贖三歲 贖四歲刑者,金一斤八兩,男子十二 有髡鉗五歲刑,笞三百,6收贖絹 以 刑者,金一斤四兩,男子十疋。 上 爲 又有 死 罪, 四 歲刑,男子四十 梟其首。 罰金十一 又有一 其 贖 髠 爲 次 而 贖 任 棄

❶ 「千」,原誤作「十」,據四庫本並下文「凡爲六萬」改。

監元年,當爲梁武帝時事。 「齊武」,諸本同,檢《隋書·刑法志》,此所敘之事在天

[「]刑」,諸本均誤作「形」,據《隋書·刑法志》改。「市」,原脱,據《隋書·刑法志》補。

[「]三百」、《隋書・刑法志》記作「二百」。

[「]六百疋」、蓋誤、《隋書・刑法志》記作「六十疋」。

罰金四兩者,男子二疋。罰金二兩者,男子兩者,男子六疋。罰金八兩者,男子四疋。

于五過。」以贖論,故爲此十五等之差。之。「五刑不簡,正于五罰。 五罰不服,正一疋。罰金一兩者,男子二丈,女子各半

一、徒以上罪不贖。

、杖以下罪依下項。

一、侵損於人者皆不贖。 侵謂侵財物,損謂

足。

傷折於人。

一、兵士、公人不贖。内公人不因公

事,私自失誤者,亦聽贖。

一、爲盗并造作詐僞及誣告,論不干己

依常法區分。

事者,皆不贖。

一、捕捉賊盗,公人違限等罪,不贖。

一、興販私茶鹽醖,賣私酒,并賭博人,

並不贖。

一、所犯罪,新條該贖,至第三犯者,不

范文正公政府奏議

贖。

者,不贖。内有物力,願與衆人納罰錢者,一、衆人共犯一事,合贖。富貴不均

一、軍人、百姓同犯一事者,不贖

即皆聽贖。

造意人不以貧富,不贖

合贖者,並依舊法,每斤納錢一百二十文一、應有蔭,并老小疾患之類,但舊條

以粟帛依時價折納其錢。無物贖納者,自之人。其銅每斤納錢一貫二百文足,亦許一、舊條不該贖而今得贖者,並取情願

縣,充法司。 以下聚廳試 資。有失誤無贓私者,五年 名,赴本州法司習學法律。 、逐縣典押保舉有行止、會筆 驗,稍 候三周年,檢斷 通 刑 名義 理 與 無 委本 即即 轉 失者,與 資。 札曹 放 州 歸 長 本 轉 吏 司

不 以 失減官典 所 斷 贖 (),受贓 刑 失 者並以 錯 者, 官 枉 吏各 法 贓 准 其 罪

奏災異後合行四事

幸甚 己。 等敢不惶恐,思竭 過,但自 1 此實聖帝明王 臣 近 行 昨 日 事。」此 日 屢 宰 聞 臣 德音,以災異 誠 又濟 等 志,以 至仁之體 再 時 奉 副 責實之要也 - 聖旨: 宵旰之意? 也,天下幸 數見,畏天 示不 須 臣 謝 甚 罪

聖心

裁擇。

如 適足增陛下之盛 上憂宗社,下憂生靈,固已得堯、湯之心矣。 異之出,多成禍變也。 政,及於天下,人不敢怨叛,則雖 更行 禍變也。 臣觀 '堯、湯之事,使天下受賜,其 自古國家,皆 如其 德衰政暴,兆民 德。 臣待罪 陛下今既 有 災 異 輔 臣,經年 畏天之戒 怨叛,故災 但 有災 有災異, 盛 異 德 無 善 而

> 上之災 意。 狀, 臣 以 蝗 秋 請 動 四 行 天 源,人多妖言。 臣 方多事, 此 地,感鬼神,而 已十數度,又累有 竊觀自祥符年後 數 事 少少 未 敢 助陛下救生民之萬一,惟 引 雖陛下修德罪己,自可 念及生民,若不遑處 退, 以 地震之異。 恐負君 至今日, 親 擢 火 今夏 不 用 炎 之

之弊而 叛之本 明。 於刑 務爲 尚 或 之,貪濁者劾之,昏懦 而 虚 矯 糾 憲。 修 其 聲,人受實弊。 慢 暴 一、委天下按察 斂。 官 興。 也 廉節,而争 政 生民 吏中有 也。 求 臣 秦 以 請 困 盡 至 於 苦,善人嗟痛。 詔 天 公之稱者,專 畏 爲 諸 下 激勸善政之術, 資産竭 上 使 猛 路按察官 怨 者逐之,是能 省 政。 位 叛 視 之威,希意 而 於科率,舉動 官吏,老 求集事之名者, 用深文。 漢 除 此 天 即 耄 常 LI 去 望 程 救 下 未 謬 者 進。 怨 政 著 麗 秦 觸 市 糾

刺 足 潔 史臺彈奏,當議 下憂赤子之心,各務愛民求理,不爲苛政, 再任,或陞陟委 者,各具有 以息生民之怨叛也。 舉 史、縣令條目 己愛民, 薦外,於 顯 的 轄 質事 有 ,●便乞約附施行 重行貶黜,今别 用 下 善 知 狀 政 州 行,得 如 ,舉三兩人,特與 此 知 百姓 如所 則天下官吏 縣、縣 舉 心,如 進呈唐 不實 令中 倚 改 時 仰 知 父 别 選 御 陛 官 母 選

濫。 多。 理 條 不 其奏到案牘,下審刑、大理寺,又只據案文 聲,豈能 差失者五六。 察情 雪,百 則引 其奏按于朝廷者,千百事中一二事耳。 民訟不能辨,吏姦不能 一、天下官吏,明賢者 實,惟 徧関 謬 無 例, 務 其實? 轉運使、提點刑 盡 斷之後,雖冤莫 法,豈 其 間 故 死生榮辱,傷 刑 恤 非辜? 罰 絶少,愚暗 防。 不 獄但采其 中 聽 伸。 日 上斷十事 或 人之 有 無 者 或 虚 正 至

> 誤。 情 下之法令,撿尋自 刑、大理寺,乞選輔 聞,候到朝 獄 請 况天下枉濫之法,寧不召災沴之應耶 年 實損 法官,有用法枉 詔 大旱,著於史策,以 天下按察官,專 可存留者,著爲例 和 氣者多矣。 廷,詳其情理,别行降 曲侵害良善者,具 來 臣 切 斷 册 古者 戒 體 案 員 來代,非 量 及 兼 州 舊 領 刑 縣 例 不 以 朏 長 虚 當 削 事 吏 慎 言 而三 其 其 及 狀 重 也 謬 臣 天 審 奏 刑

溝 時 盡 權 聚糴。 壑 被 輕,主張不逮。 州府借出常平倉錢 而 、今諸道常平 倉 每有災診,及其 廪空虚,無所 逐 處 倉, 提 本 司農寺管轄,官小 振發,徒有安撫 遣 點 使 使 刑 用,致 安撫,雖 獄 多 不 不 · 舉職 能 民 之 委 及

❶「今」,原形誤作「令」,據《歷代名臣奏議》卷三○○所

呈本路 務農。 名, 條 農寺常切 移任者亦 并詔諸路提點刑獄,今後得替上 寺,力主天下常平倉,使時 民自養之矣。 約 Ħ. ,頒行天下。 無救 因 常 糾舉,及委輔 民之利而 須 平 恤 · 倉 依 之實。 臣請選 此 斛 發 郖 奏後,方得 利之,則 又國 數目,方得别 輔 臣等速定勸農賞罰 臣 家 聚 養民之政 朝廷不 糴,以 員,兼 起 殿,並先進 離。 奏公事。 防災沴。 領 勞 仰司 司 心 本 農 尚 而

置。 法。 能 利 作 歲 以 ,較其 養 爲此制,皆非先王之法也。 有千萬人,罹此 革者,俟陛 其民庶 (萬民也。 今又絕商旅之路,官自行販,困 、天下茶鹽 商 旅 私 則 下之睿斷 近古以來,官禁其 販者徒流,兵稍 增 出 刑 息 禍。 於 非 爾。 Ш 多 是有 海, 一,而 臣 是 司與 盗 古 及以官販之 請 源 天 護之弊,未 取 韶天下茶 地之利 民争利 者 ,人多犯 絞 一于運 配

> 置之勞,以 鹽 之法 盡 取 使 長 行 久之利。 商 以 去 苛 此 刻 亦 之 助 刑 陛 下 以 修 息 德 運

奏贖法等三事

省刑之萬

世。

事 也。 蓋 下及民 由 即乞降出 臣數 今有劄子三道進 積德 庶,以感 之深。 日 前 面 動 臣 奏,三代 天 請 地,此聖 呈,内一 陛下日修至仁之德 帝 王, 道 嗣 子 無 爲 孫 議 疆 緜 之本 贖 遠 法

樞密 贖 大臣定奪施行。 于億姓,天下幸甚! 寺、修編敕 杖罪已下情理輕者,所貴易行。 院同 臣近覩詔旨,令御 與見議 所同 議 官 臣欲乞特降聖旨,令中書 贖 員 刑,此陛 今諫官孫甫上言,乞令 疾速定奪聞奏,仍乞且 史臺、審 下 至 刑 取進 一德深 院、 止 仁被 大 理

所出三千餘人。又正觀二年十月二日,●太族。一時減省,各從娶娉。」自是宮中前後「觀省宮掖,其數寔多。 憫兹深閉,久離親

宗謂侍臣曰:「婦人幽閉深宫,情實可憫。

不取。掃灑之餘,更何所用?」於是命尚書隋氏末年,求採無已。此皆竭人財力,朕所

之。臣不知今來宫中人數幾多,或供使有右丞戴冑、給事中杜正倫於掖庭西門揀出

費,亦人君盛德之事,可以感動天意。

餘,宜降詔旨,特令减放,以遂物性,又省冗

范文正公政府奏議上

Ē

「正觀」,係避仁宗名諱,將「貞觀」改字。

四一九

范文正公政府奏議下

邊事

奏陝西河北攻守等策

後,中 等聞三代以還,皆有戎狄之患,以至侵陵中 群 國,被于渭洛。 長,但塞下初還,粗知邊事,不 夜憂迫,恐負陛下委用之意。 胡猾夏。 臣等蒙聖恩 ·原始清, 天寶之末,石晉之際,中國不 人倫乃叙。 齊晉逐之於前,秦漢驅之於 非次獎擢,●待罪 逮 于西晉之弱, 臣等誠 敢有隱。 兩府 無 所 臣 日

> 民。 昊率先叛命,兵犯延安,次犯鎮戎,❷殺 邀功,以自尊大。●元昊屢戰屢勝,●且 方肯旋師。 以生民之故,增物帛以續盟好。 不當稱兵。此交搆之跡,更何疑哉? 未復,夷夏稍分。 戎事勢,雖求通順,實欲息肩,亦如北戎大獲 虜舉十萬衆,謂元昊是舅甥之邦,❸責中國 民,曾無虚歲。 幸,皆罹其害。 今西北二方,復相交搆,夾困 今乘西夏通順之議,又欲主盟 中國之兵,討伐 自周 我祖宗奕 世宗北征之後, 世 修備 未利。 彼既獲利 中國 大 雖 一倚北 庇 或 傷 疆 而 北 軍 元 生 土

^{● 「}等」,原無。按,奏疏乃與韓琦同上,當有。據四庫本

四庫本並《國朝諸臣奏議》改。 『鎮戎』,原誤作「鎮戍」。 按,北宋有鎮戎軍建置。 據

[「]舅甥」、《國朝諸臣奏議》同,然四庫本作「甥舅」。

[「]屢」,原無,據四庫本並《國朝諸臣奏議》補。「以」,原無,據四庫本並《國朝諸臣奏議》補。

厚利。 抽兵 我。 意 漢之叛人日夜爲賊之謀 好,得如其意,乃知非獨元 地 定 深 何以禦之? 虚 我拒絶元昊之故。 無厭,多方困我,而終於用兵矣。若拒 順,則北戎邀功,自爲主盟,下視中國,要求 海、元魏 漠,衣食嗜好,皆不如意,必以苻堅、劉 川之戰,我師不利,彼作僞詔,誘脅邊人,欲 0 關 而 ,則元昊今秋必復大舉,北虜亦 有 來,必得志於關 ,移于河北 國家至時寧不 而 中,其謀 候其物力稍 以漢人守之, 故 吞并關輔之志。 事,日夜游 臣等思 不 未戦 細。 豐,可 疑 或便稱 輔。 度, 蓋 懼 則富貴功名、衣食 而 説 也。 漢 西 ? 是和與不和,俱爲 元昊,使其侵取 此二 何以 以 陲已虚。 多 兵塞外,張 昊志在侵漢,實 舉 必於陝 朝廷若從其 叛 知之? 衆 虜交搆之勢, 人,陷於 則 必 西 滑 元 必 昊乘 選 使問 絶其 勢 昨 長 將 脅 通 嗜 漢 元 定 窮 騙

> 約,我 或 權宜 置邊 敢 大 患。 輕 患也 舉, 一,以戰守爲實事。 事 則 然則爲今之謀者,莫若擇 則 日夜計略,爲用武之策。 乘彼之驕, 臣等請畫一言之。 盟約 可 久矣。 可困 彼知我有謀有備,不 可擊,未必能 如 不 ·我知 師 以 輕 練 和好 兵, 爲 負 盟 爲 處 中

、陝西和策❷

輒求通 虚 已 戎,内凌中國。 聞 稱 僭 臣觀 然猶 順,實圖 擬。 西 干 戎蓄禍,積 元 請多端,姦謀 昊方壯,遂 休息 屢 戰 |屢 勝、未嘗挫 有 所獲者大利 歳年。 肆 未 M 測 驕 德 蚵。 所 明 外 或 在 屈 倚 家 而 者 北 以 乃

2

^{● 「}侵取」至「乃知」二十五字原脱,據四庫本、《國朝故

[「]陝西」,原無,據四庫本補。

之謀 怠。 盟 渭上,●見頡利 順 生 守皆宜。 不背盟,我 而 退,左右 其來使。 亡,爲之舉哀,廢 一好爲 修 靈 人,百 也。 德,後 爲念,不 權 日 勸擊之。 戰 其屈禮之甚也。 宜 陛 遣 如 則撫 患必深。」乃周 百勝, 一,選 此 下 李 可不 則結 如 靖 與語,復親 納 將 唐高祖、太宗隆禮敦信,以 擒 朝三日。 練 猶 無 太宗謂:「我 納 好之策,未有失也。 之,威振 倦。 兵,以攻守爲實事 屈 如唐 於 彼將負德,我 突 與之盟 又太宗馳六騎 旋 遣百寮 高祖 厥。 四 俯 極。 擊 就 大太宗 當 彼敗 詣 使之 此 戎 頡 館 則 盛 利 應 Ŧ. 攻 彼 驕 懼 於 弔 Ŧ 既 始 天

戎

一、陝西守策

吏。 其 暨 厚,未嘗 兀 叛命以來,累次大舉,曾 昊自來通 有 失,尚 順 之時,歲受恩 .猶 時 擾 邊 無 賜 境 沮 殺 朝 敗, 戮 廷 乃 將 撫

> 物力已困。❸ 大兵,供費殫竭。 虜之心,無 權 通 宜 順 許 實 之,更當 蓄 所 陰 臣等請緣 窺 謀, 嚴 伺 減 非 兵則 作 屈 守備。❷ 邊 伏之志 城寨 守備 愈加繕完, 不足,不 然陝 也 西 朝 減 廷若 久 使 中 則

以

求

遷 招置 華 城、欲置 邊,土兵數少,分守不足,更當於 習戰鬭。比之東兵,戰守功倍。 其 土兵。 家 又久守之計, 土兵中召 而 振 專 武、保 若 [集之。 近裏 其 捷 願 須 土 況 守塞者, 兵 用 兵 昨 兩 土 願改 來 兵,各 指 慶 揮 隸 而 州 仍 邊 諳 要 應募甚衆 然緣邊 創 於 寨 便 Щ 起大 者, 永 JI, 城 順 次 即

朝

作守備然陝」原 馳 作 騎」,據 闕 《國 據四庫本並《國 諸臣奏議 》並《長編》改。 朝諸臣奏

力」,原爲墨丁 塞」,四 庫本並《長編》作「寨」,當是 據四庫 《國 朝諸臣

於完聚。 益。 多。0 也。 苦,極傷 兵携家居干 歸 何 之戍邊,於東兵數復 家,於緣 多犯法,人情不免,久則怨起。 誉 則 二年已來,方能 ? 不然,土兵月給差少,又素號 而 邊 骨 歸 數 戰 住營, 肉之恩。 内 月 則 塞下 之間 諸 相 州 救,守則 更免出軍。 , 復 土 則全分請 整 可 征夫不保其家,離 兵, 出 習 減 遠 多 ()然於 相 固 戍 在 安。 非 党 父母 邊 給。 如得 逐 上 或謂 徒 朝可 路 *妻子 精强 其 併 或 漸 星 費 若 驟 遷 霜 得 爲 婦 一,使 改 尤 樂 增 土 其 頗 之 代

與

居

以 以 戰 防 費,復增農力。 助土 息 陣 彼 餽 者, 又 陜 如 兵之勢,一分移 飹 宜沙 西 納款未變,則 之困, 新 汰之,使 刺 然後東兵三分中一分屯 保 分歸 捷 土 歸 東兵三分 人次邊 京 兵, 于 師 \mathbb{H} 其 以 ~,或 畝 中 中 嚴 尫 屯關 更 禁 既 弱 可 衛 省 不 邊, 輔 軍 減 之 堪

掠

敢

無

退。

掠。 則彼之 俟其 複,彼之重 呼,駐於堅城,以 二旬之前必聞 弓箭手與諸 越 所 城 險要,每 我於山 過越險阻 寨 險、又未能 獲,不數日,人 得 又 人緣邊 ?勝,使 重 相 兵, 應。 兵 寨 谷村落 無税之地 行 兩 必 我 舉 土兵共力禦捍,彼 彼 更無 決勝,必不得已,而 JII 指 師 循 集,我之次邊 待 戎 路 揮 、馬 敵之進 大 沮 中,伏精鋭以 小 顧 中, 共修 111 木 而 至 所 慮。 弊。 不 而 招 糧 則 退。 出, 行 弓箭手,必 草 我若持重不戰 使屬 堡,以完其家 彼之重 先 無 軍馬,盡 方敢 緣邊 所 戎 户 待之。 求 大舉? 給 蕃兵 散 散 兵 Ш 疾 兵 使 兵 牛羊 更不 岅 可 速 聚 盧 暨 彼 虜 重 勾 則

2

⁰ 費」,原誤作「實」, 據四 庫 本、 《國 朝 諸 臣 議 》改。

據四 庫 本、 或 朝 諸 臣 奏議

掠 勢必敗亡。此守策之要也 兵,以乘其弊。 奇以躡其後。 散掠之兵,輕 ,聚不得戰。 而 欲全師 欲長 彼將進 寡 弱 驅 可擊 以歸,我則使諸 深 而有 入,我 可 禍,不三兩舉 逐。 則 使 使散 諸 城 將 無 出 出 所

三、陝西攻策

弓箭 罕戰。 不深入。 强 漢界相附。 如未通順 山界之城,❸彼則遠遁,❹然後以 戎以山界蕃部爲强兵,●漢家以 原、渭,二千餘里,人馬精勁,慣習戰鬪, ,理固明矣。 手 元昊巢穴,實在河外。 惟横 爲 或順 儻元 昊歸款 善戦。 Ш 每大舉入寇,必 所以 而翻覆 帶蕃部,東至麟、府,西 以此觀之,各以邊人爲 秦漢驅逐 测則 ,則有可攻之策。 請 河外之兵,儒 假 為前 西戎,必先 和 山界屬 策以待之。 河爲限,寇 鋒。 户及 故 得 西 與 至 而

窮兵黷武,角勝於絶漠之外也。

勞而 自給。 舉。 兵,大率不過二萬餘人。坐食芻糧,不敢 之勢,衆寡不敵,遂及於敗。6 動號十餘萬 果犯何路。 萬,非不多也。 返逸。 歲歲設備,常如寇至。 臣等嘗計陝西 忽爾點集,併攻一路。故犬羊之衆 我爲主,當逸而返勞。 賊界則不然。 人。 然各分守城寨,故 以我分散之兵,拒彼專一 四路之兵,總數 種 不知賊人之謀 落散居,衣食 且彼爲客,當 我若復 每 幾 歲戰 三十 動

2

6 0

^{● 「}西」,原誤作「四」,據四庫本、《國朝諸臣奏議》並《長

[「]手」,原脱,據四庫本、《國朝諸臣奏議》並《長編》補。

[「]之城」,原脱,據四庫本、《國朝諸臣奏議》並《長編》

[「]於」,原誤作「放」,據四庫本、《國朝諸臣奏議》並《長「則」,四庫本、《國朝諸臣奏議》並《長編》作「既」。

用此計,彼勞我逸,則取勝必矣。

使賊 就 如 賊 三五 不及,又我以堅城據之,以精兵臨之。 集,來拒王師,則又有涇原之師 歸,❷則 不 併兵急擊,必破其族。 更進兵。 精勇,然後觀賊之隙,使三軍 千,以爲三軍。 三五人,使臣一二十人,步兵二萬,騎 其 宥 與 而 必大舉來應。 年間 城之。 土,復 州、綏州、金 奔命不暇。 大 臣 八戰,不 等請於鄜延、環慶、涇原路各選 我 降者納質厚 環慶之軍 其山界蕃部,去元昊且遠,求 山 逼 界 越 以 以新定陣法訓練歲餘,候其 可 威, 我則退守邊寨,或據險要, 旬 部落携怨,則 湯、白豹、折薑等寨,皆 以 日 必 復出焉。 盡 ", 賞,各令安土。 假若鄜延 一軍先出, 須 取 歸 自 附 困 此 互掠於横 我兵 彼 春秋時吴用 以 乘間 若 彼 圖 勢 勢 再 安全。 自 而 將 彼既 圖 Щ • 將 拒 兵 振 援 可 潰 者 點 佐

謂斷其右臂矣。矧漢唐之舊疆,豈今日之三師破楚之策也。元昊若失横山之勢,可

四、河北備策

生事

也

能支。 還。 中原千古之耻,尚未能 石少主及當時公卿盡 以兵四十 臣等敢不經心? 策,必可施用,而 遂與石晉爲父子之邦,邀求 臣 等於 旦釁起,長驅南牧,直 萬送石高祖至洛陽,立爲天子 陜 西 國家禦戎之計 緣 且北戎久强,在 邊, 室 雪。 而 頗 去, 究 或 利 幽 家 在 害, 抵 燕 無厭,晉 以 後 京 遂 北 所 生靈 唐日 爲大, 師 陷 陳 虜 之 示

「互」,原脱,據四庫本、《國朝諸臣奏議》並《長編》:

四二五

[「]彼」,四庫本、《國朝諸臣奏議》並《長編》作「敝」,屬

定討 戰; 重。 年北 朝 乘 重 割 故 一、再議兵屯; 廷力行 賂 地之請。 下 小與 元昊通順之議,又欲邀主盟之功,其 五、訓練義 伐之謀。 以續 虜驟 苟不大爲之備,禍 無 之 結 事 七事 變,詭謀 ,人人懷安,不復 前好。 和 國家倉卒無備,難於用兵,遂增 ,將休兵 ,以防大患。 勇,六、修京師 三、專於選將; 彼既獲利 稱 兵燕薊,有背盟之虞,❶ 養 未 民, 可 有 量。 一、密爲 有 方肯旋 征 外城,七、密 所 戰之議。 四、 臣等 待 急於教 師 經 也 固 略 勢 愈 請 今 前 及

事所 則罪 都 去舊弊,預爲之防。 四 干 轉 運 襲,未暇 其 年, 、引惹。 使之名, 州 密爲 郡 周 經 因 昨 慮。 略者, 暫 循 朝 往 廷選 武 然既 請 經 自 事 選 畫 差 河 廢 有 有 使親 轉 朔罷 弛 材 本 運 職 識 視邊 使, 兵 凡謀 近 則 以來, 臣 蓋 日 壘 興 欲革 假 爲 葺 幾 以 精 冗

> 細詢 究 有以待之矣。 不 出 利 害。 訪 半 熟議 车 ·, 歸 凡 邊 經久之計。 奏闕 計 未 下,更令中 備者 肾條 若虜 情驟 書 E 而 樞 變, 更置之, 密 則 院 我 子

陽關 費 臨 古 馬,合那 須差近臣 來於何處控扼,合用重兵若干,又甚處只宜 時不至差失。 一守,合屯兵若干,及三路互相 州 庶免先自匱 兵馬, 分爲三路,其所轄 三、專於選將者,委樞密院 二、再議兵屯者,自 減 往 於何 却 彼,密爲經略, 屬兩路之處。 乏,至用 處 或事宜 駐泊,使 兵馬 兵之日 來 未 真定府、 就 動,亦當 方可 未甚整 又未曉 芻 重 於閣 預 糧 應 木 定 援 齊, 定 門祗候 以 相 本 生 法 次 州、 度兵 省 路 乃 民。 第 制 邊 將 有 高

❶ 「虞」,原作「變」,據四庫本、《國朝諸臣奏議》改

數以 材 前 使 臣 武 馬 籍記之,候本路有闕,則從而 步 三二年間,得人多矣。 已上選人、三班 堪邊上試 軍司於軍 用 ·旅中選人,或有智略,或 者,逐旋 院於使 進 臣 呈,據選到 中 選 差授。 人, 人 有 殿 如

此

則

遣往 戰 敵 隊 無 河 使 四、急於教戰 北 窮 臣 閱習諸軍,使各知奇正 十數人,②更授以 者,於陝 西 新 四 議 路 循 八陣之法 抽 環之術, 取 曾 押

别選 强兵制勝之本矣。 約 校,使人人各知軍 未 建 唐之府兵法制,三時農 知 府衛之官 五、訓 州 知縣、 練 義 而法制 勇者,今河北 縣 中之法,應敵 令可治兵者,并增 不 ·行 務 號令不 一時 所籍 可 教 用 義 戦。 勇, 置 斯 則 將 須 然 雖

舉直 陷洛陽。 六、修京師外城者,後唐 石晉 無 備 契 丹 無 備, 舉 直 契 一陷京 丹

> 戰。 寇,誠 堅 不能 若京城堅完,則戒河 叩 師 整,則邀之可 以大河爲界, 里 不可,拒之必難。 而 一城,後· 内 澶 難 0 戰 戰 我以 男女城長安,●二年 淵,張犯闕 攻,京師 故契丹之心,于今驕 以伐深入之謀 或不 則無 有 京 重 - 勝,則 師 乘 坦 我 也。 兵, 無 之勢。 而 勢之氣。 既 備 無備。 必 又振逼京師 是則 無 胡 必必 也。 將 朔 備 馬 沮 至時 促 重兵不與之戰。 益 修京城者, 將 而 漢 欲謀 慢。 而 驕 河 畢。 惠 何 朝 自退。 遺使邀我,❸ 朔 更無 深入, 帝 以 稱 必 重 何以 禦? 兵,必 唐 時 兵 謂 顧 明 非 與之力 邊 起六 退 則 爲 慮,直 徒禦 從之 謀 城 而 前 計 欲 堅 白 不 有 彼 ?

⁰ 於」,原脱,據四庫本、《國 朝諸臣 奏議》補。

曾」四庫 本、《國 朝 諸臣 奏議 》作「曾經」。

我」,四 《國 朝 好諸臣 議 作

百」,原 脱 據四庫本《國 朝諸臣 奏議》

不勞苦,人不驚駭矣。然須二年成之,則民京城之修,蓋無疑矣。然須二年成之,則民城長安,九十日畢。考法於古,擇利于今。

圖。 窮矣。 千古之耻,則陛下之功,如天如日,著於無 復爲吾民,成太宗皇帝赫怒之志,雪石晉 以待其變。未變則我不先舉,變則我有後 摇,安保其往? 遠,如天限 惟幽州未破,我軍虚驚。 既克河東,乘勝北討,數州吏民,望風請命。 本漢俗。 指彼數州 七、密定討伐之謀者,彼幽 思漢之意,子孫不忘。 其 八北,無 ,決其收復,使彼思漢之俗, 當訓兵 復 輕 養馬,密爲方略, 班師以來,歲月縣 議。 燕數州,人 昨盟 太宗皇帝 一好已

奏陝西河北畫一利害事

陝西八事

一、相度緣邊城寨未堅牢處,更加修

完

二、陝西諸州土兵内,招願守寨者,移

爲邊兵;

三、新刺保捷土兵内,有尫弱不堪戰陣

者,減放歸農。

草,有事宜則勾赴邊上;

四、移減東兵入次邊州

軍駐泊,以就糧

五、緣邊弓箭手,逐一兩指揮,各築

堡

子居住;

可控扼處并可伏兵之處;

六、逐路差人,密切先相度下山川要害

七、逐路各選將佐三五人、使臣一二十

奏元昊求和所争疆界乞更不問

攻討,則據險修寨,以奪其地,就降其衆。八、相度下横山一帶要害之地,如進兵

人、步兵二萬、騎兵三千,以備攻戰;

一、遣才臣描河北五事

邊

事,一、遣才臣權領河北轉運使,密令經度

班院於使臣中選人,逐十日或一月具選人三、委樞密院於閤門祗候以上選人、三二、再議河北三路合屯兵去處;

新議八陣之法,教習諸軍,四、於陝西抽揀戰隊使臣十數人,授以

數進呈;

以治兵者,教習義勇,并增置將校。五、河北州縣專選知州、知縣、縣令可

今衆議 宗朝北 驅破虜,以雪天下之耻。今北虜、西戎合謀 懼邊事不息,困耗生民,用兵久之,必生他 驅掠西去,遂爲 州之地,舊有屬户居之,則爲我利。 遣使往復,以議通順,而延州塞門并河東豐 并力,夾困 正爲此也。 百戰,大服天下,不敢黷 變,而爲社稷之憂。 通 加 好,禮意甚重,非志不高而力不足也, 不言,耻 臣竊觀史籍,見前代帝王與戎狄結 須欲復得塞門,以全疆土。 陷易州,西失靈夏,及其 中原。 以前 及其國力强盛,將帥 隙 失之醜,而 西兵數年未能平定,近方 地,中國 如漢高 武 求無 利害不繫 而 帝、唐太宗身經 屈事戎狄者 用 和 得 之地 好,皆略 人,則長 借如祖 自元昊 於此 也 蓋 和

之至。 之德,以 計 易,行之實 曲 道之術,社 士 減 借 今 不敢避 直,決 一,使國 以以 省 西 戎怪, 成 草,安我 、勝負 富 重 和 稷 民 好。 增 人 不 難 以以 無 强 宵旰 謗 足 窮之福 以 議 然 與 生 臣 耗 之憂。 上 下 後 民, 争 待 備 兆民,以 四 重 位二府,當思 也。 但 議 夷之變。 勤 其説,累 名 臣不 邊 我 體 危天下, 事 如欲 稼 已 勝 穡 退 順 陛 此 懇 與 移 安 選 台f 下 語 戎 帝 餘 兵 危 惶 包 將 之 狄 王 可 馬 恐 荒 大 則 有 理 練 假

奏爲陜西四路入中糧草及支移二税❸

之, 草 納 道 府 又 臣 路 庫 無 竊 險 須 定 見 竭。 阻 數, 陜 ,百姓勞費,亦 西 又支 並 四 支 路 移 却 各 關 京 屯 輔 師 重 Ë 錢 一税 兵, 凋 帛 往 所 弊。 久 邊 人 而 中 至 1 於 送 行 糧

> 若干。 節 年 將 糧 逐 日 本 朝 以 額 轉 ·各計 路 + 路 支 逐 臣 草,即未責 運 須 分 路 濟? 税 税 四 縱 司 揀 既 賦 中 人 軍 賦 使 人, 充陝 經 精 中 糧 減 馬 課 課 元昊納款 畫 鋭 自 若干石,於京師 草 并 利 利 下三分,各令陝 財 養 事 來 錢 數 見 及 贍 任。 西 利 朝 在 帛皆是定額, 目 啚 ,及將蕃部弓 四 廷 未 1外,每 應 糧 П 伏 路 已差 副 草 誉 望 經 能 數目 邊 田 聖 略 頓 年 逐 上 等 支 計 慈 解 各 路 西 約 事 給 指 置 邊 自然 令支 轉 經 每 箭 仍令三 判 揮 見 度,今後 兵 略 年 運 手 錢, 官 各 助 更選 相 司 兼 悠 亦 專 務 錢 約 比 計 兼 久 無 司 差 使 省 帛 度 舊 管 置 何 定 每

0

四

原誤作「西」,據四庫本並文内所記

² 0 臣 二四 福 安 引作 議 原作 原 》改。 作 一級」,義同。 「富」,蓋 須」, 據 本作 諧 四 音 庫 《長 「慶」,亦可 而 本改。 誤 編 植 》卷 據《長 歷 五 代名 作 臣 奏議

啚 使 經 移 用 口 及 略 軍 不不 馬 知 計 財 更占 用,不 州 置 ,人次邊 軍等, 判官,便 冗兵。 至 虧 如 及 誤 既 能 當 近 依 沿 知 裏 即 此 邊 州 州 加 減 入中 差 軍 獎擢 省 遣 駐 有 入中 與 劄 數 本 此 其 軍 萬 路 必 國之 數 經 四 自 及 略 路 那

奏論陝西兵馬利害

大

,乞聖慈留

意

也。 心, 賞。 防 力 有 鬭 以 秋 有守 入無厚賞, 若 牛 在 志 臣 衣 酒 飢 將 近 竊 食, 必堅,有戰 以 必必 知 不足其 使 以 悦 陜 須養 增 壯 西 之,律罰 軍 氣。 「禁軍、 其 有 食, 育訓 必 力。 退 寒不足 强 雖二十萬 志 廂 練 平 以 積 軍 威之。 將必 以 寇之期 以 不 其 金 期 下二十 喪 (衆,合 衣, 帛 成 如 氣 管 功 出 示 此 萬 爲 無 口 則 有 在 雖 壯 乎 1 兵 厚

中,即 之時 萬 色 必 錢 미 陜 廷 者 出 鈔 請 金 + 寇之期,未可 外, 「, 亦 身,除 貫 須 帛 以 萬 速 放 銀錢帛, 百 西 備 者,京官致仕。 件。 數。 事 以 行 衆,或有 爲 來 百姓已 縁商 聽 更 利 名,縱 邊。 大 向 與 家 須 計 納 勸 更有 南 、恩澤。 則歲 所貴 客未多,且可 賞 便 以臣 虚 之, 及 鹽 1 二心,守則不 官。 使 勸 許 逐處 得 客,使客旅 也。 防 時之内,必 臣 百 於 一軍 萬數,除 所見,今権 所 秋之期 願 姓 請 陝 富 用 萬貫者,與 於弓箭手、民 未 如 班 樂 逐 實之家,不 西 金帛,誠 振 曾 輸 行 處 少 頗 應 泂 安 給 三軍 勸 入納 難 助 堅 或聞 舉 排 東 貨 與 一,戰 誘 充 糧 有 到 糧 路 務 向 或 人 足。 須 E 草 邊 樂戰 爲 則 省 三説之法 納 草 商 大備。 以 不 佐 南 備 兵肯戰 而 商旅 不 客纔 就 并 三説 與 末鹽 上 臣 已 官 强 件 乞 差 金 所 本 則 平 今 守 朝 遣 科 交 物 銀 以 若 有 夷

狄 或 家安危之計,在聖 不 利,中 外 無 憂。 心 Ш 英斷。 海 之利 天下幸甚。 '; 何 足以吝?

奏乞陝西主帥帶押蕃部使❶

蕃 萬 用 環 料 内 愛,緩急可 恩威得所,大可防托邊界,減得兵馬。 兵士,皆能 二人兼管轄蕃部使,所貴激 部使。 數。 「錢,亦 州 心, 只 种 蕃官一 臣 專 其 世 竊 無 加 一衡、原 匹 見 辛苦, 月糧 以 統]路主帥 千餘 環 領,緩 呼 慶 集 州 路熟户 熟 人,各有請受。 衣 使 蔣 於戰 急使 賜 亦令依舊 唤。 偕 所費,少於養贍 、唤,漸 蕃部約 鬭。 撫 欲乞朝廷 馭 勸邊臣、於熟 蕃部, 如 時 口 撫馭之間 及二萬 節度,並 每人惟 減 先 最 得 授 今來 戍 有 長 有 兵 此 畏 行 户

〈乞宣諭大臣定河東捍禦策

大故 也。 族并 號 今邊 丹邀中國 信,今朝廷便欲倚憑,此 此可疑二也。 小族, 豈二國 動大兵,必有大事 又報元昊亦已點集左廂軍馬。 擾 邊 夾 又元昊自來 上 ,何敢便 臣 探 Ш 竊 屢 部 報 進 見 擒將帥 皆稱 落。 納 契 盡 與 物帛 自古聖賢 丹 惟 舉 契 及稱 遣 契 倚 大 丹 欲 使 以 丹 如 契丹,侵凌中原,今無 相 兵攻討? 亦 來 臣 大 盟 屈 可 絶, 議 與 料之,夾 發 信 朝 伏 疑三 論 元昊兵馬 兵 可 而 廷,言欲 朝 保 馬,討伐呆家 皆 舉 廷。 既是二國 也 此 稱 兵 Ш 何 可 一等蕃 至有 元 夷 相 前 相殺 西 昊 疑 來 狄 持 征 鬼 今 僭 部 契 無

❶ 「乞」,原無。「部」,原作「落」。據四庫本並文意補改。

道 占 又 日之舉?● 足,至南 1書亦主 大 可 疑 Ш 城 五. 寧化 陷。 又可 也。 軍、岢嵐 今二國之兵萃於彼 疑 又邊 四 也。 Ŀ 軍 探 後 河 得 東 面 契 「,覷 地 丹 震 遣 步 方, 數 谷 使 年, 此 口

道

[路,此又大可疑六也。❷

疑 皆攻城之具,與昔時 少 則其餘城,乘風 可 契丹素善攻城,今探得 萬 ,衆寡不敵,誰 ,爲後舉之策。 攻,如却人 此度却未奔衝,以取 衆,乘不備 設或二國不守盟信,卒然 漢界,併 而 來, 미 敢決 此大可憂三也。 下。 河東軍 不同。 攻三兩 戦 點集 此 ? 中國之信,使安於 大可 此大可 馬 床子弩并砲手 況元昊界無 城,破 不多,名將 奔 - 憂二 衝 憂 而屠之, 也。 以 數 也。 城 極 萬 +

一奏,納於御前,使中外安静,不更憂疑。必不入寇,亦不與元昊連衝,則乞今日同署今乞聖慈顧問大臣,如契丹可以保信,

處之。 他 臣 寇入境,然後爲謀, 不能當二虜之勢,或 錢帛,據 捍之策,抽 信,則乞指揮 一待罪 日或誤大事 兩 何 府,義當 處 何 要害。 路 大 責 臣 軍 一,今日一 馬,用 有所歸。 極 則 論 更因 如 河 不 此定策, 東 何 更 循 敢 人 不 度 如 傾,危逼宗社 將 有 歸 大 日,❸直候大 猶 帥 隱,繫聖斷 廳 臣 恐後時 添若干 便 不 敢 畫 禦 保

(乞拒契丹所請絶元昊和約

難。還答之際,尤宜慎重。臣竊見契丹來書,謀事在邀功,勢將構

0

[「]有」,原作「此」,據四庫本改。

^{) 「}可」,原脱,據四庫本並《歷代名臣奏議》

[「]或」,四庫本作「若」。

許 朝 他 廷 此 行 舉,將 征 書中 討。 來何 言元 其 邀 以禮報? 昊於中國 功之意 又 名體未順 此 大於 難也 前 特特 若 爲

言 昊所 我自失信,而從契丹之請。 昊昨來納款,尚不肯言契丹指蹤,朝廷豈 信,苟遣人來 .契丹之意,以 Ê 書 書中 门削 號 次 納 誓書, 稱 言 拒其 臣 請 名體 和? 朝廷絶 朝 廷 頗 此二 如 何 元 順 無 辭 昊。 難 拒之? 名 雖 也 而 未 竊 拒 觀 爲 則 可 元 誠 元

與元昊 貢 ? 狀。 於 户,彼亦自可 邨 契 中 國之心。 丹,又納 或實於他邊界曾 若朝廷 一、元昊於契丹,從來 怨隙轉大。 因 問 其請 此三難 而 罪,何故便要朝 從之,苟元昊不日 朝 則 也 有 廷 與元 相 失其 昊依 傷 未聞有不 况 廷 、守,長 舊 是 絶 相 却 元 連 二百 臣 昊 兀 謝 之 進 夷 我 调

一、契丹今來逼朝廷絶元昊之款,我若

和,是 已 不 謝 敢 過 違 朝廷已失所守,豈 設 拒 盟 而 ,更不討 遽從之,❶將 伐, 能 却 來 更抗契丹之辭 逼 契 朝 丹 廷 却 與 稱 元 昊 元 通 昊

此

四

難

也。

必乘我之失,大有呼索。 辭,元昊豈肯以 失,將來却以 朝廷若以契丹之故, 何 前 解 來所 與 他 此五 許,屈 和 阻 約 難 ? 絶 伏 也 元昊, 於 縱 朝 巧 廷 能 大信 設

虜真 所請 言。 臣請朝廷建禦捍之謀 丹、元昊本 僞之情。 或即 、元昊或 阻 來 之,誠 連謀,今日之情,未可 邊 納 事 誓 如 書,既 朝 此,恐誤大計,不敢不 以待二虜,◎不必求一 廷之所 不 可 重 阻 也。 · 今 "憑信。 契 然 契 丹

❶ 「遽」,原作「據」,據四庫本改。

^{✔ 「}二」,原誤作「一」,據四庫本並《長編》卷一五一改。

奏爲契丹請絶元昊進貢利忠

體 行 東,亦足相 細,此不可信三也。 是動有關報。 親信,須指揮夏州令楊守素入南朝勾當, 昊,何却只問楊守素往來次第? 昊有隙,必行討伐,其人使即合堅 兵,以討元昊? 朝廷絶元昊進貢。 遏元昊,今聞名體 重兵於雲朔。 順 討伐,必堅要阻 不 臣 ·順 ? 此不可信二也。 |竊見契丹來 爲聲援 顯是契 今來虜使却言北朝並 如元昊以 此 得 絶元 未順,遂舉 契丹安肯爲朝 不可信 書, 萬一契丹必有深隙 丹虚 至則享厚利。 昊,豈暇問於南 余靖等今有見虜 稱 誓 一稱爲 朝 書未立,入寇 也。 - 兵討 廷 朝廷 曾請 若自 一請 是 廷 伐 西征 不知子 無 阻 特 契 如 朝 與元 又 丹 元 必 絶 舉 ,駐 須 昊 河 名 必 È 討 元 請 止

> 也。 縱背盟好,亦有以待之,少減生靈之禍。 必 邊之策,然後 舉 更不 而 以 討伐,使元昊人貢,以此爲功 而 專 激 勝之理, 善退? 於致賂、欲滿 入寇,納誓書于朝廷,則 臣 重 報。 謂 朝 則亦 是契丹進 廷 願 遣 今日答 朝 使 可 虜 廷 往 以 熟 志,則契丹大兵豈肯 來,使 遏 退 書則 慮此 其邀 有利 虜 是,先且 易,將 契丹自爲 功 知 而駐兵雲朔 而 求報之心。 我 俱 報 有 大議 爲我 備 必 因行 難 備 虚 害

奏乞將邊任官員三年滿日乞特轉一

資

任 諸 兵 均,又遷 處武 武 臣 臣等竊見陝西、 此 并都 臣 將 轉 班 無 佐 監 行 别。 巡 而 下 例,五年磨 檢、 是致 常患乏人。 河東沿邊 寨 各圖 主、監押等 勘。 優 州軍 穏,不 **况**戦 既 勞 自 城 就 守之 逸 寨 來 邊 與 主 不

四三五

軍 所貴邊上例各得人,爲經久之備。 等欲乞朝廷别立條 地 ,滿三周年者,並 其 死 節 苟 循常規, 與特轉 制,應陝 一資,不 將 西、河東沿邊 何 以 隔磨勘 勸 州 臣

奏乞重定戰功賞格

路。 臣 賞格并諸 前得力之人。 無適從,最害邊 人所獲分數, 請 韓 ,所見各異。 琦 所貴軍 臣等竊見用兵以 處起 中知信, 亦與 至於使臣 或謂 請條貫,重行定奪,頒下諸 事。 士卒一 須要首級,或謂 第賞無 臣等欲乞朝廷 來,戰 軍員,並不 般校 差。 陣 行 功。 賞, 臣 范仲 . 許 將 是 當 逐 元 以 手 録 處 淹 定 人 下 陣 起

奏乞編録緣邊部署司條貫宣敕事

部署司 條貫 敕》,所 度編 各令遵守。 處多有漏落。 録 不 臣等 如如 ,令具録前後宣敕條貫,候到亦令相 少,當用兵之際,再合參詳,兼 有 諸 竊 臣范仲淹、臣 路沿 聞 司一務編敕之例。 臣等欲乞朝廷指揮諸 朝 邊 廷 部署 已議 差官 一韓琦。 司,前後承受 删定《天 須下 路 - 逐處 宣 聖編 沿 慮 邊 諸 敕

奏乞差新轉京官人充沿邊知縣事

别無選擇之法。臣等欲乞特降指揮,今後自來除合差京朝官外,其餘並從銓司擬注,軍,當用兵備寇之際,逐縣令長,尤要得人。臣等竊見陝西、河東、河北沿邊次邊州

亦使 與 縣 陝 當 令員闕,並差奏舉磨勘新 西、河東、河 西 才俊之流 川 差遣。 北 語 沿 所貴邊遠之地,人受其賜。 練邊 邊次 邊 事 州 轉京官人充填 他 軍 日 三千户已上 選 用不乏

奏乞免關中支移二税却乞於次邊入中斛剅

臣范仲淹、臣

一韓琦

如

此

守邊

,庶爲得策。

軍, 臣 縣 人 大 來災旱,民力困 患者,是支移税賦 免支移 八户往 l 等欲 送 困 山 納 臣 坡險 州縣 并邊上 乞 彼輸納,比 竊 所 朝 見 費 惡 陝 廷 督 Ŧī. 責 西 指揮 入中 乏。 倍。 數 路 轉般 别 不能 年 都 斛 害民 路 如 食 以 轉 邊 所貴三倍,比本處州 物 **蚪**,大段價 存 來,科 斛 運 儲 若此,實非 草 濟。 蚪。 有 司 料 體 備,其二 率 兵間 赴延州 常 ·百端, 量 高 時 關 最 出却 久計 踴 税 保安 輔 爲 民 貴 京 與 今 民 力

> 次邊 師,見 邊 有 備 州 就 軍人中。 錢銀絹 則 食糧草。 每 遇 萬 事 所 宜 既 數 貴 稍 稍 浩 減 慢, 蘇 瀚,亦令 得 民 可 官 瘵, 中 以 退 貴 又不誤軍 相 價 那 度 軍 權 既 馬,於 於次 次 期 邊

奏乞許陝西四路經略司回易錢

之經 省 運 延 帛 使臣公人等,任便回易。 司,應本路 指揮,下 萬 等四路帥 帳 司終是本 收附。 过度,即 臣等竊 數浩瀚,官 鄜 州 邊計常是不足。 延、環慶、涇原、秦 . 職 以 臣 所有勾當人等, 軍 雖有管本路糧草之名,然 西 所 故 陲 司 管錢帛,並 不 用 屈 敢 兵 乏,未能 專行計置。 以 其收到 來, 如 臣 許 鳳 能 等欲乞特 沿 選 充 利錢 路 大段 用 邊 差 若 經 所 除 明明 口 略 不 其 費 廉 降 鄜 錢 易 幹 使 委 轉

賞 得 所 利 息,委本司 貴 有助軍 費 具. 了, 少 數 保 明 聞 力。 奏, 特 與 相 度 柵

奏策試方略等人各與緣邊差遣事

西 邊小 者 及 奏名人,得雜出身、試銜、齋郎等未該放選 甚 若只假以虚 習邊事,經歷 不 略 或於近裏差官往彼勾當,到本處 長 有 理選限者,雖程試之下,偶不及等,●或 河東轉 并南省特奏名受恩澤人,或未該 處 司 廢 如 臣等竊見河北、陝西、河 判司 馬、 事 願 入邊遠,即 運 司 簿尉并鎮 臣等欲乞特 名,實恐多有遺滯。 司,應本路策試方略并 艱苦,或鄉曲有譽,年未衰退 士、文學 家中務場,常是闕官 相度年 助 降 教 指 等 東自 未衰老、有 揮 並 下 却闕官員, 不 况沿邊次 來策 河 理 南省 放 北、 選 選 試 特 陜 曉 及 心 限 方

> 力、行 錢。 酒 陝西 税 等場 沿 臣范仲淹,臣韓琦 止勾 邊 次邊 務 當得事之人, 7者,只 小 處判 與 驛 司 券,更不支本官 簿 具 保 尉 明 内 申 監 奏, 権 新 與 料 置 注

(乞減武臣充提刑及令樞密院三班選人

奏

進呈

使臣 體 州、知軍并駐泊都監、大 家禦捍,實在三邊。 人勾當,方可主兵馬,安緝 探 事機。 ,或邊上倉卒要人,終是怯懼,不堪任 今西北二方,交 今來諸路提點刑 困中原,驍盛 不 寨 惟 蕃 戦 寨主常要有心力 獄多占却心力 部 將 ,嚴治城寨 乏人,其 如 此, 知 國

司

^{■「}偶」,原誤作「隅」,據四庫本改。

^{」,}原脱,據四庫本補。

活

生

乞重

選

知

州

軍

大都

巡

檢等,

以

鎮

寇之要

也

至

於川、廣、

荆

湖

近

揮者

司

往

指

病

增膽

E

多得

姓

名聞

奏

引

見,與沿邊次邊

及令三

一班院

項

提

點

刑

獄

使臣

庶

免

取

笑

兀

方。

仍乞委樞

之官澄

清部下?

大

此

如

無

精

神

心

力

則

充

邊

Ŀ

知

州

軍、

駐

泊

都

監

或

年

·甲雖

高

[,素有

心

精神者,並

與三路

邊

上

分,只令文資

勾

當,

却留

武

使。

欲乞特降

聖旨,

諸

路

提

點

刑

獄

除

Ш

建路依舊差文臣武

職

相

勇,緩急可用,此乃養育將材、禦備 有精神心力之人,既久於其 亦常選人,逐月一度,具選到 外,更常切於武臣中選人, 是不材之人, 豈堪 力,未至衰老者 便可退入閑慢差使 差遣,令慣習邊事 勾當,頗 密院,除選揀 職,揀選 差遣。 兼外, 撫 蠻 之 邊界,存 事, 濟 所貴 爲按察 少壯 其餘 處 「, 亦 事 則 務。 亦 戎 漸 邊 人 H 可 有 路 邊上。 細揀選 往 却 並 庫 司,應在京及畿内諸軍,今來并向去合起 軍 又差發兵士五千人往 披帶教閱、虚破禁軍 小弱怯懦之人,道路指笑。 西 人,并向南諸 奏 令送 乞 務 邊上兵士,並 發往邊上替换。 邊 少壯得力者 揀 并 上屯戍,内 臣 其揀 還。 下小 外 竊 選往邊上屯駐兵士 見去年 路 下小弱 廂 弱 内 處 軍 不堪 有 須 廂 即 有 以來 身材比 軍揀· 如 逐 不 欲乞指揮下殿 諸 披帶之人, 更不令發 人數内,元 指 却 得揀下。 諸般請受支賜。 秦州 處 自 願 揮 上添填 鄉 舊 依 歸 京 軍 等 添 次勾 本 及到邊上 差 屯,并 様小三兩 ()逐指 處 係在 顧 所 撥 舊 來本司, 到 禁 有年老 前 指 京諸 續 經 軍 馬 揮

有

諸

步

軍

子

發

一,不堪

販

之

往

陜

内

有

今來

將 各 排。 押,依此 補 内 轉 功并 員, 患之人, 並 在外 得 去 填 無 員 年老 年 齊 勾 可 日 武 却 依 整,不 選揀 當。 藝高 於本指 州 秋 揀選 此 依 疾 即 軍 後 揀 本資 患 等 ,即於以次指揮 府者, 强 所貴在路 差 ·至依 起 選 第 不 揮 人,升一 一發。 到 施 施 得 與 向 屯 前 行 行 即 力 剩 下人 仍乞指 駐 作 訖 委 者 員 便 過 駐 逐 如 兩資,權管 安 逐 有 員 亦 泊 本 處 排 幹了 + 旋 便 内選 其所 揮諸路部 并 長 指 開 將 揀 今後 吏、 揮 其 軍 坐 内, 選 差 揀,令權 逐 人 -員,部 都 「勾當, 聞 兵 員 差 揀 别 指 監、監 署 士 到 + 選 與 揮 司 兵 本 轄 管 將 候 得 安 人 所

奏乞揀沿邊年高病患軍員

定武藝高强,須以弓弩別定斗力及射親格式。●

臣等竊見用兵之處,諸軍内若有指揮

泊、就 脚 於都 駐 計 選擇,則 蹤,多致退 不 時 使 無 者三員。 力之人,兼 今來邊上諸 各能 手 甚 精 會 員 駐 得力, 知、 神 沉 逐 寮 糧 泊 不不 重 處 得 押班 諸 恐將 將 人 内二員往 并 經 力, 軍人 能部 敗。 領 更 則 員 軍 疾 略 及近上内臣内,選差諳 其 有 向 來 則 人員, 患 八員司 部 下, 轄者 顯 依 見 下 不 尫 面 署 是 前 兵 闕 陝 1: 唯 弱、 共 司, 發 ·, 甚 士 誤 軍 人 西 卒 訓 揀選。 遣 不 數 事。 氣 並 路, 有 方 例 勾 練 赴 不 年 强 開 堪 肯 集 各驕 齊 闕 披 臣 少 老 坐 弱,繫於將校。 管下 用 整 員 如 等 帶 病 申 命 别 墯,不受指 往 内 欲乞 若 兼 奏。 及 患 屯 與 有 河 全 臨 愚 不 若 歷 駐、 安排 年 東 朝 早行 不 内 邊 陣 戇 人 高 路 駐 得 員 之 中 事 全 廷

0

[「]親」,四庫本作「騎」。

② 「能」,四庫本作「堪」。

轉 强 諸 朝 指 所 員 旨 得 軍 射 有 $\dot{+}$ 力之人, 願 就 却依本資叙 將 候 管 糧 揀 以 廂 指 選 上 軍 揮 升 畢 揀 去 人 ·, 即 處 員 選 遷。 兩 聞 嘗 據 即 資, 奏, 有 所貴 指 更 給 功 揮 仍 於 帖 勞 將 見 勒 逐 權 者 校 闕 在 人 管,候 得 名下 本 人數,便 并 人, ·誉 武 士卒 將 藝 聽 各 於 來 高 候 **令**

奏乞於散直等處揀有武勇心力人

增

氣

臣

范

仲淹

· `、 臣

韓

琦

奏。 其 揮 喫 有 揀 得 有 11 下 力 殿 本 辛苦之人 到 调 臣 並 班 前 竊 犯 數 知 人,如 司,於散 具 散 員 姓 别 直 不 名聞 分 可 武 并 得 直 等 以 下 勇 奏。當 抑 邊 第 下 班 出 遏 上使 殿 倫, 班 漏 内 侍 議 殿 落 亦 1 唤。 内, 再 侍 等 别 行 當 内 甚 乞特 具 人及識 揀 行 有 姓 揀 選 勘 經 選 降 名 斷 歷、 聞 指 文 内 或

> 誤戰 差遣 使 者,特行 犯 字 唤,以 得 者,差在 權 敵 力者,令逐 管,與 備邊事 升 緣 擢 闕 西 依 人 北 大 處 員 轉 事 段 保 員 處 大, 勝 明 權 例 於 奏 管 常 遞 年 取 勾 須 遷 旨 當 老轉員之人, 先選 安 排 使 \equiv 人在 與 周 有 轉 年 軍 功 無 有 勞 班 中 渦

薦 舉

奏

爲

薦

胡

瑗

李覯

充

臣 德 行 禮 竊 莫 見前 義 臣 大於 聞 密州 見 臣 求 之至 在 賢。 觀 湖 州 察 忠, 郡 推 泰 莫 學 官 通 先 教 胡 之 於舉 授 瑗 朝 湾志 聚 豈 土 徒 窮 敢 ; 墳 百 君 隱 典,力 餘 之 默 ? 盛 呈,則見非常儒之學。 賢之日,可遺於草澤,無 慈特令敦遣,延於庠 六經,莫不贍通。 書》、《明堂圖》,鴻儒碩學,見之欽愛。 異等李覯,丘園之秀,實負文學。 獎,升之太學,可爲師法。 習以禮法,人人嚮善,間里歎伏。 不 下之聲教,爲一代美事。 惟 講 論 經旨, 著 求於多士,頗出倫輩 撰 詞 序,仍索所著文字進 取進 業 補風 伏望聖慈特 又建昌 咋 而 化? 常 教 著《平· 軍應茂 此 以 伏 實 孝 講貫 望 加 助 弟 聖 陛 搜 土 才 恩

奏邊上得力材武將佐等第姓名事

臣等在邊上,體量得材武可用將佐人

數如後:

第一等:

涇原路部署狄青,有度量勇果,能識機

變

鄜延路部署王信,●忠勇敢戰,身先士

卒

環慶路權鈐轄、知環州种世衡,足機

略,善撫馭,得蕃漢人情。

環慶路鈴轄范全,武力過人,臨戰有

勇。

第二等:

其人累有功勞,欲乞特加遥郡刺史。 鄜延路都監周美,諳練邊情及有武勇。

知保安軍劉拯,❷有機智膽勇,性亦沉

審

秦鳳路都監謝雲行,勇力有機,今之驍

將

❷ 「保安軍」,原「保」後衍一「州」字,據《宋史・地理志》❶ 「路」,原脱,據四庫本並《長編》卷一五一所書繫衡補。

並《長編》卷一三八所書劉拯繫銜删。

延州西路巡檢使葛宗古,弓馬精强,復

有膽勇。其人近聞本路有贓私事發,❶斷遣

日,乞别取聖旨。

鄜延路都監譚嘉震,勇而有知,戰守可

用。

涇原路都監黄士寧,剛而有勇,可當

隊。

鄜延路鈴轄任守信,能訓練,有機智。

原路都監許遷,訓練嚴整,能得衆

涇

情。

秦鳳路鈴轄安俊,勇而有辯,倉卒可

使。

環慶路都監張建侯,知書戢下,可當軍

陣。

鄜延路都監張宗武,精於訓練,可備偏

裨。

數内劉拯、張建侯、張宗武雖曾改轉

三人,乞各轉兩資及移易差遣。❷ 資,比諸將,未至優異。臣等今同罪舉保此

再奏乞蔣偕轉官知原州

轉 敕,差北作坊副使蔣偕知涇 路只禦捍西北 連作過,最爲强惡。 須要用心官員在彼。 下有明珠、滅臧、康奴等蕃部,❸常與 城寨,及東北有原州,最 正使,改知原 臣等竊見涇原路 一路,易爲兵力。 州, 若原州一面 昨來臣某爲覩 西 照管上 逼 北 賊 有 州,遂乞與本人 界。 鎮 項 戎 鎮 所 又 軍 面蕃部 静 以 朝 西 原 并 廷 原 則 賊 州 Ш 州 本 相 管 外

■ 「贓」,原誤作「賊」,據四庫本改。

)「乞」,原誤作「已」,據四庫本改。

❸ 「滅臧」,原作「滅藏」,據四庫本改。

四四三

監 伏 兼 本人 比 同 職 又 尋 點 望聖 知知 爲 差遣合入提點刑 即即 本 奉 自 官 藉 況涇州是近裏 敕 添 原 與近下差遣祕 到任 慈 其才幹,非 祕 就 得 州 蕃部 書丞 特 差 己 與 知 臣 過半 制 轉 原 萬八千餘 范 置 :有過犯 州 仲淹,臣 车,州 節鎮 獄 青 正 書 即 並使,依 白 人。 丞自乞换 原原 不 兼 鹽 界蕃 虚 蒙 韓 是 使 降 州 舊 准 改 琦 族 却本 是 相 本 轉 詔敕舉 次該 别 極 兼 路 右 官 邊 在環 無 駐 職 資 騒 差 小 磨 換右 泊 遣 勘 動 都 緣

奏舉雷簡夫充邊上通判❶

爲 草 察 -澤,佐 判 異 才。 官廳公事 臣 等竊 幕以來,備 欲乞聖慈特 見 雷 祕 簡 書 法,昨 省 見 加獎擢 校 通 書 敏 蒙 郎、 朝 與與 求 廷 僉書 敦 轉 之 **沿**遣,起 多 泰 官 士 州 得 就 於 觀

> 琦。 不 差 如 充 所 邊 舉 郡 通 臣 判 等 甘 庶 當當 觀 同 能 罪 效 臣 口 范 進 仲淹、 榮 階 臣 韓 若

奏舉姚嗣宗充學官

舉 官,候 兼 郡 院 一狀, 臣 不不 通 姚 經術, 臣 嗣 避險 通 等竊 宗, 前 等甘當同 任 宜 阻 策 見環 成 置 0 試 四 或 方 州 罪。 文筆 考 庠。 略 軍 百 事 臣 奇峭,有古人風 考 欲乞聖 與 判 范仲淹、臣 在 轉 官、 優 原官。 等。 慈特 監 慶 韓琦 受 若不 效 州 官 糧 格 學 邊 如 料

● 「簡」,標題並內文原作「蕳」,據四庫本並《長編》多

處

❷ 「避」,原作「違」,據四庫本改。

奏馬懷德乞轉閤門祗候青澗城都

監

禦捍 充 與 轉 自 量 馬 延 本 後 得 懷 資 州 X 邊 前 德 掩 臣 層 青 升 等 方。 殺 人 ,曾爲透漏 獎。 有 澗 竊 擢 蕃 城 武 兼 見 賊 勇心 都 其 伏 延 种 破 監 人實 乞 世 州 蕃 蕩 力, 聖 衡 青 賊 族 堪 臣 曾 慈 澗 降 却 帳,累 范 充將佐, 特 ケ 城 奏 仲 差監 與 納 兵 留 淹 轉 所 度 馬 在 當 臣 閣 轉 部 得 監 邊 韓 門 官 領 功 1 本 押 了, 只 琦 資 祇 軍 使 路 侍 候, 馬 唤 却 是 體 禁

范

仲

淹、

臣

韓

琦

奏乞酬獎張信

趙 殿 瑜 侍 等 在 臣 手 等 邊 下 竊 上 作 見 累 前 環 次 隊 慶 與 教 殺 西 押 退 賊 軍 蕃 鬭 陣 賊 敵 奉 得 職 捎 前 張 在 瑜 信 等 延 州 自 銀

文正公政府奏議

擘 與 之 曾 盌 爲 奇 與 改 猛 쨈 衣 轉 獎。 兵 禁 士 服 使 軍 在 侍 唤 其 後 指 禁, 人氣 兩 來 必 使 指 趙 送种 能 中 豪 瑜 揮 身 少 膽 等 先 世 專 見 勇,武力過 並 士卒, 衡手下 其比。 切 轉 教 習, 以 資 · 管押 欲 立 人,爲 獨 張 乞 勝 作 軍 朝 信 功 隊,分 0 廷 即 隊, 特 臣 時 未

奏乞差宣撫副使

寄,須 管 體 臣 廷 軍 昨 萬 緣 馬 量 日 邊 於 臣 一之憂。 體 并 人 蕃 次 奉 相 量 敕 對,乞聖慈更 部 邊 度 逐 差充 料 錢 處 非 中 穀 將 度 陜 臣 糧 寇 利 帥 西 之 情 害,求 草 勇 路 愚 選 事 弱 官 經 臣 口 撫使 訪 畫 官 寮 臣 能 勝 吏 民 既 獨 能 員, 間 勢 續 蒙 幹 疾 否 奉 朝 衆 以 與 苦 朝 那 廷 分 臣 務 朝 ? 照 移 重 同

四四五

揮 往 兼 每 事 臣 議 已奏 而 後行, 乞免罷 庶 少 御 / 差失。 筵 錫 賚 伏乞早 雖 添 差 降 指

員,不至勞費。

蘇舜欽等再奏乞召試前所舉館職王益柔章岷

召試。 已 拱 即 堯 已 可一齊召 試。 有 到京及待闕 辰 臣、蔣鏜舉奏; 先 ,堪充館 次 舉奏。此三人並 杜 臣 **込施行。** 自臣過中書後,商量 仍乞指揮學士院,各試文論二首,足 昨 衍 在 試 先曾舉 閣 樞 職 今所舉 欲候其 密 未 事。 奏; 院 赴 大理 日,舉 任 乞取 太常 人内,殿 中更 有 評 清 欲 事 聲 文 乞降 望 有 丞 蘇 謂 稱 行 一官舉 章 清 舜 中 所 著聞者,先次 有名之士 聖旨,便 欽 岷 丞 望 舉 一萬,又 王益 官舉者, 人多,不 又有 亦 有 與 見 + 王 Ŧ.

> 不 無 以 同 補 觀 尋常陳乞之人,更延資考。 大 其 才識 猷 况 不令更試詩 朝 廷擢 才之際,寧 賦 恐 詞 使滯淹 藝 小巧

奏殿直王貴等

押。 任使。 辦。 邊 揮 心計,緩急使唤得力。 人材弓馬,累度隨軍出入勾當兵馬,須得 正,殿前指 E 使 出 臣 如未有員闕,即 三班奉職郭 遇有 欲乞朝廷各轉一資,充沿邊寨主、監 職 有 隨 闕 揮 在 行 處 使 邊 指 即即 出 上三年 慶宗 使右 職,在邊上二年半,各 具奏差。 自 曾經 班 上件三人,並 令隨 有餘; 殿 直 戰 取進止 行指使,●候 王 鬭 右班 貴, 得 功,及 殿 殿 堪 邊 直 前 到 有 幹 好 指

❶ 「自」,原作「目」,據四庫本改。

奏杜曾張沔

免頗 用 緣 諳 張 到陝府,累有人舉奏,乞别與 今來留住判寺,是 河 北 兵之備 河 練 沔 朔 兼 有 廉 路 臣 改更。 屯師 謹 轉 竊 本官 運 聞 精 使。 右武之地,當選 伏望聖慈 懃, 搢紳 朝 自 在京重 杜曾自梓州遠回,又河 廷欲 可 杜 三司 難職任,乞與别 曾詳 差杜 所許。 八 差 遣 委大臣 副 明 曾判 使、 法令,必 錢 人 大 發 再 經 穀 議恩澤。 北 理 加 誉 運 重 轉 寺、 使 銓 能 運使 難 之任 擇, 面 實所 稱 張沔自 張 自 一,爲 職 有 庶 沔

奏舉張去惑許元

百 姓 大 臣 竊 困 覩 更 或 難 家 刻 用 剥 兵 以 來, 軍 急 不足,又須 於財 利。 經 雖

范文正公政府奏議下

聖慈指 辦 張 又臣 京権 下不 Ш 心,方能 初 時 省 超 万, 轉 元 城 材,不避艱苦。 去惑往 費,疏 切見寧州通 貨 生怨,上不乏須。 臣 莫若求通敏之才,省枉費之用。 功 有 昨 官,差充江 揮 務 集事 寇 料 許 同 彼 取 至。 通 罪 元,才力精 索権貨 勸 澣 利 舉 兼 諭 人 判著作佐 源 本 並 昨慶州修大順城,建 於 情 淮 將 人乞改一官,充 務勾 以 寧 不 制 畏 佐 了 州專管修城,或 書 置 懼 害 幹 臣 當過有 畢 發 ,達於時務。 竊見殿中丞、 生 郎張 却 夜 防 運判官,必能 民 求 興 了, 胥 城 去惑,●素有 中輟 功, 勞績 戰 助 衆 陝 具 軍 皆 乃 事之 特 伏 監 庶 西 創 遂 或 減 精 修 百 差 與 望 在 幾 轉

惑」改。 惑下三司相度任使》所記「著作佐郎、通判寧州張去郵「判」,各本均誤作「州」,據後文《奏乞將所舉許元張去

之罪 當。 遣。 陜 運 判 西 臣 伏 省 官 所 望 麗 己 舉 聖 轉 奉 此 慈 運 朝旨依奏,候 二人,若不 判 差 官 監 其 在 京 張 権 能 去 有 貨 辨 惑 闕 務 濟 自 即 替 臣 合 差 許 甘 别 生 失 舉 與 元 今 勾 差 來

奏杜杞等充館職

事 索? 僑 殿 任 士,令更宿 义。」 蓋 子,至夜 爲 則 居桂 多 亂 育 臣 唐 擢 ₩,故先 玉 聞《 天下治亂,繫之於人。 材之要 久 太 於兩 之地,皆 書》 直 宗 方 聽 Ŧ 罷 置 府 曰:「先王 制 盡 文 朝 · 豈 求 心 今 詞 之暇 館 焉。 省 館 延延 臣 宜 府 閣 必 賢 引 天 臣 坐 諸 臣 由 俊 伏 以 人内殿,講 下 寮 於 司 不充,至 得 賢 待 覩 職 館 率 朝 人 旦 良 殿 任 二,旁求 多 則治,失 廷 文 清 兩 學 于 是 或 論 府, 貧 聞 之 衰 館 政 俊

> 此。 寮供 度。 理寺 鹽 例 試 紨 監 益 章 材 采,更候 在 差遣 之意。 之務 柔、殿 精 首 岷、 館 各 職 其間 丞 供 臣 通 講 祕 補 專修 楚 ,經二年不 竊 ,庶令英俊之遊 職 0 孫 悉其才行,即 中 書 館 建 聲實已著者,乞不限資 復,或 臣 者 聞 能 丞吕 丞 職 中、 切 太宗皇 經緯 發 惟 尹 見 聖 環 士昌、 文 源 或 虞 一之業。 就諸 州 兩 藴 詞 有 祕 帝 部 軍 人 雅 賜 未 慕 大 伏 書 員 司 事 遠 協 甚 施 外 唐 理 丞 日 長 職 判 望 行。 未 公議 文 可 寺 張 郎 玩 官 育 任 聖 稱 皇 潤 杜 典 丞 掞 姚 者,乞特 人 慈 今後 陛 者, 籍, 、殿 之 任,先 蘇 杞、 材 皇 嗣 委 下 英 宗、 舜 猷 不 乞 中 中 太 館 長 無 風 或 或 常 親 加 次 書 派 與 閣 養 尚 子 群 特 於 米 恩 臣 詢 召 相 經 王 派

^{■「}術」,原作「述」,據四庫本並《歷代名臣奏議》卷一三

慈留意 之士 雖 建 搜時彦,大修王度, 其難之。 此 危 小 祕 祖宗盛 必安。 /, 臣 更更 閣,與三 在 方敢 綱紀或隳,雖 事,不 朝廷取 今邊鄙尚 館 上言。 - 爲 並 崇,聽 擇。 不 以 所舉 重。 虞,旰 古 治必 臣 朝 其本之時 謂 雖 今館 之餘 是未暇 亂; 天下至大, 多 皆搢紳 時時 閣 俊哲所 供 也。 ·; 正 或 職 遊 宜 聖人 惟 員 有 聚 幸 聖 廣 聞 數

奏乞將所舉許元張去惑下三司相度任使

要 臣 姓受弊。 轉 賜 地 運 退 德 最 而 司 音 臣 思之,以江 得平 近 宜得 尋 與 宜選 奉聖 宰 和之人則 臣 諸 旨 Ŀ 使二 路 淮 殿 轉 民 制 可 員互 運 置 惟 因 使臣。 發 得 議 邦 换上京,所 刻 運 本 財 不不 司爲 剥之人則 用 尋 不 可侵 面對云, 財 足。 賦 轄 擾。 之 百 蒙

> 穀,雖 京監當 著作 州 不 中 臣 此 長 臣 經 緘、陳執 來舉充上件職任,未至 奏,候有闕 -丞許 了, 臣 在 煩 爲 ,庶協公議 ,不暇巡 二人之才, 才可舉。 使,遂 侵 樞 佐 與 一曾舉 郎、 刻 元 密 前 禮 有 智識 院 歷 日 人 臺 舉 遂 爲 通 充 伏 日,所舉許 與 陳乞事 臣 因 監 判 舉 陜 如 望聖 通 差。 臣 王 在 寧 充 不 上言不當,已奉聖旨改差。 西 敏 切 欽若 州 京権 江 堪 轉 一慈指 了, 可 既 見監在 體 張 淮 運 上件任 不 是轉運 過 妻并宋綬 去 制 幹 貨務替 揮 判 元、張去惑勾 同 越。 惑 置 財 官 京権 亦 ",昨 賦 發 使, 司 判官資地, 已 許元。 復 切 運 慮 在邊 副 貨 奉聖 即 見 妻 判 三司 能 務 使, 别 陳 朝 官。 陲, 内,殿 愛 此二 台 當 舉 相 别 臣 錢 在 宋 依 實 又 度 有 朝

奏雪滕宗諒張亢

必 只 理 際 獨 能 虚 今具畫 臣言 辯 自 實,皆不 臣 陳 明 昨 不 虚 説 H 能 顯 實 面 如 敢 盡 奏 後 然 涉 向 滕 有 黨 前 又章 宗諒 未 庇 達 惟 得 之情, 事 宗諒 臣 象 当當 知 等 雖 從 天 須 不 己 初子 威 知 至 行 彼 震 E 勘 細 怒 中 煩 鞫 聖 又 之 事

宗 慘 時 頭 無 之後,向 牛 兵 諒 兵 驢 項 財賊 犒 起 威 滕宗諒 梁 萬 遣 \mathbb{E} 馬 西 設 五千 沮 人 E 堅 州 軍 户强 到 軍官 管 元 + 又水冰寒苦 餘 渭 奏 設 人, 壯 州 員 滕 臣 環 數千 酒 ,只是一 驚憂,計 宗 慶 切 食 路 見 諒 柴 節 去 於 約 薪 涇 年 次 入城 百二十 無 + 並 葛 州 策 所 日 足, 應 懷 賤 防 出 衆 軍 守。 買 軍 里 敏 情 心 馬 涇 人 軍 户 大 其 滕 州 愁 敗 川

> 時 顯 喜 賊 是 急 當 馬 逼 倉 難 近 卒 可 之 用 收 之 時 買 ; 有 牛 驢 所 此 犒 以 才 軍 力, 舉 縱 知 雖 有 慶 未有 虧 州 價 大 , 0 緣 功 情 其

亦

可

恕

況邊 散與 楪子 得 邠 弟 其 州 」,散與 。 筵 會 子得銀楪子三二十片者。 日 上筵會是常 便有怨嗟 梁堅 而 罪 過 日。 一奏滕 歸 弓 箭 於 當當 宗 滕 其時衆官射弓,各將 軍 直 宗 諒 人 及妓樂, 軍 諒 在 人更番祗候, 邠 州 又云士卒怨嗟 聲 即 臣 樂 非 與 數 宗 韓 日 大 諒 射 琦 何 所 中 到 樂

貫 却 萬 是 貫 稱 ,其間有數 加 只 是 誣 梁堅奏稱 使 錢 過 數 萬 料 千 滕宗 貫 是 貫 不 諸 人 明 諒 公 軍 到 請 用 任 今來中使體 受,在 。 已 後,使 有 + 十 錢 六 五 十六 萬 萬

❶ 「縱」,原誤作「從」,據四庫本並《長編》卷一四七引改

易所得 今來宗 萬 臣 貫 之内。 餘 在 貫 慶州日,亦借 介充隨 ,將充公用 諒 所 豈 用錢 可諸 軍公用 数物 軍 隨 請受,亦作宗 軍 支使 料,必亦是借官本回 庫 处外,却 錢回易,得利 納 諒 足官本 使 息二 過 ?

月,並 能 蕃 當 部 兵馬 此 軍 無 、環慶一路四 馬公事 曠 路? <u>Ŧ</u>i. 闕。 萬 又無 邊將 自宗諒 不了。 州二十六寨, 軍民,亦無詞訟 勾當, 若不才之人,豈 已及 將 八 佐 九 處 數 置 笛 +

皆知 彈壓 後 諒 爪牙之威也,須假借勢力 來 是 其 主 將佐軍民,使 都 。邊上主 部 帥 自 贵 署、經略使, 不 敢便宜 可 保。 一帥,若 人出 一行事? 且 不 將 死 仗 日 方能 帥 力禦捍 逐之 朝 樹 亦無 威 廷 集事 者 以 如 威 强 是國 勢, 立 一小 敵 一威,人 ? 何 吏, 家 宗 以

一、防秋是時,主帥未有顯過而奪其事

可 河 任 卒然處置? 此路又差 便當 東沮 一,將令下獄,若遇賊 法,已曾責 一路委寄? 降 恐更誤 今且 兵寇境,未 王元 事 在 權之,况 邊 上備 知令何 王 員 元 在 人 贵

一、宗諒舊日疎散及好榮進,所以招人

謗議,易爲取信。

辱。 逐旋 家 見搜求稍可邊上任用之人,即 可危人自安,誤陛下賞罰 妄之人,不當用 臣目撃 威 令不 破 非虚, 、臺諫官風 壞 (),使 可不行,須 而 邊臣 在 未 兩 蒙 聞 憂惕,不敢 府。 朝 未 候 實,朝廷 廷 見 既 聽 ? 得實 有 納。 作 加 兼 目 情, 獎 西 即 事 覩之事,豈 臣若是 濯 北 便 ? 方 ··· 豈 未 施 可 雖 寧 行 宜 誑 朏 或

委范 取 到 慶 宗 臣 傑 州錢帛文帳 欲 在 乞 邠 朝 州 廷 指 磨 面 揮 勘。 勘 宗 鞫 諒, 如宗 干 且 連 諒 在 顯有 任 勾 將 欺隱 當 己

違 人 大 己 由 過 及 人急遞聞 乖 違 無 大過 欺 奏,别取 隱 即 人 己 勾 宗 進止。 即 諒 差 勘 人 鞫 取 問 如 無 分 析 乖

亦 量 ,依勘滕宗諒 無大段過犯。 得 張 所有張亢,亦奉聖旨,令便 亢 不 能 重慎,爲事率易。 事行遣聞 乞委范宗傑 奏。 就 勘 昨 勘 鞫。 在 鞫 渭 Ŧ 臣 州 連 體

仰 臣 宗諒、張亢却有大段 至 臺 mi 所 解體 無 以 諫官便是彈劾,臣 仍乞以 外 極言者 ,有誤大事 憂之禍,則 臣此 1、蓋陛 奏 宣 乖 下委寄邊臣 邊 示 違 甘 上 臺 過 與二人同行 一諸路,人人用心, 諫 犯 官, 及 一,使 欺隱 候勘 貶黜 人己, 向外 得 滕

再奏辯滕宗諒張亢

臣聞議論太切,必取犯顔之誅。保任

侵欺 州用 陳。 瞻。 僭 遂進 大段乖越,侵欺人己,臣甘同受貶 銷挫辱,恐誤 彼目擊, 越不公。 不 民詞 明 不公,臣亦乞根 諫,乞聖慈差官勘 入己,及邠州宴會并涇 過官錢十六萬貫,有數萬 切見故監 臣 豈 訟。 自 逃累己之坐? 雖似過當,别無 至聖慈赫怒,便欲罷 邊 睡誤 至於處 朝 察 廷 膺 御 勘 (賞 罰。 獎擢 史梁堅彈奏滕宗諒 置 辯 邊 明 鞫,❶具 一,授任 彝 事 切害,不曾 又有上言張 或 典 州 亦 無 貫不 斯 **犒** 不 與 去。 無 深 在 次 、黜 過 辯 疎 -明,必 諸 臣 有 遇 明。 具 虞 軍 亢 緣 於 寮 事 如 下, 驕 兵 在 慶 必 式 有 未 臣

中 力 能 未有 使 臣 臣 所 曾立大 以 如 激切 此 竭 八功可 力 而言者、非滕宗諒、張 也。 以 威衆者 蓋 爲國 家邊 且 遣 F. 儒 將帥 亢 勢

^{●「}鞫」,原作「逐」,據四庫本改。

狀,多 銀 事 彈 只 欺。 事 在 到 度使 彈 由 自去爪牙之威矣。 腹 以 却 近 非 未 奏 稱 滕 禁繫,皆是非 壓 帥 日 心之人,不足可 經 臣 確 發 狀 其 宗 有 以 諸 臣 ,於軍中自 略部署之名重之,又借以 未 留 實,必 不不 前 毁 諒 外 送官員等錢 望 小 軍 錢 摭 却 慶 過 , 禦捍大寇, 不使知其乏人也。 事 輕,易於 物准 可 已 實 涇 州 件。 動摇 還 難 辱 州 伏 辜。 還、皆無欺隱之情。 納 於獄 其 干 文 前 界所 所有 辯 訖。 畏,則 摇 帥 則 物,亦 任 唐末藩鎮多殺害逐去節 吏。 若令燕 連 諸 動 臣 公用,磨 張亢 用 又因 或 之故 人黨,盛 軍 是國 錢數分明,並 而 逼 不 或 皆 借 當 令認 度 移 顯 至 也。 知帥 数問 公用錢買 時 家失此機 任 録 人己,又是元 勘 生殺之權 寒之月, 借借 問 到 不能治 罪,又是 今燕 臣 三人, 干連 有 其餘 却公用 非 辭 無 度 朝 物, 者, 事 陛 既 侵 若 使 即 罪 勘 廷

> 濃 於支過 怨? 情 邊 坐 塞 須 ()何以 上臣 差官 享 下 知 · 築禄? 州 其艱苦,豈 再勘。 公用 郡 寮,見此深文,謂 度 風 日? 沙 錢 陛 甚 其合干 内 下 豈 一惡, 可 搜 深 使 口 求 居九 獄 他 人 罪 觸 吏 處 朝 黨 目 戾 重 爲 廷 臣 欲 愁 轉 一,當 待 寮優 功 人 陷 不 將 非 須 邊 聊 而 游安穩 帥 察 勞 公用 臣。 生。 少 此 臣 曹 物 拘 且. 兼

别 旨, 别 枉 如實是已犯,便仰 選 抑 有 差使臣二人 官勘 便 緣 臣欲乞聖慈據 曲, 可 鞫 取 亦 免致 旨 具 斷 分 賫 冤滯。 遣。 承認,當 析 去, 燕 聞 度奏 如 唇奏,候 取 其 干 有 問 議 到 異 滕 量 到 事 連 同 宗 情 節 諒 見 即 親 特降 乞 得 且乞指 斷 張 朝 别 亢。 廷 無 如 朝

❶ 「塞」,據《歷代名臣奏議》卷一五四改

之至。 廷建置 久爲 畏人言。 犬馬之用。 之此請,出於至誠,願陛下不奪不 邊 揮 即於河東、河北、陜西乞補一 人指笑。 狀,●乞聖慈先次 事,一一 放 外官,不知 出 |府兵,作諸郡之式,以輔安京 儻 聖慈 念 臣 臣 奏論。 如 若令臣待罪 無 在 任 臣 輔 祈天望聖 貶 或 則 弼 黜 補二輔 已 之體 不避艱辛,尚 ,免令臣包羞於 有不 兩 府,必 ,本是麤 請 近 郡。 合保此 命, 州 辱 激切 . 疑。 臣 臣 君 材 留 二人 師 得 得 命,且 外朝,受 驅 屏 祇 況臣 經 爲 使, 誉 堪 朝 書 罪 臣

再奏雪張亢

之人,自甘伏罪,乞不追究遊索之人。 公用錢回 臣 昨 易 日 到 見 利 樞 息, 密院進 買 馬 呈張 及交鈔 亢所奏, 少,乞與 呈 曾 取 旨 索 將

> 寺丞 慶州 首。 罪。 公使 不 揮。 士: 度丁父憂,家貧 老,與錢一 下 曾親使著係省官錢,❸自 面 黄 百貫文。 燕 通 劉襲禮 錢 將公使 簽判、祕 臣 縱已發露,亦不入己,合該上項 其 度 來 昨 張 П 結 ; 亢所奏二事, 若未有發露, 乃 與韓 易 案 涇 百貫文。又涇州保定知縣 庫 又號 到 州 聞 丁父憂,家貧,起發 書丞馬倩身亡,❷本人家 錢 别 奏。 琦 相 無 物 П 州 在 看 依,與錢五 易 公用,但 推官、監 涇 臣 與錢 到 州 伏 利 覩 同使公用 Ŧi. 息 來邊上有公使 編 不 環州 十貫 + ,相兼使 敕 貫 不得, 己 指 文。 文。 入中 錢 揮 編 更 大大 用 並 是 又 陳 與 貧 曾 敕 不 若 是 進 錢 理 親 爲 指 自 坐 將 即 叔

^{●「}如」,原作「知」,據四庫本改。

[「]亡」,原作「三」,據四庫本改。

^{● 「}親」、《長編》卷一四六並《歷代名臣奏議》卷一五四

事 敕 案。 親 有 亦 結 張 處 元 己,各是從 及將 言 有 絶 勘 亢自首與遊 疎 爲 處定 ? 而 1 外 曰,法者,聖人爲天下畫 兼恐追尋元遊索之人,或 有 輕 件與人錢 事 若不用上 臣 前 斷 重 節 便使用。 與 項 也。 以 韓 條 朝 索人錢,不曾入己 正 琦 貫 廷 伏 物 典 件 用錢 望聖旨送樞 自 罪 刑。 -編敕 及 今來 미 -狀,須 有 事 指 指 若 口 狀 揮,不 揮 易 依 至 并 在遠 利 編 張 一, 不 自 密 則 了,又是 息, 敕 亢 須 院 劾 臣 方, 施 所 以 却 依 與 但 行, 奏 詳 貴 昔 送 燕 不 韓 何 賤 編 人 琦 時 人 度 則 人

奏 辯 陳 留 移 橋

事。 知 左 右 臣 今後不得 前 臣 寮, 日 與 更 恐 章 事 上 得 形 不 象 迹 能 以 主 下 避 張 涉 親 不 が朋黨 奉 德 敢 盡 須 是 心 謂 論 近

> 列 必 無 所 疑

人 ? 降敕、恐外議 公案内,有情 政,豈當 慶幸,不勝慶幸 ? 副 陛 臣 今略指 今切見 等千載遭逢,得陛下聖言及此 下待輔 緘 默,負 陳 審 紛 理 弼之意 事節, 不 ! 紜 刑、大理 陛 傳 圓、 臣日 下 奏陳 播 刑名未審之處 前 天下。 寺奏斷 夜 日 雖 如後。 發 之訓 犯 憤, 雷 É 臣 為馬天 0 霆 願 堯 忝 党遗 盡 參 臣 不勝 其 下 預 如 已下 敢 罪 便 大 П

避

以

令催 開 船,遂 司 主簿 封 日,杜衍乞移此 綱 府日 遣 相 使臣乞移此橋,本 使 陳 ,又乞移之,拱 度, 經 留 度 便具申 橋 而 是 橋,仲孫不 遷之。 真 · 奏。 宗皇帝 辰 府前來官員, 前 朝 亦 廷不 來姚 行。 是 親 不 詔 知先朝 仲 行。 王拱 爲 孫 只 昨 辰 在 損 差 V 知 舟

0 四 庫 本作「列」。

四 Ŧī. Ŧi.

是舉職,今却以 曾添修,今又 察,方可見情 詔 失於 檢 詳 ó 破 不 材 遂 應奏而 料 許 移之。 遂奏乞差官相 奏坐罪,惟聖慈深 司 爲 去 度, 年 乃 新

即 移 節 堯 申 臣 非 橋文字,於初 遂先至 大 、據案申 王 次 一發言 溟 日 方 請 問問 見王 託 照, 九 而後 日納在 當 勘得三司手分已先檢 溟 移 行也, 爲 橋 本 利 王堯臣處,要行遣 人自 害。 望 聖慈察此 陳 溟 留 方對答。 替回 尋

鼠 重 自 老,爲其近 不可外示於人。 下大計,在 忌 云卿 行 器 貶 入廢,不 者,所 r", 正 經 在此 天子 於親 曰:「貴貴,爲其近 可 以 矣。 使 股 也。」又 尊 何哉? 肱 天 法 陛 吏 之列 子 下 堂 以 也 近 縱 小 高 臣 有 今 调 有 則 輕 輕 於 大 \equiv 陛 而 近 罪 司 君 辱 高 則減天子 臣之意 之。 使 也。 則 陛 主 蓋 言 天 投 貴 F

> 其情。 之重 害, 認。 獨 此 守官,遂欲借宅子與 請 是暫時守官,即非久住宅子之時,又未曾言 法,便令入謝,以存國體。 奏王溟受盧家請 用錢賃居,只饒 減得房錢一貫文。 至小,伏 追官 事 託 又無 ? 贵 橋 矣。 、王溟得替 可 或 勒 事 不 兼案内照勘 望聖慈特遣中使 與 停, 今法 移 罰 兩 量人情,只 橋 衆 銅 貫錢,便 寺 之言 減得錢 議 監 託 坐 「, 賃 未 當,亦 其人已移 堯 得因堯臣問及,遂説 人獄之後,須至 允, 住,其王溟尚不肯,須 盧 贵 臣 使 是爲王溟 家宅子, 望 是 杖 傳 減 貫文。 得 群臣幸 聖 請 七 得 宣安撫,釋 慈 辰 + 託 外 員 州 今 因 公 深 邊 之 甚 曾 稱 外 察,可 罪 通 怨謗,又 幸 在 郎 每 虚 判 ? . 甚 請 本 月 放 其 王 有 只 縣 饒 调 見 託 礪 今 利 招

❶ 「檢」,原作「論」,據四庫本並《長編》改

免本 人頻來理 雪,紊煩 朝 廷。

乞移橋 撞致 全招 慈特與改作公罪,免令過後頻來理雪。 知陳榮古所定,未必不當。 若再差人體量,必是先 船 雖 是 所 命,二則未及月餘,已聞 虚 依 損 ,别無私 認罪名,蓋有此 損 誑 舟 王 折橋 狀内所説 ,只有 船五十五隻。 礪 陳榮古定奪 所 所奏,移歸舊 柱 以 曲。 五隻 ,及水勢稍惡,重 榮古定奪 損 今法寺坐爲 因 却人命及陷没財物,並 情理,須至分疎。 橋 内五 橋 致損。 事,據 朝 處,一 新 更不移 不錯移改。 + 雖三度取狀,不 橋 隻因 案帳 船 不利,損 則違 私罪,伏望 又 過 根 橋。 風 上開 往 先 究 并 不易。 以 本因 却 朝 今來 得 相 説 聖 此 舟 詔 元 磕

事 不 移 既 、慎鉞 聞 差王 今來 是三司 勘 礪 得 重 别 行定奪,遂令人 判 無 官, 情 弊, 本案管 伏 望 聖 探 移 慈 問 橋 特 移 公

> 與 改 作公罪 庶 免 非

弊,亦 實言,且非風聞之失也。 是 此定奪,遂誣奏,乞勘 堯 主 王 臣 無 所舉,必 奸謀。 礪 與 堯 臣祖 王 有 礪親自 奸謀。 同 三司 姓名,素不相 定奪 今有 情 弊。 此 勘 事 劾 又奏慎 , Ø 别 無

情

鉞

因

以

謀,滿 音, 聖,特與辯 王溟兔 使傳宣 自 與改作公罪。 息。 令不 右前 朝 一放罪,令依舊起居。 追官 王 避嫌 公 件王堯臣罪名,乞特 礪 卿 明 罰 初 疑。 不不 憂 如此施行, 銅 奏 堯臣 與 陷 Ŧ. 而 監 堯 况陛下 深 禍 當。 文。 臣 有 則衆情 必 不測, 群臣 陳 越次擢 并乞特 有 榮古、慎 出 情 稍 聖 又 賴 弊 安,群 降 意 用 近 及 陛 聖旨 奉 鉞 有 敢 下 差 德 奸 議 並

0 鉞」,原作 「越」,據四 庫本並《長編》改。 F 文徑 改

2 四 庫 本 並《長編 》改

隱 盡 望天 心 助 陛 鑑 下 照 之明 臨 德 ? 臣 至 誠 激 切 絲 髮 不

奏 爲 勘 劉 鞘 滬 0 董 \pm 廉 修 水 洛 城 乞 委 魚 周 詢 等

最 抗, 見 堅 部 洛 功,降下 可 滬、著作佐郎 見 中 署 緣 有 執 城 戰 輟之後,本 拒 司 即 此二人元 涇 非 面 功 抗 抽 原 非 周 有 興修,意望 下 路 是二人 或 他 口 軍馬,其 臣 走 家 意 董 蕃部 禀 料 馬 ·路責 且 1: 其 四 承 須 况 擅 廉 (情,蓋 成 路 受 又已下手 愛 劉 其 人 興 被 功,亦 世情 都 趙 經畫 即 滬 狄 不不 部 正 是沿 合依禀罷 及 青 本人在 奏, 不當 四 署 枷 求 可 修 邊 路 節 送 免 内 輕 築 制 罷 有 位彼 司 罪 殿 棄。 故 城 修 理院 名 後 相 往 以 不不 寨 將 始 殺 修 恐 死 本 班 佐 次 末 狄 懼 合 路 拒 得 水 劉

> 將 被 奏, 魚 勸 破 是 得 更多 萬 事 青 或 、不致因公被 虜, 王 ? 將 周 大 軍 家 因 仍送 一家骨 詢、 有 二人被 列 争 法 例 負 怒 其 利 枷 此 臣 輒 邠 周 董 濬違 即 伏望聖 寮 勘。 害, 肉 有 行 州 惟 士: 非 戮 上言, 勞之臣 軍 稱 拘 德 廉是朝廷京官, 節 致 用 蓋狄 逐 法 冤 戮 管 取 制 犯 兵 慈 致 家骨 勘 則 帥 進 紊 以 青麤 特 聽 訟 劉 人 邊 威 退之際, 煩 下 則 遣 候 肉 滬 人 上 吴 聖 人,未 惜 中 朝 爣 所犯 必 解 將 省 昔 聽 使, 旨 得 允 來 體 佐 陳 狄 臣 即 釋 有違 乘 訴 知 必 湯 雖 青 因 誰 所 罪 非 驛 之 朝 皆 依 矯 知 肯 則 奏, 尹 往 封 節 闕 將 廷 銜 將 惜 情 詔 竭 洙, 佐 彼 侯 制 事 下 怨 帥 力 事 得 罪 命 理 邊 聞 謂 免 委 以 以 自 行 亦 亦 口

● 「水」,原作「永」,據四庫本並《長編》卷一四七改。下

文徑改。

兩 全 彰 陛 下 保 庇 邊 將 之 恩 使 武 臣 效 死

以

報

聖

慈

奏葛宗古

之。 處 廨。」今朝廷支賜臣寮公使錢,既 准 私 臣 邊 用 降充近下班行 刑、大理 更不 物 自 上得 公使 盗 伏覩《刑統節文》: 議 貸 論 臣 若 人及貸之者, 力將 錢 竊 係 曰 出 寺 立 省 知 : 人 斷人 付 判案 即 己, 延 帳 佐 市易 州 拘管 充 必 奏 極 葛宗古實 減 西 公 然挫 案 典 二等。 路 而 ¬, 不 廨 無文記 ()縱蒙 「諸監 已 都 私 收 屈 上 巡 謂 用 更更 出 在 朝 者,各 即充公廨 檢 以 朝 以 臨 剩 其 廷。 使 無 官 盗 廷 主 數。 葛 寬貸 論,有 亦 已支付,逐 勇戰之氣 物 守 減 宗 臣 無 迴 今恐 以 昨 古 及 磨 等 充 用 文記 官物 亦 奏 爲 勘 公 公 須 陳 坐 審

減

之。 名死 使錢 遣 其 延 枉 殿 人 上 一, 實 路 指 己 濫 項 公使 爲 陳 伏 罪之坐 中 處,官員 IE. 恐 敢 侵用 望 錢 最 其葛宗古弓 條 難 監 從 聖 顯 爲 得 主 輕 公使錢 慈 是 驍 一,誠 兼 自 因 乞從 果。 官 迥 遂至 元 盗之法,只 循之間,爲 爲 唤 無 充 馬 法之一 IE. 正 今 新 條 公 入罪。 條 精 條 來 廨 判 貫 付 定 强 八,今將 之 朝 大 弊,公朝 物, 罪 理 廷 是 復 中 切 (捃拾 選 寺 有 書參 慮 法 然 私 私 將 杜 膽 寺 今 後 用 用 之 勇,在 善, 曾 議 古 後 近 多 公 者 際, 陷 令上 當 使 其 免 有 例 自 錢 此 除 公 斷 有 末 鄜 有 正

四五九

雜

奏

任。

名,

足

以

照

管

邊

事

乞

更不

帶

招

討

部

署

職

奏乞罷參知政事知邊郡

奏見選 今防 手詔 揮 効 臣 下 成 賦,及指蹤諸 須 罷 朝 可 不 ,誠無寸功,如言鎮 與不成,大須防 平大 敢當,但 秋 下 廷 臣 臣 人進呈次。 問,合用何 遣 近 事 參 與 使 患 近 知 便 韓 將,同 稍 政 恐 惟 琦 宜. 知 事 失 期 上言 處 邊 將 人,鎮 於 今西人議 心 夙 置 知 情 來之患。 彼 協 陜 後 夜 邊 方 力,以 願 西 西 經 時 上 彼 口 在 方,保於無事 邊 畫 西 願 辦 驅策。 畫 和,變詐 方? 郡 禦深入之虞。 聖 措 臣 集。 略 慈 置 久居 帶 陳 早賜 兵 安 兩 又 雖 難信 八 撫 馬 邊 府 近 無 則 事 之 指 寒 E 覩 財 奇

奏乞互换巡邊

换。 管。 取 邊 進 上 止 所 勾 臣 臣 有 等今商 等 當 逐 奉聖旨 候 人 將 舊 量 來 例 ,欲乞今秋 商量,互 春 御 初,即 筵 并 换 錫 臣 差 往 齊等 仲 臣 陜 淹 韓 西 並乞免。 却 琦 邊 往 先 1 巷 往 照

奏乞免參知政事錫賚

縉 虚 例 紳 薄 有 3錫賚。 之才, 臣蒙恩擢 伏 望 涓 聖 緣臣 勞 授 慈 未 參 昨 特 立,不 拜 知 賜 樞 政 寢 密 事,今日 罷 可 副 再 庶 使,已蒙 有 寬 貪冒 人 憂 朝 懼 恩賜 貽 竊 譏 知 實

奏乞免錫賚

謹 位 臣 今早已具 具奏聞 樞 銀 以絹者。 府。 臣 今月二十三日,蒙聖恩差 〈奏陳 僅 伏念臣偶以非 方踰 乞,賜罷 明,改 多大政 П 聖澤,庶 才, 誤膺柬 不 到 安 可 中使,賜 愚 拔,備 復 悃。 賚。

奏避蔡禀嫌

合上言,乞聖慈特降指揮。 來禀爲糾彈之官,臣 臣 女子嫁 得 監 在 察 政 御 府 史蔡 取進止。 恐 有妨礙。 禀之弟,今 須

奏乞在京并諸道醫學教授生徒

祗應。 特降 後,方可選試。 文字,召京城習醫生徒聽學,并教脉候及修 爲醫師,於武成 誤傷人命者,日日有之。臣欲乞出自聖意 百萬,醫者千數,率多道聽,不 大,著于典册。 終考其醫事,以 合藥餌。 亦其意也,即未曾教授生徒。 敕 臣 一觀《周 仍指揮今後不由師學,不得入翰林 命,委宣 其鍼 禮》,有 灸,亦 我祖宗朝置天下醫學博士, 高第者入翰林院,●充學生 王 微 制其 一廟講 院選能 別 醫 禄。 説《素問 立 師掌醫之政令」,歲 是先王以 科 講 説 教 今京 醫書三五人 經師授。 授 》、《難經》等 師生人 醫事 經 三年 其 爲

489

●「第」,四庫本作「等」。

范文正公政府奏議下

大將 所 府 官 官 府 以 姓 院 院 徽 臣 1, 所到 專 貴 累 精 E 醫 院 已有醫學博 祇 一人奏舉 管 安排 天 有 熟 應。 人 覆 如 累 試 下 功 有 在 即 仍 點 有効者,即 効者 醫 如内 取 外 功 與 檢 指 即 者 道 効 面 醫道精深 免 其 揮 不 2士,亦 亦 中及諸宫院 私 者,只與 各 即 户 學 得 轉 習 送 有 保 下 醫 運 人 與助教或 令逐處 武 得 使、 翰 原 明 諸 生 成 醫 八支賜。 高等者,方得 流 聞 徒 林院。 般 提 Ŧ. 道 , 不 奏, 差 使,不經官學,百 也 點 習 廟 精 西己 候 與 殿侍、 致 刑 生徒 比 通 所 念 如 獄 助 枉 有 試 祇 有 得 如 并 教 祇 轉 \equiv 應 諸 人翰 网 更 近 性 安 司 + 應 部 運 各 委 道 + 命 排 州 判 選 軍 年 林 官 醫 州 朝

奏 乞 選 河 北州 縣 官員

用。 先 與 之 家 後 開 德 奉 \equiv 開 成 既 有 今 唐 兵 時 元 至 宿 折 臣 威 末,倚 矣。 教 末 於 伍 開 農 衝、 謹 府 衛 制 有 以 類 皆 按, 河 務 兵 元百三十年 服 果 弓 也 北 市 安忘 且. 事 毅 唐 矢, 點 井 臣 逐 則 時 府 初 徒、驕蹇怨叛、終 然 得 危, 恐 處 馭 習 内 武 Ŧi. 義 所 官 之失道 <u></u> 日 開 臣 武 百 仍廢府 ·,天下府兵 勇 置 非 + 居 七 官 鄉兵二 | 倉卒, 不爲國家之 其 六 十 外 無 屬 人 衛 事 以 兀 兵 不不 則 及), 天 則 統 以 十 寇 揀 以 無 武 能 軍 聚 亂 萬 喪 下 點 逆亂 屯兵伍 以 旅 臣 戎 之資 唐 遂 法 恩撫 亦 居 臣 制 室 亂 者 如 自 内

其

或

及

武

以

使

外

河 北 州 縣 部 内, 各管 義 勇, 其 長 吏 所

濟

其

廣

,爲聖人美利之一

綏

即

唐

無所 也。 此 西關 昧 萬 更 之,是陛下河 馭衆防亂、恩威 有 中 兵 增 貪猥之人,存留者不過勤謹畏懼之士,其 幾人哉? ,才可馭衆,或智 則 豈易 伍 置官 倚賴也 Щ 陛 一之險。 爲 下 重 百 軍 將 + 臣 北二十萬之衆,未有統 何 即 今北戎方盛,河朔千里,無 員官吏爲 又官 得所者,必未多也。 料 爲 財 按 必 可 力 軍 察使 防 安之計? 已 數少,難當 亂 難,而 困 奏黜 或 無 威 者。 不 以 懾 不 以 供 大 衆 統 可 不過 億。 由此 敵 領, 望者 不 二十 思 如 或 陜 老 而 觀

内 統 逐 臣,專往河北,與 伍 沂 理 處 知 兵 臣 成資者,差人承替。 然國 衆 州 請 者,雖 知知 且 家 選 恐 縣 逐 出出 縣 無 、轉運使、安撫使,令行按察 處 戎 過 令,内 之 州 犯, 縣 疑 並 長 ó 有 未 吏, 等 近 才 必 第列 智 成資者,與 未 須 不長,非可 命一 欲 名聞 多 二才 置 移 兵

> 言也。 所,雖 聽。 諸 續 之序,金鼓之節,賞罰之約,緩急遣就 此,則得人稍多,必能 縣 勾 授以訓兵之要。 人 可戰可守,不誤大事。 次依 義 令中 内 路 勇兵甲公事,知縣 州 亦乞於武臣 有 揀選 . 有 縣。 此 飢 施 願 有材 饉 却將 行。 换 不爲 班 其知 幹者,先 諸 此 中 行,充知 處 寇 國家大計,非 選堪 舉 亂。 統 州 又良吏撫 並 到 領教習,使行軍 並 差 帶 知縣 縣 知 往 其 别 都 兼監 州 授 河 河 監 者前去。 宣 監 北 東路,即 馭 知 臣之敢 命,專 押者,並 恩 縣、縣 填 押。 替,仍 統 威 如 管 邨 乞 得 陣 其 令

● 「國」,原誤作「固」,據四庫本改。

奏乞召募兵士捉殺張海等賊人事

鎮,恣 支。 然? 六十餘 捉 去,分布掩 見,面賜盤纏錢并冬寒綿衣,及大 喫得辛苦,或曾經 步軍司,於七百料錢已下軍分内,召 之末,皆因 事勢漸次張大,不早殄滅,必生它患。 見其豪盛,各生健羨,聚成徒黨,脅取 如 殺 此,百姓被害,不堪其憂。 選 强 臣 伏乞聖慈來 取金 差 賊 竊 人,各騎 見 有 人員兵士三百,其 殺,不 帛,强掠士女,不懼朝廷。 群 鄧 心 盗 州 力 鞍 而 奏, 以遠近粘 使 使唤之人,限 日 馬,有弓弩器械 天下大亂, 臣 便差中使計 賊 部 押 、張海 趁, 9 人 臣恐逐處 等 與 須 朝 直 謝 廷 候 與 兩 是 會 驚 岢 行 捉 雲 逐 勇 募 殿 H 州 漢 壯 情 前 得 凶 已 殺 月 刼 行 内 窮 縣 , 唐 虐 及 添 引 縣 静 口 願 馬 安 民

盡,即等第優與酬獎。

奏乞指揮管設捉賊兵士

凍,豈 心。 賊 徒。 班 隊,柴薪 料 恣行意氣,致諸 徒 錢,每日計得錢二十餘文,在路只 院 方盛 雖蒙 其差去兵士支賜不多,又是七 取 近 有 奉聖旨, 到 勇 鹽 一,刧取 支賜 使臣 氣 醋 向 斂掠,或遇天寒路遠,不 綿 部 處軍 召募 前 財 絹 力戰? 物,虜掠 領前 及 到 民中强惡之人,往往 傳 兵士三 去金、 宣 更恐差去使 士女,烹宰牛羊 戒 次訖,切 商 百人,又於 州 百 緣 捉 供 免 得 E 彼 殺 臣 创 火 牛 中 賊 無

↓「力」,原作「路」,據四庫本改。「其」,原作「五」,與下「人」字並屬上。據下篇《奏乞指

别 更 《致怨憤,逃走入賊中,其 心 計 不能 撫 恤 爲 宣 命緊 患 愈大。 勿,連 夜 拖 拽,

軍 切 亦上 散。 士 下 破 臣 有 度,逐人辦肉一斤、麪一斤、酒 體 單 捉賊 柴 使臣軍員,别破 衆 者 量 感 薪 寒,向前不得,即更令製造紬綿 員,星夜前去,同共部 所貴各得飽 欲乞特降聖旨 1,明立 聖恩,不 兵 鹽 ,兵士内 馬 醋,不令斂掠。 到 照 有 致 證 有賊地分,州 暖,則 處處 結構 怨 酒 1,更選 叛。 食。 斬 逃走,或出怨言扇 訖 有勇氣,可 仍令差去使臣 如遇大段雨雪,兵 仍密 差 奏。 押,逐程宿處, 軍 近 一升管設,所 切别 上有 只 作 以 被襖 降 心 長 擒 指 力 吏 賊 支 摇 意 揮 官 使

多 兩 ,易爲 立 旋 臣 纔 在 豐足。 招 能 邊 撫 使 上,體 唤, 則 大都 深 方 當 損 防 保 軍 或 於未萌,若待叛 情,須 無 威 事。 亦 是如 今來兵 不 懷 此, 感 怨之 士 恩 賊 不 威

> 日 賊 大之後,所費 %地分, (各歸 州 地 分,自然 軍 無 亦 窮。 令依 不更管設 其 此 餘 體 處捉 量 施 賊 乞垂 行 兵 士 聖 候 賊 到 平 有

奏乞發兵往荆南捉賊

獗,聞 以 以 放 漸 勢自然窮蹙,易爲翦除,不成大 無所畏,取 士於荆南府、潭州 人,作三節 守禦? 多 濟 火 ? 荆門 荆湖少兵,大可憂慮。 京 驚刼 空發 師 軍 起發。 伏望特 便 郡 兵 奏,賊 区屯結。 使 縣,朝廷若只 來 命 則 分屯, 人張 出 如 前 聖意 賊 去,别 路 路 已銷 海 以鎮遠 州 州 等已 於 郡 無 行 滅 郡 在 似 望 兵 遣 即 無兵之援 到 患 方。 京 此 風 馬 文 彼 以 發 書, 增 中 路 彼 兵三 如尚 上 氣 將 殺 件 中 賊 猖 兵 賊 何 數 何

奏乞差人部送吴遵路家屬

防送,免致疎虞。取進止。 切選官一員,部送至京,及指揮逐州多差人 慈指揮下陝西轉運司,多差公人兵士津置, 慈指揮下陝西轉運司,多差公人兵士津置, 整治好,兼陝府界賊盗頗多,伏望聖 一員,部送至京,及指揮逐州多差人

范文正公政府奏議卷下

與 中 含

某近蒙制 某拜上三哥監簿: 伏惟尊體 恩,擢 貳樞府,此 蓋 祖宗 起 居 之 萬

福。 利害,已得旨依讓,且在西府。 慶,下及家世。 勾當。至十二日,蒙恩改參大政。尋 累讓不允,今月二日已簽署 相次 必 出 面 巡 陳

范文正公尺牘卷上

前,三嫂郎娘各安。● 重保重! 訟,必奏乞深行,請三哥指揮兒姪知委。 存問也。 奏得試監簿,諸骨肉各安吉,相次專差 邊,不知甚日入京相見。 小三郎 互相戒約,勿煩州 不備。弟仲淹拜上監簿三哥 縣。 已就 如 輒 人去 聖 興

座

保

詞

節

范文正公尺牘卷上

緣三哥此病,因被二壻煩惱,遂成咽塞。 其日晚喫粥數匙,并下藥兩服,必然是 多酒,傷着脾胃,復可喫食,致此吐逆。 言二十九日曾相看三哥來,見精 某再拜中舍三哥: 今日 得 張 神不 祠 部 實。 耗。 書, 更

0 下同。 同 一收信人之復數書信原 僅 題,序號爲整 理 者 加

「不備」至「各安」,原無,據《水東日記》補

四六七

安得可 都 順 放心 去。 得 既 病,更憂生死 如 死,不能管後事 官服火丹 元 五 安樂人,忽有憂事,便喫食不下,何况 安? 病 逍 誰是親疎,誰能 深 臟 下 ? 遥,任委 亦 但 又 和,藥方有效,食方有味 憂家 請 砂 ,更憂身 請 思 并 來 寬 一身。 及顧 之。 橘皮散去, 往 心,將 主宰? 後, 千 兒 從無 如 女, 古 息 乃 此 聖 將 切宜服之服之。 轉 中來 在 斷了 賢, 既 更 息 大 怖 無 ! 既 却 生 不 中, 奈 氣, 能 今送關 也 心 歸 何 飲 免 氣 無 何 食 久 只 即 中 生 漸 由

Ξ

須 後 襄 中 () 饑寒 與救。 邑李 如 常 某 殿直家,是馬太博家 再 ,六屯田宅 所 今許 拜 逼, 中舍三 伊且 更 無 上哀 往 哥 所 蘇 : 歸。 苦, 近 州 想 居住 切 人 表親 與 尊 在 照 候 患 ,言被 燭。 萬 子 難 福 中, 讀 火 又 書 又 災 有 此

> 養三五 度。 逃 米 口 來 月 教 支 保 小 即 重 П 兒 發 保 石。 學。 也 遣 重 他 如 或 在 去, 子 親 此 弟 戚 逐 恐 月支 不 官 相 調 員 負 錢 **令** 、累。 或 教 在 貫 小 請 襄 兒 子 就 邑 亦 細 作 彼 課 相 调 可

四

米三石 不損 切 陳 飯 脾 候 六 惡 已 杰盡 濕 安,只是少力,宜 道 某 屯 書云,宜食 拜 哥 田 將 酒 亦少喫羹湯, 聞 + 用 言須是開 置 中 心 義 絣 舍三 田 去。 一,請 輕 此 哥 : 春 乾 事 每 選 調 物, 難 事 宜 請 急 好 飲 成 寬 食 更 者 蓋 食 足 相 而 典買 心 焦 還, 不 益 度相 餅、 易 脾 得 領 因 在 取。 也。 蒸 喫 書 度。 此 循 餅、 濕 公田 今送 更託 承 軟 尊 切

所置田 恐歇 得堅牢。 要修起一位宅。 小間 田 之,以篾釣却,貴不沉 甕中浸之,充日用,其水辟 災人疫,奈何奈 久遠易爲照管。 段 但 小亦得。 却 某 則又 如 再 貴堅久也。 純義堅要歸 何 ? 拜: 無成。 影堂在 何 若置得 上作式樣,亦須 若在木 口 時寒,保重保 此 領 彼 也。 家中 書 已 中 如 瀆側 買 莊, ,有 未 知 但 瘟 用 好 屋 來 尊 术 傳 近 須 木 賣 以竹籃 À 候 與 重 即 好,請 事 是 ,則只典 看 井 萬 高 ! 送 造,只三 木色,要 甚 中 福 州 田,則 子盛 或 商 妙。 買 水 量 水

六

書, 知體 某 再 候 拜 不安,不 中 含 知 哥 因 : 何 昨 也 晚 見 與 但 小 氣 海 監 着 簿

范文正公尺牘卷上

接助。 困 重 削去人力,即 無 今得力。 灸三百壯,即 積 ,要知之。 水,請省憂。 或來此 但寬心將 水災無 就醫亦好。 安。 漸 累 息。 可奈何 在此 某 輕 在 易爲過也。 秋凉,減骨 須 南 · '; 杭 朱七漸 得 陽 州 分 數 灸 只 肉 是 得 安,累曾危 公 乞保重 來 田 衝 \equiv , 可 百, 此 注 保 别 以 至 更

七

去,惟 脾 重! 所資,又不宜破貨 醫人看候,皆言客 一二分,見用 氣曾傷,宜 某再 船子 拜 留 中 加 藥 舍 兩 意 不 也。 將息 風 人 哥 止 、勾當。 在 秋氣 即 也。 表 得 無 書, 耳 漸凉,乞保重保 其 所 某 知 船 所 妨 風 尊候已安 清請 言冗僕 子若 氣已退有 不憂。 日 有 己

四六九

ハ

粥食。 與純禮同去致祭,在此亦齋祭。 之至,奈何奈何! 四 言,乞保重保重 哥 、監簿、六哥屯田併亡,伏增悲苦。 某再拜中舍三哥: 不易不易! 切勸二屯田 純仁才到,今却令七 昨 日 領 、書,承 少哭泣, 次諸 不 常 痛 及 郎 進 切 州

子名并弟幾與劄來。 州房頭不易時,待支俸錢兩貫去。常州二州房頭不易時,待支俸錢兩貫去。常州二七郎便令到常州,請遣人同去。恐常

九

未 好 得 也。 復舊 運 使 某 諸兒 李 再 亦漸減退。 拜節 同 子 年 推 長 書 三哥: 進 知彼 在 餘 各修學。 平善。 此 伏 如 想 常。 起 \equiv 居 南 嫂 + 萬 陽清 九 必 福 郎 已 簡 安 雖 近

> 省儉是妙。 得 不 極 誇議 知 好 舉 養 但 主 性 幾 固窮而前 乞保重。 人? 幸 甚 幸 更 不不 甚 在 慎 銷 末 預 浙 防 圖 中 微。 ,須過得,惟 諸 親 如今易 各 安。

 $\overline{}$

之 ! 多灸, 寫書。 飲酒 恐氣 不委六哥屯田 乞保重。 血 某再 置 仍服 大底已被 今日 極 田 微 拜 起 好 錢 中 ,則灸亦不及也。 藥, 屋事,已令純仁上聞。 舍三 所患進退,憂心憂心 主簿來,領書,知尊候 酒 方可圖 一 哥 : 成狂疾,餘 前 安, 時 純 請 者宜戒之戒 純 仁去,●不及 切 仁等勿令 切 ! 安和 時 勸他 須是 寒,

❶ 「去」,康熙本作「來」。

已安 其 屬 更有 惟 令魏祐 力也 並 亦召伯陽到 子,供養自家祖宗先亡。 仍 亦每月與 歲荒 同。 逐 請三月半葬事 石碇未知彼中易得否? 合 月 更請倍加 支用 供 不易 其餘合供養神明 押職田 石。 事 畢 米 旋旋 處,並 者,却 却 寺排供養。 酒亦送去,隨米支送。 錢 請 將 糴米二十石去, ,夜作水陸 并影堂材植去,及帶匠人。 早 息將 令魏祐應副。 木 來,到 銷 息 得。 並 及六屯田家祖 并陳家墳 坚切近, 熱 慎 必然便可了當。 依水 齋 勿動 杜大家曾供米否? 時 轉 請 會,别書牌 陸 臟 更 難 便俵散。 本法 分知諸 腑 知 爲。 也 尊 先, 也 親 候 今

> 養不 兩 妨。 世外家,因水陸之會,又墳塋隣, 三屯 陳 田不及書,口 長官必已行,更不寫書。 誦將 此 呈 他。 並 陳家

供

是

月半

葬事,須合照管,亦當奔波,却

去即

費

孩

兒

病

,却總未來。

亦曾思寒食

F

墳

某

再

拜:

昨

日

屈

德

來,領

書,

知

爲

季

家

於他 數頃 書來。 兼知 有事業,不知在彼或已省覲? 天平墳頭 人處訪問,●且於諸房更求先代官告文 高 九 某再拜節推三 田 鄉中多不熟,地卑使然。 姐 立 常熟者,則婚嫁 出 適,深喜深 碑誌、❸請尋訪祖宗文字。 哥: 喜 得 有所指 ! 書, 得 知 馬祕丞 i 望。 ❷ 李 尊 或回 郎 候 書 萬 换 亦 特 福 得 其 於 有

- 口 誦」,康熙本作「只請」。
- 特」,康熙本作「待」。 有所」,康熙本作「可以」。
- 他」,康熙本作「老」。

文正公尺牘卷上

保重! 心尋去。 祖先元是藍 書, 并三 訪 哥 十二姑,亦必有記 田 自 人,不知記 . 傳 聞 事, 亦旋 否? 旋 得事 此 抄 來。 一事 保重 切 或 在 聞

三三

事業 未 兼 使因循。須候有事業成人,方與恩澤文字。 學,日立功課。 寬心寬心! 不易,必 居 病已減八九,猶未復 今後不亂奏人,逐房各已有恩澤,須是有 萬 由 [拜覲,乞加保重。 口 福 某再 以 是有債也。 拜節 兼 入官,方與奏薦 知 在此幼累如常,只是十九郎久 推三 已 彼中兒男,切須令苦學,勿 納 哥: 二壻,尤增慶喜。 舊。 候稍 近領親教,伏承 二郎、三郎 那 也。 得,即 請 告諭之。 去奉助。 並 津 勤 修 送 起

四四

苦苦。 自家置 得,即將絹賣來納田契稅錢。 甚是甚是! 酷熱,乞保重保重 今令人去,候所 且納税。 换得好者,今將去。 痛苦痛,不幸不 知尊候已安,甚解憂心。 某再 少 莊契恐又出限,餘錢且據數稅却 田 義田,不 拜中舍三哥: [契確實] 孤幼如何安存,更請多方用心 幸 印 契 可 ! 用多 聞夏税倚閣,如户等該 便 却令漏税。 所支錢 與了却,付 少錢,請 夜來王興至,得 却聞杜大病亡,苦 與了 如 細 不 所 - 該得, 當喪事 去人 劄 退絹 取 來。 來。 即 己

❶ 「代」,原作「伐」,據康熙本改。

來, 骨肉 不能免。 譽,無以 以下並修學,純禮又受正字。 種,亦須水退,方能 酷暑,乞保重保重 三兩日來稍晴,彼中 並安。 一例大水,饒州市中行船,睦 某再拜: 急足 向去民力必困,憂心憂心! 防也。 此 中 知蘇 如常,且勉力爲之,過 回,領書,承起居萬 施 還晴 湖水 功。 否? 患,奈何奈 見使 媿幸媿幸 命 晚 州 稻 樓 自 雖 一毀過 居 江 純義 何 福 猶 南 可

一六

到, 州權邑,骨肉並安。 不及云云。乞保重。 領得急足回 某再拜監簿三哥:近已有書去。 來書,並知 在此 如常。 動 岸 遇發兵次, 又承 純佑 在明

范文正公尺牘卷上

女也。 中,别無人又長善。 七 今年郊天,且 新 婦親情, 請 奏常 聞 于鄭資 州 四 政宅上, 哥 老兄弟 他

姪

與 忠 宣 公

來。 乞特注官也。 特舉薦受恩澤,不是蔭人,今須奏去理會 郎、朱十二郎各傳語,李監簿累得書,當 算欠多少馬價,并來年聖節進奉,並當進 得,即改聶升。 去本房問,如鄭資政不曾奏李通,或奏不 郎,作李通名字,所以却奏聶舅。 近來減退,不用憂也。 南郊恩例,但 純 仁 書來, 鄭資 熟狀作奏妻姪李通,仍速 勘 知家中平善。 政書來云,今年奏李七 下 曆子,未要請 六伯已下,三 我 今田居安 病 出 郎、 多日 先 報 四

庫准 才計安。 具。吾報張祕丞傳語,頻得書。三郎不得 慢易,勤學勤學! 要還他。 備 外, 更 純仁程試 有 鄭資 李八九秀才照管,王 政 長進,更學書札,不 諸 大官先借 過 錢

與九國博

更不敢留。

一大國博與純仁着分析事、《易》所謂「憂悔吝者存乎介」是也。雖纖微,亦能使人憂悔。今更有文字,發遣祁正歸尉氏及屈德悔。今更有文字,發遣祁正歸尉氏及屈德悔。今更有文字,發遣祁正歸尉氏及屈德

與中舍二子三監簿四太祝

報。 得甚處官。 有行止人。 理民,可以守廉者,方敢奏薦。 各宜節儉,頻照管西山 伸意,各相照燭 三郎、 四郎諸骨肉必安吉,莊 汝等但小心,有鄉曲之譽,可以 九師計安。 照 墳

整
。 燭! 五嫂房下并諸親 不具。 不知十 須陪涉 上如 叔 鄉 叔 何 押 中 受

__

三郎官人: 昨得書,知在官平善。此

■「進」,康熙本作「在」。

興販。 彼 中 家門,各爲好事,以 汝看老叔自來如 五. 同官議,莫與公人商 日。日 動 亦 静 如 不得欺事,與 常, 自家且 將息將息!❷ 只是 純 何,還曾營私否? 向 同 佑 光祖宗。 清 官和 量 未 心 全 不具。 莫縱 睦多禮,有 做官,莫營私利。 安。 頻寄書來,言 鄉親來部 汝 叔押報。 守 官 自家好 事 即 處 下 與 小

與朱氏

部誌文已撰得,請星夜差人先賫去上石,亦秀才三哥:久不得信,計想平善。刑

計安。 起居。 賣。 處 郎 筆,大好,詳備,仰之仰之。 與吕君秀才商 可 永城,亦須早去。 乞伸懇,不及書。 近屯田移得知 差遺,必徑去,與足下同送 及得。 將 也 來且 永城莊 宅上并五哥、大郎宅中骨肉、 寬心寬心 其間 依 己 王 增減 廣濟軍。 丁寧王 量。 宅 ! 姐 凝寒,好將息。 人回,子細示及。 簽出 所示及行狀,必吕公之 姐 某正月末必出京,或 郎, 處,足下則須 處,子 五娘子衣裝不要典 他或要得。 五 某相次受外任 娘 細 兒往杜宅。 填 五學究 入,仍請 有 下 劉 + 修 師 處 並 並 學 四 姨

「處」,宋祝穆《古今事文類聚》後集卷七引作「須」

0

「十五日」,原無,據《古今圖書集成》家範典卷七六引「將息」,原不重,據《古今事文類聚》補。

16. 房典 裁『せる・聞書集反』 夏命 早光 十 フェッ

州 曾因 染。賢子莊上如何? 郎長進,切好看承。杜宅五娘子、王郎 外歸來未? 會,久望不至,未知厥由,亦甚憂。 五學究、大郎宅上,各計安吉,不及一 ,曾相見否? 便人去相接。 若欲來修學,請 石十人力行有書,必然可 某頓首秀才三哥: 在此甚好修學,見有講 因人無恡示字,好將息將 進 奏院 還有歸着否? 自别,並不 遞 中 達。 惠 彼中 書相 領 八 席 公書札。 員 十 韓 在 并 息。 報 陳 員 修 四 文

 \equiv

即

因

上, 悲感悲感! 某蒙恩改 行平善。 七哥骨肉上下各計安,甚時來 郡,●今月十 六嬸 神 櫬,且安瓜洲 七 日 至 丹 寺中 陽 禮

> 道 不及云云。 葬事,只要就長 九 得 正 郎 相 得 、法華各伸意,許家弟兄多 見 ? 解 在 骨 將息將息。 京, 肉 聚 Ш 願 會 伊 ,候見議之。 有成有成。 此 最 幸 也 幸 在 嚴評事、石 書言翁 也 京,乍 Ш 翁 東

四

姓恩澤,卒難得便次陳乞。 既不修學,又無 寧,甚慰思渴。 安,不住請醫 奏得,想悉之也。 七哥官人:大郎 人調理,心 此中無事,只被純 事 與 親 他 來,❷領書,知公外 事不易, 勾當, 悶 可 兼山東復州並未 知。 必難久住。 且勉旃勉旃。 大郎來此 佑 . 久病· 異 安

0 0 另帖,今析出 當爲另帖,今析出。 七哥官人大郎來」,此句以下原與上帖相屬,審文意, 蒙思改郡」,此句以下原與上帖相屬,審文意,當爲

也。 直 近 須 有 小心 書與 更防兒男不識 廉潔,稍 許 運 判, 問 有點污,則晚年饑寒 好惡。 彼 中 多愛多愛 動 静。 居官臨 可 滿, 憂

五

却 爲 向去次弟,千萬星夜速來,切切! 濟杜宅。 人去,不宣。 回 某 暫來 勾 當,且如今了却此事,兼要奉見 郎 秀才: 星夜候賢歸,千萬千萬 南京,便欲 某咨上三哥秀才。 前 日 與賢 專 到 同 寧 送五娘 陵,奉謁 子往 今專 諸 不遇 事 差 量 候 廣

六

如 王. 叔員外、五哥 郎 ? 家應 永城莊 哥 7秀才: 往 陳 田 應 州 暨 相 襄 自 寧 助 邑卜居,亦甚 别, 陵 也。 家計 傾 渴 大郎宅上安吉? 作何擘 傾 渴 相近,還 畫 雅 况 照 何

> 信。 愛! 管得 如 立 可 秀才託伸意 果 碣 日 不宣。 新。 否? 客旅 起 四 亦 得 郎 可 衰門 便 ,但見本府進奏官, 看恤 足下本約來此修學,還 向 某咨于朱姪秀才台座 ,或起離 次八九程 西 如 伊,早 屢 此,寧不 見 未得 -令讀 也。 可達,更宜 憂懼 即即 書。 秋 師 凉,希多愛 ? 即 因 問 人千萬 永城誌 知 從 遂 吕 在 志 君。 長。 此 · 否 ? 多 公 文 示 亦 吕

七

吾仁。 地 審 也。 向秋召試,前賀前 某啓: 京師交遊,慎於高議不 且温習文字,清心潔行,以自樹立。 自 别, 累 得 ?賀! 書, 門 知 户 動 同,當言責之 再 止 起,獨 清 勝, 在 又

句「不同」屬下。 句「不同」屬下。

直講三哥之右。 名招大悔矣。希多愛多愛! 不宣。某上平生之稱,當見大節,不必竊論曲直,取小

/

惠字以慰,傾企傾企。兒子亦漸安。❷某爲他在宫邸,不欲發書。悉之悉之。時請窮,故得免禍。孫先生、蔡十四見希致懇,我處,便須思患。老夫屢經風波,惟能忍名眷賢弟各計安。●京師少往還,凡見

九

學耶? 也。 憂前 路。 大參 如 或來修學亦好,一如在陳州 長者出麾,豈不能 到郡,必受 慎 無 好 書札,有文性,勿 知 也。 安一弟,使專於 惟勤 學奉公, 小山其 時 常 志 勿

愛! 不宣。某上集賢學士。有學徒三五人,日有功課。凝寒,多愛多

 $\overline{\bigcirc}$

轉

漸

或未能發得書,請賢弟寫書,相報相報!家間苦淡,士之常也,省去冗口可矣。足下計安,請寬心將息。雖清貧,但身安爲重。純佑尚未安,純仁得解,猶未歸。賢弟

- ■「宅眷賢弟各計安」,此句以下原與上帖相屬,審文意,
- 「兒」,原誤作「見」,據宣統本改。
- 作「慎勿作書,求人薦拔,但自充實爲妙」。「慎無好書札有文性勿小其志也」、《戒子通録》卷六引

請多着灸看道書,●見壽而康者,問其

所以,則有所得矣。

可也。 仁姪。 更被人寫壞。 受潤筆引惹故也。 外杜門著書,何大於此? 今有故胡少卿家來求作碑,已勉强撰得,恐 有答書之苦。 某啓:近遞中得書,備悉雅意。 秋冷,多愛多愛! 三哥無事時,與寫取并象 時或有相干作碑誌,由某不 或是相知,不能違阻。 不宣。某白學士 此中亦如常,但 朝請 額

字,以慰傾企。後「公」字莫不銷空否? 請相度。時希惠消息。凡言「公」處,請與只空最先一箇,其消息。凡言「公」處,,與以正。空缺處更

=

助國家之急,相勉。苟有心襟,待之非晚。筆硯,勿預議論,且繼續衰構。力微不足以欲奉書也。吾知青春試期在近,少出入,勤承旨應時相見,弟兄俱與致意,無事不

 \equiv

「灸」、《戒子通録》卷六引作「工夫」。 疑爲「灸」之形

四七九

四四

奉談燕。 然之説。 五 憂,且逐急處行也。 發 承 淋 姪。 年間,必有異恩 却 誨 痔 問問 多 ·併作,日夜苦楚,于今稍間 某到 ,爲慰 日,爲 忻代, 多愛多 相 或 極多。 妻 下 病 -車,賴 舅 愛 嗽 ,於一第不足爲憂,此 聶升十口,日 所議南 吾仁青春,已在館 ,醫藥過 長者博文多識 不宣,某上潁倅 郊 凉,傷及下 異姓之恩 而未止。 有溝 壑之 學 殿 可 遠 己 日 必 $\vec{=}$

<u>一</u> 五

在 憂多樂少,惟自適 池塘,或至歡 貴 眷 郎 娘 各 醉。 萬 爲 福 好 亦依 切 舊 此 寬 間 行 中 氣 疎 自 懶 不 廢 成 ‴**,** 且 性, 人 日 生 请

疾

耳。

一六

者 何 同 遽 ? 悲涕悲 年 聞哀訃,苦事苦事 滕七有 希 伸 意。 涕 事 1 報 方 已 着 得 差 提 ! 蘇 臺 刑 同 去 好 司 年 照 處, 中 體 管 文失一 量,不 1,南京 伊 增喜 相 知 王 倅 愛 如

與指使魏佑

便。 植 墳 如 工 京 持 無 夫 莊 莊 孝, 課 存 偃 尹 即 家 并 濟 師 上 暫 即 梨錢 多 宅上計 七 即 待 到 竟 郎 開 偃 支 下 内 抛 春 莊 師 平 桑 却 教 且 課,供 看 栽 母 善 來 速 伊 到 開 必 此 那 要 修 錢 是 彼 春 贍 知 已 便 學 + 大 支料 0 令 次 貫 段 切 第 人 去 不 如 , 取 勾 且 易 錢 伊 要 當 彼 如 兩 貫 栽 穩 守 中 得 西

四八一

范文正公尺牘卷中

與韓魏公

痛苦 疾來鄧 不 食或進或退,僅百餘 談 後 痛 師魯去赴均 ,以存没見託,至五日而啓手足。 事。 至終不 疾 勢漸 州時,已覺疾作。 . 亂 危,遂 , 初 日。 相 得提 見 中夜詣 時,却且 刑司文字,异 II 驛 看 至均,寢 着 他。

終之禮 初九日夜四更有事,十日晚殯於西禪。 尋常見他於兒女多愛,不謂 以人事,則不樂也。」終更無言。 云"「不怛化。」别韓倅云"「少年樹德。」别賈狀元云" 衆人無不悲泣,無不欽服其明也。 枕,更不他語。 所。」他又舉手云:「渭州有二兒子。」即就 又告伊云:「待與諸公分俸贍家,不令失 歐陽公各做文字,垂于不朽。」他 告伊云:「足下平生節 此,候秋凉歸洛。 無鬼神,亦無煩惱。」官員又問以家事,答云: 兩日,猶能扶行。 云:「我自了當,不復管汝。」略無 齊死 夜來示諭,並記得,已相别矣。」顧家 生」之説,師魯盡 甚備 ,官員舉 來日,與趙學 已去安州之翰處作行狀, 忽索灌漱、訖、憑案而化 人無 行 一得之。 用 不 心, 至者。 士看 能了了 奇異 待與韓公、 舉手 **、憂戚。** 他。 莊老釋氏 别趙學士 奇異! 家且寄 ,叩頭 如 人則 云: 此 「亦 又 送

也,却待作文集序。 待送永叔作墓誌。 他 作墓 表 也。 此中士人多收得他文字。 看 某不敢作,恐知他當年事不備故 他永訣時,實無 不足意。 明公可

 \equiv

與

今録衆人祭文挽詩上呈。

草 草。

明公以爲如何? 辦,亦不可忽,故録之於後,庶幾 以之翰知師魯最深,又少與之游,盡見其 誌,足見大君子金石其 師 醇儒,本無他腸,但思之未精,筆力未至爾 後作誌,已致書之翰,必更盡 叔詳之,自可增損。 事,故衆謂之翰宜書其善狀。 者服義,敢不欽佩風旨,益盡其意? 魯行狀未精, 某再拜:伏蒙特賜手教,以之翰所 更須修改,然後送永 幸恕而寬之。 今明公欲之翰修定 心,使死者全名,生 心。 及觀 明公與永 衆謂之翰 尹 然始 材 叔 所 作 行 撰 而

> 上星。 乞自重自重。 獻,必賜垂覽,得失即 然事非醜惡,法外行之,不久當須辯 雖 仲儀爲人攻之不已,至于奪職,奈何奈 行温粹,長安有户籍,今去就 去,必多勉之。今有進士潘起才筆俊健,言 本 無 某 再 害善之心、緣而及此、多愧 李學士應亦 拜資 政 侍 到府。 郎 繫他程試也。 近 遞 昨 中發 日 鄉薦。 得 狀 邸 多 明。 殘暑, 報,知 必必 有投 愧 何 書

四

澤,諸弟必不敢當。 何門衰之若此? 起居萬福 某 再 拜資 前 日得長葛李宅書,六郎 政 侍 苦事苦事! 郎仁兄: 某罷參并邊任,未曾 近 伊又受却恩 辱 口 有事, 教,承

助。盛暑,伏惟自重。 元祕丞已得請,必便般家來也,鄙拙得他爲人,今却欲奏七郎,不知允否? 更乞裁之。

五

是否? 否? 宥州 天酷暑,加迎送不暇,想煩襟 戎甚不律,已移文延安,只指定地界,牒 相過,昨晚已發,堅留不 來,亦甚 ,不可令人去,必起戰鬪 某啓: 亦已奏訖。 自重自重! 熱,但夜深則 兩棒 真問,恭承 河朔亦 凉,有休息 住。 有侵疆之説,不知 台候 也。 靈 保安申 萬 不知 邠郡 也 福。 報, 聽 李 數 從 與 寇 大 日 早

六

呈。今有環慶替回虎翼三人,早行,被强賊某再拜:近復手啓,言蔣偕事,必已通

指使党武詣府,試與指揮緝逐。 刼 乞照之。 神虎一指 衫,作陝西 奪 衣物, 揮 人語。 斫 歸 傷 營,恐其 甚 此 困 中 少 中有作過者。 重 一切路 問 之, 賊, 情甚兇惡。 言 衆 賊 疑 今差 着 同 行 裼

多,州署中有凉廳一位,可以待他。矣。 元祕丞正旦可來否? 四向文字亦漸家屬一兩日必到府,勿令住也,在路久

七

奏訖。 信。 部,今日報到,三千餘 却 安可儀隴試 捕寇事,曲 稍款,不 某啓: 今秋必又大作。 昨日 之也。 煩 党武 知 有旨體量安俊,亦已 聰 何 並乞密之。 聽。 謀 口 人騎人來。 也 領 鎮 如 ? 鈞 戎 何 誨, 又 事,宜已奉報,今 如 元 此 來秦 承台 何 ? 昭 秘 回回 丞 然 亭 候 奏如 適 無 打 亦已具 萬 却 已 可 福 到 倚 蕃

風藥宣過。乞自重自重!硫黄好者,爲末揩之,疼即止。或是風壅,即用搜郡,文字漸多,甚賴他也。知牙痛未已,請用

八

草草。 人體候 召非晚,●更望勉之。 也,不謂勞生亦有此遇。 某已至穰下,度日無客,公事絶稀,甚閑 牆,以道塗之勞,久疏上記,伏想台候萬福 某再 萬 拜資 福,諸 政 郎君英秀並安。邠人回。 侍 郎 因 十兄: 風 明公久於衝要,嚴 ,無恡枉教。 伏 自 違 遠 門 適 夫

九

醒。

分天地之和。❷不調則其氣不平,氣不平則休寧云。承有微恙,尋已平復。人之生也,某啓:遞中累辱榮問,承經武外,起居

慎補 神仙 《書序》云:「三墳、言大道也。」此 疾,由此也。 之説也。 書,其精妙處三五篇,恐非醫者所能言也。 遍,則知人之生可貴 此養,疾自此去矣。 食之外,皆徇外 疾作,此理之必然矣。 而不爲疾耶? 宜少服藥,專於惜氣養和,此 ,心未灰 氣咽津 道書云「積氣成真」,是也。 之術可行之,餘皆迂怪。 而意必亂,宜無信矣。 近却肯服藥,有差望耳,亦未 請那十日之功,看《素問》 事,無 愛重愛重! 也,氣須甚平也。 一時調 今人於十二 氣治身,安得 《素問》奇 大概養 必三墳之 時 兒子致 中,寢 和自 惟 貪 慕 節 牛

● 「召」,原誤作「君」,據宣統本改。

② 「和」,宣統本作「氣」。

四八五

 $\overline{}$

當 來相勸 辭免者。 之説,乞矜恕。蓋無可說,劉子中云,緣别路已有不 爲孤生之助,幸甚 倉 卒不周。 ,或有威罰。 某 也。 渭州已謝 再 拜 某多病,獨 前 稚 時 圭 死生惟命,幸無傷軫。 寵 延 |觀察: 三日前遞中 ! 示第三,文字極 第 某第二削有壯歲雄才 願 四 一貶,量力實不可 削, 而 心已不固 切 當,頗 奉

無應援 本欲吾輩來了邊事,今涇原全師 職 勤 又今將佐不思報國,惟望僥恩,吾輩 増秩。 重之旨,不任悚仄。 某再 之效,而特進 7拜稚 貧儒至此,誠爲光寵。 圭太傅: 爵、天下豈 **松報** 近 遞 云,某有恩 中捧 無深 敗殁,隣 奈 教, 頻 議 何 至 時 朝 命 耶 進 道 荷 ? 廷 改

> 字到, 愛重 須日 放過 某昨赴邠州設禦捍之勢,實懼自己路分内 得 使諸 寇謀漸熾,皆由將帥 罪,豈足爲功,以邀 下復舊職,改大諫,職可復矣,官莫須陳 改 朝 贵 高祝 將知 夜營營,以 寇 廷 能 須以此削章,乞朝 馬,入撓 責 伏 吾輩 怒,則吾輩 其 心 ? 無 備將來。 關 僥 中, 倖 渥 何 無謀,入賊策中。 可以責將佐之功矣。 之意。 澤 其 言 廷 也 責 責 時乞數字。 裁酌。 ? 如 他 當此 何? 實 惶 效? 今日 恐 之際,如 惶 誠 苦寒 吾輩 恐 聞 以 候 讓 澼 閣 文

_

激切 時上狀。 日,有旨不允前 ,以廉察之讓 某啓: 今月二十九日受敕 次日邸 報, ,屢煩天聽,不敢再瀆,但 讓,亦已 與 明 公並 拜受訖 領 往 此 涇 命。 州 削 又 當 甚

是 亦知 慶州 愧 未達。 將 已 佐 ,更三程 過 何 師 永 以 魯近 興。 至涇。 責率? 有書 某 却 明公應不 去, 遣 悚 () () () 人 願 齎 夙 往 仄 候文龍 駕爲會。 河 1 府 今 早 接 圖 到 春 離

削, 俟面聞,恐遞中疏失。 判 人奏,只且 帶 常 某上。 程 邊 事 别 有

事

已迫,乞留意留

意

先假 走。 願 稔禍 或 擊,無以取信。 慮禍之速也。 舒翰速戰而陷長安,如盧攜不許黄巢節制而亂天下。 顧 假 公思之。 民 長悪 以 元 或各上文字,則慮微有 力 西人將至,群議復作。 通 ,惟高論 均 ,則患之深也。 和 往 或 來 兼未必能 或俯仰從衆,苟安一 奏乞密 三兩次,議 於朝,不管成敗,如楊國忠逼 或隨衆上下,他 合。 議數 西 定後 或不知將略,不 面 事 不同,便爲 日 書 之責,在 「, 又 同 取 日 上 恐 時,不管 横 誰 文 衆 Ш 咎? 公與 字。 疑。 策 攻 須 哥

> 便通 舉 曉 不信 可 順 用之將,仍 ,必亦不 ,明公試 爲詳 久早 速教 來。 酌 新 陣 略 法, 陳 Ħ 事 夜爲謀。 ,端,衆必不

彼

下。 中病。 敕 行 怒,思慮太過,凝滯久之。 勝 貧日營衣食者,故開 介潔之士,無明師不肯就群居 ,須更議之。 降 實,止可嚴 服。 初兩制定上已一二十度修 某再 如 廣南等小處,須令轉 拜 大是 其保, 承 幸甚幸甚 大 寵 是! 示 恐 此 科 難 門 非公精 場 察 也 及 文 也 字 公指 者, 運 開 寫 識 中 司 却 村 有 之,一 犯 瑕 相 未 取 或 親 病,不 度, 老家 他 笑 敢 學 天 有 衆 寫 取

四

某 啓 搋 中 捧 台 誨, 至 荷 勤 切 河 東

惟俟 多。 屬户 急攻 今歲 几 知前言之失。 事,來春須 矢石可交。 來,來則可憂處多。 勒兵久之,于今未戰, 重 百 府 户 修 皆東渡,多免,今存八分,在河 舊聞 俱 ,續陳奏次,乞留意再造此 城寨, 州 罷 麟 謂 支移 火山 力 州 麟 即 始謂 當 修 ン, 邊 可 來 移 JII 孤 自下,而 復業。 上 原 ,兼曾上言。 無民,今問得當時 絶,城中 憲 糧 亦報 控 州岢 草 扼 本州已抄到 中 不甚 和 處 無 嵐 糴 解 , 所 城城 水。 虜掠 自 及往視之, 濟 方。 辦 次 内旅 小 來 今冬無 幸 而 路 其 西 自 百 西 寄, 千 姓 賊 極 北

當幹 有 中 戚 文 居 指使安排處,乞留意 青州。 無 集、杜公曾舉、尋卒、妻子 官 撫 指 河 使 其子得殿 闕 東 日, 曾 申 見岢 脚 侍 嵐 色狀來,今上呈,如 左班,養母 軍 米 無歸,今依 光 濬 未 知 、得,此 軍 親 勾

五

罷使 善 任 遞 未 孤 陳,爲向去之備,不 且 平 運 慰 中一次領鈞 期 蹇 名 喜。 歲取之物。 再 某再拜資政諫 某居此甚宜 會 剥 改 竊承 所得 日 蒲、同、襄、鄧 加 起居 誨 已多, 引 早 ,又兵子來, 領 一,但 議 安寧,樂於偃 報 時 惟自 須求 同 西 某 過 上 戎今秋不聞大舉, 重 至 便安,以全衰 章,近又録本奏 此 郡,必 加 豳 無 復 准是望。 所爲 枉 息 兩 有俞旨、 曾 真筆,不 ,甚善甚 一、已乞 E

六

自

爾 煩 復 枉 重 蒙詰 鈞 某 德 翰。 再 以念念其退之非,蓋 拜 天 伏 將 資 承 授 政 起 諫 任 居 議 必 萬 拂 近 福 亂 走 之, 介 府 年 當 自 向衰晚 增 浙 衝 益 會, 中 所 口 能 風

矣。瞻望風采,伏惟倍加自重。 波屢涉,不自知止,禍亦未涯。此誠懼於中

— |-

郡。 家廳 次上記,必達聰覽。 越千里。 每想松栢之情、金石之論,則 公與彦國青春壯圖 乞自重自重! 每 使, 某啓: 自至南陽, 自 得預班列。 翹望翹望 循揣, 曷報 ! 了,宜 涉夏以來,起居 上 今庶事 某孤平有素,因 兩捧 精 一 恩 ? 意 **并**鈞誨。 遠略,行復大 逾涯,復 心醉神鶩 愧幸 愧 何似 遞 得 備 幸 中 · 坐 善 國 ?

一八

慰。 上 狀 拜謝 某啓: 首冬以 近專人來,辱教周 來,起 孔官人至,又枉 居何 似? 鈞 天平大鎮,風 密,已遣走 7翰,不 任 感 介

遇,至於翹想之極。謹奉此起居。物中和,鉅公處之,誠養賢之所也。

未期

一九

和。 外,倍保崇重。 室獲安,實至幸也。 之誠,斯須 陵未平,不敢郵中奉書,恐有遺墜。 某近改荆南,尋乞留鄧。 某再拜: 不去。 中間伏承有 祝望祝望! 恭想鎮臨 春物方盛,伏惟宴 真定之命, 多暇,神志 俞音已下,盡 其瞻渴 以 甘 安

__ ___

恬養。 早正柄坐,可 伏承鎮安北道,初勞心慮。 某 再 某河朔災沴非常,大煩憂軫也。 河朔數郡被水,今春 拜真定資政 福斯人也。 給事: 暑中,乞加自重。 風化既孚,足爲 如 近 何? 遞 中奉教 惟明公 麥苗

名也 移淛 行救 又不 出,少 萬 盡 後 到 感 逢 進取之階,可不愧於天下。又自省寒士, 古 人爲之雖備,却恐 由 不 切感切 事 福 至 Ξ, 書 師 必 立 請 可太高,恐爲人攻剥, 此,得選善藩 魯墓誌,詞意高 也 中 事 濟 ノ修之。 吏 向 乞審之。 實處, 明公於墓 民 多 去 郡。 惟保得明公、彦國 過 可 如 永叔書 尹 安,自且 隨 何 亦 雖 師 人事 恐 ? 於國無濟,但一 郢 魯家甚不失 以 其 表 不 去。 自 此 妙,固可傳於來代 意,不 中 文不傳於後。 滿 如此, 恬 中 處,何以 書之,亦不 人 泰。 某 亦 則反 . 許 意 已 有 台 與此 請 人改 (所,近 陳 吾 北 候 有 報 道 方 乞 來 與 明 老無攀 或 損 也,然 遺其 進 州 再 流 八貴屬 或有未 公更 永 厚 師 任, 退 民 魯之 叔 恩 庶 美。 並 指 遭 他 然 寄 ? 緣 無 事 或 見

真定名藩,生身在彼,自識别以來,却

衰老 與 險隔 稔。 從 告 可救,使得 未 耳。 而 敗 得 所轄 不 不取之時也。 ,豈刑殺不能 敢 自冬至春,三州 到 可 惜 言, 金、 諒 久安? 可 均、 多 明公雄 惜 勝 房 勝 賞 横山 憂 相 其 也 望, 思 去 各 0 驕 各 誠 有 此 耶 帶,正 西 口 ? 小 五. 中 寇天 七百 建 小結 如 此 白 可 常 誅, 行前 里, 構 但 弊 夏 慮 此 如 幸 Ш 田 又 何 JII 而

_

公爾 荷。 蒙 豈 也 君子之道, 擇 回 其小 今鎮静 問 ,惟自重以 明公天禀忠義 某 . ', 研誦· 頓首 大之限哉? 如 北 再 未 陽 拜資 面 Ė 副 春 瞻祝 練 白 進 政 新 兵養民, 日 稚 但 退 正 於照 天 先辱 圭 以 下 給 吾 榮誨 臨 是 道 中 事 一,所 外 亦 : 生 爲 不任 至節 育之意 望 以伏膺 政矣。 在 明 愧 遠

所報。 夏,久在道途。 副天下之心、吾道之望。 某亦叨恩命,何功可 筆,但感金石之意未 月餘,以故久不奏記,日負媿仄。 居萬福。 某再 惶恐惶 兼 拜大 審 恐 寵 資給事: 餘杭酷熱,多在江 拜,益 惟祝正人早歸 稱? 相遺 一增喜抃。 近奉鈞 乞自重自重 也。 矧兹衰晚,未知 銘著銘 問,伏承 某 樓。 柄任,以 及領 自 著 春 大 教 病 起 !

<u>-</u>

大用間,亦處 見信,但委順 今便乞閑郡,必不 命,惟安仁樂道,無所陳請,此爲高 某拜: 來示 静處 處 有 諭,在鎮三朞,必 以 仁義可行,言拙亦不出度 爲妙,天下自有公議 爲 誠。 或言避權,亦不 朝 也。 夕有 未 如

范文正公尺牘卷中

也。 勝珍 内 也。 荷 近老者多罷去也,已森森不遑也。 貴愛並 留到 致仕 計 萬 時使用,必傳上《九老 福 頒 惠 磁 器 多 品 不 四

四四

响。

賦之。 得。 子之高義? 至幸! 稱,爲不朽矣。 曾示《閱古堂記》,將呈與孫之翰,不曾取 息以從事矣。 此中蠶麥大獲、秋稼亦盛、甚釋憂懼 勝,此社稷生靈之望,會有施設也。 教,極荷恩意之厚。 困,今春少雨,後來聞已霧霈,應有稔意 命作詩,敢再乞記 某頓首再拜大資侍郎: 又頒示北嶽碑,真雄文健筆,高古相 兼時有餘暇,可以 欽服欽服 自顧 至 一本并諸公詩,俟即 媿! 衰 晚,何足當 專人 門 恭審起 仞尚遠,日 温習筆硯 來,蒙 河 ··, 可 居 朔 大 偃 安 君 賜 久

四九一

等!
增企望,伏冀倍加自重,以膺大拜。真禱真

五五

《歐陽 大過。 處 雅 浮侈 梁 貽 并自寫上呈。 賦,何以措手? 《閱古堂詩》并 嘗空言,惟感服 并示 肅 衆消。 爲 」,改作「無 中山 ,張燕公以宏茂廣 作《 古道。」亦 某 詹集》:「公宜其掌代文柄、● 再 李 幸望幸 新 拜 翰 作,有以見大君子存誠 大 所謂 集序》云:「 記 資 欽慕 言及後事」,亦似 更 然旨命 · 望 仰 侍郎: 明 一風 將 1 ,老而不知其 白。 歎無已。 勤 諭 波 雅」字,唐賢 補 丁寧,亦勉率成篇 專人復至,蒙賜 及師 陳子 瀾。」又李貽 又「 拙,更乞斤斧,免 相 魯序,且得 昂 又窺諸 曉 見 以 啃 風 白。 無 以 風 多 教,未 公所 變 謹 孫 雅 用 的 言 無 風 序 革 觀 教 是

> 不言 四 否? 未曾敢寫出別處。 及,不同永叔,寧作數千字紜紛,不肯輒改 之深,不暇言也。 海 頭云:「公言已盡矣。」明日舁疾而來,却無 後事 實是紜 ,直至某先言二三 紛不肯。 此 外 北 其間言永叔從而振之,又莫見寫 必 望 事,他 更 雄 府,惟 有 心 未 安 當 而 祝 不 處, 自 憂 也。 其後,它方 言,是相知 重 但 先 呵 呵。 喻 福

不避見笑,蓋 俟息肩,則勉力賦 《閱古》之作,蓋出古人也,豈勝 血仰答厚 詩。 意。 今且 慙 荷 和 慙荷 得 近 賜 仰 高 服 ?

_ 六

教,❷過垂 某再 拜 周 厚。 大資 私 侍 念去人必至麾下,以 郎: 在 餘 杭 捧 閏 首 改 賜

^{●「}閨」,原誤作「関」,據宣統本改。
柄」。
「掌代文柄」、《歐陽行周文集》卷首原序作「司當代文

當 ? 深 但 寇 其 濟。 至 甚幸 郡 願 但 名節,以 翰,及示奇章 未 盗 瞻 來未已,二麥須稔,方可復蘇。 歲 青社,繼富公之後,庶事有倫,守之弗墜。 邁 謹 霑足,亦 齊 行,未遑修謝。 數日間, 望 饑 受國 奉此 物 一博間 副 退 仰 貴 知己。 重恩,不忍 省 上謝。 了, 河 祝 有望也。 ,感歎榮抃,爲 稍 入城者六七千人,無 虚 大拜, 熾。 ?朔流 陋 惶 易稱 恐惶 及 三兩日 爲天下 民 辭 憂責 Ш 尚 避。 重 恐 陽 在 非輕 獎? 生 遇 來, 福、吾道之至 村 拜 幸 口 某上巳 落,因 遇未卜, 贵 時 美事 介,併 四 惟 非 有 衰老 向 思 饑 `, 甚 雨 亦有 須 日 砥 受 澤, H 可 救 方 幸 鈞 礪

二七

誠,天下 某頓 倚 首 望 再 神 拜 靈 大 所 資 護, 侍 郎 起 居 伏 其 惟 寍 純 德 某 居 至

> 惶悚 憂苦 吾道 此 憧 爲光也,不任區區之願 1 憧之地 以故闕 惟 天意在 , 固 於奏記 已少暇。 公、早正鈞 徒 念念於知己。 復 歲 軸,天下之幸 時 以 來, 惶悚 家多

一八

情。 賀。 寒, 愛之深, 愧且 堂詩 福。 而 關 謹此 先賜 懼。 某頓 中間 來,後又腹 塞 仰 應 副 必 樂問,復稽 明公拜命,初以賢 首 人回,蒙 甚 未 來命,不 再 ,伏冀倍 譴 拜 疾 咎。 觀 賜 作,遂成 敢 文 教 裁 皇 加 不 介備荷 謝。 侍 恐 自 勉。 郎 皇 重 輔 懶慢,亦 爲 一,以 恐 過 恩 留 恭 安 辱 意 滯 惟 撫 副 不 褒 台 恃 提 具 今 許, 閲 歲 瞻 公見 候 轉 敢 早 相 修 H. 古 萬

二九

慘之劇。初暑,伏惟爲國倍加自重,至禱至戀之劇。初暑,伏惟爲國倍加自重,至禱至痊差,扶病上道赴潁州。益遠風問,但深瞻遍賜憂軫勤厚之意,何以勝戴? 即今尚未過賜憂軫勤厚之意,何以勝戴? 即今尚未

三〇

重。若某衰晚之期,●休息甚稱,田園未立, 告老猶稽。此可愧於人也。然念念其退, 生老猶稽。此可愧於人也。然念念其退, 重。若某衰晚之期,●休息甚稱,田園未立, 重。若某衰晚之期,●休息甚稱,田園未立,

Ξ

披對未期,惟日引領。伏冀倍加自重,以副風化搢紳,光大門閥,不任拳拳伏膺之至。想示先公太師并司封諸誌,感歎辭義,足以忽有專人遠致鈞翰,伏讀再四,若奉符采,教,以公移鎮,必迂迴川路,未便修報問。某再拜資政稚圭給事:向蒙遞中垂

天下之望。

范文正公尺牘卷中

❶ 「若」,原誤作「休」,據宣統本改。

范文正公尺牘卷下

交

游

也。

與 晏 尚

謝。 赫之 於桐 复於無階。)瞻,日 廬。 由穎 伏自 回首大亳,忽數千里。 淮 春 以增 恭惟 而 初 下,越 至 重。 蕃 項 宣之居, 鈞體 城, 兹重江,四 某 因 罪有餘責,尚 使 人 回,草草上 日思奏記, 月幾望,至 惟寧; 叨 赫

> 生,以博以約。 之以仁。吞奪之害,稍稍而 無 麾,敢不盡 剛。 豪者如 心,以求疾苦? 虎,示之以文,弱者如鼠 非某所能,蓋師門之禮 二浙之俗,躁 息。 迺 延 見 訓 諸 存 而

窗。 清,衢江濁,歙江清。 滿 大得隱者之樂。 支,潺湲齋中。 秀狀如嵩。 之釣石,方干之隱茅。 爲浙江。 目奇勝。 東北曰烏龍,崔嵬如岱。 又郡之山川,接于新定。 漁釣相望, 凫鶩交下。 白雲徘徊,終日不去。 衢歙二水,合于城隅。 春之晝,秋之夕,既清且幽, 惟恐逢恩,一日移去。 如濟如河。 又群峰四來,翠盈 百里 西南 誰 有嚴子 謂 而東,遂 曰馬目, 巌泉 幽 濁 遐? 且 陵

0 師門之禮訓」、《嚴陵集》於此上有「朝家之條教」數

四 九五

暇。 樂,有如此 迭 何 有 . 報焉? 唱交 往往林僧 阮 和, 忘 從 其 事 野 於君 形 客, 俱 體 親 富 惠 文 之恩,知己之賜, 然投詩。 鄭聲之娱, 能 琴, 夙 其爲郡之 宵 斯實 爲 會 宜 未

伏惟尊崇,爲國 不誣 爾。 今有郡齋歌 干瀆台嚴,伏增 自 詩 重 軸 拜 戦懼 獻, 庶 尚 明前言之 遠 門下,

沓, 夙 至還 某伏 述之作,❷仰黷台光。 未濟,上答斯晚,死罪 、,而應諸遠壑,不以隆鐘之大,●而 自睦 某啓: 郡 夜營救。 中,災 一改蘇 伏 惟 困之氓,其 智小謀大,厥 參政 首捧 伏蒙尚 尚書台候 死 鈞 罪 翰。 室 + 書不 心惶 屬董 萬 早 起 以 以 惶 役 居 疾 隆 桐 海 萬 苦 納 墀 廬 上, 福 兹 紛 之 鄙 而

> 什。 哉? 爾。 美 ? 聞 御 也、託于周、召則不 真 纖 猥孱,當此 了,俾閱 相, 不任榮懼感戴激切之至。 殿頌》、《遊渦賦》、《青社州學記》示 筵 霈江海 如覘大禮,閱 但當 遥瞻台屏。 4 或 大 謂 矜 (範,孰 金 褒賜? 宣父聖 小吏之狂。 之宏潤 П 木舌,以 量 伏惟尊崇,爲 師 廣樂,豈 波被 · 朽矣。 童 某 嘗 觀 謂 虹 緩 之明, 稱 駕 葛 蜺之垂光。 其 又蒙 弟 覃、 能 説 嚴 子 至道 形容 得 國 芣苢 之 誅 以 自 預 新 宗 於 之 寵 重 著 造 萬 於 廟 微 夫 以 邴 謏 神 何 次 之 鈞 卑 物

作

「恩」,據南宋樓鑰《范

文正

❷ 「作」,原爲墨丁,據宣統本補。

[「]隆」,宣統本作「洪」。

^{● 「}筵」,宣統本作「筳」,疑是。

自重,卑情祝頌之至。 賜 福 言,敢不佩戴? 某十七日至京,諸公並 某 再 拜參 政 尚 書: 瞻仰恩館 謹奉手狀起居。❶ 恭惟 未 台 敢 伏惟 候 請 起 見。 爲 居 或 蒙 萬

與邵餗先生

尚矣。 張侍御 某,謹 陵鈞 名教也。 然愧薄宦之不高 聞先生歸 臺,思其人,求其風,毅 十月日 奉短書于先生邵公足下:某今春 能使貪夫廉,儒 過 構堂 Щ 丹陽,約詣先生。 ,右司諫、祕閣 所謂: 而祠之,又爲之記,聊以 矣。 其室則邇,其人甚遠,惘 暨抵桐 夫立,則是有 校理、 見維 然 廬 知 郡,郡 舟 肥 知蘇 水邊,2 大 遯 辨嚴 功 之 有 州 於 嚴 可 與 范

> 郡校奉此,恭俟雅命。 未泯,其高尚之爲教也,亦大矣哉! 或能枉神筆於片石,則嚴子之風復千百 人,❸則不足傳之後世。 子之心,决千古之疑。 今先生篆高 又念 非 託 之 四 以 謹 遣 年 奇

諫院郭舍人

端人之言,固有中矣。 殺身成君。 忘雷霆之恐以報主,蹈湯火之急以 致雅遠,如見古人。 某再拜舍人: 及其 少屏, 遞 恭惟遷諫司,奉 中 某謂 則信 得 兄 志於道者,皆欲 起獨善之□。 金玉之問, 救時。 衮 職

卷六三引録補。

0

「水邊」、《負暄野録》作「湖濱」。

「人」,原爲墨丁,據宣統本補

范文正公尺牘卷下

四九七

又嘉 勿至相念。 愉 然,曾不 江 Ш 滿 知 前 通 塞 風 之如 月 有 何 舊 耶 真 ? 賞之際, 惟 兄 自 使 重 人

王狀元

可際。 書,日 謂 喜 貧,聚數百指,前望高遠,宜無 道 可 知也 可樂者,今夫信然。● 某 有雅 再 懷想朋 拜 味。 某四月半到郡,重江 狀 元 戚,寧莫依依? 時得佳客,相與詠 正言學士: 惟閣 郵 動 亂 中 加 下居 懷 歌 得 山 水 來 喪 石 古人 目不 善 愛 食

與石曼卿

某再拜: 去冬以擕家之計,駐羸東郊。

必 近 絶 息 朋 () 笑我 詩 無 來 書問 一軸,寄于足下與滕正言。 惠 相 也 問。 歡 盈 積 机, 非 飲 求存慰,欲知起居之好 修答 傷 肺 蓋 稀。 賴 此 足下 閑 處 達于諸公, 亦 復 可 懶 以 爾。 發 偃

與曹都官

拙 况君父之知,死 使介一至,手筆 志,斯足以使吾道 者,❷無明哲 者之福。 某 再 拜: 朝廷念其無他、移守姑蘇、以祖 以 伏 保身,交游之恩, 而當報。 爛然。 念 拳拳矣。 天 涯 金石其 之遠, 暨守桐 其後 聲 解,雪 尚 廬 應 郡 不 進之狂 ·爲輕, 自 1,大爲 接 見

- ❶ 「夫」,宣統本作「始」。
- ②「其」,疑爲「某」字之誤。

多 願兄歸 惟日夜謹事,與衆協力,庶幾萬一可濟耳。 有水災,俄 禰之邦, 7,至望 闕 别乞一郡,乃 1 道 命仍舊。 惟以 出 此 道自愛、慰此善頌。 郡,接舊 鄙陋之才,未飽世務。 得 四 明。 □,●又所得將 以 計 司言蘇

孫 元 規

相榮。 棲。 拜覩間,伏覬爲國自愛。 亦莫我遺,感抃感抃 兄由簡在之知,登于清近。 記于諸公,誠以久勞之人,且欲宴息爾。 江山照人。 待制吾兄"某伏自東南之役,不復 首枉華音,足慰素望。何青雲之上, 本無他望,望以此爲多。 1 肺 疾 薦紳畢賀,吾道 未愈,賴此 幽 吾 奏 未

部

孫 明 復

中, 方而 情,大鬱鬱然。及得足下河朔二書,且依天 以進也。 及來姑蘇,却修人事,斯亦勞矣。今在海上 至新定,江山清絶,落魄以 章公,猶免屈於不知己者。 桐廬,聞足下失意,愕乎其且憂矣。 足下直 未起,舟人輒移。 役,開決積水,俟寒而罷。 或能枉駕,與吳中講貫經籍,教育人材 孤,非求榮之人。當言二代未葬,勉身 某啓: 正初奉邀東門之别,翌日,大寒 天與其時,一何吝歟 足下之來,固不可見。 甚善 歌,自謂得計。 足下未嘗遊浙 甚 此交友之 善 ! 至

- 接」,宣統本作「按」。
- 原爲墨丁,據宣統本補。

四 九九九

五〇〇

子,皆持服在此。冬景向嚴,萬萬自愛。以來者衆,未易他謀也。之武、公綽二君是亦先生之爲政。買山之圖,其在中矣。

滕子京

減。 祭問 并簡呈諫院門館諸公,善知我之素爾。● 退奉慈聖,可謂美矣。某肺 水邊林下,略能清吟。 某再拜: 未嘗至,請究之。 遞 中捧來記,云出省後 執 聊 疾尚留,酒量大 書 事入侍清光 軸上寄, 兩 賜

李 泰 伯

某白秀才李君:在鄱陽勞惠訪,尋以

不宣。 家,必有經畫,請先示音爲幸。 胡瑗袐校見《明堂圖》,亦甚奉仰。 節教授? 改郡,不敢奉邀 仲淹上李君奇士足 又慮遠 今潤 來,難爲 州 初 // 將家。 建 下,八月十九 郡 保愛保 學, 蘇 或能挈 州 可 愛! 掌學 能 屈

-

日 ②

處。至願至願! 不宣。仲淹上秀才仁弟,請先生之來,必不奉誤,誠於禮中大有請益有三十餘人,闕講貫,❸與監郡諸官議,無如至仙鄉,拜慶外無恙。此中佳山水,府學中至仙鄉,拜慶外無恙。此中佳山水,府學中

-) 「爾」下,原有一墨丁,然似無脱闕。
- 「不宣」至「八月十九日」,原無,據《旴江外集》補。

十月十九日。●

欲行鄉飲,俟先生講求也。仲淹上。●也!❸兒子在蘇州,足下可能早來? 今冬一來講説,因以圖之。誠衆望也,誠衆望此,誠衆望此地比丹陽又似閒暇,●可以卜居。請

_

二十八日。❸ 二十八日。◆ 二十四月。◆ 二十四月,中日。◆ 二十四月。◆ 二十四月。

張 文 定

差煩,亦且勉力。未披覩間,萬萬自重。道,處順而樂,真賢者養浩之宜矣。某此中緘問,以示恩意,喜慰無量。兼承居易以某再拜端明安道諫議:專使至,特辱

「不宣」至「十月十九日」,原無,據《旴江外集》補。

) 「此地」上,《旴江外集》另行記有「小簡」二字。

「伸淹上」,原無,據《旴江外集》補。「誠衆望也」,原無,據《旴江外集》補。

不宣」至「二十八日」,原無,據《旴江外集》補。

某已受」上、《旴江外集》另行記有「小簡」二字。

五〇

乞檢至。 行 歸 頒 府 惠 别 醇醖 韋老昨日鄧 無 感刻 以 致 一、慶州 感刻 州 同 ! 酥 來宛 公人云到 五斤,封記 丘,因 湖州 且 在

陸

此 彼勾當,深懼入川,今得晏公辟,在許 起,韓學 録,甚得所也,極清 中物、希示及。 士應 未 到。 健可愛。 見提憲望致意。 運使錢 刑 或 部 田 要 E 知

執

陳 水 部

任 誨,承體 某亦爲風氣發動,不得 ,疲于煩撓,惟勉旃自愛。 某啓: 候 安 兒子歸 (好,至 慰 知 至慰! 馳 山 染。 陽 禮 上有 人來,特辱 彼此當路守 少違 和 真

可

謝 安定屯 田

之心 與先 中之奇,屈盤 義如 清議 夫見 高風遠度,已與人異。 生平所存,不得著行事,而 有抗奏。天子嘉其意,進以爲郎。 堪 事),復卷 何哉 也。 東夷 范某謹 生接,而見貽之書,意愛甚隆,非某之 於四方,咸曰:斯人立天子之庭,其風 某自筮仕之初,聞先生在諸侯幕中 某早 人之禮,國朝稱之。 而 齋意 懷焉。 司命不仁,乃病于□。 虹蜺,然猶不忘國家天下, 以 孤賤,荷國家不次之遇,夙 西嚮,復書于先生安定公 君子謂之有道。 能禦彊 以言受爵 族、又嘗正 自是籍籍 先生謂 先生 非 某 胸 吾 屢

夫之後而已。 爾,非有出入於人也。 夜 希古人萬一,將無用於今,則庶幾不忝下大 人,是亦爲政,豈敢怠哉? 不遑,思所以報。 尚阻奇論,惟善奉天倪爲禱。 故竭其 今被罪 誠 餘 則 心,自謂 而 閲 來,尚有民 書思道 無 隱

-

《艮》止之時,思不出位者也。 先王之經,則茫乎 觀《大過》之象,患守常經。 來,思報人主,言事太急,貶放非一。 君子之心不易改棄而然也?❸ 某念入朝 表, 杳如天外。近改丹徒, 又併獲雅問 陽之書。 處陽,固位安時,則天下有棟橈之凶。 越位救時,則王室有棟隆之吉。 九三以 屯田 以因於聽決,未遑修 長者: 某攝行尹事 無 、從矣。 九二以陽處陰, 又豈暇學人之 日, 吾儒之職,去 報 捧 既 執 门,❷豈 非 然僕 出 事 陽 如 濮 江

> 愛。 閣 戚,自當觀群賢以 巧,失其故步? 其守焉。 下以良相之門,瑚 甚善 甚 善善 但 經大 惟 ! 璉 運,無孜 精惟一,死 未 命器 拜 會間,千 與國 孜 生以之。 夫 同 其休 萬 以 保 隘

睢陽戚寺丞

見。 白愧 耳。 某啓 以 困 洎于回轅,又失拜餞。 知宰寺 匱之日,致禮 丞: 昨 不 軒 速,未 車 之來, 自至 能 忘 誠 一琴署, 情,徒 喜 奉

- ●「謝安定屯田二」,此篇接續前書,無題。《范文正公年
- 「問」,原誤作「間」,據宣統本並《范文正公年譜》引改。
- 「易改」,原誤倒,據《范文正公年譜》乙正。

古人。 其能 公與丁侯裁之。 諒 敦 濟乎? 清 不知 適。 歲寒,何以爲褐? 有孫復秀才者,一 擬請伊三五日暫 造次造次! 慚悚慚悚 志于學,方之 詣門館,惟明 非我長者,

多則不勝其羸。 伊久服得否? 以何爲候? 又恐此藥宣取小兒藥已服兩日,未應。乞與差人問

_

悚 ! 光 諭 才,識者奉惜。 吝之 懷。 曰知已東行,所寄物必已分明交付,亦乞示 寵。 貴眷各計 某再 伏想監 虞縣中舍不及上狀,望言達。 拜寺丞: 久 京 塵 守之外,動 萬 某在館供 多端, 福。 凝寒,倍加保衛, 違清素之範,頗 驛 音 職、無所爲効。 履 鮮 惟 寓。 寧。 其 慙 悚 别期 如 增 嵇 縻 慙 鄙

 \equiv

云。惟多愛爲祝。 居不易,秋望如何? 許相次見訪,更不云居不易,秋望如何? 許相次見訪,更不云

四

能 之同年。 易,乞保重是望。 河云,隨 恭乎? 今張兄員外,素爲交遊,亦張 十人,試會亦僅三十人矣。公之志也,敢不 庠序之會,漸有 矯取,惟 某 再 後便來,故專投刺。 蓋丁憂累重,不堪其憂。 拜寺丞: 執事禮之。 倫 次。 久闕 見講《春秋》,聽 部夫將迴,勞頓不 致 誠, 長者之性,不 頗 多 前 渴 日 知 衆 判 清 四

❶ 「我」,宣統本作「吾」。

知 大 卿

惟冀自重 魯民淳。 承下車兖海,起居休泰。 某再 比之越上,可偃息矣。 ,以符瞻禱。 拜 知 府大卿仁兄: 吾兄長 近 辱 停仁 未期披會 真 」政,東 海, 伏

東山 東道 允。 鄭下今日得書,甚安。元規改徐州,辭之不 二浙、淮南俱旱,惟蘇湖有望,而 一稍稔,晚田微旱,穀價向 惟寇盗可虞,常索用心,與南中不侔。 他 某累患腹 有餘力,徐可治矣。 肚,不早上記。 自家三人,聚於 春亦應不下。 至悚至悚! 亦有旱處。

蔡欽聖殿丞

也。 賢叔 也。 致遠 賫書去。 致意勉之。 有袁州之命,何至於此? 學 人事難可擬議,惟君子知命委時, 悉之悉之! 而 某啓:近辱手筆, 無 士被楊 如即 悶 未離 他 遣 儀牽累 多愛。 或 人來挈家 京間, 婦許下 衆 承 不敢致書,難 動 知 般家 ,則望書 蓋衆 止 無 安固。 他 即即 被 重 中 專 昨 爲 示 再 差 則 譴 日 辭 諭 可 然 聞

杭越,今俱來京東。 李倅希伸意,不及書。 人事 何定,却時得通問

也。

五〇五

范文正公尺牘卷下

五〇六

__

或有書入京,遞中即易達也。 今日相國筵會,不暇子細,保愛保愛。

工部同年

承在闕下,起居康寧,三二年中,不易爲懷,某啓:至西洛見蔡郎,得工部同年書。

道養性 必能知 守道 年聰 無異當年。 此公之所諒。 一,亦如鄱陽日。 明 ,所得必多。 命自遺。 涉 道 賴 不 今雖叨竊過量,其風波恐畏, 朝廷 淺, 雖 寬厚,未至 且隨 有交親,無 未相見間 某謫宦中,未嘗動念, 緣 就 ,萬萬自愛。 顛 益於事。 差遣,却 覆。 樂天 學 同

_

復然,以此不如知足樂道,浮榮豈足道哉! 饋,大可傷痛傷痛! 不稱意,今奈之何? 宅眷郎娘各計安。 道自樂。 叔並知此 工部同年: 中事,更不煩云。 榮利無窮,千古困人。 近日况味如何? 每 已差人去致祭。 兒息未辦 每瞻渴 加 瞻渴 愛加愛 事,又 章郇 須 公非 明參 無 是以 王 源 中

南 陽 著 作

也。 節 已於四月三日奏訖。 因 多愛多愛 某白: 辱手筆,並悉雅意。 勾當到州,不至必修造了,可 未有指揮。 所 留 前 來 兵 相 請 士; 會 聖

知 郡 職 方

重保重 惠,則無他 恐奸惡輩誘而聚盗,須賴 救濟,甚善甚善! 某諮上知郡職方: 慮也。 明贊善請 照悉照悉! 他 則朝 來,要見青社的有 特辱緘誨,備見用 州長 廷 重人性命,二則 焦勞,使民感 漸有暑候,保 饑 心

范文正公尺牘卷下

民,自四向鄉下 萃來,自春亦不得知也。

念也。 家,彼中乞照燭。 宦,幸得善地。 形恩意。承已禮上,實慰瞻言。 某再 盛暑,希保重。 拜 職方知郡仁兄:遠 聽決之外,琴籍 邢 推官已替,如 辱誨音, 在 某雖 馬, 屬 無 過 寄 見 謪

哉 ? 奈何! 眷上下各安,齋郎應未出官? 心,公必悉之。 事多端,其實由命,天假手於人爾。 切 麞羓二箇,紅薑四罐子,聊表信意。 惟信道養性,浩然大同,斯爲得矣。 少煩躁, 窮達榮辱,人事分别,至終豈復異 其如參差,無以爲力。 損氣傷神,益爲災矣。 多愛多愛 奉憂之 奈何 然人 貴

五〇七

五〇八

安撫内翰

便且 州 下爲意? 濟 處置? 臻 劄子藁上呈,無他,恐將來未免邊任,不 萬 、,奈何罷去,至秋冬危時,又却臨 在塞上,所貴葺整不斷 某再 方當急難,豈忍安逸? 福 此所以憂。官榮即素無心,豈以高 某昨日誥敕到,降户外、 拜 乞諒之諒之。 安撫内翰: 伏惟清重勞頓 絶也。 今有謝表本 帶職知 過,何何 猶 恐 了, 克 以 不 如 并 耀

翰長學士

某再拜翰長學士: 伏惟起居萬福。昨

禍。 甚減憂。 渴見賢者。今聞彦國之耗,●不復言之,亦 家 淹拜上翰 而 俟死,此 或得將帥,即有丘園之請,以全苦節,養生 順保全,不宜擇處也。 張去惑著作來,捧真誨,備荷勤意。 無營,知 ,世守廉素,恐門户一變,有勃入勃出之 况邊上乏人,且勉於從事。 其 長學士座前,仲秋日。 未拜奉聞,惟乞自重。 非 志 也。 他望,明公諒之。 俞旨一下,魂神 某非不思之,寒儒 不宣。❷ 近 或稍寧息, 以 來 欲其 復,久 北事 仲 委

_

乾州 某再 袐 丞 拜翰 至此,言十三殿 長 學 主 伏 丞 惟 一過,備 起 居 萬 知風 福。 近

「耗」、《鐵網珊瑚》引録作「好」。

)「不宣」至「仲秋日」,原無,據《鐵網珊瑚》補。

范文正公尺牘卷下

憂。 遠大也。 討之名耳。 少年從事,但輸忠力,且勿以資級爲意,即 幕,必祝計使請伊,况知己甚多,應不久次。 人,已許一員,不敢更煩 得外計,以救瘡痍。 如 乞,恐廟堂不悉其志。 則尚可兼之經略,皆得施行,但去都部署招 某守邊如式,但關 此 蔡推官甚渴伊分減心力,只爲舉辟二 ,孰爲固之? 爲國活民,以植 輔之民被虐無際。 環慶籬落,稍有倫 或朝廷疑其欲解邊務, 復聞北事已萌,不勝 朝議。 根本,又不敢 或且就 序,願 國本 陜 陳

安撫大保

某諮上安撫太保"遠勞書問,深荷意

愛。至節,別膺寵異,未言會問,惟希保重。

_

務,只請手字,所貴易得還答,亦便於事也。示及,並悉雅意。 甚善甚善! 凡有事

=

示及,即日過郡,不更多云。寒澁,道

中多愛。

李 節 推

愛! 香人去,以備乏使。千萬勉旃。善愛善番人去,以備乏使。千萬勉旃。善愛善李想,至是不易。更令此字想在道中,寒雪奉親,至是不易。更令此某白:近領手筆,知十一月離穰下。

范 仲 淹 集

通 理 虞 部

彼 未 也。 由奉謁,徒深渴想。 某 啓: 初寒,自愛爲祝 近辱 書示,承 長安近有書來,甚樂 動 止安康。 咫尺

仲 儀 待 制

某啓: 昨 日 使 臣 回,已 奉 手 削。 賢 姪

聞。 自陝 蔣 來,速於拜觀]得甚處 ? 不敢 希早示及。 駐 留,庶事必可上 保重保重

某啓: 前 日遣急 足 齎書并酒去,必未

> 自 通 朝見怒,惟責己樂道,未始動懷。 實詣 必招怨,濟箇甚事! 來謝章,有「事觸權貴,力排姦邪」之語,此 黨 ? 降,不知何人之爲也。 達。 心,乃敢奉勉。 愛! 塞,孔孟不能逃,况吾輩耶? 昨日 理 或須 而 某於 邸 無害也。 理會,亦當款 報,有人奉 閣 悚悵悚恨 下爲 愚曾落 罪人, 事所云投鼠傷器,此 攻閻 臺 曲, ! 刻頗深, 豈涉 職 親 但長者深察 專此,不宣。 勿令悖戾。 南 ,不言再有 行,當時 寬中,自 君子皆 本 有 愛 滿 昨 親 責

遠圖 人,子孫幸預縉紳,宜構堂,乃改卜于洛,思 歸 中更不遷 姑蘇卜葬,見其 也。 七郎 吴中松楸,有數房照管。 居 去欲南中,置少屋業耳。 也。 走知之矣。 風 俗太薄,因思曾高本北 昔年持服,欲 又與 禮 : 制

無妨,間傑之謂也。●中人則不能逃其俗,官,似兩不失志。 仲儀以謂如何? 雖立賢

文鑑大師

其聞見然矣。

勤 期他年作金石遊,師豈 ,願保清懿,以 某頓 首 僕於僧,萬 副 所懷。 知 我 千 中 耶 得 ? 師之雅, 而遠 書 加 心

與有 代還者奉 知達否? 某啓: 文者觀,莫不賞其 書 李道士、聶支使來,又得書并詩。 在 以 饒 道 日 接 千 殿 萬 難 侍 得。 僧 來, 得 尚 師 領 未知師之 問,却 之意,不 令

> 其清 幸 ! 經 術 矣。 儒行,然詩意幽遠,如 未良聚間 某赴越上,不似 ,保愛保愛! 滴定 Щ 中人,已 味。 多 幸 可 見 多

之興否?答。在維城間出入,數年清吉,得不有江湖答。在維城間出入,數年清吉,得不有江湖惠酒并藥劑,多荷。急足行,未有奉

與朱校理

則功遠 定, 未 闕,至二十二日, 民億萬,生死一 寧,防秋在近。 歸 某啓: 朝 而未濟,後有邊患,咎歸 未 晚。 領問,知 戰,得爲小事耶? 如 與韓公同上五章,爲邊 乞且留任,必得俞旨。 某則多 雅 意。 病 十六日 健 忘, 何 入? 無益於 被旨 俟其 平. 事 赴 軍

❶ 「間」,宣統本作「豪」。

近已有書。 者當憫之矣。 事 事 猶庶 如 得 幾 萬 閑 奈何奈何 郡 0 或 時 處 復 急 1 研 流 慮 翰 顛 長 陳 沛 必已安好, 述 可 補 待,識 益 之

回,致意致意! 石先生芒角太高,常宜寬之。 孫必已

不 須 爲 聽,直 得一藩,尋亦被 基 |活,心閑耳静,幸 址 當時奉贊汝陰之請,●令一任 至惹 勸 禍。 他 桂 亦勸 余就洪守, 王中, 事 力 就 諸 小郡守,不然, 事 石 難 就 爲。 清 汶 公倅,俱 三滿,足 今穰

與 田 元 均正月十八日

請 所 終制 賜 某啓: 教 ,非大孝之節不奪,孰能堅 墨并誌文三本, 至 郟 縣 見王 不 助 任 教 感 領元 刻 一立持 H. 均 於雷 承 龍 得 圖

> 霆之際 亦且 口 可 摇 依 讀 也 書 耶? 日 拜見未 扣 涉道 聖門 仰 服 小期,萬 貴 所 仰 深, 得 服 萬加 退即 多 1 矣。 端 自樂,非 居 某 蕭 此 索 去南陽 升沉之 惟 道

與 尹 師 魯七月十四日

已差人 横費 檢。 請 空 矣。三兩 洛、上京皆苦熱,宣 心 見錢 某啓: 處,家家如之。 鄧 口 許 醖 者 日 已竭,候新者送 1,猶煎 日來,因 州 熱中 般 服,甚 取 熬 得 雨微 不 到 口 有 下 邠 足 即 問 功。 開 凉,彼 酒 走 蓋 井 去。 知 四 報 恐 日 救 瓶 漢 亦 疑之, 暍 合得 給外,月月 東 近寄來,請 不易不 然矣。 者,此 尤 花蛇散 甚, 和方寄 折支 易 可 然 有 收 知 1 西

上,希多愛多愛。不宣。

也。 先託致意。 新牧舊識,候到即有書去,兼是棋侣

與 尹 師 魯●四月二十七日

病未得全愈,❸亦漸退減。 能樂道,正在此日矣。 且安也。 送上。近得楊州書,甚問師魯,亦已報他貧 亦領來教,承動止休勝。某此中無事,兒子 某頓首:李寺丞行,❷曾奉手削, 暑中,且得未動亦佳。 加愛加愛! 不宣。 田元均書來,專 惟君子爲 遞

中

范文正公尺牘卷下

仲淹上師魯舍人左右,四月廿七日。●

「與尹師魯」,原題作「與季寺丞」。宣統本於題下注 考,今爲正之。」又,書信內文亦提及「師魯」。據改。 云:「舊本作《與季寺丞》,誤。文正公墨迹尚存,可

0

- 「李」,原作「季」,據墨跡並《鐵網珊瑚》卷二引録改。 似不闕字。 「兒子」上,原有墨丁,宣統本作「但」。 審墨跡並文義
- 「仲淹」至「廿七日」,原無,據墨跡並《鐵 網珊瑚》補。

4

五三

補 編

奏

議

論 職 田 不 可 **能**天聖八年

曩 田 多 下幕職、州縣官、三班使臣俸微禄薄,全藉 憲,由濫官之咎,非 濟 ,則吏困於廉; 時士員尚少,凡得一任,必五六年,方有交 贍。 真宗 俾無 其 初 盡於 無 賜 職 職 生 田處,持 收而均給 田 民。 實 職田之過。 遵 無 廉之人例皆貧窘。 古制。 ,則民受其弊。 厭之徒, 若從 蓋 或 大 冒 賚 而 天 典 於 廢

> 下 ? 年。 替。 時之論,廢經遠之制。天下幸甚! 貴,與昔不同,替罷之後,守選待闕,動 官吏衣食不足,廉者復濁,何以 到 受弊必如臣言。 闕 廉隅 即 Ħ 差除,復便請給。 雖 無 職 乞深加詳軫,不 田,自可 優 當 足。 時 治化 條 以 踰二 今物 例 天 未

奏減郡邑以平差役天聖八年七月

施此 置其 觀 遺 河 千九 東縣主户四千,不致逼 漢 彼 令, 光武 地利。 一。今欲去煩苛之吏,致富壽之俗 天下郡縣 百,内八百餘户 以寬兆民。 朝,併合四百餘縣,吏職 是以 至密,吏役至繁,奪 邊 廪或窘,民 如河中 屬 迫。 鄉 府 村。 倚郭 河 財 西 未 本 減 其 二縣,惟 縣 豐 縣 没損,十 農 尚 主 當當 時 户 臣 差

公吏三百四十人,内一

百九十五

人於鄉

村

臣管見 縣分極 坊 酤 於以 差 市 到 觸 仍 征 下 之利, 多,甚 舊。 其 抽 緣 差 鄉 河 所貴吏 一,是 村 臣 可 西 中等户只有 謂 省 縣 使 所 去。 宜 堪 役 | 稍減 廢之縣 併 役之家 或謂 入河 農 止 縣 東。 無所 百三十户 時 邑之中有 不奪, 可爲 休息。 及大名 鎮,而 地 権 利 府 以 更

封 進草子乞抑 奢 侈 明 道 年 七 月。 公時 爲 右 司 無

遺

民

財可阜也。

進

江淮體量安撫

足,和 之,東南上供糧米,每歲六百萬石。 尉 廣 食草子,名曰烏 温宗賢等狀稱,往諸鄉檢旱,竊 德 軍 臣 野 判 昨 菜合煮食,别 官錢 到 太 中 平 昧, 孚、當塗 州 并取 界 體 無 量 蝗 虚妄者。 縣主簿 安撫 蟲 曝乾, 本 見 兼 臣 貧 處 摘 嘉 至 一於府 竊 去 民 祥 檢 思 翊 名 縣 會

> 院、糧 家若 以 草子封進,伏望 庫 目,比於今時 濟 物帛、皆出 止,則天下幸甚 艱 不節儉,生 料院,檢祖宗之朝每 難 仍 於民。 則奢儉自見。 乞密下 靈 宣 示 何 六宫、藩 民 以 於饑 裁 昭 蘇? 造 年 歲 務、後苑、 伏 戚,庶抑 艱 用度之費 望 臣 食 聖慈 今取 如 奢侈 此 文思 特 前 數 件 或

奏乞督責 管軍臣 寮 舉 勇 之 人 康定 元 年 九

月。 公時知延州

未至。 藉 敢 嵩 生人厚於古而 心之將。 朱觀往彼。 纔亡,人情頗 臣 今諸軍 竊 見邊 或 家 諸 奄 朱觀 薄於今? 上 駭。 班 有 將 ,必有勇智之人,多被 四海,未必乏才,豈 既 帥 恐 去,則鄜 鎮 常 戎不能守禦,却 蓋選之未精,用之 患 少人。 延路 今 又 闕 高 天 地 勇 須 繼

 π

五.

校長 闕,實非細事,乞國家常爲預備,早加遷 明賞舉主。 諸班 老。 軍臣 諸路漸次得人,不致 可 大國乏才,愈增驕 方得將名。 遷轉,於邊上任使。 中 寮人 行,或試 只 如 搜羅智勇之人,各舉 員 朱 等 或屢敗軍 觀 伏望聖慈專督管軍臣 以武藝,或觀其膽略 遞 元 互 氣。 是 一彈壓,不得進 頻 軍 事,亦當連 有 况 如將 班 西北二方,將帥之 那移,免使戎狄 出 來 身, 一名。 頗立戦 因 用, 坐。 出衆, 寮等,於 不以 歷 坐 功, 邊 所 至 擢 任 謂 貴 則 便 將 衰

論夏 鄜 延、涇 副 賊 使 未 知 原 延州。 宜 兩 進 路 取 討 先是,康定元年閏十 正月 慶曆元年正 上旬 進兵 月。 入計 公時爲陝 西賊 一月,朝 故 公上 西 廷 詔 經

此

臣聞昨賊界投來山遇,嘗在西界掌兵,

人,且 安然往 爲邊 始賊 言其 别 在 寨,其西路亦委王信、張建 司 候賊奔衝,放令人界,會合掩擊。 德青寨、張宗武在敷政縣,●密令分布兵馬 堤防之處,已令朱吉與東路巡 獨禦賊鋒,又不能併 路。 ,❷令一如鄜 保安軍 患 衆深 精 併衆力禦敵,或破得 一來,如 其環慶路,已遣通 其 兵 入,蓋 每日訓練,及令西路巡檢劉 纔 、虜劫 及 蹈 八 延路設備。 爲官 無 生 萬, 口 人之境。 力掩殺。 軍以 牛羊,亦不曾追奪,故 餘皆老弱 分地 判馬端 侯、狄青、黄 如 今延 處,即 此 彼 自 検駐 不 得 守 往 若數路 州 則 其便, 既 任 可 報 便 軍 東 戰 邀擊 路 政 延 以 總 世 不 鬭 在 管 合 乘 並 寧 安 能

● 「敷」、原無、據《長編》卷一三○補。按、敷政縣、爲延

司」。按,「總管司」當爲後人避英宗諱所改。 ❷ 「總管司」、《國朝諸臣奏議》卷一三二、《長編》作「部B

勝,主 蓋 移 重 承 鄜 苟 則 動 自 耕 春暖,則馬 延 糧 勝 戰 責 順 與 延 $\dot{\pm}$ 劉 路已有 自今賊至不擊,是臣 必 種 草 而 道 路, 不 之務 平陷没之後,脩城 朝 今來時 馬 破 歸 如 動 日 露 必 旨,不 重 ,大爲攻守全勝 賊 朝 踰 便遣 足以 必 勝 僵 縱 會合次第,不 之戰,不 廷 兵 也 萬 主 瘦人飢 仆, 月 安 輕 計, 葛懷敏 謝 能 出 不同 \Box 使 舉, 今須令正 天下。 危 持 師 戰 入山 賊 無 之憂, 重 無 ,其勢則 可 萬 · ; 非 戰, 乘 王 大 朱 也 川 之, 壘 苟 獲 一之罪 患 師 前 必 觀 非 有 之策,非 險 月 俟 亦亦 賊 戰 運兵 所 勇 X 臣 :失,將 止 易 阻 爲 内 春 界 也。 先 傷 而 昨 可 邊 制 之 起 後 不 暖 掩襲 後 於 也 甲 至 必 及可 地 舉 大 患之謂 至 兵 怯。 爲 兵法 何 也。 衆。 九 兵, 患 積 有 繼 小 戰 寒 月 則 族 糧 他 擾 今若 之? 利 雖 末 道 賊 况 外 日 軍 帳 也。 草 虞。 未 Mi 其 界 加 鄜 馬 R

> 本望。 縱 意 嚴 廷 探問 事 爲 未 是 國之號 慢之心,侵擾不已。 奸 能 能 0 備 舊 ; 又謂邊城 失策。 廣 其 賊 所 殘 深 歲 天 日 八情,欲 時之間 地 進 而 况已下敕招 誤, 彼 據 至則擊,但 包荒之量,存 貢之路,蕃漢之人 且 妻孥,焚彼 要害,②徒 脩時 謂 元 通 或 或 昊 無 朝 貢 家 稔 備 之禮,亦可 可 廷 悪 太 0 未 攜 柔 今邊 招 爲 聚 以 平 所 族 行討 此 遠之意 納 鈔 落 來, 日 帳 向 鄙 刼, 久, 伐, 首 必 如 路 頗 漸 欲 如 俯 で,使其 領 白 損 令諸 破 相 先 飭 自 不 容臣 從。 王 接近, 豹 行 尊 知 臣 所 度 之功, 師 大, 攻 今 戰 以 示 不 亦 其 將 之體 掠 鬭 以 勒 鄜 僭 遣 恣 必 願 已 之 官 恐 失 桀 被 恩 朝 延 中 人 兵

❷ 「深據」至「焚彼」,原作「擒其」二字,蓋脱闕後昕❶ 「城」,原作「臣」,據《長編》並《國朝諸臣奏議》改。

今據《長編》補改。 「深據」至「焚彼」,原作「擒其」二字,蓋脱闕後所:

Ŧi.

八

怯; 可 之鄙計,恐是平定之一端。 乞存此 兵營田**,**●作持久之計。 熟議,亦 患 軍 功,必爲 以 ·重兵,取綏、宥二州,擇其要 帶蕃漢人户,●去昊賊 既 愈 招 退 滋 二則恐隔 降。 一路者, 稱 夷 戎類復居 無 ,無輕舉之失也 願 狄 或即 時 與 所 敢 絶情意,偃兵未期。 戎 輕。 暇 奔竄,則是去 人相見於界上。 則 狼 臣 懼 若 心 又近召張亢 如 相遠 天 重 春 此 苟歲 月. 兵 報 初 盛 屢 西 害 增其 懼 則 寒, 動 賊 漢 茶 而 之 、怨毒 兵 Щ 舉 無效,遂 若施 士 臣 不 到 一之,屯 、威迫, 横 氣 所 延 立 臂。 Ш 以 州 大 臣 愈 邊

乞先 脩 諸 寨 未 宜 進討 慶曆 元年二月

拓

疆

制

寇

廷指揮 臣 ,所有行軍 近 准 陜 西 都 所 招 須 討 **令**三司 使 夏 與韓 牒 琦 連 等 到 商 朝

> 之資。 廂軍 重糧 呈。 退 安遠、塞門、栲栳 主 萬 葛 量 暴露,稍有驚危,便多逃散,拋 三程,❸斥堠漸 懷敏 管。 兩月 工, 疾 却 頭,即山 疆界,賊 數 草 臣 速 辨集未 臣竊見延 若多差人夫 少,起發不得。 相 等 又須 擘 度 申 路險隘,與兵馬三二百里, 畫 前 所 用 轉深入。 應 得。 遠 項 要 廂 副 軍),賊馬 州 軍 六 者。 軍 即即 如令辦搬運上 須 寨 廢却 須 一三萬 糧草,萬數不 恐有 之後,自 糧 或使駱駝、 又况 動 臣 ·承平、: 草 息,卒不 今據 共 雨 延州東路 人。 四 雪之變,崎 棄糧草,爲 南安、長寧 鄜 延 狀 騾子 州 必 項 延 可 少, 去 慮 隨 繳 路 知 廢 賊 轉 諸 必 連 部 軍 界 賊 是 進 却 又 嵋 難 處 輜 管

兵」,原 作 「田」,據《長編》改。

茶山」 原無,據《長編》補。

[「]三」、《國朝諸臣奏議》卷一三二作「二」。

隨 揀 揮,遺近上 横 意,其邊界舊寨,❷不可不謀。 時,兵少則難近,●多則 横 奏朝廷,留此 之功。似今重 之計,須是將帥 勇,能奪其險,彼則遠遁 部散入岩谷,多設堡塞,控 居,今春未有土田 諸 蕃部既無活路,恐糾 軍 有 將,於二月半後 寨側近 Ш Ш 寨 運 利 後,方到平沙,却無族 賊 歸 深界,則: 糧 處 明 蕃 兵夫,因 ,先次脩復。 三号箭 |使命,急至鄜延路,令與 部 其 一路,未速討伐,以 累 手, 出 患 亦多驚起,在 而行,實憂不 便 出出 耕 奇,兵從天落, 不 盡 率打 興 種。 細。 皆 兵 未 工 難 流 我無 萬 須 劫近邊 若不修復舊寨,其 臣 行。 移,著業 帳 扼 餘 候著次序,選 大段軍須 又聞 險 可 近裏與漢户 人,於廢 乞作 利 假 取。 所 處 人户,走 示 則 獲。 使 得 未 臣 聖 主 招 臣 其討 横 有 人 介,只 得 、界之 催 意 將 寨 來 雖 非 須 Ш 過 指 之 以 中 促 常 伐 智 蕃 雜 密 人 又

> 先復 我則運 扼險以 歸 此 Ш 馬 捷 而無倉卒之患,且安存得東路熟户蕃部并 煩費不少。 比之入界勞敝,則 一帶, 明弓箭手。 亦禦邊之一事。 將兵以守之。 ,朝夕便知。 舊 制勝。 致糧草,以實其備。 疆 在我目中。 ; 彼 乞聖慈裁 未 彼或放散人 大至則閉 既 歸 然脩 順,我已壓於賊 逼 强 近 者 酌。 復 蕃 壘 可 諸 馬,亦朝 彼若 界, 以 寨,亦 襲,弱者思附 待隙 有 彼 經久之利 歸 或 順 小小 動 夕便知 境。 點 7, 我已 軍 至則 集 民 横 人

「近」、《長編》卷一三〇作「追」。

❷ 「寨」,原作「塞」,據《國朝諸臣奏議》改。

奏論修復廢寨之利❶慶曆元年

降 間 糧草 乞擇 畏懼,早思款伏。 將在彼,就近爲謀,大至則守,小至則擊,有 聚散,朝夕便知,易爲設備; 十二寨,蕃漢之民,相踵 上項熟户、弓箭手各著農畝 二則遮障漢户,且爲籬落,三則耕作地廣, 集 則 可可 -易爲; ,廢寨 公繼 攻,使居 使逃 中有利者先 此又言: 四則 遁 不得 城 前後凡六奏事 此 安,耕不得時,然後 寨逼 臣所以不敢 固 次脩復, 位復集。 撓賊之一策。 近蕃界之後,賊 ,無畔離之患; 五則將來委諸 更執 ,城承 則安存 前 平. 庶 可 議 等 幾 以 爲 得

年正月,公再上此奏

再議 路互相應援,叶心畢力。 進,觀釁而動 且勤訓 幸於獲勝恐、未爲良籌。 攻守二策。 攻守 練、嚴加捍禦、遠設探候、制其奔衝、見利 疏 詔答曰: 先是,慶曆元年十一月,公知慶州, 庶可養鋭 將帥累次挫屻,未甚勇果。 持久,即 有便宜,密具以聞。 假令克獲,又須守備。 宜深體此意,與 至二 若 若 上 而

合也。 副 弱,議守者,謂攻必 德,陵犯邊鄙,公卿 陛 下憂邊之心。 臣 臣前至延安,初請復諸寨,❷爲守 竊惟國 家 太 大夫争進計 平 速 且. H 禍。 議 久, 攻者, 是二議 而 策, 謂 旦 守 卒 而 西 不 則 未 戎 能 禦 示 能 背

^{● 「}奏論修復廢寨之利」,此文原爲前篇之附注,今析出

❷ 「初請」,原作「所謂」,據《長編》卷一三五改

者,則 之備; 危。 何則 慶州 ? 朝廷以 利 日夜思之,乃知攻有 次則 必隨。守以土兵則安,守以東兵 蓋 攻 幸其休兵,輒遣一介,示招納 群言之異,未垂 其遠者,則害必至; 利害,守有安危。 一采納。 攻其 今臣領 近 則 之

境,隔 陣,布 城 别路入寇,數百里外, 間,有金湯、白豹之阻,本皆漢寨,陷爲 旬。 素謀 牽制,金湯、白豹等寨,可 姦商往 險之憂。 壘 進 臣 則 車 延、慶兵馬 士無素 來,物貨叢聚。 則 謂 · 横 我 臣謂攻近而利者,在延安、慶陽 困 攻遠而害者,如諸路深入,則 無 塹,不與馳突。 大 不利之虞,至於合水、華池、 勇。 河 絶 之援,爲 或風沙失道,或 漠之限,退則 應接不及, 此誠 乘虚 蕃 擇其要地,作 要害之地。 漢交易之市。 取 之,因 則當遠 有 乘 雨 險 危 雪 將 賊 設 爲 如 之 鳳 扼 彌 無

> 非徒通 限。 軍壁,北斷 泉,今屬賊界,❷爲義渠、朝那二郡之交,其 川、平戎、柔遠、德靖六寨,❶兵甲糧 如進脩水洛,斷賊入秦亭之路,其 又朝那之西,秦亭之東,有水洛城,亦爲之 南有明珠、滅臧之族。 軍乾興寨相望八十餘里,二寨之間,有胡 屯泊,固非守備之煩也。 今策應之兵由儀、隴二州,十驛始至。 四路之勢,因以張三軍之威也 賊路,則二族自 若進兵據胡蘆泉爲 環州定邊 安,宜. 多寨、鎮 無 利甚 斛, 異 可 戎 就

數易之弊。臣謂守以東兵則危者,蓋費厚路之利,懷父母妻子之戀,無久戍之苦,無臣謂守以土兵則安者,以其習山川道

0

0

按,《長編》亦作「鳳川」,今據改。「鳳川」,原作「鳳州」,且下原有小注:「一作鳳川。」

[「]界」,原作「泉」,據《長編》改。

則 策,可行於其間 不危",守宜圖其久,而民力不匱。 生,出於不測。 困 則 於財,戍久則 難 保。 民 力 臣 一所謂 日 聚 窮,士 其 攻宜取其近,而 怨, 心 財 日 困 離 則 , 他 難 招納之 用, 兵 變 勢 之 怨

東,我 不可不 措。 備 更備 至愈 里外, 畫 至 隣道協心而共圖之。 動,則我不侵掠。 了、又無 也? 時諸路重兵,豈能 攻 盛,邊患愈深。 雖見利 今奉詔,宜令嚴 圖 應援不及,須爲牽制之策,以沮賊氣。 術 大爲之謀也。 其 所謂備者,必先得密旨,許抽將帥 行營之備,恐當牽制 西 彼寇其 而莫敢 寧有備 臣恐賊 西、我圖其東。 進,觀釁 加捍禦,觀釁 叛亡之人,日助 安坐? 又覩赦文謂,彼 願朝廷於守策之外, 而 寇 不行,豈當行 而莫敢動。 隅 之時,茫然 如無 遠在 而 彼寇 派素定 動, 賊 數 無 而 算 其 之 寇 無 無 百 驕 與

爣以 王之道 復議 也。 萬,和買 戈不可取,則當任其所有,勝其 金帛豐富,中國之所有也。 則禦之必難。 支,其耻益大。 之耻未雪,而不欲俯就。 有人至,不可不答。 論 啖戎,是費一郡之入,而息天下之弊 臣前曾遣人入界,通往來之問。 也 絹 歲年之間 二十萬。 臣 且兵馬 前 賊或潛結諸蕃 知 越 當 如朝廷先降密旨,令往 沙州,每 精 郡之人,凡三十萬 有 勁 臣 成 禮 西戎之所 恐諸 歲 事。 義 納 (所長。 ,并勢合謀 不可 若謂 税絹 路更有 化,干 長也 此霸 + 邊 或 將 更

❶ 「頭」,原作「敕」,據《長編》改。

答詔諭以文彦博涇原對徙慶曆二年。時文彦

之。公上此奏,帝采用其言博經略涇原,帝以涇原傷夷,欲對徙公,遣王懷德諭

慶。 願 横 同經 委文彦博,慶州用 涇原之師爲援。 兵,掎角而進。 山,以 詔 涇原 略 龐 渭州,一武臣足矣。 涇原 籍 涇原,並 斷賊 地 兼 有警,臣與 重,第恐臣不足當此 領環 臂。 駐涇 若秦鳳、環慶有警,亦 臣當與 慶,以成首尾之勢,秦州 滕宗諒總之,孫沔亦可辦 不數年間,可期 州 韓 琦 琦 琦 練 合秦鳳、環 兼 兵選 秦 路, 鳳,臣 平定矣。 將 與 漸 可 慶之 兼 韓 復 率 環 琦

論元昊請和不可許者三大可防者三慶曆三

國遣 未寧。 年正月。 爲陝西西路安撫使 籍具以聞。 稱兀卒,❶蓋如古單于、可 稱南朝遺梁適侍郎來言,南北修好已如舊,而 霄,上書父大宋皇帝。 公事邵良佐視其書 款,持書至保安軍。 從勉上書。 知此界與彼爲婚姻,請 元昊遺僞六宅使、伊州刺史賀從 二月,始許從勉赴闕。 緣本國 ,元昊自 知延州龐籍令保安軍簽書 從勉又言,契丹使人至本國 自 汗之類。 有國號,無 稱號 喻令早 邦尼定國 從勉 公等上 奉表 議 通 亦 和, 此疏,時 請 體式,其 勉 兀 詣闕。 故 西 卒 判 來 本 官 納

俯 慙 臣 鄙 等久分戎寄, 懷。 心究利 害, 未 議 目擊勝 策 勳 負,三年於 上 玷 朝廷,

0

卑辭 兹, 敢 和。 意朝廷開 命官之意 不 備 爲 厚 其來 詳 禮 朝廷思經久之策,防生靈之患哉? 本 請 許,爲鼎峙之國; ,欲與朝廷抗禮。 人已稱 末。 稱 兀卒,以緩國家之計。 今 元 六宅使、伊 昊 遣 人 又慮尚懷 臣 州 赴 恐不改 刺 闕 史。 將 陰謀 〈僭號, 臣 觀 議 等 其 納

元昊知 之意 以 厚 所 勝、未有 勝,戎人重土,不敢背賊,勉爲驅 累年用兵,蕃界勞擾,交鋒之下,傷折亦多。 德明外示納款 獲 獲器 逞兇志,非 ,大爲邊患。 契 臣等謂繼 衆之疲 其 械 丹邀 挫 横 鞍 屈 (馬,皆 Ш 心服 何,何 通好之功,以 ,内實養謀,至元昊則悖慢 遷當時 一, 聞 以 蕃 故乞和 部、點集 累世奸雄之志,而 歸 中 下之怨,乃求 國 元昊,其下胥 用計脱身,竊弄凶 而 ? 來 最苦, 臣等料之, 雖朝 也。 息 但 廷示 臣 馳 怨 肩 等謂 戸漢 爾。 屢 無無 養 實因 兵 納 戰 器 鋭 元 今 未 款 侮 所 屢

> 口 昊 許者三。 防 如 者三。 大言過望,爲 如卑辭厚禮,從 不 改 僭 號之請 兀卒之稱, 則 亦 有 有 不 大 口

之外, 國之心。 晉之功。 生之時。 後,參用 君臣,爲千古之罪人。 終不能厭其心,遂爲吞噬, 世卜年之意,故 功,又中國逼小,纔數十州,偷生 器,豈私 金帛,可節 賜與,未有假 何謂 聖帝 假 漢之禮樂,故 元 我國 此 不 於人 儉 明 昊 不 可 而 天 王 可 世 家 許者三? 哉? 王之號者 補 薦 恤 許 一受朝 富 也 號 其邊患,柔 者 有 於彼,壞 惟 廷 四 事 鴻名大號,天下 自契丹稱帝 也 石晉藉契丹援立之 爵 海 勢 也。 自古 遽成亡 非 命,非 强 盛 中 何則? 而 四 石 格之, 常常 國 一時,無 夷 有 國。 晉 大 滅 在 契 逼 有 法, 丹 邨 晉之 之神 與之 不 荒 小 開 偷 中 而 1 服

又諸處公家文字并軍民語言,皆呼「昊

豈 漢 則攘臂而 地 郊祀之僭。 當 如 啃 賊 入 蓋有 復 更 有「西帝」、「西朝」之稱,天都山必有建 一許以 、則禮樂事 有太平之望耶? 人知 今元昊於天都山營造所居,已逼漢界。 歸 去,無 大號 逆順去就之分,尚 矣。 其陝西戎兵邊人負過,必逃其 ,此後公家文字并軍民語言 事勢,與 有 至 於四方豪士,稍 逆 順 契丹並立,夾困中國 此不 去就之分。 可 或逋亡,莫由 許者二也 不得志, 彼多得 都 禁

昨定 夷 鱪 據 並 之心,欲自尊於諸蕃 狄 輔 太原,後都西洛,皆漢 居中原。 劉聰、苻堅、赫 111 中, 之言,此其驗。 又議者皆謂,元昊,胡人也,無居中 事後,元昊有僞詔 心謀侵 近則李克用 據 連 漢 爾。 勃 蓋漢家之叛 地 所 勃之徒,皆胡 父子,沙陁 人進謀,誘 諭 臣等謂拓拔珪、石 得 鎮 城 戎 壘 兵 一,必 民 人 而致之。 人也,進 有定 人 使漢 樂處 也, 國

叛人之助甚矣。此不可許者三也。官守。或朝廷假元昊僭號,是將啟之,斯爲人守之,如契丹得山後諸州,皆令漢人爲之

却如 將帥 者 界之困,暫求息肩,使中 禮,便肯從兀卒之稱,皆陰 當有大言過望,乃人 書朝廷,便不稱 之資,一旦僭逆,初遣人至,猶稱 及劉平之陷,賊 也。 懈 前 何爲大可 慢,士卒驕惰,邊 暴 **、發,則** 防者三? 氣乃 中國 臣。 騙。 不能 情之常 其 辭 備 國 再遺賀 元昊以累 支 頓 謀 不 解 梧。 嚴 慢, 也。 兵, 也。 戎政 而 九 若卑 此 是果 臣 言至,上 復屢勝 四 大 世 漸 奉表。 年間 可 辭 奸 以 弛 雄 防 ılı 厚

大爲邊 蕃 稱尊悖禮 回回 又從 ·鶻,拓疆數千里,至元昊事 患,偶未深入。 德明 ,背負朝廷,結連北 納款 之後,經謀 今復起詐 人,情 不 端 勢稍盛,乃 息 跡 以款 西 盡見, 擊 我 土

畔之謀 之利。 侵陷郡 此 朝 囉 兵 大可 廷 等 而 四 諸 休息 防者二也。 ,蓄未挫之鋭, 十年恩信 國之志,今復强 緣元昊初叛之時 0 其 去秦 衆。 所被, 州 又欲 而 帶 併 盛,豈便息心? 親 能 朝 籬 力 久守 攻 專志 反側 落 延 爲 盟 **州**,是 併 贵 信者 將 有 吞 來 乎? 本 發 再 唃 既 Ħ. 有 舉 廝

防

者三也

兵,以 害。 深爲 家 通 欲 五. 充乎窟穴。 師 後圖 年。 賈 ,及夾帶亡命 和 今既 不便。 ,或再許 販 又 快本 憧 從德 中 用 國之利,待其給用既 度 意。 憧 緣 强 賊 必 明 靈 道 敵之 自 因 木 納款、後來 狼子 路,百貨 夏 入蕃,或與 前往 其 蕃 乃卑 ()虜、稔 事 野心, 漢之人依 來,叛 力,乃興兵爲 辭 所 禍 使蕃 厚 固 歸 姦 狀 未 禮 難 人 未 前 畢 已 獲中國之利 迎 漢之人人京 馴 、别有 _, 必 彰 出 却 伏。 合我 入京 亂,今兹 水釁興 窺 結 今若 無 伺 師 意 連 蠹

> 恣 或 縱 使 ,甚於昔 刺 客 竊 發, 時 鷩 有 擾 事 朝 何 廷。 以 處 又 置? 此 類 此 必 大 所 在 可

陰謀。 之法。 於内 泊。 裹。 蓄 有 不 唐單于、可 請 云,上畏天地宗廟,不 漢 糧 虞之變。 户, 草,以 緣西 及邊 附 彼如大言過 臣等乞朝廷 彼卑辭厚禮,止是 嚴飭 能 戎 備 汗 日 割 備 自 邊 如 牢 驅 故 歸 古 虚 求 固 臣 之, 事 朝 割 翻 詐。 一,脩 望 俟 方可 廷 熟户,則乞答云,靈 覆 堅 則驚擾 有許之之理 元 葺 否? 朝朝 俟一二年 昊所 可 求 那 城 私 水兀 廷 僭 減 寨,訓 許 生事 况 遣 不 稱 戍兵,於近 卒之稱 大號, 人至, 横 可 則乞朝 間, 亦亦 ,必不爲 休兵, Ш 練 軍 蕃 見其 壞 觀 預 馬, 部 則 夏 以 其 裏 防 中 廷 其 所 安 啟 屯 表 儲 其 按 或 答 西

❶ 「唃廝囉」,原作「烏勒斯賚」,今從通行文獻表記回改。

之,尚 將 臣 之 ? 月 遣 今而 **警**殺 之兵未 朝 鎮 多 置 其子孫骨 界之用。 則乞答云,昨來戰鬭之後,甚 多 責 奉 廷 有 賊 静,使各安居爾。 榷場,交易有無,各得其所。 來 變 實 詔 或難 儲 人,善 後罷脩城寨,則乞答云,邊 ,致西界相疑,更却 可 不能舉矣,至秋則無足畏也。 臣等觀 (效,約 可 法。 得 怨,●常相侵害,須藉 憂 應副 大戦 以 肉銜怨至 彼 慮 詞 但 如 便宜,又 束將 朝 即即 一今極邊 口 求 廷信 然 至京 答,使遷延 若賊 大軍 佐,不令輕 且. 深,必恐道 若自餘更有 拒之,不必 舊 賞 が師,依 城 今春便 B 將 漸 持 必 生事。 寨 罰,今已 重 或 城寨駐兵,方能 前 升,前 往 出 來 未 奇兵襲擊,宜 塗之中 有 來 來。 從 彼如 界 只於邊 堅 軍 訓 非禮之求 出 以 熟 也。 全 弊 明 民 練 人 臣 何 即 户 激 一,新 白 稍 軍 没 賈 以 逾 但 生 我 多 **F**. 馬 陣 販 帥 言 厚 户 集 兀 自 建 有

> 進,使 之衆。 熟户。 畏矣。 部 蕃兵 軍鼓行 我者 正軍 軍 無 多 之,若舉國 使號令齊 勢 在河外, 馬 定川之負也 一参用, 窮援 使之納 無 已練。或堅 彼復 若遣 拒我者以 臣 糧 Ш 弱, 日界,不 等已議 不 一,陣伍 集。 則横 頻 而 偏 質, 且 來 來 能 師 每歲三五 應敵, 則我 爲 近於 厚其官賞,各令安居,籍 山 精 久聚。 壁 如 而 精熟,又 朝 一二年間 兵加之,不從則戰。❷ 候 而 來, 帶 我 去暮還之計。 守, 秋 疲 退守邊寨,足以 族 而 退 我 於 自 或據 出 能 帳 來, 散 則 求 奔 ,元昊諸 使熟户 可 之 據 命 内 訓 險 則 以 後 險 附 兵 城 而 圖之。 則 以 \equiv 戰, 寨 元 我兵 蕃兵 Ш 廂 内 待之。 四 多 之兵 昊 界 木 無足 古 復 我 爲 彼 聞 降 與 茜

- 户 Ŧī
- 戰」、《長編》作「戮」。

郭 罷 張 今邊 等謂 \mp 非 然 聞 以 我 廷 豪 非今之軍士不逮古昔,蓋太平忘戰之弊爾 不習戰, 詔 小 兵,而 將 子儀 師 禮 後 國 太 中 以 以 三五年之勞再定西陲 鱽 臣 之求 家 平 中 或 黜 鎮 不 祖 有 利 陟將帥 日 中 或 深長之謀,必懼 之, 0足 臣 定大計 、太宗統闢 終有天下。 以致 然。 勝 夜謀 寮,不 者 不 有 有 賊 必從者,蓋有此 太平之期矣。 數 之計。 心力之人,鑑其 不利, 或 爲意 慮,王 公四,而 ,則三五 以 家 得 斷 太 諱 四 ,當軍行之時,不 非 元昊之手足矣。 安禄 昔漢楚之戰,不 師 平 海, 未思戢 言邊事。❷ 中 年間 Ħ 復 而 一,豈爲 或 創 Ш 久,將 振 保盟,不復 臣 一之亂 事 萬 議 ,可集大功。 兵,何 等 覆 力 世 而 也。 晚 所 以 轍 一之基 終 不 不 耶 所 以言彼 滅 也? 沮 敵 知 ? 向 或曰,今 以 各 以 然乞 工業,今 兵,兵 大盜 輕動 四 永 無 契丹 思 多 小 夷, 圖 前 臣 賊 更 仍 勝 朝

> 利 測 木 也。 遲 匱。 之甚 今國 亦足,省入中之費,減饋運之勞,庶乎 固,兵民 廢 自 交,❸軍馬甚 兵。 拙 謂 減 虜 而 費之算,以 情 財不匱。 况即日邊上城壘,經今春脩葺,漸 速 臣等謂,不然。 矣。 家 中 之異。 是 或 以 ,所屯軍 力役,自 不 天下全盛之勢,豈有 以 或 可抽 可 Ш 日 非 振 如其 · 兵 海 爲之助。 馬,不敢 如 而 退,於數百 之利, 當 不可 西 外禦四 争勝逐 夷狄 減 事 罷。 少退。 皆 之 久,久 不 初,人人畏懼,未 歸 夷, 利之師,則 里間 可 又 邊 禦 偶 每 則 則 臣等更思 用 勝 就 耶 歳 民 自 食、芻 偶 春 抑 古 木 負 民 夏 爲 未 斯 U 有 而 興 > 不 糧 險 此 嘗 財 惑 巧 而

2

[「]諱」、《長編》作「輒」。「内」、《長編》作「因」。

③ 「春夏」、《長編》作「夏秋」。

憂, 哉 ? 闕,伏望聖慈於納 宜 供 西 納 ,它時悖 賊 和 國 須 少圖 强 粗 臣 臣等是以 罄 使。 等早 梗 芻 未 休息 堯 亂,爲中原大禍 蒙 三年 衰,挾 少少 聖 不 ? 塞 一獎, 擢 敢念身世之安,忘國 期 和禦 天下幸甚 下, 以 非樂 補 變 漬 日 助 侮 詐,若朝 職 勞 清 之間 党 矢石之間,蓋 月憂,豈不 班 其元昊 止 廷 西 今日 其 事 來 處 處 以 邊 家 置 願 來 到 之 見 患 失 聞

論 轉 運 得 人 許 自 擇 知 州 慶曆三 年二月。

爲

朝長久之慮。

知 政

内 察 司 外 使、採 察天 皆得 臣 下之政 竊 訪 人,未有不大治者也。 見 使,統 古 者 外 内 領 置 置 諸 公卿 岳 侯、守宰 牧、方 士大夫,助天 伯、 以 今 分理之。 刺 轉 料運、按 史、 觀 子

補

編

救之。 之有 均,獄 老儒 宰最 聞 任 擢 得 縱 州 也。 之職 民 下必將危矣。 察使,古之岳牧、 事 知 既 有 觀 一二年方真授之。 州人。 者奏罷 ()請詔二府通選轉運使。 也。 一路, 者, 要耳。 内官 無 良吏,百無 也; 訟不得平,水旱不 舉皆得 救之之術,莫若守 所告訴 知 **强多,然與陛下共理天** 民既怨叛,姦雄 切以例除之。 既得人,即委逐路自擇 比 州、 之,仍 路觀 人。 年以 今民方怨 ,必生愁怨,而 知縣,古之諸 方伯、 天下, 令權 凡 來,不 權 雖以 是使天下 得救 擢 刺 則率 入者, 而 以 起 知選擇,非才貪濁 宰 史、 幕 未 精 而 · 得 冷盜 -皆如 職 縣 甚 擇,尚 侯、守宰 觀 不 如不 收 必 官 叛 察、 攬 思 下者,惟 賊 觀 俟 賦 此 足, 許 去,宜 之,則 叛者, 知 不 政 如 欲 税 採 慮 州, 州,不 得 之 其間 有 績 是 守 不得 訪 權 宰 急 天 未 守 任 使 不 有

稱 與升擢之。 令久其官守,勿復 矣,朝廷惟總其大綱而 職 者 必 有 若然,官脩 降 黜 數 直俟 易。 振舉之可也。 政 人 其 舉,則天下自 稱 有異 職 而 政者 後 Ë 宜 就 事 仍

序

奏乞出内帑物帛收贖陷 蕃漢户劄子慶曆三

公爲參知政

户人 聖意,以 賣 則 邊漢户,被西戎虜不少。 今既通人使,乞出 贖 人口 祐 不惟邊上生民恩淪骨髓,必也至 ,各還父母 口,各還其 臣 王 入蕃, 聞淳化中,太宗皇帝以邊户 室, 内帑物帛委邊 書之史册, 頗 (家,使父母子孫再得完聚。 此人君之盛德 憫 惻之,特 臣 光於後代。 漸 遺 次收 也 使 LI 贖 饑荒, 德動天, 乞不降 近 物 陷 年 貨 蕃 漢 緣 收 多

出

盡

在。

乃

創

義

田

計

族

人口

數

而

月給之。

麗

水

府

君

而

下

四

代

祖考,及今子孫,支派

追

既失前

譜

未

後

來

昭

穆

不明,乃於族中

索所藏誥書、家集考之。

自

續 家 譜 序

邦。 諱 十 恩,皇祐中 昌言六人 皇宋太平 隋。 思祖宗。 子孫流離,遺失 年庚 吾 中 祖 興國 原亂離,不克歸,子孫爲中吴人。 從錢 寅 唐 來守錢 相 履 三年,曾孫堅、坰、墉、塤、埴 氏歸 枝渡江 冰 塘 之後, 遂 八前 朝,仕宦 爲 譜。 過 獲,復懼 舊 姑蘇 處 至仲淹蒙竊 有 四 州 與與 家 方,終於他 麗 譜。 水 親 族 縣 咸 丞 或 通

補

編

後。

處

無惜見教。

皇祐三年十一月。

書《伯夷頌

欲

重寫,又恐

因

循。

書

札亦

要 切

磋

未是

且.

寫《伯夷頌》上呈。

此

中寒甚,前

面

筆

凍,

示諭寫黄素,爲

乾卦字多,

眼

力

不

逮,

蘇

才翁轉

運

郎、 政 登萊沂密徐州淮陽軍安撫使護軍仲淹述。 家譜》,而次序之。 又理祖第,使復其居,以 《殿學士、金紫光禄大夫、行尚 知青州軍事兼管内勸農事、充青州 皇祐二年正月人日,❶資 永依庇。 書 故作《續 户 淄維 部 侍

詩

餘

牘

尺

珠 颼

簾

不

上鈎。

黯

凝

眸,一

點漁

燈古渡

颼

風

冷荻花秋。

明 月 斜

侵獨

倚樓,

憶王孫

秋思❷

頭。

0 2 皇 皇祐三年正月八日」。 憶王孫秋思」,此詞宋人黄昇《花菴詞選》卷七收録, 知 |祐二年正月人日」,明人葉盛《水東日記》卷八録作 、青州,此年三月到任,故當作「皇祐三年」是。 考仲淹皇祐二年十一月韶

作者爲北宋末年李重元。

蘇 幙 遮 懷

陽外。 烟翠。 相 留 人睡。 思 淚 碧 雲天,黄葉地。 Ш 映斜陽天接水,芳草 明 黯 月 鄉 樓高休獨倚, 魂,追旅思。 o 秋 色連波, 酒人愁腸, 夜 夜 無 除 情, 非, 更 波 化作 好 在 上 夢 寒 斜

漁 家 傲 秋 思

閉。 面 邊 塞 聲 下 連 秋 角 來 起。 風 景 千嶂 異, 衡 裹, 陽 長 雁 烟 去 落 無 日 留 孤 意。 城

四

羌管 悠 濁 悠 酒 霜 滿 杯 地。 家 萬 人不 里, 寐, 燕然未 將軍 勒 一白 歸 髮 無 征夫 計。

淚。

御 街 行 秋 日 懷 舊

月 盡 醉,酒未到,先成淚。 珠 華 簾 孤 眠 捲 如 紛 滋味。 紛墜葉飄 練,長是人千里。 玉樓空,天淡 都 香砌 來 此 銀 事,眉 殘 河 夜 燈 垂 寂 間 明滅枕頭 静, 地。 愁腸已斷無 心 寒聲碎。 上 年年今夜, 無 攲, 計 相 由 真

迴 避。

黄」《花菴詞選》卷三作「紅」。

次 謝 借 觀 五 老圖

聖 君 錫 韶享榮閒,高 壽 龜 朋 老 脱 冠

烈,最 勝 安居越 歲 寒。 景行 願 從

宴樂凌

風

道

似 泉

陶

垂

德惠

政

如 傅

説

起

圭

桓

雅

宜

優學致,懇誠 膺服拜瞻看。

明趙琦美《鐵 網 珊 瑚》卷 **一** 三

佚

文

賀 梅 龜兒生詩

遥望 瑞 氣 縈彩霓,上天誕 降 麒 麟 兒。

次第 麟兒瑞物 Ħ. 兒 育,此 離 鳳邊,不事蒼鷹乳虎 兒良 擬 馬 白 眉。 眉宇 威。 聖俞 秀

整

中,英物試啼蚤占知。 頭角聳,容光一 脈 通天犀。 世家學業有源委,聖 今朝抱 洗 蘭 盆

天子。

梅

動帝

里。

此兒

而

家千

里

駒,當復見奇於

俞才學家得之。

我朝

文盛殊堪喜,才學楊

元張師魯編《宛陵

先生年譜》,清道光《宛陵

先生集》本

諭 鄉 人

長白 寒儒 登榮三紀 餘 百 花 春滿

五三三三

五三四

路,二麥雨隨車。鼓吹迎前道,烟霞指舊

廬。鄉人莫相羨,教子讀詩書。

宋王闢之《澠水燕談録》卷四

孤兒扶喪

關津若要知名姓,定是孤兒寡婦船。 十日相將泛巨川,來時暖熱去淒然。

宋蔡正孫《詩林廣記》後集卷一〇

江南有美人

江南有美人,别後長相憶。何以慰相

思

,贈汝好顔色。

宋姚寬《西溪叢語》卷下

詠蚊

飽去櫻桃重,飢來柳絮輕。

但

知

離

此

去,不用問前程。

宋釋惠洪《冷齋夜話》卷五斤門前程

題雲門山雍熙院

留

住,岩有好泉 路入嵐 來。 盛堆,還 雲 驚 陣 禹 藏 鑿開。 雷去, Ш 林 根 無 到 惡 海 潤

回。莫辭登絶頂,南望即天台。

宋孔延之《會稽掇英總集》卷七

風水洞

神仙一去幾千年,自遺秦人不得還。

春盡桃花無處覓,空餘流水到人間。

宋施諤《淳祐臨安志》卷九

留題小隱山書室

小徑小桃深,紅光隱翠陰。是非不到

林。何須聽絲竹,山水有清音。耳,名利本無心。筍迸饒當户,雲歸半在

宋潜説友《咸淳臨安志》卷二七

桐廬方正父家藏唐翰林畫白芍藥予來領

郡事因獲一見感歎久之題二十八字景

祐元年十月七日

元 盛事今何在,尚有霓裳寄此 治 亂 興 衰 甚 可 嗟,徒 憐 水 調 花 訴 榮 華。

開

元鮮于樞《困學齋雜録》

佚

文

書酒家壁

當罏一曲竹枝歌,腸斷江南

奈爾.

何。

遊子未歸春又老,夜來風雨落花多。

《詩淵》第五册第三五九二頁

春日遊湖❶

逐春風看歌舞,幾人著眼到 湖 邊 多 少 遊 湖 者,半 《永樂大典》卷二二六三 在 斷 青 Ш 橋 煙 雨 間。

盡

● 按,明田汝成《西湖遊覽志餘》卷二○記此詩爲南宋末

五三五五

答梅聖俞靈烏賦

忠信平生心自許,吉凶 危言遷 謫 向 江 湖, 何恤 放 意 賦 雲 靈 烏 Щ 道 贵 孤。

《永樂大典》卷二三四六

書扇示門人

一派青山景色幽,前人田地後人收。

後

人收得休歡喜,還有收人在後

頭

清李元度《小學絃歌》卷七

卓筆峰

笠澤研池小,穹窿架石峨。仰憑天作

紙,寫出太平歌

明葉盛《水東日記》卷六

邠州勸農❶

太守勸農農勉聽,從今再願誦豳風。 烹葵剥棗古年豐,莫管時殊俗自同。

宋潘自牧《記纂淵海》卷二四

麟州

宣恩來到極西州,城下羌山隔一流。

不見耕桑見烽火,願封丞相富人侯。

清《雍正陝西通志》卷九七

● 按,清《雍正陝西通志》卷九七題作「眉壽堂勸農」。

去,

雨

落花來。

林

影

樵

人渡,歌聲浣女

越水乘春泛,船窗掩又開。

好山

沿岸

若

耶

溪

回。 滄浪無限意,日暮更悠哉。

《古今圖書集成》山川典若耶溪部

金明 阻 西 領, 清 涼峙 其東。 延水正中

出,

郡

兩城雄。

清

凉

Щ

清《雍

正 陕西通志》卷九七

詩

餘

剔銀

燈

與歐陽公席上分題作

題 聖 果 院

千年人已化,三昧語空傳。 唐世今尤

在, 高麗鼓半穿。

宋祝

穆《方與勝覽》卷 四 五

> 用 盡機關,徒勞心力,只得三分天地。 屈指

昨夜因看《蜀志》,笑曹操、孫權、劉備。

細 尋思,争如共劉伶一醉?

有中間,些子年少,忍把浮名牽繫。 人世都無百歲,少癡騃,老成尫悴。 一品與 只

0 今」,宋潘自牧《記纂淵海》卷 一一作「碑」,當是。

五三七

565

千金,問白髮如何回避?

宋冀明之《中吴紀聞》卷五

定風波 百花洲

浦 映 花,花映 羅 綺 滿 城 浦 春欲暮, 無盡 處 恍 百花 然 洲 深 上 桃 尋 芳去。 源 路。

莫怪山翁聊逸豫,功名得喪歸時數。

鶯解新聲蝶解舞,天賦與,争教我輩無懽

緒

元李冶《敬齊古今難》卷八

鷓鴣天 鍊丹詞

明 卻 透 人 一,閃 凡 土 鉛 池 光生,扒 宜 厚 先 用 種 扁 灰 武 專 離 深, 火 池 加 遠 炭 功 顧 鋪 身。 煅 池 煉 底 隨運 E 韋 冷砂 屏 通

投入汴,陰陽合類自相親

其

知 上浮,降下沈,龍吟虎嘯一 溶 此 鉛用 意,陰盡陽生乃有 隨 釜 提 非 離 土 火 池 明 煉 熱 精, 火 真。 冷 汁 鉛急薰 般 正 情 如 蟬 端 蒸。 初 的 作 無 人 昇

其 三

分 誰 晝夜,十二辰,風火連天不 明 識 全 説 人 一憑真 煉 人 都 鉛 火 説 如 制 水 粉 水 又 中 如 金, 重 塵。 半斤火半斤。 盡 暫停。 向 凡 鉛 太上當. 池 内 尋。 年

其四

明 爐 煅 採 煉 得 須 水 牢 中 固 金 方 萬 斤, 纔 陰 陰 盡 陽 變 池 陽 内 純 兩 翻 騰。 陽

上浮,陰下沈,先天度數要分明。不遇明師

休浪説,毫髮差池藥不靈。

銘

其五

理非 鉛對,銀求停,煉成大藥號真金。 五行 奥,如猫捕鼠兔逢鷹。 四象全憑土,土要真兮火要真。 四 般 藥物 不 難尋, 無 過 砂 汞 將金制木 與 鉛 銀。 砂

其六

送歸 間隔,外調停,温温行久莫粗心。八十四時 土鼎 銀 鉛 來 與 封 汞 固,一 共 和匀,三家 頂三方火半斤。 相 見 結 姻 親。 中

《古今圖書集成》神異典静功部

文武足,自然永變雪花銀。

遠祖師塔銘

真龍。壽齡有限,慧命無窮。寒巖瘞骨,千嗚呼遠公,釋子之雄。禪林百澤,法海

載清風。

《浮山志》卷四

賦

大禮與天地同節賦

惟大禮之有節,同二儀而可詳。其大

五三九

矣; 抑 所 節 元 從 咸 往 節 啓。 始 制 綱 豆 序,齊萬物 也 相 以 則 亦 假 而 無 約其泰。父子正之於内,君臣 來之則,於寒暑 之於盈 舒 定上下而 通 孰 參, 出 下 人 觀乎施爲 生 貴 禮 可 慘 定東 庶 大。 乎 蟠 有 乎 賤 而 而 玉帛交致,誠 彙 自 乎 太一,其極 洞 虧 有 其 統乾道 而 之 溟之位 然。 地 則 常。 分 用 無私。 不 倫 知 人紀,張作國 同 斯 Ė 踰 列 節者禮之本,禮 理 誰 稽 異 極 顯, 而 而長存; 高 ? ; 之儀, 正 彼 知之。 於 陰陽節之於消長 原 卑 則至乎 其 禮 非 前 北 始 天。 百 而 節 能 禮之節,是皆 辰 要終, 經,察 穀 不 向清濁 之居? 節 自古 也 区維,協 是 於是各執其中, 朝 爽 無 而 謂 著 焉 與 體 兹 其 及 者節之筌。 明之於外 治 弛 萬 而 剛 大 五. 之本 今,配 功乃全。 張冥 衆星 化 彼 别 常 能 禮 柔 日月 禮 以 之 長 而 而 也 之 籩 拱 坤 Ħ. 其 紀 有 並

> 導至 之攸 附, 哉 ! 器 而 有 上 而 度 0 並 而 不 鳳 列。 治民 設 和 黷 必 翔 覆載之中,其禮 周 布 也 禮崇大節,統今古 而 旋 變化從 有 於人 羽 引 在 以 族 一我,運 見聖 而 倫 來 伸 宜 同 而 人節 之, 四 有 廣 周 制 次。 序 則 大 通。 而 作 而 規 悉 天 而 務 從 無 天 備 龍 下 咸 時 於 而 窮 泳 寧 備 大者 矩 施 賦 Щ 於 或 知 與 群 盤 地 大 乾 家 蟲 口 祀 形 禮 大 樂 咸 安 坤 事 而

《歷代賦彙》卷四四

制器尚象賦

器 大《易》之指 民 而 而 利 何 器 本, 乃 也 滴 ; 實尚 取 時 歸,見上古之仁聖。 諸 之 象 法 用 以 則 爲 象 先。 必 惟 設 見 審 桂 意 彼 之 而 規 筌。 備 觀 模 其 焉 器 當 雖 則 大 制 究

於大衍 代 異 作 創 疇 是 睽 風 法 杵授 之易 當 爲 所 哉 之利 樸斲 象 之義、衣裳著乾坤之象。 其 自 可 而 而 後 以 則 器之既 觀。 時 及 備 世 必 足 有 三皇,誠 兆 之中; 勿謂 致,樸既 之姿日 施 物之始,立意之端,茹毛 之準繩; 用 倫 有 民 小過之文是 居巢穴者嗟 其用 存 ; 生 所 興 舟楫之功, 然 乎 乎 利 於 賴 追 也 不窮, 益 散 則 象 一時之制。 濟 無 ; 琢 用各從人,遂群 而 器 設 則 人 而 陶 其 不 器 則; 滋 不 可 於 之 觸 章, 鎔 燥濕之未安。 其 冷禮樂, 象 失其 久; 取 之質 未 而 類 然 觀 棟宇易俗,大 萬 諸 事 興 而 體 乎 殊。 理 登降 弧 正 濟。 涣 長。 星 也 ? 則 諸 於 矢之作,遇 陳 而 血 生之情 百 六爻之際 八 有 有數,取 民 鼎鼐 制 樸 終 有 者 物,故 方有 代 皆 人未散 愚 成 施 往 我 憫 相 有 乎 而 於 稽 壯 乃 疾 員 大 性 度, 資 之 而 百 俗 制 其 臼 傷 田 由 火

> 有 於 俄 益 以 成 之象,豈陳 見 形 制 於 器 梓 之方 斤 ; 虚 無 於 設之 小 以 無 器? 見 大 尚 咸 象之義。 故曰 得 意 於 聖人 羲 必 圖 立 審

歷 代 賦 彙》卷 四

四

成

器

,以爲天下利。

奏 疏

諫 宗 率 群 臣 爲 皇 太后壽天聖七年十 月

賀 强 旒 輅 ()於闡 母 行 馬 踐廐 后 北 臣 聞 面 之 掖 之禮 王 漸 芻, 尚皆 以 者 也 家 尊 乎 人承 ? 稱 陛 有諫 下 顔 此 儀 果 之禮 乃 法 況 欲 開 配 屈 爲 天。 行 後 萬 大 之 世 乘之重 宫 故 口 弱 所 也 履 人 主 長 以 之 冕 以 娲 抑

Ŧi.

四

器

弊

五四二

又慈慶之容御軒陛,●使百官瞻奉,於禮不

順。

宋釋文瑩《續湘山野録》

乞皇太后還政疏天聖八年

歸 長樂,❸卷收大權,還上真主,以享天下之 今上皇帝 坤 紐、非黄裳之吉象也。 陛下 春 擁扶聖躬, 秋 已盛,睿哲明發。 聽 斷 大政, 豈若保慶壽 日月持 握 乾 綱 於 而

宋釋文瑩《續湘山野録》

諫市木建太一宫等疏天聖八年三月

0

破民産,非所以順人心、合天意也。 宜罷修昭應、壽寧,天戒不遠。 今復侈土木,

寺觀,减定常歲市木之數,蠲除積負,以彰

聖治。

宋李熹《續資治通鑑長編》卷一〇九

諫以太妃爲皇太后參決軍國事疏明道二年

四月

者。今一太后崩,又立一太后,天下且疑陛言太后,母號也,未聞因保育而代立

● 「軒陛」,四庫本於二字之間注一「闕」字,審文義,似無

6

下不可一日無母后之助矣。

宋李熹《續資治通鑑長編》卷一一二

陳 八 事 疏明道二年八月

如 六軍 料院, 至于府 此 文 其 取 願 庫 取 一日,祖宗時,江、淮 下 天 財 祖 下。 裁造務、後苑作坊、文思 帛,皆出于民,加之饑年 宗歲用之成數校之,則奢儉 今東南漕米歲 饋 運 六 至少,而 百 院、 ·, 艱 一萬石, 糧 食 可 養

行 則 願 于艱難,散于容易,國 除,濫賞未革 陛 勞臣怨。 下 其二日,爵不 無數赦,必欲肆赦推賞,求典禮 則不壞于 國家太平,垂三十年,暴斂 ,近年赦宥 尚德 法,二則不傷于財。 無遠備 則仁者遠,賞不以 既 頻,賞給複厚,聚 非 社 一稷之福 且祖 而 後 未 功

將何以濟?師之時不擾于下。今横爲隳費,或有急難,宗欲複幽薊,故謹内藏,務先豐財,庶于行

家以 故雖 惰 糧 之人,淹遲失業,在京権務,課程 之民,率不暇給,商賈轉徙,度歲 至于造舟之費,并以正税折充。 萬石,以東南數路計之,不下三二百萬石 度,天下安得不困? 夫,給受賞與,每歲又五 一,于租税之外,復又入糴 工 作,充塞京都。 · 饋運數廣,謂之有備,然冗兵冗吏,游 豐年,穀價亦高,官已傷財,民且乏食。 其三日 ,天之生物 臣 至淮 有 江 七百 二、 淮 時,而國 兩 南 萬緡。 諸 道逢羸 浙一路七十 路 無 又 日 家 還,裨 饋 歲 削 故 用 兵六 運 以 之無 郡 兵 饋 或 販 或

予乞抑奢侈》所云「密下裁造務」删。
「下」上,原衍一「陛」字,據《長編》並本書補編《封進#

佚

文

矣。 價不 貨 府 减 冗 不 道 止 務 庫 糴 江 吏,禁游惰,省工作,既 比還本州,尚未知全活 逃 自言三十人 一,或就 起 入數漸 傷財 死,止存六 則東 淮 饋 商 ,其害人如此 在 南 運 人 廣 歲 所 既 或 省官錢 給 自 人, 租税 通,則入中之法可以 還 潭 用 去 州 商 不 湖 上供之外, 乏; 數百 旅 ! 挽 南 省 新 今宜 東 萬緡 京師 猶 乃知 商 船 南罷 旅 几 至 銷 ,或上京 用 饋 千 通 無 可 冗兵,●削 糴 行 運之患, 餘 爲 度,然後 罷 則 裹 軍 兼 則 高 實 米 榷 價 在

萬 許 П 于 $\mathcal{F}_{\mathbf{L}}$ 十之時,或有鄉園骨肉懷土之情 人 等處近下禁軍。 ,五十以上不任 度支,則所養之兵,不可 分别 其 四 百 日 萬 緡矣。 國家重兵悉在京師, 披帶者,降 七十歲乃 卒之費,歲 不 精 放停,且 爲 也 畿 不下百千, 而 内 ,猶樂舊 禁軍 軍 及 人方 食 陳 仰

> 之後, 矣。 與本 請 歸 里 肉者,❸許之歸農 兵,❷無歸之人,大至 望,號怨之聲,動 下 複 ,及七十後,鄉 鄉 何托? 殿 復傷 《前、馬 州 軍 物 别 步 是未 情。 立 軍 園 就 于四 則羸老之人,亦不至 司 停之前, 咸 改易,骨 糧 禁軍 失 平 指揮 所。 野。 中 揀 至 大 選 祥符 肉 此 鄉 不 蠹 近 淪 彼 兵, 堪 或 事 謝 中 有 披 之監 用 · 選 田 羸 帶者 退 失 袁 無 既 老 也 所 骨 冗 者 歸 廢

必 則 爲 絶 戎 利,開元、天寶間 其五 人,行之則 三日,沿 邊 市 木 馬, 中 、牧馬 國。 歲 幾 數十萬匹 然自古騎 百 萬 緡, 一,禄 兵 罷 未 之 Ш

^{●「}宜」,原作「且」,據《長編》改。

<sup>所附《言行拾遺事録》卷一補。

「退」,原脱,據《長編》宋本、宋撮要本並《范文正公》</sup>

<sup>所附《言行拾遺事録》補。

所附《言行拾遺事録》補。</sup>

費數 州 미 宜 鬭 之費 爲 軍, 集。 一多鬻于民間 乎 亂 人,錢糧 主 ? 萬 則 又重 緡。 然西北 師 西北之馬 敗于函 、芻粟、衣縑之類,每 一税以 其間 ,假其芻牧,或有邊用,一呼 戎馬,不可不收,既至京師, 禁江 老弱者尚 百谷,曾 可行,外慰戎 一、淮小 何救 艱 ·馬,勿使至 于 焉 乘 一指 ? 心,内爲 跨 且 揮 近 况 購 武 裏 歲 戰 兵

備

,且减芻秣以

億萬計

引見 州、通 使歲滿 省員 奉職 改職 善弓馬可任 用 度 八殿侍 試試 殿 列則 者 其 判 敕 欲 六日,江 侍而 同 験其 可 并 攝 罪 减 止 邊 已。 保舉,方與班行。 綱 能否 長史、司馬,如實 賞 以 防、明書算可 運。 、淮發運 以 歲 緡錢。 ,若無取及年幼者, 勞改班行。 酬獎之人,其 司 諸 歲 幹錢穀者 州 漕 廉幹,須 若國 軍 武臣 六 都 押 百 汴 家 薦 知 餘 并令 令知 子 兵 稍 緇 綱 與 弟 歲 馬 節

> 年可 加以 其諸館書吏,一歸于崇文院而罷招置,三五 者,并以直崇文院及本院檢 樂,又置禮儀院、太常禮院; 集賢院,各補 院、秘閣、龍圖 刑 ,其餘并移 去其 法, 九寺,又增 其 七 又有 半。 日 補諸 書吏; 審 百 閣皆本朝所置 舊二百人者,今以一百人 刑 司 三司,禮部、太常 司 院。 流 尚 外,日以增 書省六 假 如 以討、校 常帶文 刑部、大理 又有昭 官 二 十 元。 理爲名, 寺 館 四 文館 崇文 典禮 職 司 寺 事

典

厚禄; 常 萬 施之于民,可 以土木之勞爲戒 斛 其八曰,真州 施之于兵,可 棟宇 像 以寬 塑 金 建長蘆寺,役兵之糧已 重 碧之資,又三十萬 斂; 以 拓 施之于士,可 舊 疆 矣。 自 今願 以 四 增

宋李熹《續資治通 鑑長編》卷

佚 文

額

五四六

乞除放上元等五縣主客户鹽錢明道二年十二月

里

IE.

户

長

抄

劄

浮

户

配

納

鹽

錢,

遂

旋

走

薄民 所 州 納錢,併 是浮浪之人,起移不定, 去疾苦,招携逃亡。 送納,一色見錢,更不 納,定升合數目,逐春更 有新舊逃亡七千三百,宣州五千 之後,江 散,計口 體問得,始屬 年 納 四千四百。 鹽 税賦 貧,欲乞朝廷調 錢 當 司 納 南 更折納綿 即 看詳江 内丁口 自 錢人官。 不 江 此 緣江 曾 南僞 無 請 寧 鹽錢,以 鹽 絹,未曾起 南 鹽 府 命之時 度指 所有客户名下 給散, 後來淮南通 東 折納 食 上元等 與米 路 用 每 揮江 諸 本 不 所 到 有 鹽 邑租 · 處 據 請。 以 五. 春 賜 南 喫 見賣 本 百 通 縣 泰 初 納 用 五百,太平 東路,主 税 今江 府 姓 泰 主 歸 鹽 絹 隨 甚 被 鹽 至 鹽 分 客 屬 錢 多, 鄉 今虚 可 夏 價 寧 貨 析 户 朝 딝 減 税 上 户 地 府 給 及 搋 廷

宫。

其客户鹽錢不多,望朝廷特與除放。

諫廢郭后疏明道二年十二月

放之 失 輕 别 廢 后者,所以 館 且 擇 人 嬪 孰 長 妃 無 陰 老者侍之,俟 過 教 ? 而 陛 母 下 萬 當 國,不宜 論 其 后 悔 之失 而 以 過 復

宋趙汝愚《國朝諸臣奏議》卷四四

指陳時政疏景祐三年四月

之亂。 法, 以大爲 漢 成 臣 帝 恐 小,以 信 今日 張 、易爲 禹不 朝 廷 難 疑 亦 舅家, 以 有 未 張 成 禹 故 爲 壞 終 已成 陛 有 下 王 家 莽

急務爲閒務者,不可不早辨也。

宋李熹《續資治通鑑長編》卷一一八

答韶陳不宜掩殺塞門寨奏康定元年正月

手。 中, 賊,縱被棄去,自家兵士不致有損 絶,亦恐難爲 候春煖可以涉水,或輕兵 一水屈 周迴又 延州 去 曲 塞 無舊日 、駐兵。 三門寨並 五. 七十 熟户,縱得 以 處, 無 此,不 人煙,又行 涉 掩襲,或 渡 如訓 此 恐恐 寨,其 傷 練兵 大 兵 JII 軍 (勢孤 士 路 士; 攻 脚 之

乞興脩廢寨奏康定元年二月

别 思 作 延 州 過 ,或 熟户見今饑餓,若春深 虜 刼 漢户,北 入横 無 Ш 田 則 可 延 耕, 州

佚

文

東界大有憂事。乞興脩廢寨。

《范文正公年譜補遺

舉何白權知解 州勾當鹽池事奏 康定元年六

月十四日

都官員外郎何白素有材力,今舉權知

州勾當鹽池事。

解

宋會要輯稿》食貨二三之三八

乞别選人知延州奏康定元年八月

《范文正公年譜補

遺

張存母年八十,寄泊他郡,人子之心,宜不體量延州西北被西賊破蕩,兼知延州

獲安。伏乞别選人知延州。如未選得間,

即令臣知

延州。

所貴依得約束,訓

練

兵馬。

范文正公年譜補遺》

五四七

五四八

任福等破賊白豹城奏康定元年九月

分,以 蕃官 初, 鎮 任 東 記 馬 麻 蕃 蕩 燒 都 政 六。 牛 路 魁 賊 骨 盧 監 羊 咩 九 七 不 華 舍、 環 **駐泊** 、寨主胡 賊 且 月十 劉 知 池、 橐駝七千一 人 四 慶 大領 官 酒 戒 政 路 人數、又擒 ,殺首領 + 軍死者一人,傷者 都 以 税 鳳 二、 監 八日 副 兵寇保安鎮 監 務、 不 永 111 族 都 王 押 得 錫、 等 倉 帳 總 一懷正 軍 張 七人, 鎮 離 百八十,器 草場、 鳳 兼 管任 行 偽張 立 聲 席 111 專 至 口 燒 言巡 獲 監 福 白豹 柔 戎軍,福 團 僞 議 遂 死 等 頭 遠 押 練 李 人 與 土土土 邊, 破 劉 械三 級 及蕃 城 寨, 界 太 諸 六十 世 二百 賊 西 尉 召 一埪中 將 犒 等 以 卿、 官 百 白 衙 面 分 都 自 設 牽 四四 三,印 五 豹 四 布 淮 巡 慶 所 攻 熟 及 制 +; 城 李 安 檢 州 藏 破 地 户 賊

> 還 押大 大掠 城 馬 全 張 城 太 軍 下 前 IE. 顯 東 尉 陣 韋 韋 面 衙 焚其巢穴委聚 兀 自 居 城 城 守 面合擊。 守 柔遠至白豹七十 城 南 北 金 神 南 面, 面 湯 林 路; 又 駐 守 都 平明 遣 泊 葉 路 柔 方四 别 都 市 城破、縱 遠 北 將 監 族 寨 + 洛 里 部 武 路 主 領 都 餘 一,夜 英 譚 走 里。 所 洲 人 蕃 漏 嘉 犒 馬 檢 部 城; 未 震 承 范 是 蕃 軍 盡 任 受 日 人等 官 監 全 晚 至 行 福 押 韋

《宋會要輯稿》兵一四之一

七

還韓周張宗永量加恩澤奏康定元年九1

乞

勾

直 到 昊 臣 賊 在 延 處 州 二人不 差 韓 周 期 張 爲 宗 臣 所 永 累 賫 ,皆竄遠 送 文字

❶ 「初」,此下文字,疑非奏疏文。

方。 今雖奉聖旨,令臣募人入賊界,以何 面

目更可使人? 伏乞勾還韓周、張宗永,量

加 恩澤。

范文正公年譜 補 遺

奏薦官員乞催發赴任奏康定元年十月

陜

西

訴。 則不致 曾經 濟 ? 百出 之私情,忘百姓之深患。 大 稳之處,永祝辭 照察,知非請托。 其 免者,除别 急 臣自膺寄任,奏薦 陜 伏望聖慈特賜愛軫,應陝西所奏官員 於殘民。 如官員得 西 速,得恣 軍 州 自 有 免,不來赴任。 貪暴。 西 人,稍能均 其所奏之人,多是僥 其不得人處,政在胥吏。 擢 事 用外,却乞盡 以 **烦** 复。 既 來, 滿目疾苦,將 屬 濟。 應 軍 副 乞朝廷 朝廷 期,民 或知 軍 底催 期 遂 寬猛 科率 無 一發前 何 倖 深 夫 以 優 所 加

來赴任

《范文正 公年譜 補 遺

乞充縣令人限一季 ,内並 與 移 陜 西 路

康

定元年十月二十九日

西路。 縣。 兩 上進士有行止文學者,具事狀連坐,各薦 朝旨,●應舉充縣令人,限一季内 人,不致闕官,辦集邊事。 如人數不足,即乞委清望官,於三 乞朝廷念及邊遠之人,率多無告,特告 如 在 沿邊 州軍,即便乞與 除 並 職 與 一舉已 移 官 知 陜

范文正公年譜補遺

0 告」,疑爲「降」字之誤

佚 文

五五〇

乞朝廷建鄜州爲軍奏康定元年十二月

文。 纏。 小 中 至 至 州 五. 費數倍 往 百 可 軍 延 姓 往 府 日 鄜 + 車并驢 邊 秋税 還。 若據 今延 以 州 ,令建營房、倉 州 城 日 上 時 縣 州 來州軍近下等第苗 鱪 π 河 裹 程,物 子 州 或 蓋是 軍 中 ●後魏 在 人 中 纏 般 諸郡 值 送 市 邊 稈 府 乾 運。 Ш 納 雨 價 草 E 價 各 支移 雪 糧 陵 惟 時 送 每 頗甚 (稍賤。 是 厫、 道 爲 納 並 或遇晴 束 艱 鄜 兀 盡,却 路,不可 鄜 百姓苗税, 每 一百七十文, 廨 難 延 虧民。 程 城 東稈草,只 舍 寸進,至有 北 明, 奏乞朝 郡 税 路 _, 所 更 至 通大 隋 則 最 那 臣 只 有 鄜 爲 是 配 一月程,僅 於此 人 廷 相 同、華 八車,只 州 辛 僖 納 建 其 歸 度 折 離 州,南 苦 兩 糧 得 鄜 關 家 處 取 草 程 + 是 盤 縻 送 河 州 鄜 中 四

> 馬 納 勞弊辛苦, 於 且. 此 减 處 得 屯泊 亦且 半 近 就 惡 便 得 路 往 賤 復。 價 《范文正 至 糧 春 草 却 公年 那 稍 减 减 譜 補 鄜 得 遺 百 延 姓 軍

乞暫出延州賞給熟户蕃部首領奏康定元

年

十二月二十八日

纓交椅 第支給襖子、腰帶; 與 文 帖,并散茶 乞暫出 仍 延 與别立 州賞, 綵。 約束,令遞 係 内 給 蕃 有 熟户、蕃 部 功 巡 勞 異 相 檢 部 鈴 者 於 轄, 衆者, 首 給與 領, 準 給 備 等 紅

《范文正公年譜補遺》

點

● 「臣」,原作「公」,蓋《年譜補遺》作者所改,今依

文

請修復城寨奏慶曆元年正月

西 進 永平寨進築承平 城 逆築,因 樂環 寨 却 鄜 慶、涇原之師 延 是遠圖 以 路 牽制 宋李熹《續資治通鑑長編》卷一三〇 人 界, 元昊東界軍 寨,俟承平寨畢功,又擇 請 比 ,亦與三路 以二月半合兵萬 諸 路 最 馬,使不 遠 俱 出 若 無異。 得 先 人,自 并 修 力 利 復

諫深入討伐西夏奏慶曆元年正月

失, 琦 潰 皆 敗 宿 則 而 去 平定之閑 秋 心 或 還 更深 遣朱觀等六道 速望 近 入,事 者 平 轉 密韶 定, 延 ·實 歲 但 複 可 月,所 掩 戰 遣 憂。 者 襲, 王 危事 仲 以 臣 所 實等,幾 費不 再三執議 與 或或 夏竦、 -資,皆 有 差 韓 至

佚

文

襲,弱 界,彼 未見其 諸 壓 因 至 别 須過 行。 則 彼若歸 馬,亦朝 以待隙,小 廢寨,不須大段軍須,只 非 便 鄜 出 不 有 寨,亦動 于 控 ,賊境。 假 協 奇 横 經久之利,而無倉卒之患,且安存得東 興功,候 延 者思 或點集 扼 八利也。 ,令臣督諸將于二月 使 計,兵從天落 順, Ш 口 夕 險 主 後 0 軍民 附。 我 便 至 方到 處。 横 將智勇, 又 有 人馬,朝 知 則 已先復舊 乞斷自聖 横 Ш 煩 我 倫 此 扼 人界兵 Ш 平 一帶,在我 序,别置 亦 險 費不少,比之人界勞散 蕃 則 沙,却 則有 拓 能 以 夕 運 部 邊之一 1疆,彼 奪 制 便 少 致 以 意 散 勝。 其 知。 成守 非 無 則 遣 糧 隨 半出 居 險, 常之功,不然, 族 目 難 軍 岩 未 草 事。 近上 彼 大 帳 中, 運 彼 追 歸 穀 以 兵,先修復 或 至 既 可 實其 則遠 糧兵夫 順,我 放 多 然 强 使命急 亦 取。 則 逼 修 者 散 則 閉 近 多 備 遁 復 蕃 能 難 設 可 人 畾 已

路熟户蕃部并歸明弓箭手,乞聖慈裁酌。

宋李熹《續資治通鑑長編》卷一三〇

乞於諸寨置榷場奏慶曆元年二月四日

將 受,大段减得近理見錢,●應副邊上。 出賣,收得一色見錢,糴買糧草及支諸 到 青鹽。 乞於諸 寨置権場,用疋帛等博買熟 只於慶、環 三州 添 起 倍 價 軍 請 錢 户

《范文正公年譜補遺》

焚元昊復書奏 慶曆元年三月

屬 朝 會任福敗,賊勢益 焚之,使若朝廷 廷見之而不能 臣始聞賊有悔過之意,故以書誘諭之。 討 振 初不知者 則 故復 辱 在 書悖 「則辱 朝 廷。 慢。 在臣矣, 臣以爲 乃對官

故不敢以聞也。

宋司馬光《涑水記聞》卷

論不可乘盛怒進兵奏慶曆元年三月

任 勝。」今欲以 情,務誇敢勇,溶言畏怯,假使真 風 尚 韓 曰:「勝兵先勝而後 入,禍未可量。大凡勝則乘 人,呼索百端 不能 福 琦 喪氣,不須體量,理之常 等數人是也, 指踪,因致陷没。 任福已下,勇于戰鬪, 料賊,今之所選,往往 重 非 兵 密 日 而 求戦 行, 可 此皆邊 無 舉。 軍 敗 濟 須 賊退便追,不依 時鼓 于 也。 兵先戰 如 糧 不及,更令深 上有名之將 或 延 草 勇,敗 有敢 但邊 家。 州 , 動 而 人 勇, 賊 孫 臣 數 後 則 之 求 子 則 望 界 萬

❶ 「理」,疑爲「裏」字之誤,宋有「近裏州軍」之時語。

兵之術 乘機進 之。」今賊用 也。 之仇,不 患 不 殺之役。 州 處 兵,爲小 扼險要,以 而 一蓋將 有 誉名 可以 申 兵 11: 探 百 又曰 不 少 候 余 郝 測 /,兼 一戰,或可 愠 里 目 故 帥 利 無 可 仁 孫子 · 誉 明 而 倉 闕 所 寡擊 或 出 禹 切 扼 此策, 主 致 利 誘 卒。 時 將 險 陣 等 孫 更 恐 曰 戰。 ?,勞敝 謹 圖之。 之進, 差 而 帥 之謀,我既 隘 子, 衆 領 虚 : 之, 昔孟明之 所 徒 誘之,怒 「主不 失,憂豈 不可不知。 而 兵 有 此 合于利 致 良 人 廢 我 言 須 以 昨 皆孫 也。 界, 將 罷 師 不 密 是 可 Щ 能 警 退 切 四 而 子之深 而 不 以 敗 亦多 外 則 臣 舉 自 衄 之,安 可 程 撓之, 大? 動,不合于 怒 賊 其 若乘盛 愚 古 動 彼 無 輸 退之 落 而 以 年 敗 况 喧 戒, 興兵, 折 賊 必 國之 引 自 爲 而 近 而 鬧 賊 策 時 懈 古 怒 據 而 後 報 蓋 界 複 本 中, 慢 臣 用 進 勞 道 利 將 或 賊 慶 其 常 報 勝

難耕 之能 臣 非 必 側 不 處 州 以 以 危 地 練 人 至 修 ~,必可 、界,其 討之。 之機 恐虚 西至鎮 不 近 能 奇 則 固 南 而 非 知 蕃 兵。 取 害 擊 藩 言 作 安等處 不 族,必 國 不 有 其 籬 也 能 久守 且 勢稍安。 有 則去就 然復寨之初,猶 先乞相 0 戎軍 俯 民 督主 勞敝,守 之大 從衆 懼 閑 三兩 也 以 則 無 彼 殺 則攻,方 臣 界,擇要害 災巢穴。 兵官員,須令討 事 議 進 降 戮 之閑,宜 若只 度德 廢 所 其諸 ·, 臣 則 》,又見 兵據之。 附之理。 猶 寨 見, 得 慮 一鈔掠 安安 豈 靖 可 罪 路 他 延 患, 敢 肯 漢 寨 就 必 并 慮 存 州 H 之地 避 而 今乞且 降 西 豈 乞且 速, 兵 其側 須 近 賊 熟 路 罪 П 附 至 一可深 久 有 以 大 户 乞 堪爲營寨 奈何 不 于 駐 慶 , 庶 戦闘 擾 至 并 依 近 務 其 州 人? 未 蕃族 持 之, 弓 能 可 則 前 不 口 閑 成 界, 比 進 倚 守, 箭 重 奏, 久 奪 管 出 哉 敗 疏 安 臣 其 賊 既 之 環 訓 之 奇 Ħ.

五五三

佚

文

掌 • 虞, 臣 鄜 琦,商量 方待 延 别 敗 路 聽 事 罪 罷 一申奏。 朝 之 不敢久 行營 当。 後 文字 誅 如所議未合,乞朝 臣 冒 之 此 何 臣 面 職,妨誤大事 濟 且 依 令部 此 鬍 惟 署 報 聖 許 夏 慈 廷 懷德 竦、 念之。 取 捨 收

論牽制夏兵奏慶曆元年十月

宋李熹《續資治

通

鑑長編》卷一

以 慶 庭 和 今環 制 侵 州 近裏兵 市 賊 東 州 構 金 處 臣 如 湯 北 永 奉 也 Π 寇河東,更令逐路 詔 百 和 白豹。 馬 帶 Ŧi. 鎮 寨 議 趨 賊 十里有金湯、白 牽 戎 西 河 馬 制 兵 北 環 東, 不 賊 馬 慶路 敢 兵, 百 則 可 出 環 以 出 册 别 慶 十里 分兵 攻 兵 **\$** 路 相 折 牽 豹 并 寨,皆 薑 趨 有 去差遠, 制 出 賊 要害 折 河 鄜 若發 唯 薑 東 賊 此 延 會, 路 恐 則 界 河 兩 可

不足以牽制也。

資

治

通

鑑長

編

卷

Ξ

四

論入界牽綴夏兵奏慶曆元年十一月

佐于邊 甲 内 所 則 節 監 敵。 計會 不令往 臣 器 損 朝 竊 制,甘俟典憲。 郝 慶 (頗大。 廷 見 緒,于安塞 本 械 州 延 臣 西 指 州 上張 路 河 近 不 折 揮 事 軍 奉 少。 同 却 東 只 諸 以 馬, 朝旨、令多方擘 進。 勢,續爲延 作 使 來, 如 今來 路 過 臣 入界,輸折 所 Ш 人 本路將佐,恐賊界 每遇 然 以 軍 界牽 外 河 臣 理 員、 須 事 因 東 州 賊 有 至人 宜,諸 制 事 兵 塞 \exists 馬 利 賊 人 外 宜 士 并來 出 害,不 、界内。 畫 勢,所 馬。 , 諸 兵打 時 處 千 寒,且 入界牽 牽 處 由 敢 余 路 綴 獲 金湯寨 并力禦 亦 環 臣 不言 人,衣 甚 作 西 一令將 擘 州 不能 微 過 賊 制 都

中使督 遂 分在 如 緣 致 邊 諸路 鄰 軍 入人,須 進,亦 促,令 暮 諸 誤 事 道 陣 還, 事 邨 何 出 出 有麟 支備 諸司 詐 請 得 允從,則乞差臣 今乞將新授左司 舉 ",使邊 佞不實之罪 人。 种 使、 府 環 世 州 如 朝 之禍 知 知環 臣 勾 朝 廷 衡 知 當 廷 以 環州 推 州 體 臣 雖 帶 讓之風 權 奏慶曆元年十一 郡 郎 不 量 加 本 鈐 十三 才而輕 臣 中 路 罪 轄 稍 於臣 司。 寨,當 亦 官 涉 將 非 虚 迴 此 軍 9 或 細 無 妄 授 馬 此 朝 事 路 益 种 權 危 廷 甘 邊

世

衡

轉

從

臣

所

擘

畫

入界牽

制。

臣

雖

稱

未

利,其

臣

自

慶

州

已

睹

朝

廷

兩度差除

每

出

軍

陣,前後左右强

弱

不副

地,

須

在

臣

恐

將

事

臣

兀

白

五.

十餘人,器

械

未

知

數

目

人

界牽

一制,内

環

慶

又

折

却

使臣

軍

員、

兵

士

入,前後

左右,須籍

得

力將

佐。

(范文正 公言行拾 遺事録 》卷三

受

上

書

有將佐 不 如 攻 涯 易入界。臣已附梁適上奏,如 務 至令牽制 兵,遞相計會,諸將 出 静 此 ! 度得 處,庶 此 守, 牽制,或可 望朝廷深察,更不 謀 貪僥做之功 功, 養 ,更自朝 ,必于鄰 宋 勇 少 不 李熹《續資治 持 敗 補 成 事。 重 功。 廷 道 上畏 敗, 惟 以 詳 抽 仍 待 酌 如賊 選 起 差中 徒 通 務劫掠, 朝旨 寇 得 鑑 寨 費 至。 不至 力將 長 城 ·使督促 恩 賊 編 不敢不 賞, 》卷 朝 臣 大人,則各 據 馬 帥 其 去 之愚見, 大 軍 Ξ 要 馬, 四 害,

如

終不

知

環

州

機密文字乞止下經略招討司奏慶曆元年十

一月二十九日

司,貴不漏泄。司官員數多,難以衆議,乞止下經略招討司官員數多,難以衆議,乞止下經略招討朝廷每有機密文字下都部署司,緣本

宋李熹《續資治通鑑長編》卷一三五

請令部署司保舉沿邊寨主兵馬監押等奏

慶曆元年十二月

司保舉、舉非其人、致城寨不守者、雖經恩沿邊寨主、兵馬監押等,自今請令部署

及代去,毋得原罪。

宋李熹《續資治通鑑長編》卷一三四

乞寬貸高延德與近邊任使奏慶曆元年

意。 説 其中或有助賊 聞之,必願昊賊歸 于,大爲漢患。 者遠竄,其陷蕃將率更無歸路,必懷怨望。 本朝之恩,不助賊計。 德,被以寬恩,仍與近邊任使,使陷 力屈,爲賊所擒, 傅公主入匈 漢家將率有數人陷在 奴,說 爲孽,其患不細。 此人情之可見也,乞朝廷留 即 順,望再見其家。 非 不欲行 背叛。 如朝廷責其不死,來 賊庭,俱是苦戰 ,怨漢,乃 如 朝 昔漢中行 廷 或即 蕃 貸 教 將 高 單 懷 率 延

《范文正公言行拾遺事録》卷二

差弓箭手防邊利害奏慶曆元年二月

里。 廷 纏,必於本家骨 食 丁之内,二丁防邊,徒使破壞家 丁充役。 更請 (物踊貴,亦少營舍,官 本家更破 相 相度。 度 若是撥於極邊州 所差弓手,並 一名往 肉 處 來供送,即 頻 是人户,三丁内破 有 中 呼索, 請 軍 受至 屯戍,緣 産。 是 動 薄, 伏乞朝 是 一户三 邊 數 難 F. 百 裹

《范文正公年譜補遺》

乞照管劉平奏慶曆元年二月

曾脩 前 來 築 救 延 微 濟, 州 陷 有牆 得 破 延 前 量,未 州 年,西 不 至 能 賊 陷 禦 韋 破。 掉。 閉 之時 此實劉 惟 劉 平 Ш 平忠 星 城 夜 未

佚

文

别造飛語,乞朝廷倍賜照管。能雪耻。竊聞劉平尚在,恐邊臣有所憎愛,勇之力。今來子弟復在邊任,其跡孤危,未

《范文正公年譜補遺

論樞密院指揮諸砦出擊未可施行奏慶曆元

年二月二十五日

砦中 并攻 或遠 往 羸 若有蕃賊 人,或三二百人,只令防守城 相 往見 兵 度本路諸砦之兵,多者千人,少者五七百 應援 誘 一處,謂之奪險,非 無兵,即 自古用兵本無常勢,非 致 小 離 利便出兵, 入寇,其寨主監 未至,如遇 砦稍遠,别出 見危陷。 與之追 賊衆大至,多選 假 有驍 有 押等,縱有勇敢 精 可 逐。 兵, 池,尚慮不足。 將 將 畫 血 在 斷 如 而 戰,勢不 外,去州 其 西 精鋭 婦路路 制 賊以 也

五五五七

利 必 能 支。 難 也 其 爲用 若外兵 所 降指揮,不敢行下。 臣 先 謂 應變之機 敗 則 州 城 拘 之兵 以 條 望 貫 風 挫 非 氣 其

《范文正公言行拾遺事録》卷二

使用負犯人奏慶曆二年

憤。 奪元 依 邊 獸 辱者,必 云,活· 申 體 奏。 赦 事 量 窮 唐張説 E 犯 文分析聞奏。 未 則變,人窮則詐,古人之所慎也。 懷 人於 所 件 情理,分作等第。 寧,尤宜 才抱藝之人,一落散地,終身不齒 盡節 貴 死 薦 負 而 者,必舍 負犯之人充將 或有材質, 犯之人,各期 一使過。 雪 乞差近上臣寮就中書定 耻 欲乞朝廷催 生 古猶今也, 乞朝 而 又委 或 報 自 有 帥 恩。 新,不 長 節 之 行, 吏, 用, 促 榮 逐 况今 其 懷 密 人 亦 處 表 於 出 具 切 廷

留意。

《范文正公言行

拾

遺

事録》卷二

論熟户不可倚爲正兵奏慶曆二年三

禦賊 也。 户 若 至 情 况歲罕見敵,何用 用,如去正兵必至驕蹇。 可 ,部族資市牛馬、 長 副 黠 以 以 兵 熟户 爲 行 詐 藩 臣 馬 便 遽得 蔽 畏 戀 所見,不若遇有警 使奉錢 漢 强 土 户 禁軍 凌弱 田 , 而 止七百、 奉 護老弱、牛羊,遇 不 青 長 常有 給, 可 鹽 與 倚 轉 廪 則 三百, 又今蕃部 以制之則 爲 蕃兵 給 ? 「, 旋 正 河 兵。 以 必 悉 西 且. 金 生邀 無 賊 錢 都 服 大 一帛募 亦 力鬭 衣 虞候 人 從 率 非 望。 廪。 熟 令 策 可

宋李熹《續資治通鑑長編》卷一三五

寧 州 草場失火乞釋免官吏奏慶曆二年五月

要得 吏不 敕 指 負 切 ;揮,只令陪納入官。 若更須令根勘官 逐 、累官員,爲害轉大。 防慎罪狀,却慮今後沿邊倉場 處異物蟄藏之處,多致雷火,合依 願乞朝廷特 作過, ." 邊

于

《范文正 公年譜補 遺

論明 珠 滅 臧二族不可攻奏慶曆 一年十月

也。 南 細腰、蘆 師,平時猶懷反側,今討之,必與賊爲表裏, 入原州,西擾 宜因昊賊别路大人之際,即并兵 族道險不可攻。 泉爲堡障 鎮戎,東侵環 斷 賊 前日高繼嵩嘗已喪 路, 州 則二族自安 邊 患 北取 未艾

佚

文

而 環 州、 鎮戎徑道通 宋李熹《續資治 徹, 通鑑長編》卷一三八 則可亡憂矣。

議 弛茶鹽之禁慶曆三年

農。 可闕 若先省國用,國用有餘,當先寬賦役,然後 及商賈,弛禁非所當先也 商賈未甚有害也。 ,既不取之于山澤及商賈,必取之于 與其害農,孰若取之商賈? 茶鹽、商税之人,但分 今國 减 用 未省,歲入不 商 賈之利爾 今爲計 莫

宋李熹《續資治通 鑑長編》卷 四

乞令沿邊州軍及城寨 資 奏慶曆三年七月 主兵武臣在任滿

慶曆 三年七月,陝西 宣 撫 使 韓 范 仲

五五九

隔 武 官 勸 戰 不 臣 淹 磨 而 臣 守 願 例 言 勘。 望令陝 就 皆 舉 之 在 邊任 五年 留 地 任 陝 再任 滿 西 責其 磨勘 以以 西、河東沿 \equiv 河 者, 年 此將 東沿 死 ·者並 既 滿 節 與 佐 邊 日 荷 内 特 邊 而 州 更 地 轉 軍 州 下常患乏人。 循 與 勞逸不均,故 軍 及城寨主 常 轉 資。 及 規 城 資,並 將 如 寨 經 何 主 兵 不 改 兵 以 況 多 适

宋李熹《續資治通鑑長編》卷一四二

乞賜白雲寺額札子慶曆四年

得 條 家 刺 史白 賜 貫,應寺院及五十間已上,至乾 松楸,實在其側,常令此寺照管。 額 蘇 州 居易詠 上件古寺屋宇,已應 天平山有白雲泉,南有寺, 白雲泉詩,明古寺也。 得 條 質、伏 元 准 寺 節 臣 先 中 望 並 降 本 有

多

爲

失所之人。

特賜一名額。取進止。

范文正公褒賢集》卷二

薦張挺補三班差使奏慶曆四年八月

三班差使、殿侍,爲隨行指使。知延州日,見進士張挺有武力膽略,乞

宋李熹《續資治通鑑長編》卷一

五

補

城郭等第簿不宜五年始造奏慶曆四年八月

第 户 因 候 差 體量 五 年 配 一得河東、陜西自西 造簿, 破 却 家 方 行 産 定奪, 州 縣 必 不 事 是 能 以 破 矜 來,甚有人 盡 恤 家産 減放

范文正公年譜補遺

沿邊兵士人員乞各賜特支奏慶曆四年八月

州 各 賜 軍 特支。 一及就戰 臣 一今往 兵 陜 ,并人員兵士,欲乞朝 西 河 東 宣 撫, 其 沿 邊 廷 駐 等 泊 第 諸

《范文正公年譜補遺》

乞招納嘉舒克順等七族奏慶曆四年十月

坐,其 體問 麟 存 鎮 交争之際,量援 府界,人户悉 恤 嘉 得七族蕃部舊屬 ,逃入西界,在 舒、克順 據 地 麟府路兵馬都 面 與 等 火 以 七 居 Ш 族 兵馬,而預爲招 于 軍 今府 去 彼,遂分爲十四 界 府州 監 漢界 對岸。 州 張 東 比因 不 北 遠 昨 緣 可可 邊 西 西 黄 納 之。 賊 臣 因 界 河 族 大 不 唐 西 西 近 掠 能 兼 龍 住 北

> 到 王 歸 行 又 既 取 寇 逐 有 麟 七 七 凱、折繼閔等商議,密行招引。 ,納之不爲 招 人 有 鎮 内 府 族 漢地,則一帶蕃、漢人户,必定遭 驚疑之心,必逃 待 誘,使七族 族,則府 附 地 首 殘破,難 河 圖 領 凍 以 香 無 州 即 聞。 布 名。 率其所掠麟府 以守禦。 河 過 言 外 唐 入火山 又生一 已令張岊 龍 契 鎮 今若因 丹 劫 界,契丹 契丹。 領 之。」若 屬 與 兵 户,復 此機 今先次 府 在 州 因 兼 契 寧 會 驅 部 自 丹 仁 七 而 「, 先 虜 書 署 來 襲 族 遂 静

宋李熹《續資治通鑑長編》卷一五二

乞於麟府修起城寨招輯蕃漢人户安居

奏

慶曆四年十月

漢人舊耕耘之地,自爲西賊所掠,今尚有三麟、府二州,山川回環五六百里,皆蕃、

五六一

文

佚

是通 及 貴,官中大費錢帛糴買,河東百姓,又苦饋 千 誠 時,府州只屯漢兵二千,今雖殘 運之役。今重屯不解,久則自難供億,此實 居,强人壯馬又可 糧草般移 西賊困中原之策,謂如 使邊户至今不敢複業,地土既荒 守禦之長計也 萬餘。 |州之人皆願修起城寨,若只以 餘 得 户 麟 散 應用, 、府道路, 處 如向去 黄 河 自 東 招 '得數千, 可 其 涯 輯蕃、漢 辦事。 四 靈武,必須弃之。 自 面 却 别 來 况 人户,從 减屯漢兵,兹 無 所 折氏 破,兵 修 ,故糧草涌 城 河 寨 堡 西 强 防 寨 而 馬 兵 盛 守 安 常 之 馬 只

宋李熹《續資治通鑑長編》卷一五二

乞差替萬勝指揮招到雜色人奏慶曆四年十二月

訪問得萬勝指揮招到雜色人,多有邊

亂出語,扇摇人衆,於邊上不便,乞早降指上已滿三年。其間輕狂之人,不奈辛苦,或

《范文正公年

譜

補

遺

揮

差替。

言北界事宜奏慶曆四年十二月

舉事 不可不防。 功,愧見其下,或謀起 ,圖其復振,以 自古兵家每有挫 攝衆 事,欲振兵威 蚵,恐其下離叛,即 心。 今契丹西 此 朝 征 别 廷 無

《范文正公年譜補遺

陳邊上設備奏慶曆四年十二月

歷 將 帥 見各訓 如 練 北 戎兵馬 選 奇兵,準 未放 備 散間,臣 戰 敵 惟 不 難 敢 得 便 經

將佐 離 河 料料 東、北邊或 敵使人,庶幾分朝廷萬一之憂。 有緩急,與明 鎬 商量,指 揮

(范文正公言行拾遺事録))卷三

舉趙拯等充陝西河東大郡通判奏慶曆四年

軍期。 張謨,並有才稱,宜處要務,俾臨邊事,可濟 東大郡通判。 太子中允王復,太子中舍王孝和,大理寺丞 浩,殿中丞范寬之、馬 切見太常博士 伏乞望朝廷速差上件官,充陝西、河 趙拯、秘書丞劉奕、馮 仲甫、 徐執 中、杜 樞

行,如任用後犯正人己贓,臣並行同罪。 例,臣出使,應所舉過官員,恐朝廷未賜 貼黄 自來兩府臣僚無同罪舉官條 范文正公年譜補遺 施

佚

文

乞以臣所授功臣階勳恩命回贈繼父一官

奏慶曆五年四月

伏遇禮 加養育,復勤訓導。 臣階勳恩命回贈繼父一官。 依之以立。 念臣遭家不造,有生而孤。 成郊廟,澤被蟲魚,伏望以臣 繼父故淄州長山縣令朱文翰既 此 而或忘,已將安處? 惟母之從, 所授功

《宋會要輯稿》儀制一〇之一六

乞篤疾癈疾弓手兵士不問年甲揀停歸 奏慶曆五年四月

放。 未五十已上,有 官中前來許顧人承替之時,内有事力 似此篤疾癈 碍 疾之類,非 上項宣命,諸 可詐僞者,爲年 處 不 敢

替

五六三

便。 停歸農,不 苦之人各歸 疾之類,並依諸 恐 脅 乞指揮 即即 家間 可 骨 雇 須 田 轉 肉, 人。 要家 袁 運 軍 令典 ,所以不致失所。 司 其下等第 人并顧人充替。 類,更不問年甲 看 1驗,如 賣 莊 田 無 委實是 雇 錢 人, 顧 人, 深 便 篤 又 (令) 多 與 屬 疾 疾 揀 廢 是 不

《范文正公年譜補遺》

軍頭失去文帖免勒充長行奏慶曆五年六月

特降宣 長行 手下 覺察手下兵士違犯 能 事失去,勘驗不 部 軍士憎嫌,多方窺算,藏毁文帖,便 轄 ,情實可閔。 軍 命 勾 頭 指 當 失 了 揮,今後失去補 人,因累次功勞,方得遷 文帖 虚 即 以 作過,成弊愈深。 降 此荷 依舊職名重給公據收 充 且和 長行。 署文帖,有 同,不 其 乞朝 敢 中 補 因 甚 鈴 降 故 廷 轄 被 有 充

> 掌 别給文帖安排。 醉 别 ,及不是典解 無因 依, 稱 錢 去失者, 所貴兵級安心 物,即 於 如 舊 勘 職 會 ,無致誤犯。 名 得 止 委不 降 等, 因 酒

范文正公言行拾

遺事録》卷三

論陜西守備奏慶曆五年八月

信 害; 相 琦 抽 謀 丹、元 昊, 西 憑 窺 殺, 所上攻守策録呈,乞賜親 四 减 如 伺 夏國 ,大爲之備,免致臨 路 陜 顧 皆 西 中 面 -原,則 利 軍 可 除 却 害, 面 馬 憂 是 與 往河 虞。 稱 天亡 今後契丹先起事端,候 則 漢家争 大 無 北,然後 乞朝 段 戰 時 點 争 些小 則 時 集 廷 之 有 敗 軍 察 覧 元 理。 疆 事。 戰 馬 此 昊 界。 争, 待 情 人 或二 再 狀 寇, 不 與 録 臣 不 則 朝 蕃 顧 謂 契 與 連 丹 可 陜 廷 利 契 韓

范文正公年譜補遺》

禁 州 易奏慶曆 五年八月

誤 訖 等人 路蕃情怨望,兼大段隔 今來若將秦州界西蕃博買 旅 事 興 百姓 蕃 體 伏乞朝廷下秦州,依舊降條貫施 販 博 量得秦州自]1] 所買馬錢,亦 易 貨 券馬,入官中賣,兼 則 來客旅,收 路 糧 却 范文正公年譜 興 草 少 例 匹 販券馬,及阻 帛 人入中,必 止 買 絶 人 販 111 必是 蕃興 補 蕃 貨 行。 遺 物 馬 販 是 節 帛 П

乞 寬 宥 石元孫 奏慶曆五年九月

延 臣 州 在 同 延 素 州 不 戰 與 伯 拒 元 聞 賊 孫 劉 日 平、 相 夜 識, 石 血 戰,兵少食盡 元 亦 孫部 不 知 領軍 本 人 馬 力 善 救 惡 屈 護

佚

文

使,陷 朝 存恤 州之勞。 死 被 於王 廷,不助夷狄。 擒 當授 蕃將校等聞之,未絶向漢之心,不 即不 事 縱不堪 之罪。 曾退 南 班 走,亦 任 又累 此禦戎之一 近 用,亦且 下 該大赦,却 非 名目,於近 不 免其 戰 策也 而 戮辱,少 降, 有 州 救 但 安 存 有 置 加 怨 延 不

《范文正 公年譜 補

遺

乞於麟 府 置 榷 場 奏 慶曆五年 九月

私 錢,大段出 権 東 路官税要 務, 下與外界交易,免犯令。 路 河 供 西 則 麟、府 饋 日得貨利 招 糧 用;二則 誘 草 蕃部牛羊鞍 田 錢 就就 野 帛,未 空荒,城市 近供 麟 府 有 軍 路 馬 休 ; 行貨,供 收 期 窮 得 則 困 若 客 11 旅 絶 河 置 使 得 税 東 河

范文正 公年 譜 補 遺

五六五

五六六

乞復孫用張忠官資奏慶曆五年九月

乞稍復官資,責其效用。 取職田課人,并坐法勒停,其人頗有武勇,錢,瓦亭寨主、左班殿直、楓門祗候張忠過

宋李熹《續資治通鑑長編》卷一五七

沿邊逐寨堅守無益奏

以 内有美泥、虐泥、大拔城等小砦,但只量 威,無益邊事。 勢,但令堅守,徒陷 施爲? 又城池中 ,差百十人把截道路,如探得賊馬大段人 沿邊 逐寨雖有險固,只有三二百人,何 其在環慶路 多 城 無井水,若不量事 軍 民 相度二十三寨, 性 命,自挫軍 兵

寇,便令歸側近大城砦内,一處防守。 所貴

不致枉陷軍民。

《范文正公言行拾遗事録》卷二

兵士買鹽入衆喫用不可盡法奏

衆人之罪,實不敢 未能困賊,先困 霜,若飲食失所,更禁絶鹽味, 至愁苦。 竊見諸軍常令聲樂,盖欲悦其衆心,不 今兵士處於窮邊,冒矢石,負星 我師。 盡 法,恐傷士心。 其買 鹽兵士是 何以 只決二 聊 本部 生?

人杖二十,押送本部。

論新附蕃部不宜遣住海州安泊奏

散移歸投新來,其心未安。若必遣住

海 寧,邊上蕃部聞之,絕其向化之意,則皆爲 (不測朝廷意旨,卻自刑害。 州 安 泊,不惟 遠 去 鄉 土,全失蕃情, 今來 西 事 又 未 其

必

在

兩制看詳。

今朝廷行此大禮,千載

時,何斯人學古之心,上契聖作。臣今再録

録

進前

人所業十卷,其《明堂圖序》爲一卷,

《范文正公言行拾遺事録》卷三

怨敵,邊害愈深。

表

進 李 親明堂圖序表皇祐二年八月

義,按而視之,可以制作。 説少異,古今惑之。 於《月令》及《考工記》、《大戴禮》,而三家之 撰《明堂圖》并序一首,大約言周家之制,見 臣伏見建昌 軍 草澤李覯,十餘 觀能研精其書,會同 臣於去年十一月 年前 大 曾

佚

文

獎,以勸儒林。 之際,庶有所 其圖并序上進,伏望特賜聖覽,於朝 補。 取進止。 仍乞詳臣前奏, 《直講李先生外集》卷 六月日。

殊

加

天

廷

討

牒

牒江 淮 災傷州軍 .明道二年十一月

州 並 縣 放免税賦。 ,後來雖是未差官檢覆 應實因災傷 及有已曾歸業,爲官中令納 逃 (移, 抛) 下税 ,今却歸業者 産,已曾申報

五六七

税,存濟不得,又逃移者,亦許歸業,依此減

放税科。

《范文正公年譜補遺》

牒鄜延路環慶路出軍馬深入賊界攻討康

定元年正月

首,及打虜些少族帳,便爲策應之名。 寨。 慶有賊馬,亦令鄜延路分擘諸頭,出軍 相度,一面部領軍馬 須管大段殺獲,分張賊勢,不得只 今後如有報 到賊 入賊界,攻討要 馬深入鄜延路, 若環 馬 害 在 更 深 請 界 城

《范文正公年譜補遺》

入賊界攻討。

牒陜府指揮拘管逃移人户康定元年正月

送納; 恤。 産不 得,即大段虧失省税。● 慮恐亦有似此逃移,并牒逐州,亦請相度安 歸業,❷免致逃移。 去年秋税。 得燒毁 逐 其第四等户,亦於隣州送納。 縣 鄉 其見在第五等秋税,只於本 斫伐。❶ 村 拘 管上件逃移人户,屋 毁却桑産,❸將來歸業不 其逃走人户,權與倚閣 所有諸 州軍 一人户, 業桑 招 誘 處

《范文正公言行拾遺事録》卷三

》「招誘歸業」,原無,據《范文正公年譜補遺》「桑産」,《范文正公年譜補遺》作「生産」。

● 「桑産」、《范文正公年譜補遺》作「業産」。

)「即大段虧失省税」,原無,據《范文正公年譜補遺》補。

牒青澗城种世衡永平寨郭延珎等康定元年三月

接此春煖耕農之時,速勘會上件驚移

便相度鄰近有無官司空閑地土,或遠年逃

熟户、蕃部,如

内

有

未敢歸業依舊耕種

即

收買,常切安存,無令失所。田,權撥與耕種。如無牛具者,官與量借錢

《范文正公年譜補遺》

再牒种世衡郭延珎等康定元年四月

數目,每十口已上,官中量支借貸糧粟各一據的是見闕乏糧草蕃部,相度逐户口

存,無令失所。

佚

文

石

十口已下,各借五斗。

仍常切

照

管

安

願

入城,即官中擘畫

,揀損稈草支借。

《范文正公年譜補遺

牒鄅同華州河中府康定元年十一月

鈐轄,便請那差都監、監押一員,或差得力如軍馬經過,相度使臣稍有生疎,不能

得縱令不著次第,及攪擾縣鎮施行。使臣,支與驛券,同共管押,逐州交割。

不

《范文正公年譜補遺

牒寧州通判張去惑慶曆二年閏九月

鄉村人 事 安排 暫 户入州。 整 往 齊。 邠 州 計 如 其人户多是少得柴草 聞 會 點 西 賊 檢 大 城 入漢界,即起 上 防 城 戰 具, 遣

(范文正公年譜補遺》

五六九

牒知原州景泰等慶曆二年十二月

民。仍戒約不得脱剥被虜人户人物。即多出奇兵,夜間或侵曉伏截衝擊,收救人三二千人,夜擊蕃砦。探候山外賊馬迴時,三二千人,夜擊蕃砦。探候山外賊馬迴時,

再牒知原州景泰等慶曆二年十二月

老小人口等般入壕裏居住慶曆五年十二月牒涇原路安撫司各令將邊寨弓箭手逐家

回避,免枉遭虜掠。種,若遇大段賊馬,難以禦捍,亦須入壕裹量留少壯人在壕外堡子安泊防守,管勾耕

《范文正公年譜補遺》

牒邠州令支給王昭瑋等屋舍價錢

物,其人户當已破費。雖准轉運司指揮,今將官地兑還,即合給還價錢買屋。當司支與錢見住物業毁拆,逐起人户,無處存活。既無許毀人戶見宅邸舍物業。其邠州便將人户許毀人戶見宅邸舍物業。其邠州便將人户

豈得便却例行催納已支價錢,侵害人户?空閑官地兑還。既無官地,即合回申轉運司,

榜

《范文正公言行拾遺事録》卷三

爲新兵營房事牒諸州

或買 之家,乍住營房,不致迫窄,可以存濟 無 般 與係官木植。其稍有家力,情 間營房,難爲存濟。 費官錢,兼搔擾人户,又卒難了當。 官錢,又逐家自盖屋宇,早得了當。 等第户各有莊園宅舍,及將家入營,僅 到 :事力,除自有舊材料,情願將來盖造外, 到新瓦木者,估價給與 材植,要盖舍屋 相度新兵未有營房,欲配買木植,則大 新兵内貧窮之家,即 者聽。 解鹽交引,大省 如中等已下,苦 願自於本家 其自 并等第 得 給 來

榜曉諭諸州軍令逃移人户放罪歸業慶曆四

年九月

放等第。招誘歸業者,不得更依元本等第,能幹官吏,比附見在人户物産,定奪合該减歸業。其元抛下産業,不得納官。疾速差物色,或抱二税逃移者,並令與放罪,各令

其元欠二税,並與放除。

范文正公言行拾遺事録》卷三

佚 文

范文正

公言行拾

遺事録》卷三

五七

應坊郭村鄉人户,今日以前

帶

却

配賣

書

榜 曉示陝西州軍 軍田土及已分物業 禁新刺保捷兵士典賣贍

軍田土、已分物業典賣破貨者,不得施行。 應新刺保捷兵士,如今後乞將本家贍

役,及有年高不任披帶,放令歸農者,即給 其典賣人嚴行斷遣。 如將來殘患,不堪征

《范文正公言行拾遺事録》卷三

與已分莊田養種。

虎翼軍指揮王瓊奪戎士死戰之功書斷康

定元年十一月

其王瓊,集軍員等處斬。 奪戎士死戰之功,誤 朝廷重賞之意。

《范文正公年譜補遺》

規

矩

佚

文

與 諸 羌 約

仇已和斷,輒私

報之及傷人者,罰羊

首領。 首領。 即不入寨,本家罰羊二,全族不至者,質其 人界,追集不起,隨本族每户罰羊二,質其 理,輒質縛平人者,罰羊五十、馬一。 百、馬二,已殺者斬。 賊大人,老幼人保本寨,官爲給食, 負債争訟,聽告官爲 賊馬

宋李熹《續資治通鑑長編》卷一三二

義 莊 規 矩皇祐二年十月

米。 如支糙米,即臨時加折。 、逐房計口給米,每口 一升,並支白 支糙米每斗折

八升,逐月實支,每口白米三斗。

、女使有兒女在家,及十五年,年五 、男女五歲以上入數。

十歲以上,聽給米。

一、冬衣每口一疋,十歲以下,五歲以

上,各半疋。

、每房許給奴婢米一口,即不支衣。

、有吉凶增減口數、畫時上簿。

、逐房各置請米曆子一道,每月末於

五七三

掌 掌 掌管人自行 察,勒陪填。 一管人 管 人 亦置 處 批 簿拘 破 請 用,或! 不 轄 簿 得 探支與人,許 預 頭 先隔 録 諸 跨月分支請 房 П 數 諸房 爲 額 覺

一、嫁女支錢三十貫。七十七陌,下並準此。

再嫁二十貫。

故留家者,亦依此例支給。雖近官,實有諸房例給米絹并吉凶錢數。雖近官,實有憂,或任川、廣、福建官,留家鄉里者,並依一、子弟出官人,每還家待闕、守選、丁一、娶婦支錢二十貫,再娶不支。

貫 貫 貫,至葬事,又支一十五貫; 支十貫; 七歲以下及婢僕皆不支。 十五 逐 一歲以 房喪 卑幼十九歲以下 下支三貫;十 葬:尊長有喪,先支一十 次 喪 歲 長 葬,通支 以 五貫, 下支二 七 葬

一、鄉里、外姻親戚,如貧窘中,非次急

實,即 難 或 於義田 遇 年 飢 米 不 内 能 量 度 行 日, 濟 助 諸 房 同 共 相 度 詣

糶貨 年以 凶 即 凶 數,均匀支給,或又不給,即 後,每 支冬衣。 餘,却先支喪葬,次及嫁娶。 荒,除給餱糧外,一切不支。 給逐月餱糧并冬衣絹。 事外,更有餘羨數目,不得糶貨,樁 以 事 E 所亡所葬先後支給。 ,同時,即先尊口 回换新米椿管。 、所管逐年米斛 糧 年 或所餘 儲。 豐熟,椿留 或 慮 不多,即 陳 後卑 損 ,自皇祐二年十月支 二年之糧。 即即 і П 約自皇 凶吉等事衆議 如支上件餱糧吉 或二年糧外 至秋成 先凶後吉。 如 如尊卑又同 更有 祐 若遇 日方 \equiv 餘, 年 充 或 得 有 分 凶 以 方

州 十 事 月 范押。 日 右仰諸房院依 資 政殿 學 士、尚書禮部 此 同共遵守。 侍 皇祐二年 郎、 知杭

上吕相

之爲狂 之威。 草萊經 而已。 言。 乘 龜 屬太平,不憙生事。 哭太息之説,爲報 如 **北蒙《怪** 陽 金石,不任榮懼,不任榮懼 情既齟 而 伏蒙台慈,疊 ±. 賴至仁 生。 生,服習古訓 松圖 一日登朝, 齬,詞乃睽戾,至有忤天子 小 然則忤之之情無 贊》謂,草木之性,其本不怪 Ė 之朝不下獄以 遏不伸不直,而大醜彰於 一賜鈞 國 輒 仲淹於搢紳 安危之計。 不知忌諱。 ,所學者,惟 翰, 而 死,而 他 褒許之意, ! 馬,正 中, 效賈 修 而 竊念仲 身 天子指 朝 獨 大 廷 生 治 如 如 陸 臣 方 慟 淹 重 妖 民

> 形質。 之地。 及討 今擢 平劇盜,實二公之力。今相公有汾陽之心 不副朝廷委之之意。 ,仲淹無臨淮之才之力。 禄 處 不任惶恐戰慄之極。 Ш 郭 天下指之爲怪木,豈天性之然 方 之亂, 汾 面 陽 一; 非 與 則執手泣別 朝廷委曲 李 臨 重負泰 淮 有 照 ,勉以忠義,終 隙,不交 不宣。仲淹惶 臨 山、未知所 夙 夜盡 則 敗 一言。 瘁,恐 辱久 哉? 釋

恐再 拜。

宋文鑑》卷一一三

與 論 吴 中水 利

災。 江 決不節。 潮 乃來。 而 天造澤國,衆 江 如 海 之 無 愆亢之時,萬户畎 涯 所 壅,良 地 流 勢 所 聚。 頗 可減害。 高 或 溝 淫 溉 若其濬深, 瀆 雨 雖多,不 不 此所以 能 無

五七五

佚

文

旱潦皆爲利矣。

宋朱長文《吴郡 圖 經 續記》卷 下

問 醫 帖

目 疾尤不可急,治須 仲淹啓"人回, 領誨 漸 漸退,急則傷之也。 字,喜慰 喜慰

惜 補 直 藥 氣 不 以 可 補之。 熱,熱 則損 或要出 目, 亦要 外 勾 當,亦足以就 和之也,卻 須

送去。 醫。 更請 醋 相度,多愛! 大 /熱,損 眼, 患 承所要藥并醋,今 人 喫之,立有 效。

請問醫 且學喫淡食不能, 者。 不宣。 即以水和之,庶減 仲淹上師 魯舍人左右, 毒力。

志哉?

宋岳珂《寶真齊法書贊》卷九

月三日。

與 賢 良 書

将就 大對, 誠 吾道之風 采,

宜

謙

下 兢

畏,

以副 士望。

宋劉清之《戒子通録》卷六

與 提 點

未爲國家用,豈肯循常人之情,輕其身汩其 耶 ? 青 門才起立、宗族未受賜、有文學 春 何 苦 多 -病 ? 贵 不 以 攝 生 稱, 爲 意 亦

宋劉清之《戒子通録》卷

告子弟書

乎? 也? 何 得至大官。若獨享富貴 祖宗之意無親 吾祖宗視之,則均是子孫 以 見祖宗於地下? 吴中宗族甚衆,於吾固 自祖宗來,積德百餘 疎,則 飢 寒者 今何 而 ,固無親 年, 不恤宗族,異 有 , 吾安得 顔 而始發於吾, 親 以入家 疎 疎。 也 不 然 日 廟 恤 苟 以

宋劉清之《戒子通録》卷六

告諸子書

養 而 親 吾親甘旨未嘗充也。 吾貧 親 不在矣,汝母已早世。 時,與汝 母養吾親。 今而得 汝 厚禄,欲 母 吾 躬 所 執 最恨 以

佚

文

與知府刑部

者,忍令若曹享富貴之樂也

宋劉清之《戒子通録》卷六

福。施鄉曲之惠,占江山之勝,優哉樂乎!仲淹再拜知府刑部仁兄: 伏惟起居萬

此間 甚 ! 息, 亦 邊事,夙夜勞苦,仗朝廷威 師道、之奇尤近教育,乞自重自重,不 漸 有 1倫字。 鄉 中交親 俱 (荷大庇 靈,即 自 幸 寧

宣。仲淹拜上知府刑部仁兄左右,三月十

日。

據北京故宫博物院所藏墨跡録文

與運使學士

仲淹再拜運使學士四兄:兩次捧教,

五七七

淹 善愛,以慰貧交。 款待,乞多謝。 不早修答, 牽仍故也。 山鹽豉五器,别無好物,希不責。不宣。 再 拜景 山學士四 吾兄遠 蘇醖五瓶,道中 哥座前,八月五 行,瞻 呈親 郎 戀 中經過, 增 下藥。 極。 日 有失 萬 仲 金 萬

與 秀 オ 帖

據

北

京故宫博物

院所藏墨跡録文

日。 不宣。 不果話 候清休。 仲 仲淹頓首秀才仁弟足下。 别, 淹 仲淹 頓 惟珍愛爲祝爲 首秀才仁弟: 奉命 移知 丹 祝! 陽 昨 郡 日 領問, 走 即 正月十五 此 日 諮聞, 上道, 承雅

三希堂法帖

題

跋

題 褚 臨 蘭亭序

高平 范仲淹當守會稽郡,遊蘭亭 曲水。

八年十二月二十六日題。

今復觀斯文於才翁東齋,足爲佳遇。

慶

曆

明趙琦美《鐵網珊 瑚》卷

蘇 才翁所藏圖書

題

范仲淹題 才翁東 齋所 藏 圖 書 嘗 盡 覽焉。 高

平.

清下水譽《書畫彙考》卷五

五七八

景祐重建至聖文宣王廟記

狼之凶 報 ; 則藏 不敢臣,故奉之以 得者得之,失者失之。 其流者若示諸泗瀆。 公宗古之守江陰也,謹 文宗焉,仍命五等,咸得 **豈吾聖之心哉?** 大,如斯 照臨之明,不求其助。 ,而天下亂。 吾夫子之道 ,禮芻蕘之善,廢典皆舉, 而已者也。 也,用則行,而天下治, 得其門者若登其泰 王禮,享之以大學, 蓋後之明王尊 若夫 鑽仰何待,隆 譬覆載之仁,無待 明命,挺至誠,黥 祀之。 衮 蕩蕩 其 成均博 服 積 小廟其 道貴德 乎惟道 污以 訴 咸 Щ 士 昭 神 時。 涉 爲 於 范 斯 而 舍

乎其 徘徊 遷 生拜 也? 賴 舞。 以 制 而富 之藏,九年之廪,諸寮之局,浮民之宇,刑 清風之下, 良,登登丁丁,不月 前 之室,關權之會,皆增 嚴戟署,崇使館,維城之門,維川之梁,百 來,職在共理,綱紀之設,胡 新 南 未 斯 焉?」乃命司禁陳公蒙吉奉 位。 ,大廈斯清,高 隅,藉高明,審面勢,擇工之善,揀材 顯 民之知勸,以濟其 有之家繼 居一日,命諸秀前席而言曰 而謝曰:「惟公之言,惟士之望,盍 然重於改作,子大夫謂之何哉?」諸 燦 切於郡 乎俎豆之事。 阼 人則笑歌; 階 以 請 獄 輸緡 進,依然金石之音, 門 而 黷 成。 斯甚 有 功。 五百萬爲公財之助 其 陽 既 閌 制 春 嚴 堂焉巍奂, 矣,豈奉嚴之意 惟先師之堂,前 度 取 之浹, 既 乃 成其事 廢 聖 以取 墜? 1: 「吾、 乃賢,儼 物 ,於軍 新 之斯 廊 自 至若 焉 訊 貨 鼓

五七九

佚

文

實。 乃頌 時。 協吾聖之教也,豈徒廟爲哉?」諸生復拜而 文,履斯道,存誠顏閔之際,致化唐虞之上, 日 景祐三年五月二十日,高平范仲淹記 ,以樂其成。 禮樂行乎廟 「請 事斯語矣。」命仲淹 中,風 公又命曰: [二]三子 教行 嘉靖江陰縣志》卷七 乎化下。 書之以 服 識其 乃 歌

眉壽堂記

爲此 浹至今。 春酒 公劉以農 鑿 以以 井 介眉 耕 事開國、《豳 \mathbb{H} 壽 野 斯 無惰 民 風》葵棗之化,流 熙 農,歲有高 熙 然躋和氣 廪。

《雍正陝西通志》卷七三

之域,因以名堂。

姒氏世譜序

序

奇 稽 而大禹 黑水,怪則巫之祁,皆離奇幻誕,不 之浸,十日之射。 目爲神,則奇之至矣。乃集玉帛之會於會 氣磅礡鬱塞,盡萃於此邦乎! 而復殁葬之,得無敷土奠定之餘,山 宇宙之奇,畢貢於唐虞之世。 以一身左右之,故號之曰「神禹 山則泰岱華岳,水則 可 如 測 九 Ш 黄 識 之 河 年

遺 則蔓菁荒 石簣、石帆諸勝、覺無乎 **過**冑於疏 予來守是郡,求金簡玉册之藏於石鷂 煙 籬茅屋間,頗能歷歷道 滅没 終不可 不 得覓。 一奇,然 而 其世系始 夏後氏之 探其書,

末,且謹願醇樸猶有不矜不伐祗台遺風,豈

至奇者未嘗不至平乎!

書者,不若得接其子姓之爲猶快也。因爲吾因之追溯明德,慨慕流連,以爲探其

載清光緒二年刊《姒氏世譜》卷首,記以留志之。知越州事范仲淹敬記。

譜藏浙江紹興市文物考古研究所

附録

范文正公文集敘

蘇軾

之矣。 軾言,盡以告之,且曰:「韓、范、富、歐 問先生以所頌十一人者何人也,先生曰 示 師 此四人者 不敢知,若亦人耳,何爲其不 童 鄉 來 子何 者 先 慶曆三年,軾始總角入鄉校,士有自京 生。 嘉祐二年,始舉進 ,以魯人石 用知之?」軾曰:「此 ,人傑也。」時 軾 從旁竊 守道 雖 觀 所 七至京. 未 作《慶 則 盡 能 可?」先生奇 天 T 人也耶 誦習 曆 師,則 則 聖 已私 德 其 范公 陽, 則 詩 詞 : 識

> 皆一 京師。 得其 仲子今丞相 不識范文正公。」其後三年, 因公以識韓、富,皆以國 非 殁。 三年,乃克爲之。 命 見如舊,且以公遺藁見屬爲敘。 既葬, 也歟?」是歲 爲 又十一年,遂與其季德孺 蓋 而 達夫。 墓 + 碑出, 有 登第,始 Ŧī. 又六年,始見其 年,而 讀之至流 1士待軾: 見 不 過許,始識 知 涕, 於歐 見 同僚 曰 : 其 日 叔 陽公, 于徐 面 恨子 又十 彝叟 公之

非 敬愛公,今四十七年矣。彼三傑者,皆得 仲、樂毅之流,其王 昔之願也哉? 古之君子如伊 之遊,而公獨 文亦不待敘而傳,然不敢辭者 名其文字中,以自託於門下士之末,豈非 仕 嗚 呼 ! 而 後學者 公之功德,蓋 不識,以爲平生之恨。 也。 霸之略皆定於 淮 陰 侯見高 不待 自以 尹、太公、管 文 皇帝 畎 而 若 八 顯 畝 于 歲 獲 ‴; 其 漢 從 疇 挂 知

孔 此 劉 佐 中 贵 明 璋,因蜀之資,以争天下,終身不易其言 帝定天 論 口 臥草廬 劉、項 傳耳受,嘗試爲之,而僥倖其或成者 下,漢中之言 一中,與 短 長, 畫取 先主策曹操、孫 三秦, 無 不 如 恓 指 者。 諸 權 掌。 規規 諸 取 葛 及

州

事

蘇

軾

敘

曰 : 於此 不得不然者。 不可得。 六十八,爲文一百六十五。其於仁義禮 無 誦 致 П 忠信孝悌、蓋如饑渴之於飲 者 出 太平之意,故爲萬言書以 「有德者 也。 此 至用爲 公在天聖中,居太夫人憂,已有憂天 書者。 故 又曰:「 如火之熱,如水之濕,蓋 天 將,擢 必 下 雖弄翰戲語,率然而作,必 今其集二十卷,爲詩 · 信 有言。」 我戰 其 爲 執 誠 則克 非 政,考其平生所 有 争 言 ,祭則受福。」非 食、欲 遺宰相,天下傳 師 也,德之發 尊 之。 其天 須 臾 賦二百 孔 性 忘 爲, 於 子 歸 有 樂 下 而

> 十 能 戰 日 也 德之見於怒者也。 龍圖 閣 學 士、朝奉 郎、新 元 祐 知 四 杭 年 州 四 軍 月

范文正公奏議序

哉

竭忠盡、 言鯁 夏 扞 之有補也。 在 天下正人之路,始公闢之。 公,然後知其説之勝,或者不足疑,而 人不 ,鞭笞四夷,使我宋之基萬世不拔。 義, 寇 西垂 琦 論 朝 瘁,知無不爲。 嘗謂自古國家之治否,生民之休戚 ··; 建 在天。 思夕慮,條疏 ,貳機政,陪宰席,宏謀 公以王佐之才,遇不世出之主 明規益,身 人或不然之。 故由 雖 深 可 切。 其後恤 小官擢 絀 今於文正 志 義 大策,出 欲膏 災 則 諫 任,危 南 難 於教 不幸 范

琦

也,聞 克盡 行, 經 也。 遠 或 施 而 聽所及,莫不咨嗟感慟,惜公所藴,不 行 於世。 責 而 近 復沮 識 甚則推諸天,謂人謀之不足 大 者 而 幾 合 + 寡 四 五。 故 其言 逮公之亡 格 而 未

跋

翊

爲

《奏議》十七卷、《政府論 也久矣,惡假鄙 輕,率繫公之用不用,則其德業之著於天下 乃靖王室,朝 同也,俾序以冠其首。 帥西兵, 興起太平,如指掌之易耳。此天乎哉? 副豪所存 圖 在乎人而 ,飫公盛美,義 小則革衆 嗚呼 翊内樞 已矣。 ,爛然可究。 ! 野 公之所陳用於時者,大則恢永 弊,爲不 文 所 , 與公並任, 而出處之與公 不敢讓,且慰賢嗣之意云。 次子寺丞 而 論,謂道之亨塞,時之重 後 少矣。 夫以公之文武兼備 知哉? 一旦朝廷 事》二卷。 君緝公遺文,得 其未用 但以 舉而行之, 以琦 不緣僚 者,今 必 昔

> 具 位 韓 琦 序。

也已。 以賢 誠闕 如 繫於文集之有無,然使學 I 邦,實二公舊治,獨無墨本,而間見於他處, 於文章,散落人間,雖筆端遊戲之餘,而 其所養,得天地之正 雅純實,可以經世 止唐之顔魯公、本朝之范文正公,可謂 鏤 潮人之於退之,柳人之於子厚,因書以致 **然典也。** 稱 板,以傳不朽。 鄱 二公名氏在史官,大節 者 陽 僅 在江左號古郡,昔之爲守者固多 翊攝乏此來,首訪 九 人。 而 而傑出於九賢之中, 斯 氣,故文亦如之。 出治,垂久而行遠。蓋 人之眷眷二公,雖不 士大夫家有其書, 而得之。鳩 在天下。 然是 難 至 又 典 得

乹

道

1

亥五月既望,邵武俞翊謹識番陽郡

跋

其

師

仰

敬慕之意,不猶愈於甘棠之思乎?

板 多 漫滅,殆不可讀。 齋州學有文正范公文集、奏議,歲久, 判府太中先生嘗謂

乎? 君 爲遺集,附于後。 士大 唐則 此 校,且捐公帑刊補之。 :訪 郡 善 夫過郡者,莫不 太守名德如日月之照,終古 顔魯公,本朝則 於是委 本訂 正 屬寮,以 焉。 其間 淳 范文正公。 熙 欲見。 尚有舛誤,更俟後之 舊京本《丹陽 又得詩文三十七 丙午十二月日 其可不 文正之集, 不泯者,在 集》 整治 郡 參 篇

綦

焕

于桂林 於文正公見之矣。 郡齋。 **杜**聞 君子言有教,動 觀此帖, 雖 盛德者,其 時 有 書帖之 法,其

右文正范公帖,得之文定胡公家

以

刻

張

杜

間,亦足以扶世教而垂後 能然乎? 敢敬 誌 之,以 詔來 法。 世。 非 淳熙三年

元 日 廣 漢郡張栻書。

跋

朱 熹

易知。 檢身而 右 范文正 今之仕者 及物矣。 公與 得 然 所 其 其 謂 説 兄 弟 自 而 之書 未 謹 嘗 守之,亦足以 「,其言 營私者, 近 必 而

從

事

北

海綦焕謹

識

附

録

八五

後足 熹書 事上 亦 蔽之萌,禁防以杜姦私之漸 若公之先天下之憂 非 獨 以充其名。 遇人, 效 官者所 以自信, 而其 當知 而 所 不 憂 也 論 擇 後 親 利 天 者 僚 下 害 之樂 引而 友 而 年 门以 趨 ·新安朱 伸之, 舍, 而 絶 樂 雍 然

神道碑

侍 資政 河 E 文殿學士、光禄 三伯户、食實封六伯户、贈兵部 郎 柱國臣王舉正題,宋推 南 《殿學士、金紫光禄大夫、尚書户部 府、兼 護 褒賢之碑」,宋仁宗皇帝 軍、汝南 西 京 留 大夫、行禮部 郡 守 開 事 或 畿 公、食邑二千 誠 保德 内 勸 尚 篆 尚書、 書、知 農 額 功 使、 臣 觀

謚文正公范公神道碑銘。并序。

都。 公既 長山 户 爲廣德軍 祥符八年,舉進士,禮 通六經之旨。 食,人所不堪,而公自刻益苦。 以卒。公生二歲而孤,母夫人貧無依,再 之皇考從錢俶朝京師,後爲武寧 州,事吴越。 有二月,葬于河南尹樊里之萬安山下。 齡爲太保,祖 部侍郎、汝南 貴 人學舍,掃一 朱氏。 公諱仲淹,字希文。 皇祐四年五月甲子,資政殿學士、尚 天子 司理參軍,始歸 既長, 太宗皇帝 祕書監諱贊 贈 爲 文正公薨于徐 公曾 文章 室,晝夜講 知 祖 部選第 其 論 蘇 時,吴越獻 世家,感 五代之際,世家 説,必 時爲太傅,考諱 迎其 州 糧 誦 一,遂中乙科, 州 母以養。 料 本於仁義。 居五年,大 ,以其年 泣 軍掌 判 其起居飲 其 去之 官 地 書記 諱 及 南 滴 蘇 書 夢

歐

陽

脩

其於富 憂而 然有 有 盡 爲 不 一其力,曰:「爲之自 太 在 自 志於天下。 師 憂,後天下之樂 信,不擇利害爲趨 我者,雖聖賢不能必,吾豈苟哉? 妣 貧 謝 賤 氏 毁 爲 常自 譽歡 吴國 我者當 而樂 誦 戚,不一 夫人。 曰:「士當先天下之 捨。 也。」其事上遇人, 如 公少 是,其 其有 動 其 心 有 所爲,必 成 大 與 而 節 否 慨

率百官 治之。 中府 其 無 當 躬,始終十年, 太 爲 后 事 北 太后臨朝 祕 八陳州。 崩, 遂 閣 面 天聖中,晏丞相薦 公獨 已。 校理。 爲 言事 且 壽 開 又上 以 有 聽政時,以至日大會前殿 久之,上記 後世弱 者希旨 謂: 以言忤章獻 未見過失。 司 一疏 已 太太 請還 具。 多多 后 公文學,以大理 主 其 受托 非 政 公上 以 忠, 太 宜 太 天子,不報。 彊 后旨, 掩 后 先 召拜 疏 母: 其 時 帝 言 號 事、欲 保佑 小故,以 右 通 之漸 「天子 司 寺丞 上將 判 諫 及 寖 河

> 使安撫 州。 爲太 以 指 以 爲 益 全其 有 數月,以公知開封 歲 史伏閣 代立者。」 至交論上前。 其 爲 其 上 聲,事日 論 餘 后 遷 材 、大德。」初, 開 徙 私 時 即 争,不 潤 東 進 説 政闕失, 而 拜 亦 公諫 遲 州 南 繇 百 禮 不 益 又爲 速 職 是 又徙 能 部 簡 可 公求對辨, 次 使還 脩 **E** 罷 員 得。 太 以 而 序 暇 百官圖 ,堯舜之治不 其 越州 外 府。 后 大 太 會郭 不 則 册 郎、 貶 日 察。 臣 有 益 后 命 如 開 權 知 遺 天 以 取 語切, 皇 此 封 睦 命, 由 倖 章 母 獻,曰: 古 是 素 后 而 是,吕 多 州 閣 號 今治 歲 立 可 號難治,公治 廢,率諫官御 過 坐落 忌惡之。 也。 待 又徙 楊 大旱蝗, 以 此 制,召 「任人 亂 丞 爲 太 也。」 自古. 職 蘇 安危 妃,代 公, 相 知 還。 州 大 各 饒 居 奉 無 可

安 撫 副 而 使 趙 遷 元 昊 龍 反 啚 河 閣 西,乃 直 學 士。 以 公爲 是 時 陝 新 西 經 大 略

將 至 者 澗 爲 都 置 告 州 將 在 官 和 向 至 臧 地 一,賊 等 數 將 部 以 其 兵 Mi 城 帥 知 難 軍 訓 延 萬 墾 務 署。 與 耕 逆 信 城 大 耀 元 至柔遠 以 不 練 州 之。 户。 族 昊 州 順 將 大 **誉** 敢 持 公爲環慶 且書 累遷諫 齊 危 皆 遣 成 順 常 田 重 犯, 整, 於 去 又 未 敗 人 也 不 不不 ,始號令告 有 公請 慶 復 之説 城 遺 賊 逾 諸 相 僭 州 急 承平、永平 或 議 月 細 書 爲 路 號 路 識 城 近 日 甚辨。 自 疑 腰 大 中 以 經略 皆 0 徙 不 大順 功 引 守 公見 夫、樞密 求 或 公始 用 胡 知 其 小 可 兵 鄜 用。 和 安撫 以 盧 慶 利。 地 以 坐擅 出 敵 延 以 廢 分 爲 於 州 公 處 聞 , 諸 捍 應 自 寨,屬 據 招 延 法。 於延 直 以 賊 變 是 使 邊 要 復 乃 討 州 學 將 既 謂 往築 明 爲 利 害 使、兵 書 自 公 兵 不 **羌歸** 土 乃 州 而 無 珠、 如 久 爲 之 爲 奪 築 奪 知 知 几 事 城 何, 堕, 所 六 滅 素 公 馬 所 賊 業 路 延

召公歸 公爲 守 人 用 罷 Ш \equiv 諸 所 有 勿 賊 至 見,召之臥 而 歲, 伏。 使 蕃 得 過 其 ,復靈武 於 饋 黥 以 獨 輓 以爲軍 質子,縱 賜 不 河 騎 版 法,不敢 以 士: 得 之勞。 矣。 賚 可 賊 築之 守邊, 勇 復 了, 皆 及。 既 已 萬 邊 内 一,惟公 爲 初, 失 而 而 用 來 其 變者 以 實,恩信 民。 公待 計 賊 其 元 屏 争 因 西 出 E 大 昊數 果 ',公 所 徙 人 所部 人, 人籍 意分賜 乃引去。 小 將 其 走 至 設 徹 屯 戒 畢 無一人 吏,必 今尤 遣 於 大 施 兵 衛 追者 爲鄉 諸 具, 使, 但 治 兩 就 與 諸 將 去 在 刺 路 食 稱 使畏 而 不 兵者十 於是 將, 乃 而 其手 語 逃 内 戰 渡 軍 臣 既 决 者。 不 介而 使 地 中 請 法 而 得 諸 德 策 疑 自 數萬 賊 初 和 而 公去 謀 之。 熟 將 蕃 河 而 . 上 愛己 走 不 羌 公居 皆 外 紓 取 酋 謝 知 服 構 果 追 西 爲 兵 既 亦 來 與

慶曆三年春,召爲樞密副使,五讓不

施

行

其

知

政

政

殿

陜

西

佑

者至矣。 夕可也。」既 專文辭,革磨勘例遷以 數事上之。 乃 而 騰 小必 忠 學 宣 Mi 事 會 除 公惶恐避 天 就 磨 、不聽 士、知 邊 章 撫 復 П 濫 纔 以 道 勘任子之法,僥倖之人皆不 然事 使。 奏有警,公即 而 閣 其故,言 官, 太平責之。 嫉公者,亦幸 而 郊州 既 歲 用農 其 召見賜 至則 有 席, 上 至 而 先後, 詔 再 數月 始得 者遂 罷 . 兼 上 桑 天下 坐,授 考課 手詔 書 陜 請 公歎 而革弊於 以 有 而條 興 以 西 願 外有言,喜爲之佐 别能否,减任子之 行,乃以公爲 /學 取 司 危 趣 兀 爲 守宰等事 以 復守邊,即 日 事 悉 路路 列 參 紙 使 安撫 中 幸 時 士 知 筆 「上之用 條 久安,非 之。 所宜 罷 政 ,先德行, 一,使 天下 公前 使。 事 -便,因 方 一先者 疏 拜 河 0 賴 事 其 資 施 於 上 所 東 朝 我 每 字,而 外和 贈以 四。 求知 其 士里 至民 及 非 日。 守 于 自 退 賓 鄧

行

相

與

數

而

不

+

前。

又闓

許

進

見

繫天下國家之大者,亦公之志也 墓,譜于家,藏于有司 多 客 以 穎 \equiv 兵 閭 而 内 方公之病,上賜藥 是 樂道其 州。 其遺表無所 立祠 視其 剛,樂善泛愛。 部 歲,求知杭 時 食 田 示 尚 夏 野之人,外至夷狄,莫不 畫 肩昇至徐,遂不 私,妻子僅 書,所 重 人 事 像。 己 肉。 者甚衆。 州, 稱 以 請 其 臨 臣 哀 又徙 行 喪其 存問 給 使就問 財 恤 公因 ·己臨· 者,皆不論著。 及其世次官爵 衣 好 之 青州,公益 母時尚 食。 起,享年六十有 施 甚 以 事 其家 既薨,輟朝 厚。 意 `, 自 疾 其爲 敷 豁 請 貧,終身 所欲爲, 公爲 知 搢 紳 政 如 病 鄧 其 了, 所 也 州 人 名 誌 處

川,及其士 躬,與時偕逢。 銘 曰 : 民。 范 於吴 范始來 事 越,世 有 此 罪 功,言 中 實陪 間 臣 有 幾 違從。 息 俶 公奮 納 岢 Ш

堕完。 公必 事 頑。 其子孫,寵及後世。 不危,天子之明 誉,卒壞于成。 兹惟難哉 夏 方議 童 有 跳 見憐獸擾,卒俾來臣。夏人在廷,其 不 邊 夭 帝 聽 子用公。 乘 趣 初 順 吏 匪 公來,以 ,鉏其穴根。 匪惡 怠 其難,其在終之。 存 安。 惟 有 其 其 百有位 顯 成,惟公是傾。不傾 就予治。 難 帝 、祭,殁 其勞,一 命公往 公居三年,怯 可可 有 公拜稽首 勸 贈 门,問 其 無怠 群言營 謚 初 彼 終。 藏 勇 驕

吏部 史館 郎 修 翰林學士、尚書 中、 撰 歐 知 陽脩文,翰林 制誥、充史館修撰 吏部郎 學 士 中、知 兼 王洙書 侍講 制誥、充 尚 書

墓誌銘

年夏五月二十日甲子,資政殿富 弼

皇

祐

四

齡,以 泣。 物, 監 徙 求 河 帷 馬 學 秋 遠,於是世 自 稱,實公之遠祖也。 特贈兵部 生贊時,幼聰警,嘗舉神童,任祕書監,集 良鄉縣主簿。 南縣 生墉 泊 爾遂爲吴人。 長 銘 幘還洛,卜以是年十二月一日壬 以 共 悉用加等。 安。 至於巖 公喪 歷 ,將納于竈。 才德 户 萬安山尹 朝史爲《資談 ,博學善屬文,累佐諸 部 尚 聞 唐垂拱 雄 侍 食銭 書。 壑 天 江 郎 遭亂 處 子感. 范仲 右,即公之曾王父也 氏 太常考行,謚 時中原多故,王 樊里先隴之側。 中外士大夫 逸, 中,履冰 之禄。 日 奔二淛,家於蘇之吴縣 四 淹 録》六十卷 公之先,始 無 慨 代祖 以 不 不痛惜之。 疾 蘇 相 隋 薨 州 王 駭 則天,以 御 文 于 行 糧 唐 幙 然, 居 正 垂 徐 一澤不 府 料 末 孤 於時 河 中,葬 拱 。 録 其 相 判 爲 吏走 馳 内, 能 文 官 孤 吊 端 判 出出 使 孤 章 護 官 夢 逮 州 後 來 干 以 賻 拱

太傅、太師 即 初 大國,追 掌記之第三子 隨 錢 俶 封 Ŧ. 追 納 或 妣 贈三代, 一,終武 陳氏、 也。 朝廷 寧 又擇 妣 軍 陳 以 節 氏、 徐、 公貴 度 許、越、吴 謝氏爲 掌 用用 書記 太保 太夫 四 公

校 除 或 進 度 子 吴國 符八年中第,調 亳,吴國 無 異 大 老疾 理 推 依 姓, 、再適 太夫 理 官 公諱 丞 丞。 辞, 相 [命,始· 懼 人 制 仲 長 以文學 傷吴國之心,姑姓朱。 監 又舉 以 置 淹, 山朱氏。公既 楚 北 使 奏而復 廣 州 字 歸 知 舉 德 薦 希文。 興 之初,亡親 糧 監 軍 公于 化縣、建 料 焉。 泰 司 院。 州 理 朝 不幸二 公少舉 西 椽, 長,未欲與 T 試 州 溪 戚 權 憂 可 鹽 關 故 後從 集慶 去官 進 歲 廪, 舊 隸 署祕 以以 士; 而 以 朱 軍 事 貧 孤 閣 服 旲 绺 節 祥 於 氏 而

時章獻皇太后臨政、己巳歲冬至、上欲

公上 官賞 州。 復 疏 欲 率 不 長 府 强 之者。」上 太妃楊氏爲皇太后與 至,願以 奏,遂罷 雖 樂,擢 通判。 禮 容 躬 稱 偪之階,不可以爲 曰 切 百 (者, 訪 遷太常 冀 孝德 制 疏 切 僚 權 人 幸 以 極 П 爲 爲 上官賀婁事爲戒。 上壽 轉殿 而 悟,第於后 壽 取 於其 以 語 諫:「古者立太后 主 右 焉 卒 博士 惑 勵 司 北 詔 於 而 出 儀,然后 間。 中丞,謀葬吴國,再 天下, 天 諫。 面,是首顧 下 畏 ĪĘ, 於中旨, 下 草 憚 武 聞 耶 法。 泣 斯 屬 儀 無 政。 京 而 武 頗 ? 號 朝 亦 注 未 師 相 不 或宫中用,是爲 而 廷 迺 庶 臣 遑 敢 躡 制 多 懌, 居 止 用 明 附 搢 所 所 平 恐 出 不 餘 論 下, 章 年,章獻 紳 驛 其 者。 後 尋 關 恤 以 失 都 后 矧 奏 世 可 請 出 有 尊 下 遺 色相 而 上又 有 疏 爲 也 爲 公獨 通 司 令,策 數 親 詾 以 后 甚 判 河 后 而 况 也, 詾 視 專 家 族 窺 棄 貇 陳 中 疏 抗

五九

録

H 孔 成 室 納 其 相 如 揀 H. 也 配 議 **F**. 撫 欲 公日 前 宮,則上有 道 之,奈何 相 妃 人 至 廢 時 久 嬪 孰 尊 輔 窘 明 故 弊 日 郭 雖 留 公 率道 名 日 Ź + 語 無 繫 故 别 殫 后 諫 取 骨 老 事 ,又率其 過 領 如 補 職 「陛 輔 欲 稱 漢 上 ,皆政 鯁 上 陛 走 而 闕 此 常常 以 后 書 將 唐 遣 外 下 失 之重, 仁 大 尊 亦 前 后 日 留 下 廢 中 天 者 江 屬 教之大者。 扶 世 而 · 當 無 亦 百 后 貴 所 資 朝 淮 「后者,君 弊 及 下 公 懇 所 辟 事 面 未 以 人揮之, 如 夕 法 群 飢 議 無 BIT 懇 班 諭 爲 長 官 堯 勸 御 輕 累 , 論 忌。 揖 不 以 解。 后 養陰 以 舜 導, 盛 史,伏閣 議 宰 失,放 忘 才 其 過 累月還 令詣 稱 貴 德 矣。」 公 憂國。 俟 命 時 相 切 教 失 存人 耶 宜 吕 其 廷 以 公體 直 而 ? 書 輕 之 中 因 夷 辨 門 悔 天 母 |奏,不 ·書省。 别 廢 朝 目 簡 又 中 論 子 途 而 万 量 而 館 立 明 列 或 之 滴 抵 輔 爲 復 中 安 不 派

子。 外 對 侮 罷 欲 敢 應 漏 宜 失 益 命 餘 而 口 若 者 未嘗 去。 急 竄 郎 專 其 撓 不 舌任也。」公曰 不 舍 不 知 明日, 勉? 奸 文應 以 敢 然不 實 天 宰 勝 專 蘇 會 京邑肅 公處之深 不 劇 違。 章 宰 恣 州 相 降 爲 嶺 煩 必 宰 閣 口 相 盡 不 陰 知 南 上 不 公 條 恪 待制 以 之 朝 相 而 使 尋 睦 力 聞 與 然 其 不 職 廷. 不 知 月 人 : 州 陳治 事 死 之 罪 知 察。 知 也 稱 「論 暇 不 誳 召 多 于道 惡 俱 清 治 威 而 臺 他 口 公:「待 還 矯旨以 亂 思 大 天 斷 聞 生。 議 吏 不 誘, 議 之道 者 子 取 于 屬 如 於 食 促 有 亦 乃 正 公自 公, 時 上 職 日 神 即 上 人 將 皆 付 命 制 幸 官 侍 局 擁 以 道 吏 内 就 主 外 其 官 方 知 臣 澴 上 万 家 由 縮 都 拜 侍 辨 開 無 有 之事,予 闕 始 品 幾 事 用 在 執 禮 手 知 從, 論 紀 失 封 知 人 不 屬 謂 政 閻 部 郡 以 非 府, 非 所 得 每 敢 即 事 遽 長 知 員 歲 類 文

極 饒 1 獻 選 道 州 前 次。 相 庶 所 o 繼謫 上易覽。 公亦 是日 不 至 可 於 去。 者, '; 上 連 超 詆 室 遷 治 皆當 封 宰 饒 相 序 贈 相 未 益 進 世 書 久, 不 論 英 附 坐是 . 悦 豪。 徙潤 公以 見 嗾 其 去 又徙 宰相 其 下 閣 忠 黨短 義 職 指 爲 越 獲 爲 貶 啚 譴 朋 於 知 以

黨

之。 使, 既 恐 戍 延 將 移 州 廢 漕之 戰 遷 掃 知永 州 ,大將戰 仍 至部 H 事 延 地, 寶 食 遷 久, 兵 任 興 元 不 待 以 龍 城 首 初, 時 軍 没,關 待 竄 外 圖 不 往。 無 按 羌 寇 道 即 閣 預 紀 之復 鄜 凡 授 直學 人壓 公遂 戎 寇 中 律 延。 朝 陜 事 壤 警嚴。 ,猝有外警 來。 廷 西 境 共 留 時 遂 遣守,皆 都 叛 巋 不 延 吏部 改 上 轉 行 然 於是還 安 間 充 嘉 運 孤 始 歲 員 經 騎 使。 而 壘 蕩然不支。 以 木 悉 外 略 從 奏 一,人心 事 公舊 兵 衆 郎 之。 安 議 願 避 火, 寇 兼 以 撫 者 職 免 屬 領 危 障 寵 謂 延 副

之。 賊 公於 兵 州 以 悟 廷 前 好 广 廷 振 官 福 命 立 不 ",莫不 降 水 屬 馬 公 賊 報 此 視 推 裨 公執 賊, 邊 羌 都 擅 書 賊 III 其 是 佐 遷 知 遣 可 部署。 以 塞 萬 畫 大 譎 報 訓 左司 乃自 思 使 耀 坐 諸路 猶以 書 天子 餘 閲 罪 而 戰 飭 者 其 州 守 署 帳 州 當 非 0 郎 完 還 占答,黜 有 老 爲 僭 由 兵, 誠 誅 中 皆 不 而 幾 開 古 馬 未 吾 號 是 以 數 寇 誉 月 益 得 未 如 上 砦 本 師 遺 益 月 爲 知 田 自 出 萬 Ш 者 路 知 無 信 拜 其 公 我 法 數 境 信 立 八 公,其 幾,涇 經 舉 朝 一个個 户 請 公 素 有 干, 立 不 T 略 爲 廷 部 聞 署 智 和 爲 成 備 報 頃 可 安撫 「爲陳 F 精 公公 郎 謀 原 青澗 析 好 賊 責 爲 動 即 鋭 其 中 爲 水 過 師 以 衝 止 不 招 是 引 議 六將 111 收 城, 出 士氣 命 忍 謂 起 逆 去。 然 計 遠 軍 敗 俾 削 執 敗 將 宜 知 順 復 地 使 實。 甚 從 計 散 慶 政 始 禍 朝 于 朝 大 分 兼 與

懷 淹 初 師 赴 復 雖 民 三萬 使,主將 自 滅 大 將 意 境 定 其 出 援 震 且 臧 順 勿 子 駐 不足,乃雜 此 相 因 章 援 死 追 騎 環 柔 衝 111 且. 而 移 不 强族 三, · 吾 據 遠 徐 示 慶 吅 事 虞變 咸 將 其 · 怨。 執 又城 砦 城 以 屬 無 聞 務 而 不 激 兵 各 率 政 下,公麾兵 使禁旅 羌 果 憂 别 生。 姑 能 賊 久之,涇 上頗 萬 細 衆,公亦 耀 曰 矣。 悉 有伏 遣 歸 息。 城 腰,復 餘 于 公知 蕃 路 駭, 爲 人及並 數 鬍 兵 吾 公築 將 公至, 擊 吾 原 蓋素 謂 夜 日,公奏至 輔 取 知 之,會 胡 親 ľП 用。 親 師 ·", 人 遁。 侍臣 其 范 延、慶諸 盧 戰 往 率 環 自領 再 服 地 等寨, 仲 勞 心 先 垓 千 已 城 則 喪 티 : 公 士。 淹 是, 卒 由 下兵, 牙兵, 出 定 威 餘 既 遽 得 可 ,上大喜 城 是大定。 帳 招 北 之, 塞 111 惠 V 有 用 得 一,遂 堡,募 勞 内 明 詔 范仲 驕 連 蝎 戒 頃 先 出 苦 珠、 附 加 名 諸 班 夜 轉 難 賊 命 不

> 命,但 地 陜 忘。 獨 樞 日 屢 環 西 鱽 密 懼 漸 慶路鄉 朝廷 四 直 刺 不克當, 議 復 路 學 其手, 黥 靈 尋 經 士 夏, 略 盡 軍 鄉 右 ,因遣使 安撫 得 非 以 然 諫 復 西 校 惺 後 議 戰 路 爲 招 甚, 可 大 講 民、民 請 討 委 以 夫。 和 使。 公,置府於涇州 竄 農 誅 匿 于 德公,至于今不 賊 方謀 時 不 家。 朝 願 賊 取 廷 黥 後 知 以 横 罷 公 Ш 戍 兵 故 授 改 卒 無

從, 求 歲 則 詔 詔 諸臣,公亦務盡 於兵府。 治 月 政 再 乃拜之。 必 明 間,數命 辞 而 遣 有弊 年春,召公 人不 内 以 是秋, 臣 事 者,三 輿 公 就 大 知 所 改 議 條 爲 政 不可 謂 當當 藴 參 王 事堂督 悠 爲 以 公 知 久 所 世急務,求 樞 忽致 圖報。 有 之 政 不 密 經綸 事 道 取 能 副 於是 也。 免 使, 開 之才,不 然天下久安, 上倚 公始末 龍 凡 公將 露 E 啚 公右 方 Ŧi. 熏 閣 鋭 降 劘 宜 讓 手 奉 於 於 以 局 不

者。 子、 耶 ? 邪佞、振 紙 知之如不 奏褒納, 府促行。 札 更衛 又先時 即 吾 令立疏者各 紀 以 益信公忠耿,不爲 兵、擇 君 聞,持之益堅 綱、扶 + 求 别 論者漸齟 策 治 上 守宰、謹 上之。 如 道 法度之説 月日 經 此 龉 世 之 蓋 不合, 敕 面 切, 取 令、厚 身謀: 甚多, 詰 士 者 其 作謗害 可 不 課 恤 暇 農 行 皆所 可 吏、 也 歲 桑 數 事 以 之 減 月 遽 公公 待 覽 抑 類 任 退

鄙。 本道 使。 不 有 棄,疆場 和 敢 廢 m 於是 地 帥 麟 īE. 懈 明 尤 年 視 州 病 日 因 廣 得 **永** 向 無 蹙, 懇 不棄。 著令禁不得耕 前 ,邊奏疑若有警者,公慮 者 供 請 歐 不 亦被 給給 陽 按 可。」請 ,奏欲棄之。 邊, 脩 又 寇 來 代 掠 即 使, 郡 復 命 邈然 西 廢 盡 河 兀 障 郡 籍 東 公曰 在 州 縣 其 陜 使 賊 軍 以 利 民 西 帥 腹 敵 附 : 害 耕 宣 臣 中 嫌 邊 請 麟 恃 干 撫

遂不

起,年六十

四

撫使。 安撫 郎。 制郡 矣。 不協 即 疏 如 弛 禁,許 除 手 脩 奏 公既 使,幾歲 授 罷 祀 議 因得厝先人之墓, 明 以 資 願 便。 人 堂, 公至,於其利 疾 度 政 解 耕以 請 陜 殿 政 後 病 復 鄧 學 事 以 止 疾, 遷 輸 州 西 耕 士 户部。 復 羌 岢 又請 可 遷給 知 領 好 嵐 代 大 邠 四 潁。 移 難 且 轉 事 又移 路 州 境, 杭 保 Ļ 中。 輓之勞, 兼 肩 州 以 而 所嫌者, 青 而 陜 邊計 輿 總 州 塞粟 西 加 一年,又 護 至 禮 以 兼 四 彭 諸 尚 已充 東 部 路 屢 帥 缺 路 侍 請 安 奏 議

馭 務 以 康 跂 剛 聳 逕 吏,使不 濟 之志。 雅 勉慕,皆欲行之於己。 决,未嘗爲 公爲學,好明 事 得欺 有 凡所 不 安者, ,於是民皆受其 人屈 設 經 施,必本 撓 術。 極 意 歷 每 論 於仁 自始 補 道 辯 聖賢 外 賜。 , 義 職 仕 事 立 以 而 慨 權 業, 朝 嚴 將 然 益 之 明 有 輒

貢,朝 望 體 也。 者 公曰 不 至 喪 篤 則 不 口 口 黜,亦不 E⁵赫赫 道 治 重 滅之功。 奉 蹙 行 守 破 忻 而 屬 哉 武 者十八九,行者又即 ,久安之弊至 至 漏 自 然 憂 ,雖愚者 廷始 雜 患 於 事 知 而 我 羌 畜 在 悔。」噫 而 去, 明 故 懇 其歷 道 口 鋭 議 莽 然其 又邊 者 田 以 觀 人 則 屢 知 耳 乎 息 也 阜 扼 未 釁 然 亦 其 兵, 目 無 備 0 閲 深 府 財, 寇, 見 始 不 所 適 久 在 苟 皆 武 乃從 如 纔 用 見 口 取 廢, 陜 而 此 啚 立 公,乃韓 尚 可 練 歲 其 濟, 得 欲 後 進 西 未遂 然 法 將 其 爲 忽 改 餘 有 以 世 討 每 著 公周 請 可 况 破 尤 廢 而 而 悔 能 用 信,愛民 棄, 以 賊 ,於是不 不 所 罷 王 爲 色。 愈 者 會 必 震 施安 奏 ,若夫 之地者 師 用 宣 所謂 假 歲 臨 未 羌 朏 議 敵, 兹 力 新 或 女集, 易 人 百 之。 唁 敗 復 之 天 全 其 城 能 以 信 用 所 阻 下 以 而 又 或 调 要 成 修 坐 剥 儒 道 百 黑出 而

> 蹈 己志 呼 照 甚 乘間 重 江 1 者 主 知 海 鋒 憂 而 必 道之難 公 也 不 欲 起 而 無 志 擠之 生 蓋 他, 乎 民 行 以 邦 未 以 也 始 奇 家 得 死 而 終 中 安 至是乎 保 此 而 造 也 後 先民 端 全, 己。 飛 宣 ? 獲 所 撫 語 賴 憸 殁 以 之 無 上 甘 牖 人 所 初 寬 藜 荷 下 不 度 藿 讒 欲 及 者 明 伸 嗚 而

三卷。 《文集》二十卷、《奏議》十七卷、《 貴 無 疎 在 用 也 私 之樂。 澤 所 屬 杭 有 作文章 處, 無。 公天性 盡 而 此 官 斂 以 益 每 既 無 爲 餘 見 ,猶以 撫 顯 喜 新 假 俸 其 施與, 門中 邊 衣,友人 買 屋 始 賜 傳道 田 韓 卒 金 如 人 於蘇 城 志 銀 賤 有 名世,不爲空文。 以 醵 於道,不 甚 貧 急必 州 居 資 時,家人不 而 之。 以 河湾之, 號 悉 奉 義 以 兩府論 爲 葬。 遺 莊 遺 禄 表 不 將 識 仕 不 諸 以 計 佐

干

H

孤

聚

有

家

蕃。 三女 佑 縣 太祝。皆温 家,純仁,進士第 守將 君,卒於鄱 諸孫 娶李氏,故参知 長 作監 適殿 三:長正臣,守將 |厚而文,識者曰:范氏有子矣。 主 中丞蔡交,次適 陽,今舉 簿, ,光禄寺丞; 政事昌齡之姪,封 少 有 而 氣 附 作監 焉。 節, 純禮,太常寺 封 以 主 丘 四 子 : 疾 主簿 簿 廢 金 賈 純 于 華

男純

粹、一女、二孫,幼。

莫究宣 有然。 繁。 涉 自 聞 范 聖之餘, 人,間代而出。 得姓,千 ,厥姓始彰。 人獲一善,已謂 銘曰:公之世系,源 遭時 元 <u>Ti</u>. 揭 元卒艱,噫嘻乎天。 得 百 厲 君 年。 睢座蠡 「, 位 泗 或霸或季,所有何述。 沿。 亦 其 獨 難。 顯 公挺生,爲天下賢。 增,滂寗雲質,兹 道尊德雄,事公日 焉。 于 公實百之,如 陶 罹 唐。 此 讒慝 晉 會 恋,志 無 粤 惟 食

文正公傳

范仲淹,字希文,蘇州人,武寧

張

唐

英

軍

記、

贈太師墉之子。

幼狐

,母適朱氏

獻厭 州。 壽,抗 仲 員外 郭 害,當時皆以王佐許之。 之,命知開 召試秘閣校理。 累遷大理 淹明敏 后 不當廢 世,擢爲右司諫,言楊妃不當稱太后, 屢上疏言内降之弊,引韋 祥符八年登進士第,日 郎、天章 疏言不可,遂罷出 通 寺丞,上 封府,欲 降知 照 閣 次决事 上欲以冬至率百僚上太后 待 睦 相 制,論 處 州,遷蘇 如 府 以煩 神 書,極 通 宰相晏殊薦其文, 事 京 判 劇 益 州。 朱説者是也 師 河 而 切。 陳天下之利 后爲戒。 謡 不 中府 召爲 日 暇 執 他議 禮 遷 政 朝 部 章 陳 狂

得 諫 言 也 無 事 四 者 罪 高 憂 若 以 有 陳 訥 仲 范 余 不 治 言 君 靖 淹 肖 蜀 貶 離 京 尹 黜 以 詩 間 師 洙 太 開 君 以 無 皆 輕 悟 臣 詳 歐歐 事 坐 人 落 其 有 主 朋 陽 事。 職 希 黨 脩 歷 知 文。 被 詆 上 不 饒 絀 書 人 肖 每 州 責之, 臣 指 蔡 上 事 不 若 襄 殿 法 訥 作 亦 司 奏

學 數 行 州 嘉 職 \mathbf{H} 日 爲 萬 而 士 知 日 招 無 兵 仲 永 寶 從 老 H 屬 以 興 甲 之。 淹 時 元 子 羌, 訓 延 奏 軍 初 延 不 練, 大 州 及 請 閱 安 道 元 比 范 爲 請 兼 號 兵 新 授 昊 大范 意,今 謂 戒 爲 領 得 被 陝 叛 范 諸 精 延 萬 韋 西 老 雍 F. 路 安 兵 都 小 八 子 朝 知 養 也 焉 軍 千 轉 范 可 廷 兵 其 運 老子 欺 以 遷 畜 城 擇 賊 才 待 遷 六 帥 青 兼 鋭 聞 戎 腹 寇 龍 將 之, 澗 文 不 X 中 皆 至 圖 武 開 呼 第 俾 畏 累 宜 自 知 領 L. 古 復 輕 誉 有 不 戒

討。 罪 其 尋 不 賊 動 兵 擅 陷 口 0 止 奔 未 報 好 俾 賊 移 北 幾 當 水 朝 許 知 仲 誅 狂 以 賊 耀 報 書 遂 兵三 淹 州 戒 賊 請 上 益 和 以 諸 信 乃 萬 尋 將 爲 報 仲 自 叩 起 閫 無 賊 作 淹 城, 知 外 追 書 書 以 慶 仲 之 奔 爲 元 與 州 事 淹 是 昊 既 陳 國 鏖 兼 專 m 逆 而 兵 果 經 之 執 順 叛 血 略 有 不 政 戰 賊 足 以 賊 招

援。 兵。 出 聞 嚴 環 蘆 黥 上 之, 等 自 明 州 鄉 援 定 砦, 种 軍 111 有 初, 又 口 威 王 之敗 奪 龍 世 關 無 仲 震 招 師 賊 圖 衡 淹 慮 輔 明珠、 戎 再 馬 公 招 頗 人心 惟 落 喪 砦 爲 千 令 及 以 於 爲 滅 長 餘 動 刺 聞 鱪 定 大 臧 帳 城 心 摇 其 仲 中][[順 遂 手 淹 爲 吾 及見 城 强 自 安 出 憂 仲 屬 是 族 及 及 師 淹 何 第 仲 曰 屬 萬 兵罷 築 畫 甚 憂 淹 相 羌 餘 細 夜 若 耀 喜 1 智 人, 皆 腰 領 環 得 兵 日 初, 爲 及 仲 號 兵 復 慶 時 用 命 路 議 邊 令 赴 葫 伏 淹

皆復 府 於 涇 得 爲 農。 仲 淹 與 上 韓 尋 琦 以 叶 几 ·謀,必 路 都 招 欲 討 收 委之, 復 靈 夏 開

明年春,召爲樞密副使,以鄭:横山之地。元昊大懼,稱臣。

凡所措置,十未行一,而權勢者大惡之。之塗,開公正之路。天下側耳以聽太平。衛兵、擇守宰、謹赦令、厚農桑之策,塞僥倖秋,拜參知政事。乃上取士、課吏、減子、更明年春,召爲樞密副使,以鄭戩代之。

日 徐 書,謚文正。子純 移杭州、青州、遷户 之,皆不敢動。 士復總四路之師, 奏警,仲淹自請 純 州 朕 仁,登進士 而 明 方將 薨,年六十四。 年,契丹與元 大用,不謂 懇以邊 出 一第,有父風,今爲都官員外 開 爲 佑,有才識 部侍郎。 府 河 **昊争**銀 東 奏至,上嗟悼泣 邠 事爲請 其早死。 陝西 州 甕,旋而 以 又請 以疾請 ,以資政 宣撫,二虜 疾廢于家。 贈 汝陰,至 兵部 麟、 鄧 殿 下, 州, 尚 府 學 聞

郎。

《宋史》卷三一四《范仲淹傳

第,爲 慶軍節度推官,始還姓,更其名。 粥繼之,人不能堪,仲淹不苦也。 泣辭母,去之應天府,依 姓,名説。 先,邠州人也,後徙家 息,冬月憊甚,以 仲淹二歲而孤,母 范仲淹,字希文,唐宰相履冰之後。 廣德軍 少有志操,既長,知其世 司理參軍 水沃 面, 更適 江 ,迎其母歸 戚 南,遂 同文學。 食不給,至 長 Ш 爲 朱氏,從 蘇 家, 迺 舉 晝 州 進 以 夜 吴 改 其 其 糜 感

淹 州 斥游惰,去冗僭,慎選舉, 名, 糧 料院,母喪去官。 監 召寘府學。 泰州西 溪鹽税,遷大理寺丞,徙監 上 一書請 晏殊. 擇郡 撫 知 將 應 守, 帥 天 凡萬 舉 府 縣令, 聞 餘 仲 楚

倡之。 奮 易 言 亡所倦。 六 完 顧 衣 經,長於易,學者 而 服 身, 出 除 一; 仲 嘗推 以 一時士大 淹晏 殊 其 薦 奉 如 多從 爲 以 大無矯 也 祕 食 質 閣 四 厲 每 問 校 方 感 尚 理 遊 爲 激 風 士,諸子 節 論 執 仲 天下 經 自 淹 講 仲 泛 解 至 淹 通

宗以 常歲 不報。 應、壽 多 非 朝之,不可爲 于 子率百官上壽 以 所 宫及洪福 内,自有家人禮,顧 市 以 爲 内 寧 聖七 降 木 忠 尋 順 ,天戒 除官 之數 人 通 心、合天意也。 院,市材 判 年 後 不遠。 以以 河 非 世 章 仲 中 法。」且 太平之政。」事 蠲 獻 ·府,徙 淹極言之,且 太 木 除 今又 與 后 積 陝 百 將 上 西。 負。」又言 侈 陳 官同列, 宜罷修寺觀 疏 以 州 土木,破 仲淹言:「昭 請 冬至受朝 雖不行,仁 太 日 時 后還 [: 「奉 方建 南 「恩倖 民 面 河,減 産 政 太 親 天 而

> 者。 太 詔 下 后 曰:「太后 不 妃 者 十 中 時 外,毋 可一 今一 楊 事 太 ', 仲 后 餘年,宜 氏 日無 太后 崩 爲 ,母號也,自古 輒 淹 皇太 論 召 日 母后之助 崩,又立一太后 太 掩其小故 爲 后 太太 后, 右 時 司 后受遺先 參 事 諫 矣。」 決 無 以全后 初,太 軍 大 言 或 保 事 天 帝, 育 事 者 F 后 德。」 帝 調 多 而 遺 Ħ. 代 仲 護 暴 立 淹 陛 以 爲 陛 太

淮 折 不 遣 使循 ,所至開 食,當何如?」帝惻然,迺 役茶、江 歲大蝗旱,江、淮、京東滋甚。 行 東 未報。 倉 1 振之,且禁民淫祀,奏蠲 П 鹽 乃請 錢, 間 且. 日 條 命 上 仲 救 宫 淹安 敝 掖 仲 + 中 撫 事 廬 淹 半 舒 H 請

待 大水 不 漏 能 ·, 民 得。 院 會郭皇 有 田 明日 詔 不 后 出 得 將 廢,率 耕 知 留 睦 仲 百官 州 諫 淹 官 疏 揖 歲 御 Ŧi. 宰 餘 史伏 河, 相廷 徙 導太湖 蘇 閤 争,方至 州 争之, 注 州

外 之海 留 郎、天章 郎 仲 募 淹 權 以 知 閣 人興 畢 開 待 其 制, 作 封 府 召還 未 許之。 就 判 尋 國子 徙 拜 明 尚 監 州 書 遷 禮 轉 部 吏 運 部 員 使 外 員 奏

也。 今日 帝 爲 悦 簡 必 古 如 淹 日 近 信 臣 : 四 居洛陽 此 1 夷簡 而 仲 張 論 爲 他 ,凡超格者,不宜全 百 時 亦 仲 汴 禹,不 官官 以 日 不次,如 淹 有 淹 日 爲 對 獻 夷 圖 張 離 : 論 几 益 當 簡 疑 間 禹 大 戰 建 此 指 執政 切 漸 舅家,故有 陛 此則公,如 抵 之地、太平宜 都 其 仲 廣 壞 由 下 譏 之 次 淹 儲 , 陛 是罷 君 切 進 事 第 迂 蓄,繕宫 下 臣 時 用者多出 鱪 日 委之宰相。」夷簡 仲 知 家 所 政 之論 新莽之禍 此 饒 淹 法。」 如如 則 州 引 居 日 且. 室。 也 私 此 汴 用 : 夷 日 其 爲 : 簡 帝 門。 皆 仲 即 洛 况 序 怒 問 陽 進 有 朋 臣 漢 淹 遷, 退 恐 仲 鲎 訴 成 洒 夷 事 險 不

> 言,移 敕。 去, 所言 故 士遜 閣 自 曰 朋 年,夷簡 優容之矣,臣 : 校 也 訟 黨 士大 曰 勘 者 與 殿 仲 書 揭 歐 仲 在 中 今朋黨稱 夫爲 淹 亦罷,自 責之。 向 之 陛 侍 陽 淹 以 朝 御 師 脩 下 貶 請 論 言 堂。 友, 史 仲 以 母子夫婦之 追改 薦者 是 薦 由 韓 淹,爲 高 且 忤 朋 是,三人者偕 如 若 於 瀆 嘗 宰 前命。」太子 不 黨之論 此 訥 是 希 薦 相 其 Ė 在 祕 宰 己, 奈 密 諫官 何? 間 遽 相 書 仁宗 請 願 興 乎 加 日 派 建 矣 從 ? 貶 余 中 請 謂 立 坐 坐 再 降 竄 靖 陛 皇 宰 貶 視 允 書 仲 下 黑出 太 尹 況 上 仲 下 詔 相 淹 IIII 弟 洙 張 明 既 前 戒 既 不 館 淹

討 西 元 昊 使 都 反反 仲 轉 進 淹 運 仲 召 使。 在 淹 爲 饒 龍 天 州 會 啚 章 夏 歲 閣 閣 竦 餘 直 待 爲 學 徙 制 陝 潤 士: 西 知 州 以 經 永 副 略 興 又 之。 安 徙 軍 撫、 越 改 夷 州 簡 陜 招

再 日 人 相 臣 鄉 帝 論 諭 蓋 仲 或 淹 家 使 事 釋 於 前 夷 憾 簡 無 仲 憾 淹 也 頓 首 謝

兵,得 軍 同、 衝 平. 萬 郎 可省糴十之三,他 又以民遠輸勞苦, 教之,量 禦之,則官 人,以官爲先後,取敗之道也。]於是大 一大興 諸砦既 中 華中下户 鈴鈴 兼 延 萬 州 知 戴 誉 轄領 八千人,分爲六,各將三千人,分部 諸 延 廢 衆寡 Ш 2卑者 砦多失守,仲淹自請 税 州。 Ŧi. 月 且 用 租 千 7, 先 种 先是, 聽 人,都監領三千人。 就 所 請 世 更出 出 輸之。 民 減 建 衡 得 鄜 不 詔 仲 策, 禦賊。 與。 互. 城 分邊兵: 淹 春 爲 市 城 曰:「將 夏徙兵就 以以 詔 軍, 青 時塞門、承 行 澗 以 以 通 總 爲 以 遷 河 有 康定 不 據 閲 寇 管 户 中、 食 無 擇 部 賊 至 州 領

月 寒 外 明 大 年 寒,我 正 月, 師 詔 暴 諸 露 路 不不 討 如 俟 仲 春深 淹 日 人, 賊 : 正

> 業。 通 請 疆禦寇,策之上 計 兵 阻 觀 紀 馬 靈、夏,西羌必 斥 則 先 賊 修 絶,臣恐偃 其釁,許 瘦 人機 候,城十二砦,於是羌漢之民, 承平、永平等砦,稍招還流亡,定堡障 取綏、宥,據 雖猖 茶 Ш 勢易 横横 臣 獗 兵 稍 由之 山之民,必 古 無 以 制 也。」帝皆用 要害, 己 期 恩 也 地 懾 矣。 信 也。 其 招 況 屯兵 若臣 氣 來之。 邊 挈 第按 矣。 備 其 族 誉 策 漸 議 來 Щ, 兵不動, 不 不 鄜 修 歸 效,當 ·然,情 爲持 仲 延 相 矣。 師 淹 密 踵 出 久 舉 以 又 拓 意 濔 有

慶 仲 以 和 元昊答書語 州 仲 淹 爲不當輒 久之,元昊歸 淹爲 帝 遷 左司 不 書 聽 通 不 戒 郎 書, 逐,仲 喻 降 中 之。 陷將 又不當輒焚之,宋庠 ,爲環慶路 本 曹 淹 高 會 員 對 延 任 外郎、 來 德,因 福 使 經 敗 焚之。 略 知 於好 與 安 耀 仲 水川 撫 州 大臣 淹 徙 約 斬

皆受命,自是始爲漢用矣。 赴 殺 犒 淹 環 邊 本家罰羊二,全族不至,質 和 人,老幼人 者,罰 隨 者 斷 賞 以 慶 招 斬。 ,輒私報之及傷人者,罰羊百、馬二,已 諸 其 酋 本族,每户罰羊二,質其 討 使。 羌, 反 長 羊五十、馬一。 六 負債争訟,聽告官 復 保 閲 百餘 不常 初,元昊反 本砦,官爲 其 人馬,爲 也 人,約爲), 至 部 給食; 賊 陰 立 即 鄉 馬入界,追 條 道 誘 爲 奏 其 屬 理 約 行 事 事 (首領。 首 即 羌爲 一,輒質 邊 領。」諸羌 尋露 不 以以 若 入砦, 助 賊大 讎 集 縛 詔 不 平. 仲 己 書 而

第恐 度 砦,當後 爲 待 賊 『龍圖 制 下, 必争 改邠 爲 賊 橋 老子」,今退 臣 ', 密 州觀 輕 111 守邊數 矣。」 遣 口 察使,仲淹表言 子 在 辭 純 年,羌人頗親 賊 不 祐 而 腹 拜。 與 與 中。 蕃 王興、朱觀 慶之西 將 仲 趙 「觀察 淹欲 愛臣 明 先據 北 呼,呼 城 爲 馬 使 之, 伍 其 鋪 臣 班

> 戒 城 始 地 金 勿 是 湯皆不敢犯,環慶自 號令之,版築皆具, ,引兵隨之。 追, 也。 已而果 賊 覺, 以 諸 有 伏。 騎 將 三萬 不 旬日 此寇益 大 知 順 所 來 而 向,行 既 戰 少 城 城,而 佯 成 北 即 至 柔 白 大順 遠 淹

徹 賊 聞 震 以 患 繼嵩已喪師。 邠、涇援之,聞 討之,上言曰:「二族道 憂矣。」奏至,帝大喜曰 帝 可 表 恐 斷 未艾也。 民 賊 裹,南入原州, 明 葛懷敏 按 無憂矣。」其後,遂築細腰 珠、滅臧 路,則二族安, 圖 多 謂 竄 敗 若北取 平時 左 賊 Ш 於定川,賊大掠至 勁 右 谷 已 兵數 曰 且 出 西 細 間 懷 腰、胡 擾 塞 而 萬 「若仲淹 險,不可 鎮 反 ,乃還。 仲 吾 環 仲 側,今討之,必 戎,東侵環 淹 州、鎮戎徑 蘆 固 淹 率 衆泉爲 以、胡蘆 聞 知 衆 始,定 攻 出 潘 涇 仲 援,吾 六 前 原 原 淹 語砦。 千, 關 堡 州 \prod 道 欲 日 미 邊 事 中 通 與 高 襲 無 由 用

軍 也 出 進 無 功 樞 解 密 直 不 學 敢 共 受 命 右 詔 諫 議 不 聽 大 夫 仲 淹 以

兵,掎 環 琦 置 辦 委 横 涇 夷, 願 琦 曰 原之師 集。 慶。 博 陝 文 詔 Ш : 口 龐 欲 彦 帥 西 龐 經 時 涇 以 角 對 渭 涇 博 秦、宗諒 路 籍 E 略 原 分領之。 斷 而 徙 州 原 命 安 爲 兼 涇 地 慶 進 賊 仲 撫 有 援。 文 領 原 重 111 ; 臂, 淹,遣 警,臣司 彦 環 武 若 , 第 帥 經 並 用 慶, 博 不數 臣 仲 慶 臣足矣。」 秦 略 駐 滕 恐 當 經 張 與 淹 鳳 王 宗 以 涇 臣 招 與 略 韓 與 年 懷 諒 成 州 亢 不 討 環 涇 琦 琦 琦 間 德 首 帥 總 足 使 一帝 練 慶 原, 琦 合 開 喻 之。 渭 尾 當 ·, 有 采 可 兵 兼 秦 府 之。 之勢。 帝 此 期 警, 選 用 鳳 秦 以 涇 孫 路 以 平 將 仲 其 環 鳳 州 仲 亦 沔 涇 言 定 淹 秦 漸 口 慶 臣 亦 與 淹 而 原 之 韓 復 州 率 兼 韓 徙 復 謝 傷 口

仲淹爲將,號令明白,愛撫士卒,諸羌

也

皆 參 境。 仲 武 守 韓 罷 默 來 執 舉 不 得 備 者 知 琦 者 淹 政 出 任 政 正 語 不 元 寇 朝 可 推 誅。❷ 事 行 用 事 昊 人 至 廷 由 邊。 京,諫官 心 請 仲 日 欲 而 諫 接 ·淹,遂 會 : 和 按 帝 專 官 之不 命 王 歐 上 誅 方 責 召 而 爲 倫 陽 之。 用 鋭 守 拜 改 得 疑 陜 寇 脩 我 多 臣 榀 乎? 意 西 淮 仲 等言仲 故 至 知 太 死 密 官 南 矣, 淹 賊 平. 事 政 副 撫 古 亦 日 州 事 使 使, 事 資辛 數 口 淹 不 縣 有 問 乎 未 不 有 敢 官 仲 平 \pm ? 先 拜 當 相 舉 輒 有 時 淹 後, 世 材 守 犯 諱 復 正 不 願 事 **令** 能 與 懦 其 除

⁰ 0 傳,上文所 四 得不」,二字原倒,今乙。 陜 約之義當勉力 時 路 西 在樞 經略 路安 府 安 謂 撫 撫招 經 欲 略 能守者」,係指 討 招討 誅 使 守 當是。 使」、《長 然 仲淹 按《東 事 有 以 知 可 爲 高 恕 高 郵 郵 戮 略 軍 Ξ 無兵 之 晁 1 恐非 仲 五 作 約。 九上本 法 陜 两

之開 安之弊,非 事 天 章 閣 朝 夕 召 可 革 府 也 條 對 帝 仲 再 淹 賜 皇 手 恐 詔 退 又 爲 而

先 者。 聞 矣。 授,須 制 官 諸 任 恩 遷 而 年,始得 澤, 子之法 ,次第人守本 選 責 科 三司、 内 轉 實 賜 進 請 外 通 Ē 矣。 第以 運 士 日 曰 罷 須在 蔭 滿 郎 御史臺 使、 先 無 抑 明 糊 子; 五. 策論 以 上 黜 僥 兀 冗 名 提 職 年 下若監司、 陟。 倖 曰 濫 法、参考履 大臣 科 皆 滿 點 後詩 擇 矣。 乃 選。 開 刑 取 罷 長 得 不 年 封 獄 詔 府 官。 少 · 得 磨 賦, 府 進 裁 大藩 在京 非 卿、 日 薦 邊 勘 官 士之法,可 諸 有 行 委 精 子 任 監 餘 庶 諸 科 百 大 知 中 無 貢 弟 優 須 以 幾 路 功 取 司 州 書、 闕 舉 任 等 在 上 考 監 兼 非 大 者 館 樞 績 免 乾 次 以 職 급 通 選 善 進 閣 選 以 舉 委 密 循 經 滿 元 之 者 舉 士 職 院 名 注 義 名 節 法 兩 而 不 知

費。 修武 之圩 之。 吏民 均,何 議 信 廢 置 助 誅 使 數 州 H 口 於 格 推 可 也 IF. 廢 有 以 以 通 定勸 矣。 法 恩信 以 E 兵。 備 田 言 以 畿 ,行之未幾,旋 得 以 舉 判 恩 浙 自 久行者 輔 農 人矣。 求 主 ; 别 課 者 約 養 六日 有 \equiv 田 西之河 其 多 知 、然後 矣。 遣 府 之法以 赦 成 時 利 爲 者 州 令有 使 兵法,募畿 厚農 法, 務農,一 害 Ŧi. 善 删 從 通 九 按 塘 口 則 耶 曰 去 中 所 判 堤 即 視 興農 E 桑。 ? 以 均 諸 煩 書 釐 施 隳 舉 重 堰 其 責 公 冗 道 選 時 請 行 改 命 廢 知 所 渠 每 利 輔 廉 田 皆 除。 均 令。 者 教 縣 塘 裁 當 歲 主 彊 節 減 請 口 其 戰 口 行 預 爲 壯 司 州 外 令。 舉 漕 刺 政 興 而 法 省給 者 下 制 稽 爲 縣 官廪給不 第給之, 史、 行 不法者 事 度 矣。 運 違者, 諸 敕 衛 選 所 限 之臣 所 縣令, 行 士; 贍 官 在 以 七 江 其 下 參 無 重 之 以 南 治 風 口 人 示

633

附

緑

使、 耗 命 應受役者悉歸之農,民無重困之憂矣。 令不 少 、州兩 而 至 供 院 一於數 億 爲 滋 變更矣。 ,職官白直,給以 多,省縣 + 邑 日 户 減 少 徭 者 州 役。 爲 兵,其不 鎮, 户 併 П

不可 者 ,皆以詔書 而止 天子 方信 畫 嚮 仲 頒下; 淹, 悉 獨 采 府 用之,宜 兵法, 衆以 著 爲 今

常、 條 今中 各 佐 而 馬 漢 司、司農、審官、流 委輔 二府 例 也; 王之 以 刑 書,古天官冢宰 而 三公分部六 又建言: 部、審 惟進 四官散於群 臣 믄 職, 兼判 非 刑、大 擬 上 差除 治 非三公論道之任 其 周 法 事。 卿,唐 理 内銓、三班院、國子監、太 制 有司,無三公兼領之重 ,❶循資級,議 也。 也, 群 凡官 三公分兼 牧、 臣 以 樞 請 宰 吏黜 密 殿 倣 相 院,古夏官司 前 下, 下 前代,以 分 賞罰 陟 六官之職 馬 判六曹。 步 · 無 刑 檢 軍 六 法 司 重 卿 用

> 者,一 刑 其 輕 久之,乃命參知政事 事 法,然卒不果行 無 補, 府 有 請 愈議 利 先 害 奏裁。 者, 朏 降。」 並 賈昌. 臣 從 章 請 輔 得 朝 自 臣 象 領農 領 子 等皆 兵 奪 賦 田 ; ,仲淹 曰 之職 其 不可。 體 領 如 大

密, 劾,人 日 仲 罷,召還,倚 兵,天子以仲淹士望所屬,拔 大夫持二人曲 大,論者以 夜謀慮興致 淹以天下爲 僥 初,仲淹 倖 心 者 不 爲不可行。 不便,於是 · 悦。 以 以 太平。 爲 己任,裁 直,交指 午吕 自 治 任 中 夷 子之恩 謗 然 及按察 簡, 削 外 爲 更張 毁 朋 倖 想 放 稍 黨。 濫 角之。 望 行,而 薄 逐 無 使 ,考覆官 其功業。 漸 者 出 磨 及 規摹 數 及夷 勘 陜 朋 多 年, 黨 之 所 西 吏, 闊 之 法 舉 而 簡 用 士

^{● 「}擬」,原作「擢」,據本書《范文正公集奏議》上《奏乞兩

請罷政 邊。 撫 税, 沮 者多請棄之,仲淹爲修故砦,招 黄金百 餘户,蠲其税,罷榷酤予民。 罷。 使、知邠 河外遂安。 於是,以 事 邊 兩,悉分遺邊將。 ,迺以 陲 州。 有警, 仲淹 爲資政 比去,攻者益 其在中書所 爲 因 與 河 殿學 東、陝 樞 麟 密副 士、陝西 州 又奏免 施爲,亦 急,仲淹 西宣: 新 使富 還流亡三千 罹 撫 大寇,言 一弼請 四 府 使, 稍 路 州 亦 稍 安 自 商 賜 行

文正。 州 親 卒,嗟悼 州,未至而卒,年六十四。 遮 書其碑曰「褒賢之碑」。 使者 再遷 初,仲 請 疾 久之。 户部 請鄧 留 仲 淹 侍 州,進給事 淹 又 病,帝常 郎, 亦 遺使就 徙 願 青 留 遣 州 中。 鄧 問 使 贈 其 許之。 兵 會 徙荆 賜 家 部 病 藥 既 尚 存 甚 南, 尋 一,請 書,謚 葬 問 徙 鄧 既 潁 杭 人

> 卒也, 羌酋數百人, 哭之如父, 齋三日 州之民與屬羌,皆畫 爲歎息。 僅能自充。 貧 四子:純祐、純仁、純禮、純粹。 人,皆能道其名字。 ,其後雖 汎愛樂善, 仲 淹 爲政尚忠厚,所至 内 貴, 而好施予,置義莊 岡山 非 外 士多出 賓客不重肉。 和 死 像 性 之日,四 立 至孝, 其 生祠 門 有恩,邠、慶二 下,雖 里 以 事 方聞者, 中, 妻子衣食, 母 之。 里 在 以 而 及其 巷之 時 贍 去 方 族

范文正公年譜

祖 相 博 鸞 士 臺 范 鳳 閣 滂 平 爲 樓 章 清 事 詔 大 ·, 世 使, 防 編 居 裔 次 河 孫

公昔遠

履

冰

爲

唐

丞

● 「安撫」,原作「宣撫」,據本書《附録·神道碑》改

六〇七

附録

學。 氏,亦 宋,任 封 監 吴越 不克歸 孤 癸酉二日丁 也 祖 遷 孝弟忠信。 任 内 ,諱 宋 太師 一費時 六經之旨。 ,母夫人謝氏貧 ,禮部選第一,遂中乙科。 處 幽 醴泉 中 州 州 兀 以 贈 仲淹,字希文,端拱二 武 · 吴節 ,仕吴越。 麗 # ,子孫遂爲 良 寺内有祠。 朱 太 周 寧 水 鄉 祖 爲 國 師 軍 祥 縣 主 度判 丑, 以 上 唐 姓 公。 .符 爲文章 節 丞。 簿 柱 ,名説,上 八年,年二十七歲,舉 度掌書記,武 許 國公。 後居 官,宋贈 或 無 文正 九歲童子出身,終祕 中吴人。 隋, 依, 再適 書猶 辛 支渡 論説,必本於仁 南都 丑. 公即 懿 父墉,從錢 存。 長 時 太 宗 江 曾祖 郡庠五年 年己 書記 生。 師、 初任廣 白 淄 朝 · 中 寧 至 Ш 州 咸 軍 徐國 夢齡,任 原 + \mathbb{H} 僧 第 通 長 即 亂 歲 德 八 俶 舍 Ш 徐 年, 公。 離 州 . 月 子 書 脩 年 軍 進 朱 而

> 貴,而 族 下 年 恤 之,則均是子孫,固 姓 莊 族甚衆,於吾 大,位益 亳州節 司 而 -,亦何: 其饑 族 理 而 贍養宗族,無 人有難 後 無 盡 不恤宗族,異 始 度推官,始奏復 寒哉? 顯。 以 所 迎 發於吾,得 以 人家 侍 覬。」始許 俸 之者,公堅 嘗 母 固 餘 廟 語諸 夫 且. 有 買 間 乎 人 自 親 無 ? 田 親 日 子弟 至 焉。 至 祖 疎, 親 於 故 疎 大官。 何 請 范 姑 宗 蘇 疎 以 然 日 至天 姓。 蘇 恩 來, 也, 日 州 : 見 以 例 欲還 有 祖宗 若 積 吾 吾 禧 其 吾 俸 止 號 食, 德 獨 安 祖 吴 後 元 欲 賜 范 E 於 得 宗 中宗 名 年 享 歲 嘗 百 歸 益 爲 有 均 富 餘 不 視 本 地

集》五 天下。 己臨 盡 賤毀譽歡戚,不一動其心,而慨然有志於 内 曰文,内外賓服 哉?」公爲政所至,民多立祠畫像。 否 以自信,不擇利害爲趨捨。凡有所爲,必 憂,後天下之樂而 而 客食不重肉,臨財樂施,意豁 衣 至夷狄 嫁嫁 有 視其 其方曰:「爲之自我者當如是,其成與 剛,樂善汎 事 不 卷,蘇 娶凶 》十七卷,韓琦作序。 常自誦曰:「士當先天下之憂 ず,自山 · 在 , 莫不知其名字, 而樂 私,妻子僅給 我者,雖聖賢不能 「葬,咸 日 輔 愛。 林 正。 作 處士、里間 有 .:序。 喪母 有《文集》二十卷,《别 樂也。」其事 贍給。❶ 衣 《政 道德博洽曰文,經天緯地 時尚 食。 府論 娶李氏,參政 田野之人,外 貧,終身非 公爲人, 其於富 道 如 必,吾豈 上遇人,一 事》三卷, 其 也。及退 事。 其 行 貴 外 仕 荷 而 貧 賓 和

> 次日 公。 城,一 稱。 濟忠直之碑」,高宗朝贈 皇祐元年進士,相哲宗,謚忠宣,御書「世 西 將 昌 部侍郎、知河南府 「戎兵衆大至,且戰 作 龄 純 次曰 嘗侍公城 監 女 路恃以爲安。 粹,字 也。 主 純禮,字彝叟,仕 簿, 公有 德 自幼 馬鋪 孺,仕至 四 讀書 子: 寨,率兵馳 次 且督,不 日 爲 長 龍 太師,追封許 純 文 日 圖 至 仁、字堯夫、 數 章,籍 閣 尚 純 日而成其 據其 學 書 佑, 右丞 歷 地 國 口 守

太宗皇帝端拱二年己丑

秋八月丁丑,公生於徐州節度掌書記官

按、公神道碑及國史、皆云年六十四,

● 此句下,宣統本附有小注云:「錢公輔爲撰《義田記

薨于皇祐四年也

淳化元年庚寅

丁父太師憂,年二歲。

真宗皇帝大中祥符元年戊申,●年二十歲 載。 交,相與嘯詠於鄠杜之間。 太平宫、從吏隱 其高,復起家就禄,得請監終南山 歌,有嵇、阮之風,人特駭之。 之失官。居長安中,與豪士遊,縱飲 詩,歷著作、通判,會太守不法,憤而 之父贊善公衮,慷慨有英氣,善爲唐律 按,公撰《鄠郊友人王鎬墓表》云:君 某薄遊至止,及公之門,因 也。 時祥符紀號之初 公不安 與 君 浩 犀

二年己酉,年二十一歲。

少冒朱姓、舉學究。嘗同衆客見姜諫按、《言行録》載《涑水記聞》曰:范公讀書長白山醴泉寺。是歲改科舉取士。

酒,待之如骨肉。」人莫測其何以知之不惟爲顯官,當立盛名於世。參坐置人曰:「朱學究年雖少,奇士也。他日衆客退,獨留范公,引入中堂,謂其夫衆不退,獨留范公,引入中堂,謂其夫

三年庚戌,年二十二。

讀書長白山。

以啗之,如此者三年。四塊,早暮取二塊,斷虀數莖,入少鹽山醴泉寺僧舍讀書,日作粥一器,分爲按、《東軒筆録》:公與劉某同在長白

四年辛亥年二十三。

室,晝夜講誦。其起居飲食,人所不堪,詢知世家,感泣去之南都,入學舍,掃一

❶ 「真宗皇帝」,此四字原無,依例當有,據宣統本補。

而公自刻益苦。

按、《家録》云:公以朱氏兄弟浪費不 節、數勸止之、朱兄弟不樂曰:「我自 所,數勸止之、朱兄弟不樂曰:「我自 用朱氏錢、何預汝事?」公聞此疑駭, 有告者曰:「公乃姑蘇范氏子也、太夫 人態公適朱氏。」公感憤自立、決欲自 人感使人追之、既及、公語之故,期十 人亟使人追之、既及、公語之故,期十 年登第來迎親。

五年壬子,年二十四。

以朱説名舉進士,禮部第一。•

七年甲寅,年二十六。

居學,見公食粥及不出觀駕,歸告其公,公曰:「異日見之未晚。」留守有子公,公曰:「異日見之未晚。」留守有子公,公曰:「異日見之未晚。」 或以問 索線 》 云:真宗謁太清宫幸亳,駕次有《睢陽學舍書懷》詩。在南都學舍。

昃始食。 昏怠,輒以水沃面,往往饘粥不充,日 晝夜苦學,五年未嘗解衣就枕。 乎?」又按《遺事》云:公處南都學舍, 公謝曰:「非不感厚意 物,而不下箸,得非 留守子曰:「大人聞公清苦,故遺以食 父,以公廚 久,今遽享盛 食饋公。 一 饌, 後 以 既 日豈能啗此 相凂爲罪乎?」 ,蓋食粥安之已 而 悉已敗矣。 夜或 粥

八年乙卯,年二十七。❷

《順時知微何先論》。登第後有詩云:天下如置器賦》、《君子以恐懼修省》詩、登蔡齊榜,中乙科第九十七名。《試《置

- 此年譜文原脱,據宣統本補
-)「中乙科」,原作「甲」,據宣統本改。

廬。 軍司理參軍。 路,三月雨隨 長白一寒儒 鄉人莫相羨,教子讀 車。 ,名登二紀餘。 鼓吹迎前道 詩 書。」 百花 煙 調 霞 春 廣 指 德 滿 舊

士第,朱説者是也。按,張唐英撰公傳云:祥符八年登進

擢 學,公得名士三人爲之師,於是郡人之 版,始迎其 官有亭,以公名之者舊矣。 比去,字無所容。 褐,爲廣德軍 而 屈,歸必記其往復辯論之語于屏上。 太守争是非,守數以盛怒臨之,公不爲 又按,汪藻撰祠堂記云:公以進 士第,朱説者是也。 歸。 進士第者相繼于時。 非明於所養者,能如是乎? 母以養。 可理參軍。 貧止一馬, 鬻馬徒步 初,廣德人未知 日抱 公既登仕 具 獄 士 獄 龃 釋

稱於張禄。」用事最爲親切。越,乘舟偶效於陶朱;志在投秦,入境遂度推官,始復范姓。其表略云:「名非霸遷文林郎,權集慶軍按、《九域志》,亳州也。節

二年戊午,年三十歲。

爲譙郡從事。亳州也。

云:余天禧中爲譙之從事。 《祭龍圖楊給事文》曰:「余歲三十兮, 從事于譙,獨棲難安兮,孤桓易揺。● 公方監郡兮,風采翹翹。一顧而厚兮, 公方監郡兮,風采翹翹。一顧而厚兮,

三年己未,年三十一。 秋八月進皇儲資聖頌

9年美申,年三十二、除祕書省校書郎。

四年庚申,年三十二。

● 「桓」,檢文集本文,作「植」。

天

禧元年丁巳,年二十九。

是歲校書芸省,守官集慶。

五年辛酉,年三十三。

監泰州西溪鎮鹽倉。有《西溪見牡丹》

詩、《西溪書事》。

仁宗皇帝乾興元年壬戌,年三十四歲。

丞書》,稱文林郎、試祕書省校書郎、權按《文集》,冬十二月,有《上張知白右

仁宗皇帝天聖元年癸亥,年三十五。

集慶軍推官、監泰州西溪鎮鹽倉。

而激勸之,●故其祭文略云:「昔弱初冠,時富鄭公弱冠來謁,公識其遠大,力教戒公在西溪,上言寇準被誣事,除興化令。

附

録

「大科。公實激之,既舉而仕。政則未之。未知學文,公實教之。肇復制舉,我 一氣殊息,同心異體。始未聞道,公實告 一氣殊息,同心異體。始未聞道,公實告 一氣殊息, 顧我譽我,謂必有成。我稔

諭,公實飭之。」

徒楚州糧料院。

二年甲子,年三十六。

遷大理寺丞。

子純佑生。

三年乙丑,年三十七。

重三館之選、賞直諫之臣及革賞延之弊。夏四月二十日,上書請救文弊、復武舉、

四年丙寅,年三十八。

丁母夫人憂。 有書與發運使張綸,言復

■ 「戒」,原誤作「載」,據宣統本改。

六二三

海堰之利。

罷之。 憂去。 度其可否。令儀力主公議,而公尋以 言曰,堰不可成。 乎?」役遂興。 運 至今享其利。 役夫散走,旋濘而死者百餘人。 而 則積潦必爲災。 知興化縣 不治,歲 按,李燾《通 潦 副 使張 之患十一,獲多亡少,豈不可 又韶淮南 綸表請 患海 總其役。 綸,請修復之。 鑑 濤 身自督役,踰年堰成,民 長 會大雨雪,驚濤洶湧, 冒 綸曰:「濤之患十九, 轉運使胡令儀,同 復詔 編 民 難者謂,濤患不息, * 田 遣中使按視,將 · 疇。 泰 綸遂奏以公 州 公言于發 海 堰 衆讙 久 廢

天府。

五年丁卯,年三十九。

夏六月丁亥,子純仁生。時公寓南京應

不以 忠 聞忠孝者,天下之大本也。其孝不逮, 學者,皆有法度。 也。是年,有《上執政書》。 學有聲名於場屋、朝廷者,多其 之,由是四方從學者輻湊。 守,遂請公掌府學。 按公《言行録》云:時晏丞相 可忘乎? 一心之戚,而忘天下之憂。 所以冒哀上書言國 勤勞恭謹,以 公常宿學 其 後 略云: 中, 殊 家事 請擇 所 以 身 訓 爲 教 文 先 留 督

穡

文正公監西溪鹽

倉,建白于朝,請

日

潮

水皆

至城

下,田

土

斥

鹵,不可

又按《記聞》:通、泰、海州皆濱海,

舊

問: 千。 邁 復 孫 復脩謹,公甚愛之。 以《春秋》。 子能安於學乎?」孫生大喜。 吾今補子爲學職,月可得三千以供養, 客,二年僕僕,所得幾何,而廢學多矣。 學,有孫秀才者,索遊上謁,公贈錢 郡 甘旨足矣。」公曰: 「吾觀子 色曰:「母老,無以養,若日得百錢,則 萬餘言。 使朝廷無過,生靈無怨,以杜姦雄。 先 守、 亦 「何爲汲 明年,孫生復謁,公又贈一千。 朝廷 生, 辭 教 舉 歸。 以《 育、養將材、保直臣、斥佞臣、 縣 召 東軒筆録》云:公在 令、斥 而孫 至,乃昔日索遊孫秀才也。 後 春 汲於道路?」孫生戚然 十年 秋》教授學者,道 生篤學,不舍晝夜,行 遊 間,泰 明年,公去睢陽, 一情、去 山下 冗 辭氣非乞 僭、遴 於是 有 睢 德高 孫 陽掌 授 凡 選 明 動 大

有《送李紘殿院赴闕》詩。按《九域志》:南

六年戊辰,年四十歲。

京應天府睢

陽

郡

稱云云。 不虞進 之統 學之中,觀書肄業,敦勸 局 范仲淹,爲學精勤,屬 上 多士之林,允治崇丘之詠 不出户庭,獨守貧素。 堰之利。 御朝,群才効用,惟小大之畢力,叶天人 晏公遂以狀舉公。其略云:臣伏 曾諭之曰: 公知范 而偉之。 了,亦著清聲。 書言朝政得失、民間利病、宰相王曾見 和。 越,用廣詢求。 欲 時晏殊在樞府, 昨因服 凡有位 望 試 前曾 其 於中朝,願薦能 制,退 詞 仲 學,獎 任 淹 儒 泰 文典 處 臣伏見大 徒衆,講習藝文。 舍 州 薦一士爲館 者之行,實有 睢 以 興 雅 陽。 而 職 化 他 縣,興 於丹泉 略分 理寺丞 以 日 薦 庶 於府 先 乎? 聖 吏 海 口

是歲服除。

乞王洙充南京講書狀》。 從道名述》,有《南京書院題名記》,又《奏殊之薦也。又《文集》有《南京府學生朱殊之薦也。

七年己巳,年四十一歲。

林 | 芸: 可爲 忠公,公曰:范公實諫而卒不從,墓 止之事, 之故府朝政案牘具在,考其始末,無 今顧與百官同列,虧 之儀。若奉親于内, 道,無爲臣之理。 殿受朝。公上疏 百官上皇太后壽于會慶殿,乃御天 按《長編》,是年十一月癸亥冬至,上 後 先君奉 世 而 法 有已行之明 韶脩《太常因 疏 人,不 有南 言:天子 以行家人禮可 君體,損主威,不 験。 面之位,無北 · 報。 有事 質之於 |革禮 《東 親之 坡 **》**,求 也。 文 諫 志 安 面

> 聞 抗言曰: 晏公所薦公爲館 皆云冬至,而 誤 奏不少屈,殊卒媿 殊不能答。公退,又作書遺殊 己羞,不意今日 以狂率邀名,且將累朝薦者。 與否,則蘇公所記,疑若可信。 也, 亦但 當 某緣 以 云奏以 案 蘇 屬 牘 公獨 公舉,每懼 反以忠直 職 爲 爲 謝 ,聞之大懼,召公詰 正。 不 焉 云朝 可, 今按《涑 Ē, 而不 獲 不 稱,爲 罪門下。 則誤也。 公正 但諸 言見 申理前 遂乞補 水 知 色 書 從

外,尋出爲河中府通判。 又奏疏請皇太后還政,亦不報。遂知

八年庚午,年四十二歲。

於多 冒 曰:真宗初 按《長編》,上疏論 典 士 憲,由濫官之咎,非 俾 無 賜 蠹 職 於 田 生 職 ,實遵古制,蓋大 民。 田 不 職田之過。若 無 可 厭 之徒,或 其 賚 略

闕,動 尚 濁,何以致化? 未 到 田 從 制,天下幸甚 乞深加詳軫,不以一時之論,廢經遠之 今物貴與昔不同,替罷之後,守選 臣,俸禄微薄,全藉 密、士寡廉隅、雖無 闕 少,凡得一任,必五六年,方有交替。 處,持廉之人,例皆貧窘。 受其弊。 而 廢罷 即 踰 日 二年, 宦吏衣 差除,復便請 ,則吏困於廉 天下幕職 ! 天下受弊,必如臣言。 職 職田 田 食不足,廉 州 給。 濟贍 縣官、 收 ,自可優足。 而 當時 曩時士員 均給, 三班 其無 者復 條例 待 使 職 則

上 之吉象也。 躬,聽斷大政 上 一,睿哲明聖,握 疏論太后復辟。其略云: 疏論士人寄貫開 豈若保慶壽於長樂,卷收大 , 日月持久。 乾 封府。 綱 而 歸 今皇帝 坤 陛下 紐 非 擁扶 春 黄 秋 裳 聖 已

權,還上真主,以享天下之養? 疏入,不

報。

定常歲市木之數,蠲除積負,以彰聖治。所以順人心,合天意也。宜罷修宮觀,减壽寧,天戒不遠,今復侈土木,破民産,非陝西市材,詔可。公在河中府,上言昭應

七月十二日,有《與歐静書》。

六月十五日,有《與周騤推官書》。

五月,有《上時相議制舉書》。

夏四月,轉殿中丞

光武 利。 其 郡縣至密,吏役至繁。 施 上疏言減 此令,以寬兆民。 朝 是以邊廪或窘,民財未豐。 併合四 今欲去煩苛之便,致富 郡邑以 百餘縣 平差役,其 如河 奪其農時,遺 ·, 吏 中 職 府 略 減 壽之俗,當 倚郭二縣 云: 損 臣 + 天下 觀 彼 置 漢 地

阜也 所廢之 或謂 吏役稍 入河東。及大名府縣分極多,甚可省去。 家,無所休息。 尚差公吏三百四 主户一千九百 惟 百三十户,更於已下抽 人,於鄉村差到。 河 縣 東 減 縣,止可爲鎮,而 邑之中,有榷 縣 主 農時不奪,地 户 内 以臣管見,其河西縣宜併 四千,不至逼 一十人。 緣鄉村中等户只 八 百餘户屬 酤 鳎 坊市 差,是使 利無遺,民 内 征之利。 一百九 迫, 仍舊,所 鄉 村, 堪 河 臣 財 役 有 十 本 西 貴 之 口 謂 五. 縣

有《上資政晏侍郎書》。

十二月、《與唐處士書》。 時 《邵氏聞 才,當以大科 穆修伯 太師公官耀 長謂之曰:進士不足以盡子之 見録》云:富 名世。 州,公西歸次陝,范文正 公果禮部 鄭 公初 遊 試 場 屋

> 晏元獻 學。 也。 唯。 優? 笄,仗君爲我擇壻。 權 亟還。 在陳州,薦舉求婿之事未詳 天聖八年富弼中制科,然按國 至 舉子,富 君闢一室,皆大科文字,可往就館 公遺人追公曰: 西監 卿 文正曰:已同諸公薦君矣。 爲善後 即取 輔,並 范曰: 公復還 公判南京,公以大理 **臯、張爲善皆有** 富 一日,晏謂范 亦更名方平云。 皐爲壻,後改名,即 可 富脩謹,張疎俊。晏曰: 見文 壻 有旨 也。 Œ · 范 曰: 以 晏 史,范文正公是時 辭 曰 : 大科取 文行,他 日 以 監 吾一 按《登科記》, 寺丞 未嘗 然 中 富 士,可 女及 有二 久爲 則 爲 公弼 日 1 皆 憂 時 此 孰

九年辛未,年四十三歲。

春三月辛巳,子純禮生。

公遷太常博士,移通判陳州。上疏乞將

喪明。 日 之恩則 勘。 磨勘 望特降曲成之造,用覃廣愛之風。」 轉官恩澤,乞先移贈考妣,所貴安厝之 臣遊學之初,違離者久。率嘗殞血,幾至 象,食斷葷 愛過人。 念臣襁褓之中,已丁何怙。 自蒙恩改授京官,到今七年,不敢僥求 ,得及追榮。臣在壯年,序進未晚,伏 今爲 轉官 重,罔極之報曾無。 而臣仕未及榮,親已不逮。 恤臣幼孤, 憫臣多病, 夜扣 遷奉在 恩澤移贈考妣。 ĺП. , 踰二十載, 至于其終。 邇,未曾封贈 鞠養在母,慈 其略曰:「臣 今欲將 父母。 既育 磨 勘 又 星 竊 磨

明 道元年壬申,年四十四歲

奏《致仕分司官乞與折支全俸狀》。

在宛丘 婕 乃附驛奏,疏甚懇至,願以 好、賀婁氏 ,聞京師多 賣 墨 不 敕 關 斜封官爲 有司 唐中宗朝上官 而署官賞者 戒。 又屢

> 上 疏言内降之弊,引韋后爲戒。

二年癸酉,年四十五歲

僥倖,中外大悦。 是年三月甲子,太后崩,帝始親 時公爲陳州通判、太常 政。 裁

抑

博士。

佑聖躬 時事。 命 參决等語,然太后之號訖不改,止 陛下不可一日無母后之助也。」時已 者。今一太后崩,又立 言:「太后,母號也,未嘗因保育 誥以楊太妃爲皇太后,參决國事,亟 大德。」上大感悟。 四月,公被召赴闕,除 而 己。 公言於上曰:「太后受遺先帝,保 十餘 時太后既崩,言者多追 年矣。 宜掩其小故,以全其 右司諫。 一太后,天下 公初 斥 罷 而 代 垂 其 删 Ĺ 上 聞 簾 册 夫 疑 立 疏 遺

有二年,恩勤至矣。 五. 月,降韶曰:「大行皇太后保佑冲人十 而言者罔識大體,務

也。 垂 詆 簾 許 日 詔 時 命,中 之事 外毋 非 所 輒 以 以言。」行公之言 慰 朕 孝思 也。 其

罪人刑名。 六月,同審刑院、大理寺詳定天下當配隸

弊八 東丁 廪, 賑 報。 爲 進御,請示六宫貴戚,以 如 ? 以 秋七月甲子,以公同管勾國子監。 月甲申,遂命公安撫 郡 江 事,上 · 口鹽 公請 得古人風,乞以 淮京東災傷,公奏請遣使巡行,未 乏絶,禁淫祀,奏蠲 今數路艱食,安可置 錢。 間 嘉納之。 曰:「宫掖 饑 民 有食烏 遵路 又薦 中 江 戒侈心。 廬 半日 知崇 救 淮 而 昧草者, 擷 舒 不恤?」 災 折 不食當 事 州 所至開 役茶、 又陳 吴 跡 是歲 導 頒 路 救 諸 草 江. 倉 何

十二月,奏請 天下諸 郡 縣 弓 手 七 週 年 者

奏皇后不

當當

廢,

願

賜

對

以

盡

其言。

守殿

統

本

州

,并付史館

公即 故怨 宰臣 誤批 皇后 史伏 來按,「與」字原脱,據宣 悟,别居長 也。」居久之,乃定 可,且曰:「宜早息 九年無子當廢, 謀 聽 願入道,特封浄妃 司,無得受臺諫 外人籍 廢 歸 與中丞孔道 后,而范諷 吕 上 閤 農 后 語,后不勝忿 一頰。 夷簡,且告之故。 諫。 ,從之。 籍,頗有聞者。 H. (寧宫。 勸 先是,美 上大怒,内侍閻 上以爪 夷簡 章 方與夷簡 時 輔 玉京 批批 疏 臺 議 郭 率 贊 此 ;皇后 人尚 諫 廢 痕 補 其 知 其 冲 詔 議 諫 章 后 公因 示 頰 言。 妙 詣垂 稱 相結,乘間 夷簡 廢,率諫官、 氏 院 疏 執 ,上自起救之, 不 仙 皇后 夷簡 文 孫祖 果 於上前 政 對,極言不 可聞 拱 師 上意未决, 應 以 不 ,賜名清 殿門,伏 以無子, 德等, 先 前 上 因 得 於外 與上 敕 罷 乃 有 有 相 示 御

廷争。 事。」道: 貶 相 州 平之美事。 答,拱立曰:「諸君更自見上力陳之。」 子事 輔與公等遂退,將以 公顧勸之效昏君所爲,可乎?」夷簡不 詣 門者闔 廢后,皆前世昏君 上耳,是乃光武 順 詔 皇后 率 祖 父 中 宰 -請對。 父母 相 出 書 德等罰金 史郭 被 而 輔及公曰:「公不 一, 語 扉不 召 母 、廢,奈 夷 也。 乎 臺 勸 夷 於是御 簡 遂詔 ? 諫 爲 復言 簡 父母 即奏,臺 何 通,道 失德,何足法也? 諭 夷 曰:「人臣之於帝 出 不聽 所爲。 詔 廢 史楊 以 簡 不和,固宜諫止,奈 道 諫 后 明 當 輔 日 官 臺諫 輔 一諫 及不 日 偕 廢 撫 : 知 伏 過 上堯舜之資 留 狀。 請 御 銅 恭 閣 人言?」尋 廢 引 許 與道 史自 環大 百 州 請 官揖 漢 后 請對之説 道 、公知 對, 今 光 自 輔 輔 呼 后, 自 毋 非 宰 武 有 等 等 日 道 有 俱 得 睦 太 相 能 餘 勸 故 何 猶 而

> 路。 爲 二失,縱 非 분, 疏 入,不 不能 河 陽 報 復 簽 后 判 宜還 富 弼 亦言朝 范仲: 淹, 廷 以 舉 而

景祐元年甲戌,年四十六。

|I|文; 是歲 如 能 能 稍 浙之俗,躁 責,尚叨 公在桐 三首、《出守桐 表》及《出 琴,夙 滿滿 此 而 弱者如 春正 息。 目 師 廬 於君 宵爲 奇 門 守睦 乃延見諸生,以 月,出守睦州。 麾, 敢 勝 之 與晏尚 鼠,示之以仁。 而 會,交迭唱和,爲郡 且. 親之恩、知己之賜,宜 禮 廬道中 州 無 》詩 剛。 訓 不 有 書 盡 也。 章 《赴 書, 十 豪者如 · 元 心,以求 絶》。 又云:「 略云: 博 桐 有《 從事,俱 以 吞奪之害, 廬 虎,示之 約 疾 淮 睦 「罪有 ",非某 之樂, 公苦? 郡之 州 遇 謝 何 富 風 文 Ш 所 稍 以 餘 1

焉 ?

焉。❶ 建嚴 震澤,田多水患,募遊手疏 夏六月壬申 首》、《依 首》、《遊 在 有《瀟 先生祠堂,復其 又圖 韻酬 烏 唐處 洒 龍 一,徙蘇 周騤太傅同年》詩 桐 山 寺》詩、《 廬 士方干像于堂之東壁。 州。 郡十絶》、《 子孫 蘇 桐 爲公鄉郡,地 廬 五. 四家 新 郡 河,導積水 定感興 齋 而 書 奉 事 2 濱 祠 Ŧi.

緒,願留以畢其役。 秋八月,徙明州。轉運使上言公治水有有《上吕相公并呈中丞諮目》,言水利事。 人海。

中 絶 亦勞矣。 而罷之。 九月,詔復知 與孫明復書》略云:「某至新定,江山 自謂 講 貫經籍, 得計。 足下未嘗遊 今在 蘇州。 教育 海上部役,開 及來 入 有《與曹都官書》。 姑蘇,却修 材,是亦先生之爲 浙,或能枉駕,與吴 决積 水,俟 人 事 寒 斯 清

啚

處士像於嚴堂之東壁。

楷請刊詩于其左。」

因留二十八言,又

孫尚多儒服,有楷者新策名而歸。

泉》詩、《題常熟頂山上方院僧居》詩。 有《奉酬晏尚書見寄》詩、《天平山白雲 大,厥心惶惶,久而未濟。」在郡有《蘇州 大,厥心惶惶,久而未濟。」在郡有《蘇州 井詠》、《用韻謝晏尚書近著示及》詩,又 十詠》、《用韻謝晏尚書近著示及》詩,又 十詠》、《用韻謝晏尚書近著示及》詩,又 大,厥心惶惶,久而未濟。」在郡有《蘇州 其室十萬。疾苦紛沓,夙夜營救,智小謀 朝、屬董役海上。至還郡中,災困之氓,

一年乙亥,年四十七歲。

●碧,白雲徐生,云方干處士之舊隱,遂訪焉。其家子僧悦躬圖其像於堂,自爲文以記之,與邵餗先生求篆僧於躬圖其像於堂,自爲文以記之,與邵餗先生求篆額。」

此句下,宣統本有注云:「以從事章岷往構堂,召會稽

附

録

郎。

東南 天下 必 敝,復請于朝,新 事,持節 曰:「吾恐 遂 得 是 公之子純禮 南 年、公在蘇 即 踵 之士咸教育于此? 生公卿。 園之地,既卜築 地 建 過 異 學。 鄉郡,即 出 時 州, 公曰:「吾家有其貴,孰若 自 患 既 而 奉常, 奏 成,或 其 廣之。 請 學拜 而 隘 立 將 耳。」●元祐 制 一郡學。 以爲太 居 公像。 貴 置 吴學至今甲 焉,陰陽家 江 將無已焉。」 淮六 先是, 廣。 覩 四 學之 路漕 年 公 于 謂 公

八月,有《祭謝賓客文》。 五月八日,有《朝賢送定惠大師詩序》。

制,有謝表,見文集。冬十月,除尚書禮部員外郎、天章閣待

知音。公薦白衣胡瑗,對崇政殿,授校書召還,判國子監。時朝廷更定雅樂,詔求

知開 制侍 還朝 京師 然 幸其有失,即罷 臣事,余敢 公進除吏部員外郎、權 稱 治。 論 無 臣, 封 事有希文。」 府,欲撓以 非 事益 都下謡 П 不勉?」宰相 舌任 急,宰相陰 去。 日 繁劇,使不 也。」公曰 公决 朝 知 知不 廷無憂有范君, 事 使 開 如 「論思 人諷公:「待 封 暇 可 神 府。 荡,乃 他 ,京邑肅 議,亦 公自 正 命 侍

置毒。 言,竄文應嶺南,尋死于道。 其長子曰:「吾不勝,必死之。」上卒聽 十二月,郭皇后暴薨,中外 公劾奏其事,即不食,悉 疑 内 以 侍 家 閻 事 文 其 屬 應

三年丙子,年四十八歲。

0 植。」 樹二株,郡 此 句下,宣 一統本有 縣各建一石坊樹下,題 注 云: 「今學明倫堂東 日: 范文正公手 西 有 公手 栽

崇 春 政 正 殿 月,公上太宗 説 書 置昌 朝、 尹 王 京 宗 H 道 所 司 判 編 案 牘 遂 命

三月、《應制賞花釣魚》詩。

宅,絶 運 不 德,使天下不聞其 西 居 廪 陽 夏 洛 食。 敢生心。 東 險 五 而 京 上。 月 險固之宅, 古 無 陜 戊寅 通 儲 而 數 西 濟 此長 備 汴 之 朔 有 年 爲 之間 ,公論建都事 地, 宜 餘 以 兀 世之策 以 可 戰之地 過 守 以 運 將 外外 ,中原。 庶 便 有朝 而 天 幾 也 亦 下, 有 下 設 陵 陛 備 東路 ; 西 其 險, 爲 下 急 洛 略 名 太 使 内 難 有 帝 謂 惟 則 平 漸 几 餘 王 夷 之 修 居 則 誉 洛 口

啚 務 四 \Box 上 帝 嘗 H 名 以 以 推 王 無 獻 好 遷 委。 實。 都 尚 大 二日 事 大抵 公聞之, 指 訪 其 諸 譏 選 遷 夷簡 指 賢 進 又 時 任能 馬夷簡 上 遲 政 速 四 次 論 又爲 謂 序曰 以 日 公迂 一百百 獻 近 名, 濶 某 官

0

饒 H. 難 舅 意 爲 公亦交章 可 有 州 家,故 以以 訴公越職言事,●薦引朋黨 不早辯。」夷簡大怒,以公語 張 超 在 遷 丞 禹 未 相 壞 某爲 成 有 辯 陛下家法, 爲已成,以 王莽之亂。 又言: 析 左遷 辭 益 「漢 如是爲 切 以大爲 急務 成 臣 遂 恐 帝 公, 罷 爲 信 今日 離 小 黜 閑 辯 如 張 · 落 是爲 間 於 務 以 朝 禹 者 上 君 職 廷 不 前 不 臣 私 爲 亦 疑 知

直 夕 時 時 質 學 朝 大 以 + 士 臣 病 李 畏 謂 在 紘 宰 之曰: 告,扶 集 相, 賢 無 病 校 一子有 敢 祖 理 调 宴 王 公者 疾 都 質 可 門 出 辭 郊 獨 獨 餞 龍 留 何 飲 爲 語 啚 自 累 閣

改 且,原 》卷四等宋代文獻記此事均作「且」,於義爲長, 》卷 作「日」,雖 八、《九朝編年 可 通, 備 然 要》卷 康熙 本及《續 〇、《宋宰輔 資 治 通 鑑

矣。」聞者爲之縮頸。 敢忘之? 若得爲其黨人,公之賜質厚陷朋黨?」質曰:「范公天下賢者,質何

州酒 之政 聖慮 母子夫 賢校 今坐 公既貶,諫官、御史莫敢言。 下 刺譏大 (理余靖上言,謂:「公所言事在陛 税 也。 自專政以來,三逐言事者,恐非 ,在陛下聽不聽耳,安可以 婦婦 之間 請 臣 速改前 重 猶 以 加 命。」靖遂落職、監 譴 合典禮,故 謫 倘其言 袐 爲罪 書 加 丞、 優 乎 未 太 獎。 ? 恊 下 均 平 集

降 猶 罪 中 太子 ", 臣 多 以 淹 黜 中允、館 朋 云臣 直 以 固 諒 黨 當 明 不 坐罪。 亦 從 宪 ·回,義 被 坐。 閣 法 薦 校 故 臣 况余 兼 論 勘 也。」貶洙爲崇信 不 師 尹 可幸于苟免,乞从 靖 范某 洙言: 友。 素與 自 既 范 其 以 臣 某 被 朋 常 分疎 罪 黨 軍 以 節 得 朝 茄

度掌書記、監郢州酒税。●

何也? 足下 若 位 共 行中 不 此 能 館 而 曰 知。 得 時 以 詆 爲 閣 足 : 范 遇 來,進 下 越 辩 在其位而不言,便當去之,無妨他人 之,以爲當黜,是可怪也。 無與比者。 校 其非辜,又畏 今以言事觸宰相 勘 又遂 職言 希 前 納 歐 文 日 諫 用 事,❷是可言者, 陽 不言,是天下無 又聞 平. 之聖 諫 脩 生 臣,容納言論,足下幸 其 移 御史臺牓朝 別门 主如 立 有識 書 正 朝 近此,猶 責 有 好 得罪,足下既 者之責己,遂 右 本 學 司 得 惟 通 不敢 末,天下 堂,戒百官 今皇 諫 言 諫 古 高 者 臣 一言 若 帝 也 爾 牛 即 隨 不 所 班 訥

0

[「]哉」,長足「哉」,蒙宣充以女。輯稿・職官》六四之三六補,下「貶」字以意補。「坐罪」此處諸本均脱二十餘字,尹洙奏疏據《宋會

[「]職」,原誤作「識」,據宣統本改。

賢 足下 頃 宰 羞 出 臣 剛 誉 參 爾。 之堪 誅之,亦諫臣 而 言:「范某 直 救 驗 相 治 人 耻 當 以 不 責臣 ·, 而 論 以 事 朝 能 所聞 也 願 品 其 ,好學通古今,班 逐,則予今所言如 今歐 迕 中 辯 足下 事 品 任 以 ,稱諫官,及謂 若陛 與與 仍言今日天子與宰臣 其非辜,猶 切 意 者 不言。 貶 猶 不 也。 直 陽 直 逐 之 敕 職之後,臣諸 望 賢 · 哑 之, 下 脩 携 牓 者 足 ^ 以 移 此 臣 効也。」 若訥 中 下之能一言,不 春 加遷用,今兹狂 臣合 責。 迕 書 書于 謂 能 意 秋 行 意 詆 賢 以 頗 此,乃是 若猶 》之法, 争。 中 臣 朝 逐 臣 臣 口 面 不 無與比者。 之, 言 處 者 目 臣 以 使 復 固 察 或 責賢 見 得 臣 范 愚 希 以 知 不 īE. 朋 訪 書 士大夫 某平 以 子 合 家 迕 人 敢 邪 文 忍 言 端 者 忿 范 間 恃 意 之人 諫 妄 罪 不 便 乃 由 備 自 某 以 有 青 牛 有 睯 逐 而 絁

叔

書

于

壁

者

中 若 詩 西 有 謂 取 「京留 庸 訥 傳 司 天 譴 子 使 召 也 于 辱 虜 守 時 脩 以 豈 推官 戒 過 是 迕 得 諭 幺 時 四 意 謂 仙 賢 。」脩坐罪 州 契 逐 之非 遊 指 丹 督 見燕 公、靖、 蔡 使 人, 辜? 襄 至,密 Ш 貶 所 作《四賢一不肖 館 爲 損 洙、脩,不 恐 中 夷陵令。 市 不 中 已 以 細 外 有 歸 聞 書 肖 請 永 張

異。 紳。 政之方; 或 實 孤 非 秋 忘 由 八 難 輕, 月, 必將 己。 驟 立 報 陞 亦臣 饒 必 天 屢 危 然 天 州 也立 請 無 墜 閣 而 自信 有 所。 猶 弗 之遊 有 朝 諧。 犯 謝 或 臣 ~,親 增 無 上 此 建 眷 出 蹇 表 隱 時 明 委 寵 自 蹇 ×, 爲 惟 王 匪 既 畎 郡 情 略 畿 E 躬之節 渥, 畝 雖 曰 之 陳 則 厞 : 補 政 階 優 知 他 報 于 守 優 布 許 罪 宜 縉 土 至

公又遷建饒之郡學。

饒

之

Ш

水,

大率

秀

和

謝

希

深學

·士見寄》詩。

在

郡

有

依

韻

有《滕公夫人刁氏墓誌銘》,有《靈烏

賦

講堂凡 焉。 己。 六十 亭。 第。 池。 數 拔。 H 老峰有亭,饒人踏青而至,必曰范公五 下者。」逮治 而 當城之東 云 湖 興 「偶臨西 講堂每 饒 又饒 公沈幾遠 、建也。 學既 公識 八 水脉 人爲 三所。 人, 凡 禱 有九賢堂,自開實迄紹聖,郡 其 建 南 閣 連 上丁具禮祝 立 而 且. 形 平乙 晴 屹 而 坐,五老夕陽開」之句。● 在 秀,於是名之 勝,日 祠 識 曰:「二十歲後,當 生徒 由 雨 起千 如此。 頒春堂、天 九賢之序者,公一人 景 及 巳,彭汝 州官之到 祐 浸盛,由公遷指 ·餘尺。 妙果院。 距 有《題芝山 此 礪果第 六 慶觀,州 日 城之下 + 罷,皆致 文 載, 塔高 筆 有 一院》詩 人 牲 學之 魁 學 峰 枕 .峙 禮 牢 而 老 五. 及 天 基 守 硯 瞰

> 似 子 寄》詩。 黄 絲。」蓋公先歷 灝 秀才》詩、《 《郡齋 即 陸、蘇 事 鄱 $\dot{\gg}$ 詩 陽 云: 栅 郡 泉 \equiv 也 州 出 曹 使 車 城 君 譽 見

四 年丁丑,年四十九歲

恐其 數日,公等皆得 葉清 移 十二 置之嶺南。 士,庶幾明 年,願陛下深自咎責 天下之人齚舌,不敢 近 、復用, 一月壬 臣 地 自公貶 上 故 也。 疏,因言公與余靖 辰,公徙知潤州。 威 遽 而 參政 降 誣 朋 近 鑑 先是,京 以 黨之論起,朝 陳 徙。 事。 而 琳 善應來 ,詳延忠直敢 議 辯其不然,公訖 公既徙潤州 語人,上怒亟, 朝 師 政 以 地 上諭 集 者,行將一 震, 言事 士: 也。 |牽連,出 直 執 讒 被 言之 史館 政 書 黜 得 命 者 奏

誤 作「關」,據宣 統本並文集卷 四 本詩 改

原 誤 作 據宣統本改

語 意解乃已。 及公者,皆指 爲 黨人。 琳獨爲 上開 説

F

有《潤 年 詩、《京口 相 訪 州 丹 謝上表》、《 陽 即 郡 事》詩、《滕子京魏介之二同 影詩 移丹陽郡先遊茅 Щ Ж

寶元元年戊寅,年五十歲

郡、謁 梁 春 南 公廟 樓,并以本 正月十三日,赴潤州。 甘露寺李衛公祠,以其 慨 慕 傳刻之祠下。 名節 ,爲之作 道由彭 記 湫隘,遷 立 澤, 碑 謁 于 至 狄

奉仰。 幸。 《與李泰 州掌學胡瑗 能 屈 節 或能挈家,必 教 伯 授。 書》云:「今潤 秘 閣 又慮遠 校理見《明堂圖》,亦 有經畫,請先示音爲 來,難 州 初 爲 建 將家。 郡 學 ·, 可 甚

《與胡安定 獲雅問,豈君之心不易改棄 屯 田 [書》略] 궁: 近近 而 然 改 耶 丹 徒, ? 其 併

> 者也。 有棟撓 從矣,又豈暇學人之巧,失其故步? 之吉,九三以陽處陽, 非 九二以 念入朝 之凶。 陽處陰,越位救 吾儒之職,去先王之經 以 然 來, 僕 觀 思 非 《大過 報人主,言事 如 艮 止 固位安 時,則 之象, 之時, 王室有 (時,則 患 ,則茫 太急,貶放 思 守 不 常常 乎 出 天 棟隆 經 無 下 位 但

惟精 冬十一月,徙知越州。 惟一,死生以之。」

監 范某序。」係元 按公《文集》,有《刻 祠堂序》,題 年知 曰 : 唐祖 「寶 越州 元 先 《長 生 元 年 墓 編 知 誌 越 却 於 稱 州 智

是冬,元昊僭號。 可負也。」元昊 文字,嘗諫父 吾族三十年 二年三月丁未,當考。 德 衣 曰 : 錦 明 元昊性兇鷙 毋 綺 , 此 臣 英 中國。 雄之生,當 聖 宋 天子恩,不 猜忌 德 明 霸 曰 通 漢

州。秋七月,又寇環慶,因下詔約束之。州。秋七月,又寇環慶,因下詔約束之。國中益僭侈。景祐元年春,始寇邊犯府

勝、甘、凉、瓜、肅之地、仍居興州、阻河依元昊既悉有夏、銀、綏、静、宥、靈、鹽、會、

統衆務。又置十八監軍司,委酋豪分統賀蘭山爲固。始大補僞官,創十六司,以

人迭直,偽號六班直。至是用其黨楊守其衆,總十五萬。又選豪族善弓馬三千

素之謀,築壇受册僭號,始受英武

興

法

建

納旌節敕告。鄆州通判富弼請斬其使。元年。點兵蓬子山,遣使奉表來告僭號,

邊有能擒元昊,除定難節度使。

尋詔

削

元

昊官爵,除

屬

籍,

絶

互市

膀

沿

2

寶元二年己卯,●公年五十一歲。

附

録

在越,有《諸暨道中》詩、《越上聞子規》

詩。

[《]贈 説 越,有《清白堂記》。 比丹陽又似閑暇,可以卜居。 今年欲行鄉飲 院》詩,有《與李泰伯書》,其略云:「此 春二月,有《兵 5,因而 兵部尚書田 圖之,誠 酒, 部侍郎 公墓 衆望也。 俟先生講求也。」公在 一誌銘 胡公墓誌 ×, 兒子在 有《 請 題 銘 蘇州 來講 ×, 翠 有 峰 地

文》。 六月,有《祭胡侍郎文》,又有《祭蔡侍郎

康定元年庚辰,◎年五十二歲。

●「寶元」,原作「康定」。按「己卯」爲「寶元二年」,據宣

定元年」,不書「三年」,因據宣統本改。
元年,然是年二月即已改元,且《宋史》本紀亦徑記「康「康定元年」,原作「三年」,本亦不誤,寶元三年即康定

六二九

度掌 書記沈 月,有《 君 胡 墓 公夫 誌 銘 人 陳 氏 墓 誌 銘》、 節

五 陜 西 三月,公復天章閣待 月 安 西 撫 甲 都 戌 轉 使 運 韓 ,西方用 使。 琦之言也。 兵,公上 制 知 未至永 疏言守邊 永 興 興, 軍 又改 城 用 實 陜

邊城 太宗 若 歸 鬍 聞 實,豈敢深 廷 中之虚,或 寇至使,邊城 不 中 中之計: 邊 ()使持 ·得安枕矣。 三年 之備 况今承平歲 朝 臣 以 多 宿 無二三分者。 請 間 久 東 人 「近邊城砦有 將 可 Ŧi. 彼 ? 阻 精 守, 路 清 潼關, 久, 自 兵 既 爲今之計 野 實關 困 不 、討,臣 ,不與大戰。 無 而 弱。 得 隔 宿將 西 内 大 昊 兩 討 五 使 此 了,莫若 恐 戰 賊 11 七分之備 精 艱 上策 未 又 貢 深 兵 難 無 口 賦 入,乘 虚 不 鬍 Ħ. 終 也 輕 可 能 嚴 未 中 則 旦 乘 興 收 又 深 稍 戒 朝 鬍 而

有

陛 深入之謀,臣 下緩 而 圖之。 謂 國之 安 危 未 可 知 也 惟

事。 出。 千人 簡請 七月己 中 相 賊,賊不 先後,取敗之道 先是,韶分邊 八月庚戌 公入謝,上諭 爲 三千人,分部教之,量 臣 戒 陝 向所 公曰:不量 ()都監 西 數 日 超遷之,上悦,以 初 、公與 經略安撫 卯,公除 萬 敢犯。 。 論 無 兼 甲 蓋 領三千人,有寇 以 - 兵,不 或 知 公, 兵 吕 延 延 事 龍 也。 部 夷 既 賊 使釋 州 副 州。 ,於夷簡 圖 簡 而諸 比 衆寡,而 署 爲 使, 乃分 閣 有 夷簡 大范老子 一賊衆 領 意 前 有《延 直學 路 隙 同管勾 今 萬 憾,公頓 州 及 皆 何 爲 寡, 人, 兵 士, 小 H 則 取 憾 州 長 議 爲 范 也? 使 戰 官 都 鈐 者。 法 謝 與 可 加 六 老子 更出 以 卑 焉 轄 首 部 韓 F. 欺 將, 職 既 者 官 領 表 曰 署 琦 腹 禦 先 賊 將 爲 Ŧi. 而 夷 귀 並

築青澗城,復承平、永平廢砦。

平、永平廢寨,屬羌歸業者數萬户。●小利,於延州築青澗城,墾營田,復承神道碑云:公爲將務持重,不急近功

有《舉張問孫明復狀》《乞修京城》二劄

子。

慶曆元年辛巳,年五十三歲。

僵 云: 朝 仆, **\$命以正月出兵討元昊,公上** 「正月起兵,塞外雨雪大寒,暴 我 師 可憂。 萬一有失,噬 一疏 其 臍 何 露 略

附

録

争。 作。 及 ? 利。」上用其議,於是公固守鄜延。 横 備 寨主高延慶還延州,令見公約 據其要害,屯兵營田,爲持久之計, 臣等,歲月無効,徐圖 不然,臣恐情意阻 易制,此得天時之便,又可以 不聞之朝廷,乃自爲書遺元昊,諭以 有《答趙元昊書》。 是年,元昊遣塞 山人户挈族來歸,拓疆禦寇,莫此之 ,是以桀驁。 願許臣稍以恩信示之,或可 且元 春深 昊謂 漸暖,方賊 或 今邊鄙 家太平忘戰,邊 一絶,偃 馬瘦人饑,其 舉兵,先取綏 兵無期。 漸 飭, 賊 擾 和 招納 若 其 公公 至 城 門 用 削 禍 則 宥 無 耕 勢

栗。| 與量借糧收買,缺乏糧食者,計户口書目量支借貸禄此句下,宣統本有注云:「牒种世衡等:無牛具者,官

0

福

其不可 等持 以 爲 劾 鋭 璠 洙 洙 越三 尹洙 都 留 兩 二月,元 堡未 聞 書 日 奏 還 留 部 四 卒數千來援,未至,賊 而 公書 報 + , 聞 洙 至 延 以 署 兀 日 潛 以聞 卒, 公, 慶 Ē 退 州 餘 擅 司 録 Ш 昊 公徐言,已得旨 月 州 幾 所 日 發 副 别 外 書 寇 西界, 者二十紙、公悉焚之、餘又 兵,降 因遣權環 丙子至延 兩旬,公堅持不可 Ŀ 遣 本 諸 辭 元 渭 攻守策, 使與 知 以 旲 將 益 州 聞 任 逆者 慢。 俾 敗 通 周 福 其 亡,周等 判 始 州 慶路都監 等 書凡二十六紙 公對 俱還,且言 親 禮 濠 經 朝 引 與公謀 敗 信 意 州 略 廷 去 聽 績 使者 野 殊 安 既 抵夏 兵 善。 撫 利 賊 夏竦 始 劉 從 出兵。 勿 辛 焚其 韓 不 旺 政 侵 判 陜 州, Ħ. 出 敢 榮 行 周 尋 將 劉 官 西

> 爲公辯 夷 蓋 因 與 略 簡 忠 言 删 元 朝 於 亦 昊 改 徐助衍 廷、欲 E ,上悟,乃薄 通 謂 書 書,又不 既 招納 公可 言。 達 叛羌 斬。 當 大 其 知諫 責 輒 臣 杜 爾 皆 焚 院 衍 謂 其 孫 何 謂,公本 報 公 沔 可 不 又 深 上 當 罪 宋 疏 志 庠 ? 輒

夏四 官 部 延 知 員 州 、龍圖 耀 外 月癸未,公以 郎、 州 表》及《耀 閣 知 直 耀 學 州 士、户 陜 州 職 西 謝 如 經 E 部 故 表 郎 略 中 副 有 降 使 謝 爲 兼 知 隆 户

用。 邊 約 後 助 都 Ŧi. 部 月 雖 以 明 署 王: 首 環 詔 賞 慶 司 申,公徙知 露 書 罰 猶 事。 酋 犒 長 懷去就 賞諸羌, 諸 六伯人 初,元昊 羌 慶州,兼管勾 受 命 閲其 約 公至 反,陰誘屬 悦 與 服 人 賊 部 か, 始 馬, 爲 即 環 鄉導 立 羌爲 奏行 慶 條 漢 路

九月辛酉,公復户部郎中。

管勾環慶路部署司 攻守二議 司 十月,公以龍 郎 中。 是月,梁適自陝西還,公附 圖 閣 直學士、户 事兼 知 慶 部 州 郎 爲左 中、

略安撫 是歲,築大順 判張方平充經略安撫司掌書記 是歲,有《舉 司掌書記 滑 城 州節 狀》,又《舉 度 判官歐陽脩 天 狀 雄 軍 充 經 通

也,一 神道 者 賊 版 遠,始號令告其地處,所往築城。 族皆去賊爲 又城細腰、胡盧,於是明 追 以三萬騎來 築之用 碑云: 勿 旦引兵出將,不知 過 大大 河 中國 於慶州 小 争,公戒諸將 먼 畢 用。 而 一具,而 賊果走,追者不渡 城 又 曰: 大 順 所嚮,軍 珠、滅臧 軍 以 中 戦 其城 據 初 而 不 要 至於 談敗走 等大 至 大 害 知 柔

是諸將服公爲不可及。而河外果有伏。賊失計,乃引去。於

公墓誌銘》、《舉丘良孫應制科狀》。有《兵部尚書蔡公墓誌銘》、《太常少是諸將服公爲不可及。

卿

賈

二年壬午,年五十四歲。

甚切 爲賊 其讓 衡知 環州 數年,羌胡頗親 四 衡素得屬羌心,而 左司 今改觀察使,則與諸族首領名號 院頭子各百道,以 三月癸丑,公請給樞 月 郎中。 癸亥,除鄜 環州,以鎮撫之,詔從其請 ,州屬羌陰連 ,表三上,乃命復爲 表略云:「觀察 所 輕 且 無 愛臣 州 功,不應 虜 備賞 青 管内觀察使,辭不受。 使班 澗 爲 密 一,呼臣 患邊上,公謂 功,從之。 城已堅固 院空名宣 龍 待制 更 置 爲 增 閣 龍 下 厚 直學士、 · ,臣守邊 圖老子。 相 ,乃奏世 禄。」辭 巡 及 亂 种 邊 宣 # 至 徽

麥知微至傳宣旨撫問 班 舉 臣 稍 有 陳 僚 臣 寧 謝 僚代 舜 奏舉,特出 詔 守 封 卿 舊 邊任 至傳 用 官 在 奏聞 表 宣,又 朕意,宣 兩 **%** 地 傳 差人 先差 賜 宣 非 一論 鳳茶 内 出 人 卿 西 擬 内 候 知 頭供 議 内 將 侍 兼 ó 來 奉 省 邊 令 亦 官 高 非 事

讓表。 夫、鄜延路 十月辛亥,以公爲樞密直學士、 有《上吕相公》三書。 都 部署、經略安撫招 右 討 使。 諫 議 有 大

已出 官。 鬍 右 元昊寇邊,葛懷敏 喜 中震恐。 公以 陲 曰 : 塞 若仲 還。 辭 西 吾 公自將 淹 不 帥 固 受命,不 出 久 上始 知 無 援, 仲 戰 功, 聞 兵 吾 淹 死 定 由 聽。 密 無 口 賊 111 邠 疏 慮 用 大 矣。 事 涇 乞賜 援之, 掠 亟 按 奏至, 至 貶 加 圖 降 潘 職 謂 知 原 以 進 + 賊 左

> 公與 兼沿 諒 十 帥 月, 琦 邊 慶,皆從公之請 開 招 復 府 討 置 涇州 使 陝 命 西 ,而徙 公 兀 也 及 路 文 韓 都 彦 琦 部 博 龐 署 帥 籍 經 分 略 領之。 安 撫

是歲 正 知 几 月 慶 路都招討 書也 有《書 月壬 州 滕宗諒 一戌,詔 環 使,其諸路招 州 請 韓 馬 也 琦 嶺鎮 有《舉 范 夫子 仲 討 - 滕宗 淹、 使 廟 副 龐 碑 諒 並 籍 陰 狀 罷 E 從 帶 13

三年癸未,年五 + $\overline{\mathbf{H}}$ 歲

曆 韓 用 淹 正 安撫使 聖 諸 月辛卯,詔 龐籍,凡 德 賢 詩 而 黜 王 以 軍 堯 夏竦,國 陜 美之。 期 臣 西 申覆 議 沿 子監 也 邊 指 不 招 夏竦 -及,皆 <u>F</u>. 直 討 親 講 使 爲 擢 便 石 韓 大姦。 公 介 宜 琦 作 與 從 范仲 冷慶 富 公

謝

⁰ 議 原脱, 據宣 統

附

録

聞之不樂,蓋 恐其 召 禍 於後日 也

過 一月乙卯,公與 望,爲 如卑詞 不改僭 厚禮 韓 ,從兀卒之稱,亦有 號之請 琦 Ė 疏,言元昊如 則 有 不 可 許 大言 大 可 者

防者三。

乃决策謀取横山,復靈武,而 不 爲 蕃 神道 疑 謝 酋 來 所得賜齊,皆以 碑》云:公待將吏,必 公居三歲,士勇邊實,恩信大洽, 和 見 諸蕃質子縱其出入,無一人逃者。 ,上亦召 者,召之臥 上意分賜諸 内,屏 人徹 使 元昊數遣 畏 衛 將,使自 法 與與 而 使 語 愛

范 臣 有 收復靈夏横山 按《名臣 西 韓, 賊 聞 西 傳》曰:公與韓 之驚 賊 聞 之地。 破 之心 膽 邊 膽 元昊大懼 寒; Ŀ 琦 謡 叶 軍 曰 謀, 中 遂 軍 有 必 稱 中 欲 稱

臣

請

公歸矣。

萬,生死一戰,得爲小事耶? 秋 五. 朱校理書》云: 西 兀 而 除 在 日 月 未濟,後有邊 事 樞 與與 甲辰,公與韓 近,乞且留 未寧,凡五 密 韓公同上五章,爲邊 副 使 召 十六日被旨 任,必 赴 患,咎歸何人? 辭 琦 闕 不 並 陳 得俞允。 · 許, 而 除 讓 樞 影五 赴闕 密 後 事 表。 副 就 入則 未寧、 至二 使,皆 道 軍 有《 民 功 十 與 億 遠 防 有 以

是歲, 諫官歐 恤 畏之心,合於天意。 及民,并詔臣等謹省 問,使其 諳 詔 邊 罪 臣 四、存養陣亡之家,五、邊 己,二,遣 事 自 親 了,才識 陽 盡陳西邊事宜 春 聞 脩言: 德 至 音,謂 不 夏 使 公與 類常人,宜 不 次微 雨 刑法,此實 屢 今條 韓 有災異,當 , 合如何措 上 言,詔 琦 奏數 言 久 時 六 在 事: 御 民 見 事 陜 州 置 被 聖 便 脩 , 西 其 殿 戎 縣 德 憂 狄 降 略 訪 備 賑 以

欠負,官司不得催理。 驅虜者,量支官物贖還, 六,已該赦除放

之。 六月丁丑,●除參知政事。 才,不宜局在 諫官歐陽脩、余靖、蔡 舉正亦自求罷 兵府,願罷 上 上 從 襄 其請 王舉正,以公代 咸言公有 古 辭 不 拜。 宰 輔 甲

路。 與 詔 即命使河 又言河東亦當爲備,任師中常守并州, 申,以公爲陝西宣撫使。公既辭參 (韓琦 命田 公又 选出 况 爲副 東。 請 行 近 使。 邊,上因 兩人留京師 臣 口 使, 付 每 以 事 第先移文兩 西 議 事。 而 後行。 政 而 公 願

當。 家世 近蒙恩擢 按公《尺牘》載《與 陳利害,已得旨依讓。 至十二日,蒙恩改參大政。 一,累讓不允。 貮 樞 府, 今月二日,已簽署 此 中 ·舍家 蓋祖宗之慶,下 且在西府,相 書》略一 물 尋 及 某 次 勾 面

> 請 必 勿 指 煩 出 揮兒姪 州 巡 邊。 縣 知 如 諸 委。 骨 輒 興 肉各安吉,互相戒 詞 訟,必奏乞深行 約

邊 理。 以 復除 如 宣 八月丁未,公自樞密副使、右諫 朝廷輟柄臣以臨之。 罷遣之,其勢必 公自 西賊 撫 ,無使後時,以失大計。 原 陝 參 行。 其狡 遣使入朝,其言驕慢,必無可從之 西,又除參政,未有尋邊之日。 知 政 事 望 心,本無 於 須用 知諫 西 人未行之前,早遣 兵。 又謂,柄臣之中, 欲 院 和 蔡 邊將雖多,莫 之意。 深襄言: 議大夫, 朝 已差公 廷 Wir 莫 如 既 切

先是,公與任師中分路宣撫,踰月皆未

爲「七一字之誤。 范仲淹七月辭參知政事之事。據上可知,此處「六」當五日,七月丁丑爲十二日。《宋宰輔編年録》卷五亦有五日,六月丁丑」,諸本同。按,是年六月丙申朔,月內無丁

行。 東。 臣,毋勞往。 行 韓 臣方壯 琦 年, 賊 乃 恐 詔 口 乘 琦 備 忿 宣 奔 盗 撫 走。 邊 陜 西 師 當 中 谏 師 宿 遣 中 卒 舊 某 大 不 河

諫 龍 九 月 圖 議 文》。 庚辰 陰 德 心,命同 録 祭 修 中 石 曼 書 卿 時 學 政 士 記 文》、《 有《 祭 述 吴 竇

共

以

爲

不

可

而

止

於久 皇 對 建 或 促 曰 : 平 琦 H 明 暫 事 日 責 擢 恐 公安,非 避 毋 往 者,悉爲 之, 任公與 坐,給 E 席 陜 用 或有 比 數 西 我 以 退 朝 令條 韓 筆 至矣。 仲 所 中 而 朕 夕 劄 琦、 顧 淹 外 列 可 陳 奏 避。 奏 之。 富 使 人望,不 能 弼 當 然 7 也 弼 疏 與宰臣 事 其 世 事 既 一。」上再賜 , 于 有後先 每 當世急務, 之 前 又 次 進見, 務。 開 章得象 用 曰 天 公與 卿 明 竟 公 手 且 必 等, 黜 閣 有 盡 詔 革 語 以 弼 陟 皆 太 召 督 弊 心 今 可

> 皆 上 五. 方信 以 曰 曰 曰 諸 减 均 抑 事 嚮 徭 公 僥 畫 公等, 役 田 倖 一, 次 九 六 \equiv 悉 日 日 E 第 用 覃 厚 精 頒下。 公説, 恩 農 貢 信 桑 舉 當 + 七 獨 四 著 府 \Box 日 曰 兵, 爲 重 修 擇 令者, 命 武 官 令。 備 長 臣

裁。 行, 狀 + 月 自 中書批送 行公之奏也 丙 宜 午, 令主 詔 有 中 判 外 司 官 者 有 詳 陳叙 其 謂 可 之送 勞績 行 者 殺 或 别 更 訴 奏 不 雪 聽 施 罪

仲約。 暴。 弼 過 是歲, 刼盗張 金 而 帛 高 使 E 民 : 事 牛 郵 聞 公時爲 酒 醵 盗 知 錢 賊 朝 軍 使 遺之,法 公行,守 廷大怒 晁 海 人 參政,欲 仲 迎 横 約 勞。 行 度 數 所 臣 樞 不 宥 路 盗 當 不 副 能 之, 悦, 能 誅 富 禦, 剽 戰 也 徑 争 弼 刼 不 諭 去, 於 議 淮 聞 富 南 能 上 不 欲 高 民 前 守 誅 爲 出 將 郵

曰 **:** 恐非 比 弼 爲 手 未 此 法 過 免於 德之事,奈何 仲約之義當勉力戰守,然事 之,此法所當誅也。 之民疾之,欲 而 郡縣 滑 知 同 還 也 夜 然 弼 而 が所定, 产上 3,雖吾 「祖宗以來、未嘗 彷徨 法意 自 殺 愠 多 兵械 僚之間 甚,謂 河 其 掠,或喜之。而云欲 方沮之,何以 北,及 也。 不 釋然從之,仲約 後 畫 足 而 能 兩 輕導 同 食其 亦 以 公曰:「方今患 欲 寐。 小民之情, 國 未 戰 輕壞 心者 不 人主以 門,不許 肉, 敢 守, 遶 安于朝, 今高 自 之? 床 1有幾? 不 整 輕 遇 保 歎 可 衆?」公密告之 殺 賊 醵 誅 郵 由 也 釋也。」公曰 曰 食其 不 戮 出 有 無 且 余未 此免死。 臣下, 相 禦, 法不舉, 臣 錢 兵與 可 吾與 弼 雖 繼 下, 肉 恕 范六丈 測 物 Ŀ 終 而 、戮之 出 傳 械, 1 此 不以 意 公 他 而 又 使。 意 在 盛 舉 既 者 得 雖 賂 H 亦

> 者數 有備 則民 上前 聖人 臣 以 異 不經之意。」退 盗 日 治 時 事生不虞,吾輩不自引咎,專以死責 王 ,誠有愧於青史 也 以 萬 盡 之 倫 城 而 塗炭。 了。」又《 家,誠 隍閱兵卒爲請者,以 四 縱賊者例行誅罰 語 與 方 曰 : 此 無事,不肯爲郡 遺 或 不 「寇至 至政事堂,昌言曰 今吏 事 家實 同 也 Ś 強 亦 無 事 又 載 不 載 備,若守臣 恐非 死 所 此 公與 節, 存 縣設 事 狂妄坐之, 不 富 陛下 而民之完 但云 細 備 [公争於 死之, 「朝 吏 · 寧 乃 淮 外 敢 與 失 廷. 南

公取 諸 與韓、富二樞並 按《言行 路 監 班 司 簿 録》載《遺 不 視 才, 不 更用 命,鋭 才 監 事 。 三 : 杜 司 意天 杞、 每 張 公爲 下之事,患 見一 昷 多 之輩, 人姓 政,

❶ 「例」,原誤作「倒」,據宣統本改。

刻

乃罷

討

伐之謀。

是日,公與琦指陳於上前,數

一路哭耶?」遂爲罷之。焉知一家哭矣。」公曰:「一家哭何如事公,謂公曰:「范六丈公則是一筆,名,一筆勾之,以次更易。富公素以丈

四年甲申,年五十六歲。

策: Ŧi. 議 請 Ŧī. 或 上 四 在朝,未嘗不各爲一黨,不可禁也,在 方以 家 訓 兵屯,三,專於遣將, 朝 |月壬戌朔,公與韓琦 鑑 月,上 何害? 廷 辨之耳。 練義 類聚,物以群分。 力行七事: 日 與 和 勇,六,修京師 執政論及 二 曰 誠使君子相朋 守, 一,密爲 朋 三日 對於崇政殿, 自古以 黨 四,急於教 外城,七,密定 事,公對 經略,二,再 戰 爲善,其於 四 來,邪正 戦 上四 曰 備 聖

磨勘 平。 直,交指爲黨。 忤吕夷簡,放逐數年。 邊事,乞更不帶招討都部署職任。 而 察使多所舉劾,人心不自安。 下爲己任,遂與富 以爲治。 望所屬,拔用護邊。 丹、元昊事 公爲陝西河東宣撫使。 政,知邊上一郡,帶安撫之名,足以 已而,公又奏:今防秋事近,願賜罷 六月公與琦又奏陝 朋 黨之論滋不可解,然公與弼等所議 法密,僥倖者不便。 然規 先是,石介奏記於弼,責以伊、周 夏竦怨介斥己,又欲因是傾弼等 模 中外屬望,公亦感激眷遇,以 可疑者六,可 濶 大,論者以爲 及陝西用兵,天子以公士 一弼日夜謀慮,興致太 西八事、河 及夷簡罷,召還,倚 士大夫持二 憂者三。 先是,公嘗言契 於是謗毀浸盛 難行。 任子恩薄 北 始公以 五. 及按 人曲 照 遂 臣 事 以 冬 天

作《傲 還。 上聞。 欲 益 曰 公欣然, 人?」又《龍川志》云: 事 奏,公因固請 乃 公爲之愕然。 朝廷?」范公言:「欲經制 出使,吕公已老,居鄭,范 初,公之出也,過 安于朝,皆請出按西北邊,未許。 \Box 因 深,而王益柔者亦公所薦,王拱辰 遽出,公對 伊 使女奴陰習介書, 夷簡 益 霍 經制 歌》事 柔以累公也。 上雖不信,而公與 ,而僞作介爲 相與語終日。 日 西事,莫如在 : 劾奏之,力言其 行,乃有 君 以 公遂去。 暫 鄭 此行 州 往 弼 久之習 :是命。 時賈昌 , 因見吕 經 正蹈 問 撰 范公以參 朝廷之爲 撫 自公出 弼 廢 曰:「何爲亟 公往 西 危機 兩 成 恐懼,不 文 罪 朝陰主拱 事耳。」吕 路 夷 遂改改 詔 見之。 當 使, 党 簡, 草, 事 知 便。」 適有 誅 讒者 因 政 復 畢 飛 問 敢 伊 去 范 其 公 吕 邊 辰 事 再 即 Á 語 何 周

> 此 等 臣 狂 也。」上悟,乃寬之。 其 同 語 議 或 何 意 及 休戚,置此 有 足深 輔 所在,不 臣 治 進 ? 白 不言, 天下 特 琦 爲 獨 《傲 而 大 言 攻 事 歌 古 益 王益 不 事 柔 ·少,近 可 少 年

夏六月,有《上吕相公書》。

農田 其後 故事 八月辛卯,命公領刑法事,賈昌 ,●有利害,其悉條上之。 弗果行。 請以輔 臣 有《上吕相公書 分總 其 務。 雖 嘗 初,公援 朝 降 領天 敕、然 下 唐

十 一 許 上 冬十月丙申,命公提舉三館秘閣 疏 乞罷 簽署 月四 陜 政 日 事 又 府 知 判官 有《上 邠 事 州,韶不 狀 吕相公書》、 許 寫 有《舉 書

●「領」,原形誤作「頒」,據《年譜補遺》並《宋史·范仲本

蠱 堡。

吕相公文》、《祭陳相公文》,有《舉張伯 是歲,有《陳乞邠州狀》。十二月,有《祭

應制 科狀

五 |年乙酉,年五十七歲

之。 子》。 表》、《邠州謝上 資 撫使,可 正月乙酉,公自右諫議大夫、參知 一月癸卯 政 有《邠 殿 學士、 賜推 、公請 州 誠保德功臣。 知 建 表》,有《祭韓少傅文》。 以 學記 邠 新 州 建 *, 兼 細 陜 有《論 腰 西 有《謝 城隸 匹 復 路 原 併 授邠 緣 政 州 縣 邊 事 劄 從 州 安 除

閏五 月,有《祭環 州 种 染 院文》。

月,有《祭陝府王待 制 文》。

自 公與韓琦 出 使 讒 者 益甚。 兩 人 在 朝

附

録

位,以 惑焉。 黜 象言。 遽罷 罷 所 弼,并鎖學士院草制 實得以自立。 行遣,遂拜章乞罷 正言錢明逸希得象等意,言弼過,又言 不允,若即有謝表, 欲聽其請,章得象謂公素有虚 去年受命宣撫 也。 ,以安天下之心,使姦詐 施爲,亦稍沮止,獨杜衍左右之,上頗 ,恐天下謂陛下輕黜賢臣,不若 懼彰露,稱 弭 公愈不自安,因奏乞罷政事。 於是富弼自河北還,將及國門,右 上從之。 人言。 明逸 河 公果捧 欺 疾乞醫。 東、陝西 詐 政 疏 則 罷 事 奏,即 之 是挾 衍 知 迹 表 一,聞 纔見朝 邠 甚 謝 詐要君, 乃 不敢效尤,忠 降韶罷公及 有詔 明, 州, ,上愈信 名,今一請 乞早 欲固 廷 戒 别 勵 H. 廢 無 朋 公 得 口 賜 F. 己

669

十 陜 西四 一月,韶以 路安撫使,并罷富 邊事 寧息 心,盗賊、 一辆 安撫,其實 衰止, 罷公

六四

六四二

乞鄧州表》。 公先引 謂 石 介謀 疾 求 解 亂 ", 弼將 邊 任,遂改知 舉 一路兵 鄧 州 應之故 有《陳 也

表》。 州。 是月乙未,轉給 謝轉給事 中 事 知鄧 中、 資政殿學士、 州 表》、《 鄧 州 謝 知 鄧

六年丙戌,年五十八歲。

顯,惟 其言,每語人曰:「吾得於范公者,平生 第 公在鄧。 用之不盡 秋七月丙戌,子純 ,歸鄉謁公,願受教。 不 ·欺二字可終身行之。 也 是年,鄧人賈内翰黯以 粹生。 公曰: 内翰 君不憂不 狀 不 元 忘 及

日允蹈之言也。有《依韻酬答邠州通判之憂而憂,後天下之樂而樂之句,蓋公平九月十五日,作《岳陽樓記》,中有先天下二月,有《祭謝希深舍人文》。

《依韻酬李光 刑張太博》詩、《种世衡墓誌銘》。 雪》詩、《資政 秀亭》詩、《答提刑張太博嘗新醖》詩、《喜 王稷》 銘》、《依韻和安陸 憶百花洲》詩、❶《中元夜百花洲》詩、《覧 詩、《依 化見寄》詩、《依 殿 韻 學 陋 孫 + 太傅張 司諫》詩、《送 謚 忠獻 相公見贈 范 韻 公 答 河 雍 王 東 墓 源 **>** 提 誌 叔

七年丁亥,年五十九歲。

《祭尹師魯舍人文》。按《尺牘》載《與 亂 得提刑司文字,昇疾來鄧,以存 疾作。至均,寢食或進或退,僅 至 魏公書》略云:「師魯 公在鄧。二月,有《祭龍圖楊給事文》,有 初初 Ŧi. 日,而啓手足。 相 見 時, 却且 着灸,不談後 苦痛苦痛 去赴 均 州 百 殁見托 時 事。 至終不 ',已覺 餘 日。 韓 疾

不備故

也

却却

待作文集序,明公可與

他作

墓

表

也。」

送永

叔

作

墓誌。

某不敢作,恐知

當

年

事

賈狀 字,垂 了當,不復管汝。略無憂戚。 云: 勢漸 又云:「已去安州孫之翰處作行狀,●待 於兒女多愛,不謂能了了如此。 云:不怛化。 無不悲泣,無不欽服其明 諭,並記得,已相别矣。 他 舉手云: 渭 平生節行用心,待與韓公、歐陽公各做文 能扶行。 語。 待與諸公分俸贍家,不令失所。 元云:亦無鬼 危,遂中夜詣驛看 于 來 不 日 忽索灌漱訖,憑案 朽。 州有二兒子。 與 别韓倅云:少年 趙 他 學 神,亦 舉 士 看 手 他,告伊云: 顧家人云:我 他,云:夜 印 也。 無 即就枕,更不 頭。 煩 而 又兩日, 惱 樹 别趙 化。 又告 德。 衆 來示 足下 學 尋 自 常 士 人 伊 猶 他 别

《乞召還王洙及就遷職任事劄子》。十一月,有《祭故相太傅李侍中文》,有

八年戊子,年六十歲

依舊知鄧州表》。公守鄧凡三歲,求知杭使者請留,公亦願留,從其請也。有《謝春正月丙寅,徙知荆南府。鄧人愛之,遮

二月,有《十六羅漢因果識見頌序》。州。

皇祐元年己丑,年六十一歲。

人約 訪 因君厚,文章到 公守杭日,林 正月乙卯,公知杭州,有《杭州 曰:「巢由 處士》詩 訪林處士 不願 逋 阻 老醇。」其激賞 仕,堯舜豈遺 隱 兩見寄詩、《和沈書記同 孤山,公過其 如此。 人? 謝 廬 上 贈 一表》。 風 ^ 與 詩 俗

❶ 「孫」,原誤作「蘇」,據宣統本改。

以監 不得 年,余至錢塘 集》,《天竺山 公不少下退,而未嘗 事 時 孫 司 不 孫 甫 自 伸 爲 曰 處。 於彼。」由是一切繩 : 兩淛轉運,公以大臣,或便宜 范 日觀大師 范公遇之無倦 貴人也。 不 稱 塔記》云: 其 賢 色,公遇 吾 以 也。 法, 屈 皇祐元 按《文 於 而常 此 范 行

并《謝 公在 使舍人觀潮》二首、《和蘇 上 稷之固者,莫如公。 正月,帝御便殿 三司使葉清臣言,詔問 和 贈 并 胡侍郎》詩、《 杭 賜 有《過 鳳 茶 表 餘 ", 訪 杭白塔寺》詩、《 和僧湖居》五絶、《 近 和孫之翰對 又謂公深練 臣 輔弼之能 以 州 備 蔣 密學》詩 雪》詩、 完今爲社 西 軍 和運 湖 政 錠 權

州鄭宣徽見寄》二首。 禦之策。 于蘇州 所授,以允公論 人之節。 劇 患退 居乎? 生且 論 骸 無

知潤 ,有憂天下之心; 州張昪筮仕以來,清 朝野推服,臣 純 所 誠 不 介自 直道 如 立 乞回 無 精 讓 臣 古 思

十月庚申朔,有《祭葉翰 林 文》。 置 義 莊

遊 望,爲主人者,莫得常 老之地。 退志,乘間請治弟洛陽 按《言行録》云:公在杭,子弟以公有 者? 可外,况居室乎? 而無居也。 幾,乃謀治第 吾之所 豈必有諸己 公曰: 患,在位 且 人苟有道義 西都士大夫園 樹 而 吾今年踰六十, 遊 後 袁 樹 高 圃 爲樂耶 而 東 而 顧 誰 圃 艱 之樂,形 獨 何待 以 退 林 障 爲 不不 吾 相 而 俸

自代》云:「伏見工部郎中、集賢殿修撰

秋七月癸卯,除尚

書禮

部

侍

郎。

《舉張

昇

⁰ 孫」, 原誤作「蘇」,據宣統本改。

以爲慮。

之,己則不 如 有之,如何得安? 有欲爲公買 又按《程氏 晉公者,誰 ·可取 遺 緑 可尊 書》云: 野堂,公不 也 也? 寧 使耕 横渠 <u>一</u> 旦 壞及他 肯 張 取 曰 先生言 其 在 物 唐

二年庚寅,年六十二歲。

于湖上 表》。 諸寺主首,諭以 渡,好爲佛事,乃縱 任,有謝表。 木,於是諸 西,發粟募民 春,有《段君墓表》、《兵 二年,吴中大 公在杭,轉尚書户 一,自春 寺 (饑,殍 至夏,居 存餉,爲 按沈存中《筆 İ 饑 作 歲 鼎 民 殣 工價至賤,可 興。 民 競 術 枕 部 /空巷 渡。 甚備 路 部 員 侍 談》云: 又 太守日 是時公領 外 出 郎,依 新 吴民 郎 游 倉 大興 王 皇祐 前 又召 喜 君 厫 出 吏 宴 競 浙 職

> 自條 嬉遊 以成就民利,此先王之美澤也 民 以 莫此爲大。是歲 流徙,皆公之惠也。 食於公私者,日毋慮數 舍,日役千夫。 惠 興利,近歲遂著爲令。 叙 不 貧 者 所以宴遊興造,皆欲以 節及公私 貿 分易飲· 監 兩浙,惟 興造,傷耗 司 食工技服 歲饑 奏 萬 劾 既 人。 杭 ,發司農之粟募 杭州晏然,民不 己 州 民 有餘 荒政之施 恤 力之人,仰 不 力。 饑,因之 恤 之財 荒 政,

助。 聖作。 廷行 八月,建昌軍草澤 奏之,授試太學 會同大義。按而視之, 詔 此 送 謹 盛 禮 具 兩 手 制 録 以 看 載 助 詳,稱其學業優博。 進,庶討 - 李觏 教: 辰。 撰《明· 可以 覯 論 斯 能 之際,有 人之學, 興制。 堂 研 圖 精 議 經 今朝 所 上 訓 契 補

■「工」,原形誤作「主」,據宣統本改

六四五

春秋文字狀》。杜衍等備明堂老更表》、《進故朱寀所撰有《舉李宗昜向約堪任清要狀》,有《乞召

冬十一月,有《兄中舍墓銘》。

三年辛卯,年六十三歲。

弗墜。 巨 博州 方至青社,繼富公之後,庶事 守,遣官輓 民納價每斗三鍰,納 云:公鎮青 因須救濟。又按《言行録》載《東齋記 按《尺牘》載《與韓魏公書》云:某上巳日 正月八日,有《續家譜序》。 膀數道,介其境則張之,且 州安撫使。 是歲,公以户部侍郎知青州,充淄 置納場,青民 但歲饑物貴,河朔流民 金 社,會 詣 有《青州謝上表》。● 博 坐 河 大 倉 朔艱 鈔與之。以書與博 患輦置之苦。 门以 食,青之輿賦 倍價招 戒 尚 有倫,守之 曰:郡不 在 之。 村落 公戒 事 賫

> 《太子中舍上官君墓銘》,有《陳乞穎亳 職官狀》。 有《舉彭乘自代狀》、《舉張 按等差給還之。 假 日遂足,而 廪,寄僧舍 博斛 正月有《祭杜待制文》,三月有 可 亦衍 也 青民因立 至則貿者 斛 金 像 諷李厚充 尚 祠焉 餘數千緡 山 積,不五 青州

等一時名人題跋。西轉運蘇才翁》,文潞公、杜祁公、富鄭公冬十有一月戊申,有寫黄素《伯夷頌寄京

郡狀》。

縣,古之諸侯、守宰之任也。 轉 使、採訪使統領諸侯、守宰以分理之。今 天下之政,外置岳牧、方伯、刺 上書言: 運按察使,古之岳牧、方伯, 古者内 置大夫、士 助 與陛下共 天子 中、觀 知 州、 司 知 理 察 察

^{● 「}青」,原形誤作「貴」,據宣統本改。

萬

几 年壬辰,年六十四。

無事矣。

兵部尚書,謚文正。 公、食邑二千三百户、食實封六百户。 大夫、尚書户部侍郎、護軍、汝 官推誠保德功臣、資政殿學士、金紫光 自青州徙,行于徐州 先是,公在青未盈 夏五月二十日,至徐州 春正月戊午,徙知潁州。• 歲,以 累贈太師、中書令兼 卒。 薨。 疾徙知 有《遺 南 表 潁 郡 州 開 歷 贈 禄 詔 或

> 尚 書令,追封 楚國公。

《遺表》無所請,遺使就問其 賢顯忠禪寺、蘇 問 葬,上親篆其 十二月壬申,葬于河南洛陽縣 安山 既卒,嗟悼者久之,輟朝 下。 初,公病,上 碑 曰褒賢之碑, 州 天平山白雲禪寺奉公 嘗 遣 家 敕 尹樊 使 所 日 賜 欲 賜 西 里 京 以 藥 既 之 褒 其 存

香火,賜忠烈 廟 額

數百爲舉哀佛寺,哭之如父,三日 屬羌 爲政忠厚,所至有恩。 皆畫 像 立生 一祠。 及其卒也,羌酋 邠、慶二州 一而去。 之民 與

675

宣 和 五 年

江 慶帥宇文虚 祠 府 朝旨所在監 凡一十九處。 中奏請 司、 成都府學以 郡守、學官歲時詣 賜 忠烈 廟 額 上並 慶 陽、 有公 平.

0 穎」,原形誤作「穎」,據宣統本改。

附

祀。

欽宗皇帝靖康元年丙午二月壬寅

魏國公。師、追封楚國公、謚文正范某,可特追封詔褒贈近世名臣,故任資政殿學士、贈太

年譜補遺

者,見之逐年之下。● 前譜所載公事,多有闕遺。今取其未載

明道二年

八月,公時爲江 石,救 州 處裝發粳米、大小麥、豌 有發運 濟沂、密、徐、兖等州 司 轉般 淮 安 斛斗, 撫。 差 勘 豆 撥 等 會真、楚、 共 綱 運 五. 於 + ·萬 泗

買亭民鹽貨,未有見錢支給,并向春逐九月,體量淮南州軍賖糴人民二麥并賖

農 段虚 壓價 請 人 軍 南 Ŧī. 處 納,免被經販人隔截,農民 領。 民作保申乞,先請價錢,限 商 州 軍 + 缺 (),例 ·萬貫 乏軍 賈 州 費官錢,又不 自來和糴 之家,方始 收糴 應 并 儲 副 疋 亦 不前。 前 ,當農民出糶,被 帛 無 項 文贍。 香 錢 濟 添 藥三 和 直候冬深, 得 價 糴, 農 出 一五十萬 又體 奏乞借 民。 糴。 不 得 問 月 奏乞許 是 斛 行 抑 下 勒 内 以 斗 人 得 賜 大 己 抑 諸 淮 錢

十月,奏爲蘇、常、秀、 路所奏, 廬 乘 遞馬 壽、 登、萊 到 權 潤 罷 州 等 配 起 州 糴 發 斛 潤旱蝗,乞依吴 楚州等處 時 斗。 江 又自 淮 州 斛 軍 江 有 寧 往 府 遵 因

■ 此句下、《四明叢書》本有近人張壽鏞按語、指此段

牒 老幼不濟人户多無 疾 税數不多者,虚 逐官依 疫死亡人口,種 災 傷 煩催科, 例體 蒔 田苗、除減 不敷 量放 無 田 미 减,并孤貧 段甚多,公 送納, 放外,移

與

(全放。

十一月,牒江 賦。 放税科。 濟不得,又逃移者,亦許歸業,依此減 是未差官檢覆,今却歸業者,並放免稅 移,抛下税産,已曾申報州縣 及有已曾歸業,爲官中令納税,存 淮災傷州 軍,應 實因 後 災傷 來 雖 逃

十二月,奏乞免放舒、廬等州 户 遞年送納鹽錢,即不曾請鹽食用,其客 看詳江寧府上元縣等處所管主客户 鹽 一錢數不多,欲乞朝廷特與除放 折 役茶。 ́П 又

景 祐 元 年

正月,薦丁鈞、鄧資、徐執中、衛齊、盧革、

附

録

同罪。 求本家骨肉,量與支賜,令其收瘞。 堪充京官。 李碩、張弁,●並公廉文雅,爲衆所稱 贓罪徒以下,並不禁繫,許責保出外聽 乞指揮,今後命官使臣犯公罪流以下, 時黎 德潤 如 擢 用後犯人已贓,甘當 無辜獄死,公奏乞訪 仍

即

敕。

康

定元年

正月十二日,牒環慶路,今後 獲,分張賊勢,不得只在界首及 馬,人賊界攻討要害城寨,須管大段殺 馬深入鄜延路,更請 少族帳,便爲策應之名。 相度,一 若環慶 如 有 面 打 部 報 有 虜 領 到賊 賊 此 軍

0 見文集卷一八。 張弁」,疑爲「張 於此次推薦之後,范仲淹又有《舉張昇自代狀》, 昇」之誤,張昇,《宋史》卷三一八有

六四 九 逃移 税。 閣 不得 縣 賊 下税額,全家逃走。 成等八百九户,各於送納秋税不前 却業産,將 馬 鄉 去年秋税,招 界攻討。 亦令鄜 ,并牒逐 燒 所有諸州軍人户,慮恐亦 村拘管上件逃 燬 斫 來歸業不得,即大段 延路分擘 伐。 十五 州亦請 誘歸業,免致 其 日 逃移 移人 相 諸 公牒陝府指 陜 度安恤 頭 府 人 户 出 申 П 屋業生産 軍 税 即 逃移 馬 有 虧失 户 揮 與 朱 似 深 少,毁 省 倚 此 抛 大 逐 人

縱得 渡恐 又行 殺 ? 没兀 門寨駐泊。 樞密院劄子:奉聖旨,西界首領約遇、 傷兵 《等二人,部領蕃賊七百餘人,在塞 此 川路之中,一水 公言: 寨 ",其勢孤 士脚手 其部署司爲 延州 去塞門寨並無 周 絶 屈 迥 亦 又 曲 何不差人 恐 無 五. 難 七十 舊 爲 日 駐 -處,涉 熟 人煙, 馬 兵。 户。 掩

> 自 或 以 家兵 輕 此 兵 不 士不致有損 如 掩 襲,或 訓 練 兵 大軍 士, 攻 候 賊 春 煖 縱 可 被棄去 以 涉 水,

一月八日,奏上延州熟户見今饑 利 十 + 仲 以 面 興 北 深 害。 四 脩 人 無 淹 出 與 二日, 范 横 廢 田 日,公有疏奏答朝旨,論 師 於 十七日,奏張建侯、狄青等 可耕, 仲 寨。 Ш 鄜 即 奏乞相 淹 州與夏竦、 則 同 計 御 别 延 謀 前 會 思 進取。 州 度禁放 商 劄子付夏靖: 作 東界大有憂事。 量 -過,或 韓 但應機乘 又聖旨: 青 琦 商 鹽 虜 攻討 議 利 刼 餓 仰 芳若春 漢 害 邊 令范 便 與 西 事 事 賊 乞 口

^{™ 「}夏靖」,當爲「夏竦」之形誤。檢《宋史》卷一○《仁宗」 「夏靖」,當爲「夏竦」之形誤。檢《宋史》卷一○《仁宗

月二十五日,又奏乞修廢寨。 种世衡、高良夫相度東路承平、南安兩 豐秣城及萬安寨。 記,取進止。 作佐郎、通判天雄軍張方平富於文學, 閣,不赴任。 賊 寨,如久遠可守,即進兵前去修復。 復有才用,●乞朝廷改除充本司掌書 嘗舉歐陽公充本路掌書記,尋詔除 、戰于保安軍有功,乞重加錫 是月二十四日,牒張亢修 十七日,公上言: 竊見著 又牒朱吉、任守信、 賜。 公 是 館

三月初一日,牒青澗城种世衡、永平寨郭 舊 牛具者,官 地 件驚移熟户蕃部。 延珎等,接此春煖 無令失所。 土 耕種,即 一,或 遠 與量借錢收買,常切安存, 年逃田,權 便相度鄰近有無官司 初二日,又奏那兵馬五萬 耕農之時,速勘 如内有未 撥 與 耕 種 敢 歸 空閑 業依 會 如 無 F.

誘,二十八日奏乞指揮二人,令持重,檢狄青自來入陣勇猛,公恐其爲賊所防托秦州。 時知保安軍王信、西路巡

不須身自鬭敵

四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復四月五日,差周美、楊麟、陳永圖等修復

短兵。又乞揀選武士充節級。 六月,奏乞指揮逐路將諸軍弓弩手,教習

●「復」,原形誤作「後」,據文集卷一八《舉張方平充經

七月

+

五.

日

舉

孫

沔、

田

况

充

經

略

判

官

八月 弟、王 爲 被 公巡 將 别 下各支斛斗二石,其 知 寄 被 種 西 又 蕃賊 I差遣。 日,公牒 缺缺 百一 奏聞朝廷,乞特賜獎録,以 延 選 泊 舉 本寨見管熟户 西賊破蕩,兼知延州張 邊 州 他郡, 日,舉 人 胡翼之充本 繼 少糧食。 打 一十八 知 到 元 時 破 所貴依 延 延 差 延州 劉牧、錢 人子之心, 延州 寨 州,據 州 户 在 門, , 通判 公奏: 塞門寨 司 雖 得約束訓 金 如未 蕃部等,每家十 相 催 左 明 給 中孚等十七 大理 + 殺 一侍禁 寨 驅 選 與 宜 П 身 體 權 招 公 得 \mathbf{H} 不 已上支三石。 存 死。 寺丞高良 兵 量 事 練 到 王 間 獲 土 母 軍監押, 延 兵馬。 殘 勸死節之 二十日 一聰狀, 即即 安,伏乞 年八十, 州 無 破 人 П **\$** 西 カ 蕃 充 夫, 陳 己 臣 + 陜 北 耕 部

> 九月,公與 即 往 行 收買 即 無 更兩 縣 太 州 雨 土 達路 使 早發,至晚 遠 程 支 脩 無 喫 兩 ()遂牒 程,遇 一於新 給 命 支請 食, 補 鋪 初, Ш 軍 轉 須用 及 險滑,三十餘 坂至多。 鄜 一馬,或 日 所有隨行 草 晴 運 存 延 店 州 口 料 只到 气牢 使 至 州 П 明,皆昏黄後 留 食 去處。 遇 買 明 將牢 延 甘 Ш 糧 及巡歷 鎬 晴 得皇甫店,去鄜 州 泉 各 草 軍 其軍 明 巡 新 馬, 度涉 有 Ш 兼 直 歷 百六十里,元 館 置 或 二、新 是 中路 馬 已各疲乏,便 口 驛,後 驛 河。 方到 自 遇 Ш 來,却 既 店 鄜 雨 一; 甘 居 不 館 雪 每 自 州 减 到 有 驛程 驛 無 州 甘 值 至 并 泉 廢 驛, 量 泉 是 泥 延 縣 過 Ш 口 尚

^{●「}兵軍監押」,據《宋史·仁宗紀》,當爲「兵馬監押」>

賫送文字,直到 事。 乞 募 臣 帛,召募敢死之士,深入賊境探 是 河 人入賊界,以何面 水漲 勾還韓周,張宗永,量 所累,皆竄遠方。 月,奉聖旨節文,令公密切 日,奏乞放免張 公言: 臣 即即 於新店、牢 在 昊賊 延州,差韓周、張宗 亢 目 今雖奉聖旨,令臣 處。 Ш 斬 更可使人? 加恩澤。 勘 軍 二人不 請 木 厚 止 當當 支與 宿。 罪 期 候 : 名。 + 伏 爲 永 等 金

十月 達、朱吉、王守琪、 初 州 敏 理 四 人德静寨,進 人作 往保安軍 將 初 Ŧi. 院 帶 日,公牒朱 勘 開, 日 周 到 英、 巡 扇摇軍人。 並 兵討 逼 檢李惟 鄭 斷 逐 從 觀 送 張宗武 蕃 掠 政 葛 將 希下兵 賊。 族 部 領 懷 公到延 帳 兵 領 敏 仍 自 兵 軍 軍 士王 差 鄜 又 ', 計 馬, 前 /州,據司 牒 劉 州 要 義等 葛 政 離 西 會 斬。 懷 北 充 延 王

> 令朱觀 勁,在 處分。 先鋒, 州 受,公言當此軍期之際,兵 州 久在麟 逃亡,若更 州兵馬會合掩襲,●以 十里,可出麟、府并石、 器之處, + 馬公事 又奏乞逐路部 曹司 里,有鐵 將 馬勳等三人對諸軍 夏州 取 時西 立, 計 州 馬 去河 路深入,破 知 知 會河東軍 勳 冶 東 聽 減 .贼 派、張 務 彌 東麟 得次第,已曾密 經 尅 大 署 陀 略 式、 已下: 轉 即 將 府界黄 安 是 洞 剛 馬,以 蕩 黄 難 撫 居 分賊 賊 浪 出 部 隰州兵馬, 貴 存 啃 都 界 入進 唆 署。 處斬 减 濟。 幹此 河 部 勢。 士: 出 兵 尅 又次 多 西 署 鐵 馬 退 議,奏 初 是饑 遂 兵 惟 約 事 製 最 司 處 又奏, 九 置 牒 東七 士 七八 諸 朱 與 造 爲 日 5 請 兵 觀 强 寒 鄜 延 使 軍

「與」下,原衍「隰州兵馬與」五字,據宣統本删。

0

乞盡 之私 降 級 諸 何 任 所奏官員曾經免者,除 請 貪 不 能 應 日 處,永祝辭免,不來赴任。 脩 》, 具聞 一奏薦 托,其 將 以 得 日 宣 暴,既屬 均 有 副 城 濟? 情 濟,或 命 所 底 人 逃亡 ,公上言,陝 軍 及 忘 處 般 獲 催 期,科率百 下 于 頗 所 運 生 發 伏 本路 朝 白 多。 軍 政 知 乞每 奏之人,多是 糧 口 前 望 姓之深患 寬 期,民無所訴。 在 草 來 聖慈特 十八 轉運 乞朝 一胥吏, 鞍 猛 月 Ι. 西軍 赴 出。 則 馬、 支 役辛苦, 任 日,保安軍 廷 使 醬 畜 不致於殘民。 大 州 别 賜 如官員 深 滿 菜 司 産、器 其急速,得 自 十 有 愛軫 加 僥 并經 朝廷遂一 錢。 七 目 西 擢 照 地 倖 臣自 が應陝 疾苦, 日 事以 察, 得 又惡 用 優 是 略安撫 奏乞早 械 月十 穩 并 知 膺 來, 寒, 具 夫 之 恣 其 首 却 將 非 寄 西

里; 足,即 公將部 路 軍 畫 軍 出 撥 使 多無告,特 婦女;朱觀 行 一十餘 一十九日, 户 來 赴 副 止文學者, 季 輸 即 狄青、 只將 田 打 百 本 納 内 乞委 火急 便 處。 將 刼。 土 Ŧi. 軍 並 乞與 轉 鄜 一十餘里 任 ,則各逃散,沿 黄 與 於近 清 告 奏乞朝廷念及邊遠之人 <u>二</u>十 見苛虐,於民 打 公體 延 若令近 福 世 移 朝 望 除 破 具 兩 寧 打 裹 陝 旨, 官 職 一, 昨 八 洪 路 事 量 破 到 州 西 於 官 狀 州 裹 得 日,奏乞不禁青 應舉 界 白 盧 因 軍 路。 知 州 延 連 近 豹 子平, 一十餘 西 人户秋税 舉已 縣 路不住 州 坐, 不 軍 保 城 充縣令人,限 賊 如 ·便。 至保 人 安軍 侵擾 在 蕩 各 H. 如 寨 捉 户 公遂擘 薦 沿 就 進 人 并 到 兀 有 安 送 焼焼 内 軍 數 邊 + 保 士 族 西 蕃 納。 鹽 率 州 賊 有 不 帳 賊 餘 安 却 科 兩 Ш

牒

鄜

兵

士

人,不致闕官,辦集邊事。

是歲十一月,虎 字,申 戎士死戰之功,誤朝廷 于興告訴,問訖 行于興斫到 奏宣、轉、充下名正指 人頭,作自己 翼 軍 招 伏。 第九指揮 重賞之意。 公書斷 功 王瓊 揮 劄上 使。 云: 奪 其 奪 名 後 長

勳 頗 州 勇氣 爲 破 青澗 賊 於歸娘谷,乞賜 , 乞早加獎用。 城。 十三日,奏狄青、黄世 酬獎。 十六日,奏張 十七日, 繼 寧

舉

种

世衡

知環

州

王瓊,集軍員等處

斬。

又

奏乞建故

寬

近裹州軍送納,則惜得百姓。時自京納,民疲於役,公又上言,乞令於陝西時陝西軍州,每年夏税支移,在邊上送

押軍使臣内有懦弱生疎,不能鈐轄,致起發兵馬來陝西邊上州軍駐劄,訪知

在 同、 路 臣 内 作 華 過 有 州 ~,攬 懦 河 弱 中 擾縣鎮。 生疎 · 府 不不 如 軍 十九 能 馬 鈐 經 日 轄 致 過

> 令不著 差都監 邊 州令張宗武往敷政 保安軍,差 月,差張建侯 與驛券,同 相 寨 度 使 無備,則便行討擊。二十六日, 監 臣 次第及攪 稍 鄭 共 押 有 管 與 從 一員, 生疎,不 狄 押, 政 擾縣 青、黄世寧、劉政 在 縣 或差 逐 萬 ,且令探侯,如 州 能 安鎮。 鎮 一得力使臣, 交 鈴 施行。 割,不得 轄 又 便 牒 十 請 沂 在 縱 支 鄜 那

十二月初二日,乞陞 之地 四 士已 州 西,必可濟辦邊事。 西 一、嚴 日, 司不 日 遂牒 到延州 ,所有晉州清邊弩手指 切 奏乞朝 敢依 鈐 延 束 ,例各單寒,闕 例 州 廷 給錢。 如 特 有 例支給。 降 擢滕宗諒,差 時清邊弩手新到 兇惡, 指 公言,沿邊 揮 ,下京西、陜 少衣裝。 即 揮 十二月十 人 軍 苦 員 赴 寒 陜 兵 初

六

明,則 州 若 税 稈 糧 艱 邊 使臣 鄜 州 大 苦,縻費數倍。 關 牒 據 人 草 Ē 難 耀 并 並 車,只是 州 中 南 (邊上送納,每東稈草只折三十文。 每 在 杰 寸進,至有 州 兩 諸 州 押 日 城 至同 月 牒 束 軍 郡 郡 送 程 市 縣 却 河 牒 兵 支 價 送 鄜 州 程 中 至 更那 小 同 後 百七十文,其 移 士兩 納。 城 府 僅 車 延 頗 州 河 魏 百 縣 離家 蓋是 抽 甚 人 并 抽 州 中 時 姓 指 惟 可 駐 歸 差 驢 五 虧 差 苗 揮 府 爲 鄜 往 劄 四五十日 Ш 弓 程 民。 取 子 北 各是 赴 鄜 税 1;把隘 還 延 一陵道路 手一千人,並 一,物價 縣 盤 般 配 坊 城 路, 公相 關 運。 纏 分弓手二 州 郡 或 四 納 中 防 防 稍 裹纏 值 程 不 糧草 今延 隋 百姓 最是 托 度 或 托。 賤 雨 得 遇 可 爲 雪, 秋 州 乾 千 鄜 通 僖 晴 辛 差 往 又

乞指 帶; 熟户 半惡 買 時 時 與 内 弊辛苦,亦 乞朝 其 處 下 廨 差 於 邊 聖 别 有 等第苗税,只 屯 舍 去 、熟户 旨 功勞異於衆者,等第支 泊 路。 邊 揮 係蕃部巡檢者,給與紅 蕃 月二十八日,奏乞暫出 上 立 , 所 廷. 人 上新舊官員,各稱準 臣 令公與 部 建 涇 約 就 至 有 及百 接 僚 原 首 鄜 束,令遞 得 且 同 陳 便 春 路 領 州 賤 近便 姓、公人之家 乞買馬 却 梁 華、河 起 冷給 於此 爲 招 價 那 適 動 軍 安 糧 相 與文 往 熟 商 减 明 草 處 鈐 中 纔 復。 户取 量 鄜 送 珠 轄 建 府 稍 帖 邊 延 得 納 以 誉 减 軍 **〜給襖** 并 滅 機 奉 準 纓交椅,仍 宣買馬 覷 宣 延 房 得 且 來 馬, 散 臧二族。 事 備 步 頭 虧 州 百 减 州 收買。 ()便令 、公奏 子、 茶 倉 點 於 賞 姓 價 得 軍 集。 厫 腰 給 此 强 绺 無 䜣

公乞朝廷 時 了 絶。 降 往 指 往 揮,將買馬 道 宣 頭 宣頭 應帶 並乞勾 數 疋。

收繳納。

慶曆元年

是歲 午,韶從公所請。 行討伐,容臣示以恩信,或可招納。 乘之,必有所傷。 等所畫攻策,先戒 起兵塞外,雨 春正月,公在延 雪大寒,暴露僵 時公前凡六奏,卒城 願朝廷存此 州。 師 期。 朝廷 公言正 既用韓 小,使 一路,未 月 戊 賊 内 琦

博買。熟户將到青鹽,只於慶、環二州月四日,奏乞於諸寨置權場,用疋帛等

承平等十二寨。蕃漢之民,相踵復業。

買糧草及支諸軍請受,大段减得近理添起一倍價錢出賣,收得一色見錢,糴

見錢,●應副邊上。

三月,任福等既敗,朝議因欲悉罷諸路行

怯。 及,更令深入,禍未可量。 將,尚不能 營之號,明 兵深入討 公言,任 示 料 賊。 招納,使 福已下,皆邊上 詔 范 今之所選,往 仲 賊 俺 驕 体 於是行營之 怠, 量 有 士: 仍 往 名 氣 密 不 之 勇 收

事。初,元昊陰誘屬羌爲助,環慶酋長四月,徙知慶州,兼管勾環慶路部署司

號卒不罷,兵亦不復出

慈以 至今熟户倚此城寨。 悦服,自是始爲漢用。 賞諸羌,閱其人馬,立條約。 添置六寨,差田 懷去就。 六百人,約與賊爲鄉道。 曹 瑋、田敏前後戰功,并建寨托邊 公至部,即 敏 部 轄軍 奏行邊 四月,公奏,乞聖 初,曹瑋於環慶 馬在彼防托, 後雖首露 以以 諸羌受 詔書 猶 命 犒

「近理」,當作「近裏」,此爲宋代習語。

0

六五七

澤,以獎勸邊士。之利,特加贈典。其直下子孫,量行恩

時

蕃

部巡

(檢趙)

明勾招到

賊界僞署

團

練

使

訛

乞并

手下

蕃官等共二十三户,公定

奪賞賜銀

城椀、頭

巾、角茶、交椅、銀帶

襖等物,那與繫官房舍居住

六月,陝西體量使王堯臣言: 沿邊 令擘 不宜以· 公牒本路主兵官員,盡底部領戰兵,往 逐路主兵官員施行。 琦皆天下選,其 人 畫 界牽制 小故置散地。 牽 制 西賊,不令往河東作 併擘畫,合行事 忠義智勇,名動 先是,一 范仲 4件,指 月,聖旨 淹、 夷 過。 狄, 揮 韓

十月初五日,將所行事件畫一具奏。 是月,奉聖旨體量鈐轄 月,梁適自陝 回授种世衡,與轉諸司使、知環州 一十六日,乞將 月二十一日,舉 西 還 以所授左司郎中一 ,公附奏攻守二議 劉 貽 一、都監 孫 及葛宗 古。 官官 是

慶

曆二年

十二月初七日,奏乞改移張明、郝緒

T

屋舍,乞估計合支價錢。

公牒

委

邠

州

,請依上項

條

貫支給逐人

價錢,及除

放随地錢

税。

後邠

州

準轉

運司牒,勾

正月初二日,公奏乞爲蕃官訛乞等補 陳告 公到邠州 添助公用去訖,所貴不破省錢。 撥官地,種 不足,又牒環州簽判陰 度勾集蕃官管設,又恐公用錢 再舉种世衡知 物,與立約束,蕃部喜躍。二十九日 十一日,到環州管設蕃官,支與銀綵等 ,稱官中脩營,占却園 排 蒔蔬菜貨賣,并諸 揀 環 新 州。 兵,據人户王招 時牒各寨逐月 諒 臣往 林地土,拆 蕃 部贓罰 物使 逐 是月, 瑋 寨 官。 等 標 用

月四 斷遣 招伏 數、於近裏州軍輪差弓箭手充數、次邊 人户地土價錢,却牒邠州依條支遣 度,又無 聖旨,且令邠寧、環慶路諸 州 軍,一依 口 收 言,相度所差弓手,並是人户三丁内破 奏,乞下陜西 合回申都轉運 揮,令將空閑 ? 申 丁充役。 軍弓箭手,却輪差在 已支價錢。 上項有 ,差人押送本州收管。 日,太子 勾到本州 便却例行催納已支價 妨 范 礙 仲 違條 若是撥於 官地兑還,既 淹 ,中舍、通判 四路,令銷兵 且 司 公言,雖 元 党 利害,疾速 擘畫,先定下守 貫情 行 得故 典級王益等,取勘 罪 極 準都 極邊城寨。 ·,於杖 邊 違 延 都 州軍屯戍 無 錢,侵害 條 士: 所有上 州 聞 部署司 轉 官 貫 奏。 防 高 一百上 運 地 並 城 托 良 司 件 相 夫 指 公 奉 州 不 即

平尚 在邊任 破。 索,動 緣邊 將 須 經 趙 乞朝廷倍賜照管。 惟 送,即是一户三丁之内二丁防邊,徒使 至薄,難裹纏,必於本家骨肉處 順之意,乞與叙用。 山 奏言,延州陷破前年,西 破壞家産。伏乞朝廷更請相度。 領兵,覓便攻擊。二十五日,公言: 略 珣 劉平星夜前 城未曾脩築,微有牆壘,未能禦捍。 有勇怯,師有衆寡。 此實劉平忠勇之力。 所 在 司 上食物踊貴,亦少營舍,官中請受 是數百里,本家更破 諸將 ,其跡孤危,未能雪耻 奏畫一 、恐邊臣有 在外者,若賊寇大至,並 奏疏》。 來救 所憎愛,别 濟, 又言,計用章無 初五 用 時 得 賊 兵無常勢,非 樞 日,有《看詳 延州不 今來子弟復 圍閉之時 名往 密院劉付 造飛 竊聞 頫 二月 至陷 來供 有 不 图 呼

事。 帥 事 弱 口 ,敵之衆寡,地勢險易,天時明晦,臨 ·, 近 處分,以保民安邊事爲 畫 其樞密院指揮,未敢 雖 而 降 制 此 者 指 也。 揮 乞朝廷指揮逐 仰 更體 施 重,庶少 行。 量 一將之 路 敗 强 主

四月,令李丕諒、宋良移風川寨於烽火臺 三月七日,奏陝西不可行用鐵錢。 場、廨署,及城上置敵 常博士范祥與李丕諒等同相 築城,圍入水泉。 Ш 山 夫、楊畋。 甲人新寨。 城已了,見分擘街巷,脩蓋軍營、倉 上只築女牆,四面削壁。 上。● 尋令弓箭手兵士等寅夜興工, 二十八日,奏舉高端、高 續又牒本州通判、太 樓,般運 近下低 度新 糧 脩 儲 良 處 兵 草 寨

猛雨、風雹、雷電,有大霹靂一聲,於草寧州狀申稱,於五月五日申時以後忽降

固 邊、安和、安塞等寨 卿、李顯、張忠、張信等,乞與轉官。 朝廷特賜釋免。 作過,要得負累官員,爲害轉大, 場火發, 少,並各城牆 十九日,體量得環州界肅遠、馬 吏不切防慎罪狀,却慮今後沿邊 指揮,只令陪納入官,若更須令根勘 處異物蟄藏之處,多致雷火,合依邊 令觀察推官劉 ,遂牒環州立便刷 燒 却 低下,濠塹淺狹,未 稈草四千餘束。 銑 二十四日,奏舉焦 置院取勘。 那 軍 廂 馬 軍兵士,脩築 糧 草 公言 人户 轉 嶺、❷定 運 得 願 倉 牢 不 遂 乞 場 官 敕 逐 司

[●] 有「慶州之西七十里即馬嶺寨」,據改。● 「嶺」,原誤作「領」。檢《續資治通鑑長編》卷一三二記川寨」。● 照本范集所附《范文正公遺跡·西夏堡寨》亦載有「鳳熙本范集所附《范文正公遺跡·西夏堡寨》亦載有「鳳熙本范集所附《范文正公遺跡·西夏堡寨》亦載有「鳳川寨」。康

六 月初六日, 往 又 族 等,并小 差指 點集 本 鎮 體 揮 一千 遇 . 使郭慶宗齎銀椀、綵絹,走 量 族 石昌 一,各且 餘 蕃 人 官 鎮 騎 和 薛 申 待報 斷 娘等爲讐, 梁家族 之。 響相 蕃 殺 其 官 梁 屈 馬 家 都

閨 借。 村人 遣 等 賊 不 整 州 去 探 九 馬、大 了,遂 得昊賊 月 點 齊。 。 計 人 願 P 寨 集 初 十九日, 會 牒 九 蕃 城 人 如 城 、段緊 點 寧 聞 日 兵 州 親 回 州 檢 即 慶州 防 西 領 澼 急 城 通 諸 官 八萬 托 其 賊 1 判 處 中), 所 大 其 人 防 張 公 北 申 擘 户 人 候 人騎,奔往 路 差 城 去 有 探 畫 多 漢 看 戰 惑 都巡檢 焦 老 到 一, 揀 界,即 族 是 遂 具 著 西 小 帳 少 家 作 卿 損 4 界 得 事 司 稈 起 \mathbb{H} 羊 點 暫 鎮 种 , 安 柴 狀 草 遣 苗 並 集 往 戎 世 草 申, 支 排 鄉 蕃 發 衡 蕃 邠 軍

> 張 定 更時 涇 其 部 建 總 手 馬 鎮 紙 食 李 如 申,蕃 侯 丕 在 下 與 戎 遇 111 原 遇 并 人 即 寨。 · 準 諒 軍 分 路 同 定 軍 蕃 閉 鞍 寨城人口,並 令於高 往 析 領 馬 賊 西 經 韋 111 馬 賊 副 公牒 狀 南 原 軍 寨 略 被 相 \equiv 草 不 使 州 馬 蓮 稱,今月二十二 與與 Ŧi. 蕃 殺 招 料 知 葛 險 ,會合策應。 ,於二十日起 花 張 賊 討 日 上 數 懷 蕃 建 牛 又見 堡、德勝堡,見自 間 司 殺 依先降 空 賊 敏 目,奔充圍 侯策應。 羊 散 牒,今月十 一處 公文及 相 亦 即 所 向太保、 借 殺 令於 權 條 有 與 一發,計 一日早 貫 時 鎮 公令 自 探事 稈 側 (, 支與 遶 就 家 劉 戎 日 草。 -辰,到 三川 放 藏 軍人 家 夜 太 軍 鈐 軍 牧 避 號 П 張 馬 保 准 轄 軍

十月二 王 懷 + 德 八 齎 日 降 御 前 内 劄 内 子 侍 問 省 當 西 欲 頭 移 供 卿 奉 官 往

六六

附

録

十 略安撫 路既 獲千餘 定。 俱 揮 薄 一月初六日,公上言,涇原土兵 也 徙 龐 州者,慶州土兵有在涇原路者,山 十月廿八日,奏乞均定諸寨官員 與 涇 路職任,同 緝,與文彦 文彦 公分領之。 便。 ?,拋離本營,裹纏不易。 韓 逐處土兵,各令撥歸本路使唤,公私 原 甲 不諳 路,爲 時 琦 申 博 兼 是月,復置陝 渭 貫 日 ,延州、慶 帥,秦宗 州 治邊招討 練,又是邊上土兵,請 夜 涇 以處士孫 博 本 鎮 聚首,三二年間 原路經略並於涇 對 公與韓公開府涇州, 路 軍 换。 近 戎 諒 經 州 寨 使,命韓公與公及 復爲國子監直講, 帥 西 公乞依 賊 諸 主 四 慶,皆從公之請 職 馬 寨 路都部署、 公欲朝 抄 名 田 舊 , 可 州駐 掠 無 有 有 領 職 職 廷指 受微 每 期 藉]1] 在 環 田 劄, 田 而 慶 歲 平. 道 慶 招

從公與富公之薦也。

十二月,西賊 張 榜永 收 軍 人部 牒知原州景奏與當路鈴轄 取 長武 肇 救 以 人民。 領軍馬 部 興軍諸 來會合,出奇伏 路往 領 諸 入山外打并, 涇州 公又到邠州 兵 ·●計會節 州,以安衆 馬 策應。 ,於初三日 截 次 Ш 心 示示 原 向 外 李丕諒等六 州 前 發離邠 以 回 又 打 兵勢出 來 ,於鎮戎 與都 虜。 賊 州 馬 監

慶曆三年

正月辛卯、詔陝 其不便。 揮,召募沿邊少壯人爲護塞指揮,公言 期中覆 不及者,皆 西 沿 邊 便 宜 招 討 從 使 事。 韓 琦,凡 宣 命指 軍

二月己卯,保安軍狀申鄜延經略司牒,報

大可防者三。**●** 西人請和。公上言,有不可許者三,有

四 月庚申,諫官蔡襄言,伏見陝西路招 通判内一員押赴,一依宣命指 舉并就近勾抽 授恩命。二十四日,公起發往邠州,提 以西寇未寧懇辭,乞朝廷不聽 揀選,并排連人員及指畫閱教次第,并 使范仲淹、韓琦,各除樞密院 乾、耀州新 兵,請知 副 揮,重行 辭 使,並 讓 州 討

非人。公言,國子博士許元可獨倚辦。五月,江淮歲漕不給,京師乏軍儲,發運

商量定奪蓋造營房。

即 降韶 盗自息。從之。 刻害民,並與同罪。所貴生民受賜,寇 政,其舉主當議 臣中薦堪充舉主者三人,候奏到姓名 主非賢,則多謬薦。臣等欲乞聖慈特 臣等切以天下郡邑牧宰爲重,得其人 官,京師足食。辛卯,公與韓公又言 辛未, 擢 可不謹。 則致化,失其人則召亂。 逐人各賜敕一道。若將來 書,令中書、樞密院臣僚,各於朝 元 雖曾詔臣寮各舉所知,或舉 江 淮 旌賞。 兩 浙 荆 若贓汙不理,苛 湖 推擇之際,不 制 置發運判 顯有善

十月初五日,用張昷之爲河北都轉運按

范仲淹奏疏改。 者三大可防者三》並《續資治通鑑長編》卷一三五所引「大」,原形誤作「不」,據文集補編《論元昊請和不可許

0

也。 爲京東轉運按察使,從公與富公之言 《使,王 一素爲 淮 南 都 轉 運 按 察使, 沈 貌

慶 曆 四

一月,切見審官三班院并銓曹自祖宗 著,而教之於學校,則學者脩飭矣。❷ 學,數言興學校、本行實,詔 程式,則閱博者得以馳騁矣。❸ 先策論,則 考衆説,擇其便於今者,莫若使士皆土 曾公亮、王洙、孫甫、劉湜等合奏,謹 於是宋祁、王拱辰、●張方平、歐陽 編成例策施行。 書、樞密院,參酌進呈,别降敕命,各令 同共看詳,重行删定,畫一聞奏,付 院并銓曹,取索前後條 來條貫極多,乞選差臣 文辭 者留 是時,公意欲復古勸 心於治 例, 僚 就 與主 審官 亂 近臣議。 問以大 判 矣 三班 官 脩 簡 員 以

> 州縣皆立學。 義 則 執 經者不 於記 誦 矣。

專

乙亥,

詔

五月壬戌朔,公與韓琦並對於崇政殿,上

四策

六月十二日,舉元積中管勾機宜文字。 七月丙戌,韶 也。 衣甲 候。 史臺劾奏,並坐不實之罪。 名聞,議旌擢之。 察所部知州軍、知縣、縣令有治狀者以 ·器械刀槍等,自來從京支撥,多是 十三日,舉葛宗古、楊麟充閤門祗 是月,勘會河東 諸路 轉運 其或不如所舉,令御 邊 使副、提點刑獄 上所 從公奏請 闕弓弩并

- 2 0 辰傳》改。 「辰」,原誤作「臣」,據宣統本並《宋史》卷三一八《王拱 飭」,原誤作 四 七改 據宣統本並《續資治通鑑長編》卷
- 馳騁」,原誤作「聘」,據宣統本改

都作 二十七 沿路 河東轉運司,取要便出 院 損 失, ,舉差官員 日,公上言: 枉 費 脚 專監,其 乘 伏乞朝 般 産炭鉄州軍,置 載 人匠於本路 邊 廷 事 2指揮 不 逮 下

八月辛卯,命參知政事賈昌 延。 東任 郡 又 使。 蘇 名,往北界契丹處去,不知事意。 田 諸 西兵三萬 兩 初 國計 一、公領 舉 舜 州 四日,昊賊 使。 十三日,舉張子奭、張 軍 十六日, 十五日,舉夏安期充河東 元、陳榮古堪充刑 向 揀選 約,乞差 會與謀。 刑 初, 來赴江東,●乞朝廷更不 加差。 法 又舉 諸 差 事 使臣 州 , 知 十五日,奏乞那 有 張 軍 陜 利 縣 子 一道,姓 西、 害,其 每 奭 獄 河 Ŧī. 等 錢 朝領天下農 燾、張去惑 東 穀 年 五 悉 金,不得 轉運使, 人 煩 重 條 公慮 **並** 撥 赴 難 造 上。 遷 河 大 任 陜

> 造簿 泊諸 已 除 今淪落應役不得者,即與免放。 先是 并劄與逐州軍及都轉運司,及三年,便 八日,奏言:八月出榜曉示逐處人户, 奪,必是破 不能矜恤減放,第候五年造簿,方行定 以 郭 奏:臣今往陝西、河東 候三年,便於簿内注 宣撫 是 來,甚有 等 第簿, 州 重定等第。 軍 年, 韓 及 琦 人户 公體 盡 不 就 到 家 曾支付。 邊 戰 因 量 産,多爲失所之人。 其 兵 上 差 得 因 散 并人員兵士,欲乞 配 河 鑑 宣 却 差 東、陜 破 减下。 二 十 一 配 特支後,至是 撫,其沿邊 却 破 家 西 落,更不 産 其 有 自 日, 州 西 駐 即 事 縣

九月,公在并州,見都轉運 司指揮諸 州 軍

朝廷等第各賜特支。

江 東」,疑爲「河東」之誤。

0

引惹 官買 探 州 官鑄大鐵錢並依舊行使。 牒,本州更不敢施行。公又恐諸處 與 示。 錢二百萬,準運 嵐 示 處官吏不 民疑惑,發下榜示,逐 遂 訴,各是交易到大鐵錢,無 弊,纔方行下文字,便有百 場 、我,因 諸 斫 創 州申,本州 出榜并州 務 其軍 軍 争 不前 新 更不 ,或於人户係税草 競,即 州 收 何却不 能 即即 刈白 L 得 自 體 例 街 收 九月 **令** 榜 便逃走。 量 各高 草,降下萬數不少。 市, 納 到 逐 利 得 司上項指揮,尋 大 日, 處 一日支料錢 且令依 害,例各差兵士,或 行 聲 鐵 搔 用? 處 言道 以前抛下兵士、 錢 地内强行採打 公人等即出錢 擾。 曉示 時河東諸 舊 要 處 姓 官官 其 公出榜曉 得 行 使 經 軍民 轉 中 并銀 用 用 并 止 行 運 支 州 絶 逐 軍 其 賜 告 鞋 據 告 軍 司 欺

明鎬 日,西 得逐 公人 税 者 日 出 子:奉旨令公就近差人知 乞朝廷再三詳審。二十日,樞密院 之禮,須候西北收兵只行,●於體稍 首身,更不問罪,並令依舊收管。十六 前 河 群黨,驚刼人户,州縣 並 並, 榜 逃走廂禁軍人,與限一月,許於官司 已 東 一前 3曉示諸州軍,應坊郭鄉村人户,今 處 商量,舉閤門祗候張繼勳。 收 州軍,令逐 與除免,仍劄都轉運司。 令與放罪 夏楊守素赴闕,公奏乞所有 賊盗多是逃軍 帶 以 即 白 草 配 賣 數 ,各令歸業。 處出 物 目 色,或 榜招召。 並 不能禁止, 兼近 與 包二税移 麟 放 南 其元欠二 州。 免。 郊、恐 今日 公到 是月, 公與 指 封 體 便。 逃 劄 册 揮 成 憲 以 量

「只」,疑爲「方」之形誤。

十月九 乞收贖 住 散 鎬 務,不権酒利 通 東 州 火山、岢 兵,大段 並無城寨防護,人户不敢復業,遂與 十日,公到麟州,體量二 榜并劄與麟州,令百姓依舊任 十二月,権起酒利。 奉聖旨,令公相度。 差人佯作葺豐州,所貴契丹不敢占據 移 ,今來難便去管興脩。 坐 商 體 百二十餘里,並無人烟,道 往 量 耕 日,余靖 量憲 麟 府 申 作 嵐、保 省 州 奏,乞脩復 府陷破蕃界熟户百姓,依 州 得國 出 ()與土 城 奏, ,寬假邊民,自慶 得 德 池 家錢帛。 糧 乞劄 軍三處各屯兵 窄小 田 草,方可 公恐居民貧困,出 耕 城 公言: 付河 ,奏乞增修 種 寨。 州 初,麟州 是 十三日, 四 東,令彼 是月,發 豐 却 月 便開 面 减 體 曆 州 馬 邊 路 下 無 至 二年 沽。 疆 明 處 得 舊 遣 酒 不 所 正 奏 河

> 件地 界斛 恐 先 數百 居住,高築牆院,防備盗賊 經 銅 運 錢不日 語,只令作社户名目,三五十家,靠 日,奏乞朝廷支絹 置 於要路安置 略司牒,岢嵐 錢出界之弊。 軍 司,俵與岢嵐等三處博糴軍儲,急 土擘 貫,過往 斗, 儲 堡子,代州與北界相接,引惹 將盡 皆 畫。 倉 是 一, 此 北 中 商 奉聖旨,令公相度。 堡子兩三箇,然後將 界。 軍等處有閑地萬頃,乞 邊 旅 二十七日,張 糶 五萬疋,送下河 防之大弊 人 每歲計置,河 户 每 H 將 計 銅 也 出 錢 亢奏,準 接 却 東 東 銅 糴 九 11 轉 銅 公 北

十一月初五日,知 揮。 原路 修築已完,須 ,土兵充細腰城就糧,振武 藉 原州蔣偕狀 土 兵守禦。 申, 劄 蕃 細 落指 與 腰 涇 城

十二月,經 體探北 侍不 奉聖旨,令公詳明鎬所奏,相度經久利 振 挫 劄付與河 領 可不防。 其下,或 契丹與元昊戰 公人,支與係官閑田 納租錢者,并見 府,據諸縣逃官田地,勒令地分鄰人空 日,奏乞酬獎諸將功勞。 蔣偕出兵至佛空平,燒蕩族帳,种世 益梓路通 以以 環 蚵、恐其下離 州 ·得 攝 界 蕃 切切 衆心。 略 謀起事 是月, 事宜。 . 東轉 漢 判 於 司管勾何涉 兵 以以 孝 運司 不利,奉聖旨指揮,令公 燒蕩大小羊族帳 今契丹 明鎬奏募民 、欲振兵 叛, 便奉親,俾全孝道。 養, 欠 公言:自古兵家 見 ,將麟、府等州色役 即 初 ,仍免送二税。 錢數,並 7西征 别舉事,圖 有 威。 日,公舉 是月, 劄付陝 母 '在蜀 請射禁地 無功,愧見 此朝 與 除 中, 其 每 涉 + 放 有 復 衡 時 充 四 迎

事。 無 長 害 人衆 招 枝蔓追究。 之人,恐今後更不 誣告,亦且 揮,令與逐官更子細勘 着次第,多欠人債,所 揮軍人結集背 來言,有萬勝指揮 次日,有鈴 事 輕狂之人,不奈辛苦,或 孟元等來言,審勘 丁,又奉 指揮。 聞 到 照據,欲領 十六日,公自麟府 奏。 、雜色人,多有邊上已滿 ,於邊上不便,乞早降指 聖旨,令公計 臣僚又奏焦太師 又奏相 轄 决 公又奏,訪 配。 顔 孟 叛。 和 元 度 兵顔和 得 敢告事。 况未 赴營處斬。 并 司理院勘得 到 别 岢 告只 會 路 無 開 鞫實情,如委 問 曾刑害著被告 嵐 相 亂 告稱,有 實情,更不 回到岢嵐 得 耕 軍 來天池 聞 至十八日, 度 出 三年,其 禁 萬勝 使米 穩 揮 人説 語 公尋 本人 地 差替。 審 指 本 利 打 扇摇 元 指 間 揮 敢 實 並 不 指 湷 害 從 量

所舉 府 前來 北界 押賜 陝西、河東大郡通判。 可 張謨,並有才稱,宜處要務,俾臨邊事, 中允王復、太子中舍王孝和、大理寺丞 中丞范寬之馬仲 用後,犯正入己贓,臣 見太常博士趙拯、秘書丞劉 興寨駐劄防托,及令環、元州多方安 環州界。 訓練,選奇兵,備戰敵,以 + 臣 濟 九 蕃部蕃官。❷ 過官員、恐朝 僚 軍期,伏乞望朝廷速差上件官,充 事宜及邊上設備者。 醫 日,奉聖旨,差入内供奉官衛 二十日,西賊點集壯人壯馬, 無 藥至公處,●并傳宣命,公探 公劄 同罪舉官條 經略司起發軍馬,赴乾 甫徐執中杜樞、太子 二十三日,奏言: 廷未 並 例。 貼黄: 行 賜 7同罪。 分朝廷 公言:見各 施 臣出 奕馮浩、殿 行。 自來兩]使,應 如 萬 克 撫 任 切 往 候 勤

> 慶 曆 Ŧī. 年

正月十 一月,劄下并、代等路經略司、東都 免。 七日, 司,❸遍行指揮逐 有人户可以指射充替,即 年老除外,别無人丁,見今單身,乞放 狀,爲老小殘疾及年六十已上至七十, 義勇軍,習學弓弩。 如别無人户指射,即 公劄下磁州疾速體 諫議大夫。 四日, 河東轉 奏撥 運 細腰城屬環 司 育初尹開封 處,疾速 申, 與免放 是月,翰林學士吴 諸 量,尚顯等如 依 縣 出榜 施行。 條 尚顯 州。 府, 貫施 曉 轉 等陳 示 行。 運 諸

育爲

在

政

府,因白事,數與公有迕。

既

而

公

時

元」,當爲「原」字之誤,環州與原州相鄰。

⁰ 字不可省略,因補 奉」,原脱,作爲宋代官名,當爲「入内供奉官」,「奉」

東」上,當脱 一「河」字。

沮,育取可行者,固執行之。 出安撫河東,有奏請,多爲當國者所

篥城等。 三月十八日,西賊部領三千餘人,打刼篳

四月十四日,公奏乞下部署司,揀選 今來 無事 問 蕃漢 疏虞。 牒涇原路 初 却 劄寨,及逐川内各有烟火五里至七里, 蘆 將 稱來放牧 西 得 歸 河 佐、嚴行禁約。 , 便各安心, 更不驚移 亦恐如 賊 鄜 復 人户一例驚移。 用 帶, 州 本處住坐。 四月三日,新邊 謀 經略 路 牛 稱有 亦 · 羊。 打 前 是 來被 鄜 司,今後如得 西 如 其驚移 州 至時與漢兵會 賊 公言,昨往 此。 時,設 西 人 及差人探問 賊 馬 壕外檉 其 蕃漢 破蕩之時,其 此 約 、遂遭虜殺。 人户爲前 知 計 二萬 人户 河西 柵至 西 謀。 「,免致 賊 餘 得 ´, 尋 '`; 却 一,體 點 來 遂 葫 力

年未 集人馬 各歸 軍 莊 無錢 内有 敢 似 即 兵 留 看 醫治者,許本户人填替。 避 須要家人并顧人充替。又令疾苦之人 替 蔣偕 驗 田 此 許 、士年及五十已上,或疾病久遠,不堪 類,更不問年甲,便與揀停歸農,不 ,不得慢緩,免致驅 田 雇 顧 事 放。 五十 篤 召人充替施行。公十七日奏言, ,如委實是篤 袁 疾 人,深屬不便。 人,多是恐脅家間骨肉,令典賣 力之家,即可雇 知原州。 即 一,所以 已上,有碍 癈疾之類,非 官中前來許顧人承替之時, 將 蕃 不致失所 新降宣命,應係弓手、 漢人户多 疾 廢 上項宣命,諸處不 乞指 虜。 疾之類,並 人。 可詐僞者。 如本户無人, 差 初 其下等第 人起 揮 四 轉 日,奏 依 遣 運 諸 口 司

五月、歐陽脩上疏、伏見杜衍、韓琦、范仲

管撫恤,各令安歸復業。 與 量 揮 臣 賢,而不 淹、 百辟之中,親選 而 日 逐户 一相繼 一人口數目,支與貸糧。 所 麟、府二州,勘會歸業蕃漢 使群邪相賀於内, 富弼等,皆是陛 以 買 爲 而罷,天下士皆素知其可用之 聞 陛下 牛具錢本,選 其 可 ·惜也。 麗之罪。 得 此數 下素委任之臣。 四夷相賀於外,此 十五日,奏乞指 差朝 人,一旦罷去。 乞更賜指揮 陛下於千官 臣 人户,約 一員照

閏 度。 又知 五月,涇原部署司 亦 候今秋管押歸營。 東兵,那官部押赴近裏永興等處駐劄 詞 難 别 公相度上件兵士,已各年深過滿 尋 公 路 涇 口 原 並 路差使臣管押歸營。二十 减 邊 那 上 歸 恐 所奏抽减年深上京 誉,秋 禠 次奉聖旨,令公相 相 扇 間 摇 縱 别 有 事宜 有言

四日,具狀申奏。

六月十四日,奏諸軍 青、 軍。 州 勒 時 兵 駐泊都監 慶 級安心。 充長 許遷等皆 二十九日,舉譚嘉震 州 東路 行,只於舊 十七日,舉劉 巡 推 檢竹 許 此 職 頭失墜補署文帖,免 昺 名 人可用,舉昺充慶 公勤 上 降 貽 知 一等,所 膽 孫 德 勇,①狄 知鎮 順 軍 戎 貴

八月十三日, 殺, 或 楊 據 往 延州 (丹、元昊,除是天亡時則有戰争,不 守素回宥 高 面 良 面 稱 夫 計 却與漢家争些小疆 大段 申,商量立界,未定其西界, 會 聞 州 夏 朝 取 點 國 廷 覆 集 差 差 曩 軍 或 人 育去。 馬,待 定立 子博 與契丹 公言: 一疆界。 界。 士 高 臣 良 相 夏 夫 謂 又

❶ 「勤」,原誤作「勒」,據宣統本改。

虞。 馬 是 來 所 州 少 券馬,入官中賣 自來客旅收買川貨物帛等,入蕃 十三日,禁秦州博易,奏: 韓魏公奏舉李 上《攻守策》録呈,乞賜 之備,免致臨 然後元昊入寇,則 起 或二 顧 若 及阻 買 事 一路 利 依 乞朝 將 馬 端 蕃 害 舊 錢,亦收買 候 中 節 蕃 秦 連 降 廷察此 情 州 謀 客 如 條 朝 必 怨 界 旅 顧 貫施行。 是 廷 窺 時 望 顯,❶授閣 西 興 抽 兼 利 誤 伺 敗 情狀 兼 蕃 販 中 害 减 兀 事。 事 販 陝 博買 JI 一帛入 陜 原 大段 不可 蕃 西 貨, 則 親覧。 則 二十九日, 西 伏 再 馬 門祗 四路,皆 無 軍 體 乞 則 録 隔 蕃興販。 回 今後 例 戰 信憑 馬 朝 與 却 訖。 量 候。❷ 争 是月 止 往河北, 廷 路 興 韓 得 契丹先 絶, 大大 之 博 可 舉 下 糧 販 百 秦 琦 理 姓 州 爲 憂 草 券 必 易 與 所

顯充邠州都監。

九月 奏乞於 野空荒 送石 得私 大段 救 臣 素 税 誘 食 草錢帛未 護 在 不 要 蕃 盡 力屈 下 延 出 延 與 元 用 部 張 牛羊鞍 城城 州 州 與外界交易,免犯令。 孫 麟 得 元 肇 有休期,若置 州 貨 歸 孫 但 被 市 知 口 則 創 利 漢 窮 相 聞 擒 寧 戰 麟 置 馬 識 劉 困 州 就 拒 配 府 権 一,使河 平、 行貨,供河 即 賊 全州 亦 近供 場。 路 公以 不 石 不 收 日 曾 編管。 軍 元孫 東 知 得 二 十 榷 夜 退 河 本 客 走,亦 血 務 西 三則 東 路 部 戰 日, 西界 旅 公言: 初四日 供 領 、善惡。 ·; 兵 税錢 路官 軍 止 則 饋 非 府 馬 不 少 絁 招 糧 田

^{● 「}奏」,原誤作「奉」,據宣統本改。

[「]閤門」,原誤作「閣閣」,據宣統本改。

廷,不助夷狄,此禦戎之一策也 將 任用,亦且免其戮辱,少加存恤,當 該 戰 大 校等聞之,未絶向漢之心,不怨 南班近下名目,於近州安置 而 赦,却有救 降。 但有不死於王 存延州之勞。 事之罪, 一,使 縱 陷 不 又 授 累 朝 蕃 堪

十一月十一日,準 使唤。 時,即 知武藝慣熟 四路安撫司相度。公相度: 若是 均平,免有虚破官錢。 更支破添支錢。 揀選知武藝慣熟人數,不得替换,逐月 兵逐月支破添支錢,乞今後所差親兵, 僚劄子,秦鳳路部署已下,自來各破親 换,却 乞一例量支盤 已牒秦鳳路都部署司,據 恐不切閱習,因兹生疏,有誤 人數,久占在逐 樞密院劄子節文: 候巡邊 纏 錢三百文,所 奉聖旨令陝 及駐劄 官手,不 部 揀 出 署 得 却 西 貴 戰 臣

> 月支添支錢。 司親兵輪差替换,●其餘路分,更不

逐

十二月二十一日,山外德 枉遭 段賊 外堡子安泊防守,管勾耕種。 等般入壕裹居住,只量留少壯人,在壕 逐家老小在彼居住,自來累遭虜掠。 德寨壕外,各有 公牒涇原路 人,請射地 」虜掠。 馬 難以禦捍,亦須入壕裏回避,免 土耕 安撫 種 新 司,各令將老小人口 ,脩築堡子把截,并 招弓箭 順軍界靖邊、隆 手共八百餘 若遇大

道。 二年十二月辛亥落 此據富鄭公所作墓誌。 按 舊《年譜》,竄 入内都 閻 文 應 知,以昭宣使領 按閻 嶺 南 文應景 尋 死 祐 于

❶ 「司」,原誤作「手」,據上文改。

死于道 觀 月癸卯,文應卒。 應 鈐 嘉 公墓誌,竢考。 察使, 徙 轄 州 潞 防 州 禦 事 百官表》同 此 使,爲 迹, 鈴 據 轄、《百官表》同。 不 實 泰 知 録。 州 鄭 此據《百官表》。 景 鈐 公何據 未 祐 轄 嘗 四 有 年 後 也。 竄嶺南 四 兩 寶元 月 日 今姑 Z 贈邠 二年 指 改鄆 丑. 從 揮 鄭 州 九 及 文 州

(范文正公年譜》)抉誤

持「慶曆 范 仲 的 載 仲 政 淹是宋代重 茄 淹,則 治史、 仲 新 淹 政 生平 離 軍 和 不 事 一要的 抵 事 開 史,離 禦 蹟 西 政治家、軍事 范 的 夏 文正公年 不 最 而 開 基本 聞 范 王 名。 瑞 仲 的 來 家 淹 研 史

以

主

范

究

北

宋

而

研

究

籍

這

部

記

二 () 五 政事。 冑的 曾寫 部 閒 記 事實考察,可知《范譜》大約撰成於開禧(一 成後曾經過范仲淹 政治家,仕履同 不分卷,南 散 年 》等文章。 官 譜 過《重建文正 排 范 四)初。 擠 樓鑰素所景仰范仲 因 文 正公年 一二〇七)末、嘉定(一二〇八 而 正 宋 有餘 從樓氏 樓 擔 范仲 當時,樓鑰 任 鑰 暇 范 提 譜 撰 Ŧī. 公祠記 翻 淹 舉 的 世 檢群 太平 1仕履 相 樓 孫范之柔的 似 鑰 下 由 籍,編 淹 ,也曾位至參 》、《范氏 以 興 是 簡 「於受權 的 及《范譜 稱《范 或 南 人品 宫 宋 撰 校訂 復義 這 的 這 臣 政 譜 樣 樣 韓 ₹, 位 等 撰 宅 知 的 侂

在這 藉 的 助 時 代已遠,因 部 於 由 於 篇 各 樓 幅 類 鑰 不 文 生活 大的 獻 此, 的 他 的 年 記 譜 編 時 載 中,有 撰《范 代, 我 去 粗 名可 譜 范 略 ₩, 仲 統計過, 稽的 主 淹 要是 生 活 引

漏。 輯 些 譜》對范仲淹主 范仲淹事蹟 文集、奏議、尺牘等第一手資 資治通鑑 現《范譜》主要依據 范譜》已 一未註 ·本《長編》、《宋會要輯稿》等文 編撰年譜産生了 就 從徵引文獻 達二十 另一 明 具 出 長 個主要依據對象便是 處 有一定的 編》、以下簡稱《長編》), 同《范譜》校核 多 的 種 一要事 部分也是 的翔實、客觀、準 好的影 的 通 蹟 科學性,對後世 史籍 调 的 進 記 響。 如此 則 載,大致靡有遺 ___ 一過,發覺 料。 是 步 李燾 考 胤記 我將 范 此 確來看 察, 仲 外,《 包括 的《 一科學 載 現 淹 我 范 的 存 范 續 的 發

的 誤 樓 在 失 等 鑰 時 間記 誤。 原 在 因 編 而 年譜 結 撰 載 致 論 時 的 使《 的 準確性 的 屬於 范 疏 正 略 確 譜》存在 一種 以 方面要求 取決於史料的 及 編年體 分析 不 少 嚴 理 傳記 繁年 解 格 中 準確 著作, 由於 方面 料 有

> 後,一 分縷述如下。 業,省略了版本流傳方面 宋代有關文獻仔細校核了《范 約請 籍所 爲了 舊編,分爲史事紀 氏原著本身的錯誤進行的考辨。 在作《范仲淹集編年校證》以及應中 使這 ,點校《范文正公年譜》時,曾根 反 直藏於篋底,未 映 的 部 記 史實更爲準 載 范 年、詩文編年、其他 仲淹 加刊行。 確, 生 [的訛 平 事 一十多年 譜》。 誤,僅 今發: 蹟 考 的 筬 證 這 華 是 據 基 前 董 完 就 個 現 書 本 部 理 成 樓 作 存 局 我 史

史事 紀 年類

地

)明道二年譜文:

燾於《長編》卷 淹以七月安撫江淮」。 按,范仲 八月甲申,遂命公安 淹受命安撫 <u>一</u> 三 卷末自注中明言「范 江 於此已見《范譜 淮 撫 災 江 品 淮 時 間 李

仲

所記 之中,所以樓氏誤記作「八月」。 混於范仲淹請求遣使視察江淮災區的記 此事的記載 午朔,月内無 甲申「的紀 之誤 日 亦源於《長編》。 又檢之曆書 甲 未 申一日 .加以另外分行單記,而 可,明 其實、《范譜 由於《長編》對 道 年 八 影關 月 載 是 甲 於

(二)景祐二年譜文:

序》 己醜 簡稱《范集》》卷六有《朝賢送定惠大師 又,作爲第一手資料,《范文正公集》、以下 知 仲淹爲禮部員外郎、天章閣待制。」據 五 月八日,尚書員 條 按、《長編》卷一一六於景祐二年三月 閣待制,有《謝表》,見文集 文,文末范仲淹 范 載:「知蘇州、左司 仲 冬十月,除尚書禮部員外郎、 淹此次除 外郎充天章閣待制 拜繫 自署:「時 於「冬十 諫、秘閣 景 校 祐 月」誤。 此 理范 天章 詩 某 年 可

> 月的 序。」 撰文已署新 根 據這 記 官 載 「職,由 范 仲 此亦可 淹 在 景 證《范譜 祐 二年五

記作「十月」誤。

(三)景祐三年譜文:

牘。遂命崇政殿説書賈昌朝、王宗道春正月,公上太宗尹京日所判案

同編次。

次。」據此可知《范譜》將此事繫於「春正月」開封府,上太宗所判案牘,故令昌朝等編道同編次太宗尹京日押字。時范仲淹權知内載:「甲子,命崇政殿説書賈昌朝、王宗内載、「甲子,命崇政殿説書賈昌朝、王宗按、《長編》卷一一八於景祐三年二月

(四)寶元元年譜文:

誤。

冬十一月,徙知越州。

范譜》時即存異説。故樓氏於范仲淹知越按,范仲淹徙知越州的時間,在樓鑰編

所云 樓 年。 記》,范仲淹自於其上題名云:「實元二年 等無異説也。 此條無之、蓋李燾所本之國史、實録、會要 《長編》卷一二三,確於寶元二年三月丁未 祠堂序》, 知永興軍。」此足證范仲淹知 纂的《會稽掇英總集》卷十八《宋太守題名 編》的體例,凡有異説,必施注 條載:「徙 州、《長編》卻 日『實元元 集有《刻唐 州之事後,特記 綸 所 月到,康定元年四月授天章閣 蓋二年三月敕 然 舉 而 范 載《范集》卷六,文末 知潤 年知 祖 仲淹《刻 我 又檢北 先 稱二年三月丁未,當考。」 頗 生墓 越 州 如下 疑 州 范仲淹知越州。」依《長 范仲 命差除,十一 層祖 范某序」,繫元年 誌於賀監祠堂序》, 數 宋熙寧年間孔延之 語 淹原記作「實元 先 存 生 越州在實元 疑:「按,公文 語志 紀 墓 年 記 月 疑考辨。 於賀 如 待 到 樓 制 知 任。 一點 氏 移 編 檢 越 題

> 年」,而 之重文符號「々」而改成「元」字。 「一」字後 人不詳,誤以 爲 繋「元」字

(五)康定元年譜文:

韓琦並 七月己卯,公除龍 爲 陝西經略安撫 圖 副 閣 使,同管勾 直 學 士 與

都部署

司

事

載全抄《長編》。 的 閣直學士,與韓琦並 時間,當爲「五月己卯」。 按,據《長編》卷一二七,范仲 然將「五月」誤成「七月」。 爲陝西經略安撫 ^ 范譜》此 淹 除

(六)慶曆元年譜文:

是歲築大順

城

當後橋 度賊必 曆二年五 事繫於慶曆元年誤。 按《范譜》將范仲淹主持修築大順 争,]1 月 口 密遣子純 ,深在賊腹中。 庚 申條 載 祐 《長編》卷一三六於慶 與 「慶之西北馬 番 范仲淹欲城之, 將 趙 明先據其 舖 城

事

記

副

使

龍

圖

遣將密行佔 淹欲城大順,以三月十三日往柔遠寨駐紮, 此後,李燾自注 地 仲淹主持築大 十七日 引兵隨 自 大 其 順 得 後 /順 寨地。 П 云 城當 見桃 旬 日 「按,《范仲淹奏議 I城成。 又仲淹集有《三月二 在慶曆二年三月。 花》詩。」據此可知,范 是年 三月 也。」

七)慶曆二年譜文:

及宣 一徽院 三月癸丑,公請給樞密院空名 頭子各百道,以 備 賞 功。 從 宣

《長編》更爲原始的史籍《宋會要》的 頭 曆)二年正月,知慶州 可辨明。《宋會要・兵》一八之二載: 丑、《范譜》誤作「三月癸丑」。 編》卷一三五將此事記於慶曆二年正月癸 (宣及宣徽院頭子各百道,以 按、《范譜 》此記 范仲淹請給樞密院 源自《長編》。 此 備 誤 賞戦 記 由 然《長 「(慶 載 較 功。 空 亦 之

意

卿

從之。」

八)慶曆二年譜文:

等先後除拜 宗傳宣當在慶曆三年。 任者。」據此可知、《范譜》將此 韓琦、范仲淹、龐 於慶曆三年三月載:「是月,上令内 用在兩地」之旨相合。 等在 非 邊任 按、《范譜》此記有 微至,傳宣旨撫問,賜鳳茶一合。 封至傳宣,又差入 出 在 臣 一朕意 兩 . 兩地。 僚 奏聞。 地,非 傳宣:「候將來邊事 薦 ,宣諭卿知。 樞密副使、參知政事, 舉。 已韶中 出 先差入内内侍省高 籍等:候邊 擬 又令琦 議, 内 書札記 兩處錯誤。其一,仁 《長編》卷一四 是年,范仲 「兼令密舉臣僚代 亦 等密奏 西 非 頭 ·稍寧, 事 臣 供 事繫 稍寧,當 僚 奉官 此 可 奏舉 淹、 與 特 侍 於 代 班 詔 慶 傳 韓 麥 陳 卿 處 出 官 曆 琦 舜 用 邊 朕 用 諭 即 官 知

譜》一 於皇祐元年是,繫於慶曆二年則謬。 參知政事、身被讒言之後。 時正爲仁宗所倚重,而謝鳳茶時已是在 威,數蹈風波之險」等句,與《范集》卷十六 撫問賜鳳茶之事、《范譜》與仁宗傳宣 元年范仲淹知杭州時。 繫於慶曆二年,亦誤。 (謝傳宣表》中語截然不同。 范譜》於慶曆二年此 (謝賜鳳茶表》,《范譜》已將此表繫於皇 其二,又差入内西頭供奉官麥知微 事兩出。 考謝表中所云「屢觸雷霆之 處 檢《范集》卷十 審謝表首句,正 所記 此事《范譜》繋 蓋仲淹謝傳 者。 可見《范 七 事 一祐 罷 官 爲 有 百 至

九)慶曆三年譜文:

按,范仲淹初除參知政事時間、《長編》拜。甲申,以公爲陝西宣撫使。六月丁丑,除參知政事,固辭不

附

録

朔,丁丑爲十二日,甲申爲 淹爲陝西宣撫使之事、《長編》同 於慶曆三年七月丁丑。 西宣撫使繫於「六月」誤 知、《范譜》將范仲淹 朔,月内無「丁丑」、「甲申」日; 七月甲申。 卷一四二、《宋史》卷二一一《宰輔 檢之朔閏,慶曆三年六 初除參知 辭 十九日。 參政 政 後,以 七月 .卷亦 事 表》均 記 月 據 爲 丙 記 范 丙 此 記 寅 仲 陜 申 在 可

(十)慶曆五年譜文:

二月癸卯,公請以新建細腰城隸

原州。從之。

載同 路安撫使范仲淹之請也。「從干支紀日看 五月内載: 有誤,因不同史籍記録署敕、頒布之時間 甲辰 按、檢《長編》卷一五六於慶 「僅後 詔敕時間略差一、二日,一般不 「甲辰,以 「癸卯「一 日。 細腰城隸原州,從 不同史籍中凡記 曆五 ·視爲 年閏 略 四

六八〇

「則誤。 有差異。然《范譜》將「閏五月「記作「二月

(十一)皇祐元年譜文:

賞如 詩、《 廬 ,贈詩曰: 此。 風俗因君厚,文章到老 和沈書記同訪 公守杭 《與人約 日 「巢 「, 林 由不 訪 逋 林處士》。 林 隱 願仕, 處士阻 孤 山 一醇。」其 堯 o 雨 舜 公過 見寄》 贵 激 遺 其

與林 餘。 時,大謬。 詩云:「中 和 天聖六年 逋卒於天聖六年,此事在《長編》卷一〇六 麼,范仲淹與林 靖詩集》卷三,有《送 逋贈 去 按、《范譜》將范仲淹 草看 十二月丁 答之詩 林 此時林 當辨 蕭 逋交遊 寂 江 均 逋已去 款 樹,離 繋於 卯 吾 條 范仲淹寺丞》一詩。 在 廬 皇祐 與 有 世二十多 何 疊 尊 林 明 時 聊 疊 元 逋 確 呢 爲 交遊 猶 年 ? 記 摘 欣 載。 年。 知 檢《林 袁 接緒 杭 以 蔬 那 林 州 及

晏殊薦 書論朝 詩作 賦 平,天聖二年遷大理寺丞,天聖 馬 杭 仲 中 淹爲大理寺丞,與林 仲淹交往,當在天聖二年至六年間。 間爲諸生作賦數十首,俱載《范集》。 垂 句,當繫援引漢代典故隱指仲淹爲諸 憂,天聖五年寓居南京,晏殊召掌府 九九 精正 州考實》一文,有 淹 卿 與上萬言書之事。 「馬卿大才常能 大才常 與 贈答均當繫於天聖 求 林逋 政「凡萬餘言」。 ,除秘閣校理。 一年第二期。 治, 的 能 何時 交遊,筆者舊 賦 條 賦 梅 所涉及,見《浙江學刊》 梅 對 據此可 逋詩題合。 福 由此可知 召公車。」 天聖六年服除,以 官 五年 福官卑數 卑 有《范仲 數 前 知,范、林交往 上 後。 又林 林 考仲 四年 書。 上書」之 關 浦 ·逋詩 又 1 淹 生作 於 時 與 黼 上 其 母 生 范 仲 范 座

(十二)皇祐元年譜文:

爲社稷之固者莫如公,又謂公深練軍策,權三司使葉清臣言,詔問輔弼之能正月,帝御便殿,訪近臣以備御之

政

(十三)皇祐元年譜文:
語的考證爲是、《范譜》繋於「正月」不確。此月末。」李燾依據葉清臣奏對中「仲春」之此月末。」李燾依據葉清臣奏對中「仲春」之一年二月末。李燾且於此條下自注云:
一一一一一一一一一一

置義莊於蘇州。

元年」不確。 淹置義莊當在皇祐二年,《范譜》繫於「皇祐自署時間爲「皇祐二年十月」據此可知,仲接,《范集》附載仲淹所定《義莊規矩》,

一、詩文編年類

莫相羨,教子讀詩書。」

車。鼓吹迎前道,煙霞指舊廬。鄉人名登二紀餘。百花春滿路,二麥雨隨名發二紀餘。百花春滿路,二麥雨隨

或「三紀」與事實不合。作爲中國古代紀年 字差異、《范譜》將此詩繫於范 是《澠水燕談録》。然而,問題並不在於文 譜》收録外,尚見於北宋王闢之所撰《澠 第這一年是錯誤的。 燕談録》卷四。二書所録,文字略異。 「二|麥」記作「二月」等。《范譜》所本大約就 「名登」記作「登榮」,「二紀」記作「三紀」, 種方式,一紀爲十二年。 按,此詩不載於現 其 存范仲淹集。 一,詩中的「二紀 仲 詩所書二 淹進 除《范 士及 如 水

察》,二〇〇五年 夫主流精 見《宋史研究論叢》第六輯,題爲《宋代 八二卷第二號,二〇〇〇年九月。 側 之誤,我已在《宋代士大夫 淹此 佈 六年後所作。 即此 是在大中祥符 所記,范 紀」或「三紀」,當是二十四 面 .進士合格的時間不合。據《長編》卷八四 詩當是其晚年 詩當是范仲淹在及第二十四年或三十 仲淹: 神論 范仲淹を中心に》《《東洋學報》第 的進士及第合格公佈的 其二,詩中的「二月」也 八年三月。 四月)一文中指出 的 以范仲淹爲 作品 の精 綜上所 年 關於此詩繫 ·或三十六年 神世界 中心 考,知 中 的 士 文 與公 時 0 大 版 考 仲 間 年

(十五)天聖六年詩文繫年:

有《南京書院題名記》。

間,應晏殊之請,掌應天府學。樓氏據此,按,范仲淹於天聖五年、六年丁母憂期

知政 間。 未拜 知政 輔編 誤。 祐 可 能作於景 未除參政之時。 公侍郎堯佐題其榜」之句。 殿學士盛公侍郎度文其記,前參預 並 知,仲淹此文當作於陳 據 事。 年二月以 《宋宰輔編 事,明道二年罷,景祐四年拜相。 此文載《范 相之時。 年録》卷四記載,陳堯佐天聖七年除 此文之題,即 祐 而 元年 據 端 仲淹自記,此文當 即 年録》同卷又載,盛 集》卷七。 綜上所考,知仲淹此 明 明道二年至景 將 殿 此 學 文繫 士、禮 堯 文中有「今端 佐罷參政,而 據徐自明《 於天聖六年, 部 祐 作 侍 於 度 四 政 郎 於景 文只 宋宰 盛 年之 事 除 由 參 陳 明 度 參 尚 此 實

(十六)天聖八年詩文繫年:

按,此二文均載於《范集》卷九,如《范七月十二日,有《與歐静書》。 六月十五日,有《與周揆推官書》。

在後。 書》之次年。 静書》中 於同年的話 唐制書擬定書名之事。 述,爲同一 後文自署 譜》所記 與歐静書》繫於同年,實誤 」可知,《與 然據《與周 -語,並 ,前文自署其 一件事 其 ,則當致周揆書在前 時 《范譜》將《與周 、周揆推官書》當作於《與歐 云「去年秋滕子京集李 爲「七月十二日」。 ,即有關滕宗諒(子京)輯 揆 推官書》中引述《 時爲「六月十五 如果這 揆推官書》和 兩通書信 3,致歐 二文所 唐 與 日, 静 歐 静 制 書 作 李

十七)天聖八年詩文繫年:

十二月、與唐處士書

書」,又引 兀 尚 乎」等語。 年五月四 .載有《唐異詩序》,仲淹於文末自署「天聖 按,此文載《范集》卷九。《范 述此信中「崔公既没,琴不 由 日序」,並 此 可 知,仲淹作序在後,致書 於序中提及「嘗 集》卷 貽 在 兹 之

> 在前。 月日」可知,此書作年不會晚於天聖三年。 《范譜》將此信繫於天聖八年誤。 從此信所記「十二月日」、序文署「五

(十八)景祐三年詩文繫年:

有《滕公夫人刁氏墓誌銘》。

又,此誤由景祐三年無閏月,景祐四 繫於景祐三年,實爲閱讀原文時疏忽所致 此文當作於景祐四年閏四月以後。《范譜 終,……閏四月舉 中云:「時景祐之三載,明年夫人無疾 宗諒之母。 按,此文載《范集》卷十二。刁氏,爲 仲淹因宗諒之請而作此文。 而附之。」據 此 可知 年恰恰 仲 而 文 滕 淹

閏四月亦可知 (十九)景祐三年詩文繫年:

有《靈烏 減減》。

時相吕夷簡,被貶落職 按,此文載《范集》卷 _____ 知饒 仲淹 州 上 梅堯臣 書 譏

切

年正月便已離 所云「皇皇三月」不合。 事 宋 贈 祐四年三月間 八月三日 而《范譜》將 陳 録》, 以《靈 貽 其 范 烏 到任,五年正月十三日移 中「慶朔堂」條載:「公景 紹 賦 此 聖 \approx 饒 賦 年 仲 間 州任,則此賦 繫於景祐三年,便 淹 撰 同 有《范 兼考仲淹於景 題 作 文 賦 只能 正 以 答之。 公 作 與 潤 祐 鄱 於景 祐 賦 州。 陽 三年 Ŧi. 中 遺 北

(二十)景祐四年詩文繫年:

之二同年相訪丹陽郡》詩、《滕子京魏介茅山》詩、《京口即事》詩、《滕子京魏介有《潤州謝上表》、《移丹陽郡先游

潤 遺 敕命在景祐 范譜》於寶 州 事録》「慶朔堂」條載,仲淹離 任 按,據《長 已 在 元 次 四年十二月壬辰。 編》卷一二〇,仲淹 元 年 年 即 内亦明言「春正月十三 寶 元 元 年 Œ 然據《鄱 月 開 徙 + 饒 知 三日。 州,赴 潤 陽 州

> 以後。 於是年,實誤。 潤 日 州 赴 敕 潤 州。 命在 景 由 上述詩文,均作於寶元 祐四年,而 此 可知、《范譜》因 將 上述 詩 仲 文 淹 元 亦 徙 年 知

二十一)實元二年詩文繫年

有《兵部侍郎胡公墓誌銘》。

顯誤。 皆在同 年,而不當從卒年。因爲 年康定元年。 據此可知,仲淹此文當作於 日,葬於杭之錢塘縣南 則卒於寶元二年六月,「明年二月十有 按,此文載《范集》卷十二。 年。 《范譜》將此文從卒年繫年 般來說, 山 墓誌 葬年與卒年未 履泰鄉 寶元二年之次 繋 墓誌 年當 龍 井 云,胡 從 源 必 葬

(二十二)實元二年詩文繫年:

按、《范譜》此文繫年依據《范集》卷七公在越有《清白堂記》。

《會稽掇英總集》成書早於《范集》,且此文 又繫孔延之親録於清白堂,庶幾近實。 宋孔延之於熙 卷十九亦收 本文文末自署:「寶元二年月日記 范集》異:「時 録 寧間編纂的《會稽掇英總 此文,文末自署寫作 康定元年三月二十日。」 _ 時 間 然北 考 與

二十三)康定元年詩文繫年:

有《舉張問孫復狀》。

言。 府」。《長編》卷一三五慶曆二年二月辛巳 退居泰山。 郎、國子監直講。 四三二有傳。《長編》卷一三八慶曆二年十 孫復,字明復,宋代著名理學家。 條亦有「仲淹近遣本州 月載:「甲申,以泰山處 據《宋史》卷三三一本傳,「嘗仕鄜 按,此文載《范集》卷十八。 學《春秋》,著《尊王發微》十二 復,平陽人,舉進士不中, 推官張問」的記載。 士孫 復爲試校書 張問 《宋史》卷 ?,字昌 延幕

> 娶。 篇,大約本於陸淳 於康定元年,誤。 仲淹此舉狀當作於慶曆二年間。《范譜》繫 有經術,宜在朝廷。 先生非隱者也。 之,其往謝亦然。 就見之。 今丞相不以先生貧賤,欲托以子,宜因以成 猶豫,石介與諸弟子謂:公卿不下士久矣, 東,自介而下,皆以先 丞相之賢名。 李迪知其賢,以其弟之子妻之。 介執杖屨立侍左右,升降拜則扶 復乃聽。 於是,范仲淹、富弼皆言 介既爲學官,語人曰: 而 故召用之。」據此,可 增 生事復。 新意。 孔道 輔 石介有 聞復之賢 年四 復 + 名 知 復 初 Ш

(二十四)康定元年詩文繫年:

(有)《乞修京城》二札子。

爲北京。……景祐中,范仲淹知開封府,建三六於慶曆二年五月載:「戊午,建大名府按,文載《范集》卷十九。《長編》卷一

六八五

子 卒 怯, 札 仲 元 在 曰 固 夷 陽既弗及,請 淹又 都大名,示 之役,非 者 議 子 淹 於是年。 慶曆二年, 建 簡 年,誤。又《國朝諸 之一,從略)。 守 請 城 即此札子之二、從略)。」考 遽城 言 北 後 前 京 曰 從 洛 附 札 京。 仲 師, 陽 乘 洛 此 此 註 ,題爲《上仁宗論 淹 以 輿 將 陽,亡以 天下 囊 云: 識 可 之請 備 范譜》將此二札子 故仲 速修 濟河 親 瓦 者 張 急 征, ·始矣。 城 I 建之。 契丹既 虚 慶曆二年八 難 京 淹 郢 聲耳, 則 以 吕 示 城。 乞修京城二 計 契丹未易 威、必 夷 伐 及 臣 也。 故設 簡 就 仲 契 其 奏議》卷 議者多附 未足恃也。 修 謂 淹 盟 謀。 丹 使敵得 建 長 備 月上,時 , 仲 疏 將 均繋 契 北 服 敵 契 宜 日 詔 渝 丹就 京》, 札 淹 勢。 丹畏 也。 一二六 既 在 盟 仲 即 復 於 子 渡 下,仲 河 淹 城 爲 並 康 均 盟 上 此 河 宜 景 壯 言 北。 議 載 札 陜 於 定 當 亦 疏 而 建 德 事 셾

> 義 間 西 與《 四 路 長 安 以編》小 撫 沿 邊 異 招 然 討 札 使。」 子 作於 此 記 此 H 年 奏 殆 具 無 體 疑 時

二十五)慶曆元年詩文繫年:

之,非 知之不 掌 仲 成 往 身許人固 六者,非修 書 軍 已蒙收 淹 七於康定 又曰 按,此 記 節 副 充 :惟在 經 盡 夏 度 : 擇,顧 判 略安撫司 修 竦 是 亦 文載《 上者以知 士 所好, 古 歲 以 官 爲 未 不 人 元 有 . 歐 親 陜 易。 用 爲 學 所 年 范 陽 西 爲 兼 之 用 掌書記 與 六月載: 修 集 辭, 經 此 欲 人 滑 如 成 》卷十 爲 爲 略 末 盡 州 今 何 且 事者, 館 安 難。 事有 其 奇 狀 節 爾 曰 : 撫 閣 死 怪 度 「辛亥, × 招 校 士 今世 不 必 判 然 豪 必 勘。 討 雖 待 ^ 有 官 尚 俊 深 長 貧 修 或 所 慮 之 闢 復權 歐 始, 相 編 賤 士 謂 修 1: 而 陽 Ш **>** 知 共 范 林 能 爲 武 四 卷 修

此文繫於慶曆元 確繫於康定元年。 忠公年譜》亦於康定元年内記 於是年五、六月間。 使在康定元年五月, 草莽有挺特 有《答陝西安撫使范龍 修爲掌書記事。 也,宜少思焉。」考仲淹 知義 年 歐 慷慨 誤 綜上所考,知《范譜》將 陽修《居士集》卷 宋人胡柯《廬 則知 自 圖 爲陝 重之士 仲 辭辟命書》,亦明 西 淹 仲淹闢 經 此 未 略 舉 得 陵 歐 四 狀 安 出 歐 + 陽 當 撫 門 七 陽 文 作 副 下

(二十六)慶曆四年詩文繫年:

容,乃繫仲 析出,復繫於慶曆 曆二年已爲不確,又將《上吕相公書》之三 作於不同時間的《上吕相公書》籠統 成命之事。 按、《范譜》據《范集》卷九,將仲 夏六月,有《上吕相公書》。 淹懇 檢《 長 請 四年,尤誤。 編》卷一三五,除 收 口 除 其爲邠 詳 州 審 仲 觀 繋 此 淹 於慶 淹 察 書 三 爲 使 内 通

> 當毫 相公書。 此,仲淹不可能於慶曆四年六月再有致 簡已於慶曆三年三月罷相,九月致 於慶曆四年亦有抵牾。 吕 在邊上,尚未接到朝廷應允之命,而復求 兩 無 仲淹之請收回成命記在五月癸亥。 作於六月,然《長編》卷一三六已將 淹 邠 卷五、《宋史》卷二一二《宰輔表》記 命之後。 [夷簡 種記載之異,或繫因是年六月初仲淹 朝廷已允其請 上吕夷簡懇 州觀察使在慶曆二年四月己亥。 無 所形 異 仲 議。 成的。 淹 辭此任之書當在是年 此 從吕夷簡生平考察,此 ,復求之宰相吕夷簡之理。 書 但此書作於慶曆 前 云「六月 據《宋宰 日 」, 輔編年録 載, 仲淹 朝 二年 仕 似 四 可 占夷 兑 廷 月 此 頒 谏 應 仲 吕 因 則 斷 書

(二十七)慶曆四年詩文繫年:

八月辛卯,……有《上吕相公書》。

此 仲淹因自請代存。 事 撫 八於康定元年八月載。「庚戌,陝西 撤 仲 圖 數郡仰賴, 此書中有云:「張 書》之一析出 統繫於慶曆 仲 十,寓於他鄉,復言不 二十八)慶曆四年 ,乃云素不知兵。 副 换, 淹 書作於康定元 爲 淹 向吕 張 使 按 三通作 而 存,時 范 了; 如 ……先 以 仲淹 夷簡上此書 仲 前 若不主戎政所 於不 二年已爲不確,又將《上吕相 以 所 復 淹 兼 是,……(張 述、《范譜 龍 兼 年 同 繋 知 龍 知延 圖 詩文繁年 明 時 從之。」據此 於慶 延 圖 且 閣 甚 間 州,徙知 練 不久,朝廷即 吏 以 州。 直 的《上 兵 道 曆 親年八十求 學 失則大。」考張龍 據《范集 存) 律。 精 四 士 强 年,尤誤。 吕 與 延 知 編》 可知,仲淹 了,但親 延安重鎮, 相 仲 州 延 公書 《》卷九 [經略 將張 張 淹 卷 州 内徙。 議 存 年八 存 公 邊 知 安 在 審 籠 將

帥 儒。」考仲淹 道 不 没,范資政去官,次則 卒,仲淹焉有十一 籠 將仲淹三通作於不同時間的《上吕相公書 月己卯條記 同管勾都部署 後,以仲淹、 三委文帥, 書之理? 卷十一《仁宗紀》所記,是年 書》之二析出 統繫 能 期於平定,近以 成 按, 此 《績,以 於慶曆二年,此 如前 見於《長 + 尤大謬。 一無武功。 載 韓 所云當爲 ,復繫於慶曆四 所述、《范譜》據《范集》卷九已 罪 月四 琦 司 而 失 編 並 事 月四 後 日 職; 爲 審此 師 卷 范、 即 如下 陜 韓 今歸之四路,復皆用 老罷 又有《上吕相公書》。 日 仲 復 處 二 五 西 韓 琦與某貳於元帥 書 再 - 事實: 又 以 淹所云「貳 經 相 云「前則劉平 去, 向 九 年。 夏、陳分 將《上吕 略 繼罷 月吕夷簡 康 死 安撫 而更張之。 范雍 定 據《宋史》 去, 魂 元 靈 副 於元 處 相 去官 年 即 使、 陷 致 己 仲

部署 知永興 亦見 沿管勾 近以 仲 年十 徙知 》卷 慶曆 Z 儒 陜 亥條 載。 於《長編》卷 淹 司 西 指 月 師 月甲. 陜 事 涇 指 軍 都 以 附 元 老罷 三四 四 州 記載「是月梁適自陝 又《長編》卷 原路 以 資 年 部 奏《攻守二議》」,亦 而 日」之時 龐 午 应 韓 署 政 夏 去」,指夏竦徙 慶曆 籍 此見於《長編》卷一三四 條 月 部 琦 殿 兼 辣奶判 管 記 記 署 管 學 經 勾 三四 元 間 載,「今歸之四路,復 載 勾 共 司 略 鄜 年 三四 及 事 秦 安撫緣邊 永 「復以 右諫 延 $\dot{+}$ 慶 ; 仲 * 與 鳳 興 路 月 曆 路部 書 判河 軍 甲 淹 議 部 慶 元 中 夏、陳 西還 與 管勾 申 大 署 曆 年 署司 中府 云 招 此見於《長 此 條記 夫 + 司 元 知 討 環慶 書 陳 附 分 年 月 事 等使、 事 陳 慶 前 記 慶 + 甲 載 執 處

皆

曆

執

用

元

中

梁學 可 知仲 士 達 淹 於台 此 通《上吕相公書》作於慶曆元年 聽」之事 實 相 合。 綜 上 一所考,

二十九) 慶曆四 年詩文繫年 中

無

疑

同

道

淹

所云「以

罪

失職」,此

見於《

長

紀編》

卷

 \equiv

按,此狀 有《舉 載《范集》卷十 許渤簽署陝 八。 府 判 據狀 官 事 狀 中云

道, 郎。」據此 文正 知。 之高 中,遂知 舉 諱 宣 許 元 進士。 渤 間 渤 集》卷十二《秘 固 公愛 蓋聞 時 ,字仲容,其先許昌 未易 何 爲 又 其賢。 知者之少 據 潤 君 ,知許渤 重 也。 州 舉狀之題 子 嗟 ·先文正 觀 歎 病 因 未嘗 書 之。 乎 察 暇 爲潤 耶?」君對 丞許 使。 無 日 荷欲 一字饒移潤 遂 能 問 知 州 人。 君 薦 不 仲淹子 之 仲 觀 墓 人知,故 於 曰 察 知非 淹 誌 朝 日 推 之 銘 純 薦 適 官 改 所 以 天禧 彰載 人 當 當 著 相 君 君 病 范 亦 知 在 作 文 在 在 也 不 之 年 忠 行 幕 君 寶 佐

路

此

王

午

范

附

録

注

云

州

月

條

平均不合,誤。 率此狀繫於慶曆四年,與許渤及仲淹之生 定間爲陝西經略安撫副使時。《范譜》將仲

(三十)慶曆四年詩文繫年:

十二月,有《祭吕相公文》、《祭陳

相公文》。

此可知、《范譜》繋於「十二月」,顯誤。記其時,均作「維慶曆四年十一月日」。據按,二祭文載《范集》卷十。祭文首句

三十一)慶曆四年詩文繁年:

李燾 丞; 書判 拔萃科,不知江休復等何故猶以應科除官。 張伯玉、林億、閻 ,拔萃科潞 並 四於景祐元年六月内 按,此文載《范集》卷十八。《長編》卷 於此下注云:「二月乙未已罷 有《舉張伯 州 司 法参軍 玉應制科狀》。 门詢並 除 江休復爲大理 載:「丙午,以 兩 使幕職 官。」 判 寺 應

詔。 爲制舉之目,俾少卿監已上奏舉内外 不條問。 閣六論,專取六經及問時務,其史傳註 宗皇帝時,李景請依景德故事,親策賢良 言奏:國初當立三科,景德 爲有别於貢舉之制 逕除官者。」聶崇岐先生《宋代制舉考略》認 澤科、茂材異等科,總爲十科,並許 能明世之治亂有補闕政。 爲書判拔萃科非 六月,令已應科人不御試,休復蓋是不御 按《登科記》云, 言 方平、江休復、張 官,增置書判拔萃科、高蹈丘 三《選舉考》於「賢良方正」條下載。「苗昌 ,當繫宋時十科總名制科。 於是,何詠、富弼、余靖、尹洙、蘇紳、張 帝亦以 是年春詔今後更不置此 制 伯玉輩出 爲問隱奥觀其博不若 科。 科。然宋人則將此科 《文獻通考》卷三十 又韶以景 焉。」觀《通考》所 增而爲六。 袁 其所列舉之 一科、沉 布 德 衣 京 六 淪 取 疏 科。 秘 試 科 視 朝 其 草

舉狀當作於景祐元年。《范譜》繫於慶曆 編》所記其應書判 制科之一。 科之中其他科者。 人,有應賢良方正能言其諫科者,亦有應十 張 伯 玉廁 拔萃科。 此亦可證書判拔萃科 名其 據此可知,仲淹 门間 當 即 指 四 長 爲

(三十二)慶曆五年詩文繫年:

年誤。

有《邠州建學記》。

時、《范譜》繫於慶曆五年誤。 得請爲 據此可知,仲淹此文作於慶 ……予既改南陽,郡博士移書 慶曆甲辰歲,予參貳國政,……明年春,予 遂 此 文載《范集》卷七。 以 嫲 建學。 城 守,署事之三日,謁夫子 ……明年夏,厥 仲 曆 淹於文中 六年知鄧州 請爲之記。」 功告畢。 廟。 云

有《論復並縣札子》。(三十三)慶曆五年詩文繫年:

附

録

屋縣 五縣 《長編》又於卷一 仁宗之「西京河陽管界諸縣近經駛廢,頗 時間爲慶曆三年八月丁未,可知札 臣兩員監 載,「省河南府穎陽、壽安、偃 除弊十事 卷一四三載,仲淹等在慶曆三年九月條陳 於慶曆五年誤。 此札,均出 人民不便,並特令依舊「的赦 慈差中使催臣言事」,兼考仲淹除參知 也。」審此札中云「臣去年秋才入中書,蒙聖 為爲鎮。 隸 按,此文載《范集》卷十九。 河 南 酒税,仍管勾煙火公事。 T, 其 在慶 逐鎮令轉運司舉幕 府。 八日 曆 四九慶曆四年五月己醜 始用參知政事 四年。 減 徭役, 《范譜 師、緱氏、河 即 書,以及 職州縣 省 》將 范 檢《長編 並 仲 又析 此 中 縣 札 仲 政 淹 官 所 事 聞 使 條 淹 引

(三十四)慶曆七年詩文繫年:

二月,有《祭龍圖楊給事文》,有

六九

祭尹師魯舍人文》。

記其時爲「慶曆七年四月十一日」。 句 知,《范譜》將二祭文總繫於「二月」 記 其時爲「慶曆 按,二祭文均 載《范 七年三月日」,後文首 集》 卷十。 顯 由此 前 文 句 首 可

(三十五)皇祐元年詩文繫年:

湖筵上贈胡侍郎》詩。 公在杭有《過餘杭白塔寺》詩、《西

按,二詩均載《范集》卷四。檢《范

表》; 之前 又爲 陳州 月 字子正、《宋史》卷二九九 卷三有《贈餘杭唐異處士》一詩,詩 註:「時 徙 撰《代胡侍郎 時 知 知杭州者,胡姓 景祐元年,仲淹 杭 , 胡 胡侍 州 別則爲 付, 郎守餘杭。」考諸史籍,在 知 淹 州 爲 奏 唯 由 撰《代胡侍 乞録 胡 有 睦 7胡則 則 有 徙蘇 餘杭 .?傳。 於 明 人。 途經杭 州學名 郎 道二 仲淹 乞朝 仲 中 年 通 胡 州 額 自 見 四 判 則 淹

> 時,誤。 《范譜》將二詩繫於皇祐元年 之事 有《賀 致仕胡公墓誌銘》。《西湖筵上贈胡 杭 諫廢郭皇后先被貶 塔寺》詩中「遷客特依依」之句,即 表 ×, 詩題中之「胡 州,卒於寶元二年,仲 胡 同年胡則以兵部侍郎致 由此可知,二詩均 侍 郎 致 侍郎」 仕 狀 知睦州,繼 即 淹 胡 胡 當作於景祐 撰 則 則 有《兵部侍 致 仕 - 仲淹 而 一,仲淹 ^ 仕 徙 過 指 後 知 知 餘 仲 侍郎》 元年 杭州 蘇 淹 杭 寓 又 作 白 州 大 郎 居

(三十六)皇祐二年詩文繫年

有《舉李宗易向約堪任清要狀》。

八年,《范譜》爲於皇祐二年誤。李、向二人。由此可知,此舉狀當作於慶曆仲淹繫依據慶曆八年五月十四日敕文薦舉按,此文載《范集》卷十九。據舉狀云,

(三十七)皇祐二年詩文繫年:

720

狀》。

曆間。 乞録其弟。」據此 條下自注云:「朱寀九月丙寅以 賢校理曾公亮、朱寀爲 卯,韶修兵書,翰林學士承旨丁度提舉、 《長編》卷一四 講爲集賢 故朱宷所撰春秋文字及乞推恩與弟置狀 按,此文載《范集》卷十九,全題爲「進 《范譜》繫於皇祐二年誤。 反校理。 四於慶曆三年十月載"「乙 尋卒。 可知,仲淹此狀當作於慶 檢閱官。」李燾於此 范仲淹 集有奏狀, 佐著作直 集

(三十八)皇祐三年詩文繫年:

有《舉彭乘自代狀》。

敕就轉尚書户部郎中依前充職。」仲淹何時繫於皇祐三年,誤。審此狀中有云:「臣奉建。《宋史》卷二九八有傳。《范譜》將此狀按,此狀載《范集》卷十八。彭乘,字利

附

録

仲淹除 慶曆元 年四月 轉户 的 時。 仲淹 年五 仲 此亦證《范譜》繋 卷一六六載,皇祐元年時彭乘已爲翰林學 實元元 時是否轉官,然據前考證,仲淹轉户部 擅答西夏李元昊書,降授户部員外郎,時 龍圖閣直學士、吏部員 士,與仲淹舉 淹 時間只能 在 月。 墓 部 史書未載仲淹康定元年八月兼 以前。 年,彭 户 慶曆元年九月復官户部郎 年四月; 誌 郎 部郎 又據仲 一, 仲 中, 在康定元年五月以後,慶曆元 淹 史 狀 乘爲集賢校理,又據《長編 又按,據《長編》卷一二二載 中當在未降户部員外郎 爲 無 年誤 淹《耀 云 再據《長編》卷一三三載 陜 明 其 西 確 爲 外郎。 州 經 記 集賢校理也不合。 謝 略 載。 安 Ŀ 表 時 撫 然 公》,仲 爲 中。 副 據 康定 知 使 富 淹 郎 延 時 弼 可 州 之 知 中 大 撰

(三十九)皇祐三年詩文繫年:

六九三

六九四

三月,有《太子中捨上官君墓誌

名》。

月」顯誤。
作於皇祐三年四月以後,《范譜》繫於「三郡鄉崇儒里」。據此可知,仲淹此文至少當郡鄉崇儒里」。據此可知,仲淹此文至少當明確記載「皇祐三年四月葬君於濟陰縣沛明確記載「皇祐三年四月葬君於濟陰縣沛

(四十)皇祐三年詩文繫年:

有《陳乞穎亳一郡狀》。

年三月始赴青州任,此處「去冬」,當指皇祐 弱,事多遺忘,力不支持。其青州常程 自青州徙。行至徐州卒。」仲淹狀 殿學士、户部侍郎范仲淹以疾求穎 卷一七二皇祐四年五月丁卯條載,「資政 去冬已來,頓成羸老,精神減 ,,已牒通判職官發遣。」考仲 按,此文載《范集》卷十九。 淹 耗,形體 檢《 於 中 皇 州。詔 亦 《長編》 祐 云: 公 尪

《范譜》將此狀繫於皇祐三年誤。三年冬。而此狀爲皇祐四年所作則無以

(四十一)皇祐三年詩文繫年:

上書言(轉運得人許自擇知州)。

三年誤。 三年誤。 三年誤。 三年二次此奏之處註明上書時間:「慶曆三年二次此奏之處註明上書時間:「慶曆三年二於此奏之處註明上書時間:「慶曆三年二次此奏之處註明上書時間:「慶曆三年二次此奏之處註明上書時間:「慶曆三年法

三、其 他

(四十二)譜前

丁丑,以辛丑時生。字希文,端拱二年已丑八月癸酉二日文正公即書記第三子也,諱仲淹,

十九日生」,知二二下當脱「十九」二字。 參知政事范仲淹生日韶》題下注云「八月二 丑乃二十九日,檢宋祁《景文集》卷三二《賜

四十三)天聖六年記事:

又《奏乞王洙充南京講書狀》。

録,可證仲淹此狀確繫代晏殊而作。 聖六年薦舉王洙充應天府書院説 爲秘閣校理。仲淹此狀當作於入朝之前。 應天府學。天聖六年,又因晏殊之薦,入朝 仲淹此狀,當繫代晏殊所作。天聖五年,仲 題内尚有「代人」二字、《范譜》省去,誤。 淹丁母憂期間,應知應天府晏殊之請,出掌 宋會要輯稿•崇儒》二之三恰有晏殊於天 按,此文載《范集》卷十八。 然此文標 書之記 考

四十四)明道二年記事:

按,據《宋史》卷十《仁宗紀》、《長編》卷 是年三月甲子,太后崩。

> 譜》將「甲午」「記作「甲子」,當係形近而誤。 甲午。檢是年三月丙寅朔,月内無「甲子」 日,甲午爲三月二十九日。 一一二所記、莊獻太后崩於明道二年三月 據此可知、《范

八景祐三年五月丙午條,然將李紘之官職 (四十五)景祐三年記事: 學士李紘、集賢校理王質出郊餞飲之。 朝士畏宰相,無敢過公者,獨龍圖閣直 按、《范譜》此記實抄自《長編》卷一一 (五月)遂罷黜,落職知饒 州。

時

四十六)寶元二年記事:

「天章閣待制」誤作「龍圖閣直學士」。

其黨楊守素之謀,築壇受册,僭號始受 馬三千人迭直,僞號六班直。 分統其衆,總十五萬。又選豪族善弓 英武興法建禮仁孝皇帝」。 (元昊)又置十八監軍司,委酋豪 至是,用

《太平治跡統類》卷七《康定元昊擾邊》、《宋 史》卷四八 文》卷七、《東都 二,「三千人迭直「、《長編》同卷記作「五 興慶府七 番、回紇; 賀蘭駐 慶、鎮戎、原州; 左廂宥州路五 州、羅洛、天都、惟精 文英武興法 仁孝皇帝」,據《長編》卷一二二、《宋史全 人迭直」。其三,僭號始受「英武興法 鄜、延、麟、府,右廂甘州路三萬 七萬人,以備契丹,河南 軍司,委酋豪分統其衆。自河北至臥羅 力十八監軍司 一二〇景祐四年十二月末載:「置十八 按,《 萬 范譜》此記數誤。 五 建禮 人爲 總十五萬 夏國傳》,元昊僭號當爲 事略》卷一二七《西夏傳 兵 仁孝皇帝」。 鎮 守。 五 山等五萬人、以備環、 萬 人爲誤。 總三十餘 人,靈州五萬 洪州、白豹、安鹽 其一 人,以 萬人,以 ,記西夏 《范譜 長 《萬。」其 紀編》 備 建 》將 禮 千 西 備 監 Ш 卷 兵

《長編》卷一三五及《范集》卷十六《寶安、《范譜》此記亦存數誤。其四十七)慶曆二年記事:(四十七)慶曆二年記事:

使。

日。 《長編》卷一三五及《范集》卷十六《讓 籍。其二,據《長編》,此次除拜 四月甲戌朔,月内無癸亥日,己亥爲二十六 月己亥」、《范譜》作「四月癸亥」亦誤。 使三表》所記,仲淹所除爲「邠州管係 時 其一, 間 爲「 是 觀 年 龐 據 兀

(四十八)慶曆二年記事:

討使。 諫議大夫、鄜延路都部署、經略安撫招 十月辛亥,以公爲樞密直學士、右

《范譜》記作「鄜延路都部署」誤。辛亥條所記,仲淹所除爲「環慶路都部署」,按,據《長編》卷一三八慶曆二年十月

《儒藏》精華編惠蒙善助,共襄斯文,謹列如左,用伸謝忱。

本焕法師

壹佰萬元

壹佰萬元

智海企業集團董事長 馮 建新 先生

NE·TIGER 時裝有限公司董事長 張志峰先生

付

剛先生

北京天創盛世數碼科技有限公司董事長

周

洲先生

拾萬元 伍拾萬元

壹佰萬元

北京大學《儒藏》編纂與研究中心

本册責任編委 谷 建本册 審稿 人 張忱石

